

श्री राम चरित मानस

प्राचीनतम प्रतियों की सहायता से निर्धारित पाठ

और पाठांतर युक्त

संपादक

माताप्रसाद गुप्त, एम्. ए., डी. लिट्.

लेक्चरर, हिंदी विभाग, प्रयाग विश्वविद्यालय

प्रकाशक

साहित्य कुटीर, प्रयाग

प्रकाशक
शार्लिप्राम गुप्त
साहित्य कुटीर
१६२, ऐलेनगंज,
प्रयाग

प्रथम संस्करण, १९४६
मूल्य साधारण कागज पर ६)
रंगीन विशेष कागज पर ७)

मुद्रक
जगतनारायण लाल
हिन्दी साहित्य प्रेस
प्रयाग

पूज्य गुरु
श्री डा० धीरेन्द्र वर्मा, एम्० ए०, डी० लिट्० (पेरिस)
की सेवा में
सादर और सस्नेह
अर्पित

प्रस्तावना

गोस्वामी तुलसीदास का 'राम चरित मानस' भारतीय साहित्य का एक सर्वश्रेष्ठ ग्रंथ मात्र नहीं है, बल्कि उत्तर भारत की वर्तमान संस्कृति की सत्र से प्रमुख आधार-शिला है। पिछले तीन सौ वर्षों में भारतीय विचार-धारा को जितना इस कृति ने प्रभावित किया है, उतना किसी अन्य ने नहीं। समाज के सभी अंगों को इसने अभूतपूर्व बल और जीवन प्रदान किया है। परिणामस्वरूप इस ग्रंथ को अप्रतिम लोकप्रियता भी प्राप्त हुई है—देश में मुद्रणकला के प्रचार के साथ इस के सहस्राधिक संस्करण तो प्रकाशित हुए ही हैं, इसके पूर्व भी इसकी अगणित हस्तलिखित प्रतियों ने भारतीय जनसमुदाय की मानसिक और आध्यात्मिक पिपासा दूर की है।

इतने विभिन्न संस्करणों और प्रतियों के पाठों में यदि अंतर मिलता है तो वह स्वाभाविक है। जब-तब विद्वानों ने इन विभिन्न पाठों की सहायता से ग्रंथ का संपादित पाठ प्रस्तुत किया है, और उनके इन प्रयासों से निस्संदेह उपकार हुआ है—ग्रंथ की पाठ-विकृति रुक गई है, और सामान्य पाठक में भी ग्रंथ के ग्रामाणिक पाठ के जानने और समझने की उत्कंठा जागृत हो गई है। फिर भी ग्रंथ के पाठ की जो मुख्य समस्या है, वह बनी हुई है—और वह यह है कि इन विभिन्न पाठांतरों के बीच में से होते हुए स्वतः रचयिता के पाठ के अधिक से अधिक निकट किस प्रकार पहुँचा जा सकता है, और जो पाठांतर-बाहुल्य मिलता है उसका अधिक से अधिक संतोषजनक रूप में समाधान किस प्रकार किया जा सकता है।

गोस्वामी तुलसीदास का विशेष अध्ययन प्रस्तुत संपादक का पिछले उन्नीस वर्षों का विषय रहा है, और इस संपूर्ण अधि में गोस्वामी जी की कृतियों—और विशेष रूप से 'राम चरित मानस' के पाठ के विषय में उपर्युक्त समस्या उसके सामने रही है। ऐसा नहीं है कि अन्य संपादकों के सामने यह समस्या नहीं रही है, किंतु उन्होंने इसे जिस प्रकार सुलझाया है उससे प्रस्तुत संपादक को संतोष नहीं हुआ है। इसीलिए उसे प्रस्तुत प्रयास की आवश्यकता प्रतीत हुई है।

‘रामचरितमानस’ का पाठ प्रायः निम्नलिखित प्रकार से प्रस्तुत किया जा सकता है :

(१) संपूर्ण ग्रंथ के लिए किसी एक प्रति का पाठ लेकर—अधिक से अधिक लिखावट की भूलों का मार्जन करते हुए,

(२) किन्हीं विशेष कांडों के लिए किन्हीं विशेष प्रतियों के पाठ और शेष के लिए किसी अन्य प्रति या संपादित संस्करण का पाठ लेते हुए,

(३) संपूर्ण ग्रंथ के लिए एक से अधिक प्रतियों या संपादित संस्करणों के पाठ लेकर जहाँ पर जो पाठ ठीक ज्ञात होता है उसको ग्रहण करते हुए, और

(४) संपूर्ण ग्रंथ के लिए समस्त वहिर्साक्ष्य और अंतर्साक्ष्य का विश्लेषण करके निकाले हुए व्यापक सिद्धांतों का अनुसरण करते हुए।

ये सभी प्रणालियाँ काम की हैं, किंतु किन परिस्थितियों में किससे संतोषजनक परिणाम निकल सकता है यह संक्षेप में समझ लेना चाहिए।

पहली प्रणाली से प्राप्त पाठ तभी संतोषजनक होगा जब कि आधारभूत प्रति स्वतः कवि-लिखित हो, अथवा उस प्रति की कोई ऐसी प्रतिलिपि हो जिसे सतर्कता के साथ मूल प्रति के अनुसार तैयार किया गया हो। किंतु यह कहने में मुझे संकोच नहीं है कि निश्चित रूप से इस प्रकार की कोई प्रति अभी तक नहीं ज्ञात हो सकी है, और इसलिए इस प्रणाली का आश्रय ग्रहण करने पर भय यह हो सकता है कि संपादित पाठ कवि के पाठ से दूर जा पड़े।

दूसरी प्रणाली से प्राप्त पाठ भी तभी संतोषजनक होगा जब कि विभिन्न कांडों की प्रतियाँ कवि-लिखित या उनकी समकक्ष हों, अन्यथा जितनी शाखाओं की प्रतियाँ होंगी, उतनी ही शाखाओं के पाठ मूल पाठ में आ मिलेंगे।

तीसरी प्रणाली के द्वारा कवि के पाठ के अधिक से अधिक निकट तभी पहुँचा जा सकता है जब कि ‘ठीक’ पाठ का निश्चय केवल अपनी सुरुचि या कल्पना का आश्रय लेते हुए न किया जावे, बल्कि प्रमुख रूप से वहिर्साक्ष्य और अंतर्साक्ष्य का आश्रय लेते हुए किया जावे, और अपनी सुरुचि या कल्पना को इन दोनों का संयोजक और

अनुवर्ती बनाया जावे। इस बात को किंचित् और स्पष्ट करने की आवश्यकता है।

वहिसर्गाद्य से तात्पर्य है वह प्रकाश जो पाठ-समस्या पर विभिन्न प्रतियों से प्राप्त होता है। अंतर्साक्ष्य से तात्पर्य है वह प्रकाश जो पाठ-समस्या पर कवि की विचार-धारा, प्रसंग की आवश्यकता तथा कवि की भाषा और शाब्दिक प्रयोग आदि की प्रवृत्तियों से पड़ता है। और, अपनी सुरुचि या कल्पना को इन दोनों का संयोजक और अनुवर्ती बनाने का आशय यह है कि उसे इन दोनों—अर्थात् वहिसर्गाद्य और अंतर्साक्ष्य—की परिधियों के केंद्र में रखते हुए ऐसे सिद्धांतों का अनुसरण किया जावे जो दोनों के अंतर को यथासंभव दूर कर सकें। किंतु, इतना सब होने पर तीसरी प्रणाली ही चौथी प्रणाली बन जाती है। यदि इन प्रणालियों में इतनी सतर्कता से कार्य न लिया गया तो ग्रंथ का पाठ कवि का न होकर संपादक का हो सकता है।

प्रथम तीन प्रणालियों पर प्रयास किए जा चुके हैं—उदाहरण के लिए श्रावणकुंज, अयोध्या की प्रति के अनुसार प्रस्तुत किए गए बाल कांड के, और राजापुर की प्रति के अनुसार प्रस्तुत किए गए अयोध्या कांड के कुछ संस्करण, रघुनाथदास, बंदन पाठक और कोदव-राम के संपूर्ण ग्रंथ के संस्करण—जिनका परिचय आगे मिलेगा—पहली प्रणाली के हैं; श्री विजयानंद त्रिपाठी का भारती भंडार का संस्करण, और श्री नंददुलारे वाजपेयी का 'कल्याण' के 'मानसाङ्क' के रूप में प्रकाशित गीता प्रेस का संस्करण दूसरी प्रणाली के हैं, और काशी से प्रकाशित भागवतदास खत्री का संस्करण तीसरी प्रणाली का है। चौथी प्रणाली पर अभी तक कोई संस्करण नहीं प्रस्तुत किया गया है। प्रस्तुत संपादक का प्रयास इसी चौथी प्रणाली का है। कवि की स्वहस्तलिखित या उसकी समकक्ष प्रतियों के अभाव में यही एकमात्र प्रणाली रह जाती है जिसकी सहायता से कवि के पाठ के अधिक से अधिक निकट पहुँचने का प्रयास किया जा सकता है।

इस प्रणाली पर जो कार्य प्रस्तुत संपादक ने किया है, वह इतना विस्तृत है कि उसको एक स्वतंत्र ग्रंथ के रूप में प्रस्तुत करने की आवश्यकता हुई है। 'रामचरितमानस का पाठ' नाम से वह ग्रंथ प्रेस में है, और शीघ्र प्रकाशित होगा। यह संस्करण उसी में प्रस्तुत किए गए पाठानुसंधान के अनुसार है। यहाँ पर केवल कुछ

अत्यंत स्थूल बातों का उल्लेख किया जा रहा है। इन समस्त बातों का पूरा विवरण उक्त 'रामचरितमानस का पाठ' नामक ग्रंथ में मिलेगा।

'राम चरित मानस' की जो प्रतियाँ अभी तक देखने में आई हैं, वे पाठसाम्य की दृष्टि से चार शाखाओं में विभक्त की जा सकती हैं। इन चारों शाखाओं की जिन प्रतियों का आधार लेकर यह कार्य किया गया है, उनका उल्लेख नीचे किया जा रहा है। प्रस्तुत पुस्तक की पादटिप्पणियों में पाठांतरों का निर्देश करते हुए उन शाखाओं और प्रतियों के लिए जिन संकेतों और संकेत-संख्याओं का उपयोग किया गया है, वे नीचे उनके साथ बाएँ सिरे पर हैं।

प्र० : प्रथम शाखा

(१) : सं० १७२१ वि० की प्रति—जो भारत कला भवन, काशी में है। इसका अयोध्या कांड प्राप्त नहीं है। पाठ में संशोधन स्वच्छंदता-पूर्वक किया गया है।

(२) : सं० १७६२ वि० की प्रति—जो नागरी प्रचारिणी सभा काशी के भूतपूर्व पुस्तकाध्यक्ष स्वर्गीय पं० शंभुनारायण चौबे के संग्रह में थी, और उन्हीं से उपयोग के लिये प्रस्तुत संपादक को प्राप्त हुई थी। यह उपर्युक्त सं० १७२१ वि० की प्रति की प्रतिलिपि मात्र प्रमाणित हुई है।

द्वि० : द्वितीय शाखा

(३) : छक्कनलाल की प्रति—जो सं० १६१६ से १६२१ वि० के बीच महामहोपाध्याय स्वर्गीय पं० सुधाकर द्विवेदी के पिता पं० कृपालु द्विवेदी की लिखी हुई है, और उन्हीं के वंशधरों के पास है। इस प्रति में भी पाठ-संशोधन स्वच्छंदता-पूर्वक किया गया है।

(४) : रघुनाथदास की प्रति—जो यद्यपि इस समय अप्राप्त है, किंतु जिसके अनुसार सं० १६२६ वि० में काशी से ग्रंथ का एक संस्करण प्रकाशित हुआ था। भागवतदास खत्री के संस्करण की तुलना में उस संस्करण के पाठभेद उपर्युक्त पं० शंभुनारायण चौबे ने अपने 'रामचरितमानस के पाठभेद' शीर्षक एक अत्यंत उपयोगी लेख में प्रकाशित किए थे। प्रस्तुत कार्य में इन्हीं प्रकाशित पाठभेदों की सहायता ली गई है।

(५) : बंदन पाठक की प्रति—जो यद्यपि इस समय अप्राप्त

है, किंतु जिसके अनुसार सं० १६४६ वि० में काशी से प्रकाशित 'राम चरित मानस' के एक अन्य संस्करण के भी पाठभेद उपर्युक्त प्रकार से चौबे जी ने प्रकाशित किए थे। प्रस्तुत कार्य में इन्हीं प्रकाशित पाठभेदों की सहायता ली गई है।

(५अ) : मिर्जापुर की दो प्रतियाँ—एक सं० १८७८ वि० की जो लेखक के संग्रह में है, और दूसरी सं० १८८१ की प्रति जो कोतवाली रोड, मिर्जापुर के बाबू कैलाशनाथ के पास है। इनका पाठ प्रायः एक ही है—केवल दूसरी प्रति का बाल कांड अप्राप्य है।

तृ० : तृ ती य शा खा

(७) : कोदवराम की प्रति—जो इस समय अप्राप्य है, किंतु जिसके अनुसार सं० १६५३ वि० में और पुनः सं० १६६५ वि० में श्री वेङ्कटेश्वर प्रेस, बम्बई से 'राम चरित मानस' के संस्करण प्रकाशित हुए थे। प्रस्तुत कार्य में सं० १६६५ वि० के संस्करण का उपयोग किया गया है।

च० : च तु र्थ शा खा

(६) : सं० १७०४ वि० की प्रति—जो श्री काशिराज के संग्रह में है।

(६अ) : सं० १६६१ वि० की बाल कांड की प्रति—जो श्रावण-कुंज, अयोध्या में है। यह प्रति सं० १६६१ वि० की मानी जाती आ रही है—मैंने स्वतः अब तक अपने ग्रंथों और लेखों में इस तिथि का उल्लेख किया है, किंतु यह वास्तव में '६' की संख्या को '६' में परिवर्तित करके इस प्रकार कवि के जीवन काल की बनाई गई है। इस प्रति में भी पाठ-संशोधन स्वच्छंदता-पूर्वक किया गया है।

यहाँ पर यह बतला देना आवश्यक होगा, कि एक तो १६६१ तथा १७०४ की प्रतियों में निकटतम पाठसाम्य है, और वे न केवल एक शाखा की हैं वरन् एक ही मूल प्रति की दो प्रतिलिपियाँ हैं, यह भली-भाँति प्रमाणित हुआ है। दूसरे, इन दोनों का प्रतिलिपि-संबंध प्रथम शाखा की १७२१-१७६२ की प्रतियों से भी प्रमाणित हुआ है, और वह इस प्रकार का है कि १६६१ तथा १७०४ की प्रतियाँ जिस मूल की प्रतिलिपियाँ हैं वह अथवा उसका कोई पूर्वज और १७२१ की प्रति अथवा उसका कोई पूर्वज किसी ऐसी आदिम मूल प्रति की

प्रति-लिपियाँ थीं जो निश्चित रूप के कवि-लिखित नहीं कही जा सकती हैं।

(८) : बाल कांड की एक प्रति—जो सं० १६०५ वि० की है, और हिंदू सभा, मुँगरा बादशाहपुर, जिला जौनपुर के पुस्तकालय में है।

अयोध्या कांड की सुप्रसिद्ध राजापुर की प्रति—जिसके अंत में कोई पुष्पिका नहीं दी हुई है।

अरण्य कांड की एक प्रति—जो मिर्जापुर-निवासी श्री हरिदास दलाल के पास है, और जो यद्यपि पुष्पिका में सं० १६४१ वि० की बताई गई है, किंतु प्रामाणिक रूप से उक्त तिथि की नहीं मानी जा सकती है।

सुंदर कांड की एक प्रति—जो प्रस्तुत संपादक को बहोरिकपुर, परगना मुँगरा, जिला जौनपुर के स्वर्गीय पं० धनंजय शर्मा से प्राप्त हुई थी, और जिसकी पुष्पिका में दी हुई सं० १८६४ की तिथि के '८' को '६' बना कर प्रति को कवि के जीवन-काल की बनाया गया है।

लंका कांड की दो प्रतियाँ—जो प्रस्तुत संपादक को उपर्युक्त स्व० धनंजय शर्मा से प्राप्त हुई थीं, और जिनमें से एक की पुष्पिका में दी हुई सं० १८६७ वि० की तिथि के '८' को '६' बना कर प्रति को वास्तविक समय से २०० वर्ष और पूर्व की बनाया गया है, और दूसरी की पुष्पिका में दी हुई सं० १८०२ की तिथि के '८' को '७' बना कर प्रति को वास्तविक से १०० वर्ष और पूर्व की बनाया गया है।

उत्तर कांड की एक प्रति—जो प्रस्तुत संपादक को उपर्युक्त स्व० धनंजय शर्मा से प्राप्त हुई थी, और जिसकी पुष्पिका में दी हुई सं० १८६३ वि० की तिथि के '८' को '६' बनाकर उसे २०० वर्ष और प्राचीन बनाया गया है।

ऊपर की शाखाओं में परस्पर पाठ-विषयक कितना अंतर है, इसका अनुमान इसी से किया जा सकता है कि प्रथम शाखा की (१)-(२) और चतुर्थ शाखा की ऊपर बताई गई उसकी निकटतम प्रतियों (६)।(६अ) भी प्रायः १००० स्थलों पर पाठभेद है, प्रथम और तृतीय शाखाओं में भी पाठभेद प्रायः इतना ही है, और प्रथम और द्वितीय शाखाओं में पाठभेद प्रायः इसका आधा ही होगा। इस अंतर का समाधान किस प्रकार किया जा सकता है, और इस विशाल पाठभेद के बीच से कवि के पाठ को किस प्रकार निकाला जा सकता है, ग्रंथ के पाठ-निर्धारण की सबसे टेढ़ी समस्या यही है।

इन विभिन्न शाखाओं के पाठों की वहिसर्वाक्ष और अंतर्साक्ष के अनुसार सम्यक् परीक्षा के अनंतर ज्ञात हुआ है कि यद्यपि विभिन्न शाखाओं के सब के सब पाठभेद किसी समाधान-क्रम में नहीं रक्खे जा सकते, फिर भी एक महत्वपूर्ण संख्या इनमें ऐसे पाठभेदों को है जो एक समाधान-क्रम में रक्खे जा सकते हैं, और यह है पाठ-संस्कार-क्रम, जिससे यह मानना पड़ेगा कि इस पाठभेद का एक मुख्यतम कारण किसी के द्वारा किया गया पाठ-संस्कार का प्रयास है। एक उदाहरण से यह बात स्पष्ट होगी। बाल कांड में पाठभेद के मुख्य स्थल ३५७ हैं। इनमें से २७८ स्थलों पर जो पाठभेद है, उसमें किसी प्रकार का क्रम या शृंखला नहीं है, किंतु शेष ७९ पर वह पाठ-संस्कार-क्रम दिखाई पड़ता है। प्रथम शाखा का पाठ इस दृष्टि से सब से पूर्व का पाठ ज्ञात होता है। उसकी तुलना में उपर्युक्त ७९ में से ३८ स्थल ऐसे हैं जिनका उत्कृष्टतर पाठभेद द्वितीय, तृतीय, तथा चतुर्थ शाखाओं में, २३ स्थल ऐसे हैं जिनका उत्कृष्टतर पाठभेद तृतीय और चतुर्थ शाखाओं में, और १८ स्थल ऐसे हैं, जिनका उत्कृष्टतर पाठभेद केवल चतुर्थ शाखा में मिलता है। प्रायः इसी ढंग की विशेषता शेष कांडों के पाठभेदों में भी दिखाई पड़ती है।

यहाँ जो 'उत्कृष्टतर' शब्द का प्रयोग किया गया है, उसके विषय में इतना ही और कहने की आवश्यकता है कि उत्कृष्टतर होने के साथ-साथ वह कवि प्रयोगसम्मत भी है, और इसलिए यह पाठ-संस्कार स्वतः कवि-कृत ज्ञात होता है। फलतः इस दृष्टि से देखने पर ऊपर की प्रथम, द्वितीय, तृतीय, और चतुर्थ शाखाएँ—यद्यपि किंचित् विकृत रूप में—ग्रंथ के पाठ-संस्कार की क्रमशः प्रथम, द्वितीय, तृतीय और चतुर्थ स्थितियाँ भी प्रस्तुत करती हैं।

इस स्थिति-क्रम के स्वीकृत किए जाने पर पाठ-निर्णय के विषय में नीचे लिखे स्थूल परिणाम आवश्यक हो जाते हैं :—

(क) जिन स्थलों पर प्रथम शाखा और चतुर्थ शाखा में पाठ एक ही मिलता है, किंतु बीच की शाखाओं में उससे भिन्न मिलता है, वहाँ पर बीच की स्थितियों के लिए भी वही पाठ स्वीकृत किया जाना चाहिए जो प्रथम और चतुर्थ शाखाओं में मिलता है, और अन्य पाठों को अस्वीकृत करना चाहिए। इस विषय में इतना और देख लेना होगा कि जिन स्थलों पर प्रथम शाखा और चतुर्थ शाखा का इस प्रकार

का पाठसाम्य केवल (१)-(२) तथा (६)।(६अ) का पाठसाम्य है, वहाँ पर वह केवल दोनों समूहों में ऊपर बताए गए घनिष्ठ प्रतिलिपि-संबंध के कारण तो नहीं है।

(ख) जिन स्थलों पर प्रथम शाखा और चतुर्थ शाखा एक दूसरे से भिन्न पाठ देती है, वहाँ पर सामान्यतः प्रथम शाखा का पाठ एक छोर का और चतुर्थ शाखा का दूसरे छोर का मानना होगा।

(ग) जिन स्थलों पर चतुर्थ शाखा का पाठ बीच की किसी शाखा से इस प्रकार मिलने लगता है कि पूर्ववर्ती पाठ उसके और चतुर्थ शाखा के बीच में नहीं मिलता, वहाँ पर यह मानना होगा कि उक्त भिन्न पाठ संस्कार-क्रम में उक्त स्थिति से प्रारंभ होता है।

प्रस्तुत संस्करण में ऊपर की चारों शाखाएँ ही नहीं चारों स्थितियों के भी पाठों का नियोजित रूप प्रस्तुत किया गया है। मूल में चतुर्थ स्थिति का पाठ देते हुए, पाठभेद वाले स्थलों पर पाद-टिप्पणियों में चारों स्थितियों के पाठ दिए गए हैं। प्रत्येक स्थिति के लिए स्वीकृत पाठ उक्त शाखा का संकेताक्षर देते हुए दिया गया है, और अस्वीकृत पाठ प्रतियों का निर्देश करते हुए चौकोर कोष्ठकों में दिया गया है। जहाँ पर किसी स्थिति का पाठ पूर्ववर्ती स्थिति का स्वीकृत पाठ ही है, वहाँ पर उक्त पाठ के स्थान पर उक्त पूर्ववर्ती स्थिति की शाखा का संकेताक्षर मात्र दिया गया है। निम्नलिखित उदाहरण से यह बात स्पष्ट हो जावेगी।

मूल में पाठ दिया गया है:—

चिदानंद सुखधाम सिव बिगत मोह नद काम । (वाल० ७५)

यह पाठ चतुर्थ स्थिति का है। पादटिप्पणी में 'काम' शब्द के पाठ के विषय में निम्नलिखित सूचनाएँ हैं :

प्र० : काम [(१) : मान] द्वि०, तृ० : प्र० । च० : प्र० [(६) (६अ) : मान]।

इस सूचना का आशय यह है कि प्रथम स्थिति के लिए 'काम' पाठ स्वीकृत किया गया है; (२) में 'मान' पाठ अवश्य मिलता है, किंतु (२) का यह पाठ स्वीकृत नहीं किया गया है, क्योंकि वह जिस प्रति की प्रतिलिपि है, उस (१) में पाठ 'काम' है। द्वितीय तथा तृतीय स्थितियों में भी प्रथम स्थिति का स्वीकृत पाठ ही है। चतुर्थ स्थिति में भी 'काम'

पाठ स्वीकृत किया गया है, क्योंकि पूर्व की स्थितियों का यह पाठ चतुर्थ शाखा की एक प्रति में मिलता है, यद्यपि उसकी सब से प्रमुख और प्राचीन प्रतियों (६) तथा (६अ) में 'मान' पाठ मिलता है। यदि प्रथम स्थिति का स्वीकृत और द्वितीय और तृतीय स्थितियों का एकमात्र पाठ 'काम' चतुर्थ स्थिति की किसी भी प्रति में न मिलता, तो 'मान' पाठ को इस दृष्टि से देखने की आवश्यकता होती कि वह पाठ-संस्कार की भावना से कवि द्वारा प्रस्तुत किया गया तो नहीं है। (६) और (६अ) एक ही मूल की प्रतिलिपियाँ हैं, इसलिए इन दोनों का प्रमाण भी वस्तुतः एक ही प्रति का प्रमाण हो जाता है, और यह अनुमान किया जा सकता है कि मूल की भूल दोनों प्रतियों में आ सकती है।

इन पाठभेदों का कवि की विचारधारा, प्रसंग तथा कवि-प्रयोग आदि के अनुसार विवेचन मेरे 'रामचरितमानस का पाठ' नामक उक्त ग्रंथ में मिलेगा।

इस प्रसंग में इतना ही और कहने की आवश्यकता है कि प्रथम तीन शाखाओं के प्रायः समस्त स्थलों के पाठभेद पादटिप्पणी में दिए गए हैं, किंतु चतुर्थ शाखा की (८) संख्यक प्रतियों के उन स्थलों पर के पाठभेद नहीं दिए गए हैं जिनके विषय में (६) (६अ) का पाठ अन्य शाखाओं के पाठ से अभिन्न है, क्योंकि (८) संख्यक प्रतियाँ—जिनमें राजापुर की भी प्रति है—बड़ी असावधानी के साथ लिखी गई हैं, और—कदाचित् राजापुर की प्रति के अतिरिक्त—सभी बहुत पीछे की भी हैं। इसी प्रकार चतुर्थ शाखा की किसी प्रति में पाई जाने वाली ऐसी अतिरिक्त पंक्तियाँ भी नहीं दी गई हैं जो उस शाखा की ही अन्य प्रतियों में नहीं पाई जाती—ऐसा पंक्तियाँ (८) संख्यक कुछ प्रतियों में तो हैं ही, (६) में भी कुछ कांडों में हैं, और स्पष्ट रूप से प्रक्षिप्त हैं।

प्रयुक्त अक्षर-विन्यास के विषय में इतना ही कहना है:—

१—प्रतियों में 'ष' का प्रयोग 'ख' तथा 'ष' दोनों के स्थान पर किया गया है; दोनों को इस संस्करण में अलग अलग कर दिया गया है;

२—प्रतियों में अनुस्वार के विंदु का ही प्रयोग सानुनासिक के लिए भी हुआ है। संस्करण में शिरोरेखा के ऊपर लगने वाली मात्राओं के साथ ही ऐसा हुआ है, अन्यथा अनुस्वार के लिए विंदु और सानुनासिक के लिए चंद्रविंदु रक्खा गया है।

३—प्रतियों में 'ये' केवल कुछ प्रयोगों में मिलता है, यथा 'येहि', तथा 'आयेसु' में; अन्यथा 'ए' ही प्रयुक्त हुआ है; संस्करण में भी प्रायः इसी प्रकार मिलेगा ।

४—प्रतियों का आद्य 'अै' संस्करण में कहीं-कहीं पर बना रहने दिया गया है, अन्यथा सामान्यतः उसका रूप 'ऐ' कर दिया गया है ।

५—प्रतियों में अंत्य 'ऐ' और 'औ' कभी-कभी 'अइ' और 'अउ' की भाँति प्रयुक्त हुए हैं, यथा 'करै' और 'करौ' में; किंतु प्रायः 'अइ' अंत्य रूप मिलते हैं, 'ऐ' अंत्य नहीं; संस्करण में भी प्रायः यह बात मिलेगी ।

६—प्रतियों में 'श्र' के स्थान पर भी यद्यपि सामान्यतः 'स्त्र' रूप मिलता है, किंतु कभी-कभी 'श्र' रूप भी मिलता है, यथा 'श्री' और 'श्रुति' में । संस्करण में भी यह बात मिलेगी ।

अक्षर-विन्यास के विषय में एकरूपता लाने के लिए प्रस्तुत संस्करण में कोई व्यापक प्रयास नहीं किया गया है, इसलिए तत्संबंधी विषमता मिलेगी ।

आभार-स्मरण शेष है । उपर्युक्त समस्त प्रतियों के स्वामियों का मैं आभारी हूँ, जिन्होंने अपनी प्रतियों का उपयोग करने की मुझे सुविधाएँ प्रदान कीं । उनकी कृपा के बिना यह कार्य असंभव था । विशेष आभारी मैं काशी के श्री राय कृष्णदास जी का हूँ, जिन्होंने न केवल भारत कला भवन की १७२१ की प्रति वरन् पं० शंभुनाथ चौबे की १७६२ की प्रति और छक्कनलाल की स्व० सुधाकर द्विवेदी के उत्तराधिकारियों की प्रति भी मुझे सुलभ कर दी थीं ।

किंतु सब से अधिक श्रद्धेय डा० धीरेन्द्र वर्मा, अध्यक्ष, हिंदी विभाग, प्रयाग विश्वविद्यालय का कृतज्ञ हूँ, जिन्होंने मेरे सभी अन्वेषण-कार्यों की भाँति इस कार्य में भी मुझे प्रोत्साहन प्रदान किया है ।

इस संस्करण के मुद्रक हिंदी साहित्य प्रेस, प्रयाग का भी मैं आभारी हूँ, जिसने इस संस्करण को भरसक शुद्ध छापने का यत्न किया है ।

माताप्रसाद गुप्त

श्री गणेशाय नमः

श्री जानकीवल्लभो विजयते

श्री राम चरित मानस

प्रथम सोपान

बाल कांड

श्लो०—वर्णानामर्थसंचानां रसानां ब्रह्मसामपि ।
मंगलानां च कर्त्तारौ वंदे वाणी विनायकौ ॥
भवानीशकरौ वंदे श्रद्धाविश्वासरूपिणौ ।
याभ्यां विना न पश्यंति सिद्धाः स्वांतःस्थमीश्वरं ॥
वंदे बोधमयं नित्यं गुरुं शंकररूपिणं ।
यमाश्रितो हि वक्रोऽपि चंद्रः सर्वत्र वंद्यते ॥
सीतारामगुणग्रामपुरणाराग्यविहारिणौ ।
वंदे विशुद्ध विज्ञानौ कवीश्वरकपीश्वरौ ॥
उद्धवस्थितिसंहारकारिणौ क्लेशहरिणौ ।
सर्वश्रेयस्करौ सीतां नतोऽहं रामवल्लभां ॥
यन्मायावशवृत्तिं विश्वमखिलं ब्रह्मादिदेवासुराः ॥
यत्सत्त्वादमृषैव भाति सकलं रज्जौ यथाहेर्ध्रमः ।
यत्पादप्लवमेकमेव हि भवांभोधेस्ततोर्षावतां
वंदेऽहं तमशेषकारणपरं रामाख्यमीशं हरिं ॥
नानापुण्यनिगमागमसम्मतं यद्-
रामायणे निगदितं क्वचिदन्यतोऽपि ।
स्वांतःसुखाय तुलसी रघुनाथगाथा-
भाषानिबन्धमतिमंजुतमातनाति ॥

सो०—जो सुमिरत सिधि होइ गननायक करिवर बदन ।
 करौ अनुग्रह सोइ बुद्धिरासि सुभ गुन सदन ॥
 मूक होइ बाचाल पंगु चढ़ै गिरिवर गहन ।
 जासु कृष्ण सो दयाल द्रवौ सकल कलिमल दहन ॥
 नील सरोरुह स्याम तरुन अरुन बारिज नयन ।
 करौ सो मम उर धाम सदा क्षीर सागर सयन ॥
 कुंद इंदु सम देह उमारमन करुनाश्रयन ।
 जाहि दीन पर नेह करौ कृपा मर्दन मयन ॥
 बंदौ गुर पद कंज कृपासिंधु नर रूप हरि ।
 महा मोह तम पुंज जासु बचन रबिकर निकर ॥

बंदौ गुर पद पदुम परागा । सुखचि सुवास सरस अनुरागा ॥
 अमिअँ मूरि मय चूरनु चारु । समन सकल भव रुज परिवारु ॥
 सुकृत संभु तन विमल विभूती । मंजुल मंगल मोद प्रसूती ॥
 जन मन मंजु मुकुर मल हरनी । किएँ तिलकु गुन गान बस करनी ॥
 श्री गुर पद नख मनि गन जोती । सुमिरत दिव्य दृष्टि हिय होती ॥
 दलन मोह तम सो सुप्रकासू । बड़े भाग उर आवै जासू ॥
 उधरहि विमल विलोचन ही के । मिटहिँ दोष दुख भव रजनी के ॥
 सूझहि रामचरित मनि मानिक । गुपुन प्रगट जहँ जो जेहिँ खानिक ॥

दो०—जथा सुअंजन अंजि दृग साधक सिद्ध सुजान ।

कौतुक देखहिँ सैल बन भूतल मूरि निधान ॥ १ ॥

गुर पद रज मृदु मंजुल^१ अंजन । नयन अमिअँ दृग दोष विभंजन ॥
 तेहि करि विमल विवेक विलोचन । बरनौ रामचरित भव मोचन ॥
 बंदौ प्रथम महीसुर चरना । मोह जनित संसय सब हरना ॥
 सुजन समाज सकल गुन खानी । करौ प्रनाम सप्रेम सुबानी ॥

साधु सरिस सुभचरित^१ कपासू । निरस विसदगुन मय फल जासू ॥
जो सहि दुख परबिद्र दुरावा । बंदनीय जेहि जग जसु पावा ॥
मुद मंगल मय संत समाजू । जो जग जंगम तीरथराजू ॥
राम भगति^२ जहँ सुरसरि धारा । सरसइ ब्रह्म विचार प्रचारा ॥
बिधि निषेध मय कलि मल हरनी । करम कथा रविनंदिनि बरनी ॥
हरि हर कथा विराजति बेनी । सुनत सकल^३ मुद मंगल देनी ॥
बटु बिस्वास अचल निज धरमा । तीरथ साज^४ समाज सुकरमा ॥
सबहि सुलभ सब दिन सब देसा । सेवत सादर समन कलेसा ॥
अकथ अलौकिक तीरथराऊ । देइ सद्य फल प्रगट प्रभाऊ ॥

दो०—सुनि समुझहिं जन मुदित मन मज्जहिं अति अनुराग ।

लहहिं चारि फल अखत तनु साधु समाज प्रयाग ॥ २ ॥

मज्जन फलु पेखिअ ततकाला । काक होहिं पिक बकउ मराला ॥
सुनि आचरजु करै जनि कोई । सतसंगति महिमा नहिं गोई ॥
बालमीक नारद घटजोनी । निज निज मुखनि कही निज होनी ॥
जलचर थलचर नभचर नाना । जे जड़ चेतन जीव जहाना ॥
मति कीरति गति भूति भलाई । जब जेहि जतन जहाँ जेहि पाई ॥
सो जानब सतसंग प्रभाऊ । लोकहुँ वेद न आन उपाऊ ॥
बिनु सतसंग विवेक न होई । राम कृपा बिनु सुलभ न सोई ॥
सतसंगति मुद मंगल मूला । सोइ फल सिधि सब साधन फूला ॥
सठ दुधरहिं सतसंगति पाई । पारस परस^४ कुधालु सोहाई ॥
बिधि बस सुजन कुसंगति परहीं । फनिमनि सम निज गुन अनुसरहीं ॥
बिधि हरि हर कवि कोबिद बानी । कहत साधु महिमा सकुचानी ॥
सो मोसन काह जात न कैसे । साक बनिक मनि गुन गन जैसे ॥

१—प्र०: चरित सुभ सरिस । [दि०: चरित सुभ चरित] । वृ०: प्र० । च०: सरिस सुभचरित

२—प्र०: सकल [(२) सुजम] । दि०, वृ०, च०: प्र०

३—प्र०: साज । दि०: प्र० [(४)(५) राज] । [वृ०: राज] । च०: ० [(८) राज]

४—प्र०: परस । दि०: प्र० [(३) परसि] । [वृ०: परसि] । च०: प्र ० [(८) परसि]

दो०—बंदौ संन समान चित हित अनहित नहिं कोउ ।

अंजलिगत सुभ सुमन जिमि सम सुगंध कर दोउ ॥

संत सरल चित जगत हित जानि सुभाउ सनेहु ।

बाल बिनय सुनि करि कृपा राम चरन रति देहु ॥ ३ ॥

बहुरि बंदि खनगन सतिभायें । जे विनु काज दाहिनेहु^१ बायें ॥

पर हित हानि लाभ जिन्ह केरे । उजरे हाथ बिषाद बसेरें ॥

हरि हर जस राकेस राहु से । पर अकाज भट सहसबाहु से ॥

जे परदोष लखहिं सहसाँखी । पर हित घृत जिन्हके मन माखी ॥

तेज कृसानु रोष महिषेसा । अध अवगुन धन धनी धनेसा ॥

उदै केतु सम हित सबही के । कुंभकरन सम सोवत नीके ॥

पर अकाज लगि तनु परिहरहीं । जिमि हिम उपल कृषी दलि गरहीं^२ ॥

बंदौ खल जस सेष सरोषा । सहस बदन बरनै पर दोषा ॥

पुनि प्रनवौ पृथुराज समाना । पर अध सुनै सहस दम काना ॥

बहुरि सक सम बिनवौ तेही । संतत सुरानीक हित जेहीं ॥

बचन बज्र जेहि सदा पिआरा । सहस नयन पर दोष निहारा ॥

दो०—उदासीन अरि मीत हित सुनत जरहिं खल रीति ।

जानि पानि जुग जोरि जनु बिनती करै सप्रीति ॥४॥

मैं अपनी दिसि कीन्ह निहोरा । तिन्ह निज ओर न लाउव भोरा ॥

बायस पलित्रहि अति अनुरागा । होहिं निरामिष कबहुँ^३ किकागा ॥

बंदौ संत असज्जन^४ चरना । दुखप्रद उभय बीच कछु बरना ॥

बिछुरत एक प्रान हरि लेई । मिलत एक दुख दारुन देई ॥

उपजहिं एक संग जग माहीं । जलज जोंक जिमि गुन बिलगाहीं ॥

सुधा सुग सम साधु असाधु । जनक एक जग जलधि अगाधू ॥

१—प्र०: दाहिनेहु । द्वि०, तृ०: प्र० । [च०: दाहिनेहु]

२—[प्र०: गलहीं] । द्वि०: गरहीं । तृ०, च०: द्वि०

३—प्र०: कबहिं । द्वि०: कबहुँ । तृ०, च०: द्वि०

४—प्र०: असज्जन । द्वि०: प्र० । [तृ०: असज्जन] । च०: प्र० [(५) असज्जन]

भल अनभल निज निज करतूती । लहत सुजस अपलोक बिभूती ॥
सुधा सुधाकर सुरसरि साधू । गरल अनल कलि मल सरि ब्याधू ॥
गुन अवगुन जानत सब कोई । जो जेहि भाव नीक तेहिं सोई ॥

दो०—भलो भलाई पै लहै लहै निचाइहि नीचु ।

सुधा सराहिअ अमरता गरल सराहिअ मीचु ॥ ५ ॥

खल अघ अगुन साधु गुन गाहा । उभय अपार उदाधि अवगाहा ॥
तेहि तें कछु गुन दोष बखाने । संग्रह त्याग न बिनु पहिचाने ॥
भलेउ पोच सब विधि उपजाए । गनि गुन दोष वेद बिलगाए ॥
कहहिं वेद इतिहास पुराना । विधि प्रपंचु गुन अवगुन नाना ॥
दुख सुख पाप पुन्य दिन राती । साधु असाधु सुजाति कुजाती ॥
दानव देव ऊँच अरु नीचू । अमिअ सुजीवनु माहुरु मीचू ॥
माया ब्रह्म जीव जगदीसा । लच्छि अलच्छि रंक अवनीसा ॥
कासी मग सुरसरि क्रमनासा १ । मरु मालव^२ महिदेव गवासा ॥
सरग नरक अनुगग विरागा । निगमागम गुन दोष विभागा ॥

दो०—जड़ चेतन गुन दोषमय बिस्व कीन्ह करतार ।

संत हंस गुन गहहिं^३ पय परिहरि बारि बिकार ॥ ६ ॥

अस भिवेक जव देइ विधाता । तव तजि दोष गुनहि मनु राता ॥
काल सुभाउ करम वरिआई । भलौ प्रकृति बस चुकै भलाई ॥
सो सुधारि हरिजन जिमि लेहीं । दलि दुख दोष बिमल जस देहीं ॥
खलौ करहिं भल पाइ सुसंगू । गिटै न मलिन सुभाव अभंगू ॥
लखि सुवेष जग वंचक जेऊ । वेषप्रताप पूजिअहि तेऊ ॥
उवाहि अंत न होइ निबाह । कालनेमि जिमि रावन राह ॥
किणहु कुवेष साधु सनमानू । जिमि जग जामवंत हनुमानू ॥

१—प्र०: क्रमनासा । दि०: प्र० [(३)(४)(५) कविनासा] । वृ०: क्रमनासा । च०:

वृ०[(६) कविनासा]

२—प्र०: माजव । दि०: प्र०, वृ०: प्र० । च०: ० [(६)(६अ) मारव]

३—प्र०: गहहिं । दि०: गहहिं । वृ०, च०: दि०

हानि कुसंग सुसंगति लाह । लोकहुँ बेद बिदित सब काह ॥
 गगत चढ़ै रज पवन प्रसंगा । कीचहि मिलै नीच जल संग ॥
 साधु असाधु सदन सुक सारी । सुबिरहिं रामु देहिं गनि गारी ॥
 धूम कुसंगति कारिख होई । लिखिअ पुरान मंजु मसि सोई ॥
 सोइ जल अनल अनिल संघाता । होइ जलद जग जीवन दाता ॥

दो०—ग्रह भेषज जल पवन पट पाइ कुजोग सुजोग ।
 होहिं कुबस्तु सुबस्तु जग लखहिं सुलच्छन लोग ॥
 सम प्रकास तम पाख दुहुँ नाम भेद बिधि कीन्ह ।
 ससिपोषक सोषक^१ समुभिं जग जस अपजस दीन्ह ॥
 जड़ चेतन जग जीव जत सकल राम मय जानि ।
 बंदौं सब के पद कमल सदा जोरि जुग पानि ॥
 देव दनुज नर नाग खग प्रेत पितर गंधर्व ।
 बंदौं किन्नर रजनिचर कृपा करहु अब सर्व ॥ ७ ॥

आकर चारि लाख चौरासी । जाति जीव जल थल नभ बासी ॥
 सीय राम मय सब जग जानी । करौं प्रनाम जोरि जुग पानी ॥
 जानि कृपा करि किकर मोह । सब मिलि करहु छाँड़ि छल छोह ॥
 निज बुधि बल भरोस मोहिं नाहीं । ताते बिनय करौं सब पाहीं ॥
 करन चहौं रघुपति गुन गाहा । लघु मति मोरि चरित अवगाहा ॥
 सूक्त न एकौ अंग उपाऊ । मन मति रंक मनोरथ राऊ ॥
 मति अति नीच ऊँचि रुचि आखी । चहिअ अमिअ जग जुरै न आखी ॥
 छमिहहिं सज्जन मोरि दिठार्ई । सुनहहिं बाल बचन मन लाई ॥
 जौं बालक कह तोतरि बाता । सुनहहिं मुदित मन पितु अरु माता ॥
 हँसहहिं कूर कुटिल कुबिचारी । जे पर दूषन भूषन धारी ॥

१—प्र०: पोषक सोषक । दि०: प्र० [(३)(*) सोषक पोषक । तु०, च०: प्र० [(३)
 (६अ) सोषक पोषक]

निज कवित केहि लाग न नीका । सरस होउ अथवा अति फीका ॥

जै पर भनिति सुनत हरषाहीं । ते वर पुरुष बहुत जग नाही ॥

जग बहु नर सर सरि सम भाई । जे निज बाढ़ि बढ़हि जल पाई ॥

सज्जन सकृत्^१ सिंधु सम कोई । देख पूर बिधु बाढ़ि जोई ॥

दो०—भाग छोड अमिलाषु बड़ करौ एक बिस्वास ।

पैहहि सुख सुनि सुजन जन^२ खल करिहहि उपहास ॥ ८ ॥

खल परिहास होइ हित मोरा । काक कहहि कलकंठ कठोरा ॥

हंसहि बक दादुर^३ चातक ही । हँसहि मलिन खल बिमल बतकही ॥

कवित रसिक न राम पद नेह । तिन्ह कहँ सुखद हास रस एह ॥

भाषा भनिति मोरि मति मोरी । हँसिवे जोग हँसे नहि खोरी ॥

प्रभु पद प्रीति न सामुझि नीकी । तिन्हहि कथा सुनि लागिह फीकी ॥

हरि हर पद रति मति न कुतरकी । तिन्ह कहँ मधुर कथा रघुवर की ॥

राम भगति भूषित जिअ जानी । सुनहहि सुजन सराहि सुबानी ॥

कवि न होउँ नहि बचन^४ प्रवीनू । सकल कला सब विद्या हीनू ॥

आखर अरथ अलंकृति नाना । छंद प्रबंध अनेक विधाना ॥

भाव भेद रस भेद अपारा । कवित दोष गुन विविध प्रकारा ॥

कवित बिबेक एक नहि मोरे । सत्य कहौ लिखि कागद^५ कोरे ॥

दो०—मनिति मोरि सब गुन रहित बिस्व बिदित गुन एक ।

सो बिचारि सुनिहहि सुमति जिन्हकें बिमल बिबेक ॥ ९ ॥

येहि महुँ रघुपति नाम उदारा । अति पावन पुरान श्रुति सारा ॥

मंगल भवन अमंगल हारी । उमा सहित जेहि जपत पुरारी ॥

१—[प्र०: सकृत्] । द्वि०: सकृत् । [तृ०: सुकृत्] । च०: द्वि० [(न): सुकृत्] ।

२—प्र०: जन । द्वि०: प्र० । [तृ०: सब] । च०: प्र० [(६) (६अ): सब] ।

३—प्र०: गादुर । द्वि०: प्र० [(५): दादुर] । [तृ०: दादुर] । च०: प्र० [(न): दादुर] ।

४—प्र०: चतुर । द्वि०, तृ०: प्र० । च०: बचन ।

५—प्र०: कागद । द्वि०: प्र० [(४) (५) (५अ): कागद] । [तृ०: कागद] । च०: प्र०

[(न): कागद] ।

भनिति बिचित्र सुकवि कृत जोऊ । राम नाम बिनु सोह न सोऊ ॥
 बिधुबदनी सब भाँति सँवारी । सोह न बसन बिना बर नारी ॥
 सब गुन रहित कुर्काव कृत बानी । राम नाम जस अकित जानी ॥
 सादर कहहिं सुनहिं बुध ताहीं । मधुकर सरिस संत गुनग्राही ॥
 जदपि कबित रस एकौ नाहीं । राम प्रताप प्रगट येहि माहीं ॥
 सोइ भरोस मोरें मन आवा । केहि न सुसंग बड़प्पनु पावा ॥
 धूमौ तजै सहज करुआई । अगरु प्रसंग सुगंध बसाई ॥
 भनिति भदेस वस्तु भलि बरनी । रामकथा जग मगल करनी ॥

छं०—मंगल करनि कलि मल हरनि तुलसी कथा रघुनाथ^१ की ।

गति कूर कविता सरित की ज्यों सरित पावन पाथ की ॥

प्रभु सुजस संगति भनिति भलि होइहि सुजन मन भावनी ।

भव अंग भूति मसान की सुमिरत सुहावनि पावनी ॥

दो०—प्रिय लागिहि अति सर्वाह मम भनिति राम जस संग ।

दारु बिचारु कि करै कोउ बंदिय मलय प्रसंग ॥

स्याम सुग्मि पय बिसद अति गुनद करहिं सब पान ।

गिरा ग्राम्य^२ सिय राम जस गावहिं सुनहिं सुजान ॥१०॥

मनि मानिक मुकुता छवि जैसी । अहि गिरि गज सिर सोह न तैसी ॥

नृप किरीट तरुनी तनु पाई । लहहिं सकल सोभा अधिकई ॥

तैसेहि सुकवि कावित बुध कहहीं । उपजहिं अनत अनत छवि लहहीं ॥

भगति हेतु बिधि भवन बिहाई । सुमिरत सारद आवति धाई ॥

राम चरित सर बिनु अन्हवाएँ । सो सम जाइ न कोटि उपायें ॥

कवि कोविद अस हृदय विचारा । गावहिं हरि जस कलिमल हारी ॥

कीन्हे प्राकृत जन गुन गाना । सिर धुनि गिरा लगति^३ पछिताना ॥

हृदय सिंधु मति सीपि समाना । स्वानी सारद कहहिं सुजाना ॥

१—प्र०: रघुवीर । दि०, तृ०, च० : रघुनाथ ।

२—प्र०: ग्राम्य । [दि०: ग्राम] । तृ०: ग्र० । च०: प्र० [(८): ज्ञान] ।

३—प्र०: लगति । दि०, तृ०: प्र० । च०: [(६) (६): लगत, (८): लागि] ।

जौं बरखै बर बारि बिचारू । होहि कवित मुकुता मनि चारू ॥

दो०—जुगुति वेधि पुनि पोहिअहि रामचरित बर ताग ।

पहिरहिं सज्जन बिमल उर सोना अति अनुगग ॥११॥

जे जनमे कलिकाल कराला । करतव बायस वेष मराला ॥
चलत कुपथ वेद मग छाँड़े । कपट कलेवर कलि मल भौंड़े ॥
बंचक भगत कहाइ राम के । किंकर कंचन कोह काम के ॥
तिन्ह महुँ प्रथम रेख जग मोरी । धींग धरमध्वज धंधक^१ धोरी ॥
जौं अपने अवगुन सब कहऊँ । बाढ़ै कथा पार नहिं लहऊँ ॥
ताते मै अति अलप बखाने । थोरेहि^२ महुँ जानिहहिं सयाने ॥
समुझि विविध विधि विनती^३ मोरी । कोउ न कथा सुनि देहि खोरी ॥
एतेहु पर करिहहिं ते असंका^४ । मोहिंते अधिक जे^५ जड़ मतिरंका ॥
कवि न होउं नहिं चतुर कहावौं । मति अनुरूप राम गुन गावौं ॥
कहँ रघुपति के चरित अपारा । कहँ मति मोरि निरत संसारा ॥
जेहि मारुत गिरि मेरु उड़ाहीं । कहहु तूल केहि लेखे माहीं ॥
समुझत अमिति राम प्रसुताई । करत कथा मन अति कदराई ॥

दो०—पारद सेष महेस विधि आगम निगम पुगन ।

नेति नेति कहि जासु गुन करहिं निरंतर गान ॥१२॥

सब जानत प्रसु प्रसुता सोई । तदपि कहे बिनु रहा न कोई ॥
तहाँ वेद अस कारन राखा । भजन प्रभाउ भाँति बहु भाखा ॥
एक अनीह अरूप अनामा । अज सच्चिदानंद परधामा ॥

१—प्र०: धंधक । द्वि०, तृ०: प्र० । च०: प्र० [(६) धंधक] ।

२—प्र०: थोरेहि । [द्वि०, तृ०: थोरे] । च०: प्र० [(६अ) थोरे] ।

३—प्र०: विनती अव । द्वि०: प्र० [(३) (५अ) विधि विनती] । तृ०, च०: विधि विनती ।

४—प्र०: जे असंका । द्वि०: प्र० [(४) (५) जे संका] । [तृ०: जे संका] । च०: ते असंका ।

५—प्र०: ते । द्वि०, तृ०: प्र० । च०: जे ।

ज्यापक बिस्वरूप भगवाना । तेहिं धरि देह चरित कृत नाना ॥
 सो केवल भगतन्ह हित लागी । परम कृपाल प्रनत अनुरागी ॥
 जेहिं जन पर ममता अति छोह । जेहिं^१ करुना करि कीन्ह न कोह ॥
 गई बहोर गरीब निवाजू । सरल सबल साहिव रघुराजू ॥
 बुध बरनहिं हरिजस अस जानी । करहिं पुनीत सुफल निज बानी ॥
 तेहि बल मैं रघुपति गुन गाथा । कहिहौं नाइ राम पद माथा ॥
 मुनिन्ह प्रथम हरि कीरति गाई । तेहि मग चलत सुगम^२ मोहिं भाई ॥

दो०—अति अपार जे सरित बर जौं नृप सेतु कराहिं ।

चढ़ि पिपीलिकौ परम लघु बिनु श्रम पारहि जाहिं ॥१३॥

एहि प्रकार बल मनहि देखाई । करिहौं रघुपति कथा सुहाई ॥
 व्यास आदि कविपुंगव नाना । जिन्ह सादर हरि सुजस बखाना ॥
 चरन कमल बंदौं तिन्ह केरे । पूरहुं सकल मनोरथ मेरे ॥
 कलि के कबिन्ह करौं परनामा । जिन्ह बरने रघुपति गुन ग्रामा ॥
 जे प्राकृत कवि परम सयाने । भाषा जिन्ह हरि चरित बखाने ॥
 भए जे अहहिं जे होइहहिं आगे । प्रनवौं सबहिं^३ कपट छल^४ त्यागे ॥
 होहु प्रसन्न देहु बरदानू । साधु समाज भनिति सनमानू ॥
 जो प्रबंध बुध नहिं आदरहीं । सो श्रम बादि बाल कवि करहीं ॥
 कीरति भनिति भूति भलि सोई । सुरसरि सम सब कहँ हित होई ॥
 राम सुकीरति भनिति भदेसा । असमंजस अस मोहिं अँदेसा ॥
 तुम्हरी कृपाँ सुलभ सोउ मोरें । सिअनि सुहावनि टाट पटोरें^५ ॥

१—प्र० : जेहि । द्वि० : प्र० । [तु० तेहि] । च० : प्र० ।

२—[प्र० : सुगम] । द्वि०, तु०, च० : सुगम ।

३—प्र० : सबनि । द्वि०, तु० : प्र० । च० : सबहि ।

४—प्र० : छल । द्वि० : प्र० । [तु० : सब] । च० : प्र० [(६) (६ अ) सब] ।

५—प्र० : इसके अनंतर (५) तथा (७) में निम्नलिखित अर्द्धांजी और है :

करहु अनुग्रह अस जिय जानी । विमल जसहिं अनुहरइ सुबानी ।

दो०—सरल कवित कीरति बिमल सोइ आदरहिं सुजान ।
 सहज बयर बिसराइ रिपु जो सुनि करहिं बखान ॥
 सो न होइ बिनु बिमल मति मोहिं मति बल अति थोर ।
 करहु कृपा हरि जस कहौं पुनि पुनि करौं निहोर^१ ॥
 कवि कोबिद रघुवर चरित मानस मंजु मराल ।
 बाल विनय सुनि सुरुचिलखि मोपर होहु कृपाल ॥
 सो०—बंदौं सुनिपद कंजु समायन जेहिं निरमण्ड ।
 सखर सुकोमल मंजु दोष रहित दूषन सहित ॥
 बंदौं चारिउ बेद भव बारिधि बोहित सरिस ।
 जिन्हहिं न सपनेहुँ खेद बरनत रघुवर बिसद जसु ॥
 बंदौं विधि पद रेनु भवसागर जेहिं कीन्ह जहँ ।
 संत सुधा ससि धेनु प्रगटे खल बिष बारुनी ॥

दो०—बिबुध बिप्र बुध ग्रह चरन बंदि कहौं कर जोरि ।
 होइ प्रसन्न पुरबहु सकल मंजु मनोरथ मोरि ॥१४॥
 पुनि बंदौं सारद सुरसरिता । जुगल पुनीत मनोहर चरिता ॥
 मज्जन पान पाप हर एका । कहत सुनत एक हर अबिवेका ॥
 गुर पितु मातु महेस भवानी । प्रनवौं दीनबंधु दिनदानी ॥
 सेवक स्वामि सखा सिय पी के । हित निरुपधि सब बिधि तुलसी के ॥
 कलि बिलोकि जग हित हर गिरिजा । साबर मंत्र जाल जिन्ह सिरिजा ॥
 अनमिल आखर अरथ न जापू । प्रगट प्रभाउ महेस प्रतापू ॥
 सोर महेस^२ मोहिं पर अनुकूला । करिहिं^४ कथा मुद मंगल मूला ॥
 सुमिरि सिवा सिव पाइ पसाऊ । बरनौं राम चरित चित चाऊ ॥

१—प्र० : कहौं निहोरि । द्वि० : प्र० [(४)(५) कहहुँ निहोर] । तृ० : करउँ निहोर ।
 च० : तृ० ।

२—[प्र० : सोउ] । द्वि० : सो [(४) (५) सोउ] । तृ०, च० : द्वि० ।

३—प्र० : महेस । द्वि० : प्र० । [तृ० : उमेस] । च० : प्र० [(६) (६ अ) उमेस] ।

४—प्र० : करहिं । [द्वि० : करउ] । तृ० : करउ । च० : करहिं [(८) करहिं] ।

भनिति मोरि सिव कृपा बिभानी । ससि समाज मिलि मनहुँ सुराती ॥
जे एहि कथहिं सनेह समेता । कहिहहिं सुनिहहिं समुक्ति सचेता ॥
होइहहिं राम चरन अनुरागी । कलि मल रहित सुमंगल भागी ॥

दो०—सपनेहु साँचेहु मोहिं पर जौं हर गौरि पसाउ ।

तौ फुर होउ जो कहेउँ सब भाषा भनिति प्रभाउ ॥१५॥

बंदौ अवधपुरी अति पावनि । सरजू सरि कलि कलुष नसावनि ॥
प्रनवौ पुर नर नारि बहोरी । ममता जिन्ह पर प्रभुहिं न थोरी ॥
सिय निदक अघ ओघ नसाए । लोक बिसोक बनाइ बसाए ॥
बंदौ कौसल्या दिसि प्राची । कीरति जासु सकल जग माची ॥
प्रगटेउ जहँ रघुपति ससि चारू । बिस्व सुखद खल कमल तुसारू ॥
दसरथ राउ सहित सब रानी । सुकृत सुमंगल मूरति मानी ॥
करौ प्रनाम करम मन बानी । करहु कृपा सुत सेवक जानी ॥
जिन्हहिं विरचि बड़ भएउ बिधाता । महिमा अवधि राम पितु माता ॥

सो०—बंदौ अवध भुआल सत्य प्रेम जेहि राम पद ।

बिछुरत दीनदयाल प्रिय तनु त्रिनइव परिहरेउ ॥१६॥

प्रनवौ परिजन सहित बिदेह । जाहि रामपद गूढ़ सनेह ॥
जोग भोग महुँ राखेउ गोई । राम बिलोकत प्रगटेउ सोई ॥
प्रनवौ प्रथम भरत के चरना । जासु नेम व्रत जाइ न बरना ॥
राम चरन पंकज मन जासू । लुबुध मधुप इव तजै न पासू ॥
बंदौ लब्धिमन पद जलजाता । सीतल सुमग भगत सुखदाता ॥
रघुपति कीरति बिमल पताका । दंड समान भएउ जस जाका ॥
सेष सहस्रसीस जगकारन । जो अवतरेउ भूमि भय टारन ॥
सदा सो सानुकूल रह मोपर । कृपासिंधु सौमित्रि गुनाकर ॥
रिपुसूदन पद कमल नमामी । सूर सुसील भरत अनुगामी ॥
महावीर बिनवौ हनुमाना । राम जासु जस आपु बखाना ॥

सो०—प्रनवौं पवनकुमार खल वन पावक ज्ञान धन१ ।

जासु हृदय आगार बसहिं राम सर चाप धर ॥१७॥

कपिपति रीढ़ निसाचर राजा । अंगदादि जे कीस समाजा ॥
बंदौं सब के चरन सुहाये । अधम सरीर राम जिन्ह पाए ॥
रघुपति चरन उपासक जेते । खग मृग सुर नर असुर समेते ॥
बंदौं पद सरोज सब करे । जे बिनु काम राम के चेरे ॥
सुक सनकादि भगत मुनि नारद । जे मुनिवर विज्ञान बिसारद ॥
प्रनवौं सबहि धरनि धरि सीसा । करहु कृपा जन जानि मुनीसा ॥
जनकसुता जगजननि जानकी । अतिसय प्रिय करुनानिधान की ॥
ताके जुग पद कमल मनावौं । जासु कृपा निरमल मति पावौं ॥
पुनि मन बचन करम रघुनायक । चरन कमल बंदौं सब लायक ॥
राजिव नयन धरे धनु सायक । भगत विपति भंजन सुखदायक ॥

दो०—गिरा अरथ जल बीचि सम कहिअत२ भिन्न न भिन्न ।

बंदौं सीताराम पद जिन्हहिं परम प्रिय खिन्न ॥१८॥

बंदौं नाम राम रघुवर को । हेतु कृसानु भानु हिमकर को ॥
विधि हरि हर मय बेद प्रान सो । अगुन अनुपम गुननिधान सो ॥
महामंत्र जोइ जपत महेसू । कासी मुकुति हेतु उपदेसू ॥
महिमा जासु जान गनराज । प्रथम पूजिअत नाम प्रभाऊ ॥
जान आदिकवि नाम प्रतापू३ । भएउ सुद्ध करि उलटा जापू ४ ॥
सहस नाम सम सुनि सिव बानी । जपि जैई पिअ संग भवानी ॥
हरषे हेतु हेरि हर ही को । किए भूषनु तिअ भूषन ती को ॥
नाम प्रभाउ जान सिव नीको । कालकूट फलु दीन्ह अमी को ॥

१—प्र० : धर । द्वि० : धन । तृ० : च० : द्वि० ।

२—प्र० : देखिअत । द्वि० : तृ० : प्र० । च० : कहिअत ।

३—प्र० : प्रभाऊ । द्वि० : प्रतापू । तृ० : च० : द्वि० ।

४—प्र० : कहि उलटा नाऊँ । द्वि० : करि उलटा जापू । तृ० : च० : द्वि० ।

दो०—बरषा रितु रघुपति भगति तुलसी सालि सुदास ।

राम नाम बर बरन जुग सावन भादौ मास ॥१६॥

आखर मधुर मनोहर दोऊ । बरन बिलोचन जन जिअँ जोऊ ॥
सुमिरत सुलभ सुखद सब काहू । लोक लाहु परलोक निबाहू ॥
कहत सुनत सुमिरतः सुठि नीके । राम लखन सम प्रिय तुलसी के ॥
बरनत बरन प्रीति बिलगाती । ब्रह्म जीव सम^२ सहज सँवाती ॥
नर नारायन सरिस सुभ्राता । जग पालक बिसेषि जन त्राता ॥
भगति सुतिअ कल करन बिभूषन । जग हित हेतु बिमल बिधु पूषन ॥
स्वाद तोष सम सुगति सुधा के । कमठ सेष सम घर बसुधा के ॥
जन मन मंजु कंज^३ मधुकर से । जीह जसोमति हरि हलधर से ॥

दो०—एकु छत्र एकु मुकुट मनि सब बरनन्हि पर जोउ ।

तुलसी रघुबर नाम के बरन बिराजत^४ दोउ ॥२०॥

समुभक्त सरिस नाम अरु नामी । प्रीति परसपर प्रभु अनुगामी ॥
नाम रूप दुइ ईस उपाधी । अकथ अनादि सुसामुझि साधी ॥
को बड़ छोट कहत अपराधू । सुनि गुन भेद समुझिहहिं साधू ॥
देखिअहि रूप नाम आधीना । रूप ज्ञान नहिं नाम बिहीना ॥
रूप बिसेषि नाम विनु जाने । करतल गत न परहिं पहिचाने ॥
सुमिरिअ नामु रूप विनु देखें । आवत हृदयँ सनेह बिसेषें ॥
नाम रूप गति^५ अकथ कहानी । समुभक्त सुखद न परति बखानी ॥
अगुन सगुन बिच नाम सुसाखी । उभय प्रबोधक चतुर दुभाखी ॥

१—प्र० : समुभक्त । द्वि०, तृ० : प्र० । च० : सुमिरत ।

२—प्र० : इव । द्वि० : प्र० । तृ० : सम । च० : तृ० ।

३—प्र० : कंज मंजु । द्वि० : मंजु कंज [(५) कंज मंजु] । तृ०, च० : द्वि० ।

४—प्र० : बिराजित । द्वि० : बिराजत । तृ०, च० : द्वि० ।

५—प्र० : गुन । द्वि० : प्र० । तृ० : गति । च० : तृ० ।

दो०—राम नाम मनि दीप धरु जीह देहरी द्वार ।

तुलसी भीतर बाहरहुँ^१ जौ चाहसि उजिआर ॥२१॥
 नाम जीहँ जपि जागहिं जोगी । बिरति बिरचि प्रपंच बियोगी ॥
 ब्रह्मसुखहि अनुभवहिं अनूपा । अकव अनामय नाम न रूपा ॥
 जानीर चहहिं गूढ़ गति जेऊ । नाम जीह जपि जानहिं^२ तेऊ ॥
 साधक नामु जपहिं लय^४ लाएँ । होहिं सिद्ध अनिमादिक पाएँ ॥
 जपहिं नामु जन आरत भारी । मियहिं कुसंकट होहिं सुखारी ॥
 राम भगत जग चारि प्रकारा । सुकृती चारिउ अनघ उदारा ॥
 चहुँ चतुर कहुँ नाम अधारा । जानी प्रभुहि बिसेषि पिआरा ॥
 चहुँ जुग चहुँ श्रुति नाम प्रभाऊ । कलि बिसेषि नहिं आन उपाऊ ॥

दो०—सकल कामनाहीन जे राम भगति रस लीन ।

नाम पेम^५ पीयूष हृद तिन्हहुँ किए मन मीन ॥२२॥
 अगुन सगुन दुइ ब्रह्म सरूपा । अकथ अगाध अनादि अनूपा ॥
 मोरै^६ मत बड़ नामु दुहूँ ते । किए जेहि जुग निज बस निज बूते^७ ॥
 प्रौढ़ि^८ सुजन जनि जानहिं जन की । कहेउँ प्रीति प्रीति रुचि मन की ॥
 एकु दारुगत देखिअ एकु । पावक सम जुग ब्रह्म बिबेक ॥
 उभय अगम जुग सुगम नाम ते । कहेउँ नामु बड़ ब्रह्म राम ते ॥
 व्यापकु एकु ब्रह्म अविनासी । सत चेतन घन आनंद ससी ॥
 अस प्रभु हृदय अछत अविकारी । सकल जीव जग दीन दुखारी ॥

१—प्र०: बाहरी । द्वि० : प्र० । [तृ०: बाहिरउ] । च०: प्र० [(६) (६अ) बाहरहुँ] ।

२—प्र०: जानी । द्वि०: प्र० [(५) जाना] । [तृ०: जाना] । च०: प्र० ।

३—प्र०: जानहिं । द्वि०, तृ०: प्र० । [च०: (६) (६अ) जानहुँ; (८) जानत] ।

४—प्र०: लौ । द्वि०: लय । तृ०, च०: द्वि० ।

५—प्र०: पेम । [द्वि०, तृ०: प्रम] । च०: ० [(६अ) सुप्रेम, (८) प्रभाव] ।

६—प्र०: हमरे । द्वि०: मोरै [(५अ) हमरे] । तृ०, च०: द्वि० ।

७—प्र०: निजबूते [(२) निहबूते] । द्वि०, तृ०, च०: प्र० ।

८—प्र०: प्रौढ़ि । द्वि०: प्र० [(४) (५) (५अ) प्रौढ़] । तृ०: प्र० । च०: प्र०-

[(८) प्रौढ़] ।

नाम निरूपन नाम जतन तैं । सोउ प्रगटत जिमि मोल रतन तैं ॥

दो०—निरगुन तैं एहि भाँति बड़ नाम प्रभाउ अपार ।

कहउँ नामु बड़ राम तैं निज बिचार अनुसार ॥२३॥

राम भगत हित नर तनु धारी । सहि संकट किए साधु सुखारी ॥
 नामु सप्रेम जपत अनयासा । भगत होहिं सुद मंगल बासा ॥
 राम एक तापस तिअ तारी । नाम कोटि खल कुमति सुधारी ॥
 रिषि हित राम सुकेतु सुता-की । सहित सेन सुत कीन्हि बिबाकी ॥
 सहित दोष दुख दास दुरासा । दलइ नामु जिमि रबि निसि नासा ॥
 भंजेउ राम आपु भव चापू । भव भय भंजन नाम प्रतापू ॥
 दंडक वनु प्रभु कीन्ह सुहावन । जन मन अमित नाम किए पावन ॥
 निसिचर निकर दले रघुनन्दन । नामु सकल कलि कलुष निकंदन ॥
 दो०—सबरी गीध सुसेवकन्हि सुगति दीन्हि रघुनाथ ।

नाम उधारे अमित खल वेद बिदित गुन गाथ ॥२४॥

राम सुकंठ बिभीषन दोऊ । राखे सरन जान सबु कोऊ ॥
 नाम गरीब अनेक निवाजे । लोंक वेद बर बिरिद बिराजे ॥
 राम भालु कपि कटकु बटोरा । सेतु हेतु श्रमु कीन्ह न थोरा ॥
 नामु लेत भवसिंधु सुखाहीं । करहु बिचार सुजन मन माहीं ॥
 राम सकल कुल^१ रावनु मारा । सीय सहित निज पुर पशु धारा ॥
 राजा राम अवध रजधानी । गावत गुन सुर मुनि बर बानी ॥
 सेवक सुमिरत नामु सप्रीती । बिनु श्रम प्रबल मोह दलु जीती ॥
 फिरत सनेह^२ मगन सुख अपने । नाम प्रसाद सोच नहिं सपने ॥

दो०—ब्रह्म राम तैं नामु बड़ बर दायक बर दानि ।

रामचरित सत कोटि महँ लिय महेश जिअ जानि ॥२५॥

नाम प्रसाद सभु अविनासी । साजु अमंगल मंगल रासी ॥
 सुक सनकादि साधु मुनि जोगी । नाम प्रसाद ब्रह्म सुख भोगी ॥

१—प्र० : सकल कुल । [द्वि०, वृ० : सकुल रन] । च० : प्र० [(६) (द्व) सकुल रन] ।

नारद जानेउ नाम प्रतापू । जग प्रिय हरि हरिहर प्रिय आपू ॥
 नामु जपत प्रभु कीन्ह प्रसादू । भगत सिरोमनि भे प्रह्लादू ॥
 ध्रुव सगलानि जपेउ हरि नाऊँ । पाएउ^१ अचल अनुपम ठाऊँ ॥
 सुमिरि पवनसुत पावन नामू । अपने बस करि राखे रामू ॥
 अपतु^२ अजामिलु गजु गनिकाऊ । भए सुकुत हरि नाम प्रभाऊ ॥
 कहौं कहाँ लगि नाम बड़ाई । रामु न सकहिं नाम गुन गाई ॥
 दो०--नामु राम को कलपतरु कलि कल्यान निवासु ।

जो सुमिरत भयो^३ भौंग तें तुलसी तुलसीदासु ॥२६॥
 चहुँ जुग तीनि काल तिहुँ लोका । भए नाम जपि जीव बिसोका ॥
 वेद पुरान संत मत एहू । सकल सुकृत फल राम सनेहू ॥
 ध्यान प्रथम जुग मख बिधि दूजे । द्वापर परितोषत^४ प्रभु पूजे ॥
 कलि केवल मल मूल मलीना । पाप पयोनिधि जन मन मीना ॥
 नाम कामतरु काल कराला । सुमिरत समन सकल जग जाला^५ ॥
 राम नाम कलि अभिमत दाता । हित परलोक लोक पितु माता ॥
 नहिं कलि करम न भगति बिबेकू । राम नाम अवलंबन एकू ॥
 कालनेमि कलि कपट निधानू । नाम सुमति समरथ हनुमानू ॥
 दो०--राम नाम नर केसरी कनककसिपु कलिकालु ।

जापक जन प्रह्लाद जिमि पालिहि दलि सुरसालु ॥२७॥
 भायँ कुभायँ अनख आलस हूँ । नाम जपत मंगल दिसि दस हूँ ॥
 सुमिरि सो नाम राम गुन गाथा । करौं नाइ रघुनाथहि माथा ॥

१—प्र० : थापेउ । द्वि० : पाएउ । तृ०, च० : द्वि० ।

२—प्र० : अपतु । द्वि०, तृ० : प्र० । च० : प्र० [(द) (न) : अपरु] ।

३—प्र० : भयो । द्वि० : प्र० । [तृ० : भय] । च० : प्र० [(न) : भय] ।

४—प्र० : परितोषन । द्वि० : प्र० । तृ० : परितोषत । च० : तृ० ।

५—प्र० : सकल समन जंजाला । द्वि० : समन सकल जगजाला । [तृ० : सुखद सुलभ सब काला] । च० : द्वि० ।

मोरि सुधारिहि सो सब भाँती । जासु कृपाँ नहिं कृपा अघाती ॥
 राम सुस्वामि कुसेवकु मो सो । निज दिशि देखि दयानिधि पोसो ॥
 लोकहुँ बेद सुसाहिब रीती । बिनय सुनत पहिचानत प्रीती ॥
 गनी गरीब ग्राम नर नागर । पंडित मूढ़ मलीन उजागर ॥
 सुकवि कुकवि निज मत अनुहारी । नृपहि सगाहत सब नर नारी ॥
 साधु सुजान सुसील नृपाला । ईस अस भव परम कृपाला ॥
 सुनि सनमानहि सबहि सुबानी । भनिति भगति नति गति पहिचानी ॥
 यह प्राकृत महिपाल सुभाऊ । जानसिरोमनि कोसलराऊ ॥
 रीभत राम सबेइ निसोंतें । को जग मंद मलिन मतिर मोतें ॥

दो०-सठ सेवक की प्रीति रुचि रखिहहि राम कृपालु ।
 उपल किए जनजान जेहिं सचिव सुमति कपि भालु ॥
 हौं हु कहावत सबु कहन राम सहत उपहास ।
 साहिब सोतानाथ से सेवक तुलसीदास ॥२८॥

अति बड़ मोरि ठिठाई खोरी । सुनि अघ नरकहुँ नाक सकोरी ॥
 सुमुखि सहम मोहिं अपडर अपने । सो सुधि राम कीन्हि नहिं सपने ॥
 सुनिर अवलोकि सुचित चख चाही । भगति मोरि मति स्वामि सराही ॥
 कहत नसाइ होइ हिअ नीकी । रीभत राम जानि जन जी की ॥
 रहति न प्रभु चित चूक किए की । करत सुरति सय बार हिए की ॥
 जेहि अघ बधेउ ब्याध जर्मि बाली । फिरि सुकंठ सोइ कीन्हि कुचाली ॥
 सोइ करतूति विभीषन केरी । सपनेहुँ सो न राम हिअ हेरी ॥

१-प्र० : जान [(२) जानि] । दि०, तृ०, च० : प्र० ।

२-प्र० : मन । दि०, तृ० : प्र० । च० : मति ।

३-[प्र० : श्रुति] । दि० : सुनि । तृ०, च० : दि० ।

४-प्र० : मोरि । दि० : प्र० [(३) (४) : मोरि] । [तृ० : मोरि] । च० :

प्र० [(६अ) (न) : मोरि] ।

ते भरतहि भेंटत सनमाने । राजसभाँ^१ रघुवीर बखाने ॥

दो०—प्रभु तरु तर कपि डार पर ते किए आपु समान ।

तुलसी कहूँ^२ न राम से साहिव सीलनिधान ॥

राम निकार्ई रावरी है सब ही को नीक ।

जौ यह साँची है सदा तौ नीको तुलसीक ॥

एहि बिधि निज गुन दोष कहि सबहि बहुरि सिरु नाइ ।

बरनौ रघुवर बिसद जमु सुनि कलि कलुष नसाइ ॥२६॥

जागवलिक जो कथा सुहाई^३ । भरद्वाज मुनिवरहिं सुनाई^४ ॥

कहिहौं सोइ संवाद बखानी । सुनहु सकल सज्जन सुख मानी ॥

संभु कीन्ह यह चरित सुहावा । बहुरि कृपा करि उम्हि सुनावा ॥

सोइ सिव कागमुमुंडिहि दीन्हा । राम भगति अधिकारी चीन्हा ॥

तेहि सन जागवलिक पुनि पावा । तिन्ह पुनि भरद्वाज प्रति गावा ॥

ते श्रोता बकता सनसीला । सबदरसी^४ जानहिं हैरि लीला ॥

जानहिं तीनि काल निज ज्ञाना । करतल गत आपलक समाना ॥

औरौ जे हरिभगत सुजाना । कहहिं सुनिहि समुझहि बिधि नाना ॥

दो०—मैं पुनि निज गुर सन सुनी कथा सो सूकरखेत ।

समुझी नहिं तसि बालपन तब अति रहेउ अचेत ॥

श्रोता बकता ज्ञाननिधि कथा राम कै गूढ़ ।

कामि समुझौं मैं जीव जड़ कलि मल प्राप्त बिमूढ़ ॥३०॥

तदपि कही गुर बारहि वारा । समुझि परी कछु मति अनुसारा ॥

१—[प्र० : राम सभाँ] । द्वि० : राजसभाँ । तृ० : द्वि० । च० : प्र० [(६)
(६अ) : (रामसभाँ)] ।

२—प्र० : कहूँ । द्वि० : प्र० [(५अ) : कहूँ] । तृ० : कहूँ । च० : तृ० ।

३—प्र० : सुनाई, सुहाई] । [द्वि० : सुनाई, सुहाई] । तृ० : सुहाई,
सुनाई । च० : तृ० ।

४—प्र० : सबदरसी । द्वि० ; प्र० [(३) (४) । समदरसी] । [तृ० : सनदरसी]
च० : प्र० ।

भाषावद्ध करवि मैं सोई । मोरे मन प्रबोध जेहि होई ॥
 जस कछु बुधि बिबेक बल मेरे । तस कहिहौं हिअँ हरि के प्रेरे ॥
 निज संदेह मोह भ्रम हरनी । करौं कथा भव सरिता तरनी ॥
 बुध विश्राम सकल जन रंजनि । रामकथा कलि कलुष बिभंजनि ॥
 राम कथा कलि पन्नग भरनी । पुनि बिबेक पावक कहूँ अरनी ॥
 रामकथा कलि कामद गाई । सुजन सजीवनि मूरि सुहाई ॥
 सोई बसुधा तज सुधा तरंगिनि । भयभंजनि भ्रम भेक सुअंगिनि ॥
 असुर सेन सम नरक निकंदिनि । साधु विबुध कुल हित गिरिनंदिनि ॥
 संत समाज पयोधि रमा सी । विस्वभार भर अचल छमा सी ॥
 जम गन मुँह मसि जग जमुना सी । जीवन मुकुति हेतु जनु कासी ॥
 रामहि प्रिय पावनि तुलसी सी । तुलसिदास हित हिअँ हुलसी सी ॥
 सिव प्रिय मेकल सैल सुता सी । सकल सिद्धि सुख संपति रासी ॥
 सदगुन सुर गन अब अदिति सी । रघुवर भगति प्रेम परमिति सी ॥
 दो०—रामकथा मंदाकिनी चित्रकूट चित चारु ।

तुलसी सुभग सनेह बन सिअ रघुवीर बिहारु ॥३१॥
 रामचरित चिन्तामनि चारु । संत सुमति तिय सुभग सिंगारु ॥
 जग मंगल गुनग्राम राम के । दानि मुकुति धन धरम धाम के ॥
 सदगुर ज्ञान विराग जोग के । विबुध बैद भव भीम रोग के ॥
 जनिन जनक सिय राम पेम के । बीज सकल व्रत धरम नेम के ॥
 समन पाप संताप सोक के । प्रिय पालक परलोक लोक के ॥
 सचिव सुभट भूपति विचार के । कुंभज लोभ उदधि अपार के ॥
 काम कोह कलि मल करि गन के । केहरि सावक जन मन बन के ॥
 अतिथि पूज्य प्रियतम पुरारि के । कामद धन दारिद दवारि के ॥
 मंत्र मंहामनि विषय ब्याल के । मेटत कठिन कुअंक भाल के ॥
 हरन मोह तम दिनकर कर से । सेवक सालि पाल जलधर से ॥
 अभिमत दानि देवतरुवर से । सेवत सुलभ सुखद हरिहर से ॥

सुकवि सरद नम मन उडुगन से । राम भगत जन जीवन धन^१ से ॥
सकल सुकृत फल भूरि भोग से । जग हित निरुपधि साधु लोग से ॥
सेवक मन मानस मराल से । पावन गंग तरंग माल से ॥
दो०—कुपथ कुरत कुचाल कलि कपट दंभ पाखंड ।

दहन राम गुन ग्राम जिमि ईधन अनल प्रचंड ॥

रामचरित राकेस कर सरिस सुखद सब काहु ।

सज्जन कुमुद चकोर चित हित विसेषि बड़ लाहु ॥३२॥
कीन्हि प्रश्न जेहि भौंति भवानी । जेहिं विधि संकर कहा बखानी ॥
सो सब हेतु कहव मै गाई । कथा प्रबंध बचित्र बनाई ॥
जेहिं यह कथा सुनी नहिं होई । जनि आचरजु करै सुनि सोई ॥
कथा अलौकिक सुनिं जे ज्ञानी । नहिं आचरजु करहिं अस जानी ॥
रामकथा कै मिति जग नाही । असि प्रतीति तिन्हके मन माहीं ॥
नाना भौंति राम अवतारा । रामायन सत कोटि अपारा ॥
कलप भेद हरि चरित सुहाए । भौंति अनेक मुनीसन्ह गाए ॥
करिअ न संसय अस उर आनी । सुनिअ कथा सादर रति मानी ॥
दो०—राम अनंत अनंत गुन अमिति कथा बिस्तार ।

सुनि आचरजु न मानिहहिं जिन्हके बिमल विचार ॥३३॥
एहि विधि सब संसय करि दूरी । सिर धरि गुर पद पंकज धूरी ॥
पुनि सबहीं बिनवौ^२ कर जोरी । करत कथा जेहि लाग न खोरी ॥
सादर सिवहि नाइ अब माथा । बरनौ बिसद राम गुन गाथा ॥
संबत सोरह सै एकतीसा । करौ कथा हरिपद धरि सीसा ॥
नौमी भौमवार मधु मासा । अवधपुरी यह चरित प्रकासा ॥
जेहि दिन राम जनम श्रुति गावहिं । तीरथ सकल तहाँ चलि आवहिं ॥
असुर नाग खग नर मुनि देवा । आइ करहिं रघुनायक सेवा ॥

१—प्र० : धन । द्वि०, तृ० : प्र० । च० : प्र० [(इ) धर] ।

२—प्र० : प्रनवौ । द्वि० : प्र० । तृ० : बिनवौ । च० : तृ० ।

जनम महोत्सव रचहिं सुजाना । करहिं राम कल कीरति गाना ॥

दो०—मज्जहिं सज्जन वृंद बहु पावन सरजू नीर ।

जपहिं राम धरि ध्यान उर सुंदर स्याम सरीर ॥३४॥

दरस परस मज्जन अरु पाना । हरै पाप कह वेद पुराना ॥

नदी पुनीत अमित महिमा अति । कहि न सकै सारदा बिमल मति ॥

राम धामदा पुरी सुहावनि । लोक समस्त बिदित अति पावनि ॥

चारि खानि जग जीव अपारा । अवध तजे तनु नहिं संसाग ॥

सब बिधि पुरी मनोहर जानी । सकल सिद्धिप्रद मंगल खानी ॥

बिप्लव कथा कर कीन्ह अरंभा । सुनत नसाहिं काम मद दंभा ॥

राम चरित मानस एहि नामा । सुनत खवन पाइअ बिस्वामा ॥

मन करि बिषय अनल बन जरई । होइ सुखी जौ येहिं सर परई ॥

राम चरित मानस मुनि भावन । बिरचेउ संभु सुहावन पावन ॥

त्रिविध दोष दुख दारिद दावन । कलि कुचालि कुलि कलुष नसावन ॥

रचि महेश निज मानस राखा । पाइ सुसमउ सिवा सन भाखा ॥

ताते राम चरित मानस बर । धरेउ नाम हिअँ हेरि हरषि हर ॥

कहाँ कथा सोइ सुखद सुहाई । सादर सुनहु सुजन मन लाई ॥

दो०—जस मानस जेहि बिधि भएउ जग प्रचार जेहि हेतु ।

अन सोइ कहौ प्रसंग सब सुमिरि उमा वृषकेतु ॥३५॥

संभु प्रसाद सुमति हिअँ हुलसी । राम चरित मानस कवि तुलसी ॥

करै मनोहर मति अनुहारी । सुजन सुचित सुनि लेहुँ सुधारी ॥

सुमति भूमि थल हृदय अगाधू । वेद पुरान उदधि धन साधू ॥

कर्षहिं राम सुजस बर बारी । मधुर मनोहर मंगलकारी ॥

लौला सगुन जो कहहिं बखानी । सोइ स्वच्छता करै मल हानी ॥

प्रेम भगति जो बरनि न जाई । सोइ मधुरना सुतीतलजाई ॥

सो जल सुकृत सालि हित होई । राम भगत जन जीवन सोई ॥

मेधा महिगत सो जल पावन । सकलिल^१ सवन मग चलेउ सुहावन ॥
भरेउ सुमानस सुखल थिराना । सुखद सीत रुचि^२ चारु बिभन ॥

दो०—सुठि सुंदर संवाद बर बिरचे बुद्धि बिचारु^३ ।

तेइ एहि पावन सुभग सर घाट मनोहर चारु^४ ॥३६॥

सप्त प्रबंध सुभग सोपाना । ज्ञान नयन निरपत मन माना ॥
रघुपति महिमा अगुन अबाधा । वरनव सोइ बर बारि अगाधा ॥
राम सीअ जस सलिल सुधा सम । उपमा बीचि^५ बिलास मनोरम ॥
पुरइनि सधन चारु चौपाई । जुगुति मंजु मनि सीप सुहाई ॥
छंद सोरठा सुंदर दोहा । सोइ बहु रंग कमल कुल सोहा ॥
अरथ अनूप सुभाव सुभाषा । सोइ पराग मकरंद सुवासा ॥
सुकृत पुंज मंजुल अलि माला । ज्ञान बिराग बिचार मराला ॥
ध्यान अवरेब कबित गुन जाती । मीन मनोहर ते बहु भाँती ॥
अरथ धरम कामादिक चारी । कहव ज्ञान बिज्ञान बिचारी ॥
नव रस जप तप जोग बिरागा । ते सब जलचर चारु तड़ागा ॥
सुकृती साधु नाम गुन गाना । ते बिचित्र जल बिहग समाना ॥
संत सभा चहुँ दिसि आँवराई । श्रद्धा रितु बसंत सम गाई ॥
भगति निरूपन बिबिध बिधाना । छमा दया दम^६ लता बिताना ॥
सम जम^७ नियम^८ फूल फल ज्ञाना । हरिपद रति रस^९ वेद बखाना ॥

१—[प्र० : सकल] । द्वि० : सकलिल । तृ०, च० : द्वि० ।

२—[प्र० : रुचि] । द्वि० : बर । तृ०, च० : द्वि० ।

३—प्र० : बिचार । द्वि० : प्र० । [तृ०, च० : बिचारि] ।

४—प्र० : चाह । द्वि० : प्र० । [तृ०, च० : चारि] ।

५—प्र० : बिमल । द्वि० : बीचि । तृ० : द्वि० । च० : द्वि० [(३) : बीच] ।

६—प्र० : दम । द्वि० : प्र० । [तृ० : दम] । च० : प्र० [(८) : दम] ।

७—प्र० : सम जम । द्वि० : प्र० । [तृ० : सजम] । च० : प्र० [(८) : सम दम] ।

८—प्र० : नियम । [द्वि० : नैम] । तृ० : प्र० । च० : प्र० [(८) : नैम] ।

९—प्र० : रतिरस । द्वि०, तृ० : प्र० । च० : प्र० [(३) (३अ) : रस वर] ।

औरौ कथा अनेक प्रसंगा । तेइ सुक पिक बहु बरन बिहंगा ॥
दो०—पुलक बाटिका बाग बन सुख सुबिहंग बिहारु ।

माली सुमन सनेह जल सींचत लोचन चारु ॥ ३७ ॥
जे गावहिं यह चरित सँभारे । तेइ एहि ताल चतुर रखवारे ॥
सदा सुनहिं सादर नर नारी । तेइ सुर बर मानस अधिकारी ॥
अति खल जे बिषई बग कागा । एहिं सर निकट न जाहिं अभागा ॥
संबुक भेक सेवार समाना । इहाँ न बिषय कथा रस नाना ॥
तेहि कारन आवत हिअँ हारे । कामी काक बलाक बिचारे ॥
आवत एहि सर अति कठिनाई । रामकृपा बिनु आई न जाई ॥
कठिन कुसंग कुपंथ कराला । तिन्ह के वचन बाध हरि ब्याला ॥
गृह कारज नाना जंजाला । तेइ अति दुर्गम सैल बिसाला ॥
बन बहु बिषम मोह मद माना । नदी कुतर्क भयंकर नाना ॥
दो०—जे श्रद्धा संबल रहित नहिं संतन्ह कर साथ ।

तिन्ह कहँ मानस अगम अति जिन्हहिं न प्रिय रघुनाथ ॥ ३८ ॥
जौं करि कष्ट जाइ पुनि कोई । जातहिं नींद जुड़ाई होई ॥
जड़ता जाड़ बिषम उर लागा । गएहुँ न मज्जन पाव अभागा ॥
करि न जाइ सर मज्जन पाना । फिरि आवै समेत अभिमाना ॥
जौं बहोरि कोउ पूछन आवा । सर निंदा करि ताहि बुझावा ॥
सकल बिघ्न ब्यापहिं नहिं तेही । राम सुकृपा बिलोकहिं जेही ॥
सोइ सादर सर^१ मज्जनु करई । महा घोर त्रयताप न जरई ॥
ते नर यह सर तजहिं न काऊ । जिन्ह केँ रामचरन भल भाऊ^२ ॥
जो नहाइ चह एहिं सर भाई । सो सतसंग करौ मन लाई ॥
अस मानस मानस चष चाही । भइ कबि बुद्धि बिमल अवगाही ॥

१—प्र० : मज्जन सर । द्वि० : प्र० । तृ० : सर मज्जनु । च० : तृ० [(५) : सरि मज्जनु] ।

२—प्र० : चाऊ । द्वि० : प्र० [(३)(५अ) : भाऊ] । तृ० : भाऊ । च० : तृ० ।

भएउ हृदयँ आनंद उब्बाहू । उमगेउ प्रेम प्रमोद प्रवाहू ॥
चली सुभग कविता सरिता सो१ । राम बिमल जस जल भरिता सो२ ॥
सरजू नाम सुमंगल मूला । लोक वेद मत मंजुल कूला ॥
नदी पुनीत सुभानस नंदिनि । कलि मल तिन तरु मूल निकंदिनि ॥
दो०—श्रोता त्रिविध समाज पुर ग्राम नगर दुहुँ कूल ।

संत सभा अनुपम अवध सकल सुमंगल मूल ॥३६॥
राम भगति सुरसरितहि जाई । मिली सुक्रीरति सरजु सुहाई ॥
सानुज राम समर जसु पावन । मिलेउ महानदु सोन सुहावन ॥
जुग बिच भगति देवधुनि धारा । सोहति सहित सुबिरति विचारा ॥
त्रिविध ताप त्रासक तिमुहानी । राम सरूप सिंधु समुहानी ॥
मानस मूल मिली सुरसरिही । सुनत सुजन मन पावन करिही ॥
बिच बिच कथा विचित्र विभागा । जनु सरि तीर तीर बनु बागा ॥
उमा महेस बिवाह बराती । ते जलचर अगनित बहु भौंती ॥
रघुवर जनम अनंद बघाई । भँवर तरंग मनोहरताई ॥
दो०—बालचरित चहुँ बंधु के बनज बिपुल बहु रंग ।

नृप रानी परिजन सुकृत मधुकर बारि बिहंग ॥४०॥
सीअ स्वयंवर कथा सुहाई । सरित सुहावनि सो छवि छाई ॥
नदी नाव पटु प्रश्न अनेका । केवट कुसल उतर सबिबेका ॥
सुनि अनुकथन परसपर होई । पथिक समाज सोह सरि सोई ॥
घोर धार भृगुनाथ रिसानी । घाट सुबद्ध३ राम बर बानी ॥
सानुज राम बिवाह उब्बाहू । सो सुभ उमग सुखद सब काहू ॥
कहत सुनत हरषहि पुलकाहीं । ते सुकृती मन मुदित नहाहीं ॥

१—प्र० : सो । द्वि० : प्र० । [तृ० : सी] । च० : प्र० [(न) : सी] ।

२—प्र० : सो । द्वि० : प्र० । [तृ० : सी] । च० : प्र० [(न) : सी] ।

३—प्र० : सुबद्ध (पढ़ने में 'सुबद्ध') । द्वि० : प्र० [(३) (४) (५) : सुबद्ध] । तृ०,
च० : प्र० ।

राम तिलक हित मंगल साजा । परब जोग जनु जुरे^१ समाजा ॥
 काई कुमति केकई केरी । परी जासु फलु बिपति घनेरी ॥
 दो०—समन अमित उतपात सब भरत चरित जप जाग ।

कलि अघ खल^२ अवगुन कथन ते जल मल बग काग ॥४१॥

कीरति सरित छहूँ रितु रूरी । समय सुहावनि पावनि भूरी ॥
 हिम हिमसैलसुता सिव व्याहू । सिसिर सुखद प्रभु जनम उछाहू ॥
 बरनब राम बिवाह समाजू । सो सुद मंगल मय रितुराजू ॥
 ग्रीष्म दुसह राम बन गमनू । पंथ कथा खर आतप पवनू ॥
 बरषा घोर निसाचर रारी । सुरकुल सालि सुमंगलकारी ॥
 राम राज सुख बिनय बड़ाई । बिसद सुखद सोइ सरद सुहाई ॥
 सती सिरोमनि सिअ गुन गाथा । सोइ गुन अमल अनूपम पाथा ॥
 भरत सुभाउ सो सीतलताई । सदा एक रस बरनि न जाई ॥
 दो०—अवलोकनि बोलनि मिलनि प्रीति परसपर हास ।

भायप भलि चहूँ बंधु की जल माधुरी सुवास ॥४२॥
 आरति बिनय दीनता मोरी । लघुता ललित सुवारि न खोरी^३ ॥
 अदभुत सलिल सुनत गुनकारी । आस पिआस मनोमल हारी ॥
 राम सुपेमहि पोषत पानी । हरत-सकल कलि कलुष गलानी ॥
 भव अम सोषक तोषक तोषा । समन दुरित दुख दारिद दोषा ॥
 काम कोह मद मोह नसावन । बिमल बिबेक बिराग बढ़ावन ॥
 सादर मज्जन पान किए तैं । मिटहि^४ पाप परिताप हिण तैं ॥
 जिन्ह एहि बारि न मानस धोए । ते कायर कलिकाल बिगोए ॥
 तृषित निरखि रवि कर भव बारी । फिरिहिं मृग जिमि जीव दुखारी ॥

१—प्र० : जुंठ। द्वि० : प्र० । च० : जुरे ।

२—प्र० : खल अघ। द्वि० : प्र० [(५ अ) : अव खल] । तृ० : प्र० । च० : अघ खल ।

३—प्र० : न खोरी । द्वि० : प्र० । [तृ० : न थोरी] । च० : प्र० [(न) : बहोरी] ।

४—[प्र० : मिटहि] । द्वि० : मिटहि । तृ०, च० : द्वि० ।

दो०—मति अनुहारि सुबारि गुन गन गनि मन अन्हवाइ ।

मुमिर भवानी संकरहि कह कवि कथा सुहाइ ॥

अब रघुपति पद पंकरुह हिअँ धरि पाइ प्रसाद ।

कहाँ जुगल मुनिबर्ज कर मिलन सुभग संवाद ॥४३॥

भरद्वाज मुनि बसहिं प्रयागा । तिन्हहि राम पद अनि अनुगागा ॥

तापस सम दम दया निधाना । परमारथ पथ परम सुजाना ॥

माघ मकरगत रवि जब होई । तीरथपतिहि आव सब कोई ॥

देव दनुज किन्नर नर श्रेनी । सादर मज्जहिं सकल त्रिवेनी ॥

पूजहिं माधव पद जलजाता । परसि अषयबटु हरषहिं गाता ॥

भरद्वाज आश्रम अति पावन । परम रम्य मुनिवर मन भावन ॥

तहाँ होइ मुनि रिषय समाजा । जाहिं जे मज्जन तीरथराजा ॥

मज्जहिं प्रात समेत उछाहा । कहहिं परसपर हरि गुन गाहा ॥

दो०—ब्रह्म निरूपन धर्म विधि बरनहिं तत्त्व विभाग ।

कहहिं भगति भगवंत कै संजुत ज्ञान विराग ॥४४॥

एहि प्रकार भरि माघ नहाहीं । पुनि सब निज निज आश्रम जाहीं ॥

प्रति संवत अति होइ अनंदा । मकर मज्जि गवनहिं मुनिवृंदा ॥

एक बार भरि मकर नहाए । सब मुनीस आश्रमन्ह सिधाए ॥

जागबलिक मुनि परम बिबेकी । भरद्वाज राखे पद टेकी ॥

सादर चरन सरोज पखारे । अति पुनीत आसन वैठारे ॥

करि पूजा मुनि सुजसु बखानी । बोले अति पुनीत मृदु बानी ॥

नाथ एक संसउ बड़ मोरें । करगत वेदतत्व सबु तोरें ॥

कहत सो मोहिं लागत भय लाजा । जौं न कहौ बड़ होइ अकाजा ॥

दो०—संत कहहिं असि^१ नीति प्रभु श्रुति पुरान मुनि गाव ।

होइ न बिमल बिबेक उर गुर सन किएँ दुराव ॥४५॥

अस बिचारि प्रगटौ निज मोह । हरहुँ नाथ करि जन पर छोह ॥
 राम नाम कर अमित प्रभावा । संत पुरान उपनिषद् गावा ॥
 संतत जपत संभु अबिनासी । सिव भगवान ज्ञान गुन रासी ॥
 आकर चारि जीव जग अहहीं । कासी मरत परम पद लहहीं ॥
 सोपि राम महिमा मुनिराया । सिव उपदेसु करत करि दाया ॥
 रामु कवन प्रभु पूछौं तोहीं । कहिअ बुझाइ कृपानिधि मोहीं ॥
 एक राम अवधेसकुमारा । तिन्ह कर चरित बिदित संसारा ॥
 नारि बिरह दुखु लहेउ अपारा । भएउ^१ रोष रन रावन मारा ॥
 दो०—प्रभु सोइ रामु कि अपर कोउ जाहि जपत त्रिपुरारि ।

सत्य धाम सर्वज्ञ तुम्ह कहहु बिबेकु बिचारि ॥४६॥
 जैसें मिटै मोर^२ अमु भारी । कहहु सो कथा नाथ बिस्तारी ॥
 जागबलिक बोले मुसुकाई^३ । तुम्हहिं बिदित रघुपति प्रभुताई ॥
 राम भगत तुम्ह क्रम मन बानी । चतुराई तुम्हारि मैं जानी ॥
 चाहहु सुनै राम गुन गूढ़ा । कीन्हिहु प्रश्न मनहुँ अति मूढ़ा ॥
 तात सुनहु सादर मनु लाई । कहौं राम कै कथा सुहाई ॥
 महा मोहु महिषेसु बिसाला । रामकथा कालिका कराला ॥
 रामकथा ससि किरन समाना । संत चकोर करहिं जेहि पाना ॥
 ऐसेइ संसय कीन्ह भवानी । महादेव तब कहा बखानी ॥
 दो०—कहाँ सो मति अनुहारि अब उभा संभु संबाद ।

भएउ समय जेहि हेतु जेहि^४ सुनु मुनि मिटहि^५ विषाद ॥४७॥
 एक बार त्रेता जुग माहीं । संभु गए कुंभज रिषि पाहीं ॥

१—प्र० : भएँ । द्वि० : भएउ । तृ०, च० : द्वि० ।

२—प्र० : मोह । द्वि०, तृ० : प्र० । च० : मोर ।

३—प्र० : मुसुकाई [(२) : मुसकाई] । द्वि०, तृ०, च० : प्र० ।

४—[प्र० : अब] । [द्वि० : सो] । तृ० : जेहि । च० : तृ० ।

५—प्र० : मिटहि । द्वि० : प्र० । तृ०, च० : प्र० [(६) : मिटिहि] ।

संग सती जगजननि भवानी । पूजे रिषि अखिलेस्वर जानी ॥
 रामकथा मुनिवर्ज बखानी । सुनी महेस परम सुखु मानी ॥
 रिषि पृथ्वी हरि भगति सुहाई । कही संभु अधिकारी पाई ॥
 कहत सुनत रघुपति गुन गाथा । कछु दिन तहां रहे गिरिनाथा ॥
 मुनि सन विदा मांगि त्रिपुरारी । चले भवन सँग दच्छकुमारी ॥
 तेहि अवसर भंजन महि भारा । हरि रघुवंस लीन्ह अवतारा ॥
 पिता वचन तजि राजु उदासी । दंडकवन विचरत अविनासी ॥
 दो०--हृदय विचारत जात हर केहि विधि दरसनु हाँइ ।

गुपुत^१ रूप अवतरेउ प्रभु गएँ जान सब कोइ ॥

सो०--संकर उर अति छोभु सती न जानइ मरमु सोइ ।

तुलसी दरसन लोभु मन डरु लोचन लालची ॥४८॥

रावन मरनु मनुज कर जाँचा । प्रभु विधि वचन कीन्ह चह साँचा ॥
 जौं नहिं जाउँ रहै पछतावा । करत विचारु न वनत बनावा ॥
 एहि विधि भए सोच बस ईसा । तेहीं समय जाइ दससीसा ॥
 लीन्ह नीच मारीचहि संग । भएउ तुरत सोइ कपट कुरंग ॥
 करि छलु मूढ़ हरी वैदेही । प्रभु प्रभाउ तस विदित न तेही ॥
 मृग बधि बंधु सहित प्रभु^२ आए । आश्रमु देखि नयन जलु छाए ॥
 विरह बिकल नर इव^३ रघुराई । खोजत बिपिन फिरत दोउ भाई ॥
 कबहूँ जोग बियोग न जाकैं । देखा प्रगट विरह^४ दुखु ताकैं ॥

दो०--अति विचित्र रघुपति चरित जानहिं परम सुजान ।

जे मतिमंद विमोह बस हृदय धरहिं कछु आन ॥४९॥

१—प्र० : गुपुत । [द्वि० : गुप्त] । तृ० : प्र० । [च० : गुप्त] ।

२—प्र० : प्रभु । द्वि०, तृ० : प्र० । च० : प्र० [(६) (६अ) : हरि ।

३—प्र० : इव नर । द्वि० : प्र० [(४) (५) : (५अ)नर इव] । तृ० : नर इव । च० : तृ०

४—प्र० : दुसह । द्वि०, तृ० : प्र० । च० : विरह ।

संभु समय तेहि रामहिं देखा । उपजा हिय अति^१ हरषु बिसेखा ॥
 भरि लोचन छवि सिंधु निहारी । कुसमउ जानि न कीन्ह चिन्हारी ॥
 जय सच्चिदानंद जगपावन । अस काह चलेउ मनोज नसावन ॥
 चले जात सिव सती समेता । पुनि पुनि पुलकत कृपानिकेता ॥
 सती सो दसा संभु कै देखी । उर उपजा संदेहु बिसेखी ॥
 संकरु जगतबंध जगदीसा । सुर नर मुनि सब नावहिं^२ सीसा ॥
 तिन्ह नृपसुतहिं कीन्ह परनामा । कहि सच्चिदानंद परधामा ॥
 भए मगन छवि तासु बिलोकी । अजहुँ प्रीति उर रहति न रोकी ॥

दो०—ब्रह्म जो व्यापक बिरज अज अकल अनीह अमेद ।

सो कि देह धरि होइ नर जाहि न जानत वेद ॥५०॥

बिष्णु जो सुर हित नर तनु धारी । सोउ सर्वज्ञ जथा त्रिपुरारी ॥
 खोजै सो कि अज्ञ इव नारी । ज्ञान धाम श्रीपति असुरारी ॥
 संभु गिरा पुनि मृषा न होई । सिव सर्वज्ञ जान सबु कोई ॥
 अस संसय मन भएउ अपारा । होइ न हृदय प्रबोध प्रचारा ॥
 जद्यपि प्रगट न कहेउ भवानी । हर अंतरजामी सब जानी ॥
 सुनहि सती तव नारि सुभाऊ । संसय अस न धरिअ तन^३ काऊ ॥
 जासु कथा कुंभज रिषि गाई । भगति जासु मै मुनिहि सुनाई ॥
 सोइ मम इष्टदेव रघुवीरा । सेवत जाहि सदा मुनि धीरा ॥

छं०—मुनि धीर जोगी सिद्ध संतत विमल मन जेहि ध्यावहीं ।

कहि नेति निगम पुरान आगम जासु कीरति गावहीं ॥

सोइ राम व्यापक ब्रह्म भुवन निकाय पति मायाधनी ।

अवतरेउ अपने भगत हित निज तंत्र नित रघुकुलमनी ॥

१—प्र० : तेहि । द्वि० : अति । तृ०, च० : द्वि० ।

२—प्र० : नावहिं । द्वि०, तृ० : प्र० । : च० प्र० [(६) (६अ) : नावत] ।

३—प्र० : तन । द्वि० : प्र० [(४) : उर] । [तृ०, च० : मन] ।

सो०—लाग न उर उपदेसु जदपि कहेउ सिव बार बहु ।

बोले बिहँसि महेसु हरि माया बलु जानि जिय ॥५१॥
जौं तुम्हरे मन अति सदेहू । तौ किन जाइ परीछा लेहू ॥
तब लगि बैठ अहाँ बट छाहीं । जव लगि तुम्ह ऐहहु मोहि पाहीं ॥
जैसें जाइ मोह भ्रम भारी । करेहु सो जतनु विवेकु विचारी ॥
चलीं सती सिव आयसु पाई । कइ^१ बिचारु कगैं का भाई ॥
इहाँ^२ सभु अस मन अनुमाना । दच्छसुता कहूँ नहिं कल्याना ॥
मोरेहु कहें न संसय जाहीं । बिधि बिपरीत भलाई नाहीं ॥
होइहि सोइ जो राम रचि राखा । को करि^३ तर्क बढ़ावै साखा ॥
अस कहि लगे जपन^४ हरि नामा । गई सती जहँ प्रभु सुख धामा ॥

दो०—पुनि पुनि हृदय बिचारु करि धरि सीता कर रूप ।

आगे होइ चलीं पंथ तेहि जेहि आवत नरभूप ॥५२॥
लखिमन दीख उमा कृत वेषा । चकित भए भ्रम हृदय बिसेषा ॥
कहि न सकत कछु अति गंभीरा । प्रभु प्रभाउ जानत मतिधीरा ॥
सती कपटु जानेउ सुरस्वामी । सबदरसी सब अंतरजामी ॥
सुमिरत जाहि मिटै अज्ञाना । सोइ सर्वज्ञ राम भगवाना ॥
सती कीन्ह चह तहाँ दुराऊ । देखहु नारि सुभाव प्रभाऊ ॥
निज माया बलु हृदय बखानी । बोले बिहसि रामु मृदु बानी ॥
जोरि पानि प्रभु कीन्ह प्रनामू । पिता समेत लीन्ह निज^५ नामू ॥
कहेउ बहोरि कहाँ वृषकेतू । बिपिन अकेलि फिरहु केहि हेतू ॥

दो०—राम बचन मृदु गूढ़ सुनि उपजा अति संकोचु ।

सती समीत महेस पहिं चली हृदय बड़ सोचु ॥५३॥

१—प्र० : करइ । द्वि०, तृ० : प्र० । च० : करहि [(न) : करै] ।

२—प्र० : इहाँ । द्वि० : प्र० । [तृ० : उहाँ] । च० : प्र० ।

३—[प्र० : कै] । द्वि० : करि । तृ०, च० : द्वि० ।

४—प्र० : जपन लगे । द्वि०, तृ० : प्र० । च० : लगे जपन ।

५—प्र० : हरि । द्वि० : प्र० [(४) (५अ) : निज] । तृ० : निज । च० : तृ० ।

मैं संकर कर कहा न माना । निज अज्ञानु राम पर आना ॥
 जाइ उतरु अब देइहौं काहा । उर उपजा अति दारुन दाहा ॥
 जाना राम सती दुखु पावा । निज प्रभाउ कछु प्रगटि जनाव ॥
 सती दीख कौतुकु मग जाता । आगें राम सहित श्री आता ॥
 फिरि चितवा पाछें प्रभु देखा । सहित बंधु सिअ सुदर बेखा ॥
 जहँ चितवहिं तहँ प्रभु आसीना । सेवहिं सिद्ध मुनीस प्रबीना ॥
 देखे सिव विधि बिष्णु अनेका । अमित प्रभाउ एक तें एका ॥
 बंदत चरन करत प्रभु सेवा । बिबिध बेष देखे सब देवा ॥
 दो०—सती बिधार्त्री इंदिरा देखीं अमित अनूप ।

जेहि जेहि बेष अजादि सुर तेहि तेहि तन अनुरूप ॥५४॥
 देखे जहँ तहँ रघुपति जेते । सक्तिन्ह सहित सकल सुर तेते ॥
 जीव चराचर जे संसारा । देखे सकल अनेक प्रकारा ॥
 पूजहिं प्रभुहिं देव बहु बेषा । राम रूप दूसर नहिं देखा ॥
 अबलोके रघुपति बहुतेरे । सीता सहित न बेष धनेरे ॥
 सोइ रघुपति सोइ लखिमन सीता । देखि सती अति भई सभीता ॥
 हृदय कंप तन सुधि कछु नाहीं । नयन मूँदि बैठीं मग माहीं ॥
 बहुरि बिलोकेउ नयन उवारी । कछु न दीख तहँ दच्छकुमारी ॥
 पुनि पुनि नाइ रामपद सीसा । चलीं तहाँ जहँ रहे गिरीसा ॥
 दो०—गईं समीप महेस तब हँसि पूछी कुसलात ।

लीन्हि परीछा कवन बिधि कहहु सत्य सब बात ॥५५॥
 सती समुझि रघुवीर प्रभाऊ । भयवस सिव^१ सन कीन्ह दुराऊ ॥
 कछु न परीछा लीन्हि गुसाईं । कीन्ह प्रनामु तुम्हारिहि नाई ॥
 जो तुम्ह कहा सो मृषा न होई । मोरे मन प्रतीति अति सोई ॥
 तब संकर देखेउ धरि ध्याना । सती जो कीन्ह चरित सबु जाना ॥

बहुरि राम मायहि सिरु नावा । प्रेरि सतिहि जेहिं भूँठ कहावा ॥
हरि इच्छा भावी बलवाना । हृदय विचारत संभु सुजाना ॥
सती कीन्ह सीता कर बेषा । सिव उर भएउ विषाद त्रिसेपा ॥
जौ अब करौं सती सन प्रीती । मिटै भगति पथु होइ अनीती ॥
दो०—परम प्रेम नहिं जाइ तजि^१ किए प्रेम बड़ पापु ।

प्रगटि न कहत महेसु कछु हृदय अधिक संतापु ॥५६॥
तब संकर प्रभु पद सिरु नावा । सुमिरत रामु हृदय अस आवा ॥
एहि तन सतिहि भेट मोहिं नहिं । सिव संकल्पु कीन्ह मन माहीं ॥
अस बिचारि संकरु मतिधीरा । चले भवन सुमिरत रघुवीरा ॥
चलत गगन भै गिरा सुहाई । जय महेस भलि भगति दृढ़ाई ॥
अस पन तुम्ह बिनु करै को आना । राम भगत समरथ भगवाना ॥
सुनि नभगिरा सती उर सोचा । पूछा सिवहि समेत सकोंचा ॥
कीन्ह कवन पन कहहु कृपाला । सत्यधाम प्रभु दीनदयाला ॥
जदपि सती पूँछा बहु भाँती । तदपि न कहेउ त्रिपुरआराती ॥
दो०—सती हृदय अनुमान किअ सबु जानेउ सर्वज्ञ ।

कीन्ह कपटु मै संभु सन नारि सहज जड़ अज्ञ ॥
सो०—जलु पय सरिस बिकाइ देखहु प्रीति कि रीति भलि ।
बिलग होइ^२ रसु जाइ कपटु खटाई परत ही^३ ॥५७॥
हृदय सोचु समुझत निज करनी । चिंता अमित जाइ नहिं बरनी ॥
कृपासिंधु सिव परम अगाधा । प्रगट न कहेउ मोर अपराधा ॥
संकर रुख अवलोकि भवानी । प्रभु मोहिं तजेउ हृदय अकुलानी ॥
निज अघ समुझि न कछु कहि जाई । तपै अवाँ इव उर अधिकारि ॥

१—प्र० : प्रेम तजि जाइ नहिं । द्वि०, तृ० : प्र० । च० : प्र० [(६) (६अ) : पुनीत न जाइ तजि] ।

२—प्र० : होत । द्वि० : होइ [(५अ) : होत] । तृ०, च० : द्वि० ।

३—प्र० : ही । द्वि०, तृ० : प्र० । च० : प्र० [(६) (६अ) : पुनि] ।

सतिहि ससोच जानि वृषकेतू । कही कथा सुंदर सुख हेतू ॥
 बरनत पंथ विविध इतिहासा । विस्वनाथ पहुँचे कैलासा ॥
 तहँ पुनि संभु समुझि पन आपन । बैठे बट तर करि कमलासन ॥
 संकर सहज सरूपु सँभारा । लागि समाधि अखंड अपारा ॥

दो०—सती बसहि कैलास तब अधिक सोचु मन माहिं ।

मरमु न कोऊ जान कछु जुग सम दिवस सिराहिं ॥५८॥
 नित नव सोचु सती उर भारा । कब जैहौं दुख सागर पारा ॥
 मैं जो कीन्ह रघुपति अपमाना । पुनि पति बचन मृषा करि जाना ॥
 सो फलु मोहिं विधाता दीन्हा । जो कछु उचित रहा सोइ कीन्हा ॥
 अब विधि अस बूझिअ नहिं तोहीं । संकर बिमुख जिआवसि मोहीं ॥
 कहि न जाइ कछु हृदय गलानी । मन महुँ रामहिं सुमिरि सयानी ॥
 जौं प्रभु दीनदयालु कहावा । आरति हरन बेद जसु गावा ॥
 तौ मैं बिनय करौं कर जोरी । छूटौ बेगि देह यह मोरी ॥
 जौं मोरें सिव चरन सनेहू । मन क्रम बचन सत्य ब्रतु एहू ॥
 दो०—तौ सबदरसी सुनिअ प्रभु करौ सो बेगि उपाइ ।

होइ मरनु जेहि बिनहिं श्रम दुसह बिपत्ति बिहाइ ॥५९॥
 एहि बिधि दुखित प्रजेसकुमारी । अकथनीय दारुन दुखु भारी ॥
 नीति संवत सहस सतासी । तजी समाधि संभु अबिनासी ॥
 राम नाम सिव सुमिरन लागे । जानेउँ सती जगतपति जागे ॥
 जाइ^१ संभु पद बंदनु कीन्हा । सनमुख संकर आसनु दीन्हा ॥
 लगे कहन हरिकथा रसाला । दच्छ प्रजेस भए तेहि काला ॥
 देखा बिधि बिचारि सब लायक । दच्छहिं कीन्ह प्रजापति नायक ॥
 बड़ अधिकार दच्छ जब पावा । अति अभिमान हृदयँ तब आवा ॥
 नहिं कोउ अस जनमा जग माहीं । प्रभुता पाइ जाहि मद नाही ॥

दो०—दच्छ लिए मुनि बोलि सब करन लगे बड़ जाग ।

नेवते सादर सकल सुर जे पावत मप भाग ॥६०॥

किन्नर नाग सिद्ध गंधर्वा । बधुन्ह समेत चले सुर सर्वा ॥
विष्णु विरंचि महेसु बिहाई । चले सकल सुर जान बनाई ॥
सती बिलोके व्योम बिमाना । जात चले सुंदर बिधि नाना ॥
सुरसुंदरी करहि कल गाना । सुनत श्रवन छूटहि मुनि ध्याना ॥
पूछेउ तब सिव कहेउ बखानी । पिता जज्ञ सुनि कछु हरषानी ॥
जौ महेसु मोहि आयसु देहीं । कछु दिन जाइ रहौं मिस एहीं ॥
पति परित्याग हृदय दुखु भारी । कहै न निज अपराध बिचारी ॥
बोलीं सती मनोहर बानी । भय संकोच प्रेम रस सानी ॥

दो०—पिता भवन उत्सव परम जौ प्रभु आयसु होइ ।

तौ मैं जाउँ कृपायतन^१ सादर देखन सोइ ॥६१॥

कहेहु नीक मोरेहुँ मन भावा । यह अनुचित नहिं नेवत पठावा ॥
दच्छ सकल निज सुता बोलाई । हमरें बयर तुम्हौं बिसराई ॥
ब्रह्मसभाँ हम सन दुखु माना । तेहि तैं अजहुँ करहि अपमाना ॥
जौ बिनु बोले जाहु भवानी । रहै न सीलु सनेहु न कानी ॥
जदपि मित्र प्रभु पितु गुर गेहा । जाइअ बिनु बोलेहु न सँदेहा ॥
तदपि बिरोध मान जहँ कोई । तहाँ गएँ कल्यान न होई ॥
भौंति अनेक संभु समुझावा । भावी बस न जानु उर आवा ॥
कहं प्रभु जाहु जो बिनहिं बुलाएँ । नहिं भलि बात हमारे भाएँ ॥
दो० — कहि देखा हर जतन बहु रहै न दच्छकुमारि ।

दिए मुख्य गन संग तब बिदा कीन्ह त्रिपुरारि ॥६२॥

पिता भवन जब गई भवानी । दच्छ त्रास काहु न सनमानी ॥

१—प्र० : कृपाश्रयन । दि० : कृपायतन । तु०, च० : दि० ।

१—प्र० : हमरेहि । दि० : प्र० [(५अ) : हमारे] । तु०, च० : दि० ।

सादर भलेहि मिली एक माता । भांगनी मिली बहुत मुसुकाता ॥
 दच्छ न कछु पूछी कुसलाता । सतिहि बिलोकि जरे सब गाता ॥
 सती जाइ देखेउ तब जागा । कतहुँ न दीख संभु कर भागा ॥
 तब चित चढ़ेउ जो संकर कहेऊ । प्रभु अपमान समुझि उर दहेऊ ॥
 पाछिल दुखु न हृदय अस^१ व्यापा । जस यह भएउ महा परितापा ॥
 जद्यपि जग दारुन दुख नाना । सब तैं कठिन जाति अपमाना ॥
 समुझि सो सतिहि भएउ अति क्रोधा । बहु विधि जननी कीन्ह प्रबोधा ॥
 दो०—सिव अपमानु न जाइ सहि हृदय न होइ प्रबोध ।

सकल सभहि हठि हटकि तब बोली बचन सकोध ॥६२॥
 सुनहु सभासद सकल मुनिदा । कही सुनी जिन्ह संकर निंदा ॥
 सो फलु तुरत लहव सब काहूँ । भली भाँति पछिताव पिताहूँ ॥
 संत संभु श्रीपति अपवादा । सुनिअ जहाँ तहँ असि मरजादा ॥
 काटिअ^२ तासु जीभ जो बसाई । श्रवन मूँदि न त चलिअ पराई ॥
 जगदात्मा महेसु पुगरी । जगत जनक सब के हितकारी ॥
 पिता मंदमति निंदत तेही । दच्छ सुक संभव यह देही ॥
 तजिहौं तुरत देह तेहि हेतू । उर धरि चंद्रमौलि वृषकेतू ॥
 अस कहि जोग अगिनि तनु जारा । भएउ सकल मष हाहाकारा ॥
 दो०—सती मरनु सुनि संभुगन लगे करन मष खीस ।

जज बिधंस बिलोकि भृगु रच्छा कीन्ह मुनीस ॥६३॥
 समाचार सब संकर पाए । बीरभद्रु करि कोपु पठाए ॥
 जज बिधंस जाइ तिन्ह कीन्हा । सकल सुरन्ह^३ बिधिवत फलुदीन्हा ॥
 भै जग बिदित दच्छगति सोई । जसि कछु संभु बिमुख कै होई ॥

१—प्र० : अस हृदय न । दि०, तु० : प्र० । च० : न हृदय अस ।

२—प्र० : काटिअ । [दि० : काडिअ] । तु०, च० : प्र० ।

३—[प्र० : सुरन्ह] । दि० : सुरन्ह । तु०, च० : दि० ।

यह इतिहास सकल जगजानी । तारें मैं संक्षेप बखानी ॥
 सतीं मरत हरि सन बरु माँगा । जनम जनम सिब पद अनुरागा ॥
 तेहि कारन हिमगिरि गृह जाई । जनमी पारवती तनु पाई ॥
 जब तें उमा सैल गृह जाई । सकल सिद्धि संपति तहँ छाई ॥
 जहँ तहँ मुनिन्ह सुआश्रमु कीन्हे । उचित बास हिमभूधर दीन्हे ॥
 दो० — सदा सुमन फल सहित सब द्रुम नव नाना जाति ।

प्रगटीं सुंदर सैल पर मनिआकर बहु भाँति ॥ ६५ ॥
 सरिता सब पुनीत जलु बहहीं । खग मृग मधुप सुखी सब रहहीं ॥
 सहज बयरु सब जीवन्ह^१ त्यागा । गिरि पर सकल करहिं अनुरागा ॥
 सोह सैल गिरिजा गृह आएँ । जिमि जनु राम भगति के पाएँ ॥
 नित नूतन मंगल गृह तासू । ब्रह्मादिक गावहिं जसु जासू ॥
 नारद समाचार सब पाए । कौतुक हीं गिरि गेह सिधाए ॥
 सैलराज बड़ आदर कीन्हा । पद पषारि वर^२ आसनु दीन्हा ॥
 नारि सहित मुनिपद सिरु नावा । चरन सलिल सबु^३ भवनु सिचावा ॥
 निज सौभाग्य बहुत विधि^४ वरना । सुता बोलि मेली मुनि चरना ॥
 दो० — त्रिकालज्ञ सर्वज्ञ तुम्ह गति सर्वत्र तुम्हारि ।

कहहु सुता के दोष गुन मुनिवर हृदय बिचारि ॥ ६६ ॥
 कह मुनि बिहसि गूढ़ मृदु बानी । सुता तुम्हारि सकल गुनखानी ॥
 सुंदर सहज सुसील सयानी । नाम उमा अंबिका भवानी ॥
 सब लच्छन संपन्न कुमारी । होइहि संतत पिआहि पिआरी ॥
 सदा अचल एहि कर अहिवाता । इहि तें जसु पैहहिं पितु माता ॥
 होइहि पूज्य सकल जग माहीं । एहि सेवत कछु दुर्लभ नाहीं ॥

१—प्र० : जीवन्ह । [द्वि० : जीवन] । तृ० : प्र० । च० : प्र० [(६) : जीवइ] ।

२—प्र० : तव । द्वि० : वर [(५अ) : तव] तृ०, च० : द्वि० ।

३—प्र० : सबु [(१) में शब्द छूटा हुआ है] । द्वि०, तृ०, च० : प्र० ।

४—प्र० : विधि । द्वि०, तृ० : प्र० । च० : प्र० [(६) (६अ) : गिरि] ।

एहि कर नामु सुमिरि संसारा । त्रिय^१चढ़िहि पतिव्रत असि धारा ॥
 सैल सुलच्छन सुता तुम्हारी । सुनहु जे^२ अब अवगुन दुइ चारी ॥
 अगुन अमान मातु पितु हीना । उदासीन सब संसय छीना ॥
 दो०—जोगी जटिल अकाम मन नगन अमंगल बेष ।

अस स्वामी एहि कहँ मिलिहि परी हस्त असि रेख ॥६७॥
 सुनि मुनि गिरा सत्य जिअ जानी । दुखु दंपतिहि उमा हरषानी ॥
 नारद हूँ यह भेदु न जाना । दसा एक समुभव बिलगाना ॥
 सकल सखीं गिरिजा गिरि मैना । पुलक सरीर भरे जल नैना ॥
 होइ न मृषा देवरिषि भाखा । उमा सो बचनु हृदय धरि राखा ॥
 उपजेउ सिव पद कमल सनेहू । मिलन कठिन भा मन^३ संदेहू ॥
 जानि कुअवसरु प्रीति दुराई । सखि उछंग बैठी^४ पुनि जाई ॥
 भूठि न होइ देवरिषि बानी । सोचहि दंपति सखी सयानी ॥
 उर धरि धीर कहै गिरिराऊ । कहहु नाथ का करिअ उपाऊ ॥
 दो०—कह मुनीस हिमवंत सुनु जो बिधि लिखा लिलार ।

देव दनुज नर नाग मुनि कोउ न मेटनिहार ॥६८॥
 तदपि एक मैं कहौं उपाई । होइ करै जौ दैउ सहाई ॥
 जस बरु मैं बरनेउं तुम्ह पाहीं । मिलिहि उमहि तस संसय नाही ॥
 जे जे बर के दोष बखाने । ते सब सिव पहिं मैं अनुमाने ॥
 जौं बिवाहु संकर सन होई । दोषौ गुन सम कह^५ सबु कोई ॥
 जौं अहि सेज सयन हरि करहीं । बुध कछु तिन्हकर दोषु न धरहीं ॥

१—प्र० : त्रिय । द्वि० : प्र० [(३) (४) (५) : तिअ] । [तृ० : तिअ] । च० : प्र०
 [(८) : तिअ]

२—प्र० : जो । द्वि० : प्र० । तृ० : जे । च० : तृ० ।

३—प्र० : भा मन । द्वि० : प्र० [(५अ) : मन भा] । [तृ० : मन भा] । च० : प्र०
 [(६) (६अ) : मन भा] ।

४—प्र० : सखी उछंग बैठि । द्वि०, तृ० : प्र० । च० : सखि उछंग बैठी ।

५—[प्र० : समान] । द्वि० : सम कह । तृ०, च० : द्वि० ।

भानु कृसानु सब रस खाहीं । तिन्ह कहँ मंद कहत कोउ नाही ॥
 सुभ अरु असुभ सलिल सब बहहीं । सुरसरि कोउ अपुनीत न कहहीं ॥
 समरथ कहूँ^१ नहिँ दोषु गोसाईं । रवि पावक सुरसरि की नाई ॥
 दो०—जौँ अस हिसिषा करहिँ नर जड़^२ बिबेक अभिमान ।

परहि कलप भरि नरक महुँ जीव कि ईस समान ॥६६॥
 सुरसरि जल कृत बारुनि जाना । कवहुँ न संत करहिँ तेहि पाना ॥
 सुरसरि मिलैं सो पावन जैसैं । ईस अनीसहि अंतरु तैसैं ॥
 संभु सहज समरथ भगवाना । येहि बिवाहँ सब बिधि कल्याना ॥
 दुगराध्य पै अहहिँ महेसू । आसुतोष पुनि किएँ कलेसू ॥
 जौँ तपु करै कुमारि तुम्हारी । भाविउ मेटि सकहिँ त्रिपुरारी ॥
 जद्यपि बर अनेक जग माहीं । येहि कहँ सिव तजि दूसर नाही ॥
 बरदायक प्रनतारति भंजन । कृपासिंधु सेवक मनरंजन ॥
 इच्छित फल बिनु सिव अवराधैं । लहिअ न कोटि जोग जप साधैं ॥
 दो०—अस कहि नारद सुमिरि हरि गिरिजहि दीन्ह असीस ।

होइहि येहि कल्यान अब^३ संसय तजहु गिरीस ॥७०॥
 कहि अस ब्रह्मभवन मुनि गएऊ । आगिल चरित सुनहु जस भएऊ ॥
 पतिहि एकांत पाइ कह मैना । नाथ न मैं समुझे^४ मुनि बैना ॥
 जौँ घरु बरु कुलु होइ अनूपा । करिअ बिवाहु सुता अनुरूपा ॥
 न त कन्या बरु रहौ कुआँरी । कंत उमा मम प्रान पियारी ॥
 जौँ न मिलिहि बरु गिरिजहि जोगू । गिरि जड़ सहज कहिहिँ सबु लोगू ॥
 सोइ बिचारि पति करेहु बिवाह । जेहिँ न बहोरि होइ उर दाह ॥

१—प्र०: कर । द्वि०: प्र० [(५): कहँ] । तृ०: कहूँ । च०: तृ० ।

२—प्र०: जौँ सै सहि इसिखा करहिँ नर । द्वि०: जौँ अस हिसिखा करहिँ नर जड़ ।

तृ०, च०: द्वि० ।

३—प्र०: अब कल्यान सब । द्वि०: प्र० । तृ०: एहि कल्यान अब । च०: तृ० ।

४—प्र०: बूझे । द्वि०: समुझे । तृ०: समुझै । च०: द्वि० ।

अस कहि परी चरन धर सीसा । बोले सहित सनेह गिरीसा ॥
बरु पावक प्रगटै ससि माहीं । नारद बचनु अन्यथा नाहीं ॥
दो०—प्रिया सोचु परिहरहु सब^१ सुमिगहु श्रीभगवान ।

पारवती^२ निरमण्ड जेहि सोइ करिहि कल्याण ॥७१॥
अब जौ तुम्हहि सुता पर नेह । तौ अस जाइ सिखावनु देह ॥
करइ सो तपु जेहि मिलहि महेसू । आन उपाइ न मिटिहि कलेसू ॥
नारद बचन सगर्भ सहेतू । सुंदर सब गुन निधि वृषकेतू ॥
अस बिचारि तुम्ह^३ तजहु असंका । सबहि भाँति संकरु अकलंका ॥
सुनि पति बचन हरषि मन माहीं । गई तुरत उठि गिरिजा पाहीं ॥
उमहि बिलोकि नयन भरे बारी । सहित सनेह गोद बैठारी ॥
बारहि बार लेति उर लाई । गदगद कंठ न कछु कहि जाई ॥
जगत मातु सर्वज्ञ भवानी । मातु सुखद बोली मृदु बानी ॥
दो०—सुनहि मातु मै दीख अस सपन सुनावौ तोहि ।

सुंदर गौर सुबिप्रवर अस उपदेसेउ मोहि ॥७२॥
करहि जाइ तपु सैलकुमारी । नारद कहा सो सत्य बिचारी ॥
मातु पितहि पुनि येह मत भावा । तपु सुखप्रद दुख दोष नसावा ॥
तप बल रचै प्रपंचु बिधाता । तप बल बिष्णु सकल जगत्राता ॥
तप बल संशु करहि संघारा । तपबल सेषु धरै महि भारा ॥
तप अधार सब सृष्टि भवानी । करहि जाइ तपु अस जिअ जानी ॥
सुनत बचन बिसमित महतारी । सपन सुनाएउ गिरिहि हँकारी ॥
मातु पितहि बहु बिधि समुझाई । चली उमा तप हित हरषाई ॥
प्रिय परिवार पिता अरु माता । मए^४ बिकल मुख आव न बाता ॥

१—प्र०: अब । द्वि०: सब [(५अ): अब] । तृ०, च०: द्वि० ।

२—प्र०: पारवती । द्वि०: प्र० [(३)(४) (५): पारवतिहि] । तृ०: प्र० । च०: प्र०
[(३) (३अ): पारवतिहि] ।

३—प्र०: सब । द्वि०: तुम्ह [(५अ): सब] । तृ०, च०: द्वि० ।

४—प्र०: मण्ड । द्वि०: मए [(५अ): मण्ड] । तृ०, च०: द्वि० ।

दो०—वेदसिरा मुनि आई तब सबहि कहा समुझाइ ।

पारबती महिमा सुनत रहे प्रबोधहि पाइ ॥७३॥

उर धरि उमा प्रानपति चरन । जाइ बिपिन लागीं तपु करना ॥

अति सुकुमार न तनु तप जोगू । पति पद सुमिरि तजे सबु भोगू ॥

नित नव चरन उपज अनुरागा । बिसरी देइ तपहि मनु लागा ॥

संबत सहस मूल फल खाए । सागु खाइ सत वर्ष गँवाए ॥

कछु दिन भोजनु धारि बतासा । किए कठिन कछु दिन उपवासा ॥

बेलपाति^१ महि परै सुखाई । तीनि सहस संबत सोइ खाई ॥

पुनि परिहरे सुखानेउ परना । उमहि नामु तब भएउ अपरना ॥

देखि उमहि तप खीन सरीरा । ब्रह्म गिरा भै गगन गँभीरा ॥

दो०—भए मनोरथ सुकल तब सुनु गिरिराजकुमारि ।

परिहरु दुसह कलेस सब अब मिलिहि^२ त्रिपुरारि ॥७४॥

अस तपु काहुँ न कीन्ह भवानी । भए अनेक धीर मुनि ज्ञानी ॥

अब उर धरहु ब्रह्म वर वानी । सत्य सदा संतत सुचि जानी ॥

आवै पिता बोलावन जबहीं । हठ परिहरि घर जाएहु तबहीं ॥

मिलहिं तुम्हहिं जवर सप्त रिषीसा । जानिहु^३ तब प्रमान बागीसा ॥

सुनत गिरा बिधि गगन बखानी । पुलक गात गिरिजा हरषानी ॥

उमा चरित सुंदर मै गावा । सुनहु संभु कर चरित सुहावा ॥

जब तैं सतीं जाइ तनु त्यागा । तब तैं सिव मन भएउ बिरागा ॥

जपहिं सदा रघुनायक नामा । जहँ तहँ सुनिहिं राम गुन ग्रामा ॥

दो०—चिदानंद सुखधाम सिध बिगत मोह मद काम^४ ।

बिचरहिं महि धरि हृदयँ हरि सकल लोक अभिराम ॥७५॥

१—[प्र० : बेलवाति] । द्वि० : बेलपाति [(५अ) : बेलपान] । [तृ० : बेलपात] ।

च० : द्वि० [(६) (३अ) : बेलवाती] ।

२—प्र० : जवहिं अब । द्वि० : प्र० [(४) (५) : तुम्हहिं जव] । तृ० : तुम्हहिं जव । च० : तु०

३—प्र० : जानिहु । [द्वि०, तृ०, च० : जानेहु] ।

४—प्र० : काम [(२) : मान] । द्वि०, तृ० : प्र० । च० : प्र० [(६) (६अ) : मान] ।

कतहुँ मुनिन्ह उपदेसहिं ज्ञाना । कतहुँ रामगुन करहिं बखाना ॥
 जदपि अकाम तदपि भगवाना । भगत बिरह दुख दुखित सुजाना ॥
 एहि बिधि गएउ कालु बहु बीती । नित नइ होइ रामपद प्रीती ॥
 नेमु प्रेमु संकर कर देखा । अबिचल हृदय भगति कै रेखा ॥
 प्रगटे रामु कृतज्ञ कृपाला । रूप सील निधि तेज बिसाला ॥
 बहु प्रकार संकरहि सराहा । तुम्ह बिनु अस ब्रतु को निरवाहा ॥
 बहु बिधि राम सिवहि समुझावा । पारवती कर जनम सुनावा ॥
 अति पुनीत गिरिजा कै करनी । बिस्तर सहित कृपानिधि बरनी ॥
 दो०—अब बिनती मम सुनहु सिव जौ मो पर निज नेहु ।

जाइ बिवाहहु सैलजहि यह मोहि माँगे देहु ॥७६॥
 कह सिव जदपि उचित अस नाही । नाथ बचन पुनि मेटि न जाहीं ॥
 सिर धरि आएसु करिअ तुम्हारा । परम धरमु यह नाथ हमारा ॥
 मातु पिता प्रभु गुर१ कै बानी । बिनहिं बिचार करिअ सुभ जानी ॥
 तुम्ह सब भौति परम हितकारी । अज्ञा सिर पर नाथ तुम्हारी ॥
 प्रभु तोषेउ सुनि संकर बचना । भक्ति विवेक धर्म जुत रचना ॥
 कह प्रभु हर तुम्हार पन रहेऊ । अब उर राखेहु जो हम कहेऊ ॥
 अंतरधान भए अस भाखी । संकर सोइ मूरति उर राखी ॥
 तबहि सप्तारिषि सिव पहिं आए । बोले प्रभु अति बचन सुहाए ॥
 दो०—पारवती पहिं जाइ तुम्ह प्रेम परिच्छा लेहु ।

गिरिहि प्रेरि पठएहु२ भवन दूर करेहु संदेहु ॥७७॥
 रिषिन्ह गौरि देखी तहँ कैसी । मूरतिवंत४ तपस्या जैसी ॥

१—प्र० : प्रभु गुर । द्वि० : प्र० [(३) (४) (५) : गुर प्रभु] । [तृ० : गुर प्रभु] । च० : प्र०
 [(३) (३अ) : गुर प्रभु] ।

२—प्र० : जाइ । द्वि० : प्रेरि [(५अ) : जाइ] । तृ०, च० : द्वि० ।

३—प्र० : पठएहु । द्वि० : प्र० [(३) (४) (५) : पठवहु] । [तृ० : पठवहु] । च० : प्र० ।

४—प्र० : मूरतिवंत । द्वि०, तृ०, च० : प्र० [(३) (३अ) : मूरतिवंत] ।

बोले मुनि सुनु सैलकुमारी । करहु कवन कारन तपु भारी ॥
 केहि अवराधहु का तुम्ह चहहू । हम सन सत्य मरमु सब^१ कहहू ॥
 सुनत रिबिन्ह के वचन भवानी । बोली गूढ़ मनोहर बानी ॥
 कहत मरमु मनु अति सकुचाई । हँसिहहु सुनि हमारि जड़ताई ॥
 मनु हठ परा न सुनै सिखावा । चहत बारि पर भीति उठावा ॥
 नारद कहा सत्य सोइ^२ जाना । बिनु पंखन्ह हम चहहिं उड़ाना ॥
 देखहु सुनि अविवेक हमारा । चाहिप्र सिवहि सदा^३ भरतारा ॥
 दो०—सुनत वचन बिहँसे रिषय गिरि संभव तव देहु ।

नारद कर उपदेसु सुनि कहहु वसेउ किमु गेहु ॥७८॥
 दच्छ सुतन्ह^४ उपदेसेन्हि जाई । तिन्ह फिरे भवनु न देखा आई ॥
 चित्रकेतु कर घर उन घाला । कनककसिपु कर पुनि अस हाला ॥
 नारद सिष जे सुनहिं नर नारी । अबसि होहिं तजि भवन भिखारी ॥
 मन कपटी तन सज्जन चोन्हा । आपु सरिस सबही चह कीन्हा ॥
 तेहि^५ वचन मानि बिस्वासा । तुम्ह चाहहु पति सहज उदासा ॥
 निर्गुन निलज कुबेष कपाली । अकुल अगेह दिगंबर व्याली ॥
 कहहु कवन सुखु अस बर पाएँ । भल भूलिहु ठग केँ बौराएँ ॥
 पंच कहैं सिव सती बिवाही । पुनि अवडेरि मराएन्हि ताही ॥
 दो०—अब सुख सोवत सोचु नहिं भीख माँगि भव खाहिं ।

सहज एकाकिन्ह केँ भवन कबहुँ कि नारि खटाहिं ॥७९॥

१—प्र० : सब । द्वि० : प्र० [(३) () (५) : किन] । तृ० : प्र० [(२) : तुम्ह]
 [(६) (दश) में इस अष्टांश के अंतिम दो शब्द, अगली अष्टांश, तथा उसके बाद की अष्टांश के पहले दो शब्द छूटे हुए हैं] ।

२—प्र० : सत्य हम । द्वि० : प्र० । तृ० : सत्ता सोइ । च० : तृ० ।

३—प्र० : सिवहि सदा । द्वि० : प्र० [(३) (४) (५) : सदा सिवहि] । तृ० : प्र० ।
 [च० : सदा सिवहि] ।

४—प्र० : दच्छ सुतन्हि । द्वि०, तृ०, च० : दच्छ सुतन्ह ।

अजहूँ मानहु कहा हमारा । हम तुम्ह कहूँ बरु नीक विचारा ॥
 अति सुंदर सुचि सुखद सुसीला । गावहि बेद जासु जसु लीला ॥
 दूषन रहित सकल गुन रासी । श्रीपति पुर बैकुंठ निवासी ॥
 अस बरु तुम्हहि मिलाउव आनी । सुनत बिहँसि कह बचन ? भवानी ॥
 सत्य कहेहु गिरिभव तनु एहा । हठ न छूट छूटै बरु देहा ॥
 कनकौ पुनि पषान तैं होई । जारेहुँ सहजु न परिहर सोई ॥
 नारद बचन न मैं परिहरऊँ । बसौ भवनु उजरौ नहिं डरऊँ ॥
 गुर केँ बचन प्रतीति न जेही । सपनेहुँ सुगमन सुख सिधि तेही ॥
 दो०—महादेव अवगुन भवन बिष्नु सकल गुनधाम ।

जेहि कर मनु रम जाहि सन तेहि तेही सन काम ॥८०॥
 जौं तुम्ह मिलतेहु प्रथम मुनीसा । सुनतिउँ सिख तुम्हारि धरि सीसा ॥
 अब मैं जन्मु संभु हितर हारा । को गुन दूषन करै विचारा ॥
 जौं तुम्हरेँ हठ हृदय बिसेषी । रहि न जाइ बिनु किणँ बरेषी ॥
 तौ कौतुकिअन्ह आलसु नाही । बर कन्या अनेक जग माहीं ॥
 जनम कोटि लगि रगरि हमारी । बरौ संभु नतु रहौ कुआरी ॥
 तजौं न नारद कर उपदेसू । आपु कहहिं सत बार महेसू ॥
 मैं पा परौ कहै जगदंबा । तुम गृह गवनहु भएउ बिलंबा ॥
 देखि प्रेम बोले मुनि ज्ञानी । जय जय जगदंबिके भवानी ॥
 दो०—तुम्ह माया भगवान सिव सकल जगत पितु मातु ।

नाइ चरन सिर मुनि चले पुनि पुनि हरषत गातु ॥८१॥
 जाइ मुनिन्ह हिमवंतु पठाए । करि बिनती गिरजहि गृह ल्याए ॥
 बहुरि सप्तरिषि सिव पहिं जाई । कथा उमा कै सकल सुनाई ॥
 भए मगन सिव सुनत सनेहा । हरषि सप्तरिषि गवने गोहा ॥

१—प्र० : बचन कह बिहँसि । द्वि० : प्र० । तृ० : बिहँसि कह बचन । च० : ८० ।

२—प्र० मैं । द्वि० : प्र० । तृ० : हित । च० : तृ० ।

३—प्र० : रगरि । द्वि०, तृ०, च० : प्र० [(इ) (न) ; रगर] ।

मनु थिरु करि तव संभु सुजाना । लगे करन रघुनायक ध्याना ॥
तारकु असुर भएउ तेहिं काला । भुज प्रताप बल तेज विसाला ॥
तेहिं^१ सब लोक लोकपति जीते । भए देव सुख संपति गीते ॥
अजर अमर सो जीति न जाई । हारे सुर करि विविध लराई ॥
तव विरंचि सन^२ जाइ पुकारे । देखे विधि सब देव दुखारे ॥
दो०—सब सन कहा बुझाई विधि दनुज निधन तव होइ ।

संभु सुक संभूत सुत एहि जीतै रन सोइ ॥८२॥
मोर कहा सुनि करहु उपाई । होइहि ईस्वर करिहि सहाई ॥
सती जो तजी दच्छ मख देहा । जनमी जाइ हिमाचल गेहा ॥
तेहिं तपु कीन्ह संभु पति लागी । सिव समाधि बैठे सबु त्यागी ॥
जदपि अहै असमंजस भारी । तदपि बात एक सुनहु हमारी ॥
पठवहु कामु जाइ सिव पाहीं । करै छोभु संकर मन माहीं ॥
तव हम जाइ सिवहि सिर नाई । करवाउव बिबाहु बरिआई ॥
एहि विधि भलोहि देव हित होई । मत अति नीक कहै सबु कोई ॥
अस्तुति^३ सुरन्ह कीन्ह अस^४ हेतू । प्रगटेउ विषमवान भखकेतू ॥
दो०—सुरन्ह कही निज बिपति सब सुनि मन कीन्ह विचार ।

संभु बिरोध न कुसल मोहि बिहँसि कहेउ अस मार ॥८३॥

तदपि करव मैं काजु तुम्हारा । श्रुति कह परम धरम उपकारा ॥
परहित लागि तजै जो^५ देही । संतत संत प्रसंसहिं तेही ॥
अस कहि चलेउ सबहि सिरु नाई । सुमन धनुष कर सहित^६ सहाई ॥

१—प्र० : तेहिं । द्वि० : प्र० । [तृ० : ते] । [च० : तेइ] ।

२—प्र० : पति । द्वि० : प्र० । तृ० : सन । च० : तृ० ।

३—प्र० अस्तुति । द्वि०, तृ०, च० : प्र० [(दअ) : प्रस्तुति] ।

४—प्र० अस । द्वि०, तृ०, च० : प्र० [(दअ) : अति] ।

५—प्र० : जे । द्वि० : प्र० । तृ० : जो । च० : तृ० ।

६—प्र० : जेत । द्वि० : प्र० । तृ० : सहित । च० : तृ० ।

चलत मार अस हृदयँ विचारा । सिव विरोध ध्रुव मरनु हमारा ॥
 तब आपन प्रभाउ बिस्तारा । निज बस कीन्ह सकल संसारा ॥
 कोपेउ जबहि बारिचरकेतू । छन महुँ मिटे सकल श्रुतिसेतू ॥
 ब्रह्मचर्ज व्रत संजम नाना । धीरज धर्म ज्ञान बिज्ञाना ॥
 सदाचार जप जोग विरागा । समय विवेक कटकु सबु भागा ॥

छं०—भागेउ विवेक सहाइ सहित सो सुभट संजुग महि मुरे ।
 सदग्रंथ पर्वत कंदरन्हि महुँ जाइ तेहि अवसर दुरे ॥
 होनिहार का करतार को रखवार जग खरभर पग ।
 दुइ माथ केहि रतिनाथ जेहि कहूँ कोपि कर धनु सरु धरा ॥

दो०—जे सजीव जग चर अचर नारि पुरुष अस नाम ।

ते निज निज मरजाद तजि भए सकल बस काम ॥८४॥
 सबकें हृदयँ मदन अभिलाषा । लता निहारि नवहि तरुसाखा ॥
 नदी उमगि अंबुधि कहूँ धाई । संगम करहि तलाव तलाई ॥
 जहँ असि दसा जड़न्ह कै बरनी । को कहि सकै सचेतन करनी ॥
 पसु पच्छी नभ जल थल चारी । भए कामबस समय बिसारी ॥
 मदन अंध व्याकुल सब लोका । निसि दिन नहि अवलोकहि कोका ॥
 देव दनुज नर विचर व्याला । प्रेत पिसाच भूत बैताला ॥
 एन्ह कै दसा न कहेउँ बखानी । सदा काम के चेरे जानी ॥
 सिद्ध विरक्त महा मुनि जोगी । तेपि काम बस भए बियोगी ॥

छंदु—भए कामबस जोगीस तापस पावँरनि की को कहै ।

देखहि चराचर नारिमय जे ब्रह्ममय देखत रहे ॥

अबला बिलोकहि पुरुषमय जगु पुरुष सब अबलामय ।

दुइ दंड भरि ब्रह्मांड भीतर काम कृत कौतुक अयं ॥

सो०—धरी न काहूँ धीर सब के मन मनसिज हरे ।

जेहि राखे रघुबीर ते उबरे तेहि काल महुँ ॥८५॥

उभय घरी अस कौतुक भएऊ । जब लगि काम संभु पहिँ गएऊ ॥
 सिवहि बिलोकि संसंकेउ मारू । भएउ यथार्थिनि सब संसारू ॥
 भए तुरत जग जीव सुखारे । जिमि मद उतरि गए मतवारे ॥
 रुद्रहि देखि मदन भय माना । दुराधरष दुर्गम भगवाना ॥
 फिरत लाज कछु करि नहिँ जाई । मरनु ठानि मन रचेसि उपाई ॥
 प्रगटेसि तुरत रुचिः रितुराजा । कुसुमित नव तरुराजि^१ विराजा ॥
 बन उपवन बापिका तड़ागा । परम सुभग सब दिसा विभागा ॥
 जहँ तहँ जनु उमगत अनुरागा । देखि मुएहुँ मन मनसिज जागा ॥
 छं०—जागै मनोभव मुएहुँ मन बन सुभगता न परै कही ।

सीतल सुगंध सुमंद मारुन मदन अनल^२ सखा सही ॥

बिकसे सरनिह बहु कंज गुंजत पुंज मंजुल मधुकरा ॥

कलहंस पिक सुक सरस रव करि गान नाचहिँ अपसरा ॥

दो०—सकल कला करि कोटि बिधि हारेउ सेन समेत ।

चली न अचल समाधि सिव कोपेउ हृदयनिकेत ॥८६॥

देखि रसाल बिटपबर साखा । तेहि पर चढ़ेउ मदन मन माखा ॥

सुमनचाप निज सर संधाने । अति रिसि ताकि श्रवन लगि ताने ॥

छाँड़े बिषम बिसिख उर लागे । छूटि समाधि संभु तब जागे ॥

भएउ ईस मन छोभु बिसेखी । नयन उवारि सकल दिसि देखी ॥

सौरभ पल्लव मदन बिलोका । भएउ कोप कंपेउ त्रैलोका ॥

तब सिव तीसर नयन उधारा । चितवत कामु भएउ जरि धारा ॥

हाहाकार भएउ जग भारी । डरपे सुर भए असुर सुखारी ॥

समुझि काम सुख सोचहिँ भोगी । भए अकंटक साधक जोगी ॥

छं०—जोगी अकंटक भए पति गति सुनति रति मुरछित भई ।

रोदति बदति बहु भौंति करुना करत संकर पहिँ गई ॥

१—प्र० : जति । [द्वि० : सखा] । तृ० : प्र० । च० : राजि [(न) : राज] ।

२—[प्र० : अनिल] । द्वि०, तृ०, च० : अनल ।

अति प्रेम करि बिनती बिबिधि बिधि जोरि कर सनमुख रही ।

प्रभु आसुतोष कृपाल सिव अबला निरखि बोले सही ॥

दो०—अब तैं रति तव नाथ कर होइहि नामु अनंग ।

बिनु बपु ब्यापिहि सबहि पुनि सुनु निज मिलन प्रसंग ॥८७॥

जब जदुबंस कृष्ण अवतारा । होइहि हरन महा मंहिभारा ॥

कृष्णतनय होइहि पति तोरा । बचनु अन्यथा होइ न मोरा ॥

रति गवनी सुनि संकर बानी । कथा अपर अब कहौ बखानी ॥

देवन्ह समाचार सब पाए । ब्रह्मादिक बैकुंठ सिधाए ॥

सब सुर बिष्णु बिरंचि समेता । गए जहाँ सिव कृपानिकेता ॥

पृथक पृथक तिन्ह कीन्हि प्रसंसा । भए प्रसन्न चंद्रअवतंसा ॥

बोले कृपासिंधु वृषक्रेतू । कहहु अमर आए केहि हेतू ॥

कह बिधि तुम्ह प्रभु अंतरजामी । तदपि भगति बस बिनवौ स्वामी ॥

दो०—सकल सुरन्ह केँ हृदयँ अस संकर परम उब्बाहु ।

निज नयनन्हि देखा चहहि नाथ तुम्हार बिबाहु ॥८८॥

यह उत्सव देखिअ भरि लोचन । सोइ कछु करहु मंदनमदमोचन ॥

काम जारि रति कहुँ बर दीन्हा । कृपासिंधु यह अति भज कीन्हा ॥

सासति करि पुनि करहि पसाऊ । नाथ प्रभुन्ह कर सहज सुमाऊ ॥

पारबती तपु कीन्ह अपारा । करहु तासु अब अंगीकारा ॥

सुनि बिधि बिनय समुझि प्रभु बानी । ऐसेइ होउ कहा सुखु मानी ॥

तब देवन्ह दुंदुभी बजाई । वरषि सुमन जय जय सुरसाई ॥

अवसरु जानि सप्तरषि आए । तुरतहि बिधि गिरि भवन पठाए ॥

प्रथम गए जहाँ रहीं भवानी । बोले मधुर बचन छल सानी ॥

दो०—कहा हमार न सुनेहु तब नारद केँ उपदेस ।

अब भा झूठ तुम्हार पनु जारेउ कामु महेस ॥८९॥

सुनि बोलीं मुसुकाइ भवानी । उचित कहेहु मुनिवर बिज्ञानी ॥

तुम्हरेँ जान कामु अब जारा । अब लागि संभु रहे सबिकारा ॥

हमरें जान सदा सिव जोगी । अज अनवय अकाम अभोगी ॥
जौं मैं सिव सेएउँ अस जानी । प्रीति समेत करम मन बानी ॥
तौ हमार पन सुनहु मुनीसा । करिहहिं सत्य कृपानिधि ईसा ॥
तुम्ह जो कहा^१ हर जारेउ मारा । सोइ^२ अति बड़ अविबेकुलुम्हारा ॥
तात अनल कर सहज सुभाऊ । हिम तेहि निकट जाइ नहिं काऊ ॥
गएँ समीप सो अवसि नसाई । अस मनमथ महेस कै नाई ॥
दो०—हिअँ हरषे मुनि बचन सुनि देखि प्रीति बिस्वास ।

चले भवानिहि नाइ सिर गए हिमाचल पास ॥१०॥
सबु प्रसंग गिरिपतिहि सुनावा । मदन दहन सुनि अति दुखु पावा ॥
बहुरि कहेउ रति कर बरदाना । सुनि हिमवंत बहुत सुखु माना ॥
हृदयँ बिचारि संभु प्रभुनाई । सादर मुनिवर लिए बोलाई ॥
सुदिनु सुनखतु सुधरी सोचाई । बेगि बेद त्रिधि लगत धराई ॥
पत्री सप्तरिषिन्ह सो दीन्ही । गहि पद बिनय हिमाचल कीन्ही ॥
जाइ त्रिधिहि तिन्ह दीन्ही सो^३ पाती । बाँचत प्रीति न हृदयँ समाती ॥
लगन बाँचि अज^४ सबहि सुनाई । हरषे मुनि सब^५ सुर समुदाई ॥
सुमन वृष्टि नभ बाजन वाजे । मंगल कलस दसहुँ दिसि साजे ॥
दो०—लगे सवौरन सकल सुर बाहन त्रिविध बिमान ।

होहिं सगुन मंगल सुभद^६ करहिं अपव्वरा गान ॥११॥
सिवहि संभुगन करहिं सिंगारा । जटा मुकुट अहि मौरु सँवारा ॥
कुंडल कंकन पहिरे ब्याला । तन बिभूति पट केहरि छाला ॥

१—प्र० : कहा । द्वि०, तृ०, च० : प्र० [(३) (दअ) : कहेहु] ।

२—[प्र० : सो] । द्वि०, तृ०, च० : सोइ [(८) : सो] ।

३—प्र० : तिन्ह दीन्ही । द्वि० : प्र० [(५अ) : तिन्ह दीन्ही सो] । तृ० : तिन्ह दीन्ही सो । च० : तृ० [(८) : दीन्ही सो] ।

४—[प्र० : अज] । [द्वि० : विधि] । तृ० : अज । च० : तृ० [(८) : अज] ।

५—प्र० : सब । द्वि० : प्र० । [तृ० : बर] ।

६—प्र० : सुभद । [द्वि० : सुभग] । [तृ० : सुखद] । च० : प्र० [(८) : सुभग] ।

ससि ललाट सुंदर सिर गंगा । नयन तीनि उपवीत भुजंगा ॥
 गरल कंठ उर नर सिर माला । असिव बेष सिवधाम कृपाला ॥
 कर त्रिसूल अरु डमरु बिराजा । चले बसहँ चढ़ि बाजहिं बाजा ॥
 देखि सिवहि सुरत्रिय मुसुकाहीं । बर लायक दुलहिनि जग नार्हीं ॥
 बिष्णु बिरंचि आदि सुरब्राता । चढ़ि चढ़ि बाहन चले बराता ॥
 सुर समाज सब भौंति अनूपा । नहिं बरात दूलह अनुरूपा ॥
 दो०—बिष्णु कहा अस बिहँसि तब बोलि सकल दिसिराज ।

बिलग बिलग होइ चलहु सब निज निज सहित समाज ॥ ६२ ॥
 बर अनुहारि बरात न भाई । हँसी करैहहु पर पुर जाई ॥
 बिष्णु बचन सुनि सुर मुसुकाने । निज निज सेन सहित बिलगाने ॥
 मन हीं मन महेस मुसुकाहीं । हरि के व्यंग्य बचन नहिं जाहीं ॥
 अति प्रिय बचन सुनत प्रिय करे । भृंगिहि प्रेरि सकल गन टेरे ॥
 सिव अनुसासन सुनि सब आए । प्रभु पद जलज सीस तिन्ह नाए ॥
 नाना बाहन नाना बेषा । बिहँसे सिव समाज निज देखा ॥
 कोउ मुखहीन बिपुल मुख काहू । बिनु पद कर कोउ बहु पद बाहू ॥
 बिपुल नयन कोउ नयनबिहीना । रिष्ट पुष्ट कोउ अति तन खीना ॥

छं०—तन खीन कोउ अति पीन पावन कोउ अपावन गति धरें ।

भूषन कराल कपाल कर सब सद्य सोनित तन भरें ॥

खर स्वान सुअर^१ सृकाल मुख गन बेष अगनित को गनै ।

बहु जिनिस प्रेत पिसाच जोगि जमात बरनत नहिं बनै ॥

सो०—नार्चहिं गावहिं गीत परम तरंगी भूत सब ।

देखत अति बिपरीत बोलहिं बचन बिचित्र बिधि ॥ ६३ ॥

जस दूलहु तसि बनी बराता । कौतुक बिबिध होहिं मग जाता ॥

इहाँ हिमाचल रचेउ बिताना । अति बिचित्र नहिं जाइ बखाना ॥

सैल सकल जहँ लगि जग माहीं । लघु विसाल नहिं बरनि सिराहीं ॥
 बन सागर सब नदी तलावा । हिमगिरि सब कहँ नेवन पठावा ॥
 कामरूप सुंदर तनु धारी । सहित समाज^१ सहित बर नारी ॥
 गए सकल तुहिनाचल^२ गेहा । गावहिं मंगल सहित सनेहा ॥
 प्रथमहिं गिरि बहु गृह सँवराए । जथा जोगु जहँ तहँ सब व्याप ॥
 पुर सोभा अवलोकि सुहाई । लागै लघु विरंचि निपुनाई ॥
 छं०—लघु लागि बिधि की निपुनता अवलोकि पुर सोभा सही ।

बन बाग कूप तड़ाग सरिता सुभग सब सक को कही ॥

मंगल विपुल तोरन पताका केतु गृह गृह सोहहीं ।

बनिता पुरुष सुंदर चतुर छवि देखि मुनि मन मोहहीं ॥

दो०—जगदंबा जहँ अवतरी सो पुर बरनि कि जाइ ।

रिद्धि सिद्धि संपत्ति सुख नित नूतन अधिकाइ ॥६४॥

नगर निकट बरात सुनि आई । पुर खरभरु सोभा अधिकाई ॥

करि बनाव सजि^३ बाहन नाना । चले लेन सादर अगवाना ॥

हिअँ हरषे सुर सेन निहारी । हरिहि देखि अति भए सुखारी ॥

सिव समाज जब देखन लागे । बिडरि चले बाहन सब भागे ॥

धरि धीरज तहँ रहे सयाने । बालक सब लै जीव पराने ॥

गएँ भवन पूछहिं पितु माता । कहहिं बचन भय कंपित गाता ॥

कहिअ काह कहि जाइ न वाता । जम कर धार किधौं बरिआता ॥

बहु बौगाह बसहँ^४ असवारा । ज्वाल कपाल बिभूषन द्वारा ॥

छं०—तन द्वारा ज्वाल कपाल भूषन नगन जटिल भयंकरा ।

सँग भूत प्रेत पिसाच जोगिनि विकट मुख रजनीचरा ॥

१—प्र० : सहित समाज । द्वि० : प्र० । [तु० सकल समाज] । च० : प्र० ।

२—प्र० : गए सकल तुहिनाचल । द्वि० : गए सकल तु हिमाचल । तु० : प्र० ।

च० : प्र० [(न) : गवने सकल हिमाचल] ।

३—प्र० : सजि । द्वि०, तु०, च० : प्र० [(न) : सज] ।

४—प्र० : बरद । द्वि०, तु० : प्र० । च० : बसहँ ।

जो जिअत रहिहि बरात देखत पुन्य बड़ तेहि कर सही ।
 देखिहि^१ सो उमा बिबाह घर घर बात असि लरिकन्ह^२ कही ॥
 दी०—समुझि महेस समाज सब जननि जनक मुसुकाहिं ।
 बाल बुझाए बिबिध विधि निडर होहु डरु नाहिं ॥६५॥
 लै अगवान बरातहि आए । दिए सबहि जनवास सुहाए ॥
 मयना सुभ आरती सँवारी । संग सुमंगल गावहिं नारी ॥
 कंचन थार सोह वर पानी । परिछन चली हरहि हरषानी ॥
 बिरुट बेष रुद्रहि जब देखा । अबलन्ह^३ उर भय भएउ बिसेखा ॥
 भागि भवन पैटीं अति त्रासा । गए महेसु जहाँ जनवासा ॥
 मयना हृदयँ भएउ दुखु भारी । लीन्ही बोलि गिरीसकुमारी ॥
 अधिक सनेह गोद बैठारी । स्याम सरोज नयन भरे^४ बारी ॥
 जेहि विधि तुम्हहिं रूपु अस दीन्हा । तेहिं जड़ बरु बाउर कस कीन्हा ॥
 छं०—कस कीन्ह बरु बौराह विधि जेहिं तुम्हहि सुंदरता दर्ई ।
 जो फलु चहिअ सुरतरुहि सो बरबस बबूरहि लागई ॥
 तुम्ह सहित गिरि तें गिरौं पावक जरौं जलनिधि महुँ परौं ।
 घरु जाउ अपजसु होउ जग जीवत बिबाहु न हौं करौं ॥
 दो०—भई विफल अवला सकल दुखित देखि गिरिनारि ।
 करि विलापु रोदति बढति सुता सनेहु सँभारि ॥६६॥
 नारद कर मै काह बिगारा । भवनु मोर जिन्ह बसत उजारा ॥
 अस उपदेसु उमहि जिन्ह दीन्हा । बौरे बरहि लागि तपु कीन्हा ॥
 साँचेहुँ उन्हेकें मोह न माया । उदासीन धनु धामु न जाया ॥
 पर घर घालक लाज न भीरा । बाँझु कि जान प्रसव कै पीरा ॥

१—[प्र० : देखिहि] । द्वि० : देखिहि । तृ०, च० : द्वि० ।

२—[प्र०, द्वि० : लरिकन्ह] । तृ० : लरिकन्ह । च० : तृ० ।

३—प्र० : अबलन्ह । द्वि० : प्र० । [तृ० : अबलन्ह] । च० : प्र० [(न) : अबल] ।

४—प्र० : भरे [(२) : भरि] । [द्वि०, तृ० : भरि] । च० : प्र० [(न) : भरि] ।

जननिहि बिकल बिलोकि भवानी । बोलीं जुत विवेक मृदु बानी ॥
अस विचारि सोचहि मति माता । सो न टैरै जो रचै विधाता ॥
करम लिखा जौं बाउर नाह । तौ कंत दोसु लगाइअ काह ॥
तुम्ह सन मिटहिं कि बिधि के अंका । मातु व्यर्थ जनि^१ लेहु कलंका ॥

छं०—जनि लेहु मातु कलंकु करुना परिहरहु अवसर नहीं ।

दुखु सुखु जो लिखा लिलार हमरें जाव जहँ पाउव तहीं ॥

सुनि उमा बचन बिनीत कोमल सकल अबला सोचहीं ।

बहु भाँति बिधिहि लगाइ दूषन नयन बारि बिमोचहीं ॥

दो०—तेहि अवसर नारद सहित अरु रिषिसप्त समेत ।

समाचार सुनि तुहिनगिरि गवने तुरत निकेत ॥६७॥

तब नारद सबही समुझावा । पूरव कथा प्रसंगु सुनावा ॥

मयना सत्य सुनहु मम बानी । जगदंबा तब सुता भवानी ॥

अजा अनादि सक्ति अबिनासिनि । सदा संभु^२ अरधंग निवासिनि ॥

जग संभव पालन लय कारिनि । निज इच्छा लीला वपु धारिनि ॥

जनमीं प्रथम दच्छ गृह जाई । नामु सती सुंदर तनु पाई ॥

तहँहुँ सती संकराह बिबाहीं । कथा प्रसिद्ध सकल जग माहीं ॥

एक बार आवत सिव संगी । देखेउ रघुकुल कमल पतंगा ॥

भएउ मोहु सिव कहा न कीन्हा । अमबस बेषु सीय कर लीन्हा ॥

छं०—सिय बेषु सती जो कीन्ह तेहि अपराध संकर परिहरीं ।

हर बिरह जाइ बहोरि पितु कै जज्ञ जोगानल जरीं ॥

अब जनमि तुम्हरें भवन निज पति लागि दारुन तपु किया ।

अस जानि संसय तजहु गिरिजा सर्वदा संकर प्रिया ॥

दो०—सुनि नारद कै बचन तब सब कर मिटा बिषाद ।

छन महुँ व्यापेउ सकल पुर घर घर यह संवाद ॥६८॥

१—[प्र० : जनि] । द्वि०, तृ०, च० : जनि ।

२—[प्र० : संग] । द्वि०, तृ०, च० : संभु ।

तब मयना हिमबंतु अनंदे । पुनि पुनि पारबती पद बंदे ॥
 नारि पुरुष सिसु जुवा सयाने । नगर लोग सब अति हरषाने ॥
 लगे होन पुर मंगल गाना । सजे सबहिं हाटक घट नाना ॥
 भाँति अनेक भई जेवनारा । सूप साख जस कछु^१ ब्यवहारा ॥
 सो जेवनार कि जाइ बखानी । बसहिं भवन जेहि मातु भवानी ॥
 सादर बोले सकल बराती । बिष्नु विरंचि देव सब जाती ॥
 विविध पाँति बैठी जेवनारा । लागे परसन निपुन सुआरा ॥
 नारि बृंद सुर जेवँत जानी । लगीं देन गारीं मृदु बानी ॥

छं०—गारीं मधुर स्वर देहि सुंदरि ब्यंग्य बचन सुनावहीं ।

भोजन करहिं सुर अति बिलंब विनोद सुनि सचु पावहीं ॥

जेवँत जो बड़ेउ अनंद सो मुख कोटिहूँ न परै कछौ ।

अँचवाइ दीन्हे पान गवने बास जहँ जाको रखौ ॥

दो०—बहुरि मुनिन्ह हिमबंत कहूँ लगन सुनाई आई ।

समय बिलोकि विवाह कर पठए देव बोलाइ ॥६१॥

बोली सकल सुर सादर लीन्हे । सबहि जथोचित आसन दीन्हे ॥
 बेदी वेदविधान सँवारी । सुभग सुमंगल गावहिं नारी ॥
 सिंघासन अति दिव्य सुहावा । जाइ न वरनि विरंचि बनावा ॥
 बैठे सिव बिप्रन्ह सिरु नाई । हृदयँ सुमिरि निज प्रभु रघुगई ॥
 बहुरि मुनीसन्ह उमा बोलाई । करि सिंगारु सखीं लैर आई ॥
 देखत रूप सकल सुर मोहे । वरनै छवि अस जग कबि को है ॥
 जगदंबिका जानि भवभामा । सुरन्ह मनहिं मन कीन्ह प्रनामा ॥
 सुंदरता मरजाद भवानी । जाइ न कोटिहूँ^२ बदन बखानी ॥

१—प्र० : किछु । दि०, वृ०, च० : कछु ।

२—प्र० : लै । दि०, वृ०, च० : प्र० [(६अ) : लेइ] ।

३—[प्र० : कोटिहूँ] । दि० : कोटिहूँ । वृ०, च० : दि० ।

छं०—कोटिहूँ^१ बदन नहिं बनै बरनत जग जननि सोभा महा ।

सकुचहिं कहत श्रुति सेष सारद मंदमति तुलसी कहा ॥

छवि खानि मातु भवानि गवनीं मध्य मंडप सिव जहाँ ।

अवलोकित सकहिं न सकुच पति पद कमल मन मधुकर तहाँ ॥

दो०—मुनि अनुसासन गनपतिहिं पूजेउ संभु भवानि ।

कोउ मुनि संसय करै जनि सुर अनादि जिअँ जानि ॥१००॥

जसि विवाह कै विधि श्रुति गाई । महामुनिन्ह सो सब करवाई ॥

गहि गिरीस कुस कन्या पानी । भवहि समरपी जानि भवानी ॥

पानिग्रहन जय कीन्ह महेसा । हिअँ हरषे तब सकल सुरेसा ॥

वेद मंत्र मुनिवर उच्चरहीं । जय जय जय संकर सुर करहीं ॥

बाजन वाजहिं विविध विधाना । सुमन वृष्टि नभ भै विधि नाना ॥

हर गिरिजा कर भएउ विवाह । सकल भुवन भरि रहा उछाह ॥

दासी दास तुरग रथ नागा । धेनु बसन मनि बस्तु विभागा ॥

अन्न कनक भाजन भरि जाना । दाइज दीन्ह न जाइ बखाना ॥

छं०—दाइज दिथो बहु भाँति पुनि कर जोरि हिमभूधर कछो ।

का देउँ पूरनकाम संकर चरन पंकज गहि रख्यो ॥

सिव कृपासागर ससुर कर संतोषु सब भाँतिहिं कियो ।

पुनि गहे पद पाथोज मयना प्रेम परिपूरन हियो ॥

दो०—नाथ उमा मम प्रान प्रियरे गृह किंकरी करेहु ॥

छमेहु सकल अपराध अब होइ पसन्न बरु देहु ॥१०१॥

बहु विधि संभु सासु समुझाई । गवनी भवन चरन मिरु नाई ॥

जननी उमा बोलि तब लीन्ही । लैरे उखंग सुंदर सिख दीन्ही ॥

१—[प्र० : कोटि बहु] । द्वि० : कोटिहुँ । तृ०, च० : द्वि० ।

२—प्र० : प्रिय । द्वि० : प्र० [(५अ) : सम] । तृ०, च० : प्र० [(६अ) : सम] ।

३—प्र० : लै । द्वि०, तृ०, च० : प्र० [(६अ) : लेइ] ।

करेहु सदा संकर पद पूजा । नारि धरमु पतिदेउ न दूजा ॥
 वचन कहत भरे^१ लोचन बारी । बहुरि लाइ उर लीन्हि कुमारी ॥
 कत विधि सृजी नारि जग माहीं । पराधीन सपनेहुँ सुख नाहीं ॥
 भै अति प्रेम बिकल महतारी । धीरजु कीन्ह कुसमै विचारी ॥
 पुनि पुनि मिलति पति गहि चरना । परम प्रेमु कछु जाइ न वरना ॥
 सब नारिन्ह मिलि भेंटि भवानी । जाइ जननि उर पुनि लपटानी ॥
 छं०—जननिहि बहुरि मिलि चलीं उचित असीस सब काहूँ दई ।

फिरि फिरि बिलोकति मातु तन तब^२ सखीं लैसिब पहिं गई ॥

जाचक सकल संतोषि संकरु उमा सहित भवन^३ चले ।

सब अमर हरषे सुमन वरषि निसान नभ बजे भले ॥

दो०—चले संग हिमवंतु तब पहुँचावन अति हेतु ।

बिबिध भाँति परितोषु करि बिदा कीन्ह वृषकेतु ॥१०२॥

तुरत भवन आए गिरिराई । सकल सैल सर लिए बोलाई ॥

आदर दान विनय बहु माना । सब कर बिदा कीन्ह हिमवाना ॥

जबहिं संभु कैलासहि आए । सुर सब निज निज लोक सिधाए ॥

जगत मातु पितु संभु भवानी । तेहि सिंगारु न कहाँ बखानी ॥

करहिं बिबिध विधि भोग बिलासा । गनन्ह समेत बसहिं कैलासा ॥

हर गिरिजा बिहार नित नयऊ । एहिं विधि विपुल काल चलि गएऊ ॥

तब^४ जनमेउ^५ षटवदन कुमारा । तारकु असुर समर जेहिं मारा ॥

आगम निगम प्रसिद्ध पुराना । षन्मुख^६ जन्मु सकल जग जाना ॥

१—प्र० : भरे । द्वि० : प्र० [(४) : भर, (५) (५अ) : भरि] । [तृ० : भरि] ।

च० : प्र० [(८) : भरि] ।

२—प्र० : जब । द्वि०, तृ० : प्र० । च० : तब ।

३—[प्र० भवनहिं] । द्वि० : भवन [(४) भवनहिं] । [तृ० : भवनहिं] ।

च० : द्वि० ।

४—प्र० : जब । द्वि०, तृ०, च० : तब ।

५—प्र० : जनमेउ । द्वि० : प्र० [(४)(५) : जनमे] । [तृ० : जनमे] । च० : प्र० ।

६—प्र० : षन्मुख । द्वि० : प्र० । [तृ० : षट्मुख] । च० : प्र० ।

छं०—जगु जान षन्मुख जन्मु कर्मु प्रतापु पुरुषारथु महा ।

तेहि हेतु मै वृषकेतु सुत कर चरित संखेपहि कहा ॥

यह उमा संभु बिबाहु जे नर नारि कहहिं^१ जे गावहीं ।

कल्यान काज बिबाह मंगल सर्वदा सुखु पावहीं ॥

दो०—चरित सिंधु गिरिजारमन बेद न पावहिं पारु ।

बरनै तुलसीदासु किमि अति मति मंद गँवारु ॥१०३॥

संभु चरित मुनि सरस सुहावा । भरद्वाज मुनि अति सुखु पावा ॥

बहु लालसा कथा पर बाढ़ी । नयनन्हि^२ नीरु रोमावलि ठाढ़ी ॥

प्रेम बिबस मुख आव न बानी । दसा देखि हरपे मुनि ज्ञानी ॥

अहो धन्य तव जन्मु मुनीसा । तुम्हहिं प्रान सम प्रिय गौरीसा ॥

सिव पद कमल जिन्हहि रति नाहीं । रामहि ते सपनेहुँ न सुहाहीं ॥

बिनु छल बिस्वनाथ पद नेहू । राम भगत कर लच्छन एहू ॥

सिव सम को रघुपति व्रत धारी । बिनु अब तजी सती असि नारी ॥

पनु करि रघुपति भगति देखाई । को सिव सम रामहि प्रिय भाई ॥

दो०—प्रथमहिं कहि मै सिव चरित बूझा मरसु तुम्हार ।

सुचि सेवक तुम्ह राम के रहित समस्त बिकार ॥१०४॥

मै जाना तुम्हार गुन सीला । कहौं सुनहु अब रघुपति लीला ॥

सुनु मुनि आजु समागम तोरें । कहि न जाइ जस सुखु मन मोरें ॥

रामचरित अति अमित मुनीसा । कहि न सकहिं सत कोटि अहीसा ॥

तदपि जथाश्रुत कहौं बखानी । सुमिरि गिरापति प्रभु धनुपानी ॥

सारद दारुनारि सम स्वामी । रामु सूत्रधर अंतरजामी ॥

जेहि पर कृपा करहिं जनु जानी । कबि उर अजिर नचावहिं बानी ॥

प्रनवौं सोइ कृपाल रघुनाथा । बरनौं बिसद तासु गुन गाथा ॥

परम रम्य गिरिवर कैलासू । सदा जहाँ सिव उमा निवासू ॥

१—प्र० : कहहिं । द्वि० : प्र० [(५) : सुनहिं] । [तृ० : सुनहिं] । च० : प्र० ।

२—प्र० : नयनन्हि । [द्वि० : नयन] । [तृ० : नयन] । च० : प्र० ।

दो०—सिद्ध तपोधन जोगि जन सुर किन्नर मुनिवृन्द ।

बसहिं तहाँ सुकृती सकल सेवहिं सिव सुखकंद ॥१०५॥
हरि हर बिमुख धर्म रति नाहीं । ते नर तहँ सपनेहुँ नहिं जाहीं ॥
तेहि गिरि पर बट बटप बिसाला । नित नूतन सुंदर सब काला ॥
त्रिविध समीर सुसीतल छाया । सिव विश्राम बटप श्रुति गाया ॥
एक बार तेहि तर प्रभु गएऊ । तरु बिलोकि उरु अति सुख भएऊ ॥
निज कर डसि नाग रिपु छाला । बैठे सहजहिं संभु कृपाला ॥
कुंद इंदु दर गौर सरीरा । भुज प्रलंब परिधन मुनि चीरा ॥
तरुन अरुन अंबुज सम चरना । नख दुति भगत हृदय तम हरना ॥
भुजग भूति भूषन त्रिपुरारी । आननु सरद चंद छबिहारी ॥
दो०—जटा मुकुट सुरसरित सिर लोचन नलिन बिसाल ।

नीलकंठ लावन्यनिधि सोह बाल बिधु भाल ॥१०६॥
बैठे सोह काम रिपु कैसें । धरे सरीर सांत रसु जैसें ।
पारवती भल अवसर जानी । गई संभु पहिं मातु भवानी ॥
जानि प्रिया आदरु अति कीन्हा । वाम भाग आसनु हर दीन्हा ॥
बैठीं सिव समीप हरषाई । पूरव जन्म कथा चित आई ॥
पतिहिअँ हेतु अधिक अनुमानी २ । विहँसि उमा बोलीं मृदु बानी ३ ॥
कथा जो सकल लोक हितकारी । सोइ पूछन चह सैलकुमारी ॥
बिरुवनाथ मम नाथ पुरारी । त्रिभुवन महिमा बिदित तुम्हारी ॥
चर अरु अचर नाग नर देवा । सकल करहिं पद पंकज सेवा ॥
दो०—प्रभु समरथ सर्वज्ञ सिव सकल कला गुन धाम ।

जोग ज्ञान बैराग्य निधि प्रवत कल्पतरु नाम ॥१०७॥

१—प्र० भल [(२) : भलि] । द्वि०, तृ०, च० : प्र० ।

२—प्र० : मनमानी । [द्वि० : (३) (५) (५अ) : मनमाहीं ; (४) : अनुमानी] ।
तृ० : अनुमानी । च० : तृ० ।

३—प्र० : मृदु बानी । [द्वि० : (३) (५) (५अ) : हर पाहीं ; (४) : प्रिय बानी] ।
तृ० : प्र० । च० : प्र० [(६) (६अ) : प्रिय बानी] ।

जौं मो पर प्रसन्न सुखरासी । जानिअ सत्य मोहि निज दासी ॥
 तौ प्रभु हरहु मोर अज्ञाना । कहि रघुनाथ कथा विधि नाना ॥
 जासु भवनु सुरतरु तर होई । सह कि दरिद्र जनित दुखु सोई ॥
 ससिभूषन अस हृदयँ बिचारी । हरहु नाथ मम मति भ्रम भारी ॥
 प्रभु जे मुनि परमारथ बादी । कहहिं राम कहूँ ब्रह्म अनादी ॥
 सेष सारदा वेद पुराना । सकल करहिं रघुपति गुन गांना ॥
 तुम्ह पुनि राम राम दिन राती । सादर जपहु अनङ्ग आराती ॥
 राम सो अवधनृपति सुत सोई । की अज अगुन अलखगति कोई ॥
 दो० — जौं नृप तनय तौ ब्रह्म किमि नारि बिरह मति भोरि ।

देखि चरित महिमा सुनत अमति१ बुद्धि अति मोरि ॥१०८॥
 जौं अनीह व्यापक बिभु कोऊ । कहहु बुझाई नाथ मोहि सोऊ ॥
 अज्ञ जानि रिस उर जनि धरहु । जेहि बिधि मोह मिटै सोई करहु ॥
 मैं बन दीखि राम प्रभुताई । अति भय विकल न तुम्हहि सुनाई ॥
 तदपि मलिन मन बोधु न आवा । सो फलु भली भाँति हम पावा ॥
 अजहूँ कछु संसउ मन मोरें । करहु कृपा बिनवौँ कर जोरें ॥
 प्रभु तब मोहि बहु भाँति प्रबोधा । नाथ सो समुझि करहु जनि क्रोधा ॥
 तब कर अस विमोह अब नाही । राम कथा पर रुचि मन माहीं ॥
 कहहु पुनीत राम गुन गाथा । भुजगराज भूषन सुरनाथा ॥
 दो० — बंदौँ पद धरि धरनि सिरु बिनय करौँ कर जोरि ।

बरनहु रघुवर बिसद जसु श्रुति सिद्धांत निचोरि ॥१०९॥
 जदपि जोषिता नहिं अधिकारी२ । दासी मन क्रम वचन तुम्हारी ॥
 गूढ़ौ तत्त्व न साधु दुरावहिं । आरत अधिकारी जहँ पावहिं ॥
 अति आरति पूछौँ सुर राया । रघुपति कथा कहहु करि दाया ॥
 प्रथम सो कारन कहहु बिचारी । निर्गुन ब्रह्म सगुन बपु धारी ॥

१—[प्र०, दि० : अमति] । तृ० : अमति । च० : तृ० ।

२—प्र० : अनधिकारी । दि०, तृ० : प्र० । च० : नहिं अधिकारी ।

पुनि प्रभु कहहु राम अवतारा । बाल चरित पुनि कहहु उदारा ॥
 कहहु जथा जानकी विवाही । राज तजा सो दूषन काही ॥
 बन बसि कीन्हे चरित अपारा । कहहु नाथ जिमि रावन मारा ॥
 राज बैठि कीन्ही बहु लीला । सकल कहहु संकर सुखसीला ॥
 दो०—बहुरि कहहु कहनायतन कीन्ह जो अचरज राम ।

प्रजा सहित रघुवंस मनि किमि गवने निज धाम ॥११०॥
 पुनि प्रभु कहहु सो तत्त्व बखानी । जेहि विज्ञान मगन मुनि ज्ञानी ॥
 भगति ज्ञान विज्ञान^१ विरागा । पुनि सब बरनहु सहित विभागा ॥
 औरौ राम रहस्य अनेका । कहहु नाथ अति बिमल बिवेका ॥
 जो प्रभु मैं पूछा नहि होई । सोउ दयाल राखहु जनि-गोई ॥
 तुम्ह त्रिभुवन गुर वेद बखाना । आन जीव पावै का जाना ॥
 प्रस्न उमा कै^२ सहज सुहाई । छल बिहीन सुनि सिव मन भाई ॥
 हर हिअँ रामचरित सब आए । प्रेम पुलक लोचन जल छाए ॥
 श्री रघुनाथ रूप उर आवा । परमानंद अमित सुख पावा ॥
 दो०—मगन ध्यान रस दंड जुग पुनि मन बाहेर कीन्ह ।

रघुपति चरित महेस तब हरषित बरनै लीन्ह ॥१११॥
 भूछेउ सत्य जाहि बिनु जाने । जिमि भुजंग बिनु रजु पहिचाने ॥
 जेहि जाने जग जाइ हेराई । जागे जथा सपन अम जाई ॥
 बंदौ बाल रूप सोइ रामू । सब सिधि सुलभ जपत जिसु नामू ॥
 मंगल भवन अमंगल हारी । द्रवौ सो दसरथ अजिर बिहारी ॥
 करि प्रनाम रामहि त्रिपुरारी । हरषि सुधा सम गिरा उचारी ॥
 धन्य धन्य गिरिराज कुमारी । तुम्ह समान नहि कोउ उपकारी^३ ॥
 पूछेहु रघुपति कथा प्रसंगा । सकल लोक जग पावनि गंगा ॥

१—प्र० : विज्ञान । द्वि०, तृ०, च० : प्र० [(६) (६अ) में शब्द छूटा हुआ है] ।

२—प्र० : कै । द्वि० : प्र० [(४) (५) : कर] । [तृ० : कर] । च० : प्र० ।

३—प्र० : उपकारी । [द्वि० : अधिकारी] । तृ०, च० : प्र० ।

तुम्ह रघुवीर चरन अनुरागी । कीन्हिहु प्रस्न जगत हित लागी ॥
दो०—राम कृपा तैं पारबति१ सपनेहुँ तव मन माहिं ।

सोक मोह संदेह भ्रम मम बिचार कछु नाहिं ॥११२॥
तदपि असंका कीन्हिहु सोई । कहत सुनत सब कर हित होई ॥
जिन्ह हरि कथा सुनी नहिं काना । श्रवन रंभ्र अहि भवन समाना ॥
नयनन्हि संत दरस नहिं देखा । लोचन मोरपंख कर लेखा ॥
ते सिर कटु तुंबरि सम तूला । जे न नमत हरि गुर पद मूला ॥
जिन्ह हरि भगति हृदयँ नहिं आनी । जीवत सब समान तेइ प्रानी ॥
जो नहिं करै राम गुन गाना । जीह सो दादुर जीह समाना ॥
कुलिस कठोर निटुर सोइ छाती । सुनि हरि चरित न जो हरपाती ॥
गिरिजा सुनहु राम कै लीला । सुरहित दनुज बिमोहन सीला ॥
दो०—रामकथा सुरधेनु सम सेवत सब सुखदानि ।

सैंत समाज सुर लोक सब को न सुनै अस जानि ॥११३॥
रामकथा सुंदर करतारी । संसय बिहंग उड़ावनिहारी ॥
रामकथा कलि बिटप कुठारी । सादर सुनु गिरिराज कुमारी ॥
राम नाम गुन चरित सुहाए । जनम करम अगनित श्रुति गाए ॥
जथा अनंत राम भगवाना । तथा कथा कीरति गुन नाना ॥
तदपि जथाश्रुत जसि मति मोरी । कहिहौं देखि प्रीति अति तोरी ॥
उमा प्रस्न तव सहज सुहाई । सुखद संत संमत मोहि भाई ॥
एक बात नहिं मोहि सोहानी । जदपि मोहबस कहेहु भवानी ॥
तुम्ह जो कहा राम कोउ आना । जेहि श्रुति गाव धरहिं मुनि ध्याना ॥
दो०—कहहिं सुनिहिं अस अधम नर ग्रसे जे मोह पिसाच ।

पाखंडी हरिपद बिमुख जानहिं भूठ न साच ॥११४॥
अज्ञ अकोबिद अंध अभागी । काई बिषय मुकुर मन लागी ॥

लंपट कपटी कुटिल बिसेषी । सपनेहु संत सभा नहि देखी ॥
 कहहिं ते वेद असंमत बानी । जिन्हकें^१ सुम्न लाभु नहि हानी ॥
 मुकुर मलिन अरु नयन विहीना । राम रूप देखहिं किमि दीना ॥
 जिन्हकें अगुन न सगुन विवेका । जल्परहिं कल्पित वचन अनेका ॥
 हरि माया बस जगत भ्रमाहीं । तिन्हहिं कहत कछु अघटित नाहीं ॥
 बातुल भूत बिबस मतवारे । ते नहि बोलहिं वचन विचारे ॥
 जिन्ह कृत महा मोह मद पाना । तिन्ह कर कहा करिअ नहि काना ॥
 सो०—अस निज हृदय विचारि तजु संसय भजु रामपद ।

सुनु गिरिराजकुमारि अम तम रवि कर वचन मम ॥११५॥
 सगुनहिं अगुनहिं नहिं कछु भेदा । गावहिं मुनि पुरान बुध वेदा ॥
 अगुन अरूप अलख अज जोई । भगत प्रेम बस सगुन सो होई ॥
 जो गुन रहित सगुन सोइ कैसैं । जलु हिम उपल बिलग नहि जैसैं ॥
 जासु नाम अम तिमिर पतंगा । तेहि किमि कहिअ विमोह प्रसंगा ॥
 राम सच्चिदानंद दिनेसा । नहिं तहँ मोह निसा लव लेसा ॥
 सहज प्रकास रूप भगवाना । नहिं तहँ पुनि बिज्ञान बिहाना ॥
 हरष बिषाद ज्ञान अज्ञाना । जीव धर्म अहमिति अमिमाना ॥
 राम ब्रह्म व्यापक जग जाना । परमानंद परेस^२ पुराना ॥
 दो०—पुरुष प्रसिद्ध प्रकास निधि प्रगट परावर नाथ ।

रघुकुल मनि मम स्वामि सोइ कहि सिव नाएउ माथ ॥११६॥
 निज अम नहिं समुझहिं अज्ञानी । प्रभु पर मोह घरहिं जड़ पानी ॥
 जथा गगन धन पटल निहारी । भौंपेउ भानु कहहिं कुबिचारी ॥
 चितव जो लोचन अंगुलि लाएँ । प्रगट जुगल ससि तेहि कैं भाएँ ॥
 उमा राम बिषइक अस मोहा । नभ तम धूम धूरि जिमि सोहा ॥
 बिषय करन सुर जीव समेता । सकल एक तैं एक सचेता ॥

१—प्र० : जिन्हहिं न । दि०, तृ० : प्र० [च० : जिन्हकें] ।

२—[प्र० : पुरुष] । दि० : परेस । तृ०, च० : दि० ।

सब कर परम प्रकासक जोई । राम अनादि अवधपति सोई ॥
जगत प्रकास्य प्रकासक रामू । मायाधीस ज्ञान गुन धामू ॥
जासु सत्यता तें जड़ माया । भास सत्य इव मोह सहाया ॥
दो० — रजत सीप महुँ भास जिमि जथा भानुकर वारि ।

जदपि मृषा तिहुँ काल सोइ भ्रम न सकै कोउ टारि ॥११७॥
एहि विधि जग हरि आश्रित रहई । जदपि असत्य देत दुख अहई ॥
जौं सपने सिर काटै कोई । बिनु जागें न दूरि दुख होई ॥
जासु कृपाँ अस भ्रम मिटि जाई । गिरिजा सोइ कृपालु रघुगई ॥
आदि अंत कोउ जासु न पावा । मति अनुमानि निगम अस गावा ॥
बिनु पद चलै सुनै बिनु काना । कर बिनु करम करै विधि नाना ॥
आनन रहित सकल रस भोगी । बिनु बानी बकता बड़ जोगी ॥
तन बिनु परस नयन बिनु देखा । ग्रहै ग्रान बिनु बास असेषा ॥
असि सब भाँति अलौकिक करनी । महिमा जासु जाइ नहिं बरनी ॥
दो० — जेहि इमि गावहिं वेद बुध जाहि धरहिं मुनि ध्यान ।

सोइ दसरथ सुत भगत हित कोसलपति भगवान ॥११८॥
कासी मरत जंतु अवलोकी । जासु नाम बल करौं बिसोकी ॥
सोइ प्रभु मोर चराचर स्वामी । रघुबर बस उर अंतरजामी ॥
बिबसहुँ जासु नाम नर कहहीं । जनम अनेक रचित अव दहहीं ॥
सादर सुमिरन जे नर करहीं । भव बारिधि गोपद इव तरहीं ॥
राम सो परमात्मा भवानी । तहुँ भ्रम अति अविहित तव बानी ॥
अस संसय आनत उर माहीं । ज्ञान बिराग सकल गुन जाहीं ॥
मुनि सिव के भ्रम भंजन बचना । मिटि गै सब कुतरक कै रचना ॥
भइ रघुपति पद प्रीति प्रतीती । दारुन असंभावना बीती ॥
दो० — पुनि पुनि प्रभु पद कमल गहि जोरि पंकरुह पानि ।
बोलीं गिरिजा बचन बर मनहुँ प्रेम रस सानि ॥११९॥

ससि कर सम सुनि गिरा तुम्हारी । मिटा मोह सरदातप भारी ॥
 तुम्ह कृपाल सबु संसउ हरेऊ । रामस्वरूप जानि मोहि परेऊ ॥
 नाथ कृपाँ अब गएउ बिषादा । सुख भइउँ प्रभु चरन प्रसादा ॥
 अब मोहि आपनि किंकरि जानी । जदपि सहज जड़ नारि अयानी ॥
 प्रथम जो मैं पूछा सोइ कहहू । जौं मो पर प्रसन्न प्रभु अहहू ॥
 राम ब्रह्म चिन्मय अविनासी । सर्व रहित सब उर पुर बासी ॥
 नाथ धरेउ नर तनु केहि हेतू । मोहि समुझाइ कहहु वृषकेतू ॥
 उमा बचन सुनि परम विनीता । रामकथा पर प्रीति पुनीता ॥
 दो०—हिअँ हरषे कामारि तब संकर सहज सुजान ।

बहु बिधि उमहि प्रसंसि पुनि बोले कृपानिधान ॥
 सो०—सुनु सुभ कथा भवानि रामचरितमानस विमल ।

कहा भुसुंड़ि बखानि सुना बिहगनायक गरुड़ ॥

सो संवाद उदार जेहि बिधि भा आगे कहव ।

सुनहु राम अवतार चरित परम सुंदर अनघ ॥

हरि गुन नाम अपार कथा रूप अगनित अमित ।

मैं निज मति अनुसार कहौं उमा सादर सुनहु ॥१२०॥

सुनु गिरिजा हरि चरित सुहाए^१ । विपुल बिसद निगमागम गाए^२ ॥

हरि अवतार हेतु जेहि होई । इदमित्थं कहि जाइ न सोई ॥

राम अतर्क्य बुद्धि मन बानी । मत हमार अस सुनहि सयानी ॥

तदपि संत मुनि वेद पुराना । जस कछु कहहिं स्वमति अनुमाना ॥

तस मैं सुमुखि सुनावौं तोही । समुझि परै जस कारन मोही ॥

जब जब होइ धरम कै हानी । बाढ़हिं असुर अधम^२ अभिमानी ॥

करहिं अनीति जाइ नहिं बरनी । सीढ़हिं बिप्र धेनु सुर धरनी ॥

तब तब प्रभु धरि बिबिध सरीरा । हरहिं कृपानिधि सज्जन पीरा ॥

१—प्र० : सुहाए, गाए । [द्वि० : सुहावा, गावा] । तृ०, च० : प्र० ।

२—[प्र० : अधरम] । द्वि, तृ०, च० : अधम [(द) (दअ) : अधरम] ।

दो०—असुर मारि थापहिं सुरन्ह राखहिं निज श्रुति सेतु ।

जग बिस्तारहिं बिसद जस रामजन्म कर हेतु ॥१२१॥
सोइ जस गाइ भगत भव तरहीं । कृपासिंधु जनहित तनु धरहीं ॥
राम जन्म के हेतु अनेका । परम बिचित्र एक तैं एका ॥
जन्म एक दुइ कहौ बखानी । सावधान सुनु सुभति भवानी ॥
द्वारपाल हरि के प्रिय दोऊ । जय अरु बिजय जान सब कोऊ ॥
बिप्र स्नाप तैं दूनों भाई । तामस असुर देह तिन्ह पाई ॥
कनककसिपु अरु हाटकलोचन । जगत बिदित सुरपति मद मोचन ॥
बिजई समर बीर बिल्याता । धरि बराह वपु एक निपाता ॥
होइ नरहरि दूसर पुनि मारा । जन प्रह्लाद सुजस बिस्तारा ॥
दो०—भए निसाचर जाइ तेइ महावीर बलवान ।

कुंभकरन रावन सुभट सुर बिजई जग जान ॥१२२॥
मुकुत न भए हते भगवाना । तीनि जन्म द्विज बचन प्रवाना ॥
एक बार तिन्हकें हित लागी । धरेउ सरीर भगत अनुरागी ॥
कस्यप अदिति तहाँ^१ पितु माता । दसरथ कौसल्या बिल्याता ॥
एक कल्प एहिं बिधि अवतारा । चरित पवित्र किए संसारा ॥
एक कल्प सुर देखि दुखारे । समर जलंधर सन सब हारे ॥
संभु कीन्ह संग्राम अपारा । दनुज महा बल मरै न मारा ॥
परम सती असुराधिप नारी । तेहि बल ताहि न जितहिं पुरारी ॥

दो०—बल करि टारेउ तासु व्रत प्रभु सुर कारज कीन्ह ।

जब तेहिं जानेउ मरम तब स्नाप कोप करि दीन्ह ॥१२३॥
तासु स्नाप हरि कीन्ह^२ प्रवाना । कौतुकनिधि कृपाल भगवाना ॥
तहाँ जलंधर रावन भएऊ । रन हति राम परम पद दएऊ ॥

१—[प्र० : महा] । दि०, वृ०, च० : तहाँ ।

२—[प्र० : दीन्ह] । दि० : कीन्ह । वृ०, च० : दि० [(६) (६अ) : दीन्ह] ।

एक जन्म कर कारन एहा । जेहि लागि राम धरी नर देहा ॥
 प्रति अवतार कथा प्रभु केरी । सुनु मुनि बरनी कबिन्ह घनेरी ॥
 नारद साप दीन्ह एक बारा । कल्प एक तेहि लागि अवतारा ॥
 गिरिजा चक्रित भई सुनि बानी । नारद विष्णु भगत पुनि ज्ञानी ॥
 कारन कवन साप मुनि दीन्हा । का अपराध रमापति कीन्हा ॥
 यह प्रसंग मोहि कहहु पुरारी । मुनि मन मोह आचरज भारी ॥
 दो०—बोले बिहँसि महेस तब ज्ञानी मृढ़ न कोइ ।

जेहि जस रघुपति करहिं जब सो तस तेहि छन होइ ॥

सो०—कहाँ राम गुन गाथ भरद्वाज सादर सुनहु ।

भव भंजन रघुनाथ भजु तुलसी तजि मान मद ॥१२४॥
 हिम गिरि गुहा एक अति पावनि । बह समीप सुरसरी सुहावनि ॥
 आश्रम परम पुनीत सुहावा । देखि देवरिषि मन अति भावा ॥
 निरखि सैल सरि विपिन बिभागा । भएउ रमापति पद अनुरागा ॥
 सुमिरत हरिहि साप गति बाधी । सहज बिमल मन लागि समाधी ॥
 मुनि गति देखि सुरेस डेराना । कामहि बोलि कीन्ह सनमाना ॥
 सहित सहाय जाहु मम हेतू । चलेउ हरषि हिय जलचरकेतू ॥
 सुनासीर मन महुँ असि त्रासा । चहत देवरिषि मम पुर बासा ॥
 जे कामी लोलुप जग माहीं । कुटिल काक इव सबहि डेराहीं ॥
 दो०—सूख हाड़ लै भाग सठ स्वान निरखि मृगराज ।

बीनि लेइ जनि जानि जड़ तिमि सुरपतिहि न लाज ॥१२५॥
 तेहि आश्रमहि मदन जब गएऊ । निज माया बसंत निरमएऊ ॥
 कुसुमित बिबिध चिटप बहु रंगा । कूजहिं कोकिल गुंजहिं श्रृंगा ॥
 चली सुहावनि त्रिविध बयारी । काम कसानु बढ़ावनि^१ हारी ॥
 रंभादिक सुरनारि नबीना । सकल असमसर कला प्रबीना ॥

करहिं गान बहु तान तरंगा । बहु बिधि क्रीडहिं पानि पतंगा ॥
देखि सहाय मदन हरषाना । कीन्हैसि पुनि प्रपंच बिधि नाना ॥
काम कला कछु मुनिहि न व्यापी । निज भयँ डरेउ मनोभव पापी ॥
सीम की चाँपि सकै कोउ तासू । बड़ रखवार रमापति जासू ॥
दो०--सहित सहाय समीत अति मानि हारि मन मैत ।

गहेसि जाइ मुनि चरन कहि सुठि आरत मृदु बैन^१ ॥१२६॥
भएउ न नारद मन कछु रोषा । कहि प्रिय बचन काम परितोषा ॥
नाइ चरन सिरु आएसु पाई । गएउ मदन तब सहित सहाई ॥
मुनि सुसीलता आपनि करनी । सुरपति सभाँ जाइ सब बरनी ॥
मुनि सबकै मन अचरजु आवा । मुनिहि प्रसंसि हरिहि सिरु नावा ॥
तब नारद गवने सिव पाहीं । जिता काम अहमिति मन माहीं ॥
मार चरित संकरहि सुनाए । अति प्रिय जानि महेस सिखाए ॥
बार बार बिनवौं मुनि तोहीं । जिमि यह कथा सुनाएहु मोहीं ॥
तिमि जनि हरिहि सुनाएहु^२ कबहूँ । चलेहुँ प्रसंग दुराएहु तबहूँ ॥
दो०--संभु दीन्ह उपदेस हित नहिं नारदहि सुहान ।

भरद्वाज कौतुक सुनहु हरि इच्छा बलवान ॥१२७॥
राम कीन्ह चाहहिं सोइ होई । करै अन्यथा अस नहिं कोई ॥
संभु बचन सुनि मन नहिं भाए । तब विरंचि के लोक सिधाए ॥
एक बार कर तल बर बीना । गावत हरि गुन गान प्रबीना ॥
धीरसिंधु गवने मुनिनाथा । जहँ बस श्रीनिवास श्रुतिमाथा ॥
हरष मिले उठि^३ रमानिकेता । बैठे आसन रिषिहि समेता ॥

१—प्र० कहि सुठि आरत मृदु बैन । द्वि०, तृ० : प्र० । च० : प्र० [(६अ) : कहि सुठि आरत बैन; (८) : तब कहि सुभ आरत बैन] ।

२—[प्र० सुनावहु] । द्वि० : सुनाएहु । तृ०, च० : द्वि० [(६) (६अ) : सुनावहु] ।

३—प्र० : मिले उठि । [द्वि० : उठे प्रभु] । तृ०, च० : प्र० [(८) : उठेइरि] ।

बोले बिहसि चराचराया । बहुते दिनन्हि^१ कीन्हि मुनि दाया ॥
 काम चरित नारद सब भाखे । जद्यपि प्रथम वरजि सिव राखे ॥
 अति प्रचंड रघुपति कै माया । जेहि न मोह अस को जग जाया ॥
 दो०—रुख बदन करि बचन मृदु बोले श्रीभगवान ।

तुम्हरे सुमिरन तैं मिटहिं मोह मार मद मान ॥१२८॥
 सुनु मुनि मोह होइ मन ताकैं । ज्ञान बिराग हृदय नहिं जाकैं ॥
 ब्रह्मचरज ब्रतरत मति धीरा । तुम्हहि कि करै मनोभव पीरा ॥
 नारद कहेउ सहित अभिमाना । कृपा तुम्हारि सकल भगवाना ॥
 करुनानिधि मन दीख बिचारी । उर अंकुरेउ गर्ब तरु भारी ॥
 बेगि सो मैं डारिहौं उखारी । पन हमार सेवक हितकारी ॥
 मुनि कर हित मम कौतुक होई । अबसि उपाय करबि मैं सोई ॥
 तब नारद हरिपद सिर नाई । चले हृदयँ अहमिति अधिकारै ॥
 श्रीपति निज माया तब प्रेरी । सुनहु कठिन करनी तेहि केरी ॥
 दो०—बिरचेउ मगु महुँ नगर तेहिं सत जोजन बिस्तार ।

श्रीनिवास पुर तैं अधिक रचना बिबिध प्रकार ॥१२९॥
 बसहिं नगर सुंदर नर नारी । जनु बहु मनसिज रति तनु धारी ॥
 तेहिं पुर बसै सीलनिधि राजा । अगनित हय गय सेन समाजा ॥
 सत सुरेस सम बिभव बिलासा । रूप तेज बल नीति^२ निवासा ॥
 बिस्वमोहिनी तासु कुमारी । श्री विमोह जिमु^३ रूप निहारी ॥
 सोइ हरिमाया सब गुन खानी । सोभा तासु कि जाइ बखानी ॥
 करै स्वयंबर सो नृपबाला । आए तहँ अगनित महिपाला ॥

१—[प्र० : दिनन] । दि० : दिनन्हि । तु० : द्व० । [च० : (६) दिन; (६अ) दिनन; (८) दिन] ।

२—[प्र० : सील] । दि० : नीति । [तु० : सीज] । च० : दि० ।

३—प्र० : जिमु । [दि० : (३) (४) (५) जहि; (५अ) तेहि] । तु०, च० : प्र० ।

मुनि कौतुकी नगर तेहि गएऊ । पुरबासिन्ह सब^१ पूँछत भएऊ ॥
मुनि सब चरित भूप गृह आए । करि पूजा नृप मुनि बैठाए ॥
दो०—आनि देखाई नारदहि भूपति राजकुमारि ।

कहहु नाथ गुन दोष सब एहि कें हृदयँ बिचारि ॥१३०॥
देखि रूप मुनि बिरति बिसारी । बड़ी बार लगि रहे निहारी ॥
लच्छन तामु बिलोकि भुलाने । हृदय हरष नहिं प्रगट बखाने ॥
जो एहि बरै अमर सोइ होई । समर भूमि तेहि जीत न कोई ॥
सेवहिं सकल चराचर ताही । बरै सीलनिधि कन्या जाही ॥
लच्छन सब बिचारि उर राखे । कछुक बनाइ भूप सन भाषे ॥
सुता सुलच्छन कहि नृप पाहीं । नारद चले सोच मन माहीं ॥
करौं जाइ सोइ जतन बिचारी । जेहि प्रकार मोहि बरै कुमारी ॥
जप तप कछु न होइ तेहिं^२ काला । हे^३ बिधि मिलै कवन बिधि बाला ॥
दो०—एहि अवसर चाहिअ परम सोभा रूप बिसाल ।

जो बिलोकि रीझै कुंअरि तब मैलै जयमाल ॥१३१॥
हरि सन माँगौ सुंदरताई । होइहि जात गहरु अति भाई ॥
मोरे हित हरि सम नहिं कोऊ । एहि अवसर सहाय सोइ होऊ ॥
बहु बिधि बिनय कीन्हि तेहिं काला । प्रगटेउ प्रभु कौतुकी कृपाला ॥
प्रभु बिलोकि मुनि नयन जुड़ाने । होइहि काजु हिउँ हरषाने ॥
अति आरति कहि कथा सुनाई । करहु कृपा करि होहु सहाई ॥
आपन रूप देहु प्रभु मोही । आन भाँति नहिं पावौं ओही ॥
जेहि बिधि नाथ होइ हित मोरा । करहु सो बेगि दास मैं तोरा ॥
निज माया बल देखि बिसाला । हिअँ हँसि बोले दीनदयाला ॥

१—प्र० : सब । द्वि० : प्र० । [वृ० : सन] । च० : प्र० ।

२—प्र० : तेहिं । द्वि० : प्र० । [वृ० : सन] । च० : प्र० ।

३—प्र० : है । द्वि० : हे [(३) : है] । वृ० : द्वि० । च० : द्वि० [(६) (६अ) : है] ।

दो०—जेहि बिधि होइहि परम हित नारद सुनहु तुम्हार ।

सोइ हम करब न आन कछु बचन न मृषा हमार ॥१३२॥
 कुपथ माँगु रुज ब्याकुल रोगी । बैद न देइ सुनहु मुनि जोगी ॥
 एहि बिधि हित तुम्हार मैं ठएऊ । कहि अस अंतरहित प्रभु भएऊ ॥
 माया बिबस भए मुनि मूढ़ा । समुझी नहिं हरि गिरा निगूढ़ा ॥
 गवने तुरत तहाँ रिषिराई । जहाँ स्वयंवर भूमि बनाई ॥
 निज निज आसन बैठे राजा । बहु बनाव करि सहित समाजा ॥
 मुनि मन हरष रूप अति मोरें । मोहि तजि आनहि बरिहि न भोरें ॥
 मुनि हित कारन कृपानिधाना । दीन्ह कुरूप न जाइ बखाना ॥
 सो चरित्र लखि काहुँ न पावा । नारद जानि सबहिं सिर नावा ॥
 दो०—रहे तहाँ दुइ रुद्र गन ते जानहिं सब भेउ ।

बिप्र वेष देखत फिरहिं परम कौतुकी तेउ ॥१३३॥
 जेहि समाज बैठे मुनि जाई । हृदयँ रूप अहमिति अधिकारि ॥
 तहँ बैठे महेस गन दोऊ । बिप्र वेष गति लखै न कोऊ ॥
 करहिं कूटि नारदहि सुनाई । नीकि दीन्ह हरि सुंदरताई ॥
 रीभिहि राजकुअरि छबि देखी । इन्हहि बरिहि हरि जानि बिसेखी ॥
 मुनिहि मोह मन हाथ पराएँ । हँसहिं संभुगन अति सजु पाएँ ॥
 जदपि सुनहिं मुनि अटपटि बानी । समुझि न परै बुद्धि भ्रम सानी ॥
 काहुँ न लखा सो चरित बिसेखा । सो सरूप नृप कन्या देखा ॥
 मर्कट बदन भयंकर देही । देखत हृदयँ क्रोध भा तेही ॥
 दो०—सखी संग लै कुअरि तब चलि जनु राजमराल ।

देखत फिरै महीप सब कर सरोज जयमाल ॥१३४॥
 जेहि दिसि बैठे नारद फूली । सो दिसि तेहि न बिलोकी भूली ॥
 पुनि पुनि मुनि उकसहिं अकुलाहीं । देखि दसा हरगन मुसुकाहीं ॥

धरि नृप तनु तहँ गएउ कृपाला । कुअँरि हरषि मेलेउ जयमाला ॥
 दुलहिनि लै गए१ लच्छिनिवासा । नृप समाज सब भएउ निरासा ॥
 मुनि अति बिकल मोह मति नाठी । मनि गिरि गई छूटि जनु गाँठी ॥
 तब हरगन बोले मुसुकाई । निज मुख मुकुर बिलोकहु जाई ॥
 अस कहि दोउ भागे भयँ भारी । बदन दीख मुनि बारि निहारी ॥
 बेषु बिलोकि क्रोध अति बाढ़ा । तिन्हहि सराप दीन्ह अति गाढ़ा ॥
 दो०—होहु निसाचर जाइ तुम्ह कपटी पापी दोउ ।

हँसेहु हमहि सो लेहु फल बहुरि हँसेहु मुनि कोउ ॥१३५॥

पुनि जल दीख रूप निज पावा । तदपि हृदयँ संतोष न आवा ॥
 फरकत अधर कोप मन माहीं । सपदि चले कमलापति पाहीं ॥
 दैहौँ स्नाप कि मरिहौँ जाई । जगत मोरि उपहास कराई ॥
 बीचहि पंथ मिले दनुजारी । संग रमा सोइ राजकुमारी ॥
 बोले मधुर वचन सुरसाई । मुनि कहँ चले बिकल की नाई ॥
 सुनत वचन उपजा अति क्रोधा । माया बस न रहा मन बोधा ॥
 पर संपदा सकहु नहि देखी । तुम्हरेँ इरिषा कपट बिसेखी ॥
 मथत सिंधु रुद्रहि बौराएहु । सुरन्ह प्रेरि विष पान कराएहु ॥
 दो०—असुर सुरा विष संकरहि आपु रमा मनि चारु ।

स्वारथ साधक कुटिल तुम्ह सदा कपट व्यवहारु ॥१३६॥

परम स्वतंत्र न सिर पर कोई । भावै मनहि करहु तुम्ह सोई ॥
 भलेहि मंद मंदेहि भल करहु । बिसमय हरष न हिअँ कछु घरहु ॥
 डहकि डहकि परिचेहु सब काहु । अति असंक मन सदा उछाहु ॥
 कर्म सुभासुभ तुम्हहि न बाधा । अब लागि तुम्हहि न काहँ साधा ॥
 भले भवन अब बायन दीन्हा । पावहुगे फल आपन कीन्हा ॥

१— प्र० : ले गए । द्वि० : लै गए । [नृ० : लै ने] । च० : द्वि०
 [(६) (६अ) : ले ने] ।

बचेहु मोहि जवनि धरि देहा । सोइ तनु धरहु साप मम एहा ॥
 कपि आकृति तुम्ह कीन्हि हमारी । करिहहिं कीस सहाय तुम्हारी ॥
 मम अपकार कीन्ह तुम्ह भारी । नारि बिरहैं तुम्ह होब दुखारी ॥
 दो०—साप सीस धरि हरषि हिअँ प्रभु बहु बिनती कीन्हि ।

निज माया कै प्रबलता करषि कृपानिधि लीन्हि ॥१३७॥
 जब हरि माया दूरि निवारी । नहिं तहँ रमा न राजकुमारी ॥
 तब मुनि अति समीत हरि चरना । गहे पाहि प्रनतारति हरना ॥
 मृषा होउ मम साप कृपाला । मम इच्छा कह दीन दयाला ॥
 मैं दुर्बचन कहे बहुतेरे । कह मुनि पाप मिटिहिं किमि मेरे ॥
 जपहु जाइ संकर सत नामा । होइहि हृदयँ तुरत विश्रामा ॥
 कोउ नहिं सिव समान प्रियं मोरें । असि परतीति तजहु जनि भोरें ॥
 जेहिपर कृपा न करहिं पुरारी । सो न पाव मुनि भगति हमारी ॥
 अस उर धरि महि बिचरहु जाई । अब न तुम्हहि माया निअराई ॥
 दो०—बहु बिधि मुनिहि प्रबोधि प्रभु तब भए अंतरधान १ ।

सत्य लोक नारद चले करत राम गुन गान ॥१३८॥
 हर गन मुनिहि जात पथ देखी । बिगत मोह मन हरष बिसेखी ॥
 अति समीत नारद पहिं आए । गहि पद आरत बचन सुनाए ॥
 हर गन हम न बिप्र मुनिराया । बड़ अपराध कीन्ह फल पाया ॥
 साप अनुग्रह करहु कृपाला । बोले नारद दीनदयाला ॥
 निसिचर जाइ होहु तुम्ह दोऊ । बैभव बिपुल तेज बल होऊ ॥
 भुज बल बिस्व जितब तुम्ह जहिआ । धरिहहिं बिष्णु मनुज तनु तहिआ ॥
 समर मरन हरि हाथ तुम्हारा । होइहहु मुकुत न पुनि संसारा ॥
 चले जुगल मुनि पद सिर नाई । भये निसाचर कालहि पाई ॥

१—[प्र०, द्वि० : अंतर्धान] । तृ० : अंतर्धान । च० : तृ० । [(न) : अंतर्धान] ।

दो०—एक कल्प एहिं हेतु प्रभु लीन्ह मनुज अवतार ।

सुर रंजन सज्जन सुखद हरि भंजन सुवि भार ॥१३६॥
एहि बिधि जनम करम हरि केरे । सुंदर सुखद बिचित्र घनेरे ॥
कल्प कल्प प्रति प्रभु अवतरहीं । चारु चरित नाना बिधि करहीं ॥
तब तब कथा सुनीसन्ह गाई^१ । परम पुनीत प्रबंध बनाई^२ ॥
बिबिध प्रसंग अनूप बखाने । कहिं न मुनि आचरजु सयाने ॥
हरि अनंत हरिकथा अनंता । कहिं सुनिहि बहुबिधि सब संता ॥
रामचंद्र के चरित सुहाए । कल्प कोटि लागि जाहिं न गाए ॥
यह प्रसंग मैं कहा भवानी । हरि मायाँ मोहहिं मुनि ज्ञानी ॥
प्रभु कौतुकी प्रनत हितकारी । सेवत सुनम मकल दुखहारी ॥
सो०—सुर नर मुनि कोउ नाहिं जेहि न मोह माया प्रबल ।

अस बिचारि मन माहिं भजिअ महामाया पतिहि ॥१४०॥
अपर हेतु सुनु सैलकुमारी । कहौं बिचित्र कथा बिस्तारी ॥
जेहि^३ कारन अज अगुन अरूपा । ब्रह्म भएउ कोसलपुर भूषा ॥
जो प्रभु बिपिन फिरत तुम्ह देखा । बंधु समेत धरे मुनि जेसा ॥
जासु चरित अवलोकि भवानी । सती सरीर रहिहु बौरानी ॥
अजहुँ न छाया मिटति तुम्हारी । तासु चरित सुनु अम रुज हारी ॥
लीला कीन्हि जो तेहिं अवतारा । सो सब कहिहौं मति अनुसार ॥
भरद्वाज सुनि संकर बानी । सकुचि सप्रेम उमा मुसुकावी ॥
लगे बहुरि बरनै वृषकेतू । सो अवतार भएउ जेहि हेतू ॥
दो०—सो मैं तुम्ह सन कहौं सब सुनु मुनीस मन लाइ ।

रामकथा कलिमल हरनि मंगल करनि सुहाइ ॥१४१॥

१—प्र० : तब तब कथा सुनीसन्ह गाई । द्वि० : प्र० । तृ० : तब तब कथा बिचित्र

सुहाई । च० : प्र० ।

२—प्र० : परम पुनीत प्रबंध बनाई । [द्वि० : परम बिचित्र प्रबंध बनाई] । तृ० :

परम पुनीत सुनीसन्ह गई । च० : प्र० ।

३—[प्र० : केहि] । द्वि० : जेहि । तृ०, च : द्वि० ।

स्वायंभू मनु अरु सतरूपा । जिन्हतैं भै नर सृष्टि अनूपा ॥
 दंपति धरम आचरन नीका । अजहूँ गाव श्रुति जिन्हकै लीका ॥
 नृप उत्तानपाद सुत तासू । ध्रुव हरि भगत भएउ सुत जासू ॥
 लघु सुत नाम प्रियव्रत ताही । बेद पुरान प्रसंसहिं जाही ॥
 देवहूति पुनि तासु कुमारी । जो मुनि कर्दम कै प्रिय नारी ॥
 आदि देव प्रभु दीन दयाला । जठर धरेउ जेहिं कपिल कृपाला ॥
 सांख्य सास्त्र जिन्ह प्रगट बखाना । तत्व बिचार निपुन भगवाना ॥
 तेहिं मनु राज कीन्ह बहु काला । प्रभु आयसु सब^१ बिधि प्रतिपाला ॥
 सो०-होइ न बिषय बिराग भवन बसत भा चौथ पनु ।

हृदयँ बहुत दुख लाग जनम गएउ हरि भगति बिनु ॥१४२॥
 बरबस राज सुगह तब^२ दीन्हा । नारि समेत गवन बन^३ कीन्हा ॥
 तीरथ वर नैमिष बिख्याता । अति पुनीत साधक सिधि दाता ॥
 बसहिं तहाँ मुनि सिद्ध समाजा । तहँ हिअँ हरषि चलेउ मनु राजा ॥
 पंथ जात सोहहिं मतिधीरा । ज्ञान भगति जनु धरे सरीरा ॥
 पहुँचे जाइ धेनुमति तीरा । हरषि नहाने निरमल नीरा ॥
 आए मिलन सिद्ध मुनि ज्ञानी । धरम धुरंधर नृपरिषि जानी ॥
 जहँ जहँ तीरथ रहे सुहाए । मुनिन्ह सकल सादर करवाए ॥
 कृस सरीर मुनि पट परिधाना । सत^४ समाज नित सुनिहिं पुराना ॥
 दो०-द्वादस अच्चर मंत्र पुनि जपहिं सहित अनुराग ।

बासुदेव पद पंकरुह दंपति मन अति लाग ॥१४३॥
 करहिं अहार साक फल कंदा । सुमिरहिं ब्रह्म सच्चिदानंदा ॥
 पुनि हरि हेतु करन तप लागे । बारि आधार मूल फल त्यागे ॥

१-प्र० : सब । [द्वि० : बहु] । नृ०, च० : प्र० ।

२-प्र० : तब । [द्वि० : (३) (४) (५) पुनि, (५अ) नृप] । [पु० : नृप] । च० : प्र० [(=) : नृप] ।

३-[प्र० : तब] । द्वि० : वन । नृ०, च० : द्वि० ।

उर अभिलाष निरंतर होई । देखिअ नयन परम प्रभु सोई ॥
अगुन अखंड अनंत अनादी । जेहि चिन्तहिं परमारथवादी ॥
नेति नेति जेहि वेद निरूपा । निजानंद^१ निरूपाधि अनूपा ॥
संभु विरंचि बिष्णु भगवाना । उपत्रहिं जागु अंस तें नाना ॥
ऐसेउ प्रभु सेवक बस अहई । भगत हेतु लीला तनु गहई ॥
जौं यह वचन सत्य श्रुति भाषा । तौ हमार पूजिहि अभिलाषा ॥
दो०—एहिं विधि बीते बरष षट सहस बारि आहार ।

संवत सप्त सहस्र पुनि रहे समीर अधार ॥१४४॥
बरष सहस दस त्यागेउ सोऊ । ठाढ़े रहे एक पद दोऊ ॥
विधि हरि हर तप देखि अपारा । मनु समीप आए बहु बारा ॥
माँगहु बर बहु भौंति लोभाए । परम धीर नहिं चलहिं चलाए ॥
अस्थि मात्र होइ रहे सरीरा । तदपि मनाग मनहिं नहिं पीरा ॥
प्रभु सर्वज्ञ दास निज जानी । गति अनन्य तापस नृप रानी ॥
माँगु माँगु धुनि^२ भइ नभवानी । परम गँभीर कृपामृत सानी ॥
मृतक जिआवनि गिरा सुहाई । श्रान रंघ्र होइ उर जव आई ॥
हृष्ट पुष्ट तन भए सुहाए । मानहु अवहिं भवन तें आए ॥
दो०—सवन सुधा सम वचन सुनि पुलक प्रफुल्लित गात ।

बोले मनु करि दंडवत प्रेम न हृदयें समात ॥१४५॥
सुनु सेवक सुरतरु सुरधेनू । विधि हरि हर बंदित पद रेनू ॥
सेवत सुलभ सकल सुखदायक । प्रनतपाल सचराचर नायक ॥
जौं अनाथ हित हम पर नेहू । तौ प्रसन्न होइ यह बर देहू ॥
जो सरूप बस सिव मन माहीं । जेहिं कारण मुनि जतन कराहीं ॥
जो भुसुंढि मन मानस हंसा । सगुन अगुन जेहि निगम प्रसंसा ॥

१—प्र० : निजानंद । दि० : प्र० [(४) चिदानंद] । नृ०, च० : प्र० ।

२—प्र० : धुनि । दि० : प्र० । [नृ० : वर] । च० : प्र० [(६) (६अ) : वर] ।

देखहिं हम सो रूप भरि लोचन । कृपा करहु प्रनतारति मोचन ॥
 दंपति बवन परम प्रिय लागे । मृदुल विनीत प्रेम रस पागे ॥
 भगतवञ्जल प्रभु कृपानिधाना । बिस्वबांस प्रगटे भगवाना ॥
 दो०—नील सरोरुह नील मनि नील नीरधर^१ स्थाम ।

लाजहिं तनु सोभा निरखि कोटि कोटि सत काम ॥१४६॥
 सरद मयंक बदन छवि सीवाँ । चारु कंपोल चिबुक दर श्रीवा ॥
 अघर अरुन रद सुंदर नासा । बिधु कर निकर बिनिंदक हासा ॥
 नव अंबुज अंबक छवि नीकी । चितवनि ललित भावतीं जी की ॥
 भृकुटि मनोज चाप छविहारी । तिलक ललाटपटल दुतिकारी ॥
 कुंडल मकर मुकुट सिर आजा । कुटिल केस जनु मधुप समजा ॥
 उर श्रीवत्स रुचिर बनमाला । पदिक हार भूषन मनि जाला ॥
 केहरि कंधर चारु जनेऊ । बाहु बिभूषन सुंदर तेऊ ॥
 करि कर सरिस सुभग भुज दंडा । कटि निषंग कर सर कोदंडा ॥
 दो०—तड़ित बिनिन्दक पीत पट उदर रेख बर तीनि ।

नाभि मनोहर लेति जनु जमुन भँवर छवि छीनि ॥१४७॥
 पद राजीव वरनि नहिं जाहीं । मुनि मनमधुप बसहिं जिन्ह^२ माहीं ॥
 वाम भाग सोभति अनुकूला । आदिसक्ति छविनिधि जगमूला ॥
 जासु अंस उपजहिं गुन खानो । अगनित लच्छि उमा ब्रह्मानी ॥
 भृकुटि विलास जासु जग होई । राम वाम दिसि सीता सोई ॥
 छविसमुद्र हरि रूप बिलोकी । एकटक रहे नयनपट रोकी ॥
 चितवहिं सादर रूप अनूपा । तृप्ति न मानहिं मनु सतरूपा ॥
 हरष विवस तन दसा भुलानी । परे दंड इव गहि पद पानी ॥
 सिर परसे प्रभु निज कर कंजा । तुरत उठाए करुनापुंजा ॥

१—[प्र० : नीरनिधि] । द्वि० : नीरधर । तृ०, च० : द्वि० ।

२—[प्र० : जेन्ह] । द्वि० : जिन्ह । तृ० : द्वि० । च० : (६) (६अ) जेन्ह, (८) तेन्ह ।

दो०—बोले कृपानिधान पुनि अति प्रसन्न मोहि जानि ।

माँगहु बर जोइ भाव मन महादानि अनुमानि ॥१४८॥
 सुनि प्रभु बचन जोरि जुग पानी । धरि धीरजु बोले^१ मृदु बानी ॥
 नाथ देखि पद कमल तुम्हारे । अब पूरे सब काम हमारे ॥
 एक लालसा बड़ि उर माहीं । सुगम अगम कहि जाति सो नाहीं ॥
 तुम्हहि देत अति सुगम गोसाईं । अगम लाग मोहि निज कृपनाई ॥
 जथा दरिद्र बिबुधतरु पाई । बहु संपनि माँगत सकुचाई ॥
 तासु प्रभाउ जान हिअ^२ सोई । तथा हृदयँ मम संसय होई ॥
 सो तुम्ह जानहु अंतरजामी । पुरवहु मोर मनोरथ स्वामी ॥
 सकुच बिहाइ माँगु नृप मोही । मोरें नहि अदेय कछु तोही ॥
 दो०—दानि सिरोमनि कृपानिधि नाथ कहाँ सतिभाउ ।

चाहौं तुम्हहिं समान सुत प्रभु सन कवन दुराउ ॥१४९॥
 देखि प्रीति सुनि बचन अमोले । एवमस्तु करुनानिधि बोले ॥
 आपु सरिस खोजौ कहँ जाई । नृप तव तनय होब मैं आई ॥
 सत्तरूपहि बिलोकि कर जोरे । देवि माँगु बर जो रुचि तोरें ॥
 जो बरु नाथ चतुर नृप माँगा । सोइ कृपालु मोहि अति प्रिय लाग्गा ॥
 प्रभु परंतु सुठि होति ढिठाई । जदपि भगत^३ हित तुम्हहिं सुहाई ॥
 तुम्ह ब्रह्मादि जनक जगस्वामी । ब्रह्म सकल उर अंतरजामी ॥
 अस समुझत मन संसय होई । कहा जो प्रभु प्रवान पुनि सोई ॥
 जे निज भगत नाथ तव अहहीं । जो सुख पावहिं जो गति लहहीं ॥
 दो०—सोइ सुख सोइ गति सोइ भगति सोइ निज चरन सनेहु ।

सोइ विवेक सोइ रहनि प्रभु हमहि कृपा करि देहु ॥१५०॥

१—प्र० : बोलीं । द्वि० : बोले । तृ०, च० : द्वि० ।

२—प्र० : जान हिअ । [द्वि०, तृ० : न जानहि] । च० : (६) (६अ) जानहि,
 (न) न जानत] ।

३—[प्र० : भगति] । द्वि० : भगत । तृ० : द्वि० । [च० : (६) (६अ) भगति,
 (न) में शब्द छूटा हुआ है] ।

सुनि मृदु गूढ़ रुचिर बच^१ रचना । कृपासिन्धु बोले मृदु बचना ॥
 जो कछु रुचि तुम्हरे मन माहीं । मैं सो दीन्ह सब संसय नाहीं ॥
 मातु बिबेक अलौकिक तोरें । कबहुँ न मिटिहि अनुग्रह मोरें ॥
 बंदि चरन मनु कहेउ बहोरी । अवर एक बिनती प्रभु मोरी ॥
 सुत विषयक तव पद रति होऊ । मोहि बड़ मूढ़ कहौ किन कोऊ ॥
 मनिबिनु फनि जिमि जलबिनु मीना । ममजीवन मिति^२ तुम्हहि अधीना ॥
 अस बरु माँगि चरन गहि रहेऊ । एवमस्तु करुनानिधि कहेऊ ॥
 अब तुम्ह मम अनुसासन मानी । बसहु जाइ सुपति रजधानी ॥
 सो०—तहँ करि भोग बिसाल^३ तात गएँ कछु काल पुनि ।

होइहहु अवध भुआल तब मैं होब तुम्हार सुत ॥१५१॥
 इच्छामय नर बेष सँवारे । होइहौ प्रगट निकेत तुम्हारें ॥
 अंसन्ह सहित देह धरि ताता । करिहौ चरित भगत सुख दाता ॥
 जे^४ सुनि सादर नर बड़भागी । भव तरिहहिं ममता मद त्यागी ॥
 आदिसक्ति जेहि जग उपजाया । सोउ अवतरिहि मोरि यह माया ॥
 पूरव मैं अभिलाष तुम्हारा । सत्य सत्य पन सत्य हमारा ॥
 पुनि पुनि अस कहि कृपा निधाना । अंतरधान भए भगवाना ॥
 दंपति उर धरि भगतकृपाला । तेहि आश्रम निवसे कछु काला ॥
 समय पाइ तनु तजि अनयासा । जाइ कीन्ह अमरावनि बासा ॥
 दो०—यह इतिहास पुनीत अति उमहि कही वृषकेतु ।

भरद्वाज सुनु अपर पुनि राम जनम कर हेतु ॥१५२॥
 सुनु मुनि कथा पुनीत पुरानी । जो गिरिजा प्रति संभु बखानी ॥

१—प्र० : बच । [द्वि० : वर] । [तृ० : वर] । च० : प्र० [(न) : वर] ।

२—प्र० : मिति । द्वि० : प्र० [(४) (५) : मिति] । [तृ० : मिति] । च० : द्वि० [(न) : मिति] ।

३—प्र० : बिसाल] । द्वि० : बिसाल । तृ०, च० : द्वि० ।

४—प्र० : जे द्वि०, तृ० : प्र० । [च० : (६) (३अ) जेहि, (न) जो] ।

विश्व विदित एक कैकय देस । सत्यकेतु तहँ बसै नरेसु ॥
 धरम धुरंधर नीति निधाना । तेज प्रताप सील बलवाना ॥
 तेहि केँ भए जुगल सुत बीरा । सब गुन धाम महा रनधीरा ॥
 राजधनी जो जेठ सुत आही । नाम प्रतापमानु अस ताही ॥
 अपर सुतहि अरिमर्दन नामा । भुज बल अतुल अचल संप्रामा ॥
 भाइहि भाइहि परम समीती । सकल दोष छल बरजित प्रीती ॥
 जेठे सुतहि राज नृप दीन्हा । हरि हित आपु गवन वन कीन्हा ॥
 दो०—जब प्रतापरवि भएउ नृप फिरी दोहाई देस ।

प्रजा पाल अति वेद बिधि कतहुँ नहीं अब लेस ॥१५३॥
 नृप हितकारक सचिव सयाना । नाम धरमरुचि सुक समाना ॥
 सचिव सयान बंधु बलवीरा । आपु प्रतापपुंज रनधीरा ॥
 सेन संग चतुरंग अपारा । अमित सुभट सब समर जुभारा ॥
 सेन बिलोकि राउ हरषाना । अरु बाजे गहगहे निसाना ॥
 विजय हेतु कटकई बनाई । सुदिन साधि नृप चलेउ वजाई ॥
 जहँ तहँ परीं अनेक लराई । जीते सकल भूप बरिआई ॥
 सप्त दीप भुज बल बस कीन्हे । लै लै दंड छाँड़ि नृप दीन्हे ॥
 सकल अवनि मंडल तेहि काला । एक प्रतापमानु महिपाला ॥
 दो०—स्ववस विश्व करि बाहु बल निज पुर कीन्ह प्रवेसु ।

अरथ धरम कामादि सुख सेवै समर्थ नरेसु ॥१५४॥
 भूप प्रतापमानु बल पाई । कामधेनु मै भूमि सुहाई ॥
 सब दुख बरजित प्रजा सुखारी । धरमसील सुंदर नर नारी ॥
 सचिव धरमरुचि हरि पद प्रीती । नृप हित हेतु सिखव नित नीती ॥
 गुर सुर संत पितर महिदेवा । करै सदा नृप सब कै सेवा ॥
 भूप धरम जे वेद बखाने । सकल करै सादर सुख माने ॥
 दिन प्रति देइ बिबिध बिधि दाना । सुनै साख बर वेद पुराना ॥
 नाना बायीं कूप तड़ागा । सुमन वाटिका सुंदर बागा ॥

विप्रभवन सुरभवन सुहाए । सब तीरथन्ह विचित्र बनाए ॥
दो०—जहँ लगि कहे पुरान श्रुति एक एक सब जाग ।

बार सहस्र सहस्र नृप किए सहित अनुयाग ॥१५५॥
हृदयँ न कछु फल अनुसंधाना । भूप त्रिवेकी परम सुजना ॥
करै जे धरम करम मन बानी । बासुदेव अर्पित नृप ज्ञानी ॥
चढ़ि बार बाजि बार एक राजा । मृगया कर सब साजि समाजा ॥
बिन्ध्याचल गँभीर बन गएऊ । मृग पुनीत बहु मारत मएऊ ॥
फिरत बिपिन नृप दीख बराह । जनु बन दुरेउ ससिहि प्रसि राह ॥
बड़ बिधु नहिँ समात मुख माहीं । मनहु क्रोध बस उगिलत नाहीं ॥
कोल कराल दसन छवि गाई । तनु बिसाल पीवर अधिकारि ॥
घुरुघुरात हय आरौ पाएँ । चकित बिलोकत कान उठाएँ ॥
दो०—नील महीघर सिखर सम देखि बिसाल बराह ।

चपरि चलेउ हय सुटुकि नृप हौंकि न होइ निबाहु ॥१५६॥
आवत देखि अधिक रव बाजी । चलेउ बराह मरुत गति भाजी ॥
तुरत कीन्ह नृप सर संधाना । महि मिलि गएउ बिलोकत बाना ॥
तकि तकि तीर महीस चलावा । करि छल सुअर सरीर बचावा ॥
प्रगटत दुरत जाइ मृग भागा । रिस बस भूप चलेउ सँग लागा ॥
गएउ दूरि घन गहन बराह । जहँ नाहिँन गज बाजि निबाह ॥
अति अकेल बन बिपुल कलेसू । तदपि न मृग मग तजै नरेसू ॥
कोल बिलोकि भूप बड़ धीरा । भागि पैठ गिरि गुहाँ गँभीरा ॥
अगम देखि नृप अति पछिताई । फिरेउ महाबन परेउ मुलाई ॥
दो०—खेद खिन्न छुद्धित तृषित राजा बाजि समेत ।

खोजत व्याकुल सरित सर जल बिनु भएउ अचेत ॥१५७॥
फिरत बिपिन आश्रम एक देखा । तहँ बस नृपति कपट मुनि बेषा ॥

जासु देस नृप लीन्ह छड़ाई । समर सेन तजि गएउ पराई ॥
 समय प्रतापमानु कर जानी । आपन अति असमय अनुमानी ॥
 गएउ न गृह मन बहुत गलानी । मिला न राजहि नृप अभिमानी ॥
 रिस उर मारि रंक जिमि राजा । बिपिन बसैं तापस कै साजा ॥
 तासु समीप गवन नृप कीन्हा । यह प्रतापरवि तेहिं तब चीन्हा ॥
 राउ तृषित नहिं सो पहिचाना । देखि सुवेष महामुनि जाना ॥
 उतरि तुरग तैं कीन्ह प्रनामा । परम चतुर न कहेउ निज नामा ॥
 दो०—भूपति तृषित बिलोकि तेहिं सरबरु दीन्ह देखाइ ।

मज्जन पान समेत हय कीन्ह नृपति हरषाइ ॥१५८॥
 गै श्रम सकल सुखी नृप भएऊ । निज आश्रम तापस लै गएऊ ॥
 आसन दीन्ह अस्त रवि जानी । पुनि तापस बोलेउ मृदु बानी ॥
 को तुम्ह कस बन फिरहु अकेलैं । सुंदर जुवा जीव परहेलैं ॥
 चक्रवर्ति के लच्छन तोरें । देखत दया लागि अति मोरें ॥
 नाम प्रतापमानु अबनीसा । तासु सचिव मै सुनहु मुनीसा ॥
 फिरत अहेरें परेउँ भुलाई । बड़ें भाग देखेउँ पद आई ॥
 हम कहँ दुर्लभ दरस तुम्हारा । जानत हौं कछु भल होनिहारा ॥
 कह मुनि तात भएउ अधियारा । जोजन सत्तरि नगरु तुम्हारा ॥
 दो०—निसा घोर गंभीर बन पंथ न सुनहु सुजान ।

बसहु आजु अस जानि तुम्ह जाएहु होत बिहान ॥
 तुलसी जसि भवितव्यता तैसी मिलै सहाइ ।

आपुनु आवइ ताहि पहिं ताहि तहाँ लै जाइ ॥१५९॥

भलेहिं नाथ आयसु धरि सीसा । बाँधि तुरग तरु बैठ महीसा ॥
 नृप बहु भौंति प्रसंसेउ ताही । चरन बंदि निज भाग्य सराही ॥
 पुनि बोलेउ मृदु गिरा सुहाई । जानि पिता प्रभु करौं दिठाई ॥
 मोहि मुनीस सुत सेवक जानी । नाथ नाम निज कहहु बखानी ॥

तेहि न जान नृप नृपहि सो जाना । भूप सुहृद सो कपट सयाना ॥
 बैरी पुनि छत्री पुनि राजा । छल बल कीन्ह चहै निज काजा ॥
 समुझि राजसुख दुखित अराती । अवाँ अनल इव सुलगै छाती ॥
 सरल बचन नृप के सुनि काना । बयर सँभारि हृदय हरषाना ॥
 दो०—कपट बोरि बानो मृदुल बोलेउ जुगुति समेत ।

नाम हमार भिखारि अब निर्धन रहित निकेत ॥१६०॥

कह नृप जे बिज्ञान निधाना । तुम्ह सारिखे गलित अभिमाना ॥
 सदा रहहिं अपनपौ दुराए । सब बिधि कुसल कुबेष बनाएँ ॥
 तेहि तें कहहिं संत श्रुति टेरेँ । परम अकिंचन प्रिय हरि करेँ ॥
 तुम्ह सम अधन भिखारि अगेहा । होत विरंचि सिवहि संदेहा ॥
 जोसि सोसि तब चरन नमामी । मो पर कृपा करिअ अब स्वामी ॥
 सहज प्रीति भूपति कै देखी । आपु बिषय बिस्वास बिसेषी ॥
 सब प्रकार राजहि अपनाई । बोलेउ अधिक सनेह जनाई ॥
 सुनु सति भाउ कहौं महिपाला । इहाँ बसत बीते बहु काला ॥
 दो०—अब लगि मोहि न मिलेउ कोउ मैं न जनावौं काहु ।

लोकमान्यता अनल सम कर तप कानन दाहु ॥

सो०—तुलसी देखि सुबेषु मूलाहिं मूढ़ न चतुर नर ।

सुंदर केकहि पखु बचन सुधा सम असन अहि ॥१६१॥

ताते गुप्त रहौं जग माहीं । हरि तजि किमपि प्रयोजन नाहीं ॥
 प्रभु जानत सब बिनहि जनाएँ । कहहु कवन सिधि लोक रिझाएँ ॥
 तुम्ह सुचि सुमति परम प्रिय मोरेँ । प्रीति प्रतीति मोहि पर तोरेँ ॥
 अब जौं तात दुरावौं तोही । दारुन दोष बटै अति मोही ॥
 जिमि जिमि तापसु कथै उदासा । तिमि तिमि नृपहि उपज बिस्वासा ॥

देखा स्वयं कर्म मन बानी । तब बोला तापस बग? ध्यानी ॥
नाम हमार एकननु भाई । सुनि नृप बोलेउ पुनि सिरु नाई ॥
कहहु नाम कर अरथ बखानी । मोहि सेवक अति आपन जानी ॥
दो०—आदि सृष्टि उपजी जवहि तब उत्पति भै मोरि ।

नाम एकतनु हेतु तेहिं देह न धरी बहोरि ॥१६२॥
जनि आचरजु करहु मन माहीं । सुत तप तैं दुर्लभ कछु नाहीं ॥
तप बल तैं जग सृजै बिधाता । तप बल बिष्णु भए परित्राता ॥
तपबल संसु करहिं संघारा । तप तैं अगम न कछु संसारा ॥
भएउ नृपहि सुनि अति अनुरागा । कथा पुरातन कहै सो लागा ॥
करम धरम इतिहास अनेका । करै निरूपन विरति विवेका ॥
उदभव पालन प्रलय कहानी । कहैसि अमित आचरज बखानी ॥
सुनि महीप तापस बस भएऊ । आपन नाम कहन तब लएऊ ॥
कह तापस नृप जानौं तोही । कीन्हहु कपट लाग भल मोही ॥
सो०—सुनु महीस असि नीति जहँ तहँ नम न कहहिं नृप ।

मोहि तोहि पर अति प्रीति सोइ चतुरता विचारि? तब ॥१६३॥
नाम तुम्हार प्रतापदिनेसा । सत्यकेतु तब पिता नरेसा ॥
गुर प्रसाद सब जानिअ राजा । कहिअ न आपन जानि अकाजा ॥
देखि तात तब सहज सुधाई । प्रीति प्रतीति नीति निपुनाई ॥
उपजि परी ममता मन मारैं । कहाँ कथा निज पूँछं तोरें ॥
अब प्रसन्न मैं संसय नाहीं । माँगु जो भूप भाव मन माहीं ॥
सुनि सुबचन भूपति हरपाना । गहि पद बिनय कीन्हि बिधि नाना ॥
कृपासिंधु मुनि दरसन तोरें । चारि पदारथ करतल मोरें ॥
प्रभुहि तथापि प्रसन्न बिलोकी । माँगि अगम बर होउँ असोकी ॥

१—प्र० : दग । द्वि० : प्र० [(४) (५) (५अ) : बक] । [तृ० : बक] । च० : प्र०
[(८) : बक] ।

२—प्र० : विचारि । द्वि० : प्र० । [तृ० : देखि] । च० : प्र० [(८) : जानि] ।

दो०—जरा मरन दुख रहित तनु समर जितै जनि^१ कोउ ।

एकछत्र रिपुहीन महि राज कल्प सत होउ ॥१६४॥
 कह तापस नृप ऐसेइ होऊ । कारन एक कठिन सुनु सोऊ ॥
 कालौ तुअ पद नाइहि सीसा । एक बिप्र कुल छाड़ि महीसा ॥
 तप बल बिप्र सदा बरिआरा । तिन्हकें कोप न कोउ रखवारा ॥
 जौ बिप्रन्ह बस करहु नरेसा । तौ तुअ बस बिधि बिष्नु महेसा ॥
 चल^२ न ब्रह्मकुल सन बरिआई । सत्य कहौ दोउ भुजा उठाई ॥
 बिप्र साप बिनु सुनु महिपाला । तोर नास नहिं कवनेहु काला ॥
 हरषेउ राउ बचन सुनि तासू । नाथ न होइ मोर अब नासू ॥
 तव प्रसाद प्रभु कृपानिधाना । मोकहुँ सर्व काल कल्याणा ॥
 दो०—एवमस्तु कहि कपट मुनि बोला कुटिल बहोरि ।

मिलब हमार भुलाब निज कहहु त हमहि न खोरि ॥१६५॥
 तातैं मैं तोहि बरजौ राजा । कहैं कथा तव परम अकाजा ॥
 छटैं श्रवन यह परत कहानी । नास तुम्हार सत्य मम बानी ॥
 यह प्रगटैं अथवा द्विज सापा । नास तोर सुनु भानुप्रतापा ॥
 आन उपायैं निधन तव नाहीं । जौ हरि हर कोपहिं मन माहीं ॥
 सत्य नाथ पद गहि नृप भाषा । द्विज गुर कोप कहहु को राखा ॥
 राखै गुर जौ कोप बिधाता । गुर बिरोध नहिं कोउ जग त्राता ॥
 जौ न चलब हम कहैं तुम्हारे । होउ नास नहिं सोच हमारे ॥
 एकहि डर डरपत मन मोरा । प्रभु महिदेव साप अति घारा ॥
 दो०—होहिं बिप्र बस कवन बिधि कहहु कृपा करि सोउ ।

तुम्ह तजि दीनदयाल निज हितू न देखौ कोउ ॥१६६॥
 सुनु नृप बिबिध जतन जग माहीं । कष्टसाध्य पुनि होहिं कि नाहीं ॥

१—प्र० : जनि । द्वि० : प्र० [(५अ) : जिति] । तृ० : प्र० । [च० : जिति] ।

२—प्र० : चलै । द्वि० : चल । तृ०, च० : दि० ।

अहै एक अति सुगम उपाई । तहाँ परंतु एक कठिनाई ॥
मम आधीन जुगुति नृप सोई । मोर जाव तव नगर न होई ॥
आजु लगे अरु जब तैं भएउँ । काहू के गृह ग्राम न गएऊँ ॥
जौं न जाउँ तव होइ अकाजू । बना आई असमंजस आजू ॥
सुनि महीम बोलेउ मृदु बानी । नाथ निगम असि नीति बखानी ॥
बड़े सनेह लघुन्ह पर करहीं । गिरि निज सिरन्हि सदा तृन घरहीं ॥
जलधि' अगाध मौलि बह फेनू । संतत धरनि घात सिर रेनू ॥
दो०—अस कहि गहे नरेस पद स्वामी होहु कृपाल ।

मोहि लागि दुख सहिअ प्रभु सज्जन दीनदयाल ॥१६७॥
जानि नृपहि आपन आधीना । बोला तापस कपट प्रवीना ॥
सत्य कहौं भूपति सुनु तोही । जग नाहिंन दुर्लभ कछु मोही ॥
अवसि काज मैं करिहौं तोरा । मन क्रम बचन भगत तैं मोरा ॥
जोग जुगुति जप^२ मंत्र प्रमाऊ । फलै तबहि जब करिअ दुराऊ ॥
जौं नरेस मैं करौं रसोई । तुम्ह परुसहु मोहि जान न कोई ॥
अन्न सो जोइ जोइ भोजन करई । सोइ सोइ तव आयसु अनुसरई ॥
पुनि तिन्हकें गृह जेवै जोऊ । तव बस होइ भूप सुनु सोऊ ॥
जाइ उपाय रचहु नृप एहू । संवत भरि संकलप करेहू ॥
दो०—नित नूतन द्विज सहस सत बरेहु सहित परिवार ।

मैं तुम्हरे संकलप लागि दिनहिं करबि जेवनार ॥१६८॥
एहि बिधि भूप कष्ट अति थोरें । होइहहिं सकल विप्र बस तोरें ॥
करिहहिं विप्र होम मख सेवा । तेहि प्रसंग सहजेहिं बस देवा ॥
और एक तोहि कहौं लखाऊ । मैं एहिं वेष न आउव काऊ ॥

१—[प्र० : जल] । [द्वि० : जल] । वृ : जलधि । च० : वृ० ।

२—प्र० : क्रम । द्वि०, वृ०, च० : प्र० [(३) (३अ) : तन] ।

३—प्र० : जप । द्वि० : प्र० । [वृ० : तप] । [च० : (३) (३अ) तप, (२) जो] ।

तुम्हरे उपरोहित कहूँ राया । हरि आनन मैं करि निज माया ॥
 तपबल तेहि करि आपु समाना । रखिहौं इहाँ वरष परवाना ॥
 मैं धरि तासु बेष सुनु राजा । सब बिधि तोर सवाँरब काजा ॥
 मैं निमि बहुत सयन अन्न कीजै । मोहि तोहि भूप भेंट दिन तीजै ॥
 मैं तपबल तोहि तुरग समेता । पहुँचैहौं सोवतहि निकेता ॥
 दो०—मैं आउब सोइ बेषु धरि पहिचानेहु तब मोहि ।

जब एकांत बोलाइ सब कथा सुनावौं तोहि ॥१६२॥
 सयन कीन्ह नृप आयसु मानी । आसन जइ बैठ बलजानी ॥
 श्रमित भूष निद्रा अति आई । सो किमि सोच सोच अधिकारी ॥
 कालकेतु निसिचर तहँ आवा । जेहिं सूकर होइ नृपहि भुलावा ॥
 परम मित्र तापस नृप केरा । जानै सो अति कष्ट घनेरा ॥
 तेहि के सत सुत अरु दस भाई । खल अति अजय देव दुखदाई ॥
 अथमहिं भूप समर सब मारे । बिप्र संन सुर देखि दुखारे ॥
 तेहिं खल पाखिल बयरु सँभारा । तापस नृप मिलि मंत्र बिचारा ॥
 जेहि रिपुछय सोइ रचेन्हि उपाऊ । भावीबस न जान कछु राऊ ॥
 दो०—रिपु तेजसी अकेल अपि लघु करि गनिअ न ताह ।

अजहुँ देत दुख रवि ससिहि सिर अवसेषिन राहु ॥१७०॥
 तापस नृप निज सखहि निहारी । हरषि मिलेउ उठि भएउ सुखारी ॥
 मित्रहि कहि सब कथा सुनाई । जातुधान बोला सुख पाई ॥
 अब साधेउँ रिपु सुनहु नरेसा । जौं तुम्ह कीन्ह मोर उपदेसा ॥
 परहरि सोच रहहु तुम्ह सोई । विनु औषध बिआधि बिधि खोई ॥
 कुल समेत रिपु मूल बहाई । चौथे दिवस मिलव मैं आई ॥
 तापस नृपहि बहुत परितोषी । चला महा कष्टी अति रोषी ॥
 भानुप्रतापहि बाज समेता । पहुँचाएसि छन माँझ निकेता ॥
 नृपहि नारि पहिं सयन कराई । हयगृहँ बाँधेसि बाजि बनाई ॥

दो०—राजा के उपरोहितहि हरि लै गएउ बहोरि ।

लै राखेसि गिरिखोह महुँ माया करि मति मोरि ॥१७१॥
 आपु विरचि उपरोहित रूपा । परेउ जाइ तेहि सेज अनूपा ॥
 जागेउ नृप अनभएँ विहाना । देखि भवन अति अचरजु माना ॥
 मुनि महिमा मन महुँ अनुमानी । उठेउ गर्वहि जेहि जान न रानी ॥
 कानन गएउ बाजि चढ़ि तेहीं । पुर नरनारि न जानेउ केहीं ॥
 गएँ जाम जुग भूपति आवा । घर घर उत्सव बाज बधावा ॥
 उपरोहितहि देख जव राजा । चकित बिलोक मुमिरि साइ काजा ॥
 जुग सम नृपहि गए दिन तीन । कपटी मुनि पद रहि मति लीनी ॥
 समय जानि उपरोहित आवा । नृपहि मतेँ सब कहि समुझावा ॥
 दो०—नृप हरषेउ पहिचानि गुरु भ्रमवस रहा न चेत ।

बरे तुरत सत सहस वर बिप्र कुटुंब समेत ॥१७२॥
 उपरोहित जेवनार बनाई । छरस चारि विधि जसि श्रुति गाई ॥
 मायामय तेहि कीन्ह रसोई । विजय बहु गन सकै न कोई ॥
 विविध मृगन्ह कर आमिष राँधा । तेहि महुँ बिप्र माँथु खल साँधा ॥
 भोजन कहुँ सब बिप्र बोलाए । पदः पखारि सादर बैठाए ॥
 परसन जवहि लाग महिपाला । भै अकासबानी तेहि काला ॥
 बिप्रवृंद उठि उठि गृह जाहू । है बड़ि हानि अन्न जनि खाहू ॥
 भएउ रसोई भूसुर माँसू । सब द्विज उठे मानि बिस्वासू ॥
 भूप बिकल मति मोहँ भुलानी । भावी बस न आव मुख बानी ॥
 दो०—बोले बिप्र सक्रोप तब नहिँ कछु कीन्ह विचार ।

जाइ निसाचर होहु नृप मृद सहित परिवार ॥१७३॥
 छत्रबंधु तैं बिप्र बोलाई । घालै लिए सहित समुदाई ॥
 ईश्वर राखा धरम हमारा । जैहसि तैं समेत परिवारा ॥

संबत मध्य नास तव होऊ । जलदाता न रहिहि कुल कोऊ ॥
 नृप सुनि स्नाप विकल अति त्रासा । भै बहोरि बर गिरा अकासा ॥
 बिप्रहु स्नाप बिचारि न दीन्हा । नहिं अपराध भूप कछु कीन्हा ॥
 चकित बिप्र सब सुनि नभबानी । भूप गएउ जहँ भोजन खानी ॥
 तहँ न असन नहिं बिप्र सुआरा । फिरेउ राउ मन सोच अपारा ॥
 सब प्रसंग महिसुरन्ह सुनाई । त्रसित परेउ अवनीं अकुलाई ॥
 दो०—भूपति भावी मिटै नहिं जदपि न दूषन तोर ।

किँएँ अन्यथा होइ नहिं बिप्र स्नाप अति घोर ॥ १७४ ॥
 अस कहि सब महिदेव सिधाए । समाचार पुरलोगन्ह पाए ॥
 सोचहिं दूषन दैवहिं देहीं । विरचत हंस काग क्रिय जेहीं ॥
 उपरोहितहि भवन पहुँचाई । असुर तापसहि खबरि जनाई ॥
 तेहिं खल जहँ तहँ पत्र पठाए । सजि सजि सेन भूप सब धाए ॥
 घेरेन्हि नगर निसान बजाई । बिबिध भाँति नित होइ लराई ॥
 जूझे सकल सुभट करि करनी । बंधु समेत परेउ नृप धरनी ॥
 सत्यकेतु कुल कोउ नहिं बाँचा । बिप्र स्नाप किमि होइ असाँचा ॥
 रिपु जिति सब नृप नगर बसाई । निज पुर गवने जय जपु पाई ॥
 दो०—भरद्वाज सुनु जाहि जब होइ विधाता बाम ।

धूरि मेरु सम जनक जम ताहि ब्याल सम दाम ॥ १७५ ॥
 काल पाइ सुनि सुनु सोइ राजा । भएउ निसाचर सहित प्रमाजा ॥
 दस सिंर ताहि बीस भुजदंडा । रावन नाम वीर बरिबंडा ॥
 भूप अनुज अरिमर्दन नामा । भएउ सो कुंभकरन बल धामा ॥
 सचिव जो रहा धरम रुचि जासू । भएउ बिमात्र बंधु लघु तासू ॥
 नाम बिभीषन जेहि जगु जाना । बिष्णु भगत बिज्ञान निधाना ॥
 रहे जे सुत सेवक नृप केरे । भए निसाचर घोर घनेरे ॥

कामरूप खल जिनस अनेका । कुटिल भयंकर विगत बिवेका ॥
कृपा रहित हिंसक सब पापी । वरनि न जाइ^१ विस्व परितापी ॥
दो०—उपजे जदपि पुनस्त्य कुल पावन अमल अनूप ।

तदपि महीसुर स्नाप बस भए सकल अव रूप ॥१७६॥
कीन्ह विविध तप तीनिहूँ भाई । परम उग्र नहिं वरनि सो जाई ॥
गएउ निकट तप देखि विधाता । माँगहु बर प्रसन्न मैं ताता ॥
करि बिनती पद गहि दससीसा । बोलेउ बचन सुनहु जगदीसा ॥
हम काहू के मरहिं न मारे । बानर मनुज जाति दुइ वारे ॥
एवमस्तु तुम्ह बड़ तप कीन्हा । मैं ब्रह्मा मिलि तेहि बर दीन्हा ॥
पुनि प्रभु कुंभकरन पहिं गएऊ । तेहि बिलोकि मन बिसमय भएऊ ॥
जौं एहिं खल नित करव अहारू । होइहि सब उजारि संसारू ॥
सारद प्रेरि तासु मति फेरी । माँगिसि नींद मास षट केरी ॥
दो०—गए विभीषन पास पुनि कहेउ पुत्र बर माँगु ।

तेहि माँगैउ भगवंत पद कमल अमल अनुरागु ॥१७७॥
तिन्हहिं देइ बर ब्रह्म सिधाए । हरषित ते अपने गृह आए ॥
मथतनुजा मंदोदरि नामा । परम सुंदरी नारि ललामा ॥
सोइ मय दीन्हि रावनहिं आनी । होइहि जातुधानपति जानी ॥
हरषित भएउ नारि भलि पाई । पुनि दोउ बंधु बिआहेसि जाई ॥
गिरि त्रिकूट एक सिंधु मझारी । विध निमित्त दुर्गम अति भारी ॥
सोइ मय दानव बहुरि सँवारा । कनक रचित मनिभवन अपारा ॥
भोगावति जसि अहिकुल बासा । अमरावति जसि सक निवासा ॥
तिन्हतैं अधिक रम्य अति बंका । जग बिख्यात नाम तेहि लंका ॥
दो०—खाई सिंधु गँभीर अति चारिहूँ दिसि फिरि आव ।

कनक कोट मनि खचित दृढ़ वरनि न जाइ बनाव ॥

१—प्र० : जाइ । [दि० : जाहि] । वृ०, च० : प्र० [(=) जाई] ।

हरि प्रेरित जेहि कलप जोइ जातुधानपति होइ ।

सूर प्रतापी अतुल बल दल समेत^१ बस सोइ ॥१७८॥
 रहे तहाँ निसिचर भट भारे । ते सब सुरन्ह समर संघारे ॥
 अब तहँ रहहि सक के प्रेरे । रच्छक कोटि जच्छपति केरे ॥
 दसमुख कतहुँ खबरि असि पाई । सेन साजि गढ़ घेरेसि जाई ॥
 देखि बिकट भट बड़ि कटकाई । जच्छ जीव लै गए पराई ॥
 फिरि सब नगर दसानन देखा । गएउ सोच सुख भएउ बिसेखा ॥
 सुंदर सहज अगम अनुमानी । कीन्हि तहाँ रावन रजधानी ॥
 जेहि जस जोग बाँटि गृह दीन्हे । सुखी सकल रचनीचर कीन्हे ॥
 एक बार^२ कुबेर पर^३ धावा । पुष्पक जान जीति लै आवा ॥
 दो०—कौतुक हीं कैलास पुनि लीन्हिस जाइ उठाइ ।

मनहुँ तौलि निज बाहु बल चला बहुत सुख पाइ ॥१७९॥
 सुख संपति सुत सेन सहाई । जय प्रताप बल बुद्धि बड़ाई ॥
 नित नूतन सब बाढ़त जाई । जिमि प्रति लाभ लोभ अधिकाई ॥
 अतिबल कुंभकरन अस आता । जेहि कहूँ नहिं प्रतिभट जग जाता ॥
 करै पान सोवै षट मासा । जागत होइ तिहूँ पुर त्रासा ॥
 जौं दिन प्रति अहार कर सोई । बिस्व वेगि सब चौपट होई ॥
 समर धीर नहिं जाइ बखाना । तेहि सम अमित बीर बलवाना ॥
 बारिदनाद जेठ सुत तासू । भट महुँ प्रथम लीक जग जासू ॥
 जेहि न होइ रन सनमुख कोई । सुरपुर नितहिं परावन होई ॥
 दो०—कुमुख अकंपन कुलिसरद धूमकेतु अतिकाय ।

एक एक जग जीति सक ऐसे सुभट निकाय ॥१८०॥
 कामरूप जानहिं सब माया । सपनेहुँ जिन्ह केँ धरम न दाया ॥

१—[प्र० : बलसमेत] । दि० : बलदल समेत । नृ०, च० : डि० ।

२—प्र० : बार । दि० : प्र० [(५) बेर :] । नृ०, च० : प्र० ।

३—प्र० : पर । दि० : प्र० [(४) : कहुँ] । नृ०, च० : प्र० ।

दसमुख बैठ सभाँ एक वारा । देखि अमित आपन परिवारा ॥
 सुन समूह जन परिजन नाती । गनै को पार निसाचर जाती ॥
 सेन बिलोकि सहज अभिमानी । बोला बचन क्रोध मद्द सानी ॥
 सुनहु सकल रजनीचर जूथा । हमरे बैरो विवुध बरूथा ॥
 ते सनमुख नहिं कहिं लराई । देखि सबल रिपु जाहिं पराई ॥
 तेन्ह कर मरन एक विधि होई । कहौं बुझाई सुनहु अब सोई ॥
 द्विज भोजन मख होम सराधा । सकै जाइ करहु तुह बाधा ॥

दो०—छुधा छीन बल हीन सुर सहजेहिं मिलिहहिं आइ ।

तब मारिहौं कि छाड़िहौं भली भाँति अपनाइ ॥१८१॥

मेघनाद कहूँ पुनि हँकरावा । दीन्ही सिख बलु बयरु बढावा ॥
 जे सुर समर धीर बलवाना । जिन्हकें लरिबे कर अभिमाना ॥
 तिन्हहिं जीति रन आनेसु बाँधी । उठि सुन पितु अनुसासन काँधी ॥
 एहिं विधि सबही अज्ञा दीन्ही । आपुनु चलेउ गदा कर लीन्ही ॥
 चलत दसासन डोलत अवनी । गर्जत गर्भ सवहिं१ सुररवनी ॥
 रावन आवत सुनेउ सकोहा । देवन्ह तकेउ मेरु गिरि खोहा ॥
 दिगपालन्ह के लोक सुहाए । सूने सकल दसानन पाए ॥
 पुनि पुनि सिंघनाद करि भारी । देखि देवतन्ह गारि पचारी२ ॥
 रनमइ मत्त फिरै जग धावा । प्रतिभट खोजत कतहुँ न पावा ॥
 रवि ससि पवन बरुन धनधारी । अग्नि काल जम सब अधिकारी ॥
 किन्नर सिद्ध मनुज सुर नागा । हठि सबही के पंथहिं लागा ॥
 ब्रह्म सृष्टि जहँ लगि तनुधारी । दसमुख बसवती नर नारी ॥
 आयसु करहिं सकल भयभीता । नवहिं आइ नित चरन बिनीता ॥

१—प्र० : सवत । द्वि० : प्र० । तृ० : सवहिं । च० : तृ० ।

२—प्र० : पचारी । [द्वि० : प्रचारी] । [तृ० : प्रचारी] । च० : प्र० [(३)

(न) : प्रचारी] ।

दो०—भुजबल बिस्व बस्य करि राखेसि कोउ न स्वतंत्र ।
 मंडलीकमनि रावन राज करै निज मंत्र ॥
 देव जच्छ गंधर्व नर किन्नर नाग कुमारी ।
 जीति बरी निज बाहु बल बहु सुंदर बर नारि ॥१८२॥

इंद्रजीत सन जो कछु कहेऊ । सो सब जनु पहिलेहिं करि रहेऊ ॥
 प्रथमहिं जिन्ह कहूँ आयसु दीन्हा । तिन्ह कर चरित सुनहु जो कीन्हा ॥
 देखत भीमरूप सब पापी । निसिचर निकर देव परितापी ॥
 करहिं उपद्रव असुर निकाया । नाना रूप धरहिं करि माया ॥
 जेहिं बिधि होइ धर्म निर्मूला । सो सब करहिं बेद प्रतिकूला ॥
 जेहिं जेहिं देस धेनु द्विज पावहिं । नगर गाउँ पुर आगि लगावहिं ॥
 सुभ आचरन कतहुँ नहिं होई । देव बिप्र गुर मान न कोई ॥
 नहिं हरि भगति जज्ञ जप ज्ञाना । सपनेहुँ सुनिअ न बेद पुराना ॥

छं०—जप जोग विरागा तप मख भागा श्रवन सुनै दससीसा ? ।

आपुन उठि धावै रहै न पावै धरि सब घालै खीसा ? ॥

अस अष्ट अचारा भा संसारा धर्म सुनिअ नहिं काना ? ।

तेहि बहु बिधि त्रासै देस निकासै जो कह बेद पुराना ? ॥

सो०—बरनि न जाइ अनीति घोर निसाचर जो करहिं ।

हिंसा पर अति प्रीति तिन्ह कै पापहि कवनि मिति ॥१८३॥

बाढ़े खल बहु चोर जुआरा । जे लंपट पर धन पर दारा ॥

मानहिं मातु पिता नहिं देवा । साधुन्ह सन करवावहिं सेवा ॥

जिन्ह कै यह आवरन भवानी । ते जानहु ? निसिचर सम ? प्रानी ॥

अतिसय देखि धर्म कै हानी ? । परम समीत धरा अकुलानी ॥

१—[प्र० : क्रमशः सीस, खीस, कान, पुरान] । द्वि०, तृ०, च० : सीसा, खीसा, काना, पुराना [(६) (६अ) : सीस, खीस, कान, पुरान] ।

२—प्र० : जानहु । द्वि०, तृ०, च० : प्र० [(६) (६अ) : जानेहु] ।

३—[प्र० : सब] । द्वि०, तृ०, च० : सम [(६) (६अ) : सब] ।

४—प्र० : हानी । द्वि०, तृ०, च० : प्र० [(६) (६अ), जानी] ।

गिरि सरि सिंधु भार नहिं मोही । जस मोहि गरुअ एक परद्रोही ॥
सकल धर्म देखै बिपरीता । कहि न सकै रावन भय भीता ॥
धेनु रूप धरि हृदयँ बिचारी । गई तहाँ जहँ सुर मुनि झारी ॥
निज संताप सुनाएसि रोई । काहू तैं कछु काज न होई ॥
छं०—सुर मुनि गंधर्वा मिलि करि सर्वा गे विरंचि के लोका^१ ।

सँग गो तनु धारी भूमि बिचारी परम बिकल भय सोका^१ ॥

ब्रह्मा सब जाना मन अनुमाना मोर कछू न बसाई^२ ।

जा करि तैं दासी सो अविनासी हमरउ तोर सहाई^२ ॥

सो०—धरनि धरहि मन धीर कह विरंचि हरिपद मुमिरु ।

जानत जन की पीर प्रभु भंजिहि दारुन बिपति ॥१८४॥

बैठे सुर सब करहि बिचारा । कहँ पाइअ प्रभु करिअ पुकारा ॥
पुर बैकुंठ जान कह कोई । कोउ कह पयनिधि बस प्रभु सोई ॥
जाकेँ हृदयँ भगति जसि प्रीती । प्रभु तहँ प्रगट सदा तेहि रीती ॥
तेहि समाज गिरिजा में रहेऊँ । अवसर पाइ बचन एक कहेऊँ ॥
हरि व्यापक सर्वत्र समाना । प्रेम तैं प्रगट होहि मैं जाना ॥
देस काल दिसि बिदिसिहु माहीं । कहहु सो कहाँ जहाँ प्रभु नाहीं ॥
अग जगमय सब रहित बिरागी । प्रेम तैं प्रभु प्रगटै जिमि आगी ॥
मोर बचन सबकेँ मन माना । साधु साधु करि ब्रह्म बखाना ॥
दो०—सुनि विरंचि मन हरष तन पुलकि नयन बह नीर ।

अस्तुति करत जोरि कर सावधान मति धीर ॥१८५॥

छं०—जय जय सुरनायक जन सुखदायक प्रनतपाल भगवंता^३ ।

गो द्विज हितकारी जय असुरारी सिंधुमुता प्रिय कंता^३ ॥

१—[प्र० : क्रमशः लोक, सोक] । दि०, वृ०, च० : लोका, सोका [(६) (६अ) : लोक, सोक] ।

२—[प्र० : क्रमशः बसाई, सहाई] । दि०, वृ०, च० : प्र० [(६) (६अ) बसाइ, सहाइ] ।

३—[प्र० : क्रमशः भगवंत, प्रिय कंत] । दि०, वृ०, च० : भगवंता, प्रिय कंता [(६) (६अ) : भगवंत, प्रिय कंत] ।

पालन सुर धरनी अदभुत करनी मरम न जानै कोई^१ ।
 जो सहज कृपाला दीनदयाला करौ अनुग्रह सोई^१ ॥
 जय जय अविनासी सब घट बासी व्यापक परमानंद^२ ।
 अभिगत गोतीत चरित पुनीत मायारहित मुकुंद^३ ॥
 जेहि लागि भिरागी अति अनुसगी विगत मोह मुनिबृंद^३ ।
 निसिबासर ध्यावहिं गुन गन गावहिं जयति सच्चिदानंद^३ ॥
 जेहिं सृष्टि उपाई त्रिविध बनाई संग सहाइ न दूजा^४ ।
 सो करहु अघारी धित हमारी जानिअ भगति न पूजा^५ ॥
 जो भव भय भंजन मुनिमन रंजन गंजन^६ विपति बरूथा^७ ।
 मन बच क्रम बानो छाड़ि सयानी सरन सकल सुर जूथा^७ ॥
 सारद श्रुति सेषा रिषय असेषा जा कहूँ कोउ नहिं जाना^८ ।
 जेहि दीन पिआरे बेद पुकारे द्रवौ सो श्री भगवाना^८ ॥
 भव बारिधि मंदर सब विधि सुंदर गुनमंदिर सुखपुंजा^९ ।
 मुनि सिद्ध सकल सुर परम भयातुर नमत नाथ पद कंजा^९ ॥
 दो०- जानि समय सुर भूमि मुनि वचन समेत सनेह ।
 गगनगिरा गंभीर भइ हरनि सोक संदेह ॥ १८६ ॥

१—[प्र० : क्रमशः कोई, सोई] । दि०, तृ०, च० : कोई, सोई; [(६) (६अ) : कोई, सोई] ।

२—[प्र० : क्रमशः परमानंद, मुकुंद] । दि०, तृ०, च० : परमानंद, मुकुंद [(६) (६अ) : परमानंद, मुकुंद] ।

३—प्र० : मुनिबृंद, सच्चिदानंद] । दि०, तृ०, च० : मुनिबृंद, सच्चिदानंद [(६) (६अ) : मुनिबृंद, सच्चिदानंद] ।

४—[प्र० : न कोउ न दूजा,] । दि०, तृ०, च० : न दूजा ।

५—प्र० : न पूजा । दि०, तृ०, च० : प्र० [(३) : न कछु पूजा] ।

६—प्र० : गंजन । दि०, तृ०, च० : प्र० [(६) खंडन] ।

७—[प्र० : क्रमशः बरूथा, जूथा] । दि०, तृ०, च० : बरूथा, जूथा [(६) (६अ) : बरूथा, जूथा] ।

८—[प्र० : क्रमशः जान, भगवान] । दि०, तृ०, च० : जाना, भगवान [(६) (६अ) : जान, भगवान] ।

९—[प्र० : क्रमशः पुंजा, कंजा] । दि०, तृ०, च० : पुंजा, कंजा [(३) (३अ) : पुंजा, कंजा] ।

जनि डरपहु मुनि सिद्ध सुरेसा । तुम्हहिं लागि धरिहौं नर बेसा ॥
 अंसन्ह सहित मनुज अवतारा । लेहौं दिनकर वंस उदारा ॥
 कस्थप अदिति महा तप कीन्हा । तिन्ह कहूँ मैं पूरव वर दीन्हा ॥
 ते दसरथ कौसल्या रूपा । कोसलपुगी प्रगट नर भूषा ॥
 तिन्हकें गृह अवतरिहौं जाई । रघुकुल तिलक सो चारिउ भाई ॥
 नारद बचन सत्य सब करिहौं । परम सक्ति समेत अवतरिहौं ॥
 हरिहौं सकल भूमि गरुआई । निर्भय होहु देव समुदाई ॥
 गगन ब्रह्मवानी मुनि काना । तुरत फिरे^१ मुर हृदय जुड़ाना ॥
 तब ब्रह्मा धरनिहि समुभावा । अभय भई भरोस जिअ आवा ॥
 दो०--निज लोकहि बिरंचि गो देवन्ह इहै सिखाइ ।

बानर तनु धरि धरि महि^२ हरि पद सेवहु जाइ ॥१८७॥
 गए देव सब निज निज धामा । भूमि सहित मन कहूँ विश्रामा ॥
 जो कछु आयसु ब्रह्मा दीन्हा । हरषे देव बिलंब न कीन्हा ॥
 बनचर देह धरी छिति माहीं । अतुलित बल प्रतापतिन्ह पाहीं ॥
 गिरि तरु नख आयुष सब बीरा । हरि मारग चितवाहिं मति धीरा ॥
 गिरि कानन जहँ तहँ भरि^३ पूरी । रहे निज निज अनीक रचि^४ रूरी ॥
 यह सब रुचिर चरित मैं भाषा । अब सो सुनहु जो बीचहिं राषा ॥
 अवधपुरी रघुकुलमनि राऊ । बेदविदित तेहि दसरथ नाऊ ॥
 धर्म धुरंधर गुननिधि ज्ञानी । हृदयँ भगति मति सारंगपानी ॥
 दो०--कौसल्यादि नारि प्रिय सब आचरन पुनीत ।

पति अनुकूल प्रेम दृढ़ हरि पद कमल बिनोत ॥१८८॥

१—[प्र० : फिरेड] । द्वि०, तृ०, च० : फिरे [(६) (६अ) : फिरेड] ।

२—प्र० : धरि धरि महि । द्वि० : प्र० [() धरि धरनि महुँ, (५) धरि धरि धरनि] [तृ० : धरि धरि धरनि] । च० : प्र० [(६) (६अ) : धरि धरनि महुँ ।

३—प्र० : भरि । [द्वि० : महि] । तृ०, च० : प्र० ।

४—[प्र० : रुचि] । द्वि० : रचि [(५) : रुचि] । तृ०, च० : द्वि० ।

एक बार भूपति मन माहीं । भै गलानि मोरे सुत नाहीं ॥
 गुर गृह गएउ तुरत महिपाला । चरन लागि करि बिनय बिसाला ॥
 निज दुख सुख सब गुरहि सुनाएउ । कहि बसिष्ठ बहु बिधि समुझाएउ ॥
 धरहु धीर होइहहिं सुत चारी । त्रिभुवन विदित भगत भयहारी ॥
 शृंगी रिषिहि बसिष्ठ बोलावा । पुत्रकाम सुभ जभ्य करावा ॥
 भगति सहित मुनि आहुति दीन्हे । प्रगटे अग्नि चरु कर लीन्हे ॥
 जो बसिष्ठ कछु हृदयँ विचारा । सकल काजु भा सिद्ध तुम्हारा ॥
 येह हवि बाँटि देहु नृप जाई । जथा जोग जेहि भाग बनाई ॥
 दो०—तब अटस्य भए पावक सकल सभहि समुझाइ ।

परमानंद मगन नृप हरष न हृदयँ समाइ ॥१८६॥
 तबहिं राय प्रिय नारि बोलाई । कौसल्यादि तहाँ चलि आई ॥
 अर्द्ध भाग कौसल्यहि दीन्हा । उभय भाग आधे कर कीन्हा ॥
 कैकेई कहँ नृप सो दएऊ । रखो सो उभय भाग पुनि भएउ ॥
 कौसल्या कैकेई हाथ धरि । दीन्ह सुमित्रहि मन प्रसन्न करि ॥
 एहि बिधि गर्भ सहित सब नारीं । भई हृदय हरषित सुख भारी ॥
 जा दिन तें हरि गर्भहि आए । सकल लोक सुख संपति द्याए ॥
 मंदिर महुँ सब राजहिं रानीं । सोभा सील तेज की खानीं ॥
 सुख जुत कछुक काल चलि गएऊ । जेहि प्रभु प्रगट सो अवसर भएऊ ॥
 दो०—जोग लगन गृह बार तिथि सकल भए अनुकूल ।

चर अरु अचर हरष जुत राम जनम सुख मूल ॥१८७॥
 नौमी तिथि मधु मास पुनीता । सुकल पच्छ अभिजित हरि प्रीता ॥
 मध्य दिवस अति सीत न घामा । पावन काल लोक विश्रामा ॥
 सीतल मंद सुरभि बह बाऊ । हरषित सुर संतन्ह मन चाऊ ॥
 बन कुसुमित गिरिगन मनिआरा । सवहिं सकल सरितामृतधारा ॥
 सो अवसर बिरंचि जब जाना । चले सकल सुर साजि बिमाना ॥
 गनन विमल संकुल सुर जूथा । गावहिं गुन गंधर्व बरूथा ॥

वर्षहिं सुमन सुअंजलि साजी । गहगहि गगन दुंदुभी बाजी ॥
अस्तुति काहिं नाग मुनि देवा । बहु बिधि लावहिं निज निज सेवा ॥

दो०—सुर समूह विनती करि पहुँचे निज निज धाम ।

जग निवास प्रभु प्रगटे अखिल लोक विश्राम ॥१६१॥

व्यं०—भए प्रगट कृपाला परम दयाला कौसल्या हितकारी ।

हरषित महतारी मुनिमनहारी अद्भुत रूप विचारी ॥

लोचन अभिरामं तनु घन स्यामं निज आयुध भुज चारी ।

भूषण वनमाला नयन बिसाला सोभासिंधु खरारी ॥

कह दुइ कर जोरी अस्तुति तोरी केहि बिधि करौं अनंता १ ।

माया गुन ज्ञानातीत अमाना वेद पुरान मनंता १ ॥

करुना सुख सागर सब गुन आगर जेहि गावहिं श्रुति संता १ ।

सो मम हित लागी जनअनुरागी भएउ प्रगट श्रीकंता १ ॥

ब्रह्मांडनिकाया निर्मित माया रोम रोम प्रति वेद कहै ।

मम उर सो बासी यह उपहासी सुनत धीर मति थिर नरहै ॥

उपजा जब ज्ञाना प्रभु मुसुकाना चरित बहुत बिधि कीन्ह चहै ।

कहि कथा सुहाई मातु बुझाई जेहि प्रकार सुत प्रेम लहै ॥

माता पुनि बोली सो मति डोली तजहु तात येह रूपा २ ।

कीजै सिंसु लीला अति प्रिय सीला येह सुख परम अनूपा २ ॥

सुनि वचन सुजाना रोदन ठाना होइ बालक सुरभूपा २ ।

येह चरित जे गावहिं हरपद पावहिं ते न परहिं भवकूपा २ ॥

दो०—विप्र धेनु सुर संत हित लीन्ह मनुज अवतार ।

निज इच्छा निर्मित तनु माया गुन गो पार ॥१६२॥

१—[प्र० : क्रमशः अनंत, अनंत, संत, श्रीकंता] । द्वि० : अनंता, अनंता, संता, श्रीकंता ।

तृ०, च० : द्वि० [(६) (६अ) : अनंत, अनंत, संत, श्रीकंता] ।

२—[प्र० : क्रमशः रूप, अनूप, भूप, कृप] । द्वि० : रूपा, अनूपा, भूपा, कृपा । तृ०,

च० : द्वि० [(६) (६अ) : रूप, अनूप, भूप, कृप] ।

सुनि सिसु रुदन परम प्रिय बानी । संभ्रम चलि आई सब रानीं ॥
 हरषित जहँ तहँ धाई दासी । आनँद मगन सकल पुर बासी ॥
 दसरथ पुत्रजन्म सुन काना । मानहुँ ब्रह्मानंद समाना ॥
 परम प्रेम मन पुलक सरीरा । चाहत उठन करत मति धीरा ॥
 जाकर नाम सुनत सुभ होई । मोरें गृह आवा प्रभु सोई ॥
 परमानंद पूरि मन राजा । कहा बुलाइ बजावहु बाजा ॥
 गुर बसिष्ठ कहँ गएउ हँकारा । आए द्विजन्ह सहित नृपद्वारा ॥
 अनुपम बालक देखिन्हि जाई । रूप रासि गुन कहि न सिराई ॥
 दो०—नंदीमुख सराध करि जातकरम सब कीन्ह ।

हाटक धेनु बसन मनि नृप विप्रन्ह कहँ दीन्ह ॥१६३॥
 ध्वज पताक तोरन पुर छावा । कहि न जाइ जेहिं भौंति बनावा ॥
 सुधनवृष्टि अकास तें होई । ब्रह्मानंद मगन सब लोई ॥
 वृंद वृंद मिलि चलीं लोगाई । सहज सिंगार किएँ उठि धाई ॥
 कनक कलस मंगल भरि थारा । गावत पैठहिं भूप दुआरा ॥
 करि आरती नेवछावरि करहीं । बार बार सिसु चरनन्हि परहीं ॥
 मागध सूत बंदिगन गायक । पावन गुन गावहिं रघुनायक ॥
 सर्वस दान दीन्ह सब काहूँ । जेहिं पावा राखा नहिं ताहूँ ॥
 मृगमद चंदन कुंकुम कीचा । मची सकल बीथिन्ह बिच बीचा ॥
 दो०—गृह गृह बाज बधाव सुभ प्रगटेउ प्रभु सुखकंद २ ।

हरषवत सब जहँ तहँ नगर नारि नर वृंद ॥१६४॥
 कैकयसुता सुमित्रा दोऊ । सुंदर सुत जनमत में ओऊ ॥
 बोह सुख संपति समय समाजा । कहि न सकै सारद ३ अहिराजा ॥

१—प्र० : सब लोई । [द्वि० : (३) (५अ) नर लोई; (४) (५) सब कोई] । [तृ० : सब कोई] । च० : प्र० [(५) : सबकोई] ।

२—प्र० : प्रगटेउ प्रभु सुखकंद । [द्वि० : प्रभु प्रगटे सुखकंद] । तृ० : प्र० । [च० : (३) (६अ) प्रगटेउ सुखकंद; (५) प्रगट भए सुखकंद] ।

३—प्र० : सारद । द्वि०, तृ० : प्र० । [च० : सारद] ।

अवधपुरी सौहै एहिं भाँती । प्रभुहि मिलन आई जनु राती ॥
देखि भानु जनु मन सकुचानी । तदपि बनी संध्या अनुमानी ॥
अगर धूप जनु बहु अंधिआरी । उड़ै अवीर मनहुँ अरुनारी ॥
मंदिर मति समूह जनु तारा । नृप गृह कलस सो इंदु उदारा ॥
भवन बेद धुनि अति मृदु बानी । जनु खग मुखर समयँ जनु सानी ॥
कौतुक देखि पतंग भुलाना । एक मास तेई जात न जाना ॥
दो०—मासदिवस कर दिवस भा मरम न जानै कोइ ।

रथ समेत रवि थाकेउ निसा कवन विधि होइ ॥१६५॥
यह रहस्य काहूँ नहिं जाना । दिनमनि चले करत गुनगाना ॥
देखि महोत्सव सुर मुनि नागा । चले भवन बरनत निज भागा ॥
औरौ एक कहाँ निज चोरी । सुनु गिरिजा अति दृढ़ मति तोरी ॥
काकभुसुंडि संग हम दोऊ । मनुज रूप जानै नहिं कोऊ ॥
परमानंद प्रेम सुख फूले । बीधिन्ह फिरहिं मगन मन भूले ॥
यह सुम चरित जान पै सोई । कृपा राम कै जापर होई ॥
तेहि अवसर जो जेहिं विधि आवा । दीन्ह भूप जो जेहिं मन भावा ॥
गजरथ तुरग हेम गो हीरा । दीन्हे नृप नाना विधि चीरा ॥
दो०—मन संतोष सबन्हि केँ जहँ तहँ देहिं असीस ।

सकल तनय चिरजीवहु तुलसिदास के ईस ॥१६६॥
कछुक दिवस बीते एहिं भाँती । जात न जानिअ दिन अरु राती ॥
नामकरण कर अवसर जानी । भूप बोलि पठए मुनि ज्ञानी ॥
करि पूजा भूपति अस भाखा । धरिअ नाम जो मुनि गुनि राखा ॥
इन्हकेँ नाम अनेक अनूपा । मैं नृप कहब स्वमति अनुरूपा ॥
जो आनंदसिंधु सुखरासी । सीकर तें त्रैलोक सुपासी ॥

१—[प० : सकल रस] । द्वि० : मगन मन [(३) (४) (५अ) : सकल रस] । [दृ० : सकल रस] । च० : प्र० ।

सो सुखधाम राम अस नामा । अखिल लोक दायक विश्रामा ॥
 विस्व भरन पोषन कर जोई । ताकर नाम भरत अस होई ॥
 जाके सुमिरन तें रिपु नासा । नाम सत्रुहन वेद प्रकासा ॥
 दो०—लच्छन धाम राम प्रिय सकल जगत आधार ।

गुरु बसिष्ठ तेहि राखा लखिमन नाम उदार ॥१६७॥
 धरे नाम गुर हृदयँ बिचारी । वेद तत्त्व नृप तव सुत चारी ॥
 मुनि धन जन सरबस सिव प्राना । बाल केलि रस तेहिं सुख माना ॥
 बारेहि तें निज हित पति जानी । लखिमन राम चरन रति मानी ॥
 भरत सत्रुहन दूनौ भाई । प्रभु सेवक जसि प्रीति बड़ाई ॥
 स्याम गौर सुंदर दोउ जोरी । निरखहिं छवि जननीं तृन तोरी ॥
 चारिउ सील रूप गुन धामा । तदपि अधिक सुखसागर रामा ॥
 हृदयँ अनुग्रह इंदु प्रकासा । सूचत किरन मनोहर हासा ॥
 कबहुँ उखंग कबहुँ बर पलना । मातु दुलारै कहि प्रिय ललना ॥
 दो०—व्यापक ब्रह्म निरंजन निर्गुन बिगत विनोद ।

सो अज प्रेम भगति बस कौसल्या केँ गोद ॥१६८॥
 काम कोटि छवि स्याम सरीरा । नील कंज बारिद गंभीरा ॥
 अरुन चरन पंकज नखजोती । कमलदलन्हि बैठे जनु मोती ॥
 रेख कुलिस ध्वज अंकुस सोहे । नूपुर धुनि सुनि मुनि मन मोहे ॥
 कटि किंकिनी उदर त्रय रेखा । नाभि गंभीर जान जेहिं देखा ॥
 भुज बिसाल भूषनजुत भूरी । हिय हरिनख अति सोभा रूरी ॥
 उर मनिहार पदक की सोभा । बिप्रचरन देखत मन लोभा ॥
 कंबु कंठ अति चिबुक सुहाई । आनन अमित मदन छवि छाई ॥
 दुइ दुइ दसन अधर अरुनारे । नासा तिलक को बरनै पारे ॥

१—प्र० : अति सोभा । द्वि० : प्र० । [नृ० : सोभा अति] । च० : प्र० [(५) : सोभा अति] ।

सुंदर श्रवन सुचारु कपोला । अति प्रिय मधुर तोतरे बोला ॥
चिक्कन कच कुंचित गमुआरे । बहु प्रकार रचि मातु सँवारे ॥
पीत भृगुलिआ तनु पहिराई । जानु पानि बिचरनि मोहि भाई ॥
रूप सकहिं नहिं कहि श्रुति सेवा । सो जानै सपनेहुँ जेहिं देखा ॥
दो०—पुख संदोह मोह पर ज्ञान गिरा गोतीत ।

दंपति परम प्रेम बस कर सिसु चरित पुनीत ॥१६६॥
एहिं बिधि राम जगत पितु माता । कोसलपुर बासिन्ह सुख दाता ॥
जिन्ह रघुनाथ चरन रति मानी । तिन्हकी यह गति प्रगट भवानी ॥
रघुपति बिमुख जतन कर कोरी । कवन सकै भव बंधन छोरी ॥
जीव चराचर बस कै१ राखे । सो माया प्रभु सों भय भाखे ॥
भृकुटि बिलास नचावै ताही । अस प्रभु छाँड़ि भजिअ कहु काही ॥
मन क्रम बचन छाड़ि चतुराई । भजत कृपा करिहहिं रघुराई ॥
एहि बिधि सिसु विनोद प्रभु कीन्हा । सकल नगर बासिन्ह सुख दीन्हा ॥
लै उखंग कबहुँक हलरावै । कबहुँ पालने घालि सुलावै ॥
दो०—प्रेम मगन कौसल्या निस दिन जात न जान ।

सुत सनेह बस माता बालचरित कर गान ॥२००॥
एक बार जननी अन्हवाए । करि सिंगार पलना पौढ़ाए ॥
निज कुल इष्टदेव भगवाना । पूजा हेतु कीन्ह अस्नाना ॥
करि पूजा नैवेद्य चढ़ावा । आपु गई जहाँ पाक बनावा ॥
बहुरि मातु तहवाँ चलि आई । भोजन करत देखि सुत जाई ॥
गै जननी सिसु पहिं भयभीता । देखा बाल तहाँ पुनि सूता ॥
बहुरि आइ देखा सुत सोई । हृदयँ कंप मन धीर न होई ॥
इहाँ उहाँ दुइ बालक देखा । मतिभ्रम मोर कि आन बिसेषा ॥

१—[प्र० : सब के] । दि० : वत करि । वृ० : दि० । [च० : (६) (६अ) सबके, (८) जो करि] ।

देखि राम जननी अकुलानी । प्रभु हँसि दीन्ह मधुर मुसुकानी ॥

दो०—देखरावा मातहि निज अदभुत रूप अखंड ।

रोम रोम प्रति लागे कोटि कोटि ब्रह्मंड ॥२०१॥

अगनित रवि सीस सिव चतुरानन । बहु गिरि सरित सिंधु महि कानन ॥

काल कर्म गुन ज्ञान सुभाऊ । सोउ देखा जो सुना न काऊ ॥

देखी माया सब विधि गाढ़ी । अति समीत जोरे कर ठाढ़ी ॥

देखा जीव नचावै जाही । देखी भगति जो छोरै ताही ॥

तन पुलकित मुख बचन न आवा । नयन मूँदि चरनन्हि सिरु नावा ॥

बिसमयवंत देखि महतारी । भए बहुरि सिसु रूप खरारी ॥

अस्तुति करि न जाइ भय माना । जगतपिता मैं सुत करि जाना ॥

हरि जननी बहु विधि समुझाई । यह जनि कतहुँ कहसि सुनु माई ॥

दो०—बार बार कौसल्या बिनय करै कर जोरि ।

अब जनि कबहुँ व्यापै प्रभु मोहि माया तोरि ॥२०२॥

बालचरित हरि बहु विधि कीन्हा । अति अनंद दासन्ह कहँ दीन्हा ॥

कलुक काल बीते सब भाई । बड़े भए परिजन सुखदाई ॥

चूड़ाकरन कीन्ह गुरु जाई । बिभन्ह पुनि दखिना बहु पाई ॥

परम मनोहर चरित अपारा । करत फिरत चारिउ सुकुमारा ॥

मन क्रम बचन अगोचर जोई । दसरथ अजिर विचर प्रभु सोई ॥

भोजन करत बोल जब राजा । नहिँ आवत तजि बाल समाजा ॥

कौसल्या जब बोलन जाई । ठुमुकु ठुमुकु प्रभु चलहिँ पराई ॥

निगम नेति सिव अंत न पावा । ताहि धरै जननी हठि धावा ॥

धूसर धूरि भरे तनु आए । भूपति बिहँसि गोद बैठाए ॥

दो०—भोजन करत चपल चित इत उत अवसरु पाइ ।

भाजि१ चले किलकत२ मुख दधि ओदन लपटाइ ॥२०३॥

१—प्र० : भाजि । [द्वि० : भागि] । तु०, च० : प्र० ।

२—प्र० : किलकत । द्वि० : प्र० [(५) (५अ) : किलकात] । [तु० : किलकात] । च० : प्र० ।

बालचरित अति सरल सुहाए । सारद सेष संभु श्रुति गाए ॥
जिन्ह कर मन इन्ह सन नहिं राता । ते जन बंचित किए बिधाता ॥
भए कुमार जबहिं सब आता । दीन्ह जनेऊ गुर पितु माता ॥
गुर गृह गए पढ़न रघुराई । अल्प काल विद्या सब पाई ॥
जाकी सहज स्वास श्रुति चारी । सो हरि पढ़ यह कौतुक भारी ॥
विद्या बिनय निपुन गुन सीला । खेलहिं खेल सकल नृपलीला ॥
करतल बान धनुष अति सोहा । देखत रूप चराचर मोहा ॥
जिन्ह बीथिन्ह बिहरहिं सब भाई । थकित होहिं सब लोग लुगाई ॥
दो०—कोसलपुर बासी नर नारि वृद्ध अरु बाल ।

प्राणहुँ तेँ प्रिय लागत सब कहूँ राम कृपाल ॥२०४॥
बंधु सखा सँग लेहिं बुलाई । बन मृगया नित खेलहिं जाई ॥
पावन मृग मारहिं जिअँ जानी । दिन प्रति नृपहिं देखावहिं आनी ॥
जे मृग राम बान के मारे । ते तनु तजि सुरलोक सिधारे ॥
अनुज सखा सँग भोजन करहीं । मातु पिता अज्ञा अनुसरहीं ॥
जेहिं विधि सुखी होहिं पुर लोगा । करहिं कृपानिधि सोइ संजोगा ॥
बेद पुरान सुनहिं मन लाई । आपु कहहिं अनुजन्ह समुझाई ॥
प्रातकाल उठि कै रघुनाथा । मातु पिता गुर नावहिं माथा ॥
आयसु माँगि करहिं पुर काजा । देखि चरित हरपै मन राजा ॥
दो०—व्यापक अकल अनीह अज निर्गुन नाम न रूप ।

भगत हेतु नाना विधि करत चरित्र अनूप ॥२०५॥
यह सब चरित कहा मै गाई । आगिलि कथा सुनहु मन लाई ॥
बिस्वामित्र महामुनि ज्ञानी । बसहिं बिपिन सुभ आश्रम जानी ॥
जहँ जप जज्ञ जोग मुनि करहीं । अति मारीच सुबाहुहि डरहीं ॥
देखत जज्ञ निसाचर धावहिं । करहिं उपद्रव मुनि दुख पावहिं ॥
गाधितनय मन चिंता व्यापी । हरि बिनु मरहिं न निसिचर पापी ॥
तब मुनिवर मन कीन्ह बिचारा । प्रभु अवतरेउ हरन महिभारा ॥

एहँ मिस देखौं^१ पद जाई । करि बिनती आनौं दोउ भाई ॥
ज्ञान विराग सकल गुन अयना । सो प्रभु मैं देखब भरि नयना ॥
दो०—बहु विधि करत मनोरथ जात लागि नहिं बार ।

करि मउजन सरऊ जल गए भूप दरबार ॥२०६॥
मुनि आगमन सुना जब राजा । मिलन गएउ लै बिप्र समाजा ॥
करि दंडवत मुनिहि सनमानी । निज आसन बैठारेन्हि आनी ॥
चरन पखारि कीन्हि अति पूजा । मो सम आजु धन्य नहिं दूजा ॥
बिबिध भाँति भोजन करवावा । मुनिवर हृदयँ हरष अति पावा ॥
पुनि चरननि मेले सुत चारी । राम देखि मुनि देह बिसारी ॥
भए मगन देखत मुख सोभा । जनु चकोर पूरन ससि लोभा ॥
तब मन हरषि बचन कह राऊ । मुनि अस कृपा न कीन्हिहु काऊ ॥
केहि कारन आगमन तुम्हारा । कहहु सो करत न लावौं बारा ॥
असुर समूह सतावहिं मोही । मैं जाचन आएउँ नृप तोही ॥
अनुज समेत देहु रघुनाथा । निसिचर बध मैं होव सनाथा ॥
दो०—देहु भूप मन हरषित तजहु मोह अज्ञान ।

धर्म सुजस प्रभु तुम्हकौं^२ इन्ह कहूँ अति कल्याण ॥२०७॥
मुनि राजा अति अप्रिय बानी । हृदय कंप मुखदुति कुमुलानी ॥
चौथेंपन पाएउँ सुत चारी । बिप्र बचन नहिं कहेहु बिचारी ॥
माँगहु भूमि धेनु धन कोसा । सर्वस देउँ आजु सह रोसा ॥
देह प्रान तैं प्रिय कछु नाहीं । सोउ मुनि देउँ निमिष एक माहीं ॥
सब सुत प्रिय^३ प्रान की नाई । राम देत नहिं बनै गुसाई ॥
कहँ निसिचर अति घोर कठोरा । कहँ सुंदर सुत परम किसोरा ॥

१—प्र० : एहँ मिस देखौं पद । द्वि० : प्र० [(४) (५) (५अ) : एहि मिस मैं देखौं पद] [तृ० : यहि मिस देखौं प्रभु पद] । च० : प्र० ।

२—प्र० : तुम्हकौं । [द्वि० तृ० : तुम्हकहुँ] । च० : प्र० [(८) : तुम्हकहुँ] ।

३—प्र० : प्रिय । [(३) (४) (५) प्रिय मोहि ; (५अ) प्रिय सम] । [तृ० : प्रिय मोहि] । च० : प्र० ।

सुनि नृप गिरा प्रेम रस सानी । हृदयँ हरष माना मुनि ज्ञानी ॥
तव बसिष्ठ बहु विधि समुक्तावा । नृप संदेह नास कहँ पात्रा ॥
अति आदर दोउ तनय बोलाए । हृदयँ लाइ बहु भौंति सिखाए ॥
मेरे प्रान नाथ सुत दोऊ । तुम्ह मुनि पिता आन नहिँ कोऊ ॥

दो०—सौंपे भूप रिषिहि सुत बहु विधि देइ असीस ।

जननी भवन गए प्रभु चले नाइ पद सीस ॥

सो०—पुरुष सिंह दोउ वीर हरपि चते मुनि भय हरन ।

कृपासिंधु मति धीर अखिल बिस्व कारन करन ॥२०८॥

अरुन नयन उर बाहु विसाला । नील जलज तनु स्याम तमाला ॥
कटि पट पीत कसे वर भाथा । रुचिर चाप सायक दुहुँ हाथा ॥
स्याम गौर सुंदर दोउ भाई । बिस्वाभिन्न महानिधि पाई ॥
प्रभु ब्रह्मन्य देव मैं जाना । मोहि नितिः पिता तजेउ भगवाना ॥
चले जात मुनि दीन्हि देखी । सुनि ताड़का क्रोध करि धाई ॥
एकहिँ बान प्रान हरि लोन्हा । दीन जानि तेहि निज पद दीन्हा ॥
तव रिषि निज नाथहि जिअँ चीन्ही । विद्यानिधि कहँ विद्या दीन्ही ॥
जा तें लाग न लुधा पिआसा । अतुलित बल तनु तेज प्रकासा ॥

दो०—आयुध सर्व सप्तर्षि कै प्रभु निज आश्रम आनि ।

कंद मूल फल भोजन दीन्ह भगतिः हित जानि ॥२०९॥

प्रात कहा मुनि सन रघुराई । निर्भय जज्ञ करहु तुम्ह जाई ॥
होम करन लाभे मुनि भ्तारी । आपु रहे मख की रखवारी ॥
सुन मारीच निसाचर कोहीरे । लै सहाय धावा मुनि द्रोही ॥
बिनु फर बान राम तेहि मारा । सत जोजन गा सागर पारा ॥

१—प्र० : निति । द्वि० : प्र० [() : हित] । [तृ० : हित] । च० : प्र० ।

२—प्र० : भगति । [द्वि०, तृ० : भगत] । च० : प्र० [(न) : भगत] ।

३—[प्र० : कोही] । द्वि, तृ०, च० : कोही] (३) (३ अ) : कोही]

पावकसर सुबाहु पुनि मारा^१ । अनुज निसाचर कटक सँघारा ॥
 मारि असुर द्विज निर्भय कारी । अस्तुति कहिं देव मुनि भारी ॥
 तहँ पुनि कछुक दिवस रघुगया । रहे कीन्ह बिगन्ह पर दाया ॥
 भगति हेतु बहु कथा पुराना । कहे वि। जयपि प्रभु जाना ॥
 तब मुनि सादर कहा बुझाई । चरित एक प्रभु देखिअ जाई ॥
 धनुष जज्ञ मुनि^२ रघुकुलनाथा । हरषि चले मुनिवर के साथ ॥
 आश्रम एक दीख मग माहीं । खग मृग जीव जंतु तहँ नाहीं ॥
 पूछा मुनिहि सिला प्रभु देखी । सकल कथा मुनि कही बिसेषी ॥
 दो०—गौतम नारि स्नाप बस उपज देह धरि धीर ।

चरन कमल रज चाहति कृपा करहु रघुवीर ॥२१०॥

छं०—परसत पद पावन सोक नसावन प्रगट भई तप पुंज सही ।
 देखत रघुनायक जन सुखदायक सनमुख होइ कर जोरि रही ॥
 अति प्रेम अधीरा पुलक सरीरा मुख नहिं आवै बचन कही ।
 अतिसय बड़भागी चरनन्हि लागी जुग नयनन्हि जलधार बही ॥
 धीरजु मनु कीन्हा प्रभु कहूँ चीन्हा रघुपति कृपाँ भगति पाई ।
 अति निर्मल बानी अस्तुति ठानी ज्ञानगम्य जय रघुगई ॥
 मैं नारि अपावन प्रभु जगपावन रावनरिपु जन सुखदाई ।
 राजीव बिलोचन भव भय मोचन पाहि पाहि सरनहि आई ॥
 मुनि स्नाप जो दीन्हा अति भल कीन्हा परम अनुग्रह मैं माना ।
 देखेउँ भरि लोचन हरि भव मोचन इहै लाभु संकर जाना ॥
 बिनती प्रभु मोरी मैं मति भोरी नाथ न माँगौं बर आना ।
 पद कमल परागा रस अनुगगा मम मन मधुप करै पाना ॥
 जेहि पद सुसारिता परम पुनीता प्रगट भई सिव सीस धरी ।
 सोई पद पंकज जेहि पूजत अज मम िर धरेउ कृपाल हरी ॥

१—प्र० : जाया । द्वि० : प्र० [(५) : मारा] । नृ०, च० : प्र० [(६) (३अ) : मारा] ।

२—प्र० : कहं । द्वि० : मुनि [(५अ) : करि] । नृ०, च० : द्वि० [(६) (३अ) : करि] ।

एहिं भौंति सिधारी गौतमनारी बार बार हरि चरन परी ।

जो अति मन भावा सो बरु पावा गै पति लोक अनंद भरी ॥

दो०—अस प्रभु दीन बंधु हरि कारन रहित दयाल ।

तुलसीदास सठ तेहि^१ भजु आड़ि कपट जंजाल ॥२११॥

चले राम लक्ष्मिन मुनि संगी । गए जहाँ जग पावनि गंगा ॥

गाधिसूनु सब कथा सुनाई । जेहि प्रकार सुरसरि महि आई ॥

तब प्रभु रिषिन्ह समेत नहाए । विविध दान महिदेवन्हि पाए ॥

हरषि चले मुनि वृंद सहाया । बेगि विदेह नगर निश्रया ॥

पुर रम्यता राम जब देखी । हरषे अनुज समेत बिसेयी ॥

बापी कूप सरित सर नाना । सलिल सुधा सम मनि सोपाना ॥

गुंजत मंजु मत्त रस भृंगा । कूजत कल बहु बरन बिहंगा ॥

बरन बरन विकसे वनजाता । त्रिविध समीर सदा सुखदाता ॥

दो०—सुवन बाटिका बाग बन विमुल बिहंग निवास ।

फूलत फलत सुपल्लवत सोहत पुर चहुँ पास ॥२१२॥

वनइ न बरनत नगर निकार्ई । जहाँ जाइ मन तहँ लोभाई ॥

चारु बजार विचित्र अँवारी । मनिमय जनु बिधि स्वकर^२ सँवारी ॥

धनिक बनिक बर धनइ समाना । बैठे सकल वस्तु लै नाना ॥

चौहट सुंदर गलीं सुहाई । संतत रहहिं सुगंध भिंचाई ॥

मंमलमय मंदिर सब केरे । चित्रित जनु रतिनाथ चितेरे ॥

पुर नर नारि सुभग सुचि संगी । धरमसील ज्ञानी गुनवंता ॥

अति अनूप जहँ जनक निवास । विथकहिं विबुध त्रिलोकि बिलास ॥

१—प्र० : तेहि । दि० : प्र० [(४) (०) (१२) : ताहि] । [वृ० : ताहि] । च० : प्र० [(८) : ताहि] ।

२—प्र० : जनु बिधि स्वकर । [दि० : बिधि जनु स्वकर] । वृ० : प्र० । [च० : (६) (६ अ) बिधि जनु स्वकर, (८) बिधि निज हाथ] ।

होत चकित चित कोट विलोकी । सकल भुवन सोभा जनु रोक्यी ॥
दो०—धवल धाम मुनि पुरट पट सुवटित नाना भाँति ।

सिय निवास सुंदर सदन सोभा किमि कहि जाति ॥२१३॥
सुभग द्वार सब कुलिस कपाटा । भूप भीर नट मागध भाटा ॥
बनी बिसाल बज्रि गज साला । हय गय रथ संकुल सब काला ॥
सूर सचिव सेनप बहुतेरे । नृप^१ गृह सरिस सदन सब केरे ॥
पुर बाहिर सर सरित समीपा । उतरे जहँ तहँ विपुल महीपा ॥
देखि अनूप एक अँवराई । सब सुपास सब भाँति सुहाई ॥
कौंसिक कहेउ मोर मनु माना । इहाँ रहिय रघुवीर सुजाना ॥
भजेहि नाथ कहि कृपानिकेता । उतरे तहँ मुनि वृंद समेता ॥
बिस्वामित्र महामुनि आए । समाचार मिथिलापति पाए ॥
दो०—संग सचिव सुचि भूरि भट भूसुर वर गुर जाति ।

चने मिलन मुनिनाथकहि मुदित राउ एहिँ भाँति ॥२१४॥
कीन्ह प्रनामु चरन धरि माथा । दीन्ह असीस मुदित मुनिनाथा ॥
बिप्र वृंद सब सादर बंदे । जानि भाग्य बड़ राउ अनंदे ॥
कुसल प्रश्न कहि बारहिँ बारा । बिस्वामित्र नृपहिँ बैठारा ॥
तेहि अवसर आए दोउ भाई । गए रहे देखन फुलवाई ॥
स्याम गौर मृदु बयस किमोरा । लोचन सुखद बिस्व चित चोरा ॥
उठे सकल जव रघुपति आए । बिस्वामित्र निकट बैठाए ॥
भए सब सुखी देखि दोउ आता । बारि बिलोचन पुलकित गाता ॥
सूरति मधुर मनोहर देखी । भएउ विदेहु विदेहु बिसेषी ॥
दो०—प्रेम मगन मनु जानि नृपु करि बिबेकु धरि धीर ।

बोलेउ मुनि पद नाइ सिरु गदगद गिरा गँभीर ॥२१५॥
कहेहु नाथ सुंदर दोउ बालक । मुनिकुल तिलक कि नृपकुल पालक ॥

ब्रह्म जे निगम नेति कहि गावा । उभय बेष धरि की सोइ आवा ॥
 सहज विराग रूप मनु मोरा । थकित होत जिमि चंद चकोरा ॥
 ता तें प्रभु पृछौं सतिभाऊ । कहहु नाथ जनि करहु दुराऊ ॥
 इन्हहि विलोकत अति अनुरागा । बरबस ब्रह्ममुखहि मन त्यागा ॥
 कह मुनि विहसि कहेहु नृप नीका । बचन तुम्हार न होइ अलीका ॥
 ये प्रिय सबहि जहाँ लगि प्रानी । मनु मुसुकाहिं रामु मुनि बानी ॥
 रघुकुलमनि दसरथ के जाए । मम हित लागि नरेस पठाए ॥
 दो०—रामु लखनु दोउ बंधु बर रूप सील बल धाम ।

मख राखेउ सबु साखि जगु जिते^१ असुर संग्राम ॥२१६॥

मुनि^२ तव चरन^३ देखि कह राऊ । कहि न सकौं निज पुन्य प्रभाऊ ॥
 सुंदर स्थाम गौर दोउ आता । आनँदहूँ के आनँददाता ॥
 इन्ह कै प्रीति परसपर पावनि । कहि न जाइ मन भाव सुहावनि ॥
 सुनहु नाथ कह मुदित बिदेह । ब्रह्म जीव इव सहज सनेह ॥
 पुनि पुनि प्रभुहि चितव नरनाह । पुलक गात उर अधिक उछाह ॥
 मुनिहि प्रसंसि नाइ पद सीसू । चलेउ लवाइ नगर अवचीसू ॥
 सुंदर सदन सुखद सब काला । तहाँ वासु लै दीन्ह भुआला ॥
 करि पूजा सब विधि सेवकाई । गएउ राउ गृह विश करवाई ॥
 दो०—रिषय संग रघुवंसमनि करि भोजनु विश्रामु ।

बैठे प्रभु आता सहित दिवसु रहा भरि जामु ॥२१७॥

लषन हृदय लालसा बिसेखी । जाइ जनकपुरु आइथ देखी ॥
 प्रभु भय बहुरि मुनिहिं सकुचाहीं । प्रगट न कहहिं मनहि मुसुकाहीं ॥
 राम अनुज मन की गति जानी । भगत बछलता हिअ हुलसानी ॥
 परम विनीत सकुचि मुसुकाई । बोले गुर अनुसासन पाई ॥

१—प्र० : जिते । द्वि० : प्र० । [वृ० : जीति] । च० : प्र० [(न) : जीति] ।

२—[प्र० : मुनि] । द्वि० : मुनि । वृ०, च० : द्वि० ।

३—[प्र० : चरित] । द्वि० : चरन । वृ०, च० : द्वि० ।

नाथ लषनु पुरु देषन चहहीं । प्रभु पकोच डर प्रगट न कहहीं ॥
 जौं राउर आयसु मै पावौं । नगर देखाइ तुरत लै आवौं ॥
 मुनि मुनीसु कह बचन सप्रीती । कस न राम तुम्ह राखहु नीती ॥
 धरम सेनु पालक तुम्ह ताता । प्रेम बिसस सेवक सुख दाता ॥
 दो०--जाइ देखि आवहु नगर सुख निधान दोउ भाइ ।

करहु मुफल सब के नयन सुंदर बदन देखाइ ॥२१८॥
 मुनि पद कमल बंदि दोउ भ्राता । चले लोक लोचन सुख दाता ॥
 बालक वृंद देखि अति सोभा । लगे संग लोवन मनु लोभा ॥
 पीत बसन परिकर कटि भाथा । चारु चाप सर सोहत हाथा ॥
 तन अनुहरत मुचंदन खौरी । स्यामल गौर मनोहर जोरी ॥
 केहरि कंधर बाहु विसाला । उर अति रुचिर नाग मनि माला ॥
 मुभग शोन सरसीरुह लोचन । बदन मयंक ताप त्रय मोचन ॥
 कानन्हि कनकफूल छवि देहीं । चितवत चितहि चोरि जनु लेहीं ॥
 चितवनि चारु भृकुटि वर बाँकी । तिलक रेख सोभा जनु चाँकी ॥
 दो०--रुचिर चौतनी मुभग सिर मेचक कुंचित कैसे ।

नख सिख सुंदर बंधु दोउ सोभा सकल सुदेस ॥२१९॥
 देखन नगर भूप सुन आए । समाचार पुरवासिन्ह पाए ॥
 धाए धाम काम सब त्यागी । मनहुँ रंक निधि लूटन लागी ॥
 निखि सहज सुंदर दोउ भाई । होहिं सुखी लोचन फल पाई ॥
 जुवतीं भवन भरोखन्हि लागी । निखहिं राम रूप अनुगामी ॥
 कहहिं पसपर बचन सप्रीती । सखिइन्ह कोटि काम छवि जीती ॥
 सुर नर असुर नाग मुनि माहीं । सोभा असि कहूँ मुनिअति नाहीं ॥
 विष्णु चारिभुज बिधि मुखचारी । बिकट भेष मुखपंच पुगरी ॥
 अपर देउ अस कोउ न आही । येह छवि सखी पटतरिअ जाही ॥
 दो०--बय किसोर सुखमा सदन स्याम गौर सुख धाम ।

अंग अंग पर वारिअहिं कोटि कोटि सत काम ॥२२०॥

कहहु सखी अस को तनु धारी । जो न मोह येहु रूप निहारी ॥
 कोउ सप्रेम बोली मृदु बानी । जो मैं सुना सो सुनहु सयानी ॥
 ए दोऊ दसरथ के दोटा । बाल मरालन्हि के कल जोटा ॥
 मुनि कौशिक मुख के रखारे । जिन्ह रन अजिर निसाचर मारे ॥
 स्याम गात कल कंज बिलोचन । जो मारीच सुभुज मृदु मोचन ॥
 कौसल्यासुन सो सुख खानी । नामु रामु धनु सायक पानी ॥
 गौर किसोर बेणु वर काछें । कर सर चाप राम के पाछें ॥
 लखिनु नामु रामु लघु आता । सुनु सखि तासु सुमित्रा माता ॥
 दो०—बिप्र काजु करि बधु दोउ मग मुनि बधू उधारि ।

आए देखन चप मुख मुनि हरषी सब नारि ॥२२१॥
 देखि राम द्वि कोउ एक कहई । जोगु जानकिहि येहु बरु अहई ॥
 जौ सखि इन्हहि देख नरनाह । पन परिहरि हठि करै विवाह ॥
 कोउ कह ए भूपति पहिचाने । मुनि समेत सादर सनमाने ॥
 सखि परंतु पनु राउ न तजई । बिधि बस हठि अविवेकहि भजई ॥
 कोउ कह जौ भल अहै विवाता । सब कहूँ सुनिअ उचित फलदाता ॥
 तौ जानकिहि मिलिहि बरु एहू । नाहिंन आलि इहाँ संदेह ॥
 जौ बिधि बस अस बनै सँजोगू । तौ कृतकृत्य होइ सब लोगू ॥
 सखि हमरें आरति अति तातें । कबहुँक ए आवहिं येहि नातें ॥
 दो०—नाहिं त हमकहुँ सुनहु सखि इन्ह कर दरसनु दूरि ।

येह संवटु तब होइ जब पुन्य पुराकृत भूरि ॥२२२॥
 बोली अपर कहेहु सखि नीका । येहि विवाह अति हित सबहीं का ॥
 कोउ कह संकर चाप कठोरा । ये स्यामल मृदु गात किसोरा ॥
 सबु असमंजस अहइ सयानी । येह सुनि अपर कहै मृदु बानी ॥
 सखि इन्हकहुँ कोउ कोउअस कहहीं । बड़ प्रभु देखत लघु अहहीं ॥
 परसि जासु पद पंकज धूरी । तरी अहत्या कृत अघ भूरी ॥
 सो कि रहिहि बिनु सिवधनु तोरें । येह प्रतीति परिहरिअ न भोरें ॥

जहिं बिरंचि रचि सीय सँवारी । तेहि स्यामल बरु रचेउ बिचारी ॥
 तासु बचन सुनि सब हरषानीं । ऐसेइ होउ कहहिं मृदु बानीं ॥
 दो०—हिअँ हरषहिं बरषहिं सुवन सुमुखि सुलोचनि वृंद ।

जहिं जहाँ जहँ^१ बंधु दोउ तहँ तहँ परमनंद ॥२२३॥
 पुर पूरव दिसि गे दोउ भाई । जहँ धनु मख हित भूमि बनाई ॥
 अति बिस्तार चारु गच ढारी । बिमल वेदिका रुचिर सँवारी ॥
 चहुँ दिसि कंचन मंच बिसाला । रचे जहाँ बैठहिं महिपाला ॥
 तेहि पाछे सपीप चहुँ पासा । अपर मंच मंडली बिलासा ॥
 कछुक ऊँचि सब भाँति सुहाई । बैठहिं नगर लोग जहँ जाई ॥
 तिन्हकें निकट बिसाल सुहाए । धवल धाम बहु बरन बनाए ॥
 जहँ बैठे देखहिं सब नारीं । जथाजोग निज कुल अनुहारीं ॥
 पुर बालक कहि कहि मृदु बचना । सादर प्रभुहिं देखावहिं रचना ॥
 दो०—सब सिमु येहि भिसु प्रेय बस परसि मनोहर गात ।

तन पुलकहिं अति हरष हिअँ देखि देखि दोउ भ्रात ॥२२४॥
 सिमु सब राम प्रेयस जाने । प्रीति समेत निकेत बखाने ॥
 निज निज रुचि सब लेहिं बोलाई । सहित सनेह जाहिं दोउ भाई ॥
 रामु देखावहिं अनुग्रहि रचना । कहि मृदु मधुर मनोहर बचना ॥
 लव निमेष महुँ भुवन निकाया । रचै जासु अनुसासन माया ॥
 भगति हेतु सोइ दीनदयाला । चितवत चकित धनुष मख साला ॥
 कौतुकु देखि चले गुर पाहीं । जानि बिलंबु त्रास मन माहीं ॥
 जासु त्रासु डर कहुँ डर होई । भजन प्रभाउ देखावत सोई ॥
 कहि वातें मृदु मधुर सुहाई । किए बिदा बालक बरिआई ॥
 दो०—सभय सप्रेम विनीत अति सकुच सहित दोउ भाइ ।

गुर पद पंकज - नाइ सिर बैठे आयसु पाइ ॥२२५॥

निसि प्रवेस मुनि आयेसु दीन्हा । सबहीं संध्या बंदनु कीन्हा ॥
 कहत कथा इतिहास पुरानी । रुचिर रजनि जुग जाम सिरानी ॥
 मुनिवर सयन कीन्हि तब जाई । लगे चरन चापन दोउ भाई ॥
 जिन्ह के चरन सरोरुह लागी । करत विविध जप जोग बिरागी ॥
 तेइ दोउ बंधु प्रेम जनु जीते । गुर पद कमल^१ पलोढत प्रीते ॥
 बार बार मुनि अज्ञा दीन्ही । रघुवर जाइ सयन तब कीन्ही ॥
 चापत चरन लषनु उर लाएँ । समय सप्रेम परम सच्चु पाएँ ॥
 पुनि पुनि प्रभु कह सोबहु ताता । पौढ़े धरि उर पद जलजाता ॥
 दो०—उठे लषनु निसि बिगत मुनि अरुनसिखा धुनि कान ।

गुर तें पहिलेहि जगतपति जागे रामु सुजान ॥२२६॥
 सकल सौच करि जाइ नहाए । नित्य निबाहि मुनिहि सिर नाए ॥
 समय जानि गुर आयेसु पाई । लेन प्रसून चले दोउ भाई ॥
 भूप बागु बर देखेउ जाई । जहँ बसंत रितु रही लोभाई ॥
 लागे बिटप मनोहर नाना । बरन बरन बर बेलि बिताना ॥
 नव पल्लव फल सुमन सुहाए । निज संपति सुररुख लजाए ॥
 चातक कोकिल कीर चकोरा । कूजत बिहग नटत कल मोरा ॥
 मध्य बाग सरु सोह सुहावा । मनि सोपान विचित्र बनावा ॥
 बिमल सलिलु सरसिज बहुरंगा । जल खग कूजत गुंजत भृंगा ॥
 दो०—बागु तड़ागु बिलोकि प्रभु हरषे बंधु समेत ।

परम रम्य आरामु येहु जो रामहि सुख देत ॥२२७॥
 चहुँ दिसि बितै पूँछि मालीगन । लगे लेन दल फूल मुदित मन ॥
 तेहि अवसर सीता तहँ आई । गिरिजा पूजन जननि पठाई ॥
 संग सखीं सब सुभग सथानी । गावहि गीत मनोहर बानी ॥
 सर समीप गिरिजाशुह सोहा । बरनि न जाइ देखि मनु मोहा ॥

१—प्र० : कमल । [द्वि०, ल० : पदुम] । च० : प्र० : [(न) : पदुम] ।

मज्जनु करि सर सखिन्ह समेता । गई सुदित मन गौरि निकेता ॥
 पूजा कीन्हि अधिक अनुरागा । निज अनुरूप सुभग बरु माँगा ॥
 एक सखी सिय संगु बिहाई । गई रही देखन फुलवाई ॥
 तेहि दोउ बंधु बिलोके जाई । प्रेम बिस सीता पहि आई ॥
 दो०—तासु दसा देखी सखिन्ह पुलक गात जलु नयन ।

कहु कारनु निज हरष कर पृथहि सब मृदु बयत ॥२२८॥
 देखन बागु कुँअर दुइ^१ आए । बय किसोर सब भौंति सुहाए ॥
 स्याम गौर किमि कहैं बखानी । गिरा अनयन नयन बिनु बानी ॥
 मुनि हरषी सब सखी सयानी । सिय हिअँ अति उतकंठा जानी ॥
 एक कहइ नृपसुत तेइ^२ आली । सुने जे मुनि सँग आए काली ॥
 जिन्ह निज रूप मोहनी डारी । कीन्हे स्वबस नगर नर नारी ॥
 बानत छवि जहँ तहँ सब लोगू । अवसि देखिअहि देखन जोगू ॥
 तासु बचन अति सियहि सोहाने । दरम लागि लोचन अकुलाने ॥
 चली अग्र करि प्रिय सखि सोई । प्रीति पुरातन लखै न कोई ॥
 दो०—सुमिरि सीय नारद बचन उपजी प्रीति पुनीत ।

चकित बिलोकति सकल दिसि जनु सिसु मृगी समीत ॥२२९॥
 करुन किंकिनि नृपुर धुनि सुनि । कहत लषन सन रामु हृदयँ गुनि ॥
 मानहुँ मदन दुंदुभी दीन्ही । मनसा बिस्व विजय कहूँ कीन्ही ॥
 अस कहि फिरि चितए तेहि ओरा । सिय मुख ससि भए नयन चक्रोरा ॥
 भए बिलोचन चारु अचंचल । मनहुँ सकुचि निर्म तजे दृगंचल ॥
 देखि सीय सोभा सुख पावा । हृदयँ सराहत बचनु न आवा ॥
 जनु बिरंचि सब निज निमुनाई । बिरंचि बिस्व कहँ प्रगटि देखाई ॥
 सुंदरता कहूँ सुंदर करई । छवि गृहँ दीप सिखा जनु बरई ॥
 सब उपमा कवि रहे जुठारी । केहि पटतरौ बिदेहकुमारी ॥

१—प्र० : दुइ । [द्वि०, वृ० : दोउ] । च० : प्र० ।

२—प्र० : तेइ । द्वि० : प्र० । [वृ० : सोइ] । च० : प्र० [(८) : ते] ।

दो०—सिय सोभा हिअँ बरनि प्रभु आपनि दसा विचारि ।

बोले सुचि मन अनुज सन बचन समय अनुहारि ॥ २३० ॥

तात जनकतनया येह सोई । धनुषजज्ञ जेहि कारन होई ॥
पूजन गौरि सखी लै आई । करत प्रकास फिरहिं फुलवाई ॥
जासु बिलोकि अलौकिक सोभा । सहज पुनीत मोर मनु छोभा ॥
सो सबु कारनु जान बिधाता । फरकहिं सुभद^१ अंग सुनु आता ॥
रघुवंसिन्ह कर सहज सुभाऊ । मनु दुषंथ पगु धरै न काऊ^२ ॥
मोहि अतिसय प्रतीति मन केरी । जेहि सपनेहुँ परनारि न हेरी ॥
जिन्ह कै लहहिं न रिपु रन पीठी । नहिं पावहिं^३ परतिअ मनु डीठी ॥
मंगन लहहिं न जिन्ह कै नाहीं । ते नरवर थोरे जग माहीं ॥

दो०—करत बतकही अनुजै सन मनु सिय रूप लोभान ।

सुख सरोज मकरंद छवि करै मधुप इव पान ॥ २३१ ॥

चितवति चकित चहूँ दिसि सीता । कहँ गए नृपकिसोर मनु चिता^४ ॥
जहँ बिलोक मृग सावक नयनी । जनु तहँ बरिस कमल सित श्रेनी ॥
लता ओट तब सखिन्ह लखाए । स्यामल गौर किसोर सुहाए ॥
देखि रूप लोचन ललचाने । हरषे जनु निज निधि पहिचाने ॥
थके नयन रघुपति छवि देखें । पलकन्हिहूँ परिहरीं निमेषें ॥
अधिक सनेह देह भै भोरी । सरद ससिहिं जनु चितव चकोरी ॥
लोचन मग रामहिं उर आनी । दीन्है पलक कपाट सयानी ॥
जब सिय सखिन्ह प्रेमबस जानी । कहिन सकहिं कछु मन सकुचानी ॥

१—प्र० : सुभद । [द्वि०, तृ० : सुभग] । च० : प्र० ।

२—प्र० : मनु दुषंथ पगु धरै न काऊ । [द्वि० : भूति न देहिं कुमाराग पाऊ] । तृ०, च० : प्र० ।

३—प्र० : पावहिं । द्वि० : प्र० [(४) : लावहिं] । [तृ० : लावहिं] । च० : प्र० [(५) : लावहिं] ।

४—प्र० : चिता । द्वि० : प्र० । [तृ० : चीता] । च० : प्र० [(५) : चीता] ।

दो०—लता भवन तें प्रगट भे तेहि अवसर दोउ भाइ ।

निकसे जनु जुग विमल बिधु जलद पटल बिलगाइ ॥२३२॥
 सोभा सीध सुभग दोउ बीरा । नील पीत जलजात^१ सरीरा ॥
 मोरपंख^२ सिर सोइत नीकें । गुच्छ बीच बिच^३ कुसुमकली कै ॥
 भाल तिलक श्रमविंदु सुहाए । श्रवन सुभग भूषन छवि छाए ॥
 विकट भृकुटि कच घूँघुरवारे । नव सरोज लोचन रतनारे ॥
 चारु चिबुक नासिका कपोला । हास बिलास लेत मनु मोला ॥
 मुख छवि कहि न जाइ मोहि पाहीं । जो बिलोकि बहु काम लजाहीं ॥
 उर मनिमाल कंबु कल ग्रीवा । काम कलभ कर भुज बल सीवा ॥
 सुमन समेत वाम कर दोना । साँवर कुँअर सखी सुठि लोना ॥
 दो०—केहरि कटि पट पीत धर सुषमा सील निधान ।

देखि भानुकुल भूषनहि बिसरा सखिन्ह अपान ॥२३३॥
 धरि धीरज एक आलि सयानी । सीता सन बोली गहि पानी ॥
 बहुरि गौरि कर ध्यानु करेहू । भूप किसोर देखि किन लेहू ॥
 सकुचि सीय तब नयन उधारे । सनमुख दोउ रघुसिंघ निहारे ॥
 नखसिख देखि राम कै सोभा । सुमिरि पिता पनु मनु अति छोभा ॥
 परबस सखिन्ह लखी जव सीता । भएउ गहरु सब कहहिं समीता ॥
 पुनि आउव एहि बेरिआँ^४ काली । अस कहि मन बिहसी एक आली ॥
 गूढ़ गिरा सुनि सिय सकुचानी । भएउ बिलंबु मातुभय मानी ॥
 धरि बड़ि धीर राम उर आने । फिरी अपनपउ^५ पितु बस जाने ॥

१—प्र०, द्वि०, तृ०, च० : जलजात [(३) (६४) जलजात] ।

२—प्र० : मोरपंख । द्वि० : प्र० [(४) : काकपक्ष] । [तृ० : काकपक्ष] । च० : प्र० [(८) : काकपक्ष] ।

३—प्र० : गुच्छ बीच बिच । [द्वि०, तृ०, : गुच्छे बिच बिच] । च० : प्र० [(८) : गुच्छे बिच बिच] ।

४—प्र० : बेरिआँ । द्वि० : प्र० [(३) बेरिआ, (४) (५) बिरिआँ] । [तृ० : बिरिआँ] । च० : प्र० ।

५—प्र० : फिरी अपनपउ । [द्वि० : फिरी आपनपउ] । तृ०, च० : प्र० ।

दो०—देखन मिस मृग बिहग तरु फिरै बहोरि बहोरि ।

निखि निरखि रघुबीर छवि बाढ़ै प्रीति न थोरि ॥२३४॥
जानि कठिन सिव चाप बिसूरति । चली राखि उर स्यामल मूरति ॥
प्रभु जव जात जानकी जानी । सुख सनेह सोभा गुन^१ खानी ॥
परम प्रेम मय मृदु मसि कीन्ही । चारुचित्त भीती^२ लिखि लीन्ही ॥
गई भवानी भवन बहोरी । बंदि चरन बोलीं कर जोरी ॥
जय जय गिरिबरराज किसोरी । जय महेस मुख चंद चकोरी ॥
जय गजवदन षडानन माता । जगत जननि दामिनि दुति गाता ॥
नहिं तव आदि अंत^३ अवसाना । अमित प्रभाउ बेदु नहिं जाना ॥
भव भव बिभव पराभव कारिनि । बिस्व विमोहनि स्वबस बिहारिनि ॥
दो०—पति देवता सुतीय महुँ मातु प्रथम तव रेख ।

महिमा अमित न सकहिं कहि सहस सारदा सेष ॥२३५॥
सेवत तोहि सुलभ फल चारी । बरदायनी पुरारि^४ पिआरी ॥
देवि पूजि पद कमल तुम्हारे । सुर नर मुनि सब होहिं सुखारे ॥
मोर मनोरथु जानहु नीकें । बसहु सदा उर पुर सबही कें ॥
कीन्हेउं प्रगट न कारन तेहीं । अस कहि चरन गहे^५ वैदेहीं ॥
बिनय प्रेम बस भई भवानी । खसी माल मूरति मुसुकानी ॥
सांदर सिव प्रसाद सिर धरेऊ । बोलीं गौरि हरष हिअ^६ भरेऊ ॥
सुनु सिय सत्य असीस हमारी । पूजिहि मनकायना तुम्हारी ॥

१—प्र० : गुन । [द्वि० : कै] । तृ०, च० : प्र० [(=) : कै] ।

२—प्र० : चित्त भीती । [द्वि० : चित्र भीतर] । तृ०, च० : प्र० [(३) विचित्र भीति; (=) : चित्र भीतर] ।

३—प्र० : अंत । [द्वि०, तृ० : मध्य] । च० : प्र० ।

४—प्र० : बरदायनी पुरारि । द्वि० : प्र० । [तृ० : बरदायिनि त्रिपुरारि] । च० : प्र० [(=) : बरदायिनि त्रिपुरारि] ।

५—प्र० : गहे । द्वि० : प्र० । [तृ० : गही] । च० : प्र० ।

६—प्र० : भरेऊ । द्वि०, तृ०, च० : प्र० [(३अ) : भयउ] ।

नारद वचनु सदा सुचि साचा । सो वर मिलिहि जाहि मन राचा ॥

वृ०—मनु जाहि राचेउ मिलिहि सो बर सहज सुंदर साँवरो १ ।

करुनानिधान मुजान सील सनेह जानत रावरो १ ॥

येहि भाँनि गौरि असीस सुनि सिय सहित हिअँ हरषीं अलीं ।

तुलसी भवानिहि पूजि पुनि पुनि मुदित मन मंदिर चलीं ॥

सो०—जानि गौरि अनुकूल सिय हिअँ हरषु न जाइ कहि ।

मंजुल मंगल मूल वाम अंग फरकन लगे ॥२३६॥

हृदयँ सराहत सीय लोनाई । गुर समीप गवने दोउ भाई ॥

रामु कहा सबु कौसिक पाहीं । सरल सुभाउ छुआ बल नाहीं ॥

सुमन पाइ मुनि पूजा कीन्ही । पुनि असीस दुहुँ भाइन्ह दीन्ही ॥

सुफल मनोरथ होहुँ तुम्हारे । राम लषन सुनि भइ सुखारे ॥

करि भोजनु मुनिबर विज्ञानी । लगे कहन कछु कथा पुरानी ॥

विगत दिवसु गुर आयेसु पई । संध्या करन चले दोउ भाई ॥

प्राची दिसि ससि उएउ सुहावा । सियमुख सरिस देखि सुखु पावा ॥

बहुरि विचार कीन्ह मन माहीं । सीय बदन सम हिमकर नाहीं ॥

दो०—जनम सिंधु पुनि बंधु बिधु दिन मलीन सकलंकु ।

सिय मुख समता पाव किमि चंदु बापुरो रंकु ॥२३७॥

घटै बढै विरहिनि दुखदाई । असै राहु निज संधिहि पई ॥

कोक सोकप्रद पंकज द्रोही । अवगुन बहुत चंद्रमा तोही ॥

वैदेही मुख पटतर दीन्हे । होइ दोषु बड़ अनुचित कीन्हे ॥

सिय मुखव्वि बिधुअज बखानी । गुर पहिं चले निसा बड़ि जानी ॥

करि मुनि चरन सरोज प्रनामा । आयेसु पाइ कीन्ह विश्रामा ॥

विगत निसा रघुनायकु जागे । बंधु विलोकि कइन अस लागे ॥

उएउ अरुनु अवलोकहु ताता । पंकज कोक लोक सुख दाता ॥

बोले लखन जोरि जुग पानी । प्रभु प्रभाउ सूचक मृदु बानी ॥

दो०—अरुनोदय सकुचे कुसुद उडगन जोति मलीन ।

जिमि तुम्हार आगमन सुनि भए नृपति बलहीन ॥२३८॥
नृप सब नखत करहिं उजिआरी । टारि न सकहिं चाप तम भारी ॥
कमल कोक मधुकर खग नाना । हरषे सकल निसा अवसाना ॥
ऐसेहिं प्रभु सब भगत तुम्हारे । होइहिं दूटैं धनुष सुखारे ॥
उएउ भानु बिनु श्रम तम नासा । दुरे नखत जग तेजु प्रकासा ॥
रवि निज उदयढ्याज रघुगया । प्रभु प्रतापु सब नृपन्ह देखाया ॥
तव भुज बल महिमा उदघाटी । प्रगटी धनु बिघटन परिपाटी ॥
बंधु बचन सुनि प्रभु मुसुकाने । होइ सुचि सहज पुनीत नहाने ॥
नित्य क्रिया करि गुर पहिं आए । चरन सरोज सुभग सिर नाए ॥
सतानंदु तव जनक बोलाए । कौसिक मुनि पहिं तुरत पठाए ॥
जनक विनय तिन्ह आनि^१ सुनाई । हरषे बोलि लिए दोउ भाई ॥
दो०—सतानंद पद बंदि प्रभु बैठे गुर पहिं जाइ ।

चलहु तात मुनि कहेउ तव पठवा जनक बोलाइ ॥२३९॥
सीय स्वयंवर देखिअ जई । ईसु काहि धौं देइ वड़ाई ॥
लखन कहा जसभाजनु सोई । नाथ कृपा तव जापर होई ॥
हरषे मुनि सब सुनि वर बानी । दीन्हि असीस सबहिं सुखु मानी ॥
पुनि मुनिवृंद समेत कृपाला । देखन चते धनुष मख साला ॥
रंगभूमि आए दोउ भाई । असि सुधि सब पुरवासिन्ह पाई ॥
चले सकल गृह काज बिसारी । बाल जुवान जरठर नरनारी ॥
देखी जनक भीर भै भारी । सुचि सेवक सब लिए हँकारी ॥
तुरत सकल लोगन्ह पहिं जाहू । आसन उचित देहु सब काहू ॥
दो०—कहि मृदु बचन विनीत तिन्ह बैठारे नर नारि ।

उत्तम मध्यम नीच लघु निज निज थल अनुहारि ॥२४०॥

१— प्र० : आइ । द्वि० : आनि । [तृ० : आइ] । च० : द्वि० ।

२— [प्र०, द्वि० : जरठर] । तृ०, च० : जरठ [(=) : जरठर] ।

राजकुँअर तेहि अवसर आए । मनहुँ मनोहरता तन व्याप ॥
 गुन सागर^१ नागर बर बीरा । सुंदर स्यामल गौर सरीरा ॥
 राज समाज बिराजत खरे । उडगन महुँ जनु जुग बिधु पूरे ॥
 जिन्ह के रही भावना जैसी । प्रभु मूरति तिन्ह देखी तैसी ॥
 देखहि भूप महा रनधीरा । मनहुँ बीर रसु धरे सरीरा ॥
 बरे कुटिल नृप प्रभुहि निहारी । मनहुँ भयानक मूरति भारी ॥
 रहे असुर छलबोनिप बेधा । तिन्ह प्रभु प्रगट काल सम देखा ॥
 पुरबासिन्ह देखे दोउ भाई । नरभूषन लोचन सुखदाई ॥
 दो०—नारि बिलोकहि हरषि हिअ निज निज रुचि अनुरूप ।

जनु सोहत सिंगार धरि मूरति परम अनूप ॥२४१॥
 बिदुषन्ह प्रभु बिराटमय दीसा । बहु मुख कर पग लोचन सीसा ॥
 जनक जाति अवलोकहि कैसेँ । सजन सगे प्रिय लागहि जैसेँ ॥
 सहित विदेह बिलोकहि रानी । सिसु सम प्रीति न जाइ^२ बखानी ॥
 जोगिन्ह परम तत्त्वमय भासा । सांत सुद्ध सम सहज प्रकासा ॥
 हरिभगतन्ह देखे दोउ भ्राता । इष्टदेव इव सब सुख दाता ॥
 रामहि चितव भायँ^३ जेहि सीया । सो सनेहु सुखु नहि कथनीया ॥
 उर अनुभवति न कहि सक सोऊ । कवन प्रकार कहै कबि कोऊ ॥
 एहि^४ बिधि रहा जाहि जस भाऊ । तेहि तस देखेउ कोसलराऊ ॥
 दो०—राजत राज समाज महुँ कोसलराज किसोर ।

सुंदर स्यामल गौर तन बिस्व बिलोचन चोर ॥२४२॥
 सहज मनोहर मूरति दोऊ । कोटि काम उपमा लघु सोऊ ॥
 सरद चंद निंदक मुख नीके । नीरज नयन भावते जी के ॥

१—[प्र० : सागर] । दि० : सागर नागर । त०, च० : दि० ।

२—प्र० : जाति । दि० : जाइ [(५अ) : जात-] । त०, च० : दि० ।

३—प्र० : भायँ । दि० : प्र० [(४) भाव] । [त०, भाव च० : प्र०] (८) भाव] ।

४—प्र० : जेहि । दि० : जेहि । त० : येहि । च० : त० [(८) जेहि] ।

चितवनि चारु मार मनु हरनी । भावति हृदयं जात नहिं बरनी ॥
 कल कपोल श्रुति कुंडल लोला । चिबुक अधर सुंदर मृदु बोला ॥
 कुमुदबंधु कर निंदक हासा । भृकुटी विकट मनोहर नासा ॥
 भाल बिसाल तिलक भालकाहीं । कच बिलोकि अलि अवलि लजाहीं ॥
 पीत चौतनीं सिरन्हि सुहाई । कुसुमकलीं बिच बीच बनाईं ॥
 रेखें रुचिर कंबु कल ग्रीवा । जनु त्रिभुवन सुषमा की सीवा ॥
 दो०—कुंजर मनि कंठा कलित उरन्हि तुलसिका माल ।

वृषभ कंध केहरि ठवनि बलनिधि बाहु बिसाल ॥२४३॥
 कटि तूनीर पीत पट बाँधे । कर सर धनुष वाम वर काँधे ॥
 पीत जज्ञ उपवीत सुहाए । नखसिख मंजु महा छवि छाए ॥
 देखि लोग सब भए सुखारे । एकटक लोचन चलत न तारे १ ॥
 हरषे जनकु देखि दोउ भाई । मुनि पद कमल गहे तब जाई ॥
 करि बिनती निज कथा सुनाई । रंगअवनि सब मुनिहि देखाई ॥
 जहँ जहँ जाहिँ कुँअर वर दोऊ । तहँ तहँ चकित चितव सबु कोऊ ॥
 निज निज रुख रामहि सबु देखा । कोउ न जान कछु मरमु बिसेषा ॥
 भलि रचना मुनि नृप सन कहेऊ । राजा मुदित महा सुखु लहेऊ ॥
 दो०—सब मंचन्ह तैं मंचु एकु सुंदर बिसद बिसाल ।

मुनि समेत दोउ बंधु तहँ बैठारे महिपाल ॥२४४॥
 प्रभुहि देखि सब नृप हिअँ हारे । जनु राकेस उदय भएँ तारे ॥
 अस प्रतीति सब के मन माहीं । राम चाप तोरब सक नाहीं ॥
 बिनु भंजेहु भवधनुषु बिसाला । मेलिहि सीय राम उर माला ॥
 अस बिचारि गवनहु घर भाई । जसु प्रतापु बलु तेजु गँवाई ॥
 बिहसे अपर भूप सुनि बानी । जे अबिवेक अंध अभिमानी ॥
 तोरेहुँ धनुषु व्याहुँ अवगाहा । बिनु तोरे को कुँअरि बिआहा ॥

१—प्र० : चञ्जत न तारे । [द्वि० : (३) (४) चञ्जत न तारे, (५) (५अ) टरै न तारे] ।

[तृ० : टरत न तारे] । च० : प्र० [(५) : टरै न तारे] ।

एक बार कालहुँ किन होऊ । सिय हित समर जितव हम सोऊ ॥
 येह सुनि अवर महिप^१ मुसुकाने । धरमसील हरिभगत सयाने ॥
 सो०—सीय बिआहवि राम गरबु दूरि करि नृपन्ह को^२ ।

जीति को सक संग्राम दसरथ के रन बाँकुरे ॥२४५॥
 व्यर्थ मरहु जनि गाल बजाई । मनमोदकन्हि कि भूख बताई^३ ॥
 सिख हमार सुनि परम पुनीता । जगदंबा जानहु जिअँ सीता ॥
 जगतपिता रघुपतिहि बिचारी । भरि लोचन छवि लेहु निहारी ॥
 सुंदर सुखद सकल गुन रासी । ए दोउ बंधु संभु उर बासी ॥
 सुधासमुद्र समीप बिहाई । मृगजलु निरखि मरहु कत धाई ॥
 कहु जाइ जा कहूँ जोइ भावा । हम तौ आजु जनम फलु पावा ॥
 अस कहि भले भूप अनुरागे । रूप अनूप बिलोकन लागे ॥
 देखहिं सुर नभ चढ़े विमाना । बरषहिं सुमन करहिं कल गाना ॥
 दो०—जानि सुअवसर सीय तब पठई जनक बोलाइ ।

चतुर सखी सुंदर सकल सादर चलीं लवाइ ॥२४६॥
 सिय सोभा नहिं जाइ बखानी । जगदंबिका रूप गुन खानी ॥
 उपमा सकल मोहि लघु लागीं । प्राकृत नारि अंग अनुरागीं ॥
 सिय बरनिअ तेइ^४ उपमा देई । कुकवि कहाइ अजसु को लेई ॥
 जौ पटारिअ तीअ सम सीया । जग असि जुवति कहाँ कमनीया ॥
 गिरा मुखर तन अरघ भवानी । रति अति दुखित अतनुपति जानी ॥
 विष बारुनी बंधु प्रिय जेही । कहिअ रमा सम किमि बैदेही ॥
 जौ छवि सुधा पयोनिधि होई । परम रूपमय कच्छपु सोई ॥

१—प्र० : अवर महिप । द्वि० : प्र० । [वृ० : अपर भू ।] । च० : प्र० ।

२—[प्र० : के] । द्वि०, वृ०, च० : को ।

३—प्र० : बताई । द्वि० : प्र० [() : बुताई] । [वृ० : बुताई] । च० : प्र० [(न) : न जाई] ।

४—प्र० : सिय बरनिअ तेइ । द्वि० : प्र० । [वृ० : सीय बरनि तेइ] । च० : प्र० [(न) : सियहि बरनि जेहि] ।

सोभा रज्जु मंदरु सिंगारू । मथै पानि पंकज निज मारू ॥

दो०—एहि बिधि उपजै लच्छि जब सुंदरता सुख मूल ।

तदपि सकोच समेत कवि कहहिं सीय समतूल ॥२४७॥

चह्नीं संग लै सखीं सयानी । गावत गीत मनोहर बानी ॥

सोह नवल तनु सुंदर सारी । जगतजननि अतुलित छवि भारी ॥

भूषन सकल सुदेस सुहाए । अंग अंग रचि सखिन्ह बनाए ॥

रंगमूमि जब सिय पगु धारीं । देखि रूप मोहे नर नारीं ॥

हरषि सुरन्ह दूँदुभीं बजाई । बरषि प्रसून अपधरा गाईं ॥

पानि सरोज सोह जयमाला । अबचट चितए सकल भुआला ॥

सीय चकित चित रामहि चाहा । भए मोहबस सब नरनाहा ॥

मुनि समीप देखे दोउ भाई । लगे ललकि लोचन निधि पाई ॥

दो०—गुरजन लाज समाजु बड़ देखि सीय सकुचानि ।

लागि^१ बिलोकन सखिन्ह तन रघुबीरहि उर आनि ॥२४८॥

राम रूपु अरु सिय छवि देखें । नरनारिन्ह परिहरीं निमेषें^२ ॥

सोचहिं सकल कहत सकुचाहीं । बिधि सन बिनय करहिं मन माहीं ॥

हरु बिधि बेगि जनक जड़ताई । मति हमारि^३ असि देहि सुहाई ॥

बिनु बिचार पनु तजि नरनाहू । सीय राम कर करै बिआहू ॥

जगु भल कहिहि भाव सब काहू । हठ कीन्हें अतहुँ उर दाहू ॥

येहिं लालसाँ मगन सबु लोगू । बरु साँवरो जानकी जोगू ॥

तब बंदीजन जनक बोलाए । बिरिदावली कहत चलि आए ॥

कह नृपु जाइ कहहु पन मोरा । चले भाट हिअँ हरषु न थोरा ॥

१—प्र० : लागि । द्वि० : प्र० । [तृ० : लगी] । च० : प्र० [(८) : लगी] ।

२—प्र० : देवें, निमेषें । द्वि० : प्र० । [तृ० : देवी, निमेली] । च० : प्र० [(८) : देवी, निमेली] ।

३—प्र० : हमारि । द्वि०, तृ० : प्र० । च० : प्र० [(६३) : हमार] ।

दो०—बोले बंदी बचन बर सुनहु सकल महिपाल ।

पन बिदेह कर कहहिं हम भुजा उठाइ बिसाल ॥२४६॥
 नृप भुज बलु बिधु सिवधनु राहू । गरुअ कठोर बिदित सब काहू ॥
 रावनु बानु महाभट भारे । देखि सरासन गवाहिं सिधारे ॥
 सोइ पुरारि कोदंडु कठोरा । राज समाज आजु जोइ तोरा ॥
 त्रिभुवन जय समेत बैदेही । बिनहिं बिचार बरै हठि तेही ॥
 सुनि पन सकल भूप अभिलाषे । भटमानी अतिसय मन माषे ॥
 परिकर बाँधि उठे अकुलाई । चले इष्टदेवन्ह सिर नाई ॥
 तमकि ताकि^१ तकि सिवधनु धरहीं । उठै न कोटि भाँति बलु करहीं ॥
 जिन्हकें कछु बिचार मन माहीं । चाप समीप महीप न जाँहीं ॥
 दो०—तमकि धरहिं धनु मूढ़ नृप उठै न चलहिं लजाइ ।

मनहुँ पाइ भट बाहु बलु अधिकु अधिकु गरुआइ ॥२५०॥
 भूप सहस दस एकहिं बारा । लगे उठावन टरै न टारा ॥
 डगै न संभु सरासनु कैसें । कामी बचनु सती मनु जैसें ॥
 सब नृप भए जोगु उपहासी । जैसें बिनु बिराग संन्यासी ॥
 कीरति विजय बीरता भारी । चले चाप कर बरबस हारी ॥
 श्रीहत भए हारि हिअँ राजा । बैठे निज निज जाइ समाजा ॥
 नृपन्ह बिलोकि जनकु अकुलाने । बोले बचन रोष जनु साने ॥
 दीप दीप के भूपति नाना । आए सुनि हम जो पनु ठाना ॥
 देव दनुज धरि मनुज सीरा । बिपुल बीर आए रनधीरा ॥
 दो०—कुँअरि मनोहर विजय बड़ि कीरति अति कमनीय ।

पार्वनहार बिरंचि जनु रचेउ न धनु दमनीय ॥२५१॥
 कहहु काहि येहु लाभु न भावा । काहुँ न संकर चापु चढ़ावा ॥
 रहौ चढ़ाव तोरव भाई । तिलु भरि भूमि न सके छड़ाई^२ ॥

१—प्र० : ताकि । द्वि० : प्र० । [वृ० तमकि] । च० : प्र० [(न) : तमकि] ।

२—प्र० : सके छड़ाई । द्वि० : प्र० [(४) (५) (५अ) : सकेउ छड़ाई] । वृ०, च० : प्र० [(६) : सके उठाई, (न) काहुँ छड़ाई] ।

अब जनि कोउ माखै भट मानी । बीर बिहीन मही मैं जानी ॥
तजहु आस निज निज गृहँ जाहू । लिखा न बिधि वैदेहि बिबाहू ॥
सुकुतु जाइ जौ पनु परिहरऊँ । कुँअरि कुँआरि रहौ का करऊँ ॥
जौ जनतेउँ बिनु भट भुवि भाई । तौ पन करि होतेउँ न हँसाई ॥
जनक बचन सुनि सब नर नारी । देखि जानकिहि भए दुखारी ॥
माखे लषनु कुटिल मैं भौहैं । रदपट फरकत नयन रिसौहैं ॥
दो०—कहि न सकत रघुबीर डर लगे बचन जनु वान ।

नाइ राम पद कमल सिरु बोले गिरा प्रमान ॥२५२॥
रघुबंसिन्ह महुँ जहँ कोउ होई । तेहि समाज अस कहै न कोई ॥
कही जनक जसि अनुचित वानी । बिद्यमान रघुकुल मनि जानी ॥
सुनहु भानुकुल पंकज भानू । कहौ सुभाउ न कछु अभिमानू ॥
जौ तुम्हारि अनुसासन पावौ । कंदुक इव ब्रह्मांड उठावौ ॥
काचे घट जिमि डारौ फोरी । सकौ मेरु मूलक जिमि तोरी ॥
तव प्रताप महिमा भगवाना । कोर बापुरो पिनाकु पुराना ॥
नाथ जानि अस आयेसु होऊ । कौतुक करौ बिलोकिअ सोऊ ॥
कमल नाल जिमि चाप चढ़ावौ । जोजन सत प्रमान लै धावौ ॥
दो०—तोरौ छत्रकदंड जिमि तव प्रताप बल नाथ ।

जौ न करौ प्रभु पद सपथ कर न धरौ धनु भाथ ॥२५३॥
लषन सकोप बचन जबरे बोले । डगमगानि महि दिग्गज डोले ॥
सकल लोक सब भूप डेराने । सिय हिअ हरषु जनकु सकुचाने ॥
गुर रघुपति सब मुनि मन माहीं । मुदित भए पुनि पुनि पुलकाहीं ॥
सयनहिं रघुपति लषनु नेवारे । प्रेम समेत निकट बैठारे ॥

१—प्र० : जिमि । [दि० : इव] । वृ०, च० : प्र० [(८) : इव] ।

२—प्र० : को । दि० : प्र० [(१) (५) (५अ) : का] । [वृ० : वा] । चू० : प्र० [(८) : का] ।

३—प्र० : जब । दि०, वृ०, च० : प्र० [(६अ) : जे] ।

दो०—बोले बंदी बचन बर सुनहु सकल महिपाल ।

पन विदेह कर कहहिं हम भुजा उठाइ बिसाल ॥२४१॥
 नृप भुज बलु बिधु सिवधनु राह । गरुअ कठोर विदित सब काह ॥
 रावनु बानु महाभट भारे । देखि सरासन गवहिं सिधारे ॥
 सोइ पुरारि कोदंडु कठोरा । राज समाज आजु जोइ तोरा ॥
 त्रिभुवन जय समेत वैदेही । बिनहिं बिचार बरै हठि तेही ॥
 सुनि पन सकल भूप अभिलाषे । भटमानी अतिसय मन माषे ॥
 परिकर बाँधि उठे अकुलाई । चले इष्टदेवन्ह सिर नाई ॥
 तमकि ताकि^१ तकि सिवधनु धरहीं । उठै न कोटि भाँति बलु करहीं ॥
 जिन्हकें कल्लु बिचार मन माहीं । चाप समीप महीप न जाँहीं ॥
 दो०—तमकि धरहिं धनु मूढ़ नृप उठै न चलहिं लजाइ ।

मनहु पाइ भट बाहु बलु अधिकु अधिकु गरुआइ ॥२५०॥
 भूप सहस दस एकहिं बारा । लगे उठावन टरै न टारा ॥
 डगै न संसु सरासनु कैसें । कामी बचनु सती मनु जैसें ॥
 सब नृप भए जोगु उपहासी । जैसें बिनु बिराग संन्यासी ॥
 कीरति विजय बीरता भारी । चले चाप कर बरवस हारी ॥
 श्रीहत भए हारि हिअँ राजा । बैठे निज निज जाइ समाजा ॥
 नृपन्ह बिलोकि जनकु अकुलाने । बोले बचन रोष जनु साने ॥
 दीप दीप के भूपति नाना । आए सुनि हम जो पनु ठाना ॥
 देव दनुज धरि मनुज सीरा । बिपुल बीर आए रनधीरा ॥
 दो०—कुँअरि मनोहर विजय बड़ि कीरति अति कमनीय ।

पार्वनिहार बिरंचि जनु रचेउ न धनु दमनीय ॥२५१॥
 कहहु काहि येहु लासु न भावा । काहुँ न संकर चापु चढ़ावा ॥
 रहौ चढ़ाउब तोरव भाई । तिलु भरि भूमि न सके छड़ाई ॥

१—प्र० : ताकि । द्वि० : प्र० । [नृ० तमकि] । च० : प्र० [(५) : तमकि] ।

२—प्र० : सके छड़ाई । द्वि० : प्र० [(४) (५) (५अ) : सकेउ छड़ाई] । नृ०, च० : प्र० [(६) : सके उठाई, (८) काहुँ छड़ाई] ।

अब जनि कोउ माखै भट मानी । बीर बिहीन मही मैं जानी ॥
तजहु आस निज निज गृहँ जाहू । लिखा न विधि वैदेहि बिवाहू ॥
सुकुतु जाइ जौं पनु परिहरऊँ । कुँअरि कुँआरि रहौ का करऊँ ॥
जौं जनतेउँ विनु भट भुवि भाई । तौ पन करि होतेउँ न हँसाई ॥
जनक बचन सुनि सब नर नारी । देखि जानकिहि भए दुखारी ॥
माखे लपनु कुटिल भैं भौहैं । रदपट फरकत नयन रिसौहैं ॥
दो०—कहि न सकत रघुवीर डर लगे बचन जनु बान ।

नाइ राम पद कमल सिरु बोले गिरा प्रमान ॥२५२॥
रघुवंसिन्ह महुँ जहँ कोउ होई । तेहिं समाज अस कहै न कोई ॥
कही जनक जसि अनुचित बानी । विद्यमान रघुकुल मनि जानी ॥
सुनहु भानुकुल पंकज भानू । कहौं सुभाउ न कछु अभिमानू ॥
जौं तुम्हारि अनुसासन पावौं । कंदुक इव ब्रह्मांड उठावौं ॥
काचे घट जिमि डारौं फोरी । सकौं मेरु मूलक जिमि तोरी ॥
तव प्रताप महिमा भगवाना । कोरे बापुरो पिनाकु पुराना ॥
नाथ जानि अस आयेसु होऊ । कौतुक करौ बिलोकिअ सोऊ ॥
कमल नाल जिमि चाप चढ़ावौं । जोजन सत प्रमान लै धावौं ॥
दो०—तोरोँ छत्रकदंड जिमि तव प्रताप बल नाथ ।

जौं न करौं प्रसु पद सपथ कर न धरौं धनु भाथ ॥२५३॥
लषन सकोप बचन जबरे बोले । डगमगानि महि दिग्गज डोले ॥
सकल लोक सब भूप डेराने । सिय हिअँ हरषु जनकु सकुचाने ॥
गुर रघुपति सब मुनि मन माहीं । मुदित भए पुनि पुनि पुलकाहीं ॥
सयनिहि रघुपति लषनु नेवारे । प्रेम समेत निकट बैठारे ॥

१—प्र० : जिमि । [दि० : इव] । तृ०, च० : प्र० [(८) : इव] ।

२—प्र० : को । दि० : प्र० [(१) (५) (५अ) : का] । [तृ० : वा] । चू० : प्र० [(८) : का] ।

३—प्र० : जव । दि०, तृ०, च० : प्र० [(३अ) : जे] ।

विस्वामित्र समय सुभ जानी । बोले अति सनेहमय बानी ॥
 उठहु राम भंजहु भव चापा । भेटहु तात जनक परितापा ॥
 सुनि गुर बचन चरन सिर नावा । हरषु विषादु न कछु उर आवा ॥
 ठाढ़े भए उठि सहज सुभाएँ^१ । ठवनि जुवा मृगराजु लजाएँ ॥
 दो०—उदित उदयगिरि मंच पर रघुवर बाल पतंग ।

विकसे संत सरोज सब हरषे लोचन भृंग ॥२५४॥
 नृपन्ह केरि आसा निसि नासी । बचन नखत अवली न प्रकासी ॥
 मानी महिप कुमुद सकुचाने । कपटी भूप उलूक लुकाने ॥
 भए विसोक कोक मुनि देवा । बरिसहिं सुमन जनावहिं सेवा ॥
 गुर पद बंदि सहित अनुरागा । राम मुनिन्ह सन आयेसु मांगा ॥
 सहजहिं चले सकल जग स्वामी । मत्त मंजु वर कुंजर गामी ॥
 चलत राम सब पुर नर नारी । पुलक पूरि तन भए मुखारी ॥
 बंदि पितर सुर^२ सुकृत सँभारे । जौं कछु पुन्य प्रभाउ हमारे ॥
 तौ सिवधनु मृनाल की नाई । तोरहुँ रामु गनेस गोसाई ॥
 दो०—रामहिं प्रेम समेत लखि सखिन्ह समीप बोलाइ ।

सीता मातु सनेह बस बचन कहै बिलखाइ ॥२५५॥
 सखि सब कौतुकु देखनिहारे । जेउ कहावत हितू हमारे ॥
 कोउ न बुझाई कहै नृप पाहीं । ये बालक असि^३ हठ भलि नाहीं ॥
 रावन बान छुआ नहिं चापा । हारे सकल भूप करि दापा ॥
 सो धनु राजकुंवर कर देही । बाल मराल कि मंदर लेही ॥
 भूप सयानप सकल सिरानी । सखिविधिगतिकछुजाति^४ नजानी ॥
 बोली चतुर सखी मृदु बानी । तेजवंत लघु गनिअ न रानी ॥

१—प्र० : सुभाएँ । दि० : प्र० । [वृ० : सुभाए] च० : प्र० । [(६) : सुभाए] ।

२—प्र० : सुर । दि०, वृ०, च० : प्र० [(६अ) : सब] ।

३—प्र० : असि । [दि० : अस] । वृ० : प्र० । [च० : अस] ।

४—प्र० : कछु जाति । [दि० : कछु जाह] । वृ०, च० : प्र० [(६अ) : कहि जाति] ।

कहँ कुंभज कहँ सिंधु अपारा । सोखेउ सुजसु सकल संसारा ॥
रबिमंडल देखत लघु लागा । उदयँ तासु तिभुवन तम भागा ॥
दो०—मंत्र परम लघु जासु बस बिधि हरि हर सुर सर्व ।

• महा मत्त गजराज कहँ बस कर अंकुस खर्व ॥२५६॥
काम कुसुम धनु सायक लीन्हे । सकल भुवन अपने बस कीन्हे ॥
देवि तजिअ संसउ अस जानी । भंजव धनुषु राम सुनु रानी ॥
सखी बचन सुनि मै परतीती । मिटा बिषादु बढी अति^१ प्रीती ॥
तव रामहि बिलोकि बैदेही । समय हृदयँ बिनवति जेहि तेही ॥
मनहीं मन मनाव अकुलानी । होहु प्रसन्न महेस भवानी ॥
करहु सुकल आपनि सेवकाई । करि हितु हरहु चाप गरुआई ॥
गननायक बरदायक देवा । आजु लगें कीन्हेउँ^२ तुअ^३ सेवा ॥
बार बार बिनती सुनि मोरी । करहु चाप गुरुता अति थोरी ॥
दो०—देखि देखि रघुवीर तन सुर मनाव धरि धीर ।

भरे बितोचन प्रेम जल पुलकावली सरीर ॥२५७॥
नीकें निरखि नयन भरि सोभा । पितु पनु सुमिरि बहुरि मनु जोभा ॥
अहह तात दारुनि हठ ठानी । समुझत नहिँ कछु लाभुं न हानी ॥
सचिव सभय सिख देइ न कोई । बुध समाज बड़ अनुचित होई ॥
कहँ धनु कुलिसहुँ चाहि कठोरा । कहँ स्यामल मृदु गात किसोरा ॥
बिधि केहि भाँति घरौं उर धीरा । सिरिस सुमन कन बेधिअ हीरा ॥
सकल सभा कै मति मै भोरी । अब मोहि संभुचाप गति तोरी ॥
निज जड़ता लोगन्ह पर डारी । होहि हरुअ रघुपतिहि निहारी ॥
अति परिताप सीय मन माहीं । लव निमेष जुग सय^४ सम जाहीं ॥

१—प्र० : बढी अति । [दि० : (३) (४) (५) भई मन, (५अ) भई अति] । तु०, च० : प्र० ।

२—प्र० : कीन्हेउँ । दि० : कीन्हेउँ [(५) : कीन्हेउँ] । तु०, च० : दि० [(८) : कीन्हे तव] ।

३—प्र० : तुअ । दि० : प्र० [(४) : तव] । तु०, च० : प्र० [(८) : तव] ।

४—प्र० : सय । [दि०, तु० : सत] । च० : प्र० [(८) : सम]

दो०—प्रभुहि चितै पुनि चितव^१ महि राजत लोचन लोल ।

खेलत मनसिज मीन जुग जनु बिधुमंडल डोल ॥२५८॥
गिरा अलिनि मुख पंकज रोक्री । प्रगट न लाज निसा अवलोक्री ॥
लोचन जलु रह लोचन कोना । जैसे परम कृपन कर सोना ॥
सकुची व्याकुलता बड़ि जानी । धरि धीरजु प्रतीति उर आनी ॥
तन मन बचन मोर पनु साचा । रघुपति पद सरोज चितु^२ राचा ॥
तौ भगवानु सकल उर बासी । करिहिं मोहिं रघुवर कै दासी ॥
जेहि केँ जेहि पर सत्य सनेह । सो तेहि मिलै न कछु संदेह ॥
प्रभु तन चितै प्रेम पनु ठाना । कृपानिधान रामु सबु जाना ॥
सियहि बिलोकि तकेउ धनु कैसेँ । चितव गरु^३ लघु ब्यालहि जैसेँ ॥
दो०—लषन लखेउ रघुबंस मनि ताकेउ हर कोदंड ।

पुलकि गात बोले बचन चरन चापि ब्रह्मंड ॥२५९॥
दिसि कुंजरहु कमठ अहि कोला । धरहु धरनि धरि धीर न डोला ॥
रामु चहहिं संकर धनु तोरा । होहु सजग सुनि आयेसु मोरा ॥
चाप समीप रामु जब आए । नर नारिन्ह सुर सुकृत मनाए ॥
सब कर संसउ अरु अज्ञानू । मंद महीपन्ह कर अभिमानू ॥
भृगुपति केरि गरव गरुआई । सुर मुनिवरन्ह केरि कदराई ॥
सिय कर सोचु जनक पबितावा । रानिन्ह कर दारुन दुख दावा ॥
संसु चाप बड़ बोहितु पाई । चढ़े जाइ सब संगु बनाई ॥
राम बाहु बल सिंधु अपारु । चहत पारु नहिं कोउ कड़हारु ॥
दो०—राम बिलोके लोग सब चित्र लिखे से देखि ।

चितई सीय कृपायतन जानी बिकल बिसेषि ॥२६०॥

१—प्र० : चितइ पुनि चितव । [द्वि० : चितव पुनि चितव] । वृ०, च० : प्र० ।

२—प्र० : चितु । द्वि० : प्र० [(४) (५) (५अ) : मन] । वृ० : मन] । च० : प्र० [(३) : मन] ।

३—प्र० : गरु । द्वि० : प्र० [(४) (५) (५अ) : गरुड] । वृ० : गरुड] । च० : प्र० [(८) : गरुड] ।

देखी बिपुल विकल^१ बैदेही । निमिष बिहात कलप सम तेही ॥
 तृषित बारि बिनु जो तनु त्यागा । मुएँ करै का सुधा तड़ागा ॥
 का^२ बरषा सब^३ कृषी सुखाने । समय चुकै पुनि का पछिताने ॥
 अस जिअँ जानि जानकी देखी । प्रभु पुलके लखि प्रीति बिसेषी ॥
 गुरहि प्रनामु मनहिं मन कीन्हा । अति लाषवँ उठाइ धनु लीन्हा ॥
 दमकैउ दामिनि जिमि जव लएऊ । पुनि नभ धनु^४ मंडल सम भएऊ ॥
 लेत चढ़ावत खैंचत गाढ़े । काहुँ न लखा देख सबु ठाढ़े ॥
 तेहि छन राम मध्य धनु तोरा । भरेउ भुवन धुनि घोर कठोरा ॥
 छं०—भरे भुवन घोर कठोर रव रबि बाजि तजि मारगु चले ।

चिक्करहिं दिग्गज डोल महि अहि कोल क्रूरम कलमले ॥

सुर असुर मुनि कर कान दीन्हे सकल विकल बिचारहीं ।

कोदंड खंडेउ राम तुलसी जयति बचन उचारहीं ॥

सो०—संकर चापु जहाजु सागरु रघुबर बाहु बलु ।

बूड़ सो^४ सकल समाजु चढ़ा^५ जो प्रथमहि मोह बस ॥२६१॥
 प्रभु दोउ चाप खंड महि डारे । देखि लोग सब भए सुखारे ॥
 कौसिकरूप पयोनिधि पावन । प्रेम बारि अवगाह सुहावन ॥
 रामरूप राकेसु निहारी । बढ़त बीच पुलकावलि भारी ॥
 बाजे नभ गहगहे निसाना । देवबधू नाचहिं करि गाना ॥
 ब्रह्मादिक सुर सिद्ध मुनीसा । प्रभुहि प्रसंसहि देहिं असीसा ॥
 बरिसहिं सुमन रंग बहु माला । गावहिं किन्नर गीत रसाला ॥
 रही भुवन भरि जय जय बानी । धनुष भंग धुनि जात न जानी ॥

१—प्र० : बिपुल विकल । [दि० : विकल अतिहि] । तृ०, च० : प्र० ।

२—[प्र० : को] । दि०, तृ०, च० : का ।

३—प्र० : सब । दि० : प्र० [(५) : जव] । [तृ० : जव] । च० : प्र० [(न) : जौ] ।

४—प्र० : बूड़ सो । [दि० : (३) (४) बूड़ा, (५) बूड़े, (५अ) बूड़ेउ] । [तृ० : बूड़े] ।
 च० : [(न) : बूड़े] ।

५—प्र० : चढ़ा । दि० : प्र० [(५) चढ़े, (५अ) चढ़ेउ] । [तृ० : चढ़े] । च० : प्र० [(६) (न) : चढ़े०] ।

मुदित कहहिं जहँ तहँ नर नारी । भंजेउ राम संभुधनु भारी ॥
दो०—बंदी मागध सूत गन विरिद बढहिं मतिधीर ।

करहिं निष्ठावरि लोग सब हय गय धन मनि चीर ॥२६२॥
भाँझि मृदंग संख सहनाई । भेरि ढोल दुंदुभी सुहाई^१ ॥
बाजहिं बहु बाजने सुहाए । जहँ तहँ जुवतिन्ह मंगल गाए ॥
सखिन्ह सहित हरषीं सब रानी । सूखत धानु परा जनु पानी ॥
जनक लहेउ सुखु सोचु बिहाई । पैरत थकें थाह जनु पाई ॥
श्रीहत भए भूप धनु टूटैं । जैसे दिवस दीप छवि छूटैं ॥
सीय सुखहि बरनिअ केहि भाँती । जनु चातकी पाइ जनु स्वाती ॥
रामहिं लखनु बिलोकत कैसें । ससिहि चकोर किसोरकु जैसें ॥
सतानंद तब आयेसु दीन्हा^२ । सीता गमनु राम पहिं कीन्हा^३ ॥
दो०—संग सखी सुंदरि चतुर गावहिं मंगलचार ।

गवनी बाल मगल गति सुषमा अंग अपार ॥२६३॥
सखिन्ह मध्य सिय सोहति कैसी । छवि गन मध्य महाछवि जैसी ॥
कर सरोज जयमाल सुहाई । बिस्व विजय सोभा जेहि छाई ॥
तन सकोचु मन परम उडाहू । गूढ़ प्रेमु लखि परै न काहू ॥
जाइ समीप राम छवि देखी । रहै जनु कुँअरि चित्र अवरेखी ॥
चतुर सखी लखि कहा बुझाई । पहिरावहु जयमाल सुहाई ॥
सुनत जुगल कर माल उठाई । प्रेम बिबस पहिराइ न जाई ॥
सोहत जनु जुग जलज सनाला । ससिहि समीत देत जयमाला ॥
गावहिं छवि अवलोकि सहेली । सिय जयमाल राम उर मेली ॥
सो०—रघुवर उर जयमाल देखि देव बरिसहिं सुमन ।

सकुचे सकल भुआल जनु बिलोकि रवि कुमुद गन ॥२६४॥

१—प्र० : दुंदुभी सुहाई । दि० : प्र० । [तु० : दुंदुभी बजाई] । च० : प्र० ।

२—प्र० : अति । दि०, तु० : प्र० । च० : सब ।

३—प्र० : क्रमशः दीन्ही, दीन्ही । दि० : प्र० [(४) (५) (५अ) : दीन्हा, कीन्हा] ।
तु० : प्र० । च० : कीन्ही, कीन्ही ।

पुर अरु व्योम बाजने बाजे । खल भए मलिन साधु सब राजे ? ॥
 सुर किन्नर नर नाग मुनीसा । जय जय जय कहि देहिं असीसा ॥
 नाचहिं गावहिं विबुध बधूटी । बार बार कुसुमांजलि र छूटी ॥
 जहँ तहँ विप्र वेद धुनि करहीं । वंदी विरिदावलि उच्चगहीं ॥
 महि पातालु नाकुरे जसु ब्यापा । राम बरी सिय भंजेउ चापा ॥
 करहिं आरती पुर नर नारी । देहिं निद्यावरि बित्त बिसारी ॥
 सोहति^४ सीय राम कै जोरी । छवि सिंगारु मनहुँ एक ठोरी ॥
 सखी कहहिं प्रभु पद गहु सीता । करति न चरन परस अति भीता ॥
 दो०-गौतम तिअ गति सुरति करि नहिं परसति पग पानि ।

मन बिहसे रघुवंसमनि प्रीति अलौकिक जानि ॥२६५॥
 तब सिय देखि भूप अभिलाषे । कूर कपूत मूढ़ मन माषे ॥
 उठि उठि पहिरि सनाह अभागे । जहँ तहँ गाल बजावन लागे ॥
 लेहु छड़ाइ सीय कह कोऊ । धरि बाँधहु नृप बालक दोऊ ॥
 तोरें धनुष चाँड़ नहिं सरई । जीवत हमहिं कुँअरि को बरई ॥
 जौं बिदेहु कछु करै सहाई । जीतहु समर सहित दोउ भाई ॥
 साधु भूप बोले सुनि बानी । राज समाजहि लाज लजानी ॥
 बलु प्रतापु बीरता बड़ाई । नाक पिनाकहि संग सिधाई ॥
 सोइ सूरता कि अब कहूँ पाई । असि बुधि तौ बिधि मुहुँ मसि लाई ॥
 दो०-देखहु रामहि नयन भरि तजि इरषा महु कोहु^५ ।

लषन रोषु पावकु प्रबलु जानि सलम जनि होहु ॥२६६॥
 बैनतेय बलि जिमि चह कागू । जिमि सजु^६ चहहि नागअरि भागू ॥

१-प्र० : राजे । द्वि० : प्र० । [वृ० : गाजे] । च० : प्र० [(न) : गाजे] ।

२-प्र० : कुसुमांजलि । [द्वि० : कुसुमावलि] । वृ० : प्र० । च० : प्र० [(न) : कुसुमानलि] ।

३-प्र० : नाक । [द्वि० : व्योम] । वृ० : प्र० च० : प्र० [(न) : नभ सह] ।

४-प्र० : सोहति । द्वि० : प्र० । [वृ० : सोहत] । च० : प्र० ।

५-प्र० : कोहु । [द्वि०, वृ० : मोहु] । च० : प्र० : [(न) : मोहु] ।

६-प्र० : सजु [(न) : सिख] । द्वि०, वृ०, च० : प्र० ।

जिमि चह कुसल अकारन कोही । सब संपदा चहै सिव द्रोही ॥
 लोभलोलुप कल^१ कीरति चहई । अकलंकता कि कामी लहई ।
 हरि पद बिमुख परां गति^२ चाहा । तस तुम्हार लालचु नरनाहा ॥
 कोलाहलु सुनि सीय सकानी । सखीं लेबाइ गई जहँ रानी ॥
 राम सुभाय चले गुर पाहीं । सिथ सनेहु बरनत मन माहीं ॥
 रानिन्ह सहित सोच बस सीया । अब धौं बिधिहि काह करनीया ॥
 भूप बचन सुनि इत उत तकहीं । लषनु राम डर बोलि न सकहीं ॥
 दो०—अरुन नयन भृकुटी कुटिल चितवत नृपन्ह सक्रोप ।

मनहुँ मत्त गज गन निरखि सिंध किसोरहि^३ चोप ॥२६७॥
 खरभर देखि बिकल पुर नारीं^४ । सब मिलि देहिं महीपन्ह गारीं ॥
 तेहि अवसर सुनि सिवधनु भंगा । आउए भृगुकुल कमल पतंगा ॥
 देखि महीप सकल सकुचाने । बाज भूपट जनु लवा लुकाने ॥
 गौर सरीर भूति भलि आज्ञा । भाल बिसाल त्रिपुंड बिराजा ॥
 सीस जटा ससि बदन सुहावा । रिस बस कल्युक्त अरुन होइ आवा ॥
 भृकुटी कुटिल नयन रिस^५ राते । सहजहुँ चितवत मनहुँ रिसाते ॥
 वृषभ कंध उर बाहु बिसाला । चारु जनेउ माल^६ मृगबाला ॥
 कटि मुनिबसन तून दुइ बाँधे । धनु सर कर कुठार कल काँधे ॥
 दो०—सांत बेषु करनी कठिन बरनि न जाइ सरूप ।

धरि मुनि तनु जनु बीर रसु आएउ जहँ सब भूप ॥२६८॥

१—प्र० : लोभलोलुप कल । [द्वि०, वृ० : लोभी लोलुप] । च० : प्र० [(न) : लोभी लोलुप] ।

२—प्र० : परां गति । [द्वि० : सुगति जिमि] । [वृ० : परम गति] । [च० : (इअ) परम गति, (न) परम पद] ।

३—प्र० : किसोरहि । द्वि०, वृ०, च० : प्र० [(इअ) : किसोरहु] ।

४—प्र० : पुर नारीं । [द्वि०, वृ० : नर नारीं] । च० : प्र० [(न) : नर नारीं] ।

५—प्र० : रिस । [द्वि० : रिसि] । वृ० : प्र० । [च० : रिसि] ।

६—प्र० : जनेउ माल । द्वि० : प्र० [(३) (४) (५) : जनेऊ कटि] । वृ०, च० : प्र० ।

देखत भृगुपति वेपु कराळा । उठे सकल भय विकल भुआळा ॥
 पितु समेत कहि कहि निज नामा । लगे करन सब दंड प्रनामा ॥
 जेहि सुभायँ चितवहिं हितु जानी । सो जानै जनु आई^१ खुटानी ॥
 जनक बहोरि आई सिरु नावा । सीय बोलाइ प्रनामु करावा ॥
 आसिष दीन्हि सखीं हरषानीं । निज समाज लै गई सयानीं ॥
 बिस्वामित्र मिले पुनि आई । पद सरोज मेले दोउ भाई ॥
 रामु लषनु दसरथ के ढोटा । दीन्हि असीस देखि भल जोटा ॥
 रामहिं चितै रहे थकि लोचन । रूपु अपार मार मद मोचन ॥
 दो०—बहुरि बिलोकि बिदेह सन कहहु काह अति भीर ।

पूँछत जानि अजान जिमि ब्यापेउ कोपु सरीर ॥२६६॥
 समाचार कहि जनक सुनाए । जेहि कारन महीप सब आए ॥
 सुनत बचन फिरि^२ अनत निहारे । देखे चाप खंड महि डारे ॥
 अति रिस बोले बचन कठोरा । कहु जइ जनक धनुष कै^३ तोरा ॥
 बेगि देखाउ मूढ़ न त आजू । उलटौं महि जहाँ लगि^४ तव राजू ॥
 अति डरु उतरु देत नृप नाही । कुटिल भूप हरषे मन माहीं ॥
 सुर मुनि नाग नगर नर नारो । सोचहिं सकल त्रास उर भारी ॥
 मन पछिताति सीय महतारी । विधि ग्रव सवैरी^५ बात बिगारी ॥
 भृगुपति कर सुभाउ सुनि सीता । अरध निनेप कलप सम बीता ॥
 दो०—सभय बिलोके लोग सब जानि जानकी भीरु ।

हृदयँ न हरषु बिषादु कछु बोले श्री रघुवीरु ॥२७०॥
 नाथ संभु धनु भंजनहार । होइहि केउ एक दास तुम्हारा ॥

१—प्र० : आई । द्वि० : प्र० [(·) : आयु] । च० : प्र० ।

२—प्र० : फिरि । द्वि० : प्र० । [वृ० : तव] । च० : प्र० ।

३—प्र० : कै । द्वि० : प्र० [(५अ) : केहि] । [वृ० : कौं] । च० : प्र० [(८) : केइ] ।

४—[प्र० : लहि] । द्वि०, वृ०, च० : लगि ।

५—प० : अथ सँवरी । द्वि० : प्र० [(३) (४) (५) : सँवरी सब] । वृ०, च० : प्र० ।

आयेसु काह कहिअ किन मोही । सुनि रिसाइ बोले सुनि कोही ।
 सेवकु सो जो करै सेवकाई । अरि करनी करि करिअ लराई ॥
 सुनहु राम जेहिं सिव धनु तोरा । सहसबाहु सम सो रिपु मोरा ॥
 सो बिलागाउ बिहाइ समाजा । न त मारे जैहहिं सब राजा ॥
 सुनि सुनि बचन लखनु मुसुगाने । बोले परसुघरहि अपमाने ॥
 बहु धनुहीं तोरीं लरिकाई । कबहुँनअसि रिसकीन्हि गोसाई ॥
 येहि धनु पर ममता केहि हेतू । सुनि रिसाइ कह भृगुकुलकेतू ॥
 दो०—रे नृप बालक काल बस बोलत तोहि न सँभार ।

धनुहीं सम निपुरारि धनु विदित सकल संसार ॥२७१॥
 लखन कहा हँसि हमरें जाना । सुनहु देव सब धनुष समाना ॥
 का छति लाभु जून धनु तोरें । देखा राम नए२ के भोरें ॥
 छुवत दूट रघुपतिहु न दोसू । मुनि बिनु काज करिअ कत रोसू ॥
 बोले चितै परसु की ओरा । रे सठ सुनेहि सुभाउ न मोरा ॥
 बालकु बोलि बघौं नहिं तोही । केवल मुनि जड़ जानहि३ मोही ॥
 बाल ब्रह्मवारी अति कोही । विश्व विदित छत्रिय कुल द्रोही ॥
 भुज बल भूमि भूप बिनु कीन्ही । विपुल बार महिदेवन्ह दीन्ही ॥
 सहसबाहु भुज ब्देनिहारा । परसु बिलोकु महीप५ कुमारा ॥
 दो०—मातु पितहि जनि सोत्र बस करसि६ महीप५ किसोर ।

गर्भन्ह के अर्भक दलन परसु मोर अतिघोर ॥२७२॥
 बिहसि लखनु बोले मृदु बानी । अहो सुनीसु महा भटमानी ॥
 पुनि पुनि मोहि देखाव कुठारू । चहत उड़ावन फूँकि पहारू ॥

१—प्र० : तुम्ह । द्वि० : प्र० । तृ० : असि । च० : तृ० ।

२—प्र० : नए । द्वि० : प्र० [(५अ) : नयन] । तृ०, च० : प्र० [(६अ) : नयन] ।

३—प्र० : जानहि । द्वि० : प्र० [(५) : जानेदि] । तृ०, च० : प्र० [(८) : जानेसि] ।

४—प्र० : करसि । [द्वि० : करहि] । तृ०, च० : प्र० ।

५—प्र० : महीस । द्वि० : महीप । तृ०, च० : द्वि० [(८) : न भूर] ।

इहाँ कुम्हड़बतिआ कोउ नाही । जे तरजनी देखि मरि जाहीं ॥
देखि कुठारु सरासन बाना । मैं कछु कहा सहित अभिमाना ॥
भृगुकुल समुझि जनेउ बिलोकी । जो कछु कहहु सहौं रिस रोकी ॥
सुर महिसुर हरिजन अरु गाई । हमरें कुल इन्ह पर न सुगई ॥
बधैं पापु अपकीरति हारैं । मारतहैं पाँ परिश्र तुम्हारैं ॥
कोटि कुलिस सम बचनु तुम्हारा । व्यर्थ धरहु धनु बान कुठारा ॥

दो०—जो बिलोकि अनुचित कहेउँ छमहु महा मुनि धीर ।

मुनि सोष भृगुबंस मनि बोले गिरा गँभीर ॥२७३॥

कौसिक सुनहु मंद येहु बालकु । कुटिल काल बस निज कुलघालकु ॥
भानु बंस राकेस कलंकू । निपट निरंकुसु अबुधु असंकू ॥
काल कवलु होइहि छन माहीं । कहौं पुकारि खोरि मोहि माहीं ॥
तुम्ह हटकहु जौं चहहु उबारा । कहि प्रतापु बजु रोषु हमारा ॥
लषन कहेउ मुनि सुजस तुम्हारा । तुम्हहिं अछन को बरनै पारा ॥
अपने मुख तुम्ह आपनि करनी । बार अनेक भाँति बहु बरनी ॥
नहिं संतोषु तौ पुनि कछु कहहु । जनि रिस रोकि दुसइ दुख सहहु ॥
बीरव्रती तुम्ह धीर अछोभा । गारी देत न पावहु सोभा ॥

दो०—सूर सपर करनी करहिं कहि न जनावहिं आपु ।

बिद्यमान रन पाइ रिपु कायर करहिं प्रतापु १ ॥२७४॥

तुम्ह तौ कालु हाँक जनु लावा । बार बार मोहि लागि बोलावा ॥
सुनत लखन कैं बचन कठोरा । परसु सुवारि धरेउ कर घोरा ॥
अब जनि देइ दोसु मोहि लोगू । कटुबादी बालकु बध जोगू ॥
बाल बिलोकि बहुत मैं बाँचा । अब येहु मरनिहार भा साँचा ॥
कौसिक कहा छमिअ अपराधू । बाल दोष गुन गनहिं न साधू ॥

कर^१ कुठार में अकरन^२ कोही । आगेँ अपराधी गुर द्रोही ॥
 उतर देत छाड़ौं विनु मारें । केवल कौसिक सील तुम्हारेँ ॥
 न त एहि काटि कुठार कठोरें । गुहि उरिन होतेउँ श्रम थोरें ॥
 दो०—गाधिसून^३ कह हृदयँ हँसि मुनिहि हरिअरइ^४ सूझ ।

अयमय खाँड^५ न ऊखमय अजहुँ न बूझ अबूझ ॥२७५॥
 कहेउ लखन मुनि सीलु तुम्हारा । को नहिँ जान बिदित संसारा ॥
 माता पितहि उरिन भए नीकें । गुर रिनु रहा सोचु बड़ जी कें ॥
 सो जनु हमरेहिँ मार्यें काढ़ा । दिन चलि गएउ ब्याज बहु बाढ़ा ॥
 अब आनिअ व्यवहरिआ बोली । तुरत देउँ मैं थैली खोली ॥
 सुनि कटु वचन कुठार सुधारा । हाय हाय सब सभा पुकारा ॥
 भृगुवर परसु देखावहु मोही । बिप्र विचारि बचौ नृप द्रोही ॥
 मिले न कबहुँ सुभट रन गाढ़े । द्विज देवता घरहिँ के बाढ़े ॥
 अनुचित कहि सब लोग पुकारे । रघुपति सैनहि लखनु नेवारे ॥
 दो०—लखन उतर आहुति सरिस भृगुवर कोपु कृसानु ।

बढ़त देखि जल सम वचन बोले रघुकुल भानु ॥२७६॥
 नाथ करहु बालक पर छोह । सूध दूधमुख करिअ न कोह ॥
 जौं पै प्रभु प्रभाउ कछु जाना । तौ कि बराबरि करै अयाना ॥
 जौं लरिका कछु अचगरि करहीं । गुर पितु मातु मोद मन भरहीं ॥
 करिअ कृपा सिसु सेवकु जानी । तुम सम सील धीर मुनि ज्ञानी ॥
 राम वचन सुनि कछुक जुड़ने । कहि कछु लखन बहुरि मुसुकाने ॥

१—प्र० : कर । द्वि०, तृ०, च० : प्र० [(६अ) : खर] ।

२—[प्र० : अकरन] । [द्वि० : अकरन] । तृ० : अकरन । च० : तृ० [(८) : अकरन] ।

३—प्र० : गाधिसून । द्वि० : प्र० । [तृ० : गाधिसुवन] । च० : प्र० [(८) : गाधिसुवन] ।

४—प्र० : हरिअरइ । द्वि० : हरियरइ । तृ०, च० : द्वि० ।

५—प्र० : खाँड । द्वि० : प्र० [(४) : खंड] । तृ०, च० : प्र० [(८) : खंड] ।

हँसत देखि नखसिख रिस व्यापी । राम तोर आता बड़ पापी ॥
गौर सरीर स्याम मन माहीं । कालकूट मुख पयमुख नाहीं ॥
सहज टेढ़ अनुहरै न तोही । नीचु मीचु सम देख न मोही ॥
दो०—लखन कहेउ हँसि सुनहु मुनि क्रोधु पाप कर मूल ।

जेहि बस जन अनुचित करहिं चरहिं^१ विस्व प्रतिकूल ॥२७७॥
मैं तुम्हार अनुचर मुनिराया । परिहरि कोप करिअ अब दाया ॥
टूट चाप नहिं जुरिहि रिसाने । बैठिअ होइहिं पाय पिराने ॥
जौं अति प्रिय तौ करिअ उपाई । जोरिअ कोउ बड़ गुनी बोलाई ॥
बोलत लखनहि जनकु डेराहीं । मष्ट करहु अनुचित भल नाहीं ॥
थर थर काँपहिं पुर नर नारी । छोट कुमार खोट अति^२ भारी ॥
भृगुपति सुनि सुनि निरभय बानी । रिस तनु जरै होइ बल हानी ॥
बोले रामहि देइ निहोरा । बचौं बिचारि बंधु लघु तोरा ॥
मन मलीन तनु सुंदर कैसें । बिष रस भरा कनक घटु जैसें ॥
दो०—सुनि लखिमनु बिहसे बहुरि नयन तरेरे राम ।

गुर समीप गवने सकुचि^३ परिहरि बानी बाम ॥२७८॥
अति विनीत मृदु सीतल बानी । बोले रामु जोरि जुग पानी ॥
सुनहु नाथ तुम्ह सहज सुजाना । बालक बचनु करिअ नहिं काना ॥
बररै बालकु एकु सुमाऊ । इन्हहिं न बिदुष बिदूषहिं काऊ ॥
तेहिं नाहीं कछु काज बिगारा । अपराधी मैं नाथ तुम्हारा ॥
कृपा कोपु बधु बंधु^४ गोसाई । मो पर करिअ दास की नाई ॥
कहिअ बेगि जेहिं बिधि रिस जाई । मुनिनायक सोइ करौं^५ उपाई ॥
कह मुनि राम जाइ रिस कैसें । अजहुँ अनुज तव चितव अनैसैं ॥

१—प्र० : करहिं । [द्वि० : होहिं] । [तृ० : परहिं] । च० : प्र० [(८) : जेन्है] ।

२—प्र० : अति । द्वि०, तृ०, च० : प्र० [(६अ) : बड़] ।

३—प्र० : सकुचि । [द्वि० : बहुरि] । तृ०, च० : प्र० ।

४—[प्र० : बंधे] । द्वि० : बंधु । तृ०, च० : द्वि० [(६अ) : बंधे] ।

५—प्र० : करौं । [द्वि० : करिअ] । च० : प्र० [(८) : करहु] ।

एहि कैं कंठ कुठारु न दीन्हा । तौ मैं काह कोपु करि कीन्हा ॥

दो०—गर्भ सवहिं अबनिप रवनि सुनि कुठार गति घोर ।

परसु अछत देखौं जिअत बैरी भूप किसोर ॥२७६॥

बहै न हाथु दहै रिस छाती । भा कुठार कुंठित नृपघाती ॥

भएउ बाम बिधि फिरेउ सुभाऊ । मोरे हृदयँ कृपा कसि काऊ ॥

अजु दया^१ दुखु दुसह सहावा । सुनि सौमित्रि बिहसि सिरु नावा ॥

बाउ कृपा मूरति अनुकूला । बोलत बचन भरत जनु फूला ॥

जौ पै कृपाँ जरहिं मुनि गाता । क्रोधु मएँ तनु राखु बिधाता ॥

देखु जनकु हठि बालकु येहू । कीन्ह चहत जडु, जमपुर गेहू ॥

बेगि करहु किन आँखिन्ह ओटा । देखत छोट खोट नृप ढोटा ॥

बिहसे लखनु कहा मन माहीं । मूँदें आँखि कतहुँ कोउ नाहीं ॥

दो०—परसुरामु तब राम प्रति बोले उर अति क्रोधु ।

संभु सरासनु तोरि सठ करसि हमार प्रबोधु ॥२८०॥

बंधु कहै कटु संमत तोरे । तूं छल बिनय करसि कर जोरे ॥

करु परितोषु मोर संग्रामा । नाहिं त छाडु, कहाउब रामा ॥

छलु तजि करहि समरु सिवद्रोही । बंधु सहित न त मारौं तोही ॥

भृगुपति बकहिं कुठारु उठाए । मन मुसुकाहिं रामु सिर नाए ॥

गुनहु लखन कर हम पर रोषू । कतहुँ सुधाइहु तैं बड़ दोषू ॥

टेढ़ जानि संका सबर काहू । बक चंद्रमहि असै न राहू ॥

राम कहेउ रिस तजिअ मुनीसा । कर कुठारु आगे यह सीसा ॥

जेहि रिस जाइ करिअ सोइ स्वामी । मोहि जानिअ आपन अनुगामी ॥

दो०—प्रभुहि सेवकहि समरु कस तजहु बिप्रवर रोसु ।

बेषु बिलोकैं कहेसि कछु बालक हूँ^३ नहिं दोसु ॥२८१॥

१—प्र०, दि०, तृ०, च० : दया [(६) : दैव] ।

२—प्र० : संका सब । दि०, तृ० च० : प्र० [(६अ) : सब बदै.] ।

३—प्र० : बालक हूँ । दि०, तृ०, च० : प्र० [(६अ) : बालक] ।

देखि कृठारु बान धनु धारी । मै लरकहि रिस बीरु बिचारी ॥
 नामु जान पै तुम्हहि न चीन्हा । बंस सुभायँ उतर तेहि दीन्हा ॥
 जौं तुम्ह औतेहु मुनि की नाई । पद रत्न सिर सिसु धरत गोसाईं ॥
 छमहु चूक अनजानत केरी । चहिअ बिप्र उर कृपा घनेरी ॥
 हमहिं तुम्हहिं सरवरि कस नाथा । कहहु न कहाँ चरन कहँ माथा ॥
 राम मात्र लघु नाम हमारा । परसु सहित बड़ नाम तुम्हारा ॥
 देव एकु गुनु धनुष हमारें । नव गुन परम पुनीत तुम्हारें ॥
 सब प्रकार हम तुम्ह सन हारे । छमहु बिप्र अपराध हमारे ॥
 दो०—बार बार मुनि बिप्रवर कहा राम सन राम ।

बोले भृगुपति सरुष हसि तहूँ बंधु सम बाम ॥२८२॥
 निपटहि द्विज करि जानहि मोही । मैं जस बिप्र सुनावौं तोही ॥
 चाप सुवा सर आहुति जानू । कोपु मोर अति घोर कृसानू ॥
 समिधि सेन चतुरंग सुहाई । महा महीप भये पसु आई ॥
 मैं येहिं परसु काटि बलि दीन्हे । समर जग्य जग१ कोटिन्ह कीन्हे ॥
 मोर प्रभाउ विदित नहिं तोरें । बोलसि निदरि बिप्र कै भोरें ॥
 भंजेउ चापु दापु बड़ बाढ़ा । अहमिति मनहु जीति जगु ठाढ़ा ॥
 राम कहा मुनि कहहु बिचारी । रिस अति बड़ि लघु चूक हमारी ॥
 छुवतहिं दूट पिनाकु पुराना । मैं केहि हेतु करौं अभिमाना ॥
 दो०—जौं हम निदरहिं बिप्र बदि सत्य सुनहु भृगुनाथ ।

तौ अस को जग सुभट्ट जेहि भयवस नावहिं माथ ॥२८३॥
 देव दनुज भूपति भट नाना । समबल अधिक होउ बलवाना ॥
 जौं रन हमहि प्रचारै कोऊ । लरहिं सुखेन कालु किन होऊ ॥
 छत्रिय तनु धरि समर सकाना२ । कुल कलंकु तेहि पाँवर आना३ ॥

१—प्र० : जग । द्वि०, तृ०, च० : प्र० [(६अ) : जप] ।

२—प्र० : डेराना । द्वि० : सकाना । तृ०, च० : द्वि० ।

३—प्र० : आना । द्वि० : प्र० । [तृ०, च० : जाना] ।

कहाँ सुभाउ न कुलहि प्रसंसी । कालहु डरहिं न रन रघुवंसी ॥
 बिप्र बंस कै असि प्रभुताई । अभय होइ जो तुम्हहि डराई ॥
 सुनि मृदु गूढ़ वचन रघुपति के । उधरे पटल परसुधर मति के ॥
 राम रमामति कर धनु लेह । खैंचहु मिटै मोर संदेह ॥
 देत चापु आपुहि चलि गएऊ । परसुराम मन विसमय भएऊ ॥
 दो०—जाना राम प्रभाउ तब पुलक प्रफुल्लित गात ।

जोरि पानि बोले वचन हृदयँ न प्रेमु अमात^१ ॥२८४॥
 जय रघुवंस बनज बन भानू । गहन दनुज कुल दहन कृसानू ॥
 जय सुर बिप्र धेनु हितकारी । जय मद मोह कोह भ्रम हारी ॥
 विनय सील करुना गुन सागर । जयति वचत रचना अतिनागर ॥
 सेवक सुखद सुभग सब अंगा । जय सरीर छवि कोटि अनंगा ॥
 करौ काह^२ मुख एक प्रसंसा । जय महेस मन मानस हंसा ॥
 अनुचित बहुत^३ कहेउँ अज्ञाता । ब्रह्म ब्रह्मा मंदिर दोउ आता ॥
 कहि जय जय जय रघुकुल केतू । भृगुपति गए बनहि तप हेतू ॥
 अपभयँ कुटिल महीप डेराने । जहँ तहँ कायर गँवहि हराने ॥
 दो०—देवन्ह दीन्ही दुंदुभी प्रभु पर बरषहिं फूल ।

हरषे पुर नर नारि सब मिटी^४ मोहमय सूल ॥२८५॥
 अति गहगहे बाजने बाजे । सबहिं मनोहर मंगल साजे ॥
 जूथ जूथ मिलि सुमुखि सुनयनी । करहिं गान कल कोकिल बयनी ॥
 सुख बिदेह कर बरनि न जाई । जन्म दरिद्र मनहुँ निधि पाई ॥
 बिगत त्रास भइ^५ सीय सुखारी । जनु विधु उदयँ चकोरकुमारी ॥

१—प्र० : अमात । [दि० : समात] । तु०, च० : प्र० [(न) : समात] ।

२—प्र० : काह । [दि० : कहा] । तु०, च० : प्र० ।

३—प्र० : बहुत । दि०, तु०, च० : प्र० [(६अ) : वचन] ।

४—प्र० : मिटी । दि० : प्र० । [तु० : मिटा] । च० : प्र० [(न) : मिटा] ।

५—प्र० : भइ [(२) : भय] । [दि० : भय] । तु०, च० : प्र० ।

जनक कीन्ह कौसिकहि प्रनामा । प्रसु प्रसाद धनु भंजेउ रामा ॥
मोहि कृतकृत्य कीन्ह दुहुँ भाई । अब जो उचित सो कहिअ गोसाई ॥
कह मुनि सुनु नरनाथ प्रवीना । रहा विवाहु चाप आधीना ॥
टूटत हीं धनु भएउ विवाह । सुर नर नाग विदित सब काहूँ ॥
दो०—तदपि जाइ तुम्ह करहु अब जथा बंस व्यवहार ।

बूझि विभ कुलवृद्ध गुर बेद विदित आचार ॥२८६॥
दूत अवधपुर पठवहु जाई । आनहिं नृप दसरथहि बोलाई ॥
मुदित राउ कहि भलेहिं कृपाला । पठए दूत बोलि तेहिं काला ॥
बहुरि महाजन सकल बोलाए । आइ सर्वन्ह सादर सिर नाए ॥
हाट बाट मंदिर सुरबासा । नगरु सर्वोरहु चारिहु पासा ॥
हरषि चले निज निज गृह आए । पुनि परिचारक बोलि पठाए ॥
रचहु विचित्र बितान बनाई । सिर धरि बचन चले सचु पाई ॥
पठए बोलि गुनी तिन्ह नाना । जे बितान विधि कुमल सुजाना ॥
विधिहि बंदि तिन्ह कीन्ह अरंभा । विरचे कनक केदलि के खंभा ॥
दो०—हरित मनिन्ह के पत्र फल पदुमराग के फूल ।

रचना देखि विचित्र अति मनु बिरंचि कर भूल ॥२८७॥
बेनु हरित मनिमय सब कीन्हे । सरल सपरव^१ परहिं नहिं चीन्हे ॥
कनक कलित अहिबेलि बनाई । लखि नहिं परै सगरन सोहाई ॥
तेहि कें रचि पचि बंध बनाए । विच विच सुकुता दाम सुहाए ॥
मानिक मरकत कुलिस पिरोजा । चीरि कोरि पचि रचे सरोजा ॥
किए भुंग बहु रंग बिहंगा । गुंजहिं कूजहिं पवन प्रसंगा ॥
सुरप्रतिमा खंभन्ह गढ़ि काढ़ी । मंगल द्रव्य लिए सब ठाढ़ी ॥
चौकैं भाँति अनेक पुराई । सिंधुर मनि मय सहज सुहाई ॥

१—प्र० : सपरव । द्वि० : प्र० [(१) (४) : सपरन] । [वृ० : सपरन] । च० : प्र०
[(८) : सपत्र] ।

दो०—सौरभ पल्लव सुभग सुठि किए नीलमनि कोरि ।

हेम बौरु मरकत घवरि लसति पाटमय डोरि ॥२८८॥

रचे रुचिर बर बंदनिवारे । मनहुँ मनोभव फंद सँवारे ॥

मंगल कलस अनेक बनाए । ध्वज पताक पट चमर सुहाए ॥

दीप मनोहर मनिय नाना । जाइ न बरनि बिचित्र बिताना ॥

जेहि मंडप दुलहिनि बैदेही । सो बरनै असि मति कवि केहीं ॥

दूलहु रामु रूप गुन सागर । सो बितानु तिहुँ लोक उजागर ॥

जनक भवन कै सोभा जैसी । गृह गृह प्रति पुर देखिअ तैसी ॥

जेहि तिरहुति तेहि समय निहारी । तेहि लघु लाग^१ भुवन दस चारी ॥

जो संपदा नीच गृह सोहा । सो बिलोकि सुरनायक मोहा ॥

दो०—बसैनगर जेहि लच्छि करि कपट नारि बर बेधु ।

तेहि पुर कै सोभा कहत सकुचहि सारद सेधु ॥२८९॥

पहुँचे दूत रामपुर पावन । हरषे नगर बिलोकि सुहावन ॥

भूप द्वार तिन्ह खबर जनाई । दसरथ नृप सुनि लिए बोलाई ॥

करि प्रनामु तिन्ह पाती दीन्ही । मुदित महीप आपु उठि लीन्ही ॥

बारि बिलोचन बाँचत पाती । पुलक गात आई भरि छाती ॥

रामु लखनु उर कर बर चीठी । रहि गए कहत न खाटी मीठी ॥

पुनि धरि धीर पत्रिका बाँची । हरषी सभा बात सुनि साँची ॥

खेलत रहे तहाँ सुधि पाई । आए भरतु सहित हित^२ भाई ॥

पूँछत अति सनेहँ सकुचाई । तात कहाँ तैं पाती आई ॥

दो०—कुसल प्रान प्रिय बंधु दोउ अहहिं कहहु केहि देस ।

सुनि सनेह साने बचन बाँची बहुरि नरेस ॥२९०॥

सुनि पाती पुलके दोउ आता । अधिक सनेहु समात न गाता ॥

१—प्र० : लाग । द्वि०, तृ०, च० : प्र० [(इअ) : लगत] ।

२—प्र० : हित । द्वि० : प्र० [(४) (५) : दोउ] । [तृ० : लघु] । च० : प्र० [(न) : दोउ] ।

प्रीति पुनीत भरत कै देखी । सकल सभा सुख लहेउ बिसेषी ॥
तब नृप दूत निकट बैठारे । मधुर मनोहर बचन उचारे ॥
मैआ कहहु कुसल दोउ बारे । तुम्ह नीकें निज नयन निहारे ॥
स्यामल गौर धरे धनु भाथा । बय किसोर कौसिक मुनि साथ ॥
पहिचानहु तुम्ह कहहु सुभाऊ । प्रेम बिबस पुनि पुनि कह राऊ ॥
जा दिन तें मुनि गए लेवाई । तब तें आजु साँवि सुधि पाई ॥
कहहु बिदेह कवनि बिधि जाने । सुनि प्रिय बचन दूत मुसुकाने ॥
दो०—सुनहु महीपति मुकुटमनि तुम्ह सम धन्य न कोउ ।

रामु लखनु जाकें^१ तनय बिस्व बिभूषन दोउ ॥२६१॥
पूछन जोगु न तनय तुम्हारे । पुरुषसिंघ तिहुँ पुर उजिआरे ॥
जिन्हकें जस प्रताप के आगे । ससि मलीन रवि सीतल लागे ॥
तिन्ह कहें^२ कहिअ नाथ किमि चीन्हे । देखिअ रवि कि दीप कर लीन्हे ॥
सीय स्वयंवर भूप अनेका । समिटे सुभट एक तें एका ॥
संभु सरासन काहुँ न टा । हारे सकल बीर बरिआरा ॥
तीन लोक महुँ जे भटमानी । सब कै सकति संभुधनु भानी ॥
सकै उठाइ सरासुर^३ मेरू । सोउ हिअँ हारि गएउ करि फेरू ॥
जेहि कौतुक सिवसैलु उठावा । सोउ तेहि सभाँ पराभउ पावा ॥
दो०—तहँ राम रघुवंसमनि सुनिअ महा महिपाल ।

भंजेउ चापु प्रयास बिनु जिमि गज पंकज नाल ॥२६२॥
सुनि सरोष भृगुनायकु आए । बहुत भाँति तिन्ह आँखि देखाए ॥
देखि राम बलु निज धनु दीन्हा । करि बहु बिनय गवनु बन कीन्हा ॥
राजत रामु अतुलबल जैसैं । तेज निधान लखनु पुनि तैसैं ॥

१—प्र० : जाकें । द्वि० : प्र० । [तु० : जिन्हकै] । च० : प्र० [(६अ) : जिन्हकै] ।

२—प्र० : जिन्हकहैं । द्वि०, तु०, च० [(६अ) : तिन्ह] ।

३—[प्र० : सरासुर] । द्वि० : सरासुर [(४) : सरासुर] । [तु० : सरासुर] । [च० :

(६) (६अ) सरासुर, (८) सरासर]

कंपहिं भूप बिलोक्त जाकैं । जिमि गज हरिकिसोर कैं ताकैं ॥
 देव देखि तव बालक दोऊ । अब न आँखि तर आवत कोऊ ॥
 दूत बचन रचना प्रिय लागी । प्रेम प्रताप बीर रस पागी ॥
 सभा समेत राउ अनुरागे । दूतन्ह देन निछावरि लागे ॥
 कहि अनीति ते मुँदहिं काना । धरमु बिचारि सबहिं सुखु माना ॥
 दो०—तब उठि भूप वसिष्ठ कहूँ दीन्ह पत्रिका जाइ ।

कथा सुनाई गुरहिं सब सादर दूत बोलाइ ॥२६३॥
 सुनि बोले गुरः अति सुखु पाई । पुन्य पुरुष कहूँ महि सुख छाई ॥
 जिमि सरिता सागर महुँ जाहीं । जद्यपि ताहि कामना नाहीं ॥
 तिमि सुख संपति विनहिं बोलाएँ । धरम सील पहिं जाहिं सुभाएँ ॥
 तुम्ह गुर बिप्र धेनु सुर सेवी । तसि पुनीत कौसल्या देवी ॥
 सुकृती तुम्ह समान जग माहीं । भएउ न है कोउ होनेउ नाहीं ॥
 तुम्ह तें अधिक पुन्य बड़ काकैं । राजन राम सरिस सुत जाकैं ॥
 बीर विनीत धरम व्रत धारी । गुन सागर बर बालक चारी ॥
 तुम्ह कहूँ सर्व काल कल्याना । सजहु बरात बजाइ निसाना ॥
 दो०—चलहु बेगि सुनि गुर बचन भलेहि नाथ सिरु नाइ ।

भूपति गवने भवन तब दूतन्ह वासु देवाइ ॥२६४॥
 राजा सबु रनिवासु बोलाई । जनक पत्रिका बाँचि सुनाई ॥
 सुनि संदेसु सकल हरषानी । अपर कथा सब भूप बखानी ॥
 प्रेम प्रफुल्लित राजहिं रानी । मनहुँ सिखिनि सुनि बारिद बानी ॥
 मुदित असीस देहिं गुरनारी । अति आनंद भगन महतारी ॥
 लेहिं परसपर अतिप्रिय पाती । हृदयँ लगाइ जुड़ावहिं छाती ॥
 राम लखन कै कीरति करनी । बारहिं बार भूपवर बरनी ॥
 मुनि प्रसादु कहि द्वार सिधाए । रानिन्ह तब महिदेव बोलाए ॥
 दिए दान आनंद समेता । चले बिप्र बर आसिष देता ॥

सो०—जाचक लिए हँकारि दीन्हि निझावरि कोटि विधि ।

चिरु जीवहुँ सुन चारि चक्रवर्त्ति दसरथ के ॥२६५॥
कहत चले पहिरे पट नाना । हरषि हने गहगहे निसाना ॥
समाचार सब लोगन्ह पाए । लागे घर घर होन बधाए ॥
भुवन चारि दस भरा^१ उझाहू । जनकसुता रघुबीर बिआहू ॥
सुनि सुभ कथा लोग अनुरागे । मग गृह गली सवौरन लागे ॥
जद्यपि अवध सदैव सुहावनि । रामपुरी मंगलमय पावनि ॥
तदपि प्रीति कै रीति^२ सुहाई । मंगल रचना रची बनाई ॥
ध्वज पताक पट चामर चारू । छावा परम विचित्र बजारू ॥
कनक कलस तोरन मनि जाला । हरद दूब दधि अच्छत माला ॥
दो०—मंगलमय निज निजभवन लोगन्ह रचे बनाइ ।

बीथी सीचीं चतुरस्रम चौकैं चारु पुराइ ॥२६६॥
जहँ तहँ जूथ जूथ मिलि भामिनि । सजि नवसस सकल दुति दामिनि ॥
बिधु बदनौ मृग बालक^३ लोचनि । निज सरूप रति मानु बिमोचनि ॥
गावहिं मंगल मंजुल बानी । सुनि कलरव कलकंठि लजानी ॥
भूप भवनु किमि जाइ बखाना । बिस्व बिमोहन रचेउ बिताना ॥
मंगल द्रव्य मनोहर नाना । राजत बाजत बिपुल निसाना ॥
कतहुँ बिरिद बंदी उच्चरहीं । कतहुँ वेद धुनि भूसुर करहीं ॥
गावहिं सुंदरि मंगल गीता । लै लै नामु रामु अरु सीता ॥
बहुत उझाहु भवनु अति थोरा । मानहुँ उमगि चला चहुँ ओरा ॥
दो०—सोभा दसरथ भवन कै को कबि बरनै पार ।

जहाँ सकल सुर सीसमनि राम लीन्ह अवतार ॥२६७॥

१—प्र० : भरा । [द्वि० : (३) (४) (५) : भण्ड, (५अ) : भरेड] । [वृ० : भरेड] । च० :

प्र० [(८) : भरेड] ।

२—प्र० : प्रीति कै रीति [(२) : प्रीति कै प्रीति] । द्वि०, वृ०, च० : प्र० ।

३—प्र० : बालक । [द्वि०, वृ० : सावक] । च० : प्र० ।

भूप भरतु पुनि लिए बोलाई । हय गय स्यंदन साजहु जाई ॥
 चलहु बेगि रघुबीर बराता । सुनत पुलक पूरे दोउ आता ॥
 भरत सकल साहनी बोलाए । आयेसु दीन्ह मुदित उठि धाए ॥
 रचि रचि^१ जीन तुरग तिन्ह साजे । बरन बरन बर बाजि बिराजे ॥
 सुभग सकल सुठि चंचल करनी । अय इव जरत धरत पग धरनी ॥
 नाना जाति न जाहिं बखाने । निदरि पवनु जनु चहत उड़ाने ॥
 तिन्ह सब बैल भए असवारा । भरत सरिस बय^२ राजकुमारा ॥
 सब सुंदर सब^३ भूषन धारी । कर सर चाप तून कटि भारी ॥
 दो०—छरे छबीले बैल सब सूर सुजान नबीन ।

जुग पदचर असवार प्रति जे असि कला प्रवीन ॥२६८॥
 बाँधे बिरिद बीर रन गाढ़े । निकसि भए पुर बाहेर ठाढ़े ॥
 फेरहिं चतुर तुरग गति नाना । हरषहिं सुनि सुनि पवन निसाना ॥
 रथ सारथिन्ह विचित्र बनाए । ध्वज पताक मनि भूषन लाए ॥
 चबैर चारु किंकिनि धुनि करहीं । भानुजान सोभा अपहरहीं ॥
 साँवकरन^४ अगनित हय हांते । ते तिन्ह रथन्ह सारथिन्ह जोते ॥
 सुंदर सकल अलंकृत सोहे । जिन्हहिं बिलोकत मुनि मन मोहे ॥
 जे जल चलहिं थलहि की नई । टाप न बूड़ बेग अधिकाई ॥
 अस्त्र सस्त्र सबु साज बनाई । रथी सारथिन्ह लिए बोलाई ॥
 दो०—चढ़ि चढ़ि रथ बाहेर नगर लागी जुरन बरात ।

होत सगुन सुंदर सबहि जो जेहि कारज जात ॥२६९॥
 कलित करिबरन्ह परी आँबारी । कहि न जाहिं जेहि भौंति सँवारी ॥

१—प्र० : रचि रचि । द्वि० : प्र० [(४) : रचि रचि] । [तृ० : रचि रचि । च० : प्र०
 [(न) : रचि रचि] ।

२—प्र० : बय । द्वि० : प्र० [(४) : सब] । [तृ० : सब] । च० : प्र० [(न) : सब] ।

३—प्र० : बहु । द्वि० : सब । तृ०, च० : द्वि० ।

४—प्र० : साँवकरन । द्वि० : प्र० [(५) (५अ) : स्यामकरन] । [तृ० : स्यामकरन] ।
 च० : प्र० [(न) : स्यामकरन] ।

चले मत्त गज घंट विराजी । मनहुँ सुभग सावन घन राजी ॥
 बाहन अपर अनेक विधाना । सिबिका सुभग सुखासन जाना ॥
 तिन्ह चढ़ि चले बिप्र वर बृंदा । जनु तनु धरें सकल श्रुति छंदा ॥
 मागध सूत बंदि गुननायक । चले जान चढ़ि जो जेहि लायक ॥
 बेसर ऊँट वृषभ बहु जाती । चले बस्तु भरि अगनित भौंती ॥
 कोटिन्ह काँवरि चले कहारा । विविध बस्तु को बरनै पारा ॥
 चले सकल सेवक समुदाई । निज निज साजु समाजु बनाई ॥
 दो०—सब के उर निर्भर हरषु पूरित पुलक सरीर ।

कबहि देखिबे नयन भरि रामु लषनु दोउ बीर ॥३००॥
 गरजहि गज घंटा धुनि घोरा । रथ रव बाजि हिंस१ चहुँ ओरा ॥
 निदरि घनहि घुमरहि निसाना । निज पराई कछु सुनिअन काना ॥
 महा भीर भूपति कें द्वारें । रज होइ जाइ पषानु पवारें ॥
 चढ़ी अटारिन्ह देखहि नारी । लिप आरती मंगल थारी ॥
 गावहि गीत मनोहर नाना । अति आनंदु न जाइ बखाना ॥
 तब सुमंत्र दुइ स्यंदन साजी । जोते रवि हय निंदक बाजी ॥
 दोउ रथ रुचिर भूप पहि आने । नहि सारद पहि जाहि बखाने ॥
 राज समाजु एक रथ साजा । दूसर तेज पुंज अति भ्राजा ॥
 दो०—तेहि रथ रुचिर बसिष्ठ कहुं हरषि चढ़ाइ नरेसु ।

आपु चढ़ेउ स्यंदन सुमिरि हर गुर गौरि गनेसु ॥३०१॥
 सहित बसिष्ठ सोह नृप कैसैं । सुगुर संग पुरंदर जैसैं ॥
 करि कुलरीति बेद विधि राऊ । देखि सबहि सब भौंति बनाऊ ॥
 सुमिरि रामु गुर आयेसु पाई । चले महीपति संख बजाई ॥
 हरषे बिबुध बिलोकि बराता । बरषहि सुमन सुमंगल दाता ॥
 भएउ कुलाहल हय गय गाजे । ळगोम बरात बाजने बाजे ॥

सुर नर नारि सुमंगल गाई । सरस राग बाजहिं सहनार्ई ॥
 घंट घंटी धुनि बरनि न जाहीं । सरौ करहिं पाइकर फहराहीं ॥
 करहिं बिदूषक कौतुक नाना । हास कुसल कल गान सुजाना ॥
 दो०—तुरग नचावहिं कुँअर बर अकनि मृदंग निसान ।

नागर नट चितवहिं चकित डगहिं न ताल बँधान ॥३०२॥
 बनै न बरनत बनी बराता । होहिं सगुन सुंदर सुभ दाता ॥
 चाग चाषु बाम दिसि लेई । मनहुँ सकल मंगल कहि देई ॥
 दाहिन काग सुखेत सुहावा । नकुल दरसु सब काहूँ पावा ॥
 सानुकूल बह त्रिविध बयारी । सघट सबाल आव बर नारी ॥
 लोवा फिरि फिरि दरसु देखावा । सुरभी सनमुख सिसुहि पिआवा ॥
 मृग माला फिर दाहिनि आई । मंगल गन जनु दीन्हि देखाई ॥
 छेमकरी कह छेम बिसेषी । स्यामा बाम सुतरु पर देखी ॥
 सनमुख आएउ दधि अरु मीना । कर पुस्तक दुइ बिन प्रबीना ॥
 दो०—मंगलमय कल्याणमय अभिमत फल दातार ।

जनु सब साचे होन हित भए सगुन एक बार ॥३०३॥
 मंगल सगुन सुगम सब ताकें । सगुन ब्रह्म सुंदर सुत जाकें ॥
 राम सरिस बर दुलहिनि सीता । समधी दसरथु जनकु पुनीता ॥
 सुनि अस ब्याहु सगुन सब नाचे । अब कीन्है विरंचि हम साँचे ॥
 येहि विधि कीन्ह बरात पथाना । हय गय गाजहिं हने निसाना ॥
 आवत जानि भानु कुल केतू । सरितन्हि जनक बँधाए सेतू ॥
 बीच बीच बर बासु बनाए । सुरपुर सरिस संपदा छाप ॥
 असन सयन बर बसन सुहाए । पावहिं सब निज निज मन भाए ॥

१—प्र० : क्रमशः जाहीं, फहराहीं । द्वि० : प्र० । [तृ० : जाई, फहराई] । च० : प्र०
 [(न) : जाई, फहराई] ।

२—प्र० : पाइकर । द्वि० : प्र० [(४) (५) (५अ) : पायक] । [तृ० : पायक] । च० :
 प्र० [(न) : पायक] ।

नित नूतन सुख लखि अनुकूले । सकल बरातिन्ह मंदिर भूले ॥
दो०—आवत जानि बरात बर सुनि गहगहे निसान ।

सजि गज रथ पदचर तुरग लेन चले अगवान ॥३०४॥
कनक कलस कल^१ कोपर थारा । भाजन ललित अनेक प्रकारा ॥
भरे सुधा सम सब पकवाने । भौंति भौंति नहिं जाहिं बखाने ॥
फल अनेक बर वस्तु सुहाई । हरषि मेंट हित भूप पठाई ॥
भूषन बसन महा मनि नाना । खग मृग हय गय बहु बिधि जाना ॥
मंगल सगुन सुगंध सुहाए । बहुत भौंति महिपाल पठाए ॥
दधि चिउरा उपहार अपारा । भरि भरि काँवरि चले कहारा ॥
अगवानन्ह जब दीखि बराता । उर आनंद पुलक भर गाता ॥
देखि बनाव सहित अगवाना । मुदित बरातिन्ह^२ हने निसाना ॥
दो०—हरषि परसपर मिलन हित कछुक चले बगमेल ।

जनु आनंद समुद्र दुइ मिलत बिहाइ सुबेल ॥३०५॥
बरषि सुमन सुर सुंदरि गावहिं । मुदित देव दुंदुभीं बजावहिं ॥
वस्तु सकल राखीं नृप आगे । बिनय कीन्हि तिन्ह अति अनुरागे ॥
प्रेम समेत राय सबु लीन्हा । भै बकसीस जाचंकन्हि दीन्हा ॥
करि पूजा मान्यता बड़ाई । जनवासे कहूँ चले लेवाई ॥
बसन बिचित्र पाँवड़े परहीं । देखि धनदु धन मदु परिहरहीं ॥
अति सुंदर दीन्हेउ जनवासा । जहँ सब कहूँ सब भौंति सुपासा ॥
जानी सिय बरात पुर आई । कछु निज महिमा प्रगटि जनाई ॥
हृदय सुमिरि सब सिद्धि बोलाई । भूप पहुनई करन पठाई ॥
दो०—सिधि सब सिय आयेसु अकनि गईं जहां जनवास ।

लिउँ संपदा सकल सुख सुरपुर भोग बिलास ॥३०६॥

१—प्र० : कल । द्वि०, तृ०, च० : प्र० [(६) (६अ) : भरि] ।

२—प्र० : बराती । द्वि० : प्र० [(५अ) : बरातिन्ह] । तृ० : बरातिन्ह । च० : तृ० ।

निज निज बास बिलोकि बराती । सुर सुख सकल सुलभ सब भँती ॥
 विभव भेद कछु कोउ न जाना । सकल जनक कर करहिँ बखाना ॥
 सिय महिमा रघुनायक जानी । हरषे हृदयँ हेतु पहिचानी ॥
 पितु आगमनु सुनत दोउ भाई । हृदयँ न अति आनंदु अमाई ॥
 सकुचन्ह कहि न सकत गुर पाहीं । पितु दरसन लालचु मन माहीं ॥
 बिस्वामित्र बिनय बड़ि देखी । उपजा उर संतोषु बिसेखी ॥
 हरषि बंधु दोउ हृदयँ लगाए । पुलक अंग अंबक जल छाए ॥
 चले जहाँ दसरथु जनवासैं । मनहुँ सरोवर तकेउ पिआसैं ॥
 दो०—भूप बिलोके जबहिँ मुनि आवत सुतन्ह समेत ।

उठे१ हरषि सुख सिंधु महुँ चले थाह सो लेत ॥३०७॥
 मुनिहि दंडवत कीन्ह महीसा । बार बार पद रज धरि सीसा ॥
 कौसिक राउ लिये उर लाई । कहि असीस पूँछी कुसलाई ॥
 पुनि दंडवत करत दोउ भाई । देखि नृपति उर सुखु न समाई ॥
 सुत हिअँ लाइ दुसह दुख मेटे । मृतक सरीर प्रान जु भेंटे ॥
 पुनि बसिष्ठ पद सिर तिन्ह नाए । प्रेम मुदित मुनिवर उर लाए ॥
 बिप्र बृंद बंदे दुहुँ भाई । मनभावती असीसैं पाई ॥
 भरत सहानुज कीन्ह प्रनामा । लिए उठाइ लाइ उर रामा ॥
 हरषे लखनु देखि दोउ आता । मिले प्रेम परिपूरित गाता ॥
 दो०—पुरजन परिजन जातिजन जाचक मंत्री मीत ।

मिले जथाबिधि सबहि प्रभु परम कृपालु विनीत ॥३०८॥
 रामहि देखि बरात जुड़ानी । प्रीति कि रीति न जाति बखानी ॥
 नृप समीप सोहहिँ सुत चारी । जुनु धन धरमादिक तनु धारी ॥
 सुतन्ह समेत दसरथहि देखी । मुदित नगर नर नारि बिसेषी ॥

१—प्र० : उठे । द्वि० : प्र० । [तृ० : उठेउ] । च० : प्र० [(६) (६अ) : उठेउ]

२—[प्र० : बंदेडु] । द्वि०, तृ० : बंदे । च० : द्वि० [(६अ) : बंदेडु] ।

सुमन बरिसि सुर हनहिं निसाना । नाक नटी नाचहिं करि गाना ॥
 सतानंदु अरु बिप्र सचिव गन । मागध सूत बिदुष बंदीजन ॥
 सहित बरात राउ सनमाना । आयेसु माँगि फिरे अगवाना ॥
 प्रथम बरात लगन तें आई । ता तें पुर प्रमोदु अधिकारी ॥
 बल्लानंदु लोग सब लहहीं । बढहुँ दिवस निसि बिधि सन कहहीं ॥
 दो०—रामु सीय सोभा अवधि सुकृत अवधि दोउ राज ।

जहँ तहँ पुरजन कहहिं अस मिलि नर नारि समाज ॥३०६॥

जनक सुकृत मूरति बैदेही । दसरथ सुकृत रामु धरें-देही ॥
 इन्ह सम काहुँ न सिव अवराधे । काहुँ न इन समान फल लाधे ॥
 इन्ह सम कोउ न भएउ जग माहीं । है नहिं कतहुँ होनेउ नाहीं ॥
 हम सब सकल सुकृत कै रासी । भए जग जनमि जनकपुर बासी ॥
 जिन्ह जानकी राम ब्रवि देखी । को सुकृती हम सरिस बिसेषी ॥
 पुनि देखव रघुबीर बिआह । लेव भली बिधि लोचन लाह ॥
 कहहिं परसपर कोकिल बयनी । येहि बिबाह बड़ लाभु सुनयनी ॥
 बड़ भाग बिधि बात बनाई । नयन अतिथि होइहहिं दोउ भई ॥

दो०—बारहिं बार सनेह बस जनक बोलाउव सीय ।

लेन आइहहिं बंधु दोउ कोटि काम कमनीय ॥३१०॥

बिबिध भाँति होइहि पहुनाई । प्रिय न काहि अस सासुर माई ॥
 तब तब राम लखनहि निहारी । होइहहिं सब पुरलोग सुखारी ॥
 सखि जस राम लखन कर जोटा । तैसइ भूप संग दुइ ढोटा ॥
 रयाम गौर सब अंग सुहाए । ते सब कहहिं देखि जे आए ॥
 कहा एक मै आजु निहारे । जनु बिरचि निज हाथ सँवारे ॥
 भरतु राम ही की अनुहारी । सहसा लखि न सकहिं नर नारी ॥
 लखनु सत्रसूदनु एक रूपा । नख सिख तें सब अंग अनूपा ॥
 मन भावहिं मुख बरनि न जाहीं । उपमा कहुँ त्रिभुवन कोउ नाहीं ॥

छंदु—उपमा न कोउ कह दास तुलसी कतहुँ कवि कोविद कहैं ।

बल बिनय विद्या सील सोभा सिंधु इन्हसे एइ अहैं ॥

पुर नारि सकल पसारि अंचल विधिहि बचन सुनावहीं ।

ब्याहिअहुँ चारिउ भाइ एहिं पुर हम सुमंगल गावहीं ॥

सो०—कहहिं परसपर नारि बारि बिलोचन पुलक तन ।

सखि सबु करव पुरारि पुन्य पयोनिधि भूप दोउ ॥३११॥

येहिं विधि सकल मनोरथ करहीं । आनंद उमगि उमगि उर भरहीं ॥

जे नृप सीय स्वयंवर आए । देखि बंधु सब तिन्ह सुख पाए ॥

कहत राम जसु बिसद बिसाला । निज निज गेह^१ गए महिपाला ॥

गएँ बीति कछु दिन येहि भाँती । प्रमुदित पुरजन सकल बराती ॥

मंगल मूल लगन दिनु आवा । हिमरितु अगहन मासु सुहावा ॥

ग्रह तिथि नखतु जोगु बर बारु । लगन सोधि विधि कीन्ह बिचारु ॥

पठै दीन्ह नारद सन सोई । गनी जनक के गनकन्ह जोई ॥

सुनी सकल लोगन येह बाता । कहहिं जोतिषी अपर^१ विधाता ॥

दो०—धेनुधूरि बेला बिसल सकल सुमंगल मूल ।

विग्रह कहैउ विदेह सन जानि सगुन अनुकूल ॥३१२॥

उपरोहितहि कहैउ नरनाहा । अब बिलंब कर कारनु काहा ॥

सतानंद तब सचिव बोलाए । मंगल कलस साजि सब ल्याए ॥

संख निसान पवन बहु बाजे । मंगल कलस सगुन सुभ साजे ॥

सुभग सुआसिनि गावहिं गीता । करहिं बेद धुनि बिप्र पुनीता ॥

लेन चले सादर येहि भाँती । गए जहाँ जनवास बराती ॥

कोसलपति कर देखि समाजू । अति लघु लाग तिन्हहिं सुरराजू ॥

भएउ समउ अब धारिअ पाऊ । येह सुनि परा निसानहि घाऊ ॥

१—प्र० : गेह । द्वि० प्र० । [तृ० : भवन] । च० : प्र० [(६) (६अ) : भवन] ।

१—प्र० : अपर । द्वि०, प्र० [(५अ) : भय] । [तृ० : विप्र] च० : प्र० [(६) (६अ) : आदि] ।

गुरहि पूँछि करि कुतविधि राजा । चले संग मुनि साधु समाजा ॥
दो०—भाग्य विभव अवधेस कर देखि देव ब्रह्मादि ।

लगे सराहन सहस मुख जानि जनम निज वादि ॥३१३॥

सुरन्ह सुमंगल अवसर जाना । वरषहिं सुमन बजाइ निसाना ॥
सिव ब्रह्मादिक विबुध बरूथा । चढे विमानन्हि नाना जूथा ॥
प्रेम पुलक तन हृदयँ उछाहू । चले बिलोकन राम बिआहू ॥
देखि जनकपुरु सुर अनुरागे । निज निज लोक सबहि लघु लागे ॥
चितवहिं चकित बिचित्र बिताना । रचना सकल अलौकिक नाना ॥
नगर नारि नर रूप निधाना । सुघर सघरम सुशील सुजाना ॥
तिन्हैं देखि सब सुर सुरनारीं । भए नखत जनु विधु उजिआरीं ॥
बिधिहि भएउ आचरजु बिसेषी । निज करनी कछु कतहुँ न देखी ॥
दो०—सिव समुभाए देव सब जानि आचरज मुलाहु ।

हृदयँ विचारहु धीर धरि सिय रघुवीर बिआहु ॥३१४॥

जिन्ह कर नामु लेत जग माहीं । सकल अमंगल मूल नसाहीं ॥
करतल होहि पदारथ चारी । तेइ सिय रामु कहेउ कामारी ॥
एहि विधि संभु सुरन्ह समुभावा । पुनि आगें वर बसहु चलावा ॥
देवन्ह देखे दसरथु जाता । महामोद मन पुलकित गाता ॥
साधु समाजु संग महिदेवा । जनु तनु धरे करहिं सुर१ सेवा ॥
सोहत साथ सुभग सुत चारी । जनु अपबराग सकल तनुधारी ॥
मरकत कनक बरन बर२ जोरी । देखि सुरन्ह भै प्रीति न थोरी ॥
पुनि रामहि बिलोकि हिअँ हरषे । नृपहि सराहि सुमन तिन्ह बरषे ॥
दो०—राम रूप नख सिख सुभग बारहिं बार निहारि ।

पुलक गात लोचन सजल उमा समेत पुरारि ॥३१५॥

केकि कंठ दुति स्यामल अंगा । तड़ित बिनिंदक बसन सुरंगा ॥

१—प्र० : सुर । द्वि० : प्र० । [तृ० : सुख] । च० : प्र० (६) (द्वि० : सुख) ।

२—[प्र० : वर जोरी] । द्वि० : वरन तन जोरी । तृ० : वरन वर जोरी । च० : तृ० ।

व्याह बिभूषन बिबिध बनाए । मंगलमय^१ सब भाँति सुहाए ॥
 सरद बिमल बिनु बदन सुहावन । नयन नवल राजीव लजावन ॥
 सकल अलौकिक सुंदरताई । कहि न जाइ मनहीं मन भाई ॥
 बंधु मनोहर सोहहि संगी । जात नचावत चपल तुरंगा ॥
 राजकुँअर वर बाजि देखावहिं । बंसप्रसंसक बिरिद सुनावहिं ॥
 जेहि तुरंग पर रामु विराजे । गति विलोकि खगनायकु लाजे ॥
 कहि न जाइ सब भाँति सुहावा । बाजि बेषु जनु काम बनावा ॥
 छं०—जनु बाजि बेषु बनाइ मनसिजु राम हित अति सोहई ।
 आपने बय बल रूप गुन गति सकल भुवन बिमोहई ॥
 जगमगत जेनु जराव^२ जोति सुमोति मनि मानिक लगे ।
 किंकिनि ललाम लगामु ललित बिलोकु सुर नर मुनि ठगे ॥
 दो०—प्रभु मनसहिं लयलीन मनु चलत चालि^३ छवि पाव ।
 भूषित उडगन तड़ित धनु जनु बर बरहि नचाव ॥३१६॥
 जेहिं बर बाजि रामु असवारा । तेहि सारदौ न बरनै पारा ॥
 संकरु राम रूप अनुरागे । नयन पंचदस अति प्रिय लागे ॥
 हरि हित सहित रामु जव जोहे । रमा समेत रमापति मोहे ॥
 निरखि राम छवि बिधि हरषने । आठै नयन जानि पछिताने ॥
 सुरसेनप उर बहुत उछाहू । बिधि तैं डेवढ़ सुलोचन लाहू ॥
 रामहि चितव सुरेसु सुजाना । गौतम सापु परम हित माना ॥
 देव सकल सुरपतिहि सिहाहीं । आजु पुरंदर सम कोउ नाहीं ॥
 मुदित देव गन रामहि देखी । नृप समाज दुहुँ हरषु बिसेषी ॥
 छं०—अति हरषु राज समाजु दुहुँ दिसि दुंदुभी बाजहिं घनी ।
 बरषहिं सुमन सुर हरषि कहि जय जयति जय रघुकुलमनी ॥

१—प्र० : मंगल मय सब । द्वि०, तृ०, च० : प्र० [(३अ) : मंगल सब सब] ।

२—प्र० : जराव । द्वि० : प्र० । [तृ० : जडाव] च० : प्र० ।

३—प्र० : चालि । द्वि० : प्र० [(५) (५अ) : बाजि] । [तृ० : बाजि] । च० : प्र०
 [(=) : बाजि]

एहिं भौंति जानि वरात आवत बाजने बहु बाजहीं ।

रानी सुआसिनि बोलि परिछनि हेतु मंगल साजहीं ॥

दो०—साजि आरती अनेक बिधि मंगल सकल सँवारि ।

चलीं मुदित परिछनि करन गज गामिनि वर नारि ॥३१७॥

बिधुबदनीं सब सब मृगलोचनिं । सब निज तन छबिरति महु मोचनिं ॥

पहिरे वरन वरन वर चीरा । सकल बिभूषन सजें सरीरा ॥

सकल सुमंगल अंग बनाएँ । करहिं गान कलकंठि लजाएँ ॥

कंकन किंकिन नूपुर बाजहिं । चाल बिलोकि कामगज लाजहिं ॥

बाजहिं बाजन बिबिध प्रकारा । नभ अरु नगर सुमंगल चारा ॥

सची सारदा रमा भवानी । जे सुनिअ सुचि सहज सथानी ॥

कपट नारि वर बेष बनाई । मिलीं सकल रनवासहिं जई ॥

करहिं गान कल मंगल बानी । हरष बिसस सब काहुँ न जानी ॥

छं०—को जान केहि आनंद बस सब ब्रह्म बरु परिछनि चलीं ।

कल गान मधुर निसान बरषहिं सुमन सुर सोभा भली ॥

आनंदकंदु बिलोकि दूलहु सकल हिअ हरपिअ भई ।

अंभोज अंबक अंबु उमगि सुअंग पुलकावलि छई ॥

दो०—जो सुखु भा सिय मातु मन देखि राम वर बेषु ।

सो न सकहिं कहि कल सत सहस सारदा सेषु ॥३१८॥

नयन नीरु हटि मंगल जानी । परिछनि करहिं मुदित मन रानी ॥

वेद विहित अरु कुल आचारू २ । कीन्ह भली बिधि कुल व्यवहारू २ ॥

पंच सबद धुनि १ मंगल गाना । पट पौवड़े परहिं बिधि नाना ॥

करि आरती अरघु तिन्ह दीन्हा । राम गवनु मंडप तब कीन्हा ॥

दसरथु सहित समाज बिराजे । बिभव बिलोकि लोकपति लाजे ॥

१—प्र० : क्रमशः आचारू, व्यवहारू । द्वि० : प्र० । [तृ० : व्यवहारू, आचारू] ।

[च० : (६) (६अ) व्यवहारू, व्यवहारू, (८) व्यौहारू, विस्तरू] ।

२—प्र० : धुनि । द्वि० : प्र० [(५) : सुनि] । तृ०, च० : प्र० ।

समयँ समयँ सुर बरषहिं फूला । सांति पढ़हिं महिसुर अनुकुला ॥
 नभ अरु नगर कोलाहल होई । आपनि पर कछु सुनै न कोई ॥
 एहिं बिधि रामु मंडपहि आए । अरघु देइ, आसन बैठाए ॥
 छं०—बैठारि आसन आगती करि निरखि बरु सुख पावहीं ।

मनि बसन भूषन भूरि वारहिं नरि मंगल गावहीं ॥

ब्रह्मादि सुर बर बिप्र बेध बनाइ कौतुक देखहीं ।

अश्लोकि रघुकुल कमल रवि छवि सुफल जीवन लेखहीं ॥

दो०—नाऊ वारी भाट नट राम निछावरी पाइ ।

मुदित असोसहिं नाइ सिर हरषु न हृदयँ समाइ ॥३१६॥

मिले जनकु दसरथु अति प्रीती । करि वैदिक लौकिक सब रीती ॥

मिलत महा दोउ राज बिराजे । उपमा खोजि खोजि कबि लाजे ॥

लही न कतहुँ हारि हिअँ मानी । इन्ह सम एइ उपमा उर आनी ॥

सामध देखि देव अनुरागे । सुमन बरषि जसु गावन लागे ॥

जगु बिरंचि उपजावा जब तें । देखे सुने व्याह बहु तब तें ॥

सकल भाँति सम साजु समाजू । सम समधी देखे हम आजू ॥

देवगिरा सुनि सुंदरि साँची । प्रीति अलौकिक दुहु दिसि माची ॥

देत पाँवड़े अरघु सुहाए । सादर जनकु मंडपहि ल्याए ॥

छं०—मंडपु बिलोकि विचित्र रचना रुचिरता मुनि मन हरे ।

निज पानि जनक सुजन सब कहुँ आनि सिंघासन धरे ॥

कुल इष्ट सरिस बसिष्ठु पूजे बिनय करि आसिष लही ।

कौसिकहि पूजत परम प्रीति कि रीति तौ न परै कही ॥

दो०—बासदेव आदिक रिषय पूजे मुदित महीस ।

दिष्ट दिव्य आसन सबहिं सब सन लही असीस ॥३२०॥

बहुरि कीन्हि कोसलपति पूजा । जानि ईस सम भाउ न दूजा ॥

कीन्हि जोरि कर बिनय बड़ाई । कहि निज भाग्य बिभव बहुताई ॥

पूजे भूषति सकल बराती । समधी सम सादर सब भाँती ॥

आसन उचित दिए सब काहूँ । कहौँ काह सुख एक उखाहू ॥
सकल बरात जनक सनमानो । दान मान विनती बर बानी ॥
विधि हरि हरु दिसिपति दिनराऊ । जे जानहिं रघुबीर प्रभाऊ ॥
कपट बिग्न बर बेषु बनाएँ । कौतुक देखहिं अति सचु पाएँ ॥
पूजे जनक देव सम जाने । दिए सुआसन बिनु पहिचाने ॥
छं०—पहिचान को केहि जान सबहि अपान सुधि भोरी भई ।

आनंदकंदु बिलोकि दूलहु उभय दिसि आनंदमई ॥

सुर लखे राम सुजान पूजे मानसिक आसन दए ।

अवलोकि सीलु सुभाउ प्रभु को बिबुध मन प्रमुदित भए ॥

दो०—रामचंद्र मुख चंद्र छवि लोचन चारु चक्षोर ।

करत पान सादर सकल प्रेसु प्रबोदु न थोर ॥३२१॥

समउ बिलोकि बसिष्ठ बोलाए । सादर सतानंदु सुनि आए ॥

बेगि कुअरि अब आनहु जाई । चले मुदित मुनि आयेसु पाई ॥

रानी सुनि उपरोहित बानी । प्रमुदित सखिन्ह समेत सयानी ॥

बिप्रबधूँ कुल वृद्ध बोलाई । करि कुल रीति सुमंगल गाई ॥

नारि बेष जे सुर बर वामा । सकल सुभायँ सुंदरी स्थामा ॥

तिन्हहिं देखि सुख पावहिं नारी । बिनु पहिचानि^१ प्रान^२ तें प्यारी ॥

बार बार सनमानहिं रानी । उमा रमा सारद सम जानी ॥

सीय सँगारि समाजु बनाई । मुदित मंडपहि चलीं लेवाई ॥

छं०—चलि ल्याइ सीतहि सखी सादर सजि सुमंगल भामिनी ।

नवमत्त^३ साजे सुंदरी सब मत्त कुंजरगामिनी ॥

कल गान सुनि मुनि ध्यान त्यागहिं कामकोकिल लाजहीं ।

मंजीर नृपुर कलित कंकन ताल गति बर बाजहीं ॥

१—प्र० : पहिचानि । द्वि० : प्र० [(३) (४) : पहिचान] । [तृ० : पहिचान] ।

२—प्र० : प्रान । द्वि०, तृ०, च० : प्र० [(३) (६अ) : प्रानहु] ।

३—प्र० : सत्त । [द्वि० : सत्त] । [तृ० : सत्त] च० : प्र० [(८) : सत्त] ।

दो०—सोहति बनिता वृंद महुँ सहज सुहावनि सीय ।

छबि ललना गन मध्य जनु सुषम तिस्र कमनीय ॥३२२॥
 सिय सुंदरता बनि न जाई । लघु मति बहुत मनोहरताई ॥
 आवत दीखि बरातिन्ह सीता । रूप रसि सब भाँति पुनीता ॥
 सबहिं मनहिं मन किए प्रनामा । देखि राम भए पूरन कामा ॥
 हरषे दसरथु सुतन्ह समेता । कहि न जाइ उर आनँदु जेता ॥
 सुर प्रनामु करि बरसहिं फूला । मुनि असीस धुनि मंगलमूला ॥
 गान निसान कोलाहलु भारी । प्रेम प्रमोद मगन नर नारी ॥
 येहि विधि सीय मंडपहिं आई । प्रमुदिन सांति पढ़हिं मुनिराई ॥
 तेहि अवसर कर विधि व्यवहारू । दुहुँ कुतगुर सब कीन्ह अचारू ॥

छं०—आचारु करि गुर गौर गनपति मुदित बिप्र पुजावहीं ।

सुर प्रगटि पूजा लेहिं देहिं असीस अति सुख पावहीं ॥
 मधुपर्क मंगल द्रव्य जो जेहि समय मुनि मन महुँ चहैं ।
 भरे कनक कोपर कलस सो तब जिए१ परिचारक रहैं ॥
 कुलरीति प्रीति समेत रवि कहि देत सबु सादर किए ।
 येहि भाँति देव पुजाइ सीतहि सुभग सिंघासनु दिए ॥
 सिय राम अवलोकनि परसपर प्रेमु काहु न लखि परै ।
 मन बुद्धि बर बानी अगोचर प्रगट कवि कैसें करै ॥

दो०—होम समय तनु धरि अनलु अति सुख आहुति लेहिं ।

बिप्र बेध धरि बेद सब कहि बिबाह विधि देहिं ॥३२३॥
 जनक पाटमहिषी जग जानी । सीय मातु किमि जाइ बखानी ॥
 सुत्रसु सुकृत सुख सुंदरताई । सब समेटि विधि रची बनाई ॥
 समउ जानि मुनिबरन्ह बुलाई । सुनत सुआसिनि सादर ल्याई ॥
 जनक बाम दिसि सोह सुनयना । हिमगिरि संग बनी जनु मयना ॥

कनक कलस मनि कोपर रूरे । सुचि सुगंध मंगल जल पूरे ॥
निज कर मुदित राय अरु रानी । धरे राम के आगें आनी ॥
पढ़हिं वेद मुनि मंगल बानी । गगन सुमन भरि अवसर जानी ॥
बरु बिलोकि दंपति अनुरागे । पाय पुनित पखारन लागे ॥
छं०-लागे पखारन पाय पंकज प्रेम तनु पुलकावली ।

नभ नगर गान निसान जय धुनि उमगि जनु चहुँ दिसि चली ॥
जे पद सरोज मनोज अरि उर सर सदैव बिराजहीं ।
जे सकुत सुमिरत बिमलता मन सकल कलि मल भाजहीं ॥
जे परसि मुनिबनिता लही गति रही जो पातकमई ।
मकरंदु जिन्हको संभु सिर सुचिता अवधि सुर वरनई ॥
करि मधुप मन मुनि जोगिजन जे सेइ अभिमत गति लहैं ।
ते पद पखारत भाग्यभाजनु जनकु जय जय सब कहैं ॥
बर कुँअरि कातल जोरि साखोच्चारु दोउ कुल गुरु करें ।
भयो पानिगहनु बिलोकि बिधि सुर मनुज मुनि आनंद भरैं ॥
सुखमूल दूलहु देखि दंपति पुलक तनु हुलस्यो हियो ।
करि लोक वेद विधानु कन्यादानु नृप भूपन कियो ॥
हिमवंत जिमि गिरिजा महेसहि हरिहि श्री सागर दर्ई ।
तिमि जनक रामहि सिय समरपी बिश्व कल कीरति नई ॥
क्यों करै बिनय बिदेहु कियो बिदेहु मूरति साँवरी ।
करि होमु बिधिवत गाँठि जोरी होन लागीं भाँवरी ॥
दो०-जय धुनि बंदी वेद धुनि मंगलगान निसान ।

सुनि हरषहिं वरषहिं बिबुध सुरतरु सुमन सुजान ॥ ३२४ ॥
कुअरु कुअरि कल भाँवरिं देहीं । नयन लाभु सब सादर लेहीं ॥
जइ न बरनि मनोहरि जोरी । जो उपमा कछु कहौं सो थोरी ॥
राम सीय सुंदर परिछाहीं । जगमगाति मनि खंभन्ह माहीं ॥
मनहुँ मदनु रति धरि बहु रूपा । देखत राम बिबाहु अनूपा ॥

दरस लालसा सकुच न थोरी । प्रगटत दुरत बहोरि बहोरी ॥
 भए मगन सब देखनिहारे । जनक समान अपान बिसारे ॥
 प्रमुदित मुनिन्ह भौवरी फेरीं । नेग सहित सब रीति निबोरीं ॥
 राम सीय सिर सेंदुर देहीं । सोभा कहि न जाति बिधि केहीं ॥
 अरुन पराग जलजु भरि नौकें । ससिहि भूष अहि लोभ अभी कैं ॥
 बहुरि बसिष्ठ दीन्हि अनुसासन । बरु दुलहिनि बैठे एक आसन ॥
 छं०—बैठे बरासनु राम जानकि मुदित मन दसरथु भए ।

तनु पुलक पुनि पुनि देखि अपने सुकृत सुरतरु फल नए ॥
 भरि भुवन रहा उछाहु राम बिबाहु भा सबहीं कहा ।
 केहि भाँति बरनि सिरात रसना एकु येहु मंगलु महा ॥
 तब जनक पाइ बसिष्ठ आयेसु ब्याह साजु सँवारि कै ।
 मांडवी श्रुतिकीरति उर्भिला कुँअरि लई हकारि कै ॥
 कुसकेतु कन्या प्रथम जो गुन सील सुख सोभाई ।
 सब रीति प्रीति समेत करि सो ब्याहि नृप भरतहि दई ॥
 जानकी लघु भगिनी सकल सुंदरि सिरोमनि जानि कै ।
 सो जनक दीन्ही ब्याहि लखनहि सकल बिधि सनमानि कै ॥
 जेहि नामु श्रुतिकीरति सुलोचनि सुमुखि सब गुन आगरी ।
 सो दई रिपुसूदनहिं भूपति रूप सील उजागरी ॥
 अनुरूप बर दुलहिनि परसपर लखि सकुचि हिअँ हरषहीं ।
 सब मुदित सुंदरता सराहहिं सुमन सुर गन बरषहीं ॥
 सुंदरी सुंदर बरन्ह सह सब एक मंडप राजहीं ।
 जनु जीव उर चारिउ अवस्था बिभुन्ह सहित बिराजहीं ॥
 दो०—मुदित अवधपति सकल सुत बधुन्ह समेत निहारि ।
 जनु पाए महिपाल मनि क्रियन्ह सहित फल चारि ॥३२५॥

जसि रघुवीर ब्याह बिधि बरनी । सकल कुँआर ब्याहे तेहि करनी ॥
 कहि न जाइ कछु दाइज भूरी । रहा कनक मनि मंडपु पूरी ॥
 कंबल बसन बिचित्र पटोरे । भौंति भौंति बहु मोल न थोरे ॥
 गज रथ तुरग दास अरु दासी । धेनु अलंकृत कामदुहा सी ॥
 बस्तु अनेक करिअ किमि लेखा । कहि न जाइ जानहिं जिन्ह देखा ॥
 लोकपाल अवलोकि सिहाने । लीन्ह अवधपति सब सुख माने ॥
 दीन्ह जाचकन्हि जो जेहि भावा । उबरा सो जनवासेहि आवा ॥
 तब कर जोरि जनकु मृदु बानी । बोले सब बरात सनमानी ॥

छं०—सनमानि सकल बरात आदर दान विनय बड़ाइ कै ।

प्रसुदित महा मुनिवृंद बंदे पूजि प्रेम लड़ाइ कै ॥
 सिरु नाइ देव मनाइ सब सन कहत कर संपुट किए ।
 सुर साधु चाहत भाउ सिंधु कि तोष जल अंजलि दिए ॥
 कर जोरि जनकु बहोरि बंधु समेत कोसलराय सों ।
 बोले मनोहर बयन सानि सनेह सील सुभाय सों ॥
 सनबंध राजन रावरें हम बड़े अब सब बिधि भए ।
 एहि राज साज समेत सेवकु जानिबी बिनु गथ लए ॥
 ये दारिका परिचारिका करि पालिबी करुनामई १ ।
 अपराधु छमिबो बोलि पठए बहुत हौं दीठ्यो दर्ई २ ॥
 पुनि भानुकुलभूषन सकल सनमाननिधि समधी किए ।
 कहि जाति नहिं बिनती परसपर प्रेम परिपूरन हिए ॥
 वृंदारका गन सुमन बरिसहिं राउ जनवासेहि चले ।
 दुंदुभी जय धुनि वेद धुनि नभ नगर कौतूहल भले ॥
 तब सखीं मंगल गान करत मुनीस आयेसु पाइ कै ।
 दूलह दूलहिनिन्ह सहित सुंदरि चलीं कोहबर ल्याइ कै ॥

१—प्र० : करुनामई । द्वि०, तृ०, च० : प्र० [(६) (६अ) : करुनामई] ।

२—प्र० : दर्ई । द्वि० : प्र० । [तृ० : कई] । च० : प्र० [(६) (६अ) : कई]

दो०-पुनि पुनि रामहि चितव सिय सकुचति मनु सकुचै न ।

हरत मनोहर मीन छवि प्रेम पिआसे नैन ॥३२६॥
 स्याम सरीर सुभायँ सुहावन । सोभा कोटि मनोज लजावन ॥
 जावक जुत पद कमल सुहाए । मुनिमन मधुप रहत जिन्ह छाए ॥
 पीत पुनीत मनोहर धोती । हरति बाल रवि दामिनि जोती ॥
 कल किंकिन कटिसूत्र मनोहर । बाहु बिसाल बिभूषन सुंदर ॥
 पीत जनेउ महाछवि देई । करमुद्रिका चोरि चितु लेई ॥
 सोहत व्याह साज सब साजे । उर आयत उर भूषन राजे ॥
 पिअर^३ उपरना काखासोती । दुहुँ अँचरन्हि लगे मनि मोती ॥
 नयन कमल कल कुंडल काना । बदन सकल सौंदर्य निधाना ॥
 सुंदर भृकुटि मनोहर नासा । भाल तिलकु रुचिरता निवासा ॥
 सोहत मौर मनोहर माथें । मंगलमय मुकुता मनि गाथें ॥

छं०-गाथें महामनि मौर मंजुल अंग सब चित चोरहीं ।

पुरनारि सुरसुंदरीं वरहिं बिलोकि सब त्रिन तोरहीं ॥
 मनि बसन भूषन वारि आरति करहिं मंगल गावहीं ।
 सुर सुमन बरिसहिं सूत मागध बंदि सुजसु सुनावहीं ॥
 कोहवरहिं आनी कुँअर कुँअरि सुआसिनिन्ह सुख पाइ कै ।
 अति प्रीति लौकिक रीति लागीं करन मंगल गाइ कै ॥
 लहकौरि गौरि, सिखाव रामहि सीय सन सारद कहैं ।
 रनिवासु हास बिलास रस बस जन्म को फलु सब लहैं ॥
 निज पानि मनि महुँ देखिअति^१ मूरति सुरूपनिधान की ।
 जालति न भुजबल्ली बिलोकनि विरह भय बस जानकी ॥
 कौतुक बिनोद प्रमोद प्रेमु न जाइ कहि जानहिं अलीं ।
 वर कुँअरि सुंदर सकल सखी लेवाइ जनवासेहिं चलीं ॥

तेहिं समय सुनिअ असीस जहँ तहँ नगर नभ आनँदु महा ।
चिरु जिअहुँ जोरी चारु चारूयो मुदित मन सबहीं कहा ॥
जोगींद्र सिद्ध मुनीस देव बिलोकि प्रभु दुंदुभि हनी ।
चले हरषि वरषि प्रसून निज निज लोक जय जय जय भनी ॥

दो०—सहित बधूटिन्ह कुँअर सब तब आए पितु पास ।

सोभा मंगल मोद भरि उमगेउ जनु जनवास ॥३२७॥
पुनि जेवनार भई बहु भाँती । पठए जनक बोलाइ बराती ॥
परत पाँवड़े बसन अनूपा । सुतन्ह समेत गवनु कियो भूषा ॥
सादर सब के पाय पखारे । जथाजोगु पीढ़न्ह बैठारे ॥
धोए जनक अवधपति चरना । सीलु सनेह जाइ नहिं बरना ॥
बहुरि राम पद पंरुज धोए । जे हर हृदय कमल महुँ गोए ॥
तीनिउ भाइ राम सम जानी । धोए चरन जनक निज पानी ॥
आसन उचित सबहि नृप दीन्हे । बोलि सूपकारी१ सब लीन्हे ॥
सादर लगे परन पनवारे । कनक कील मनि पान सँवारे ॥
दो०—सूपोदन सुभी सरपि सुंदर स्वादु पुनीत ।

छन महुँ सब के परसि गे चतुर सुआर विनीति ॥३२८॥
पंच कर्वाज करि जेवन लागे । गारि गान सुनि अति अनुरागे ॥
भाँति अनेक परे पकवाने । सुधा सरिस नहिं जाहिं बखाने ॥
परसन लगे सुआर सुजाना । बिंजन बिबिध नाम को जाना ॥
चारि भाँति भोजन विधि गाई । एक एक विधि बरनि न जाई ॥
छ रस रुचिर बिंजन बहु जाती२ । एक एक रस अगनिउ भाँती२ ॥
जेवत देहिं मधुर धुनि गारी । लै लै नाम पुरुष अरु नारी ॥
समय सुहावनि गारि विराजा । हँसत राउ सुनि सहित समाजा ॥

१—प्र० : सूपकारी । दि० : प्र० [(३) (४) : सूपकारक] । तु०, च० : प्र० ।

२—प्र० : क्रमशः जाती, भाँती । दि० : प्र० । [तु० : भाँती, जाती] । च० : प्र० [(२) : भाँती, जाती] ।

येहि बिधि सबहीं भोजनु कीन्हा । आदर सहित आचमनु दीन्हा ॥

दो०—देह पान पूजे जनक दसगुथु सहित समाज ।

जनवासेहि गवने मुदित सकल भूप सिरताज ॥३२६॥

नित नूतन मंगल पुर माहीं । निमिष सारिसदिन जामिनि जाहीं ॥

बड़े भोर भूपतिमनि जागे । जाचक गुनगन गावन लागे ॥

देखि कुँअर बर बधुन्ह समेता । किमि कहि जात मोदु मन जेता ॥

प्रातक्रिया करि गे गुर पाहीं । महा प्रमोदु प्रेमु मन माहीं ॥

करि प्रनामु पूजा कर जोरी । बोले गिरा अमिअर जनु बोरी ॥

तुहरी कृपाँ सुनहु मुनिराजा । भएँ आजु मैं पूरनकाजा ॥

अब सब बिप्र बोलाइ गोसाईं । देहु धेनु सब भौंति बनाई ॥

सुनि गुर करि महिपाल बड़ाई । पुनि पठए मुनिवृंद बोलाई ॥

दो०—बामदेव अरु देवरिषि बालमीकि जाबालि ।

आए मुनिवर निकर तब कौसिकादि तपसालि ॥३३०॥

दंड प्रनाम सबहि नृप कीन्हे । पूजि सप्रेम बरासन दीन्हे ॥

चारि लच्छ बर धेनु मँगाई । काम सुरभि समसील सुहाई ॥

सब बिधि सकल अलंकृत कीन्हीं । मुदित महिप महिदेवन्ह दीन्हीं ॥

करत विनय बहु बिधि नरनाह । लहेउँ आजु जग जीवन लाह ॥

पाइ असीस महीसु अनंदा । लिए बोलि पुनि जाचक वृंदा ॥

कनक बसन मनि हय गय स्यंदन । दिए बूझि रुचि रबिकुल नंदन ॥

चले पढ़त गावत गुनगाथा । जय जय जय दिनकर कुल नाथा ॥

एहिं बिधि राम बिबाह उछाह । सकै न बरनि सइसमुख जाह ॥

दो०—बार बार कौसिक चरन सीसु नाइ कह राउ ।

येहु सबु सुखु मुनिराज तब कृपा कटाच्छ प्रभाउ ॥३३१॥

जनक सनेहु सीलु करतूती । नृपु सब राति सराह बिभूती ॥

१—प्र० : राति सराह बिभूती । [दि० : राति सराहत बीती] । वृ० : प्र० । [च० : (६)
(६अ) : भौंति सराह बिभूती, (८) राति सराहत बीती] ।

दिन उठि बिदा अवधपति माँगा । राखहिं जनकु सहित अनुरागा ॥
 नित नूतन आदरु अधिकारि । दिन प्रति सहस भाँति पहुनाई ॥
 नित नव नगर अनंदु उछाहू । दसरथ गवनु सोहाइ न काहू ॥
 बहुत दिवस बीते एहिं भाँती । जनु सनेह रजु बँधे बराती ॥
 कौसिक सतानंद तब जाई । कहा बिदेह नृपहि समुझाई ॥
 अब दसरथ कहूँ आयेसु देहू । जद्यपि छाड़ि न सकहु सनेहू ॥
 भलेहिं नाथ कहि सचिव बोलाए । कहि जय जीव सीस तिन्ह नाए ॥
 दो०—अवधनाथु चाहत चलन भीतर कारहु जनाउ ।

भए प्रेमवस सचिव सुनि विप्र सभासद राउ ॥३३२॥
 पुरवासी सुनि चलिहि बराता । पूँछत^१ बिकल परसपर बाता ॥
 सत्य गवनु सुनि सब बिलखाने । मनहु साँझ सरसिज सकुचाने ॥
 जहँ जहँ आवत बसे बराती । तहँ तहँ सिद्ध चला बहु भाँती ॥
 बिबिधि भाँति मेवा पकवाना । भोजन साजु न जाइ बखाना ॥
 भरि भरि बसह अपार कहारा । पठई^२ जनक अनेक सुसारा^२ ॥
 तुरग लाख रथ सहस पचीसा । सकल सँवारे नख अरु सीसा ॥
 मत्त सहस दस सिंधुर साजे । जिन्हहि देखि दिसिकुंजर लाजे ॥
 कनक बसन मनि भरि भरि जाना । महिषी धेनु बस्तु बिधि नाना ॥
 दो०—दाइज अमित न सकिअ कहि दीन्ह बिदेह बहोरि ।

जो अवलोकत लोकपति लोक संपदा थोरि ॥३३३॥
 सबु समाजु येहि भाँति बनाई । जनक अवधपुर दीन्ह पठाई ॥
 चलिहि बरात सुनत सब रानी । बिकल मीनगन जनु लघु पानी ॥
 पुनि पुनि सीय गोद करि लेहीं । देइ असीस सिखावनु देहीं ॥
 होएहु संतत पिआहि पिआरी । चिर अहिबातु असीस हमारी ॥

१—प्र० : वृक्षत । दि०, वृ० : प्र० । च० : पूँछत ।

२—प्र० : क्रमशः पठई, सुसारा । [दि०, वृ० : पठए, सुआरा] । च० : प्र० [(८) : पठए, सुआरा] ।

सासु ससुर गुर सेवा करेह । पति रख लखि आयेसु अनुसरेह ॥
 अति सनेह बस सखी सयानी । नारि घरमु सिखवहिं मृदु बानी ॥
 सादर सकल कुँअरि समुझाई । रानिन्ह बार बार उर लाई ॥
 बहुरि बहुरि भेटहिं महतारी । कहहिं बिरंचि रची कत नारी ॥
 दो०—तेहिं अवसर भाइन्ह सहित रामु भानुकुल केतु ।

चले जनक मंदिर मुदित विदा करावन हेतु ॥३३४॥
 चारिउ भाइ सुभायँ सुहाए । नगर नारि नर देखन धाए ॥
 कोउ कह चलन चहत हहिं आजू । कीन्ह विदेह विदा कर साजू ॥
 लेहु नयन भरि रूपु निहारी । प्रिय पाहुने भूपसुत चारी ॥
 को जानै केहिं सुकृत सयानी । नयन अतिथि कीन्ह बिधि आनी ॥
 मरनसीलु जिमि पाव पिऊषा । सुरतरु लहै जनम कर भूखा ॥
 पाव नारकी हरिपदु जैसैं । इन्ह कर दरसनु हम कहूँ तैसैं ॥
 निरखि राम सोभा उर धरहू । निज मन फनि मूरति मनि करहू ॥
 येहि बिधि सबहि नयन फलु देता । गए कुँअर सब राजनिकेता ॥
 दो०—रूप सिंधु सब बंधु लखि हरषि उठी रनिवासु ।

करहिं निछावर आरती महा मुदित मन सासु ॥३३५॥
 देखि राम छवि अति अनुरागी । प्रेम बिबस पुनि पुनि पद लागी ॥
 रही न लाज प्रीति उर छाई । सहज सनेहु बरनि किमि जाई ॥
 भाइन्ह सहित उबटि अन्हवाए । छ रस असन अति हेतु जेवाए ॥
 बोले रामु सुअवसर जानी । सील सनेह सकुचमय बानी ॥
 राउ अवधपुर चहत सिधाए । विदा होन हम इहाँ पठाए ॥
 मातु मुदित मन आयेसु देह । बालक जानि करव नित नेह ॥
 सुनत बचन बिलखेउ रनिवासु । बोलि न सकहिं प्रेम बस सासू ॥

१—प्र० : उडेउ । द्वि० : प्र० । तृ० : उठी । च० : तृ० ।

२—प्र० : हम इहाँ । द्वि० : प्र० [(३) (४) (५) : इति हमहिं] । तृ० , च० : प्र० ।

हृदय लगाइ कुँअरि सब लीन्हीं । पतिन्ह सौं पि बिनती अति कीन्हीं ॥

छं०—करि बिनय सिय रामहि समरपी जोरि कर पुनि पुनि कहै ।

बलि जाउँ तात सुजान तुम्ह कहूँ बिदित गति सबकी अहै ॥

परिवार पुरजन मोहि राजहि प्रानप्रिय सिय जानिबी ।

तुलसीसु सील सनेह लखि निज किंकरी करि मानिबी ॥

सो०—तुम परिपूरन काम, जान सिगेमनि भाव प्रिय ।

जन गुन गाहक राम दोष दलन करुनायतन ॥३३६॥

अस कहि रही चरन गहि रानी । प्रेम पंक जनु गिरा समानी ॥

सुनि सनेह सानी बर बानी । बहु बिधि राम सासु सनमानी ॥

राम बिदा माँगा^१ कर जोरी । कीन्ह प्रनाम बहोरि बहोरी ॥

पाइ असीस बहुरि सिरु नाई । भाइन्ह सहित चले रघुराई ॥

मंजु मधुर मूरति उर आनी । भई^२ सनेह सिथिल सब रानी ॥

पुनि धीरजु धरि कुँअरि हँकारी । बार बार भेटहिं महतारी ॥

पहुँचावहि फिर मिलहिं बहोरी । बढी परसपर प्रीति न थोरी ॥

पुनि पुनि मिलति सखिन्ह बिलगाई । बाल बच्छ जिमि धेनु लवाई ॥

दो०—प्रेम बिबस नर नारि सब सखिन्ह सहित रनिवासु ।

मानहुँ कीन्ह बिदेहपुर करुना बिरह निवासु ॥३३७॥

सुक सारिका जानकी ज्याए । कनक पिंजरन्हि राखि पढ़ाए ॥

ब्राकुल कहहिं कहाँ वैदेही । सुनि धीरजु परिहरै न केही ॥

भए बिकल खग मृग एहि भाँती । मनुज दसा कैसें कहि जाती ॥

बंधु समेत जनकु तब आए । प्रेम उमगि लोचन जल छाए ॥

सीय बिलोकि धीरता भागी । रहे कहावत परम विरागी ॥

लीन्हि राय उर लाइ जानकी । मिटी महा मरजाद ज्ञान की ॥

समुभावत सब सचिव सयाने । कीन्ह बिचारु अनवसरु जाने ॥

बारहिं बार सुता उर लाई । सजि सुंदर पालकीं मँगाई ॥
दो०—प्रेम बिबस परिवार सबु जानि सुलगन नरेस ।

कुँअरि चढ़ाईं पालकिन्ह सुमिरे सिद्ध गनेस ॥३३८॥
बहु विधि भूप सुता समुझाईं । नारि घरमु कुलरीति सिखाईं ॥
दासी दास दिए बहुतेरे । सुचि सेवक जे प्रिय सिय करे ॥
सीय चलत व्याकुल पुरबासी । होहिं सगुन सुभ मंगलरासी ॥
भूसुर सचिव समेत समाजा । संग चले पहुँचावन राजा ॥
समय बिलोकि बाजने बाजे । रथ गज बाजि बरातिन्ह साजे ॥
दसरथ बिप्र बोलि सब लीन्हे । दान मान परिपूरन कीन्हे ॥
चरन सरोज धूरि धरि सीसा । मुदित महीपति पाइ असीसा ॥
सुमिरि गजाननु कीन्ह पयाना । मंगल मूल सगुन भए नाना ॥

दो०—सुर प्रसून बरषहिं हरषि करहिं अपछरा गान ।

चले अवधपति अवधपुर मुदित बजाइ निसान ॥३३९॥
नृप करि बिनय महाजन फेरे । सादर सकल माँगने टेरे ॥
भूषन बसन बाजि गज दीन्हे । प्रेम पोषि ठाढ़े सब कीन्हे ॥
बार बार बिरिदाबलि भाषी । फिरे सकल रामहिं उर राखी ॥
बहुरि बहुरि कोसलपति कहहीं । जनकु प्रेम बस फिरे न चहहीं ॥
पुनि कह भूपति बचन सुहाए । फिरिअ महीस दूरि बड़ि आए ॥
राउ बहोरि उत्तरि भए ठाढ़े । प्रेम प्रवाह बिलोचन बाढ़े ॥
तब बिदेहु बोले कर जोरी । बचन सनेह सुधा जनु बोरी ॥
करौं कवन बिधि बिनय बनाई । महाराज मोहि दीन्ह बड़ाई ॥
दो०—कोसलपति समधी सजन सनमाने सब भौंति ।

मिलन परसपर बिनय अति प्रीति न हृदय समति ॥३४०॥
मुनि मंडलिहि जनक सिरु नावा । आसिरबाहु सबहि सन पावा ॥
सादर पुनि भेंटे जामाता । रूप सील गुननिधि सब आता ॥
जोरि पंकरुह पानि सुहाए । बोले बचन प्रेम जनु जाए ॥

म करौं केहि भौंति प्रसंसा । मुनि महेस मन मानस हंसा ॥
करहिं जोग जोगी जेहि लागी । कोहु मोहु ममता महु त्यागी ॥
ब्रथापकु ब्रह्म अलखु अविनासी । चिदानंदु निरगुनु गुनरासी ॥
मन समेत जेहि जान न बानी । तरकि न सकहिं सकल अनुमानी ॥
महिमा निगमु नेति कहि कहई । जो तिहुँकाल एकरस अहई ॥
दो०—नयन विषय मो कहूँ भएउ सो समस्त सुख मूल ।

सबुइ सुलभः जग जीव कहँ भएँ ईसु अनुकूल ॥३४१॥
सबहिं भौंति मोहि दीन्हि बड़ाई । निज जनु जानि लीन्ह अपनार्ई ॥
होहि सहस दस सारद सेवा । करहिं कलप कोटिक भरि लेखा ॥
मोर भाग्य राउर गुन गाथा । कहि न सिराहिं सुनहु रघुनाथा ॥
मैं कछु कहौं एक बल मोरे । तुम्ह रीझहु सनेह सुठि थोरे ॥
बार बार माँगौं कर जोरे । मनु परिहरै चरन जनि भोरें ॥
मुनि बर बचन प्रेम जनु पोषे । पूरन कामु रामु परितोषे ॥
करि बर बिनय ससुर सनमाने । पितु कौसिक बसिष्ठ सम जाने ॥
बिनती बहुतर भरत सन कीन्ही* । मिलि सप्रेम पुनि आसिष दीन्ही* ॥

दो०—मिले लखन रिपुसूदनहि दीन्हि असीस महीस ।

भए परसपर प्रेम बस फिरि फिरि नावहिं सीस ॥३४२॥
बार बार करि बिनय बड़ाई । रघुपति चले संग सब भाई ॥
जनक गहे कौसिक पद जाई । चरनु रेनु सिर नयनन्हि लाई ॥
सुनु मुनीस बर दरसन तोरें । अगमु न कछु प्रतीति मन मोरें ॥
जो सुख सुजसु लोकपति चहहीं । करत मनोरथ सकुचत अहहीं ॥

—प्र० : सबुइ सुलभ । द्वि०, तृ०, च० : प्र० [(६) (६अ) : सबइ लाभ] ।

—प्र० : करहिं । द्वि०, तृ०, च० : प्र० [(६अ) : करिहिं] ।

—[प्र० : बहु] । द्वि० : बहुज । तृ० : द्वि० । च० : द्वि० [(६) (६अ) : बहुरि] ।

—प्र० : क्रमशः कीन्ही, दीन्ही । द्वि०, तृ० : प्र० । [च० : (६) (६अ) कीन्हा, दीन्हा ;

(=) कीन्हे, दीन्हे] ।

सो सुख सुख सुख सुख मोहि स्वामी । सब सिधि^१ तव दस्सन अनुगामी ॥
 कीन्हि विप्र पुनि पुनि सिरु नाई । फिरे महीसु आसिषा पाई ॥
 चली बारात निसान बजाई । मुदित छोट बड़ सब समुदाई ॥
 रामहि निरखि आम नर नारी ॥ पाइ नयन फलु होहि सुखारी ॥
 दो०—बीच बीच बर बास करि मग लोगन्ह सुखु देत ।

अवध समीप पुनीत दिन पहुँची आई जनेत ॥ ३४३ ॥
 हने निसान पनव बर बाजे । मेरि संख धुनि हय गय गाँगी ॥
 भौंकि मेरि^२ डिंडिमी सुहाई । सरस राम बाजहिं सहनाई ॥
 पुरजन आवत अकनि बसाता । मुदित सकल पुलकावलि गाता ॥
 निज निज सुंदर सदन सँवारे । हाट बाट चौहट पुर द्वारे ॥
 माली सकल अरगजा सिचाई । जहँ तहँ चौकैं चारु पुसाई ॥
 बना बजारु न जाइ बखाना । तोरन केतु पताक झिताना ॥
 सफल पूगफल कदलि रसाला । रोपे बकुल कदंब लमाला ॥
 लगे सुभस तरु परसत घस्नी । मनिमय आलबाल कल करनी ॥
 दो०—विभिन्न भौंति मंगल कलस गृह गृह रचे सँवारि ।

सुर ब्रह्मादि सिंहाहिं सब रघुवर पुरी निहारि ॥ ३४४ ॥
 भूप भवतु तेहिं अवसर सोहा । रचना देखि मदन मनु मोहा ॥
 संगल सगुन मनोहरताई । सिधि सिधि सुख संपदा सुहाई ॥
 जनु उछाह सब सहज सुहाए । तनु धरि धरि दसस्थ गृह आप^३ ॥
 देखन हेतु रामु बैदेही । कहहु लालसा होइ न केही ॥
 जूथ जूथ मिलि चलीं सुआसिनि । निज छवि निदरहिं मदनविलासिनि ॥
 सकल सुमंगल सजे आरती । गावहिं जनु बहु वेष भारती ॥

१—प्र० : सिधि । दि० : प्र० [(३) (४) : विधि] । [तु० : विधि] । च० : प्र० [(५) : विधि] ।

२—प्र० : भेरि । [दि० : (६) (४) (५) बीन, (५३) बीरि] । तु० : प्र० । च० [(६) बीर, (६३) बीरि] ।

३—प्र० : बाए । दि० : आप । तु०, च० : दि० ।

मूपति भवन कोलाहलु होई । जाइ न बरनि समउ सुखु सोई ॥
कौसल्यादि राम महतारी । प्रेम बिबस तन दसा बिसारी ॥
दो०—दिए दान बिग्रह बिपुल पूजि गनेस पुरारि ।

प्रमुदित परम दरिद्र जनु पाइ पदास्थ चारि ॥३४५॥
मोद^१ प्रमोद बिबस सब माता । चलहि न चरन सिथिल भए गाता ॥
राम दरस हित अति अनुशर्गी । परिछनि साजु सजन सब लागी ॥
बिबिध विधान बाजने बाजे । मंगल मुदित सुमित्रा साजे ॥
हरद दूब दधि पल्लव फूला । पान पूगफल मंगल मूला ॥
अच्छत अंकुर रोचन लाजा । मंजुर^२ मंजरि तुलसि विराजा ॥
छुहे पुरट घट सहज सुहाए । मदन सकुन^३ जनु नीड़ बनाए ॥
सगुन सुगंध न जाहिं बखानी । मंगल सकल सजहिं सब रानी ॥
रचीं आरती बहुत विधाना । मुदित करहिं कल मंगल गाना ॥

दो०—कनक थार भरि मंगलन्हि कमल करन्हि लिए मातु ।

चलीं मुदित परिछनि करन पुलक पल्लवित गातु ॥३४६॥
धूप धूम नभु मेचकु भएऊ । सावन घन घमंडु जनु ठएऊ ॥
सुतरु सुमन माल सुर बरषहिं । मनहु बलाक अवलि मनु करषहिं ॥
मंजुत्र मनिमय बंदनवारे । मनहुँ पाकरिपु चाप सँवारे ॥
प्रगटहिं दुरहिं अटन्हि पर भागिनि । चारु चपल जनु दमकहिं दामिनि ॥
दुंदुभि धुनि घन गरजनि घोरा । जाचक चातक दादुर मोरा ॥
सुर सुगंध सुचि बरषहिं बारी । सुखी सकल ससि पुर नर नारी ॥
समय जानि गुर आयेसु दीन्हा । पुर प्रवेसु रघुकुल मनि कीन्हा ॥
सुमिरि संभु गिरिजा गनराजा । मुदित महीपति सहित समाजा ॥

१—प्र० : मोह । द्वि० : प्र० [(४) (५) : प्रेम] । [तृ० : प्रेम] । च० : प्र० ।

२—[प्र० : मंगल] । [द्वि० : मंगल] । तृ० : मंजरि । च० : तृ० ।

३—[प्र० : सकुच] । द्वि० : सकुन [(५अ) : सकुच] । तृ० : द्वि० । च० : द्वि० [(६)

(६अ) : सकुच] ।

दो०—होहिं समुन बरषहिं सुमन सुर दुंदुभी बजइ ।

बिबुधबधु नाचहिं मुदित मंजुल मंगल गाइ ॥३४७॥
 मागध सूत बंदि नट नागर । गावहिं जसु तिहुँ लोक उजागर ॥
 जयधुनि विमल बेद बर बानी । दस दिसि सुनिअ सुमंगल सानी ॥
 बिपुल बाजने बाजन लागे । नभ सुर नगर लोग अनुरागे ॥
 बने बराती बरनि न जाहीं । महा मुदित मन सुख न समाहीं ॥
 पुरबासिन्ह तब राउ जोहारे । देखत रामहि भए सुखारे ॥
 करहिं निछावरि मनि गन चीरा । बारि बिलोचन पुलक सरीरा ॥
 आरति करहिं मुदित पुर नारी । हरषहिं निरखि कुँअर बर चारी ॥
 सिबिका सुभग ओहार उघारी । देखि दुलहिनिन्ह होहिं सुखारी ॥
 दो०—येहि विधि सबही देत सुख आए राज दुआर ।

मुदित मातु परिछनि करहिं बधुन्ह समेत कुमार ॥३४८॥
 करहिं आरती बारहिं बारा । प्रेमु प्रमोद कहै को पारा ॥
 भूषन मनि पट नाना जाती । करहिं निछावरि अगनित भाँती ॥
 बधुन्ह समेत देखि सुत चारी । परमानंद मगन महतारी ॥
 पुनि पुनि सीय राम छवि देखी । मुदित सफल जग जीवन लेखी ॥
 सखी सीय मुख पुनि पुनि चाही । गान करहिं निज सुकृत सराही ॥
 बरषहिं सुमन छनहिं छन देवा । नाचहिं गावहिं लावहिं सेवा ॥
 देखि मनोहर चारिउ जोरी । सारद उपमा सकल ढँढोरी ॥
 देत न बनहिं निपट लघु लागी । एकटक रही रूप अनुरागी ॥
 दो०—निगम नीति कुल रीति करि अरघ पाँवड़े देत ।

बधुन्ह सहित सुत परिछि सब चलीं लवाइ निकेत ॥३४९॥
 चारि सिंघासन सहज सुहाए । जनु मनोज निज हाथ बनाए ॥
 तिन्ह पर कुँअरि कुँअर बैठारे । सादर पाय पुनीत पखारे ॥
 धूप दीप नैवेद बेद बिधि । पूजे बर दुलहिनि मंगल निधि ॥
 बारहिं बार आरती करहीं । व्यंजन चारु चामर सिर ढरहीं ॥

बस्तु अनेक निष्ठावरि होहीं । भरी प्रमोद मातु संव सोहीं ॥
पावा परम तत्त्व जनु जोगी । अमृत लहेउ जनु संतत रोगी ॥
जनम रंकु जनु पारस पावा । अंधहि लोचन लासु सुहावा ॥
मूक बदन जनु^१ सारद छाई । मानहुँ समर सूर जय पाई ॥
दो०—येहि सुख तें सत कोटि गुन पावहिं मातु अनंदु ।

भाइन्ह सहित बिआहि घर आए रघुकुल चंदु ॥

लोक रीति जननी करहिं बर दुलहिनि सकुचाहिं ।

मोदु बिनोदु बिलोकि बड़ रासु मनहिं मुसुकाहिं ॥२५०॥

देव पितर पूजे बिधि नीकीं । पूजीं सकल बासना जी कीं ॥
सबहि बंदि माँगहिं बरदाना । भाइन्ह सहित राम कल्याना ॥
अंतरहित सुर आसिष देहीं । मुदित मातु अंचल भरि लेहीं ॥
भूपति बोलि बराती लीन्हे । जान बसन मनि भूषन दीन्हे ॥
आयेसु पाइ राखि उर रामहि । मुदित गए सब निज निज धामहि ॥
पुर नर नारि सकल पहिराए । घर घर बाजन लगे बधाए ॥
जांचक जन जाचहिं जोइ जोई । प्रमुदित राउ देइ सोइ सोई ॥
सेवक सकल बजनिआँ नाना । पूरन किए दान सनमाना ॥
दो०—देहिं असीस जोहारि सब गावहिं गुन गन गाथ ।

तब गुर भूसुर सहित गृह गवनु कीन्ह नरनाथ ॥३५१॥

जो बसिष्ठ अनुसासन दीन्ही । लोक बेद बिधि सादर कीन्ही ॥
भूसुर भीर देखि सब रानी । सादर उठीं भाग्य बड़ जानी ॥
पाय पखारि सकल अन्हवाए । पूजि भलीं बिधि भूप जेवाए ॥
आदर दान प्रेम परिपोषे । देत असीस सकल^२ मन तोषे^३ ॥
बहु बिधि कीन्हि गाधिसुत पूजा । नाथ मोहि सम धन्य न दूजा ॥

१—प्र० : जनु । द्वि० : प्र० [(४) (५) (५अ) : जिमि] । [तृ० : जस] च० : प्र० ।

२—प्र० : सकल । द्वि० : प्र० [तृ० : चले] च० : प्र० [(६) (६अ) : चले] ।

३—प्र० : मन तोषे । द्वि० : प्र० [(४) : परितोषे] । तृ०, च० : प्र० ।

कीन्हि प्रसंसा भूपति भूरी । रानिन्ह सहित लीन्हि पग धूरी ॥
 भीतर भवन दीन्ह बर बासू । मनु जोगक्त रह नृपु रनिवासू ॥
 पूजे गुर पद कमल बहोरी । कीन्हि बिनय उर प्रीति न थोरी ॥
 दो०—बधुन्ह समेत कुमार सब रानिन्ह सहित महीसु ।

पुनि पुनि बंदत गुर चरन देत असीस सुनीसु ॥३५२॥
 बिनय कीन्हि उर अति अनुरागे । सुत संपदा राखि सब आगे ॥
 नेगु माँगि मुनिनाथकु लीन्हा । आसिरबादु बहुत विधि दीन्हा ॥
 उर धरि रामहि सीय समेता । हरिष कीन्ह गुर गवनु निकेता ॥
 बिप्र बधूँ सब भूप बोलाई । चैल^१ चारु भूषन पहिराई ॥
 बहुरि बुलाइ सुआसिनि लीन्हीं । रुचि बिचारि पहिरावनि दीन्हीं ॥
 नेगी नेग जोग सब लेहीं । रुचि अनुरूप भूपमनि देहीं ॥
 प्रिय पाहुने पूज्य जे जाने । भूपति भली भाँति सनमाने ॥
 देव देखि रघुवीर बिबाह । बरषि प्रसून प्रसंसि उच्चाह ॥
 दो०—चले निसान बजाइ सुर निज निज पुर सुख पाइ ।

कहत परसपर राम जसु प्रेमु न हृदय समाइ ॥३५३॥
 सब विधि सबहि समदि नरनाह । स्था हृदयँ भरि पूरि उच्चाह ॥
 जहाँ रनिवासु तहाँ पमु धारे । सहित बधूटिन्ह कुँअर निहारे ॥
 लिष मोद करि मोद समेता । को कहि सकै भएउ सुख जेता ॥
 बधूँ सप्रेम मोद बैठाहीं । बार बार हिअँ हसषि दुलाहीं ॥
 देखि समाजु मुदित रनिवासू । सब के उर अनंदु कियो बासू ॥
 कहेउ भूप जिमि भएउ बिबाह । सुनि सुनि हरषु होइ सब काह ॥
 जनकराज गुन सीलु बड़ाई । प्रीति रीति संपदा सुहाई ॥
 बहु विधि भूप भाट जिमि बरनी । रानी सब प्रमुदित सुनि करनी ॥

दो०—सुतह समेत नहाइ नृप बोलि विप्र गुरु ज्ञाति ।

भोजन कीन्ह अनेक विधि घरी प्रंच गइ राति ॥३५४॥

मंगल गान करहिं बर भामिनि । भै सुख मूल मनोहर जामिनि ॥

अँचै पान सब काहँ पाए । सग सुगंध भूषित ब्रवि छाए ॥

रामहिं देखि रजायेसु पाई । निज निज भवन चले सिर नाई ॥

प्रेसु प्रमोदु बिमोदु बढ़ाई । समउ समाजु मनोहरताई ॥

कहिं न सकहिं सत सारदसेसू । वेद बिरंचि महेसु गनेसू ॥

सो मैं कहौं कवन विधि बरनी । भूमिनासु सिर धरै कि धरनी ॥

नृप सब भाँति सबहि सनमानी । कहि मृदु बचन बोलाई रानी ॥

बधूँ लरिकिनीं पर घर आई । राखेहु नयन पलक की नाई ॥

दो०—लरिका श्रमित उनीद बस सयन करावहु जाइ ।

अस कहि गै विश्राम गृह राम चरन चितु लाइ ॥३५५॥

भूप बचन सुनि सहज सुहाए । जटित^१ कनक मनि पलंग डसाये ॥

सुभग सुरभि पय फेनु समाना । कीमल कलित सुपेती नाना ॥

उपब्रह्मन बर बरनि^२ न जाहीं । सग सुगंध मनि मंदिर साहीं ॥

रतन दीप सुठि चारु चँदोवा । कहत न बनै जान जेहिं जोवा ॥

सेज रुचिर रचि राम उठाए । प्रेम समेत पलंग पौड़ाए ॥

अज्ञा पुनि पुनि भाइन्ह दीन्हीं । निज निज सेज सयन तिन्ह कीन्हीं ॥

देखि स्याम मृदु मंजुल गाता । कहहिं सप्रेम बचन सब माता ॥

मारग जात भयावनि भारी । केहि विधि तात ताड़िका मारी ॥

दो०—घोर निसाचर विकट भट समर गनहिं नहिं काहु ।

मारे सहित सहाय किमि खल भारीच सुबाहु ॥३५६॥

सुनि प्रसाद बलि तात तुम्हारी । ईस अनेक करवरैं टारी ॥

१—प्र० : जटित । द्वि० : प्र० [(४) (५) (५अ) : जटित] । [वृ० : जरित] । [च० : (६) (६अ) जरित, (८) जटित] ।

२—[प्र० : बरनि] । द्वि० वृ०, च० : बर बरनि ।

मख रखवारी करि दुहुँ भाई । गुर प्रसाद सब विद्या पाई ॥
 मुनि तिस्र तरी लगत पग धूरी । कीरति रही भुवन भरि पूरी ॥
 कमठ पीठि पवि कूट कठोरा । नृप समाजु महुँ सिवधनु तोरा ॥
 बिस्व विजय जसु जानकि पाई । आए भवन ब्याहि सब भाई ॥
 सकल अमानुष करमु तुम्हारे । केवल कौसिक कृपा सुधारे ॥
 आजु सुफल जग जनमु हमारा । देखि तात बिधु बदन तुम्हारा ॥
 जे दिन गए तुम्हहि विनु देखें । ते विरंचि जनि पारहि लेखें ॥
 दो०—राम प्रतोषी मातु सब कहि विनीत बर बयन ।

सुमिरि संभु गुर बिप्र पद किए नींद बस नयन ॥ ३५७ ॥
 निंदउहँ बदन सोह सुठि लोना । मनहुँ सौँभ सरसीरुह सोना ॥
 घर घर करहि जागरन नारी । देहि परसपर मंगल गारी ॥
 पुरी विराजति राजति रजनी । रानी कहहि बिलोकहु सजनी ॥
 सुंदरि बधू^१ सासु लै सोई । फनिकन्ह जनु सिरमनि उर गोई ॥
 प्रात पुनीत काल प्रभु जागे । अरुनचूड़ बर बोलन लागे ॥
 बंदि मागधन्हि^२ गुन गन गाए । पुरजन द्वार जोहारन आए ॥
 बंदि बिप्र सुर गुर पितु माता । पाइ असीस मुदित सब आता ॥
 जननिन्ह सादर बदन निहारे । भूपति संग द्वार पगु धारे ॥
 दो०—कौन्ह सौच सब सहज सुचि सरित पुनीत नहाइ ।

प्रात क्रिया करि तात पहि आए चारिउ भाइ ॥ ३५८ ॥
 भूप बिलोकि लिए उर लाई । बैठे हरषि रजायेसु पाई ॥
 देखि रामु सब सभा जुड़ानी । लोचन लासु अवधि अनुमानी ॥
 पुनि बसिष्ठ मुनि कौसिकु आए । सुभग आसनन्हि मुनि बैठाए ॥
 सुतन्ह समेत पूजि पग लागे । निरखि रामु दोउ गुर अनुरागे ॥

१—प्र० : बधू । द्वि० : प्र० । [तु० : बधुन्ह] । च० : प्र० ।

२—प्र० : बंदि मागधन्हि । [द्वि०, तु० : बंदी मागध] । च० : प्र० [(न) : बंदी मागध] ।

कहहिं बसिष्ठ धरम इतिहासा । सुनहिं महीसु सहित रनिवासा ॥
मुनि मन अगम गाधिसुत करनी । मुदित बसिष्ठ विपुल बिधि बरनी ॥
बोले बामदेउ सब साँची । कीरति कलित लोक तिहुँ माँची ॥
सुनि आनंद भएउ सब काहू । राम लखन उर अतिहि^१ उछाहू ॥
दो०—मंगल मोद उछाहु नित जाहिं दिवस येहि भाँति ।

उमगी अवध अनंद भरि अधिक अधिक अघिकाति ॥३५६॥
सुदिन सोधि^२ कल कंकन छोरे । मंगल मोद विनोद न थोरे ॥
नित नव सुख सुर देखि सिहाहीं । अवध जनम जाचहिं बिधि पाहीं ॥
बिस्वामित्रु चलन नित चहहीं । राम सप्रेम बिनय बस रहहीं ॥
दिन दिन सयगुन भूपति भाऊ । देखि सराह महा मुनिराऊ ॥
माँगत बिदा राउ अनुरागे । सुतन्ह समेत ठाढ़ भे आगें ॥
नाथ सकल संपदा तुम्हारी । मैं सेवकु समेत सुत नारी ॥
करबि सदा लरिकन्ह पर छोहू । दरसन देत रहब मुनि मोहू ॥
दीन्हि असीस बिष बहु भाँती । चले न प्रीति रीति कहि जाती ॥
राम सप्रेम संग सब भाई । आयेसु पाइ फिरे पहुँचाई ॥
दो०—राम रूप भूपति भगति ब्याहु उछाहु अनंदु ।

जात सराहत मनहिं मन मुदित गाधिकुल चंदु ॥३६०॥
बामदेव रघुकुल गुर ज्ञानी । बहुरि गाधिसुत कथा बखानी ॥
सुनि मुनि सुजसु मनहिं मन राऊ । बरनत आपन पुन्य प्रभाऊ ॥
बहुरे लोग रजायेसु भएऊ । सुतन्ह समेत नृपति गृह गएउ ॥
जहँ तहँ राम ब्याहु सबु गावा । सुजस पुनीत लोक तिहुँ छावा ॥
आए ब्याहि राम घर जब तें । बसे अनंद अवध सब तब तें ॥
प्रभु विवाह जस भएउ उछाहू । सकहिं न बरनि गिरा अहिनाहू ॥
कबि कुल जीवनु पावन जानी । करन पुनीत हेतु निज बानी ॥

१—प्र० : अतिहि । द्वि० : प्र० । [तृ० : अधिक] । च० : प्र० ।

२—प्र० : साधि । द्वि० : प्र० । तृ० : सोधि । च० : तृ० ।

तेहिं तैं मैं कछु कहा बखानी । करन पुनीत हेतु निज बानी ॥

छं०—निज गिरा पावनि करन कारन राम जसु तुलसी कछो ॥

रघुवीर चरित अपार बारिधि पारु कवि कौने लखौ ॥

उपवीत ब्याह उझाह मंगल सुनि जे सादर गावहीं ॥

वैदेहि राम प्रसाद ते जन सर्वदा सुखु पावहीं ॥

सो०—सिय रघुवीर विवाहु जे सप्रेम गावहिं सुनहिं ।

तिन्ह कहूँ सदा उझाहु मंगलायतन राम जसु ॥३६१॥

इति श्रीमद्रामचरितमानसे सकल कलिकलुष विध्वंसने

प्रथमः सोपानः समाप्तः ॥

श्री गणेशाय नमः
श्री जानकीवल्लभो विजयते

श्री रामचरित मानस

द्वि ती य सो पा न

अयोध्या कांड

श्लो०—वामांके च विभाति भूधरसुता देवापगा मस्तके ।
भाले बालविधुर्गले च गरलं यस्योरसि व्यालराट् ॥
सोयं भूतिविभूषणः सुरवरः सर्वाधिपः सर्वदा ।
शर्वः सर्वगतः शिवः शशिनिभः श्रीशंकरः पातु माम् ॥
प्रसन्नतां या न गताभिषेकतस्तथा न मस्ते वनवासदुःखतः ।
मुखाम्बुजश्री रघुनंदनस्य मे सदास्तु सा मंजुलमंगलप्रदा ॥
नीलांबुजश्यामजकोमलांगं सीतासमारोपितवामभागम् ।
पाणौ महासायकवारुचापं नमामि रामं रघुवंशनाथम् ॥

दो०—श्री गुर चरन सरोज रज निज मनु मुकुरु सुधारि ।
बरनौ रघुवर विमल जसु जो दायकु फल चारि ॥

जब तें रामु ब्याहि घर आए । नित नव मंगल मोद बधाए ॥
भुवन चारिदस भूधर भारी । सुकृत मेघ बरषहिं सुख वारी ॥
रिधि सिधि संपति नदी सुहाई । उमगि अवध अंबुधि कहूँ आई ॥
मनिगन पुर नर नारि सुजाती । सुचि अमोल सुंदर सब भौंती ॥
कहि न जाइ कछु नगर बिभूती । जनु एतनिअँ बिरंचि करतूती ॥
सब बिधि सब पुरलोग सुखारी । रामचंद मुख चंदु निहारी ॥
मुदित मातु सब सखीं सहेलीं । फलित^१ बिलोकि मनोरथ बेलीं ॥

राम रूपु गुन सीलु सुमाऊ । प्रमुदित होइ देखि सुनि राऊ ॥
दो०—सबकें उर अभिलाषु अस कहहिं मनाइ महेसु ।

आपु अबत जुबराज पदु रामहि देउ नरेसु ॥१॥
एक समर्थ सब सहित समाजा । राजसभाँ रघुराजु बिराजा ॥
सकल सुकृत मूरति नरनाहूँ । राम सुजस सुनि अतिहि उब्बाहू ॥
नृप सब रहहिं कृपा अभिलाषैं । लोकप करहिं प्रीति रुख राखैं ॥
तिभुवन तीनि काल जग माहीं । भूरिभाग दसरथ सम नाहीं ॥
मंगल मूल रामु सुत जासू । जो कछु कहिअ थोर सबु तासू ॥
राय सुभाय मुकुरु कर लीन्हा । वदन बिलोकि मुकुटु सम कीन्हा ॥
सवन समीप भए सित केसा । मनहुँ जरठपनु अस उपदेसा ॥
नृप जुबराजु राम कहूँ देहू । जीवन जनम लाहु किन लेहू ॥
दो०—येह बिचारु उर आनि नृप सुदिनु सुअवसरु पाइ ।

प्रेम पुलकि तन मुदित मन गुरहि सुनाएउ जाइ ॥२॥
कहइ भुआलु सुनिअँ मुनिनायक । भएरामु सब बिधि सब लायक ॥
सेवक सचिव सकल पुरबासी । जे हमरे अरि मित्र उदासी ॥
सबहि रामु प्रिय जेहि बिधि मोही । प्रभु असीस जनु तनु धरि सोही ॥
बिप्र सहित परिवार गोसाईं । करहिं छोहु सब रौरिहि नाई ॥
चे गुर चरन रेनु सिर धरहीं । ते जनु सकल बिभव बस करहीं ॥
मोहि सम यहु अनुभएउ न दूजैं । सबु पाएउँ रज पावनि पूजैं ॥
अब अभिलाषु एकु मन मोरैं । पूजिहि नाथ अनुग्रह तोरैं ॥
मुनि प्रसन्न लखि सहज सनेहू । कहेउ नरेस रजायेसु देहू ॥
दो०—राजन राउर नामु जसु सब अभिमत दातार ।

फल अनुगामी महिपमनि मन अभिलाषु तुम्हार ॥३॥
सब बिधि गुर प्रसन्न जिअँ जानी । बोलेउ राउ रहँसि मृदुबानी ॥
नाथ रामु करिअहिं जुबराजू । कहिअ कृपा करि करिअ समाजू ॥
मोहि अबत येहु होइ उब्बाहू । लहहिं लोग सब लोचन लाहू ॥

प्रभु प्रसाद सिव सबइ निबाहीं । येह लालसा एक मन माहीं ॥
पुनि न सोचु तनु रहउ कि जाऊ । जेहि न होइ पाछें पछिताऊ ॥
सुनि मुनि दसरथ बचन सुहाए । मंगल मोद मूल मन भाए ॥
सुनु नृप जासु बिमुख पछिताहीं । जासु भजन बिनु जरनि न जाहीं ॥
भएउ तुम्हार तनय सोइ स्वामी । रामु पुनीत प्रेम अनुगामी ॥

दो०—बेगि बिलंबु न करिअ नृप साजिअ सबुइ समाजु ।

सुदिनु सुमंगलु तबहिं जब रामु होहिं जुबराजु ॥४॥

मुदित महीपति मंदिर आए । सेवक सचिव सुमंत्रु बोलाए ॥
कहि जय जीव सीस तिन्ह नाए । भूप सुमंगल बचन सुनाए ॥
प्रमुदित मोहि कहेउ गुर आजू । रामहि राय देहु जुबराजू ॥
जौ पाँचहि मत लागइ नीका । करहु हरषि हिय रामहिं टीका ॥
मंत्री मुदित सुनत प्रिय बानी । अभिमत बिरव परेउ जनु पानी ॥
बिनती सचिव करहिं कर जोरी । जिअहु जगपति बरिस करोरी ॥
जग मंगल भल काजु बिचारा । बेगिअ नाथ न लाइअ बारा ॥
नृपहिं मोदु सुनि सचिव सुभाषा । बढ़त बौड़ जनु लही सुसाखा ॥
दो०—कहेउ भूप मुनिराज कर जोइ जोइ आयेसु होइ ।

राम राज अभिषेक हित बेगि करहु सोइ सोइ ॥५॥

हरषि मुनीस कहेउ मृदु बानी । आनहु सकल सुतीरथ पानी ॥
औषध मूल फूल फल पाना । कहे नाम गनि मंगल नाना ॥
चामर चरम बसन बहु भाँती । रोम पाट पट अगनित जाती ॥
मनिगन मंगल वस्तु अनेका । जो जग जोगु भूप अभिषेका ॥
बेद बिहित कहि सकल बिधाना । कहेउ रचहु पुर बिबिध बिताना ॥
सफल रसाल पूगफल केरा । रोपहु बौथिन्ह पुर चहुँ फेरा ॥
रचहु मंजु मनि चौकई चारू । कहहु बनाबन बेगि बजारू ॥
पूजहु गनपति गुर कुलदेवा । सब विधि करहु भूमिसुर सेवा ॥

दो०—ध्वज पताक तोरन कलस सजहु तुरग रथ नाग ।

सिर धरि मुनिबर बचन सबु निज निज काजहिं लाग ॥६॥

जो मुनीस जेहि आयेसु दीन्हा । सो तेहि काजु प्रथम जनु कीन्हा ॥

बिप्र साधु सुर पूजत राजा । करत राम हित मंगल काजा ॥

सुनत राम अभिषेक सुहावा । बाज गहागह अवध वधावा ॥

राम सीय तन सगुन जनाए । फरकहिं मंगल अंग सुहाए ॥

पुलकि सप्रेम परसपर कहहीं । भरत आगमनु सूचक अहहीं ॥

भए बहुत दिन अति अवसेरी । सगुन प्रतीति भेंट प्रिय केरी ॥

भरत सरिस प्रिय को जग माहीं । इहइ सगुन फलु दूसर नाहीं ॥

रामहि बंधु सोचु दिन राती । अंडन्हि कमठ हृदउ जेहि भाँती ॥

दो०—एहि अवसर मंगलु परम सुनि रहसेउ रनिवासु ।

सोभत लखि बिधु बद्धत जनु बारिधि बीचि बिलासु ॥७॥

प्रथम जाइ जिन्ह बचन सुनाए । भूषन बसन भूरि तिन्ह पाए ॥

प्रेम पुलकि तन मनु अनुरागी । मंगल कलस सजन सब लागी ॥

चौकड़ चारु सुमित्रा पूरी । मनिमय विविध भाँति अति रूरी ॥

आनंद मगन राम महतारी । दिए दान बहु बिप्र हँकारी ॥

पूजी ग्रामदेवि सुर नागा । कहे बहोरि देन बलि भागा ॥

जेहि बिधि होइ राम कल्यानू । देहु दया करि सो बरदानू ॥

गावहिं मंगल कोकिल बयनी । बिधु बदनी मृग सावक नयनी ॥

दो०—राम राज अभिषेकु सुनि हिय हरषे नर नारि ।

लगे सुमंगल सजन सब बिधि अनुकूल बिचारि ॥८॥

तब नरनाह बसिष्ठु बोलाए । राम धाम सिख देन पठाए ॥

गुर आगमनु सुनत रघुनाथा । द्वार आई पद नाएउ माथा ॥

सादर अरघ देइ घर आने । सोरह भाँति पूजि सनमाने ॥

१—[तु० में यहाँ निम्नलिखित अर्द्धांजी और भी आई है :—

बार बार गनपतिहि निहोरा । कीजे सफल मनोरथ मोरा ।]

गहे चरन सिय सहित बहोरी । बोले रामु कमल कर जोरी ॥
 सेवक सदन स्वामि आगमनू । मंगल मूल अमंगल दमनू ॥
 तदपि उचित जनु बोलि सप्रीती । पठइअ काज नाथ असि नीती ॥
 प्रभुता तजि प्रभु कीन्ह सनेहू । भएउ पुनोत आजु येहु गेहू ॥
 आग्रसु होइ सो करौ गोसाईं । सेवकु लहइ स्वामि सेवकाईं ॥
 दो०—मुनि सनेह साने बचन मुनि रघुवरहि प्रसंस ।

राम कसन तुम्ह कहहु अस हंस बंस अवतंस ॥६॥
 वरनि राम गुन सीलु सुभाऊ । बोले प्रेम पुलकि मुनिराऊ ॥
 भूप सजेउ अभिषेक समाजू । चाहत देन तुम्हहि जुवराजू ॥
 राम करहु सब संजम आजू । जौं बिधि कुसल निबाहइ काजू ॥
 गुरु सिख देइ राय पहि गएऊ । राम हृदय अस विसमउ भएऊ ॥
 जनमे एक संग सब भाई । भोजन सयन केलि लरिकाई ॥
 करनबेध उपवीत बिआहा । संग संग सब भए उज्वाहा ॥
 बिमल बंस येहु अनुचित एकू । बंधु बिहाइ बड़ेहि अभिषेकू ॥
 प्रभु सप्रेम पछितानि सुहाई । हरउ भगत मन कै कुटिलाई ॥
 दो०—तेहि अवसर आए लखनु मगन प्रेम आनंद ।

सनमाने प्रिय बचन कहि रघुकुल कैरव चंद ॥१०॥
 बाजहिं बाजन बिबिध बिधाना । पुर प्रमोदु नहिं जाइ बखाना ॥
 भरत आगमनु सकल मनावहिं । आवहु^१ बेगि नयन फलु पावहिं ॥
 हाट बाट घर गली अथाई । कहहिं परसपर लोग लोगाई ॥
 कालि लगन भलि केतिक बारा । पूजिहि बिधि अभिलाषु हमारा ॥
 कनक सिंघासन सीय समेता । बैठहिं रामु होइ चित चेता ॥
 सकल कहहिं कब होइहि काली । बिघन बनावहिं^२ देव कुचाली ॥

१—प्र० : आवहुं । द्वि० : प्र० [(५) (५अ) : आवहिं] । तृ०, च० : प्र० ।

२—प्र० : बनावहिं । [द्वि०, तृ० : मनावहिं] । च० : प्र० [(८) : मनावहिं]

तिन्हहिं सोहाइ न अवध बधावा । चोरहिं चंदिनि राति न भावा ॥
 सारद बोलि विनय सुर करहीं । बारहिं बार पाय लइ परहीं ॥
 दो०—बिपति हमारि बिलोकि बड़ि मातु करिअ सोइ आजु^१ ।

राम जाहिं बन राजु तजि होइ सकल सुर काजु ॥११॥
 सुनि सुर विनय ठाढ़ि पछताती । भइउँ सरोज बिपिन हिम राती ॥
 देखि देव पुनि कहहिं निहोरी । मातु तोहि नहिं थोरिउ खोरी ॥
 बिसमय हरष रहित रघुराऊ । तुम्ह जानहु सब राम प्रभाऊ ॥
 जीव कर्म बस सुख दुख भागी । जाइअ अवध देव हित लागी ॥
 बार बार गहि चरन सँकोची । चली बिचारि बिबुध^२ मति पोची ॥
 ऊँच निवासु नीचि करतूती । देखि न सकहिं पराइ बिभूती ॥
 आगिल काजु बिचारि बहोरी । करिहिं चाह कुसल कवि मोरी ॥
 हरषि हृदयँ दसरथपुर आई । जनु ग्रहदसा दुसह दुखदाई ॥
 दो०—नामु मंथरा मंदमति चेरी कैकै केरि ।

अजस पेठारी ताहि करि गई गिरा मति फेरि ॥१२॥
 दीख मंथरा नगर बनावा । मंजुल मंगल बाज बधावा ॥
 पूँछेसि लोगन्ह काह उछाहू । राम तिलक सुनि भा उर दाहू ॥
 करै बिचारु कुबुद्धि कुजाती । होइ अकाजु कवनि बिधि राती ॥
 देखि लागि मधु कुटिल किराती । जिमि गवँ तकइ लेउँ केहि भाँति ॥
 भरत मातु पहिं गइ बिलखानी । का अनमनि हसि कह हँसिरानी ॥
 उतरु देइ नहिं लेइ उसाँसू । नारि चरित करि ढारइ आँसू ॥
 हँसि कह रानि गालु बड़ि तोरें । दीन्हि लखन सिख असमन मोरें ॥
 तबहुँ न बोल चेरि बड़ि पापिनि । छाड़इ स्वास कारि जनु साँपिनि ॥
 दो०—समय रानि कह कहसि किन कुसल राम महिपालु ।
 लखनु भरत रिपुदवनु सुनि भा कुबरी उर सालु ॥१३॥

१—[प्र० : काजु] । दि०, तृ०, च० : आजु [(दि) : काजु] ।

२—[प्र० : बिबिध] । दि० : बिबुध । तृ० : दि० । [च० : बिबिध] ।

कत सिख देइ हमहिं कोउ माई । गालु करव केहि कर बलु पाई ॥
 रामहिं छाड़ि कुसल केहि आजू । जिन्हहि जनेसु देइ जुबराजू ॥
 भएउ कौसिलहि विधि अति दाहिन । देखत गरब रहत उर नाहिंन ॥
 देखहु कस न जाइ सब सोभा । जो अवलोकि मोर मनु छोभा ॥
 पूतु विदेस न सोचु तुम्हारे । जानित हहु बस नाहुँ हमारे ॥
 नींद बहुत प्रिय सेज तुराई । लखहु न भूप कपट चतुराई ॥
 सुनि प्रिय वचन मलिन मनुजानी । मुकी रानि अब रहु अरगानी ॥
 पुनि अस कवहुँ कहसि वरफोरी । तव धरि जीभ कढ़ावौ तोरी ॥
 दो०—काने खोरे कूबरे कुटिल कुचाली जानि ।

तिअ विसेषि पुनि चेरि कहि भरत मातु मुसुकानि ॥१४॥
 प्रियबादिनि सिख दीन्हिउँ तोही । सपनेहु तो पर कोपु न मोही ॥
 सुदिनु सुमंगलदायकु सोई । तोर कहा फुर जेहि दिन होई ॥
 जेठ स्वामि सेवक लघु भाई । यह दिनकर कुल रीति सुहाई ॥
 राम तिलकु जौ सौँचेहु काली । देउँ माँगु मनभावत आली ॥
 कौसल्या सम सब महतारी । रामहिं सहज सुभाय पिआरी ॥
 मो पर करहिं सनेहु विसेषी । मैं करि प्रीति परीखा देखी ॥
 जौ विधि जनमु देइ करि छोहू । होहुँ राम सिय पूत पतोहू ॥
 प्रान तें अधिक रामु प्रिए मोरें । तिन्हकें तिलक ब्योमु कस तोरें ॥
 दो०—भरत सपथ तोहि सत्य कहु परिहरि कपट दुराड ।

हरष समय बिसमउ करसि कारन मोहि सुनाउ ॥१५॥
 एकहि वार आस सब पूजी । अब कछु कहव जीभ करि दूजी ॥
 फोरइ जोगु कपारु अभागा । भलेउ कहत दुख रौरेहिं लागा ॥
 कहहिं झूठि फुरि बात बनाई । ते प्रिय तुम्हहिं करइ मैं माई ॥
 हमहुँ कहबि अब ठकुरसोहाती । नाहिं त मौन रहव दिनु राती ॥
 करि कुरूप विधि परबस कीन्हा । बवा सो लुनिअ लहिअ जो दीन्हा ॥
 कोउ नृप होउ हमहि का हानी । चेरि छाड़ि अब होव कि रानी ॥

जारइ जोगु सुभाउ हमारा । अनभल देखि न जाइ तुम्हारा ॥
तां तैं कछुक बात अनुसारी । छमिअ देवि बड़ चूक हमारी ॥
दो०—गूढ़ कपट प्रिय वचन सुनि तीय अधरबुधि रानि ।

सुर माया बस बैरिनिहि सुहृद जानि पतिआनि ॥१६॥
सादर पुनि पुनि पूँछति ओही । सबरी गान मृगी जनु मोही ॥
तसि मति फिरी अहइ जसि भावी । रहसी चेरि घात जनु फावी ॥
तुम्ह पूँछहु मैं कहत डेराऊँ । धरेहु मोर घरफोरी नाऊँ ॥
सजि प्रतीति बहु बिधि गड़ि छोली । अवध साइसाती तब बोली ॥
प्रिय सिय रामु कहा तुम्ह रानी । रामहि तुम्ह प्रिय सो फुरि बानी ॥
रहा प्रथम अब ते दिन बीते । समउ फिरें रिपु होहिं पिरीते ॥
भानु कमल कुल पोषनिहारा । बिनु जल१ जारि करै सोइ छारा ॥
जरि तुम्हारि चह सवति उखारी । रूँधहु करि उपाउ बर बारी ॥
दो०—तुम्हहि न सोचु सोहाग बल निज बस जानहु राउ ।

मन मलीन मुह मीठ नृपु राउर सरल सुभाउ ॥१७॥
चतुर गँभीर राम महतारी । बीचु पाइ निज बात सँवारी ॥
पठए भरतु भूप ननिआरें । राम मातु मत जानव रौरें ॥
सेवहिं सकल सवति मोहि नीकें । गरबित भरत मातु बल पी कें ॥
सालु तुम्हार कौसिलहि माई । कपट चतुर नहिं होइ जनाई ॥
राजहि तुम्ह पर प्रेमु बिसेषो । सवति सुभाउ सकइ नहिं देखी ॥
रचि प्रपंचु भूपहि अपनाई । राम तिलक हित लगन धराई ॥
येहु कुल उचित राम कहूँ टीका । सबहि सोहाइ मोहि सुठि नीका ॥
आगिल बात समुझि डर मोही । देउ दैउ फिरि सो फलु ओही ॥
दो०—रचि पचि कोटिक कुटिलपन कीन्हिसि कपट प्रबोधु ।

कहिसि कथा सत सवति कै जेहिं बिधि बाढ़ बिरोधु ॥१८॥

भावी बस प्रतीति उर आई । पूँछ रानि पुनि सपथ देवाई ॥
 का पूँछहु तुम्ह अबहुँ न जाना । निज हित अनहित पसु पहिचाना ॥
 भएउ पाख दिनु सजत समाजू । तुम्ह पाई सुधि मोहि सन आजू ॥
 खाइअ पहिरिअ राज तुम्हारे । सत्य कहें नहिं दोषु हमारे ॥
 जौ असत्य कछु कहव बनाई । तौ बिधि देइहि हमहिं सजाई ॥
 रामहि तिलकु कालि जौ भएऊ । तुम्ह कहूँ बिपति बीजु बिधि भएऊ ॥
 रेख खँचाइ कहौ बलु भाखी । भामिनि भइहु दूव कह माखी ॥
 जौ सुत सहित करहु सेवकाई । तौ घर रहहु न आन उपाई ॥
 दो०—कद्रू बिनतहि दीन्ह दुख तुम्हहि कौसिलइँ देव ।

भरतु बंदि गृह सेइहहिं लषनु राम के नेव ॥१६॥
 कैकयसुता सुनत कटु बानी । कहि न सकइ कछु सहमि सुखानी ॥
 तन पसेउ कदली जिमि काँपी । कुबरी दसन जीभ तव चाँपी ॥
 कहि कहि कोटिक कपट कहानी । धीरजु घरहु प्रबोधिसि रानी ॥
 कीन्हिसि कठिन पढ़ाइ कुपाट्र । जिमि न नवइ फिरि उकठ कुकाट्र ॥
 फिरा करमु प्रिय लागि कुराली । बकिहि सराहह मानि मराली ॥
 सुनु मंथरा बात फुरि १ तोरी । दहिनि आँखि नित फरकइ मोरी ॥
 दिन प्रति देखौ राति कुसपने । कहौ न तोहि मोह बस अपने ॥
 काह करौ सखि सूध सुभाऊ । दाहिन बाम न जानौ काऊ ॥
 दो०—अपने चलत न आजु लागि अनमल काहुक कीन्ह ।

केहि अघ एकहि बार मोहि दैअ दुसह दुखु दीन्ह ॥२०॥
 नैहर जनमु भरव वरु जाई । जिअत न करबि सवति सेवकाई ॥
 अरि बस दैउ जिआवत जाही । मरनु नीक तेहि जीव न चाही ॥
 दीन बचन कह बहु बिधि रानी । सुनि कुबरी तिअ माया ठानी ॥
 अस कस कहहु मानि मन ऊना । सुखु सोहागु तुम्ह कहूँ दिन दूना ॥

जेहिं राउर अति अनमल ताका । सोइ पाइहि येहु फलु परिपाका ॥
जबतें कुमत सुना मैं स्वामिनि । भूख न वासर नींद न जाभिनि ॥
पूछेउँ गुनिन्ह रेख तिन्ह^१ खांची । भरत भुआल होहिं येहु साँची ॥
भामिनि करहु त कहौं उपाऊ । है तुम्हरीं सेवा बस राज ॥
दो०—परौं कूप तुअ वचन पर सकौं पूत पति त्यागि ।

कहसि मोर दुखु देखि बड़ कस न करब हित लागि ॥२१॥
कुबरीं करि कबुली कैकेयी । कपट छुरी उर पाहन टेई ॥
लखइ न रानि निकट दुखु कैसें । चरइ हरित तिन बलिपसु जैसें ॥
सुनत बात मृदु अंत कठोरी । देति मनहुँ मधु माहुर घोरी ॥
कहइ चेरी सुधि अहइ कि नाही । स्वामिनि कहिहु कथा मोहि पाहीं ॥
दुइ बरदान भूप सन थाती । माँगहु आजु जुड़ावहु छाती ॥
सुतहि राजु रामहि बनवासू । देहु लेहु सब सवति हुलासू ॥
भूपति राम सपथ जब करई । तव माँगोहु जेहि वचनु न टरई ॥
होइ अक्राजु आजु निसि बीतें । वचनु मोर प्रिय मानेहु जी तें ॥
दो०—बड़ कुघातु करि पातकिनि कहेसि कोपगृह जाहु ।

काजु सँवारेहु सजग सबु सहसा जनि पतिआहु ॥२२॥
कुबरिहि रानि प्रानप्रिय जानी । बार बार बड़ि बुद्धि बखानी ॥
तोहि सम हितु न मोर संसारा । बहे जात कइ भइसि अधारा ॥
जौं बिधि पुरव मनोरथ काली । करौं तोहि चषपूतरि आली ॥
बहु बिधि चेरिहि आदरु देई । कोपभवन गवनी कैकेई ॥
बिपति बीजु बरषा रितु चेरी । भुईं भइ कुमति कैकई केरी ॥
पाइ कपट जलु अंकुरु जामा । बर दोउ दल दुख फल परिनामा ॥
कोप समाजु साजि सबु सोई । राजु करत निज कुमति बिगोई ॥
राउर नगर कोलाहल होई । येहु कुचालि कछु जान न कोई ॥

दो०—प्रमुदित पुर नर नारि सब सजहिं सुमंगलचार ।

एक प्रविसहिं एक निर्गमहिं भीर भूप दरबार ॥२३॥
बालसखा सुनि हिय हरषाहीं । मिलि दस पाँच राम पहिं जाहीं ॥
प्रभु आदरहिं प्रेमु पहिचानी । पूँछहिं कुसल खेम मृदु बानी ॥
फिरहिं भवन प्रिय आयसु पाई । करत परसपर राम बड़ाई ॥
को रघुवीर सरिस संसारा । सीलु सनेहु निवाहनिहारा ॥
जेहि जेहि जोनि करम बस भ्रमहीं । तहँ तहँ ईसु देउ येह हमहीं ॥
सेवक हम स्वामी सियनाहू । होउ नात येहु ओर निवाहू ॥
अस अभिलाषु नगर सब काहू । कैकयसुता हृदयँ अति दाहू ॥
को न कुसंगति पाइ नसाई । रहै न नीच मतेँ चतुराई ॥
दो०—साँझ समय सानंद नृपु गएउ कैकई गेह ।

गवनु निटुरता निकट किए जनु धरि देह सनेह ॥२४॥
कोपभवन सुनि सकुचेउ राऊ । भयवस अगहुड़ पारै न पाऊ ॥
सुरपति बसइ बाँह बल जाकें । नरपति सकल रहहिं रुख ताकें ॥
सो सुनि तिअ रिस गएउ सुखाई । देखहु काम प्रताप बड़ाई ॥
सूल कुलिस असि अँगवनिइरे । ते रतिनाथ सुमन सर मारे ॥
सभय नरेसु प्रिया पहिं गएऊ । देखि दसा दुखु दारुन भएऊ ॥
भूमि सयन पटु मोट पुराना । दिए डारि तन भूषन नाना ॥
कुमतिहि कसि कुवेषता फाबी । अनअहिवातु सूच जनु भाबी ॥
जाइ निकट नृपु कह मृदु बानी । प्रानप्रिया केहि हेतु रिसानी ॥

छं०—केहि हेतु रानि रिसानि परसत पानि पतिहि नेवारई ।

मानहुँ सरोष भुअंगभामिनि विषम भाँति निहारई ॥

दोउ बासना रसना दसन बर मरम ठाहरु देखई ।

तुलसी नृपति भवितव्यताबस काम कौतुक लेखई ॥

सो०—बार बार कह राउ सुमुखि सुलोचनि पिक बचनि ।

कारन मोहि सुनाउ गजगामिनि निज कोप कर ॥२५॥

अनहित तोर प्रिया केई^१ कीन्हा । केहि दुइ सिर केहि जमु चह लीन्हा ॥
 कहु केहि रंकहि करौं नरेसू । कहु केहि नृपहि निकासौं देसू ॥
 सकौं तोर अरि अमरौ मारी । काह कीट बपुरे नर नारी ॥
 जानसि मोर सुभाउ बरोरू । मनु तव आनन चंद चकोरू ॥
 प्रिया प्रान सुत सबस मोरें । परिजन प्रजा सकल बस तोरें ॥
 जौं कछु कहौं कपटु करि तोहीं । भामिनि राम सवथ सत मोहीं ॥
 बिहँसि माँगु मनभावति वाता । भूषन सजहि मनोहर गाता ॥
 घरी कुघरी समुझि जिअ देखू । बेगि प्रिया परिहरहि^१ कुबेखू ॥
 दो०—यह सुनि मन गुनिसपथ बड़ि बिहँसि उठी मतिमंद ।

भूषन सजति बिलोकि मृगु मनहुँ किरातिनि फंद ॥२६॥
 पुनि कह राउ सुहृद जिअ जानी । प्रेम पुलकि मृदु मंजुल बानी ॥
 भामिनि भएउ तोर मन भावा । घर घर नगर अनंद बधावा ॥
 रामहि देउ कालि जुबराजू । सजहि सुलोचनि मंगल साजू ॥
 दलकि उठेउ सुनि हृदय^२ कठोरू । जनु छुइ गएउ पाक बरतोरू ॥
 अइसिउ पीर बिहँसि तेहि^३ गोई । चोरनारि जिमि प्रगटि न रोई ॥
 लखी न भूप कपट चतुराई । कौटि कुटिल मनि^४ गुरू पढ़ाई ॥
 जद्यपि नीति निपुन नरनाहूँ । नारि चरित जलनिधि अवगाहू ॥
 कपट सनेहु बड़ाइ बहोरी । बोली बिहँसि नयन मुँहु मोरी ॥
 दो०—माँगु माँगु पै कहहु पिय कबहुँ न देहु न लेहु ।

देन कहेहु वरदान दुइ तेउ पावत संदेहु ॥२७॥
 जानेउ मरमु राउ हँसि कहई । तुम्हहि कोहाब परम प्रिय अहई ॥
 थाती राखि न माँगिहु काऊ । विसरि गएउ मोहि भोर सुभाऊ ॥

१—प्र० : परिहरहु । दि० : परिहरहि । त०, च० : दि० ।

२—प्र० : हृद । दि० : हृदय । त०, च० : दि० ।

३—प्र० : तेहि । दि० : प्र० [(३) (४) (५) : तेइ] । [त० : तब] । च० : प्र० ।

४—[प्र० : मति] । दि० : मनि [(५) मति] । [त० : मति] । च० : दि० ।

भूटेहु^१ हमहि दोसु जनि देह । दुइ कै चारि माँगि बरु २ लेहू ॥
 रघुकुल रीति सदा चलि आई । प्रान जाहूँ बरु बचनु न जाई ॥
 नहिँ असत्य सम पातक पुंजा । गिरिसम होहिँ कि कोटिक गुंजा ॥
 सत्य मूल सब सुकृत सुहाए । बेद पुरान विदित मुनि^३ गाए ॥
 तेहि पर राम सपथ करि आई । सुकृत सनेह अवधि रघुराई ॥
 बात दृढ़ाइ कुमति हँसि बोली । कुमत कुबिहंग कुलह जनु खोली ॥
 दो०—भूप मनोरथ सुमग वनु सुख सुविहंग समाजु ।

भिल्लिनि जिमि छाड़न चहति बचनु भयंकर बाजु ॥२८॥
 सुनहूँ प्रानप्रिय भावत जी का । देहु एक बर भरतहि टीका ॥
 माँगौँ दूसर बर कर जोरी । पुरवहु नाथ मनोरथ मोरी ॥
 तापस बेप बिसेषि उदासी । चौदह बरिस राम वनवासी ॥
 सुनि मृदु बचन भूप हिय सोकू । ससिकर छुअत विकल जिमि कोकू ॥
 गएउ सहमि नहिँ कहू कहि आवा । जनु संचान बन भूपटेउ लावा^४ ॥
 बिबरन भएउ निपट नरपालू । दामिनि हनेउ मनहूँ तरु तालू ॥
 माथे हाथ मूँदि दोउ लोचन । तनु धरि सोचु लाग जनु सोचन ॥
 मोर मनोरथु सुरतरु फूला । फरत करिनि जिमि हतेउ समूला ॥
 अवध उजारि कीन्ह कैकेई । दीन्हिसि अचल विपति कै नेई ॥
 दो०—कवने अवसर का भएउ गएउ नारि बिस्वास ।

जोग सिद्धि फल समय जिमि जतिहि अविद्या नास ॥२९॥
 एहि बिधि राउ मनहिँ मन भाँखा । देखि कुभाँति कुमति मनु भाँखा ॥
 भरतु कि राउर पूत न होहीं । आनेहु मोल बेसाहि कि मोही ॥
 जो सुनि सरु अस लागु तुम्हारें । काहे न बोलहु बचनु सँभारें ॥

१—[प्र० : भूठड] । दि०, वृ०, च० : भूठेड ।

२—प्र० : बरु । [दि० : (३) मज्जु, (४) (५) (५अ) : किन] । [वृ०, च० : मज्जु] ।

३—प्र० : मुनि । दि० : प्र० । [वृ० : मज्जु] । च० : प्र० [(२) : मज्जु] ।

४—[(६) में यह अद्धाली नहीं है]

देहु उतर अरु करहु कि नाहीं । सत्यसंघ तुम्ह रघुकुल माहीं ॥
 देन कहेहु अब जनि बरु देह । तजहु सत्य जग अपजसु लेह ॥
 सत्य सराहि कहेहु बरु देना । जानेहु लेइहि माँगि चबेना ॥
 सिवि दधीचि बलि जो कछु भाषा । तनु धनु तजेउ बचन पनु राखा ॥
 अति कटु वचन कहति कैकेई । मानहुँ लोन जरे पर देई ॥
 दो०—धरम धुरंधर धीर धरि नयन उवारे राय ।

सिरु धुनि लीन्हि उसास असि मारेभि मोहि कुठाय ॥ ३० ॥
 आगें दीखि जरति^१ रिस भारी । मनहुँ रोष तरवारि उवारी ॥
 मूठि कुबुद्धि धार निटुराई । धरी कूबरी सान^२ बनाई ॥
 लखी महीप कराल कठोरा । सत्य कि जीवनु लेइहि मोरा ॥
 बोले राउ कठिन करि छाती । बानी सबिनय तासु सोहाती ॥
 प्रिया वचन कस कहसि कुभाँती । भीर^३ प्रतीति प्रीति करि हाती ॥
 मोरें भ्रातु राम दुइ आँखी । सत्य कहाँ करि संकरु साखी ॥
 अवसि दूतु मैं पठव प्राता । अइहहि बेगि सुनत दोउ भ्राता ॥
 सुदिनु सोधि सबु साजु सजाई । देउँ भरत कहूँ राजु बजाई ॥
 दो०—लोसु न रामहि राज कर बहुत भरत पर प्रीति ।

मैं बड़ छोट बिचारि जिअँ करत रहेउँ नृपनीति ॥ ३१ ॥
 राम सपथ सत कहाँ सुभाऊ । राम मातु कछु, कहेउ न काऊ ॥
 मैं सबु कीन्ह तोहि बिनु पूछें । तेहि तैं परेउ मनोरथ लूछें ॥
 रिस परिहरु अब मंगल साजू । कछु दिन गएँ भरत जुबराजू ॥
 एकहि बात मोहि दुखु लागा । बरु दूसर असमंजस माँगा ॥
 अजहूँ हृदय जरत तेहि आँचा । रिस परिहास कि साँचेहु साँचा ॥
 कहु तजि रोषु राम अपराधू । सबु कोउ कहइ रामु सुठि साधू ॥

१—[प्र०, द्वि०, तृ० : जरत] । च० : जरत [(न) : जरत] ।

२—प्र० : कुबरी खर सान । द्वि०, तृ०, च० : कूबरी सान ।

३—प्र० : भीर । द्वि० : प्र० [(३) (४) (५) : भीह] । [तृ० : भीर] । च० : प्र० ।

तुहँ सराहसि करसि सनेह । अब सुनि मोहि भएउ संदेह ॥
जासु सुभाउ अरिहि अनुकूला । सो किमि करिहि मातु प्रतिकूला ॥
दो०—प्रिया हास रिस परिहरहि माँगु बिचारि बिबेकु ।

जेहि देखौं अब नयन भरि भरत राज अभिषेकु ॥३२॥
जिअइ मीन बरु बारि बिहीना । मनि बिनु फनिकु जिअइ दुख दीना ॥
कहाँ सुभाउ न छल मन माहीं । जीवनु मोर राम बिनु नाहीं ॥
समुझि देखु जिअँ प्रिया प्रवीना । जीवनु राम दरस आधीना ॥
सुनि मृदु बचन कुमति अति जरई । मनहुँ अनल आहुति घृत परई ॥
कहइ करहु किन कोटि उपाया । इहाँ न लागिहि राउरि माया ॥
देहु कि लेहु अजसु करि नाहीं । मोहिं न बहुत प्रपंच सोहाहीं ॥
राम साधु तुम्ह साधु सयाने । राम मातु भलि सब पहिचाने ॥
जस कौसिला मोर भल ताका । तस फलु उन्हहि देउं करि साका ॥
दो०—होत प्रातु मुनि वेष धरि जौं न रामु बन जाहिं ।

मोर मरनु राउर अजसु नृप समुझिअ मन माहिं ॥३३॥
अस कहि कुटिल भई उठि ठाढ़ी । मानहुँ रौं तरंगिनि बाढ़ी ॥
पाप पहार प्रगट भइ सोई । भरी क्रोध जल जाइ न जोई ॥
दोउ बर कूल कठिन हठ धारा । भवँर कूबरी बचन प्रचारा ॥
ढाहत भूप रूप तरु मूला । चली बिपति बारिधि अनुकूला ॥
लखी नरेस बात सब साँची । तिअ मिस मीचु सीस पर नाची ॥
गहि पद बिनय कीन्हि बैठारी । जनि दिनकर कुल होसि कुठारी ॥
माँगु माथ अबहीं देउं तोही । राम बिरह जनि मारसि मोही ॥
राखु राम कहूँ जेहिं तेहिं नौंती । नाहिं त जरिहि जनसु भरि छाती ॥
दो०—देखी व्याधि असाधि नृपु परेउ धरनि धुनि माथ ।

कहत परम आरत बचन राम राम रघुनाथ ॥३४॥

ब्याकुल राउ सिथिल सब गाता । करिनि कलपतरु मनहुँ निपाता ॥
 कंटु सूख मुख आव न बानी । जनु पाठीनु दीनु बिनु पानी ॥
 पुनि कह कटु कठोरु कैकेई । मनहुँ घाय महुँ माहुरु देई ॥
 जौ अंतहु अस करतबु रहेऊ । माँगु माँगु तुम्ह केहि बल कहेऊ ॥
 दुइ कि होहिं एक समय भुआला । हँसव ठठाइ फुलाउव गाला ॥
 दानि कहाउव अरु कृपनाई । होइ कि खेम कुसल रौताई ॥
 छौंड़हु वचनु कि धीरजु धरहू । जनिअबला जिमि करुना करहू ॥
 तनु तिअ तनय धामु धनु धरनी । सत्यसंध कहूँ तृन सम वरनी ॥
 दो०—मरम बचन सुनि राउ कह कहु कछु दोषु न तोर ।

लागेउ तोहि पिसाच जिमि कालु कहावत मोर ॥३५॥
 चहत न भरत भूपतहि^१ भोरें । बिधिवस कुमति बसी जिअँ तोरें ॥
 सो सबु मोर पाप परिनामू । भएउ कुठाहर जेहि बिधि बामू ॥
 सुवस बसिहि फिरि अवध सुहाई । सब गुन धाम राम प्रभुताई ॥
 करिहहिं भाइ सकल सेवकाई । होइहि तिहुँ पुर राम बड़ाई ॥
 तोर कलंकु मोर पछिताऊ । मुएहु न मिटिहि न जाइहि काऊ ॥
 अब तोहि नीक लाग करु सोई । लोचन ओट बैटु मुहुँ गोई ॥
 जब लगि जिअँ कहौं कर जोरी । तब लगि जनि कछु कहसि बहोरी ॥
 फिरि पछितैहसि अंत अभागी । मारसि गाइ नहारू^२ लागी ॥
 दो०—परेउ राउ कहि कोटि बिधि काहे करसि निदानु ।

कपट सयानि न कहति कछु जागति मनहुँ मसानु ॥३६॥
 राम राम रट विकल भुआलू । जनु बिनु पंख बिहंग बेहालू ॥
 हृदयँ मनाव भोरु जनि होई । रामहि जाइ कहइ जनि कोई ॥
 उदउ काहु जनि रवि रघुकुल गुर । अवध बिलोकि सूत होइहि उर ॥

१—प्र० : भूपतहि । [द्वि०, तृ० : भूपतइ] । च० : प्र० ।

२—प्र० : नहारू । [द्वि० : नहारि] । [तृ० : नहारह] । च० : प्र० ।

भूप प्रीति कैकइ कठिनाई । उभय अवधि विधि रची बनाई ॥
बिलपत नृपहि भएउ भिनुसारा । वीना वेनु संख धुनि द्वारा ॥
पढ़हिं भाट गुन गावहिं गायक । सुनत नृपहि जनु लागहिं सायक ॥
मंगल सकल सोहाहिं न कैसैं । सहगामिनिहिं विभूषन जैसैं ॥
तेहि निसि नींद परी नहिं काहू । राम दरस लालसा उब्बाहू ॥
दो०—द्वार भीर सेवक सचिव कहहिं उदित रवि देखि ।

जागेउ^१ अजहुँ न अवधपति कारनु कवनु बिसेषि ॥३७॥
पछिलें पहर भूपु नित जागा । आजु हमहि बड़ अचरजु लागा ॥
जाहु सुमंत्र जगावहु जाई । कीजिय काजु रजायेसु पाई ॥
गए सुमंत्रु तव राउर माहीं । देखि भयावन जात डेराहीं ॥
धाइ खाइ जनु जाइ न हेरा । मानहुँ बिपति बिषाद बसेरा ॥
पूँछे कोउ न उतरु देई । गए जेहिं भवन भूप कैकेई ॥
कहि जय जीव बैठ सिर नाई । देखि भूप गति गएउ सुखाई ॥
सोच विकल विवरन महि परेऊ । मानहुँ कमल मूलु परिहरेऊ ॥
सचिउ समीत सकइ नहिं पूछी । बोली असुभभरी सुभ छूछी ॥
दो०—परी न राजहि नींद निसि हेतु जान जगदीसु ।

रामु रामु रटि भोरु किय कहइ न मरमु महीसु ॥३८॥
आनहु रामहि बेगि बोलाई । समाचार तव पूँछेहु आई ॥
चलेउ^२ सुमंत्रु राय रुख जानी । लखी कुचालि कीन्हि कछु रानी ॥
सोच विकल मग परइ न पाऊ । रामहि बोलि कहहिं का राऊ ॥
उर धरि धीरजु गएउ दुआरें । पूँछहिं सकल देखि मनु मारें ॥
समाधानु करि सो सब ही का । गएउ जहाँ दिनकर कुल टीका ॥
रामु सुमंत्रहि आवत देखा । आदरु कीन्ह पिता सम लेखा ॥

१—प्र० : जागेउ । द्वि० : प्र० [(४) (५) : जागे] । [तृ० : जागे] । च० : प्र० ।

२—[प्र० : चलेउ] । द्वि०, तृ०, च० : चलेउ ।

निरखि बदनु कहि भूप रजाई । रघुकुलदीपहि चलेउ लेवाई ॥
 रामु कुभाँति सचिव सँग जाहीं । देखि लोग जहँ तहँ बिलखाहीं ॥
 दो०—जाइ दीख रघुवंसमनि नरपति निपट कुसाजु ।

सहमि परेउ लखि सिंधिनिहि मनहुँ वृद्ध गजराजु ॥३६॥
 सूखहिँ अधर जरइ सबु अंगू । मनहुँ दीन मनिहीन भुअंगू ॥
 सरुष समीप दीखि कैकेई । मानहुँ मीचु घरी गनि लेई ॥
 करुनामय मृदु राम सुभाऊ । प्रथम दीख दुख सुना न काऊ ॥
 तदपि धीर धरि समउ विचारी । पूँछी मधुर बचन महतारी ॥
 मोहि कहु मातु तात दुख कारनु । करिअ जतनु जेहिं होइ निवारनु ॥
 सुनहु राम सबु कारनु एहू । राजहि तुम्ह पर बहुत सनेहू ॥
 देन कहेन्हि मोहि दुइ बरदाना । माँगेउँ जो कछु मोहि सोहाना ॥
 सो सुनि भएउ भूप उर सोचू । छाड़ि न सकहिं तुम्हार सँकोचू ॥
 दो०—सुत सनेहु इत वचनु उत संकट परेउ नरेसु ।

सकहु त आयेसु धरहु सिर मेटहु कठिन कलेसु ॥४०॥
 मिधरक बैठि कहइ कटु बानी । सुनत कठिनता अति अकुलानी ॥
 जीभ कमान बचन सर नाना । मनहुँ महिपु मृदु लच्छ समांना ॥
 जनु कठोरपनु धरे सरीरू । सिखइ धनुषविद्या बर बीरू ॥
 सबु प्रसंगु रघुपतिहि सुनाई । बैठि मनहुँ तनु धरि निटुराई ॥
 मन मुसकाइ भानुकुल भानू । रामु सहज आनंद निधानू ॥
 बोले बचन बिगत सब दूषन । मृदु मंजुल जनु बाग बिभूषन ॥
 सुनु जननी सोइ सुतु बड़भागी । जो पितु मातु वचन अनुगगी ॥
 तनय मातु पितु तोषनिहारा । दुर्लभ जननि सकल संसारा ॥
 दो०—मुनिगन मिलनु बिसेषि बन सबहि भाँति हिन मोर ।

तेहि पर^१ पितु आयेसु बहुरि संमत जननी तोर ॥४१॥

भरतु प्राण प्रिय पावहिं राजू । बिधिसबबिधि मोहिसनमुख आजू ॥
जौ न जाउँ बन अइसेहुँ काजा । प्रथम गनिअ मोहि मूढ़ समाजा ॥
सेवहिं अरँडु कलपतरु त्यागी । परिहरि अमृत लेहिं बिषु माँगी ॥
तेउ न पाइअ^१ समउ चुकाहीं । देखु बिचारि मातु मन माहीं ॥
अब एकु दुखु मोहि बिसेषी । निपट बिकल नरनायकु देखी ॥
थोरिहि बात पितहि दुख भारी । होत प्रतीति न मोहि महतारी ॥
राउ धीरु गुन उदधि अगाधू । भा मोहि तैं कछु बड़ अपराधू ॥
जातैं^२ मोहि न कहत कछु राऊ । मोरि सपथु तोहि कहु सति भाउ ॥
दो०—सहज सरल रघुवर वचन कुमति कुटिल करि जान ।

चलइ जौक जल^३ बक्र गति जद्यपि सलिलु समान ॥ ४२ ॥
रहसी रानि राम रुख पाई । बोली कपट सनेहु जनाई ॥
सपथ तुम्हार भरत कइ आना । हेतु न दूसर मैं कछु जाना ॥
तुम्ह अपराध जोगु नहिं ताता । जननी जनक बंधु सुखदाता ॥
राम सत्य सवु जो कछु कहहू । तुम्ह पितु मातु वचन रत अहहू ॥
पितहि वुझाइ कहहु बलि सोई । चौथेंपन जेहिं अजसु न होई ॥
तुम्ह सम सुअन सुकृत जेहिं दीन्है । उचित न तासु निरादरु कीन्है ॥
लागहिं कुसुख वचन सुभ कैसे । मगह गयादिक तीरथ जैसे ॥
रामहि मातु वचन सब भाए । जिमि सुरसरि गत सलिल सुहाए ॥
दो०—गइ मुरुझा रामहि सुमिरि नृप फिरि करवट लीन्हि ।

सचिव राम आगमनु कहि विनय समय सम कीन्हि ॥ ४३ ॥
अर्वाणप अकनि रामु पगु धारे । धरि धीरजु तब नयन उधारे ॥
सचिव सँभारि राउ बैठारे । चरन परत नृप रामु निहारे ॥
लिए सनेह बिकल उर लाई । गइ मनि मनहुँ फनिक फिरि पाई ॥

१—प्र० : तेउ न पाइअ । [दि०, वृ० : तेउ न पाइ अस] । च० : प्र० ।

२—प्र० : जातैं । दि० : प्र० [(४) (५) : ताते] । [वृ० : तातैं] । च० : प्र० ।

३—प्र० : जल । दि० : प्र० [(५) : त्रिमि] वृ०, च० : प्र० ।

रामहि चितइ रहेउ नरनाहू । चला बिलोचन बारि प्रवाहू ॥
 सोक बिबस कछु कहइ न पारा । हृदयँ लगावत बारहि वारा ॥
 बिधिहि मनाव राउ मन माहीं । जेहि रघुनाथ न कानन जाहीं ॥
 सुमिरि महेसहि कहइ निहोरी । विनती सुनहुँ सदासिव मोरी ॥
 आसुतोष तुम्ह अवढर दानी । आरति हरहु दीन जनु जानी ॥

दो०—तुम्ह प्रेरक सबकेँ हृदयँ सो मति रामहि देहु ।

बचनु मोर तजि रहिँ घर परिहरि सीलु सनेहु ॥४४॥
 अजसु होउ जग सुजसु नसाऊ । नरक परौ बरु सुरपुर जाऊ ॥
 सब दुख दुसह सहावउ मोहीं । लोचन ओट रामु जनि होहीं ॥
 अस मन गुनइ राउ नहिँ बोला । पीपर पात सरिस मनु डोला ॥
 रघुपति पितहि प्रेम बस जानी । पुनि कछु कहिहिँ मातु अनुमानी ॥
 देस काल अवसर अनुसारी । बोले बचन विनीत बिचारी ॥
 तात कहौँ कछु करौँ ढिठाई । अनुचिनु छमव जानि लरिकाई ॥
 अति लघु बात लागि दुखु पावा । काहु न मोहि कहि प्रथम जनावा ॥
 देखि गोसाइहिँ पूँछिउँ माता । सुनि प्रसंगु भए सीतल गाता ॥

दो०—मंगल समय सनेह बस सोचु परिहरिअ तात ।

आयेसु देइअ हरषि हिय कहि पुलके प्रभु गात ॥४५॥
 धन्य जनमु जगतीतल तासू । पितहि प्रमोदु चरित सुनि जासू ॥
 चारि पदारथ करदल ताकेँ । प्रिय पितु मातु प्रान सम जाकेँ ॥
 आयेसु पालि जनम फलु पाई । अइहौँ बेगिहिँ होउ रजाई ॥
 बिदा मातु सन आवौँ माँगी । चलिहौँ बनहि बहुरि पग लागी ॥
 अस कहि रामु गवनु तब कीन्हा । भूप सोकबस उतरु न दीन्हा ॥
 नगर व्यापि गइ बात सुतीछी । छुअत चढ़ी जनु सब तन बीछी ॥
 सुनि भए विकल सकल नर नारी । बेलि ब्रिटप जिमि देखि दवारी ॥
 जो जहँ सुनइ धुनइ सिरु सोई । बड़ विषादु नहिँ धीरजु होई ॥

दो०—मुख सुखाहिं लोचन सवहिं सोकु न हृदयँ समाइ ।

मनहुँ करुन रस कटकई^१ उतरी अवध बजाइ ॥ ४६ ॥
मिलेहि माँझ बिधि बात बेगारी । जहँ तहँ देहिं कैरुहिं गारी ॥
येहि पपिनिहि बूझि का परेऊ । छाइ भवन पर पावकु धरेऊ ॥
निज कर नयन काढ़ि चह दीखा । डारि सुधा बिषु चाहति चीखा ॥
कुटिल कठोर कुबुद्धि अभागी । भइ रघुवंस बेनु बन आगी ॥
पालव बैठि पेड़ु येहि काटा । सुख महुँ सोक ठाढु धरि ठाटा ॥
सदा रामु येहि प्रान समाना । कारन कवन कुटिलपनु ठाना ॥
सत्य कहिं कवि नारि सुभाऊ । सब बिधि अगमु अगाध दुराऊ ॥
निज प्रतिबिंबु बरुकु गहि जाई । जानि न जाइ नारिगति भाई ॥
दो०—काह न पावकु जारि सक का न समुद्र समाइ ।

का न करइ अबला प्रबल केहि जग कालु न खाइ ॥ ४७ ॥
का सुनाइ बिधि काह सुनावा । का देखाइ चह काह देखावा ॥
एक कहिं भलु भूप न कीन्हा । बरु विचारि नहिं कुमतिहि दीन्हा ॥
जो हठि भएउ सकल दुख भाजनु । अबला विवस जानु गुनु गा जनु ॥
एक धरम परमिति पहिचाने । नृपहि दोसु नहिं देहिं सयाने ॥
सिधि दधीचि हरिचंद कहानी । एक एक सन कहिं बखानी ॥
एक भरत कर संमत कहहीं । एक उदास भाय सुनि रहहीं ॥
कान भूँदि कर रद गहि जीहा । एक कहिं येह बात अलीहा ॥
सुकृत जाहि अस कहत तुन्हारे । राम भरत कहूँ परम^२ पिआरे ॥
दो०—चंदु चवइ^३ बरु अनल कन सुधा होइ विष तूल ।

सपनेहुँ कबहुँ न करहिं कछु भरत राम प्रतिकूल ॥ ४८ ॥
एक बिधातहि दूषन देहीं । सुधा देखाइ दीन्ह बिषु जेहीं ॥

१—[प्र० : कटक लेइ] । [द्वि० : कटक] । वृ०, च० : कटकई ।

२—प्र० : परम । [द्वि०, वृ० : प्रान] । च० : प्र० [(च) : प्रान] ।

३—प्र० : चवइ । द्वि० : प्र० [(४) (५) : चुवइ] [वृ० : चुवइ] । च० : प्र० ।

खरभरु नगर सोचु सब काह । दुसह दाहु उर मिटा उखाह ॥
 बिबधू कुलमान्य जठेरी । जे प्रिय परम कैकई केरी ॥
 लगीं देन सिख सीलु सराही । बचन बान सम लागहिं ताहीं ॥
 भरतु न मोहि प्रिय राम समाना । सदा कहहु येहु सबु जगु जाना ॥
 करहु राम पर सहज सनेह । केहि अपराध आजु बन देह ॥
 कबहुँ न किएहु सबति आरेसू । प्रीति प्रतीति जान सबु देसू ॥
 कौसल्या अब काह बिगारा । तुम्ह जेहि लागि बज्र पुर पारा ॥
 दो०—सीध कि पियसँगु परिहरिहि लखनु कि रहिहि धाम ।

राजु कि भूँजव भरत पुर नृपु कि जिइहि बिनु राम ॥४९॥
 अस बिचारि उर छाड़हु कोह । सोक कलंक कोटि^१ जनि होह ॥
 भरतहिं अवसि देहु जुबराजू । कानन काह राम कर काजू ॥
 नाहिंन रामु राज के भूखे । धरम धुरीन बिषय रस रूखे ॥
 गुर गृहँ बसहुँ रामु तजि गेह । नृप सन अस बरु दूसर लेह ॥
 जौ नहिं लगिहहु कहें हमारे । नहिं लागिहि कछु हाथ तुम्हारे ॥
 जौ परिहास कीन्ह कछु होई । तौ कहि प्रगट जनावहु सोई ॥
 राम सरिस सुत कानन जोगू । काह कहिहि सुनि तुम्ह कहूँ लोगू ॥
 उठहु बेगि सोइ करहु उपाई । जेहि बिधि सोकु कलंकु नसाई ॥
 छं०—जेहि भाँति सोकु कलंकु जाइ उपाइ करि कुल पालही ।

हठि फेरु रामहिं जात बन जनि बात दूसरि चालही ॥
 जिमि भानु बिनु दिनु प्रान बिनु तनु चंद बिनु जिमि जामिनी ।
 तिमि अवध तुलसीदास प्रभु बिनु समुझिधौं जिअँ भामिनी ॥
 सो०—सखिन्ह सिखावनु दीन्ह सुनत मधुर परिनाम हित ।
 तेहिं कछु कान न कीन्ह कुटिल प्रबोधी कूबरी ॥५०॥
 उतरु न देइ दुसह रिस रूखी । मृगिन्ह चितव जनु बाधिनि भूखी ॥

ब्याधि असाधि जानि तिन्ह त्यागी । चलीं कहत मतिमंद अभागी ॥
 राजु करत येहि दैअ बिगोई । कीन्हेसि अस जस करइ न कोई ॥
 येहि बिधि बिलपहिं पुर नर नारी । देहिं कुचालिहिं कोटिक गारी ॥
 जरहिं विषम जर लेहिं उसासा । कवनि राम बिनु जीवन आसा ॥
 विपुल बियोग प्रजा अकुलानी । जनु जलचर गन सूखत पानी ॥
 अति विषाद बस लोग लोगार्ह । गए मातु पहिं रामु गोसाई ॥
 मुख प्रसन्न चित चौगुन चाऊ । मिटाः सोचु जनि राखइ राज ॥
 दो०—नव गयंदु रघुवीर मनु राजु अलान समान ।

छूट जानि बनगवनु सुनि उर अनंदु अधिकान ॥५१॥
 रघुकुल तिलक जोरि दोउ हाथा । मुदित मातु पद नाएउ माथा ॥
 दीन्हि असीस लाइ उर लीन्हे । भूषन बसन निछावनि कीन्हे ॥
 बारवार मुख चुंबति माता । नयन नेह जलु पुलकित गाता ॥
 गोद राखि पुनि हृदय लगाए । सवत प्रेम रस पथद सुहाए ॥
 प्रेमु प्रमोदु न कछु कहि जाई । रंक धनद पदवी जनु पाई ॥
 सादर सुंदर बदनु निहारी । बोली मधुर वचन महतारी ॥
 कहहु तात जननी बलिहारी । कवहिं लगन मुद मंगलकारी ॥
 सुकृत सील सुख सौव सुहाई । जनम लाभ कइ अवधि अवाई ॥
 दो०—जेहि चाहत नर नारि सब अति आरत येहि भाँति ।

जिमि चातक चातकि त्रिषित वृष्टि सरद रितु स्वाति ॥५२॥
 तात जाउँ बलि बेगि नहाइ । जो मन भाव मधुर कछु खाइ ॥
 पितु समीप तव जाएहु मैया । भइ बड़ि बार जाइ बलि मैया ॥
 मातु वचन सुनि अति अनुकूला । जनु सनेह सुरतरु के फूला ॥
 सुख मकरंद भरे श्रियमूला । निरखि राम मनु भवँ न भूला ॥
 धरम धुरीन धरम गति जानी । कहेउ मातु सन अति मृदु बानी ॥

पिता दीन्ह मोहि कानन राजू । जहँ सब भाँति मोर बड़ काजू ॥
 आयेसु देहि मुदित मन माता । जेहि मुद मंगल कानन जाता ॥
 जनि सनेह बस डरपसि मोरें १ । आनँद अंब अनुग्रह तोरे ॥
 दो०—वरष चारि दस बिपिन बसि करि पितु वचन प्रमान ।

आइ पाय पुनि देखिहौं मनु जनि करसि मलान ॥५३॥
 वचन विनीत मधुर रघुवर के । सर सम लगे मातु उर करके ॥
 सहमि सूखि सुनि सीतलि बानी । जिमि जवास परें पावस पानी ॥
 कहि न जाइ कछु हृदयँ दिषादू । मनहुँ मृगी सुनि केहरि नादू ॥
 नयन सजल तन थरथर काँपी । माँजहि खाइ मीन जनु माँपी ॥
 धरि धीरजु सुत बदन निहारी । गद्गद वचन कहति महतारी ॥
 तात पितहि तुम्ह प्रान पिआरे । देखि मुदित नित चरित तुम्हारे ॥
 राज देन कहूँ सुभ दिन साधा । कहेउ जान वन केहि अपराधा ॥
 तात सुनावह मोहि निदानू । को दिनकर कुल भएउ कृसानू ॥
 दो०—निरखि राम रुख सचिवसुत कारनु कहेउ बुझाइ ।

सुनि प्रसंगु रहि मूक जिमि दसा बरनि नहिं जाइ ॥५४॥
 राखि न सकइ न कहि सक जाहू । दूहँ भाँति उर दारुन दाहू ॥
 लिखत सुवाकर गा लिखि राहू । बिधि गति वाम सदा सब काहू ॥
 धरम सनेह उभय मत घेरी । भइ गति साँप छबुंदरि केरी ॥
 राखौं सुतहि करौं अनरोधू । धामु जाइ अरु बंधु विरोधू ॥
 बहुरि समुझि तिअ धरमु सयानी । रामु भरतु दोउ सुत सम जानी ॥
 सरल सुभाउ राम महतारी । बोली वचन धीर धरि भारी ॥
 तात जाउँ बलि कीन्हेहु नीका । पितु आयेसु सब धरम क टीका ॥
 दो०—राज देन कहि दीन्ह वनु मोहि न सो दुख लेसु ।

तुम्ह बिनु भरतहि भूपतिहि २ प्रजहि प्रचंड कलेसु ॥५५॥

१—प्र० : मोरें । दि० : प्र० [(३) (५) : मोरें] । वृ०, च० : प्र० ।

२—[प्र० : भूपति] । दि०, वृ०, च० : भूपतिहि ।

जौं केवल पितु आयेसु ताता । तौ जनि जाहु जानि बड़ि माता ॥
 जौं पितु मातु कहेउ बन जाना । तौ काननु सत अवध समाना ॥
 पितु वनदेव मातु बनदेवी । खग मृग चरन सरोरुह सेवौ ॥
 अंतहुँ उचित नृपहि बनवासू । वय बिलोकि हियँ होइ हराँसू ॥
 बढ़भागी बन अवध अभागी । जौ रघुवंसतिलकु तुम्ह त्यागी ॥
 जौं सुत कहौ संग मोहि लेहू । तुम्हरे हृदयँ होइ संदेहू ॥
 पूत परम प्रिय तुम्ह सबही कै । प्रान प्रान के जीवन जी कै ॥
 ते तुम्ह कहहु मातु बन जाऊँ । मै सुनि बचन बैठि पछताऊँ ॥
 दो०—प्रेह विचारि नहिँ करौ हठ भूँठ सनेह बढ़ाइ ।

मानि मातु कर नात बलि सुरति बिसरि जनि जाइ ॥५६॥
 देव पितर सब तुम्हहि गोसाई । राखहुँ पलक नयन की नाई ॥
 अवधि अंबु प्रिय परिजन मीना । तुम्ह करुनाकर धरम धुरीना ॥
 अस विचारि सोइ करहु उपाई । सबहि जिअत जेहि भेंटहु आई ॥
 जाहु सुखेन बनहिँ बलि जाऊँ । करि अनाथ जनपरिजन गाऊँ ॥
 सब कर आजु सुकृत फल बीता । भएउ करालु कालु विपरीता ॥
 बहु विधि बिलपि चरन लपटानी । परम अभागिनि आपुहि जानी १ ॥
 दारुन दुसह दाहु उर व्यापा । बरनि न जाहिँ विलाप कलापा ॥
 राम उठाइ मातु उर लाई । कहि मृदु बचन बहुरि समुझाई ॥
 दो०—समाचार तेहि समय सुनि सीय उठी अकुलाइ ।

जाइ सासु पद कमल जुग बंदि बैठि सिरु नाइ ॥५७॥
 दीन्हि असीस सासु मृदु बानी । अति सुकुमारि देखि अकुलानी ॥
 बैठि नमित मुख सोचति सीता । रूप रासि पति प्रेम पुनीता ॥
 चलन चहत बन जीवननाथू । केहि सुकृती सन होइहि साथू ॥
 की तनु प्रान कि केवल प्राना । विधि करतबु कछु जाइ न जाना ॥

चारु चरन नख लेखति धरनी । नूपुर मुखर मधुर कवि बरनी ॥
मनहुँ प्रेम बस विनती करहीं । हमहि सीय पद जनि परिहरहीं ॥
मंजु विलोचन मोचत बारी । बोली देखि राम महतारी ॥
तात सुनहु सिय अति सुकुमारी । सासु ससुर परिजनहि पिआरी ॥
दो०—पिता जनक भूपालमनि ससुर भानुकुल भानु ।

पति रबिकुल कैरव बिपिन बिधु गुन रूप निधानु ॥५८॥
मैं पुनि पुत्रबधू प्रिय पाई । रूपरासि गुन सील सुहाई ॥
नयन पुतरि करि प्रीति बढ़ाई । राखेउँ प्रान जानकिहि लाई ॥
कलपबेल जिमि बहु बिधि लाली । सींचि सनेह सलिल प्रतिपाली ॥
फूलत फलत भएउ बिधि बामा । जानि न जाइ काह परिनामा ॥
पलंग पीठ तजि गोद हिंडोरा । सिय न दीन्ह पगु अवनि कठोरा ॥
जिअनमूरि जिमि जोगवत रहऊँ । दीप बाति नहि टारन कहऊँ ॥
सोइ सिय चलन चहति बन साथा । आयेसु काह होइ रघुनाथा ॥
चंद्र किरन रस रसिक चकोरी । रवि रुख नयन सकइ किमि जोरी ॥
दो०—करि केहरि निसिचर चरहि दुष्ट जंतु बन भूरि ।

बिष बाटिका कि सोह सुत सुभग सजीवनि मूरि ॥५९॥
बन हित कोल किरात किसोरी । रची बिरंचि बिषय सुख भोरी ॥
पाहन कृमि जिमि कठिन सुभाऊ । तिन्हहिं कलेसु न कानन काऊ ॥
कै तापस तिय कानन जोगू । जिन्ह तप हेतु तजा सब भोगू ॥
सिय बन बसिहि तात केहि भाँती । चित्र लिखित कपि देखि डेराती ॥
सुरसर सुभग बनज बन चारी । डावर जोगु कि हंसकुमारी ॥
अस बिचारि जस आयेसु होई । मैं सिख देउँ जानकिहि सोई ॥
जौं सिय भवन रहइ कह अंबा । मोहि कहँ होइ बहुत अवलंबा ॥
सुनि रघुबीर मातु प्रिय बानी । सील सनेह सुधा जनु सानी ॥
दो०—कहि प्रिय वचन बिबेकमय कीन्ह मातु परितोष ।

लगे प्रबोधन जानकिहि प्रगटि बिपिन गुन दोष ॥६०॥

मातु समीप कहत सकुचार्हीं । बोले समउ समुझि मन माहीं ॥
 राजकुमारि सिखावन सुनहू । आनि भौंति जिअँ जनि कछु गुनहू ॥
 आपन मोर नीक जौं चहहू । बबनु हमार मानि गृह रहहू ॥
 आयेसु मोर सासु सेवकाई । सब विधि भामिनि भवन भलाई ॥
 येहि तैं अधिक धामु नहिं दूजा । सादर सासु ससुर पद पूजा ॥
 जब जब मातु करिहि सुधि मोरी । होइहि प्रेम विकल मति भोरी ॥
 तब तब तुम्ह कहि कथा पुरानी । सुंदरि समुझाएहु मृदु बानी ॥
 कहौं सुभाय सपथ सत मोही । सुमुखि मातु हित राखौं तोही ॥
 दो०—गुरु श्रुति संपत धरम फलु पाइअ बिनहिं कलेस ।

हठ बस सब संकट सहे गालव नहुष नरेस ॥६१॥
 मैं पुनि करि प्रवान^१ पितु बानी । बेगि फिरव सुनु सुमुखि सयानी ॥
 दिवस जात नहिं लागिहि बारा । सुंदरि सिखवन सुनहु हमारा ॥
 जौं हठ कहहु प्रेमवस बामा । तौ तुम्ह दुखु पाउव परिनामा ॥
 काननु कठिन भयंकरु भारी । घोर धामु हिम बारि बयारी ॥
 कुस कंटक मग काँकर नाना । चलव पयादेहिं बिनु पदत्राना ॥
 चरन कमल मृदु मंजु तुम्हारे । मारग अगम भूमिधर भारे ॥
 कंदर खोह नदी नद नारे । अगम अगाध न जहिं निशारे ॥
 भालु बाघ वृक केहरि नागा । कहिं नाद सुनि धीरजु भागा ॥
 दो०—भूमि सयन बलकल बसन असन कंद फल मूल ।

ते कि सदा-सब दिन मिलहिं सबुइ समय अनूकूल ॥६२॥
 नरअहार रजनीचर करहीं । कपट बेष विधि कोटिक करहीं ॥
 लगाइ अति पहार कर पानी । बिपिन बिपति नहिं जाइ बखानी ॥
 ब्याल कराल विहँग वन घोस । निसिचर निकर नारि नर चोरा ॥
 डरपहिं धीर गहन सुधि आएँ । मृगलोचनि तुम्ह भीरु सुभाएँ ॥

हंसगवनि तुम्ह नहिं बन जोगू । सुनि अपजसु मोहि देइहि लोगू ॥
 मानस सलिल सुधा प्रतिपाली । जिअइ कि लवन पयोधि मराली ॥
 नव रसाल बन बिहरन सीता । सोह कि कोकिल बिपिन करीला ॥
 रहहु भवन अस हृदयँ बिचारी । चंद्रवदनि दुखु कानन भारी ॥
 दो०—सहज सुहृद गुर स्वामि सिख जो न करइ सिर मानि ।

सो पछिताइ अघाइ उर अवसि होइ हित हानि ॥ ६३ ॥
 सुनि मृदु बचन मनोहर पिअ केँ । लोचन ललित भरे जल सिय केँ ॥
 सीतल सिख दाहक भइ कैसैं । चकइहि सःद चंद निसि जैसैं ॥
 उतरु न आव बिकल बैदही । तजन चहत सुचि स्वामि सनेही ॥
 बरबस रोकि बिलोचन बारी । धरि धीरजु उर अवनिकुमारी ॥
 लागि सासु पग कह कर जोरी । छमवि देवि बड़ि अबिनय मोरी ॥
 दीन्हि प्रानपति मोहि सिख सोई । जेहिं बिधि मोर परम हित होई ॥
 मै पुनि समुझि दीख मन माहीं । पिय वियोग सम दुखु जग नाहीं ॥
 दो०—प्राननाथ करुनायतन सुंदर सुखद सुजान ।

तुम्ह बिनु रघुकुल कुमुद बिधु सुरपुर नरक समान ॥ ६४ ॥
 मातु पिता भगिनी प्रिय भाई । प्रिय परिवारु सुहृद समुदाई ॥
 सासु ससुर गुर सजन सहाई । सुत सुंदर सुसील सुखदाई ॥
 जहँ लगि नाथ नेह अरु नाते । पिय बिनु तिअहि तरनिहुँ तैं ताते ॥
 तनु धनु धामु धरनि पुर राजू । पति बिहीन सबु सोक समाजू ॥
 भोग रोग सम भूषन भारू । जम जातना सरिस संसरू ॥
 प्राननाथ तुम्ह बिनु जग माहीं । मो कहूँ सुखद कतहुँ कछु नाहीं ॥
 जिअ बिनु देह नदी बिनु बारी । तैसिअ नाथ पुरुष बिनु नारी ॥
 नाथ सकल सुख साथ तुम्हारे । सरद बिमल बिधु बदन निहारे ॥

१—[तु० में निम्नलिखित अर्द्धाली अधिक है :—

अस कहि सिय रघुपति पद लागी । बोली बचन प्रेम रस पागी] ।

२—प्र० : तिअहि । दि० : प्र० । [तु० : तिअ] । च० : प्र० ।

दो०—खग मृग परिजन नगरु बनु बलकल विमल दुकूल ।

नाथ साथ सुरसदन सम परनसाल सुख मूल ॥६५॥
 बनदेवी बनदेव उदारा । करहहिं सासु ससुर सम सारा ॥
 कुस किसलय साथरी सुहाई । प्रभु संग मंजु मनोज तुगाई ॥
 कंद मूल फल अमिअँ अहारू । अवध सौध सत सरिस पहारू ॥
 छिनु छिनु प्रभु पद कमल विलोकी । रहिहौं मुदित दिवस जिमि कोकी ॥
 बन दुख नाथ कहे बहुतेरे । भय विषाद परिताप घनेरे ॥
 प्रभु बियोग लवलेस समाना । सब मिलि होहिं न कृपानिधाना ॥
 अस जिअँ जानि सुजान सिरोमनि । लेइअ संग मोहि ब्रौंड़िअ जनि ॥
 बिनती बहुत करौं का स्वामी । करुनामय उर अंतरजामी ॥
 दो०—राखिअ अवध जो अवधि लागि रहत जानिअहिं प्रान ।

दीनबंधु सुंदर सुखद सील सनेह निधान ॥६६॥
 मोहि मग चलत न होइहि हारी । छिनु छिनु चरन सोज निहारी ॥
 सबहिं भाँति पिय सेवा करिहौं । मारग जनित सकल श्रम हरिहौं ॥
 पाय पखारि बैठि तरु छाहीं । करिहौं बाउ मुदित मन माहीं ॥
 श्रम कन सहित स्याम तनु देखें । कहँ दुख समउ प्रानपति पेखें ॥
 सम महि तृन तरु पल्लव डासी । पाय पलोटिहि सब निसि दासी ॥
 बार बार मृदु मूरति ओही । लागिहि ताति बयारि न मोही ॥
 को प्रभु संग मोहि चितवनिहारा । सिष बधुहि जिमि ससक सिआरा ॥
 मैं मुकुमारि नाथु बन जोगू । तुम्हहि उचित तपु मो कहूँ भोगू ॥
 दो० —अइसेउ वचन कठोर सुनि जौं न हृदउ विलगान ।

तौ प्रभु विषम बियोग दुख सहिहहिं पावँ प्रान ॥६७॥
 अस कहि सीय बिकल भइ भारी । वचन बियोगु न सकी सँभारी ॥
 देखि दसा रघुपति जिअँ जाना । हठि राखे नहिं राखिहिं प्राना ॥
 कहेउ कृपालु भानुकुल नाथा । परिहारि सोचु चलहु बन साथ ॥
 नहिं विषाद कर अवसरु आजू । बेगि करहु बन गवन समाजू ॥

कहि प्रिय वचन प्रिया समुझाई । लगे मातु पद आसिष पाई ॥
 बेगि प्रजा दुख भेटव आई । जननी निटुर बिसरि जनि जाई ॥
 फिरिहि दसा बिधि बहुरि कि मोरी । देखिहौं नयन मनोहर जोरी ॥
 सुदिन सुघरी तात कब होइहि । जननी जिअत बदन बिधु जोइहि^१ ॥
 दो०--बहुरि बच्छ कहि लालु कहि रघुपति रघुवर तात ।

कबहिं बोलाइ लगाइ हियँ हरषि निरखिहौं गात ॥६८॥
 लखि सनेह कातरि महतारी । बचनु न आव बिकल भइ भारी ॥
 राम प्रबोध कीन्ह बिधि नाना । समउ सनेहु न जाइ बखाना ॥
 तब जानकी सासु पग लागी । सुनिअ माय मैं परम अभागी ॥
 सेवा समय दैअँ बनु दीन्हा । मोर मनोरथु सकल^२ न कीन्हा ॥
 तजव छोभु जनि धौंड़िअ छोहू । करमु कठिन कछु दोसु न मोहू ॥
 सुनि सिय वचन सासु अकुलानी । दसा कवनि बिधि कहौं बखानी ॥
 बारहिं बार लाइ उर लीन्ही । धरि धीरजु सिख आसिष दीन्ही ॥
 अचल होउ अहिवातु तुम्हारा । जब लगि गंग जमुन जल धारा ॥
 दो०--सीतहि सासु असीस सिख दीन्ह अनेक प्रकार ।

चलीं नाइ पद पदुम सिरु अति हित बारहिं बार ॥६९॥
 समाचार जब लखिमन पाए । व्याकुल बिलख बदन उठि धाए ॥
 कंप पुलक तन नयन सनीरा । गहे चरन अति प्रेम अधीरा ॥
 कहि न सकत कछु चितवत ठाढ़े । मीनु दीनु जनु जल तें काढ़े ॥
 सोचु हृदयँ बिधि का होनिहारा । सब सुख सुकृतु सिरान हमारा ॥
 मो कहूँ काह कहव रघुनाथा । रखिहहिं भवन कि लेहहिं साथा ॥
 राम बिलोकि बंधु कर जोरें । देह गेह सब सन तृनु तोरें ॥
 बोले वचनु रामु नयनागर । सील सनेह सरल सुख सागर ॥
 तात प्रेमवस जनि कदराहू । समुझि हृदयँ परिनाम उच्चाहू ॥

१—[प्र० में यह अर्द्धाली नहीं है ।]

२—प्र० : सकल । [दि०, वृ० : सुकल] । च० : प्र० ।

दो०—मातु पिता गुर स्वामि सिख सिर धरि करहिं सुभायँ ।

लहेउ लाभु तिन्ह जनम कर नतरु जनमु जग जायँ ॥७०॥
अस जिअँ जानि सुनहुँ सिख भाई । करहु मातु पितु पद सेवकाई ॥
भवन भरतु रिपुसूदन नहीँ । राउ वृद्ध मम दुख मन माहीं ॥
मैं बन जाउँ तुम्हहिं लेइ साथ । होइ सबहिं बिधि अवध अनाथा ॥
गुर पितु मातु प्रजा परिवारु । सब कहूँ परइ दुसह दुख भारु ॥
रहहु कहहु सब कर परितोषू । नतरु तात होइहि बड़ दोषू ॥
जासु राज प्रिय प्रजा दुखारी । सो नृपु अवसि नरक अधिकारी ॥
रहहु तात असि नीति बिचारी । सुनत लखनु भए व्याकुल भारी ॥
सिअरे वचन सूखि गए कैसेँ । परसत तुहिन तामरस जैसेँ ॥
दो०—उतरु न आवत प्रेमवस गहे चरन अकुलाइ ।

नाथ दास मैं स्वामि तुम्ह तजहु त काह बसाइ ॥७१॥
दीन्हि मोहि सिख नीकि गोसाई । लागि अगम अपनी कदराई ॥
नर वर धीर धरम धुर धारी । निगम नीति कहूँ ते अधिकारी ॥
मैं सिधु प्रभु सनेह प्रतिपाला । मंदरु मेरु कि लोहिं मराला ॥
गुर पितु मातु न जानौं काह । कहौं सुभाउ नाथ पतिआह ॥
जहूँ लगि जगत सनेह सगाई । प्रीति प्रतीति निगम निजु गाई ॥
मोरेँ सबइ एक तुम्ह स्वामी । दीनबंधु उर अंतरजामी ॥
धरम नीति उपदेसिअ ताही । कीरति भूति सुगति प्रिय जाही ॥
मन क्रम बचन चरनरत होई । कृपासिंधु परिहरिअ कि सोई ॥
दो०—करुनासिंधु सुबंधु के सुनि मृदु बचन बिनीत ।

समुझाए उर लाइ प्रभु जानि सनेह समीत ॥७२॥
मोंगहु बिदा मातु सन जाई । आवहु बेगि चलहु वन भाई ॥
मुदित भए सुनि रघुवर बानी । भएउ लाभ बड़ गइ बड़ हानी ॥
हरषित हृदय मातु पहिँ आए । मनहुँ अंध फिरि लोचन पाए ॥
जाइ जननि पग नाएउ माथा । मनु रघुनंदन जानकि साथ ॥

पूँछे^१ मातु मलिन मनु देखी । लखन कही सब कथा बिसेषी ॥
 गई सहमि सुनि बचन कठोरा । मृगी देखि दव जनु चहुँ ओरा ॥
 लखन लखेउ भा अनरथु आजू । येहिं सनेहवस करब अकाजू ॥
 माँगत बिदा सभय सकुचाहीं । जाइ संग विधि कहिहि कि नाही ॥
 दो०—समुझि सुमित्रा राम सिय रूप सुसीलु सुभाउ ।

नृप सनेहु लखि धुनेउ सिरु पापिनि दीन्ह कुदाउ ॥७३॥
 धीरजु धरेउ कुअवसरु जानी । सहज सुहृद बोली मृदु बानी ॥
 तात तुम्हारि मातु वैदेही । पिता रामु सब भौंति सनेही ॥
 अवध तहाँ जहँ राम निवासू । तहई दिवसु जहँ भानु प्रकासू ॥
 जौं पै सीय रामु बन जाहीं । अवध तुम्हार काजु कछु नाही ॥
 गुर पितु मातु बंधु सुर साँई । सेइअहिं सकल प्रान की नाई ॥
 रामु प्रानप्रिय जीवन जी कें । स्वारथरहित सखा सबहीं कें ॥
 पूजनीय प्रिय परम जहाँ तें । सब मानिअहिं राम कें नातें ॥
 अस जिअँ जानि संग बन जाहू । लेहु तात जग जीवन लाहू ॥
 दो०—भूरि भागभाजनु भएहु मोहि समेत बलि जाउँ ।

जौं तुम्हरे मन छाँड़ि छलु कीन्ह राम पद ठाउँ ॥७४॥
 पुत्रवती जुबती जग सोई । रघुपति भगतु जासु सुतु होई ॥
 नतरु बाँझ मलि बादि बिआनी । राम बिमुख सुत तें हित जानी^२ ॥
 तुम्हरेहिं भाग रामु बन जाहीं । दूसर हेतु तात कछु नाही ॥
 सकल सुकृत कर फल सुत^३ येहू । राम सीय पद सहज सनेहू ॥
 रागु रोषु इरिषा मदु मोहू । जनि सपनेहु इन्हकें बस होहू ॥
 सकल प्रकार बिकार बिहाई । मन कम बचन करेहु सेवकाई ॥

१—प्र० : पूँछे । द्वि० : प्र० [(५) : पूँछेउ] । [व० : पूँछा] । च० : प्र० ।

२—प्र० : हानी । द्वि० : प्र० [(५) (५अ) : जानी] । व० : प्र० । [च० : (६) नी, (८) जानी] ।

३—प्र० : फल सुत । द्वि० : प्र० । [व० : भर फल] । च० : प्र० ।

तुम्ह कहँ बन सब भौंति सुवासू^१ । सँग पितु मातु राम सिय जासू ॥
जेहि न राम बन लहहिं कलेसू । सुत सोइ करेहु इहइ उपदेसू ॥
छं०—उपदेसु येहु जेहिं तात^२ तुम्हरे^३ राम सिय सुख पावहीं ।

पितु मातु प्रिय परिवारु पुर सुख सुरति बन विसरावहीं ॥

तुलसी प्रभुहि^३ सिख देइ आयेसु दीन्ह पुनि आसिष दई ।

रति होउ अविरल अमल सिय रघुवीर पद नित नित नई ॥

सो०—मातु चरन सिरु नाइ चले तुरित संकित हृदय ।

बागुर विषम तोराइ मनहुँ भाग मृगु भागवस ॥७५॥

गए लखनु जहँ जानकिनाथू । भे मन सुदित पाइ प्रिय साथू ॥

बंदि राम सिय चरन सुहाए । चले संग नृपमंदिर आए ॥

कहहिं परसपर पुर नर नारी । भलि बनाइ विधि बात बिगारी ॥

तन कृस मन दुखु वदन मलीने । विकल मनहुँ माखी मधु छीने ॥

कर मीजहिं सिरु धुनि पछिताहीं । जनु बिनु पंख बिहग अकुलाहीं ॥

भइ बड़ि भीर भूप दरबारा । वरनि न जाइ विषादु अपारा ॥

सचिव उठाइ राउ बैठारे । कहि प्रिय वचन रामु पगु धारे ॥

सिय समेत दोउ तनय निहारी । व्याकुल भएउ भूमिपति भारी ॥

दो०—सीय सहित सुत सुभग दोउ देखि देखि अकुलाइ ।

बारहिं बार सनेहवस राउ लेइ उर लाइ ॥७६॥

सकइ न बोलि विकल नरनाहू । सोक जनित उर दारुन दाहू ॥

नाइ सीसु पद अति अनुरागा । उठि रघुवीर बिदा तव माँगा ॥

पितु असीस आयेसु मोहि दीजे । हरष समय बिसमउ कत कीजे ॥

तात किएँ प्रिय प्रेम प्रमादू । जसु जग जाइ होइ अपवादू ॥

सुनि सनेहवस उठि नरनाहाँ । बैठारे रघुपति गहि बाहाँ ॥

१—प्र० : सुवासू । द्वि० : प्र० । [नृ० : सुपासू] । : प्र० ।

२—प्र० : तात । द्वि० : प्र० [(४) : जाल] । [तृ० : जात] । च० : प्र० ।

३—प्र० : प्रभुहि । द्वि० : प्र० । [तृ० : सुतहि] । च० : प्र० ।

सुनहु तात तुम्ह कहूँ मुनि कहहीं । रामु चराचर नाथकु अहहीं ॥
 उभ अरु असुभ करम अनुहारी । ईसु देइ फलु हृदयँ विचारी ॥
 करइ जो करमु पाव फलु सोई । निगम नीति असि कह सबुक्कोई ॥
 दो०—औरु करइ अपराधु कोउ और पाव फल भोगु ।

अति विचित्र भगवंत गति को जग जानइ जोगु ॥७७॥
 राय राम राखत हित लागी । बहुत उपाय किए बलु त्यागी ॥
 लखी^१ राम रुख रहत न जाने । धरम धुरंधर धीर सयाने ॥
 तब नृप सीय लाइ उर लीन्ही । अति हित बहुत भाँति सिख दीन्ही ॥
 कहि बन के दुख दुसह सुनाए । सासु ससुर पितु सुख समुभाए ॥
 सिय मनु राम चरन अनुरागा । घरु न सुगमु बन विषमु न लागा ॥
 औरौ सबहिं सीय समुभाई । कहि कहि विपिन विपति अधिक्राई ॥
 सचिव नारि गुर नारि सयानी । सहित सनेह कहहिं मृदु बानी ॥
 तुम्ह कहूँ तौ न दीन्ह बनवासू । करहु जो कहहिं ससुर गुर सासू ॥
 दो०—सिख सीतलि हित मधुर मृदु सुनि सीतहि न सोहानि ।

सरद चंद चंदिनि लगत जनु चकई अकुलानि ॥७८॥
 सीय सकुच बस उतरु न देई । सो सुनि तमकि उठी कैकेई ॥
 मुनि पट भूषन भाजन आनी । आगैं धरि बोली मृदु बानी ॥
 नृपहि प्रानप्रिय तुम्ह रघुबीरा । सील सनेह न छाँड़िहि भीरा ॥
 सुकृतु सुजसु परलोकु नसाऊ । तुम्हहिं जान बन कहिहि न काऊ ॥
 अस विचारि सोइ करहु जो भावा । राम जननि सिख सुनि सुख पावा ॥
 भूषहि बचन बान सम लागे । करहिं न प्रान पयान अभागे ॥
 लोग विकल मुरिछित नरनाह । काह करिअ कछु सूझ न काह ॥
 रामु तुरत मुनि बेधु बनाई । चले जनक जननी^२ सिरु नाई ॥

१—प्र० : लखी । द्वि० : प्र० [(५) : लडा] । वृ०, च० : प्र० ।

२—प्र० : जननी । द्वि० : प्र० [(४) (५) : जननिहि] । वृ०, च० : प्र० ।

दो०—सजि बन साजु समानु सब वनिता बंधु समेत ।

बंदि विप्र गुर चरन प्रभु चले करि सबहि अचेत ॥७६॥
निकसि वसिष्ठ द्वार भए ठाढ़े । देखे लोग बिरह दव दाढ़े ॥
कहि प्रियवचन सकल समुझाए । विप्र वृन्द रघुवीर बुलाए ॥
गुर सन कहि वरषासन दीन्हे । आदर दान विनय बस कीन्हे ॥
जाचक दान मान संतोषे । मीत पुनीत प्रेम परितोषे ॥
दासी दास बोलाइ बहोरी । गुरहि सौं पि बोले कर जोरी ॥
सब कै सार सँभार गोसाईं । करवि जनक जननी की नाई ॥
बारहि बार जोरि जुग पानी । कहत रामु सबसन मुदु बानी ॥
सोइ सब भाँति मोर हितकारी । जेहि तैं रहइ भुआल सुवारी ॥
दो०—मातु सकल मोरें बिरहैं जेहि न होहिं दुख दीन ।

सोइ उपाय तुम्ह करेहु सब पुरजन परम प्रवीन ॥८०॥
येहि विधि राम सबहि समुझावा । गुर पद पदुम हरषि सिरु नावा ॥
गनपति गौरि गिरीसु मनार्ई । चले असीस पाइ रघुराई ॥
रामु चलत अति भएउ बिषाद । सुनि न जाइ पुर आरत नाद ॥
कुसगुन लंक अवध अति सोकू । हरष बिषाद विवस सुलोकू ॥
गइ मुरुब्बा तब भूपति जागे । बोलि सुमंत्रु कहन अस लागे ॥
रामु चले बन प्रान न जाहीं । केहिं सुख लागि रहत तन माहीं ॥
येहि तैं कवन व्यथा बलवाना । जो दुखु पाइ तजहिं तनु प्राना ॥
पुनि धरि धीर कहइ नरनाहू । लै रथु संग सखा तुम्ह जाहू ॥
सो०—सुठि सुकुमार कुमार दोउ जनकसुता सुकुमारि ।

रथ चढ़ाइ देखगइ वनु फिरेहु गएँ दिन चारि ॥८१॥
जौं नहिं फिरहिं धीर दोउ भाई । सत्यसंध दृढ़व्रत रघुराई ॥
तौ तुम्ह विनय करेहु कर जोरी । फेरिअ प्रभु मिथिलेसकिसोरी ॥

जब सिय कानन देखि डेराई । कहेहु मोरि सिख अबसरु पाई ॥
 सासु ससुर अस कहेउ सँदेमू । पुत्रि फिरिअ बन बहुतु कलेसू ॥
 पितुगृह कवहुँ कवहुँ ससुगरी । रहेहु जहाँ रुचि होइ तुम्हारी ॥
 येहि विधि करेहु उपाय कदंबा । फिरि त होइ प्रान अवलंबा ॥
 नाहिं त मोर मरनु परिनामा । कछु न बसाइ भएँ विधि बामा ॥
 अस कहि मुखि परा महि राऊ । राम लखनु सिय आनि देखाऊ ॥
 दो०—पाइ रजायेसु नाइ सिरु रथु अति बेग बनाइ ।

गएउ जहाँ बाहेर नगर सीय सहित दोउ भाइ ॥८२॥
 तब सुमंत्र नृप वचन सुनाए । करि बिनती रथ रामु चढ़ाए ॥
 चढ़ि रथ सीय सहित दोउ भाई । चले हृदयँ अवधहि सिरु नाई ॥
 चलत रामु लखि अवध अनाथा । विकल लोग सब लागे साथी ॥
 कृपासिंधु बहु विधि समुभावहिं । फिरिहिं प्रेमवस पुनि फिरि आवहिं ॥
 लागति अवध भयावनि भारी । मानहुँ कालराति अंधिआरी ॥
 घोर जंतु सम पुर नर नारी । डरपहिं एकहि एक निहारी ॥
 घर मसान परिजन जनु भूता । सुत हित मीतु मनहुँ जमदूता ॥
 बागन्ह विटप बेलि कुँभिलाहीं । सरित सरोवर देखि न जाहीं ॥
 दो०—हय गय कोटिन्ह केलिमृगु पुरपसु चातक मोर ।

पिक रयांग सुक सारिका सारस हंस चक्रोर ॥८३॥
 राम बियोग विकल सब ठाढ़े । जहँ तहँ मनहुँ चित्र लिखि काढ़े ॥
 नगर सफल^१ बन गहवर भारी । खग मृग विपुल सकल नर नारी ॥
 विधि कैकई किरातिनि कीन्ही । जेहिं दव दुसह दसहुँ दिसि दीन्ही ॥
 सहि न सके रघुबर बिरहागी । चले लोग सब व्याकुल भागी ॥
 सबहिं बिचार कीन्ह मनमाहीं । राम लखन सिय बिनु सुखु नाहीं ॥
 जहाँ रामु तहँ सबुइ समाजू । बिनु रघुवीर अवध नहिं काजू ॥

चले साथ अस मंत्र दृढ़ाई । सुर दुर्लभ सुख सदन विहाई ॥
 राम चरन पंकज प्रिय जिन्हही । विषय भोग बस करहिं कि तिन्हही ॥
 दो०—बालक वृद्ध विहाइ गृह लगे लोग सब साथ ।

तमसा तीर निवासु किय प्रथम दिवस रघुनाथ ॥८४॥
 रघुपति प्रजा प्रेमवस देखी । सद्य हृदयँ दुख भएउ बिसेषी ॥
 करुनामय रघुनाथ गोसाईं । बेगि पाइअहिं पीर पराईं ॥
 कहि सप्रेम मृदु वचन सुहाए । बहु विधि राम लोग समुझाए ॥
 किए धरम उपदेस घनेरे । लोग प्रेमवस फिराहिं न फेरे ॥
 सील सनेहु छाँड़ि नहिं जाई । असमंजसवस भे रघुगई ॥
 लोग सोग श्रमवस गए सोई । कछुक देवमाया मति मोई ॥
 जबहिं जाम जुग जामिनि बीती । राम सचिव सन कहेउ सप्रीती ॥
 खोजु मारि रथु हाँकहु ताता । आन उपाय बनिहि नहिं१ बाता ॥
 दो०—राम लखनु सिय जान चढ़ि संभु चरन सिरु नाइ ।

सचिव चलाएउ तुरत रथु इत उत खोज दुराइ ॥८५॥
 जागे सकल लोग भए भोरु । गे रघुनाथ भएउ अति सोरु ॥
 रथ कर खोज कतहुँ नहिं पावहिं । राम राम कहि चहुँ दिसि धावहिं ॥
 मनहुँ बारिनिधि बूड़ जहाजू । भएउ बिकल बड़ बनिक समाजू ॥
 एकहि एक देहिं उपदेसू । तजे राम हम जानि कलेसू ॥
 निंदहिं आपु सगहहिं मीना । धिग जीवनु रघुबीर बिहीना ॥
 जौ पै प्रिय बियोगु बिधि कीन्हा । तौ कस मरनु न माँगे दीन्हा ॥
 एहि बिधि करत प्रलाप कलापा । आए अवध भरे परितापा ॥
 विषम बियोगु न जाइ बखाना । अवधि आस सब राखहिं प्राना ॥
 दो०—राम दरस हित नेम व्रत लगे करन नर नारि ।

मनहु कोक कोकी कमल दीन बिहीन तमारि ॥८६॥

सीता सचिव सहित दोउ भाई । सृङ्गवेरपुर पहुँचे जाई ॥
 उतरे राम देवसरि देखी । कीन्ह दंडवत हरषु बिसेखी ॥
 लखन सचिवँ सियँ किए प्रनामा । सबहिँ सहित सुखु पाएउ रामा ॥
 गंग सकल मुद मंगल मूला । सब सुख करनि हरनि सब सूला ॥
 कहि कहि कोटिक कथा प्रसंगा । रामु बिलोकहिँ गंग तरंगा ॥
 सचिवहि अनुजहि प्रियहि सुनाई । विबुधनदी महिमा अधिकारि ॥
 मज्जनु कीन्ह पंथ समु गएऊ । सुचि जलु पिअत मुदित मनु भएऊ ॥
 सुमिरत जाहिँ मिटइ समु भारू । तेहि समु येह लौकिक व्यवहारू ॥
 दो०—सुद्ध सच्चिदानंदमय कंद भानुकुल केतु ।

चरित करत नर अनुहरत संसृति सागर सेतु ॥८७॥
 येह सुधि गुह निषाद जब पाई । मुदित लिए प्रिय बंधु बोलाई ॥
 लिए फल मूल भेट भरि भारा । मिलन चलेउ हियँ हरषु अपारा ॥
 करि दंडवत भेंट धरि आगें । प्रभुहि बिलोकत अति अनुरागे ॥
 सहज सनेह बिबस रघुराई । पूँखी कुसल निकट बैठाई ॥
 नाथ कुसल पद पंकज देखें । भएउँ भाग भाजन जनु लेखें ॥
 देव धरनि धनु धामु तुम्हारा । मैं जनु नीचु सहित परिवारा ॥
 कृपा करिअ पुर धरिअ पाऊ । थापिअ जनु सबु लोगु सिहाऊ ॥
 कहेहु सत्य सबु सखा सुजाना । मोहि दीन्ह पितु आयेसु आना ॥
 दो०—वरष चारिदस बासु बन मुनि व्रत बेषु अहार ।

ग्रामु बास नहिँ उचित सुनि गुहहि भएउ दुख भारू ॥८८॥
 राम लखन सिय रूपु निहारी । कहहिँ सप्रेम ग्राम नर नारी ॥
 ते पितु मातु कहहु सखि कैसेँ । जिन्ह पठए बन बालक ऐसेँ ॥
 एक कहहिँ भल भूपति कीन्ह । लोयन लाहु हमहिँ बिधि दीन्हा ॥
 तब निषादपति उर अनुमाना । तरु सिंसुपा मनोहर जाना ॥
 लै रघुनाथहि ठाँव देखावा । कहेउ राम सब भौंति सुहावा ॥
 पुरजन करि जोहारु घर आए । रघुवर संध्या करन सिधाए ॥

गुहँ सवाँरि सोयरी डसाई । कुस किसलय मय मृदुल सुहाई ॥
सुचि फल मूल मधुर मृदु जानी । दोना भरि भरि राखेसि आनी १ ॥
दो०—सिय सुमंत्र आता सहित कंद मूल फल खाइ ।

सयन कीन्ह रघुवंसमनि पाय पलोत्त भाइ ॥८६॥
उठे लखनु प्रभु सोवत जानी । कहि सचिवहि सोवन मृदु बानी ॥
कछुक दूरि सजि बान सरासन । जागन लगे बैठि बीरासन ॥
गुह बेलाइ पाहरु प्रतीती । ठावँ ठावँ राखे अति प्रीती ॥
आपु लखन पहुँ बैठेउ जाई । कटि भाथी२ सर चाप चढ़ाई ॥
सोवत प्रभुहि निहारि निषादू । भएउ प्रेमवस हृदयँ बिषादू ॥
तनु पुलकित जल लोचन बहई । वचन सप्रेम लखन सन कहई ॥
भूपति भवन सुभायँ सुहावा । सुरपति सदन न पटतर आवा३ ॥
मनिमय रचित चारु चौबारे । जनु रतिपति निज हाथ सँवारे ॥
दो०—सुचि सुबिचित्र सुभोगमय सुमन सुगंध सुवास ।

पलंग मंजु मनि दीप जहँ सब विधि सकल सुपास ॥८७॥
विविध बसन उपधान तुराई । खीर फेन मृदु बिसद सुहाई ॥
तहँ सिय रामु सयन निसि करहीं । निज छवि रति मनोज मनु हरहीं ॥
तेइ सिय रामु साथरी सोए । समित बसन बिनु जाहिं न जोए ॥
मातु पिता परिजन पुरबासी । सखा सुसील दास अरु दासी ॥
जोगबहिं जिन्हहि प्रान की नाई । महि सोवत तेइ रामु गोसाई ॥
पिता जनकु जग विदित प्रभाऊ । ससुर सुरेस सखा रघुराऊ ॥
रामचंदु पति सो वैदेही । सोवति४ महि बिधि वामन केही ॥
सिय रघुबीर कि कानन जोगू । करसु प्रधान सत्य कह लोगू ॥

१—प्र०, दि०, तृ० : आनी । [च० : (६) पानी, (८) प्रानी] ।

२—प्र० : भाथी । [दि०, तृ० : भाथा] । च० : प्र० ।

३—प्र०, दि०, तृ० : पावा । च० : आवा ।

४—प्र० : सोवति । दि०, तृ० : प्र० । [च० : सोवत] ।

दो०—कैकयनंदिनि मंदमति कठिन कुटिलपनु कीन्ह ।
 जेहि रघुनंदन जानकिहि सुख अवसर दुखु दीन्ह ॥६१॥
 भइ दिनकर कुल बिट्ठ कुठारी । कुमति कीन्ह सबु बिस्व दुखारी ॥
 भएउ बिषादु निषादहि भारी । रामु सीय महि सयन निहारी ॥
 बोले लखनु मधुर मृदु बानी । ग्यान बिराग भगति रस सानी ॥
 काहु न कोउ सुख दुख कर दाता । निज कृत करम भोग सबु आता ॥
 जोग वियोग भोग भल मंदा । हित अनहित मध्यम भ्रम फंदा ॥
 जनमु मरनु जहँ लगि जगजालू । संगति बिपति करमु अरु कालू ॥
 धरान धामु धनु पुर परिवारू । सरगु नरकु जहँ लगि व्यवहारू ॥
 देखिअ सुनिअ गुनिअ मनमाहीं । मोह मूल परमारथु नाहीं ॥
 दो०—सपने होइ मिखारि नृपु रंकु नाकपति होइ ।

जागेँ लाभु न हानि कछु तिमि प्रपंचु जिअँ जोइ ॥६२॥
 अस बिचारि नहिं कीजिअ रोसू । काहुहि बादि न देइअ दोसू ॥
 मोह निसा सबु सोवनिहारा । देखिअ सपन अनेक प्रकारा ॥
 येहि जग जाभिनि जागहिं जोगी । परमारथी प्रपंच बियोगी ॥
 जानिअ तबहिं जीव जग जागा । जब सब बिषय बिलास बिरागा ॥
 होइ विवेकु मोह भ्रम भागा । तब रघुनाथ चरन अनुरागा ॥
 सखा परम परमारथु एहू । मन क्रम बचन राम पद नेहू ॥
 राम ब्रह्म परमारथरूपा । अविगत अलख अनादि अनूपा ॥
 सकल बिकार रहित गत भेदा । कहि नित नेति निरूपहिं बेदा ॥
 दो०—भगत भूमि भूसुर सुरभि सुर हित लागि कृपाल ।

करत चरित धरि मनुज तनु सुतत मिटहिं जगजाल ॥६३॥
 सखा समुझि अस परिहरि मोहू । सिय रघुवीर चरन रत होहू ॥
 कहत राम गुन भा भिनुसारा । जागे जग मंगल दातारा १ ॥

सकल सौच करि राम नहावा । सुचि सुजान बख्शीर मँगावा ॥
 अनुज सहित सिर जग बनाए । देखि सुमंत्र नयन जल छाए ॥
 हृदयँ दाहु अति बड़न मलीना । कह कर जोरि बचन अति दीना ॥
 नाथ कहेउ अस कोसलनाथा । लै रथु जाहु राम के साथी ॥
 बनू देखाइ सुसरि अन्हवाई । आनेहु फेरि बेगि दोउ भाई ॥
 लखनु राम सिय आनेहु फेरी । संसय सकल सँकोच निबेरी ॥
 दो०—नृप अस कहेउ गोसाईँ जस कहँ करौँ बलि सोइ ।

करि बिनती पायन्ह परेउ दीन्ह बाल जिमि रोइ ॥६४॥
 तात कृपा करि कीजिय सोई । जातैं अवध अनाथ न होई ॥
 मंत्रिहि राम उठाइ प्रबोधा । तात धरम मगु तुम्ह सवु सोधा ॥
 सिबि दधीचि हरिचंद्र नरेसा । सहे धरम हित कोटि कलेसा ॥
 रंतिदेव बलि भूप सुजाना । धरमु धरेउ सहि संकट नाना ॥
 धस्सु न दूसरा सत्य समाना । आगम निगम पुरान बखाना ॥
 मै सोइ धरमु सुलभ करि पावा । तजे तिहूँ पुर अपजस छावा ॥
 संभावित कहूँ अपजस लाहू । मरन कोटि सम दाहन दाहू ॥
 तुम्ह सन तात बहुत का कहँऊँ । दिहँ उतरु फिरि पातकु लहँऊँ ॥
 दो०—पितु पद गहि कहि कोटि नति बिनय करबि कर जोरि ।

बिंता कवनिहु बात कइ तत करिअ जनि मोरि ॥६५॥
 तुम्ह पुनि पितु सम अनिहित मोरैं । बिनती करौँ तात कर जोरैं ॥
 सब बिधि सोइ करतव्य तुम्हारैं । दुखु न पाव पितु सोच हमारैं ॥
 सुनि रघुनाथ सचिव संवादू । भएउ सपरिजन बिकल निषादू ॥
 पुनि कछु लखन कही कटु बानी । प्रभु बरजे बड़ अनुचित जानी ॥
 सकुचि राम निज सपथ देवाई । लखन सँदेसु कहिय जनि जाई ॥
 कह सुमंत्र पुनि भूप सँदेसू । सहि न सकिहि सिय विपिन कलेसू ॥
 जेहि बिधि अवध आव फिरि सीया । सोइ रघुवरहि तुम्हहि करनीया ॥
 नतरु निपट अवलंब बिहीना । मै न जिअब जिमि जल बिनु मीना ॥

दो०—मइकें ससुरें सकल सुख जबहिं जहाँ मनु मान ।

तहँ तब रहिहि सुखेन सिय जब लगि बिपति बिहान ॥६६॥
 बिनती भूप कीन्हि जेहिं भाँती । आरति प्रीति न सो कहि जाती ॥
 पितु सँदेसु सुनि कृपानिधाना । सियहि दीन्हि सिख कोटि बिधाना ॥
 सासु ससुरु गुर प्रिय परिवारू । फिरहु त सबकर मिटइ खमारू ॥
 सुनि पति वचन कहति बैदेही । सुनहुँ प्रानपति परम सनेही ॥
 प्रभु करुनामय परम बिबेकी । तनु तजि रहति छौँह किमि छैंकी ॥
 प्रभा जाइ कहँ भानु बिहाई । कहँ चंद्रिका चंदु तजि जाई ॥
 पतिहि प्रेम मय बिनय सुनाई । कहति सचिव सन गिरा सुहाई ॥
 तुम्ह पितु ससुर सरिस हितकारी । उतरु देउँ फिरि अनुचित भारी ॥
 दो०—आरति बस सनमुख भइउँ बिलग न मानव तात ।

आरजसुत पद कमल बिनु बादि जहाँ लगि नात ॥६७॥
 पितु बैभव बिलासु मैं डीठा । नृप मनि मुकुट मिलत^१ पदपीठा ॥
 सुख निधान अस माइकर^२ मोरें । पिय बिहीन मन भाव न भोरें ॥
 ससुर चक्कवइ कोसलराऊ । भुवन चारि दस प्रगट प्रभाऊ ॥
 आगें होइ जेहि सुरपति लेई । अरघ सिंघासन आसनु देई ॥
 ससुर एतादस अवध निवासू । प्रिय परिवारु मातु सम सासू ॥
 बिनु रघुपति पद पदुम परागा । मोहि कोउ^३ सपनेहुँ सुखदन लागा ॥
 अगम पंथ बन भूमि पहारा । करि केहरि सरि सरित अपारा ॥
 कोल किरात कुरंग बिहंगा । मोहि सब सुखद प्रानपति संग ॥
 दो०—सासु ससुर सन मोरि हुँति बिनय करबि परि पायँ ।

मोर^४ सोचु जनि करिअ कछु मैं बन सुखी सुभायँ ॥६८॥

१—प्र० : मिलत । द्वि० : प्र० [(२) : मिलित] । तृ०, च० : प्र० [(८) : मिलित] ।

२—प्र० : माइक । द्वि० : प्र० [(३) (४) (५) : पितृगृह] । तृ०, च० : प्र० [(८) : पितृगृह] ।

३—प्र० : कोउ । [द्वि० : सब] । तृ०, च० : प्र० ।

४—प्र० : मोर । द्वि० : प्र० [(४) (५) : मोरि] । तृ०, च० : प्र० [(८) : मोरि] ।

प्राननाथ प्रिय देवर साथ । बीर धुरीन धरे धनु भाथा ॥
 नहिं मग समु भ्रमु दुख मन मोरें । मोहि लागि सोचु करिअ जनि मोरें ॥
 सुनि सुमंत्रु सिय सीतलि बानी । भएउ विकल जनु फनि मनि हानी ॥
 नयन सूझ नहिं सुनई न काना । कहि न सकइ कछु अति अकुलाना ॥
 राम प्रबोधु कीन्ह बहु भाँती । तदपि होति नहिं सीतलि छाती ॥
 जतन अनेक साथ हित कीन्हे । उचित उतरु रघुनंदन दीन्हे ॥
 मेटि जाइ नहिं राम रजाई । कठिन करम गति कछु न बसाई ॥
 राम लखन सिय पद सिरु नाई । फिरेउ वनिकु जनु मूरु गवाई ॥
 दो०—रथु हाँकेउ हय राम तन हेरि हेरि हिहिनाहिं ।

देखि निषाद विषादबस धुनहिं सीस पछिताहिं ॥६१॥
 जासु बियोग विकल पसु ऐसैं । प्रजा मातु पितु जीवहिं१ कैसैं ॥
 बरबस राम सुमंत्रु पठाये । सुरसरि तीर आपु तव आप ॥
 माँगी नाव न केवटु आना । कहइ तुम्हार मासु मैं जाना ॥
 चरन कमल रज कहूँ सबु कहई । मानुषकरनि मूरि कछु अहई ॥
 छुअत सिला भइ नारि सुहाई । पाहन तैं न काठ कठिनाई ॥
 तरनिउँ मुनि धरिनी होइ जाई । बाट परइ मोरि नाव उड़ाई ॥
 येहि प्रतिपालउँ सबु परिवारु । नहिं जानौं कछु और कवारु ॥
 जौं प्रभु पार अवसि गा चहहू । मोहि पद पदुम पखारन कहहू ॥

छं०—पद कमल धोइ चढ़ाइ नाव न नाथ उतराई चहौं ।

मोहि राम राउरि आन दसरथ सपथ सब सांची कहौं ॥

बरु तीर मारहुँ लखनु पै जव लगि न पाय पखारिहौं ।

तव लगि न तुलसीदास नाथ कृपाल पारु उतारिहौं ॥

सो०—सुनि केवट के बयन प्रेम लपेटे अटपटे ।

बिहँसे करुना अयन चितइ जानकी लखन तन ॥१००॥

कृपासिंधु बोले मुसुकाई । सोइ करु जेहिं तव नाव न जाई ॥
 बेगि आनु जनु पाय पखारू । होत बिलंबु उतारहि पारू ॥
 जासु नामु सुमिरत एक बारा । उतरहिं नर भवसिंधु अपारा ॥
 सोइ कृपालु केवटहिं निहोरा । जेहिं जगु क्रिय तिहुँ पगहुँ तैं थोरा ॥
 पद नख निरखि देवसरि हरषी । सुनि प्रभु बचन मोह मति करषी ॥
 केवट रामु रजायेसु पावा । पानि कठवता भरि लइ आवा ॥
 अति आनंद उमगि अनुरागा । चरन सरोज पखारन लागा ॥
 बरखि सुमन सुर सफल सिहाहीं । येहिं सम पुन्यपुंज कोउ नाहीं ॥
 दो०—पद पखारि जलु पान करि आपु सहित परिवार ।

पितर पारु करि प्रभुहिं पुनि मुदित गएउ लइ पार ॥ १०१ ॥
 उतरि ठाढ़ भए सुसरि रेता । सीय रामु गुह लखनु समेता ॥
 केवट उतरि दंडवत कीन्हा । प्रभुहिं सकुच येहिं नहिं कछु दीन्हा ॥
 पिय हिय की सिय जाननिहारी । मनि मुंदरी मन मुदित उतारी ॥
 कहेउ कृपाल लेहि उतराई । केवट चरन गहे अकुलाई ॥
 नाथ आजु मैं काह न पावा । मिटे दोष दुख दारिद दावा ॥
 बहुत काल मई कीन्हि मजूरी । आजु दीन्हि बिधि बनि भलि भूरी ॥
 अब कछु नाथ न चाहिअ मोरैं । दीन दयाल अनुग्रह तोरैं ॥
 फिरती बार मोहि जो देवा । सो प्रसादु मई सिर धरि लेवा ॥
 दो०—बहुत कीन्ह प्रभु लखनु सिय नहिं कछु केवटु लेइ ।

बिदा कीन्ह करुनायतन भगति बिमल बरु देइ ॥ १०२ ॥
 तब मज्जनु करि रघुकुलनाथा । पूजि पारथिव नाएउ माथा ॥
 सिय सुरसरिहि कहेउ कर जोरी । मातु मनोरथ पुरउबि मारी ॥
 पति देवर सँग कुसल बहोरी । आइ करउँ जेहिं पूजा तोरी ॥
 सुनि सिय बिनय प्रेमस सानी । भइ तब बिमल बारि बर बानी ॥
 सुनु रघुवीर प्रिया बैदेही । तव प्रभाउ जग बिदित न केही ॥
 लोकप होहिं बिलोकत तोरैं । तोहिं सेवहिं सब सिधि कर जोरैं ॥

तुम्ह जो हमहिं बड़िं बिनय सुनाई । कृपा कीन्हि मोहि दीन्हि बड़ाई ॥
तदपि देवि मई देवि असीसा । सफल होन हित निज बागीसा ॥
दो०—प्राण नाथ देवर सहित कुसल कोसला आइ ।

पूजिहि सब मन कामना सुजसु रहिहि जग छाई ॥१०३॥
गंग बचन सुनि मंगल मूला । मुदिन सीय सुरसरि अनुकूला ॥
तब प्रभु गुहहि कहेउ घर जाहू । सुनत सूख मुख भा उर दाहू ॥
दीन बचन गुह कह कर जोरी । विनय सुनहु रघुकुलमनि मोरी ॥
नाथ साथ रहि पंथु देखाई । करि दिन चारि चरन सेवकाई ॥
जेहिं बन जाइ रहव रघुगई । परनकुटी मई करवि सुहाई ॥
तब मोहि कहँ जसि देवि रजाई । सोइ करिहँ रघुबीर दोहाई ॥
सहज सनेहु राम लखि तासू । संग लीन्ह गुह हृदय हुलासू ॥
पुनि गुह ग्याति बोलि सब लीन्हें । करि परितोषु बिदा सब कीन्हें ॥
दो०—तब गनपति सिव सुमिरि प्रभु नाइ सुरसरिहिं माथ ।

सखा अनुज सिय सहित बन गवनु कीन्ह रघुनाथ ॥१०४॥
तेहि दिन भएउ बिय तर बासू । लखन सखा सब कीन्ह सुपासू ॥
प्रात प्रातकृत करि रघुगई । तीरथराजु दीख प्रभु जाई ॥
सचिव सत्य श्रद्धा प्रिय नारी । माधव सरिस मीतु हितकारी ॥
चारि पदारथ भरा भंडारू । पुन्य प्रदेस देस अति चारू ॥
छेत्रु अगमु गढु गाढ़ सुहावा । सपनेहुँ नहिं प्रतिपच्छिन्ह पावा ॥
सेन सकल तीरथ वर बीरा । कलुष अनीक दलन रन धीरा ॥
संगमु सिंघासनु सुठि सोहा । छत्रु अषयवटु मुनि मनु मोहा ॥
चँवर जमुन अरु गंग तरंगा । देखि होहिं दुख दारिद भंगा ॥
दो०—सेवहिं सुकृती साधु सुचि पावहिं सब मन काम ।

बंदीं बेद पुरान गन कहहिं विमल गुनग्राम ॥१०५॥

को कहि सकइ प्रयाग प्रभाऊ । कलुष पुञ्ज कुंजर मृगराऊ ॥
 अस तीरथपति देखि सुहावा । सुख सागर रघुवर सुखु पावा ॥
 कहि सिय लषनहि सखहि सुनाई । श्रीमुख तीरथराज बड़ाई ॥
 करि प्रनामु देखत बन बागा । कहत महातम अति अनुरागा ॥
 येहि विधि आइ विलोकी बेनी । सुमिरत सकल सुमंगल देनी ॥
 मुदित नहाइ कीन्हि सिय सेवा । पूजि जथाविधि तीरथ देवा ॥
 तब प्रभु भरद्वाज यहि आये । करत दंडवत मुनि उर लाये ॥
 मुनि मन मोद न कछु कहि जाई । ब्रम्हानंद रासि जनु पाई ॥
 दो०—दीन्हि असीस मुनीस उर अति अनंदु अस जानि ।

लोचन गोचर सुकृत फल मनहुँ किए विधि आनि ॥१०६॥
 कुसल प्रस्त करि आसनु दीन्हे । पूजि प्रेम परिपूरन कीन्हे ॥
 कंद मूल फल अंकुर नीके । दिए आनि मुनि मनहुँ अभी के ॥
 सीय लखन जन सहित सुहाये । अतिरुचि राम मूल फल खाये ॥
 भए बिगत स्रम राम सुखारे । भरद्वाज मृदु बचन उचारे ॥
 आजु सुफल तपु तीरथु त्यागू । आजु सुफल जपु जोग बिरागू ॥
 सुफल सकल सुभ साधन साजू । राम तुम्हहि अवलोकत आजू ॥
 लाभ अवधि सुख अवधि न दूजी । तुम्हरे दरस आस सब पूजी ॥
 अब करि कृपा देहु बरु एहू । निज पद सरसिज सहज सनेहू ॥
 दो०—करम बचन मन छाड़ि छलु जब लगि जनु न तुम्हार ।

तब लगि सुखु सपनेहुँ नहीं किएँ कोटि उपचार ॥१०७॥
 मुनि मुनि बचन रामु सकुचाने । भाव भगति आनंद अवाने ॥
 तब रघुवर मुनि सुजसु सुहावा । कोटि भौंति कहि सबहि सुनावा ॥
 सो बड़ सो सब गुन गन गेहू । जेहि मुनीस तुम्ह आदर देहू ॥
 मुनि रघुबीर परसपर नवहीं । बचन अगोचर सुख अनुभवहीं ॥
 येह सुधि पाइ प्रयाग निवासी । बटु तापस मुनि सिद्ध उदासी ॥
 भरद्वाज आसम सब आए । देखन दंसरथ सुअन सुहाए ॥

राम प्रनाम कीन्ह सब काहू । मुदित भए लहि लोयन लाहू ॥
देहिं असीस परम सुखु पाई । फिरे सराहत सुंदरताई ॥
दो०—राम कीन्ह बिस्वाम निसि प्रात प्रयाग नहाइ ।

चले सहित सिय लखन जन मुदित मुनिहि सिरु नाइ ॥१०८॥
राम सप्रेम कहेउ मुनि पाहीं । नाथ कहिअ हम केहि मग जाहीं ॥
मुनि मन बिहँसि राम सन कहहीं । सुगम सकल मग तुम्ह कहूँ अहहीं ॥
साथ लागि मुनि सिष्य बोलाए । सुनि मन मुदित पचासक आए ॥
सबन्हि राम पर प्रेम अपारा । सकल कहहिं मगु दीख हमारा ॥
मुनि बटु चारि संग तब दीन्हे । जिन्ह बहु जनम सुकृत सब कीन्हे ॥
करि प्रनामु रिषि आयेसु पाई । प्रमुदित हृदय चले रघुआई ॥
ग्राम निकट निकसहिं जब जाई । देखहिं दरसु नारि नर धाई ॥
होहिं सनाथ जनम फलु पाई । फिरहिं दुखित मनु संग पठाई ॥
दो०—विदा किए बटु विनय करि फिरे पाइ मन काम ।

उतरि नहाए जमुन जल जो सरीर सम स्याम ॥१०९॥
सुनत तीर बासी नर नारी । धाए निज निज काज बिसारी ॥
लखन राम सिय सुंदरताई । देखि करहिं निज भाग्य बड़ाई ॥
अति लालसा सबहिं मन माहीं । नाउँ गाउँ बूझत सकुचाहीं ॥
जे तिन्ह महुँ बयविरिध सयाने । तिन्ह करि जुगुति रामु पहिचाने ॥
सकल कथा तेन्ह सबहिं सुनाई । बनहि चले पितु आयेसु आई ॥
सुनि सविषाद सकल पछिताहीं । रानी राय कीन्ह भल नाहीं ॥
तेहि अवसरु एकु तापसु आवा । तेज पुंज लघु बयसु सुहावा ॥
कबि अलखित गति बेषु बिआगी । मन क्रम बचन राम अनुरागी ॥
दो०—सजल नयन तन पुलकि निज इष्ट देउ पहिचानि ।

परेउ दंड जिमि धरनि तल दसा न जाइ बखानि ॥११०॥
राम सप्रेम पुलकि उर लावा । परम रंकु जनु पारसु पावा ॥
मनहुँ प्रेसु परमारथु दीऊ । मिलत धरैं तनु कह सबु कोऊ ॥

बहुरि लखन पायन्ह सोइ लागा । लीन्ह उठाइ उमगि अनुरागा ॥
 पुनि सिय चरन धूरि धरि सीसा । जननि जानि सिसु दीन्ह असीसा ॥
 कीन्ह निषाद दंडवत तेही । मिलेउ मुदिन लखि राम सनेही ॥
 पिअत नयन पुट रूपु पियूषा । मुदित सुअसनु पाइ जिमि भूखा ॥
 ते पितु मातु कहहु सखि कैसे । जिन्ह पठए बन बालक ऐसे ॥
 राम लखन सिय रूपु निहारी । सोच सनेह बिकल नर नारी ॥
 दो०—तव रघुवीर अनेक बिधि सखहि सिखावनु दीन्ह ।

राम रजायेसु सीस धरि भवन गवनु तेहिं कीन्ह ॥१११॥
 पुनि सिय राम लखन कर जेरी । जमुनहि कीन्ह प्रनामु बहोरी ॥
 चले ससीय मुदित दोउ भाई । रबितनुजा कै करत बड़ाई ॥
 पथिक अनेक मिलहिं मग जाता । कहहिं सप्रेम देखि दोउ भ्राता ॥
 राजलखन सब अंग तुम्हारे । देखि सोचु अति हृदयँ हमारे ॥
 मारगु चलहु पयादेहिं पाएँ । जोतिषु भूठ हमारे^१ भाएँ ॥
 अगमु पंथु गिरि कानन भारी । तेहि महुँ साथ नारि सुकुमारी ॥
 करि केहरि बन जाइ न जोई । हम सँग चलहिं जो आयेसु होई ॥
 जाब जहाँ लगि तहँ पहुँचाई । फिरब बहोरि तुम्हहिं सिरु नाई ॥
 दो०—येहि बिधि पूँछहिं प्रेमबस पुलक गात जल नैन ।

कृपासिंधु फेरहिं तिन्हहिं कहि विनीत मृदु वैन ॥११२॥
 जे पुर गावँ बसहिं मग माहीं । तिन्हहि नाग सुर नगर सिहाहीं ॥
 केहि सुकृतीं केहि घरीं बसाए । धन्य पुन्यमय परम सुहाए ॥
 जहँ जहँ राम चरन चलि जाहीं । तिन्ह समान अमरावति नाहीं ॥
 पुन्य पुंज मग निकट निवासी । तिन्हहिं सराहहिं सुरपुर बासी ॥
 जे भरि नयन बिलोकहिं रामहि । सीता लखन सहित घनस्यामहि ॥
 जे सर सरित राम अबगाहहिं । तिन्हहिं देव सर सरित सराहहिं ॥

जेहि तरु तर प्रभु बैठहिं जाई । करहिं कलपतरु तासु बड़ाई ॥
परसि रामु पद पदुम परागा । मानति भूमि भूरि निज भागा ॥
दो०—ब्राह्मं करहिं धन विबुध गन वरषहिं सुमन सिंहाहिं ।

देखत गिरि बन बिहग मृग रामु चले मग जाहिं ॥११३॥
सीता लखन सहित रघुराई । गावँ निकट जव निकसहिं जाई ॥
सुनि सब बाल वृद्ध नर नारी । चलहिं तुरत गृह काज बिसारी ॥
राम लखन सिय रूप निहारी । पाइ नयन फलु होहिं सुखारी ॥
सजल बिलोचन पुलक सरीरा । सब भए मगन देखि दोउ बीरा ॥
बरनि न जाइ दसा तिन्ह केरी । लहि जनु रंकन्हि सुरमनि डेरी ॥
एकन्ह एक बोलि सिख देहीं । लोचन लाहु लेहु छन एहीं ॥
रामहि देखि एक अनुरागे । चितवत चले जाहिं संग लागे ॥
एक नयन मग छवि उर आनी । होहिं सिथिल तन मन बर बानी ॥
दो०—एक देखि बट ब्राह्मं भलि डसि मृदुल तृन पात ।

कहहिं गँवाइअ छिनुकु समु गवनब अबहिं कि प्रात ॥११४॥
एक कलस भरि आनहिं पानी । अँचइअ नाथ कहहिं मृदु बानी ॥
सुनि भिय बचन प्रीति अति देखी । राम कृपाल सुसील बिसेषी ॥
जानी समित सीय मन माहीं । घरिक बिलंबु कीन्ह बट ब्राह्मं ॥
मुदित नारि नर देखहिं सोभा । रूप अनूप नयन मनु लोभा ॥
एक टक सब सोहहिं चहुँ ओरा । रामचंद्र मुख चंद्र चकोरा ॥
तरुन तमाल बरन तनु सोहा । देखत कोटि मदन मनु मोहा ॥
दामिनि बरन लखनु सुठि नीके । नख सिख सुभग भावते जीके ॥
मुनि पट कटिन्ह कसैं तूनीरा । सोहहिं कर कमलनि धनु तीरा ॥
दो०—जथा मुकुट सीसनि सुभग उर भुज नयन बिसाल ।

सरद परब विधु बदन पर लसत स्वेदकन जाल ॥११५॥
बरनि न जाइ मनोहर जोरी । सोभा बहुत थोरि मति मोरी ॥
राम लखन सिय सुंदरताई । सब चितवहिं चित मन मति लाई ॥

थके नारि नर प्रेम पिआसे । मनहुँ मृगी मृग देखि दिआ से ॥
 सीय समीप ग्रान तिअ जाहीं । पूँछत अति सनेह सकुचाहीं ॥
 बार बार सब लागहिं पाए । कहहिं बचन मृदु सरल सुभाएँ ॥
 राजकुमारि बिनय हम^१ करहीं । तिअ सुभाय कछु पूँछत डरहीं ॥
 स्वामिनि अबिनय छमबि हमारी । बिलगु न मानबि जानि गँवारी ॥
 राजकुँअर दोउ सहज सलोने । एन्ह तें लही दुति मरकत सोने ॥
 दो०—स्यामल गौर किसोर बर सुंदर सुखमा अयन ।

सरद सर्बरीनाथ मुखु सरद सरोरुह नयन ॥११६॥
 कोटि मनोज लजावनिहारे । सुमुखि कहहु को आहिं तुम्हारे ॥
 सुनि सनेहमय मंजुल बानी । सकुचि सीय मन महुँ मुसुकानी ॥
 तिन्हहिं विलोकि विलोकति धरनी । दुहुँ सक्रोच सकुचति बरबरनी ॥
 सकुचि सप्रेम बाल मृगनयनी । बोली मधुर बचन पिकवयनी ॥
 सहज सुभाय सुभग तन गोरे । नामु लखनु 'लघु देवर मोरे ॥
 बहुरि बदनु बिधु अंचल ढाँकी । पिय तन चितइ भौंह करि बाँकी ॥
 खंजन मंजु तिरीछे नयननि । निजपतिकहेउतिःहहिसियसयननि ॥
 भई मुदित सब ग्राम बधूँटी । रंकन्ह राय रासि जनु लूटी ॥
 दो०—अति सप्रेम सिय पाय परि बहु बिधि देहिं असोस ।

सदा सोहागिनि होहु तुम्ह जव लगि महि अहिंसीस ॥११७॥
 पारवती सम पति प्रिय होह । देवि न हम पर छाड़व छोह ॥
 पुनि पुनि बिनय करिअ कर जोरी । जौं येहि मारग फिरिअ बहोरी ॥
 दरसन देव जानि निज दासी । लखी सीय सब प्रेम पिआसी ॥
 मधुर बचन कहि कहि परितोषी । जनु कुमुदिनी कौमुदी पोषी ॥
 तबहिं लखन रघुवर रुख जानी । पूँछेउ मगु लोगनिह मृदु बानी ॥
 सुनत नारि नर भए दुखारी । पुलकित गात बिलोचन बारी ॥

मिटा मोटु मन भए मलीने । विधि निधि दीन्हि लेत जनु बीने ॥
समुझि करम गति धीरजु कीन्हा । सोधि सुगम मगु तिन्ह कहि दीन्हा ॥

दो०—लखन जानकी सहित तव गवनु कीन्ह रघुनाथ ।

फेरे सब प्रिय बचन कहि लिए लाइ मन साथ ॥११८॥

फिरत नारि नर अति पछिताहीं । दैअहि दोषु देहिं मन माहीं ॥
सहित विषाद परसपर कहहीं । विधि करतब उलटे सब अहहीं ॥
निपट निरंकुस निठुर निसंकू । जेहिं ससि कीन्ह सरज सकलंकू ॥
रुखु कलपतरु सागरु खारा । तेहिं पठए वन राजकुमारा ॥
जौं पै इन्हहिं दीन्ह वनवासू । कीन्ह बादि विधि भोग बिलासू ॥
ये विचरहिं मग बिनु पदत्राना । रचे बादि विधि बाहन नाना ॥
ये महि परहिं डासि कुस पाता । सुभग सेज कत सजत बिधाता ॥
तरुवर बास इन्हहिं विधि दीन्हा । धवल धाम रचि रचि समु कीन्हा ॥

दो०—जौं ये मुनिपट धर जटिल सुंदर सुठि सुकुमार ।

बिबिधि भाँति भूषन बसन बादि किए करतार ॥११९॥

जौं ये कंद मूल फल खाहीं । बादि सुधादि असन जग माहीं ॥
एक कहहिं ये सहज सुहाए । आपु प्रगट भए विधि न बनाए ॥
जहँ लागि बेद कही विधि करनी । सवन नयय मन गोचर बरनी ॥
देखहु खोजि भुवन दस चारी । कहँ अस पुरुष कहाँ असि नारी ॥
इन्हहिं देखि विधि मनु अनुरागा । पटतर जोगु बनावइ लागा ॥
कीन्ह बहुत स्रम एकरु न आए । तेहिं इरिषा वन आनि दुराए ॥
एक कहहिं हम बहुत न जानहिं । आपुहिं परम धन्य करि मानहिं ॥
ते पुनि पुन्य पुंज हम लेखे । जे देखहिं देखिहहिं जिन्ह देखे ॥

१—प्र० : दीन्ह । द्वि० : प्र० [(४) (५) : दीन्ह] । [वृ० : दीन्ह] । च० : प्र० [(८) : दीन्ह]

दो०—येहि बिधि कहि कहि बचन प्रिय लेहिं नयन भरि नीर ।

किमि चलिहहिं मारग अगम सुठि सुकुमार सरीर ॥१२०॥
 नारि सनेह विकल बस होहीं । चकई सौंभ समय जनु सोहीं ॥
 मृदु पद कमल कठिन मगु जानी । गहवरिहृदयकहहिं^१ मृदु^२ बानी ॥
 परसत मृदुल चरन अरुनारे । सकुचति महि जिमि हृदय हमारे ॥
 जौं जगदीस इन्हहिं बनु दीन्हा । कस न सुमनमय मारगु कोन्हा ॥
 जौं मांगा पाइअ बिधि पाहीं । येरखिअहिं सखि आँखिन्हमाहीं ॥
 जे नर नारि न अवसर आए । तिन्ह सिय रामु न देखन पाए ॥
 सुनि सुरूप बूझहिं अकुलाई । अब लगि गए कहाँ लगि भाई ॥
 समरथ धाइ बिलोकहिं जाई । प्रमुदित फिरहिं जनमफलु पाई ॥
 दो०—अबला बालक वृद्ध जन कर मीजहिं पछिताहिं ॥

होहिं प्रेमवस लोग इमि रामु जहाँ जहँ जाहिं ॥१२१॥
 गाँव गाँव अस होइ अनंदू । देखि भानु कुल कैरव चंदू ॥
 जे कछु समाचार सुनि पावहिं । ते नृप रानिहिं दोसु लगावहिं ॥
 कहहिं एक अति भल नरनाहू । दीन्ह हमहिं जेहिं लोचन लाहू ॥
 कहहिं परसपर लोग लोगाई^३ । बातैं सरल सनेह सुहाई ॥
 ते पितु मातु धन्य जिन्ह जाए । धन्य सो नगरु जहाँ ते आए ॥
 धन्य सो देसु सैलु बन गाऊँ । जहँ जहँ जाहिँ धन्य सोइ^३ ठाऊँ ॥
 सुखु पाएउ विरंचि रचि तेही । ये जेहि कें सब भाँति सनेही ॥
 राम लखन पथि कथा सुहाई । रही सकल मग कानन छाई ॥
 दो०—येहि बिधि रघुकुल कमलरवि मग लोगन्ह सुख देत ।

जाहिं चले देखत बिपिन सिय सौमित्रि समेत ॥१२२॥
 आगें रामु लखनु बने पाछें । तापस बेष विराजत काछें ॥

१—प्र० : कहइ । [द्वि०, तृ० : कहहिं] । च० : प्र० ।

२—प्र० : मृदु । द्वि० : प्र० [(३) : वर] । [तृ० : वर] । च० : प्र० [(८) : वर] ।

३—प्र० : सोइ । द्वि० : प्र० । [तृ० : सो] । च० : प्र० [(६) : सो] ।

उभय बीच सिय सोहति कैसें । ब्रह्म जीव विच माया जैसें ॥
 बहुरि कहौं छवि जसि मन बसई । जनु मधु मदन मध्य रति लसई ॥
 उपमा बहुरि कहौं जिअँ जोही । जनु बुध बिधु विच रोहिनि सोही ॥
 प्रभु पद रेख बीच विच सीता । धरति चरन मग चलति समीता ॥
 सीय राम पद अंक बराएँ । लखनु चलहिं मगु दाहिन लाएँ ॥
 राम लखन सिय प्रीति सुहाई । बचन अगोचर किमि कहि जाई ॥
 खग मृग मगन देखि छवि होहीं । लिए चोरि चित राम बटोहीं ॥
 दो०—जिन्ह जिन्ह देखे पथिक प्रिय सिय समेत दोउ भाइ ।

भग मगु अगमु अनंदु तेइ बिनु सगु रहे सिराइ ॥१२३॥
 अजहुँ जासु उर सपनेहुँ काऊ । बसहिं लखन सिय रामु बटाऊ ॥
 राम धाम पथु पाइहि सोई । जो पथु पाव कवहुँ मुनि कोई ॥
 तब रघुवीर समित सिय जानी । देखि निकट बटु सीतल पानी ॥
 तहँ बसि कंद मूल फल खाई । प्रात नहाइ चले रघुराई ॥
 देखत बन सर सैल सुहाए । बालमीकि आस्रम प्रभु आए ॥
 रामु दीख मुनि बास सुहावन । सुंदर गिरि काननु जलु पावन ॥
 सरनि सरोज विटप बन फूले । गुंजत मंजु मधुप रस भूले ॥
 खग मृग बिपुल कोलाहल करहीं । विरहित बैर मुदित मन चरहीं ॥
 दो०—सुनि सुंदर आस्रमु निरखि हरषे राजिव नैन ।

सुनि रघुवर आगमनु मुनि आगें आएउ लेन ॥१२४॥
 मुनि कहुँ राम दंडवत कीन्हा । आसिरबादु बिप्रवर दीन्हा ॥
 देखि राम छवि नयन जुड़ाने । करि सनमानु आस्रमहिं आने ॥
 मुनिवर अतिथि प्रानप्रिय पाए । कंद मूल फल मधुर मँगाए ॥
 सिय सौमित्रि राम फल खाए । तब मुनि आसन दिए सुहाए ॥
 बालमीकि मन आनंदु भारी । मंगल मूरति नयन निहारी ॥
 तब कर कमल जोरि रघुराई । बोले बचन सवन सुखदाई ॥

तुम्ह त्रिकालदरसी मुनिनाथा । बिस्व^१ बदर जिमि तुम्हरे हाथा ॥
अस कहि प्रभु सब कथा बखानी । जेहिं जेहिं भाँति दीन्ह बनुरानी ॥
दो०—तात बचन पुनि मातु हित भाइ भरत अस राउ ।

मो कहूँ दरस तुम्हार प्रभु सबु मम पुन्य प्रभाउ ॥१२५॥
देखि पाय मुनिराय तुम्हारे । भए सुकृउ सब सुफल हमारे ॥
अब जहँ राउर आयेसु होई । मुनि उदबेगु न पावइ कोई ॥
मुनि तापस जिन्ह^२ तेँ दुखु लहहीं । ते नरेस बिनु पावक दहहीं ॥
मंगल मूल बिम परितोषू । दहइ कोटि कुन भूसुर रोषू ॥
अस जिअँ जानि कहिअ सोइ ठाऊँ । सिय सौमित्रि सहित जहँ जाऊँ ॥
तहँ रचि रुचिर परन तृन साला । बासु करौं कछु कालु कृपाला ॥
सहज सरल मुनि रघुवर बानी । साधु साधु बोले मुनि ज्ञानी ॥
कस न कहहु अस रघुकुल केतू । तुम्ह पालक संतत श्रुति सेतू ॥

छं०—श्रुति सेतु पालक राम तुम्ह जगदीस माया जानकी ।

जो सृजति जगु पालति हरति रुख पाइ कृपानिधान की ॥

जो सहससीसु अहीसु महिधरु लखनु सचराचर धनी ।

सुर काज धरि नरराज तनु चले दलन खल निसिचर अनी ॥

सो०—राम सरूप तुम्हार बचन अगोचर बुद्धि पर ।

अविगत अकथ अपार नेति नेति नित निगम कह ॥१२६॥

जगु पेखन तुम्ह देखनिहारे । बिधि हरि संभु नचावनिहारे ॥
तेउ न जानहिं मरसु तुम्हारा । और तुम्हहि को जाननिहारा ॥
सोइ जानइ जेहि देहु जनाई । जानत तुम्हहि तुम्हइ होइ^३ जाई ॥
तुम्हरिहि कृपा तुम्हहि रघुनंदन । जानहिं भगत भगत उर चंदन ॥

१—[प्र० : बिस्व] । द्वि०, तृ०, च० : बिस्व ।

२—[प्र० : जेहि] । द्वि०, तृ० : च० जिन्ह ।

३—[प्र० : जोइ] । द्वि०, तृ०, च० : होइ ।

चिदानंद^१ मय देह तुम्हारी । विगत विकार जान अधिकारी ॥
नर तनु धरेहु संत सुर काजा । कहहु करहु जस प्राकृत राजा ॥
राम देखि मुनि चरित तुम्हारे । जड़ मोहहिं बुध होहिं सुखारे ॥
तुम्ह जो कहहु करहु सबु साँचा । जस काछिअ तस चाहिअ नाचा ॥
दो०—पूँछेहु मोहि कि रहौ कहँ मैं पूँछत सकुचाउँ ।

जहँ न होहु तहँ देहु कहि तुम्हहि देखावौ ठाउँ ॥१२७॥
मुनि मुनि बचन प्रेम रस साने । सकुचि राम मन महुँ मुसुकाने ॥
बालमीकि हँसि कहहिं बहोरी । बानी मधुर अमिअ रस बोरी ॥
सुनहुँ राम अब कहौ निकेता । जहाँ बसहु सिय लखन समेता ॥
जिन्ह केँ श्रवन समुद्र समाना । कथा तुम्हारि सुभग सरि नाना ॥
भरहिं निरंतर होहिं न पूरे । तिन्हकेँ हिय तुम्ह कहँ गृह खरे ॥
लोचन चातक जिन्ह करि राखे । रहहिं दरस जलधर अभिलाषे ॥
निद्रहिं सरित सिंधु सर भारी । रूप बिंदु जल होहिं सुखारी ॥
तिन्ह केँ हृदय सदन सुखदायक । बसहु बंधु सिय सह रघुनायक ॥
दो०—जसु तुम्हार मानस विमल हंसिनि जीहा जासु ।

मुक्ताहल गुन गन चुनइ राम बसहु मन^२ तासु ॥१२८॥
प्रभु प्रसाद सुचि सुभग सुबासा । सादर जासु लहइ नित नासा ॥
तुम्हहिं निवेदित भोजन करहीं । प्रभु प्रसाद पटु भूषन धरहीं ॥
सीस नवहिं सुर गुर द्विज देखी । प्रीति सहित करि विनय बिसेषी ॥
कर नित करहिं राम पद पूजा । राम भरोस हृदयँ नहिं दूजा ॥
चरन राम तीरथ चलि जाहीं । राम बसहु तिन्ह केँ मन माहीं ॥
मंत्रराजु नित जपहिं तुम्हारा । पूजहिं तुम्हहि सहित परिवारा ॥
तरपन होम करहिं विधि नाना । विप्र जैवाइ देहिं बहु^३ दाना ॥

१—चिदानंद । द्वि० : प्र० [(३) : चिदानंद] । तृ०, च० : प्र० ।

२—प्र० : मन । द्वि० : प्र० । [तृ० : हिय] । च० : प्र० [[(=) : हिय] ।

३—[प्र० : बर] । द्वि० : बहु । तृ० : द्वि० । च० : द्वि० [(६) : बर] ।

तुम्ह तें अधिक गुरहिं जिअँ जानी । सकल भाय सेवहिं सनमानी ॥

दो०—सबु करि माँगहिं एकु फलु राम चरन रति होउ ।

तिन्ह केँ मन मंदिर बसहु सिय रघुनंदन दोउ ॥१२६॥

काम कोह^१ मद मान न मोहा । लोभ न छोभ न राग न द्रोहा ॥

जिन्ह केँ कपट दंभ नहिं माया । तिन्ह केँ हृदयँ बसहु रघुराया ॥

सब केँ प्रिय सब केँ हितकारी । दुख सुख सरिस प्रसंसा गारी ॥

कहहिं सत्य प्रिय बचन बिचारी । जागत सोवत सरन तुम्हारी ॥

तुम्हहि छाँड़ि गति दूसरि नाहीं । राम बसहु तिन्ह केँ मन माहीं ॥

जननी सम जानहिं पर नारी । धनु पराव बिष तें बिष भारी ॥

जे हरषहिं पर संपति देखी । दुखित होहिं पर बिपति बिसेषी ॥

जिन्हहिं राम तुम्ह प्रान पिआरे । तिन्ह केँ मन सुभ सदन तुम्हारे ॥

दो०—स्वामि सखा पितु मातु गुर जिन्हकेँ सब तुम्ह तात ।

मन मंदिर तिन्ह केँ बसहु सीय सहित दोउ आत ॥१२७॥

अवगुन तजि सब केँ गुन गहहीं । बिप्र धेनु हित संकट सहहीं ॥

नीति निपुन जिन्ह कइ जग लीका । धर तुम्हार तिन्ह कर मनु नीका ॥

गुन तुम्हार समुझइ निज दोसा । जेहि सब भाँति तुम्हार भरोसा ॥

राम भगत प्रिय लागहिं जेही । तेहि उर बसहु सहित बैदेही ॥

जाति पाँति धनु धरमु बड़ाई । प्रिय परिवार सदन सुखदाई ॥

सब तजि तुम्हहि रहइ लउ^२ लाई । तेहि केँ हृदय रहहु रघुराई ॥

सरगु नरकु अपबरगु समाना । जहँ तहँ देख धरै धनु बाना ॥

कर्म बचन मन राउर चेरा । राम करहु तेहि केँ उर डेरा ॥

दो०—जाहि न चाहिअ कबहुँ कछु तुम्ह सन सहज सनेहु ।

बसहु निरंतर तासु मन सो राउर निज गेहु ॥१२८॥

१—प्र० : कोह । द्वि० : प्र० [(४) (५) : क्रोध] । [तृ० : क्रोध] । च० : प्र० ।

२—प्र० : लउ । द्वि० : प्र० [(५) : लै] । [तृ० : लय] । च० : प्र० [(न) : डर] ।

येहि बिधि मुनिवर भवन देखाए । बचन सप्रेम राम मन भाए ॥
 कह मुनि सुनहु भानुकुल नायक । आसमु कहौ समय सुखदायक ॥
 चित्रकूट गिरि करहु निवासू । तहँ तुम्हार सब भाँति सुभासू ॥
 सैलु सुहावन कानन चारू । करि केहरि मृग बिहँग बिहारू ॥
 नदी पुनीत पुगन बखानी । अत्रि प्रिया निज तप बल आनी ॥
 सुरसरि धार नाउँ मंदाकिनि । जो सब पातक पोतक डाकिनि ॥
 अत्रि आदि मुनिवर बहु बसहीं । करहि जोग जप तप तन कसहीं ॥
 चलहु सफल सम सब कर करहू । राम देहु गौरव गिरिवरहू ॥
 दो०—चित्रकूट महिमा अमित कही महा मुनि गाइ ।

आइ नहाए सरित बर सिय समेत दोउ भाइ ॥१३२॥
 रघुवर कहेउ लखन भल घाटू । करहु कतहुँ अब ठाहर ठाटू ॥
 लखन दीख पय उतर करारा । चहुँ दिसि फिरेउ धनुष जिमिनारा ॥
 नदी पनच सर सम दम दाना । सकल कलुष कलि साउज नाना ॥
 चित्रकूट जनु अबलु अहेरी । चुकइ न घात मार मुठमेरी ॥
 अस कहि लखन ठाउँ देखरावा । थलु विलोकि रघुवर सुखु पावा ॥
 रमेउ राम मन देवन्ह जाना । चते सहित सुरथपति^१ प्रधाना ॥
 कोल किरात बेष सब आए । रचे परन तृन सदन सुहाए ॥
 बरनि न जाइ मंजु दुइ साला । एक ललित लघु एक बिसाला ॥
 दो०—लखन जानकी सहित प्रभु राजत रुचिर निकेत ।

सोह मदन मुनि बेष जनु रति रितुराज समेत ॥१३३॥
 अमर नाग किन्नर दिसिपाला^२ । चित्रकूट आए तेहि काला ॥
 राम प्रतापु कीन्ह सब काहू । मुदित देव लहि लोचन लाहू ॥
 बरषि सुमन कह देव समाजू । नाथ सनाथ भए हम आजू ॥
 करि बिनती दुख दुसह सुनाए । हरषित निज निज सदन सिधाए ॥

१—प्र० : सुर थपति प्रधाना । [द्वि० : सुरपति परधाना] । वृ०, च० : प्र० ।

२—प्र० : शिपाला । द्वि० : प्र० । वृ० : दिसिपाला । च० : वृ० ।

चित्रकूट रघुनन्दनु छाए । समाचार सुनि सुनि सुनि आए ॥
 आवत देखि मुदित मुनि वृन्दा । कीन्ह दंडवत रघुकुल चंदा ॥
 मुनि रघुबरहि लाइ उर लेहीं । सुफल होन हित आसिष देहीं ॥
 सिय सौमित्रि राम छवि देखहि । साधन सकल सफल करि लेखहि ॥
 दो०—जथाजोग सनमानि प्रभु बिदा किए मुनि वृन्दा ।

करहि जोग जप जाग १ तप निज आसमन्हि सुखइ ॥ १३४ ॥
 येह सुधि कोल किरातन्ह पाई । हरषे जनु नव निधि घर आई ॥
 कंद मूल फल भरि भरि दोना । चले रंक जनु लूटन सोना ॥
 तिन्ह महँ जिन्ह देखेदोउ आता । अपर तिन्हहि पूँछहि मग जाता ॥
 कहत सुनत रघुबीर निकाई । आई सबन्हि देखे रघुआई ॥
 करहि जोहारु भेट धरि आगें । प्रभुहि बिलोकहि अति अनुरागे ॥
 चित्र लिखे जनु जहँ तहँ ठाढ़े । पुलक सरीर नयन जल बाढ़े ॥
 राम सनेह मगन सब जाने । कहि प्रिय वचन सकल सनमाने ॥
 प्रभुहि जोहारि बहोरि बहोरी । वचन विनीत कहहि कर जोरी ॥
 दो०—अब हम नाथ सनाथ सब भए देखि प्रभु पाय ।

भाग हमारे आगमनु राउर कोसलराय ॥ १३५ ॥
 धन्य भूमि बन पंथ पहारा । जहँ जहँ नाथ पाउ तुम्ह धारा ॥
 धन्य बिहग मृग कानन चारी । सकल जनम भए तुम्हहि निहारी ॥
 हम सब धन्य सहित परिवारा । दीख दरसु भरि नयन तुम्हारा ॥
 कीन्ह बासु भलर ठाउँ बिचारी । इहाँ सबल रितु रहब सुखारी ॥
 हम सब भाँति करब सेवकाई । करि केहरि अहि बाव बराई ॥
 बन बेहड़ गिरि कंदर खोहा । सब हमार प्रभु पग पग जोहा ॥
 जहँ ३ तहँ तुम्हहि अहेर खेलाउब । सर निरम्भर भल ठाउँ देखाउब ॥

१—[प्र० : जाग] । द्वि०, तृ०, च० : जाग ।

२—[प्र० : भलि] । [द्वि० : भलि] । तृ० : भल । च० : तृ० ।

३—प्र० : जहँ । द्वि० : प्र० [(५) : तहँ] । [तृ० : तहँ] । च० : प्र० [(८) : तहँ] ।

हम सेवक परिवार समेता । नाथ न सकुचव आयेसु देता ॥
दो०—बेद वचन मुनि मन अगम ते प्रभु करुनाअयन ।

वचन किरातन्ह के सुनत जिमि पितु बालक वयन ॥१३६॥
रामहि केवल पेमु पियाग । जानि लेउ जो जाननिहारा ॥
राम सकल वनचर तव तोषे । कहि मृदु वचन प्रेम परिपोषे ॥
विदा किए सिर नाइ सिधाए । प्रभु गुन कहत सुनत घर आए ॥
एहिं विधि सिय समेत दोउ भाई । बसहिं विपिन सुर मुनि सुखदाई ॥
जब तेँ आई रहे रघुनायकु । तब तेँ भएउ वनु मंगलदायकु ॥
फूलहिं फलहिं विटप विधि नाना । मंजु बलित वर बेलि बिताना ॥
सुरतरु सरिस सुभयँ सुहाए । मनहुँ विबुध वन^१ परिहरि आए ॥
गुंज मंजुतर मधुकर खेनी । त्रिविध बयारि बहइ सुख देनी ॥
दो०—नीलकंठ कलकंठ सुक चातक चक्र चक्रोर ।

भाँति भाँति बोलहिं बिहँग खवन सुखद चित चोर ॥१३७॥
करि केहरि कपि कोल कुरंगा । विगत वैर विचरहिं सब संगी ॥
फिरत अहेर राम छबि देखी । होहिं मुदित मृग वृन्द बिसेषी ॥
बिबुध विपिन जहँ लगे जग माहीं । देखि राम वनु सकल सिहाहीं ॥
सुरसरि सरसइ दिनकरकन्या । मेकलसुता गोदावरि धन्या ॥
सब सर सिंधु नदी नद नाना । मंझकिनि कर कहिं बखाना ॥
उदय अस्त गिरि अरु कैलासू । मंदर मेरु सकल सुरवासू ॥
सैल हिमाचल आदिक जेते । चित्रकूट जसु गावहिं तेते ॥
विधि मुदित मन सुखु न समाई । सम बिनु विपुल बड़ाई पाई ॥
दो०—चित्रकूट केँ बिहँग मृग बेलि विटप तृन जाति ।

पुन्यपंज सब धन्य अस कहहिं देव दिन राति ॥१३८॥
नयनवंत रघुवरहि बिलोकी । पाइ जनम फल होहिं बिसोकी ॥

परसि चरन रज अचर सुखारी । भए परमपद कैँ अधिकाारी ॥
 सो बनु सैलु सुभाय सुहावन । मंगलअय अतिपावन पावन ॥
 महिमा कहिअ कवन विधि तासू । सुखसागर जहँ कीन्ह निवासू ॥
 पयपयोधि तजि अवध विहाई । जहँ सिय लखनु रामु रहे आई ॥
 कहि न सकहिँ सुषमा^१ जसि कानन । जौँ सत सहस होहिँ सहसानन ॥
 सो मैं वरनि कहौँ विधि केहीं । डाबर कमठ कि मंदर लेहीं ॥
 सेवहिँ लखनु करम मन बानी । जाइ न सीलु सनेहु बखानी ॥
 दो०—द्विनु द्विनु लखि सिय राम पद जानि आपु पर नेहु ।

करत न सपनेहुँ लखनु चितु बंधु मातु पितु गेहु ॥ १३२ ॥
 राम संग सिय रहति सुखारी । पुर परिजन गृह सुरति विसारी ॥
 द्विनु द्विनु पिय विधु बदन निहागी । प्रसुदित मनहुँ चक्रोर कुमारी ॥
 नाह नेहु नित बढ़त बिलोकी । हरषित रहति दिवस जमि कोकी ॥
 सिय मनु राम चरन अनुरागा । अवध सहस सम बन प्रिय लागा ॥
 परनकुटी प्रिय प्रियतम संगी । प्रिय परिवारु कुरंग बिहंगा ॥
 सासु ससुर सम मुनितिअ मुनिवर । असनु अमिअ सम कंद मूल फल^२ ॥
 नाथ साथ साथरी सुहाई । मयन सयन सय सम सुखदाई ॥
 लोकप होहिँ बिलोक्त जासू । तेहि किमोहि सक विषय बिलासू ॥
 दो०—सुमिरत रामहिँ तजहिँ जन तृन सम विषय बिलासु ।

रामप्रिया जग जननि सिय कछु न आचारजु तासु ॥ १४० ॥
 सिय लखनु जेहिँ बिधि सुख लहहीं । सोइ रघुनाथु करहिँ सोइ कहहीं ॥
 कहहिँ पुगतन कथा कहानी । सुनहिँ लखनु सिय अति सुख मानी ॥
 जब जब राम अवध सुधि करहीं । तब तब बारि बिलोचन भरहीं ॥
 सुमिरि मातु पितु परिजन भाई । भरत सनेहु सील सेवकाई ॥

१—[प्र० : सुषमा] । द्वि० : सुषमा [(४) : सुषमा] । [तृ० : सुषमा] । च० : द्वि० ।

२—प्र० : फल । द्वि० : प्र० [(५) : फल] । तृ०, च० : प्र० ।

कृपा सिंधु प्रभु होहिं दुखारी । धीरजु धरहिं दुसमउ बिचारी ॥
लखि सिय लखनु बिकल होइ जाहीं । जिमि पुरुषहि अनुसर परछाहीं ॥
प्रिया बंधु गति लखि रघुनंदनु । धीर कृपाल भगत उर चंदनु ॥
लगे कहन कछु कथा पुनीता । सुनि सुख लहहिं लखनु अरु सीता ॥
दो०—रामु लखन सीता सहित सोहत परन निकेत ।

जिमि वासव बस अमरपुर सची जयंत समेत ॥१४१॥
जोगवहिं प्रभु सिय लखनहि कैसें । पलक विलोचन गोलक जैसें ॥
सेवहिं लखनु सीय रघुवीरहि । जिमि अश्विनी पुरुष सरीरहि ॥
येहि विधि प्रभु बन बसहिं सुखारी । खग मृग सु तापस हितकारी ॥
कहेउ राम बन गवन सुहावा । सुनहु सुमंत्र अवध जिमि आवा ॥
फिरेउ निषाद प्रभुहि पहुँचाई । सचिव सहित रथ देखोस आई ॥
मंत्री बिकल विलोकि निषाद । कहि न जाइ जस भएउ विषाद ॥
राम राम सिय लखनु पुकारी । परेउ धरनि तल व्याकुल भारी ॥
देखि दखिन दिसि हय हिहिनाहीं । जनु दिनु पंख बिहँग अकुलाहीं ॥
दो०—नहिं तनु चरहिं न पिहहिं जलु मोचहिं लोचन बारि ।

व्याकुल भएउः निषाद सब रघुवर वाजि निहारि ॥१४२॥
धरि धीरजु तब कहइ निषाद । अब सुमंत्र परिहरहु विषाद ॥
तुम्ह पंडित परमारथ ज्ञाता । धरहु धीर लखि बिमुख बिधाता ॥
बिबिध कथा कहि कहि मृदु बानी । रथ बैठारेउ बरबस आनी ॥
सोक सिथिल रथ सकै न हाँकी । रघुवर बिरह पीर उर बाँकी ॥
चरफराहिं मग चलहिं न घोरे । बन मृग मनहुँ आनि रथ जोरे ॥
अटुकिः परहिं फिरि हेरहिं पीछे । राम वियोग बिकल दुख तीछे ॥
जो कह रामु लखनु बैदेही । हिंकरि हिंकरि हित हेरहिं तेही ॥
बाजि बिरह गति कहि किमि जाती । बिनु मनिफनिक बिकल जेहि भाँती ॥

दो०—भएउ निषादु विषादवस देखत सचिव तुरंग ।

बोलि सुसेवक चारि तब दिए सारथी संग ॥१४३॥
 गुह सारथिह फिरेउ पहुँचाई । बिरहु विषादु बरनि नहिं जाई ॥
 चले अवध लेइ रथहि निषादा । होहिं छनहि छन मगन विषादा ॥
 सोच सुमंत्र विकल दुख दीना । धिग जीवन रघुबीर विहीना ॥
 रहिहिरे न अंतहु अधमु सरीरु । जसु न लहेउ बिछुरत रघुबीरु ॥
 भए अजस अघ भावन प्राणा । कवन हेतु नहिं करत पयाना ॥
 अहह मंद मनु अवसर चूका । अजहु न हृदय होत दुइ टूका ॥
 मीजि हाथ सिरु धुनि पछताई । मनहुँ कृपनरे धन रासि गवाई ॥
 बिरिद बाँधि बर बीरु कहाई । चलेउ समर जनु सुभट पराई ॥
 दो०—विप्र विवेकी बेद विद संमत साधु सुजाति ।

जिमि धोखें मद पान कर सचिव सोच तेहि भौंति ॥१४४॥
 जिमि कुलीन तिय साधु सयानी । पतिदेवता करम मन बानी ॥
 रहै करम बस परिहरि नाहू । सचिव हृदय तिमि दारुन दाहू ॥
 लोचन सजल डीठि भइ थोरी । सुनइ न खवन विकल मति भोरी ॥
 सूखहिं अधर लागि मुँह लाटी । जिउ न जाइ उर अवधि कपाटी ॥
 बिबरन भएउ न जाइ निहारी । मारेसि मनहुँ पिता महतारी ॥
 हानि गलानि विपुल मन व्यापी । जमपुर पंथ सोच जिमि पापी ॥
 बचन न आउ हृदयँ पछिताई । अवध काह मैं देखब जाई ॥
 राम रहित रथ देखहि जोई । सकुचिहि मोहि बिलोकत सोई ॥
 दो०—धाइ पूँछिहहिं मोहिं जब विकल नगर नर नारि ।

उतरु देव मैं सर्वाहि तब हृदय बज्रु बैठारि ॥१४५॥
 पूँछिहहिं दीन दुखित सब माता । कहब काह मैं तिन्हहि बिधाता ॥

१—प्र० : अडुकि । द्वि० : प्र० [(४) (५) : अडुकि] । [तृ० : उडुकि] । च० : प्र० ।

२—प्र० : रहिहि । द्वि० : प्र० [(२) : रही] । तृ० : प्र० ।

३—प्र० : कृपन । [द्वि०, तृ० : कृपनि] । तृ०, च० : प्र० [(६) : कृपनि] ।

पूँछिहि जबहिं लखन महतारी । कहिहौं कवन सँदेस सुखारी ॥
 राम जननि जब आईहि धाई । सुमिरि बच्छु जिमि धेनु लवाई ॥
 पूँछत उतरु देव मैं तेही । गे बन राम लखनु बैदेही ॥
 जोइ पूँछिहि तेहि ऊतरु देवा । जाइ अवध अव येहु मुख लेवा ॥
 पूँछिहि जबहिं राउ दुख दीना । जिवनु जासु गधुनाथ अधीना ॥
 देहौं उतरु कौनु मुँहु लाई । आएउँ कुशल कुँअर पहुँचाई ॥
 सुनत लखन सिय राम सँदेसू । तृन जिमि तनु परिहरिहि नरेसू ॥
 दो०—हृद न बिदरेउ पंक जिमि बिछुरत प्रीतसु नीरु ।

जानत हौं मोहि दीन्ह बिधि येहु जातना सरीरु ॥१४६॥
 येहि बिधि करत पंथ पछितावा । तमसा तीर तुरत रथु आवा ॥
 बिदा किए करि बिनय निषादा । फिरे पाय परि विकल बिषादा ॥
 पैठत नगर सचिव सकुचाई । जनु मारेसि गुर बाँभन गाई ॥
 बैठि बिटप तर दिवसु गँवावा । साँझ समय तव अवसरु पावा ॥
 अवध प्रबेसु कीन्ह अँधियारे । पैठ भवन रथु राखि दुआरे ॥
 जिन्ह जिन्ह समाचार सुनि पाए । भूप द्वार रथु देखन आए ॥
 रथु पहिचानि विकल लखि घोरे । गरहिं गात जिमि आतप ओरे ॥
 नगर नारि नर व्याकुल कैसे । निघटत नीर मीन गन जैसे ॥
 दो०—प्रचिव आगमनु सुनत सबु विकल भएउ रनिवासु ।

भवन भयंकर लाग तेहि मानहु प्रेत निवासु ॥१४७॥
 अति आरति सब पूँछहि रानी । उतरु न आव विकल भइ बानी ॥
 सुनइ न खवन नयन नहिं सूझा । कहहु कहाँ नृपु तेहि१ तेहिं बूझा ॥
 दासिन्ह दीख सचिव विकलाई । कौसल्या गृह गई लवाई ॥
 जाइ सुमंत्र दीख कस राजा । अमिअ रहित जनु चंदु बिाजा ॥
 आसन सयन बिभूषन हीना । परेउ भूमि तल२ निपट मलीना ॥

१—प्र० : तेहि । [द्वि०, तृ० : जेहि] । च० : प्र० ।

२—प्र० : तन । द्वि० : तल । तृ०, च० : दि० ।

लेहि उसास सोच येहि भौंती । सुरपुर ते जनु खसेउ जजाती ॥
 लेत सोच भरि छिनु छिनु छाती । जनु जरि पंख परेउ संपाती ॥
 राम राम कह राम सनेही । पुनि कह राम लखन बैदेही ॥
 दो०—देखि सचिव जय जीव कीन्हेउ दंड प्रनामु ।

सुनत उठेउ व्याकुल नृपति कहु सुमंत्र कहँ रामु ॥१४८॥
 भूप सुमंत्रु लीन्ह उर लाई । बूझत कछु अधार जनु पाई ॥
 सहित सनेह निकट बैठारी । पूछत राउ नयन भरि बारी ॥
 राम कुसल कहु सखा सनेही । कहँ रघुनाथ लखनु बैदेही ॥
 आने फेरि कि बनहि सिधाए । सुनत सचिव लोचन जल छाए ॥
 सोक बिकल पुनि पूँछ नरेसू । कहु सिय राम लखनु संदेसू ॥
 राम रूप गुन सील सुभाऊ । सुमिरि सुमिरि उर सोचत राऊ ॥
 राज सुनाइ दीन्ह बनबासू । सुनि मन भएउ न हरष हराँसू ॥
 सो सुत विछुरत गए न प्राणा । को पापी बड़ मोहि समाना ॥
 दो०—सखा रामु सिय लखनु जहँ तहाँ मोहि पहुँचाउ ।

नाहिं त चाहत चलन अब प्राण कहौं सति भाउ ॥१४९॥
 पुनि पुनि पूँछत मंत्रिहि राऊ । प्रियतम सुअन संदेस सुनाऊ ॥
 करहि सखा सोइ बेगि उपाऊ । रामु लखनु सिय नयन देखाऊ ॥
 सचिउ धीर धरि कह मृदु बानी । महाराज तुम्ह पंडित जानी ॥
 बीर सुधीर धुरंधर देवा । साधु सनाजु सदा तुम्ह सेवा ॥
 जनम मरन सब दुख सुख भोगा । हानि लाभु प्रिय मिलन बियोगा ॥
 काल कर्म बस होहि गोसाईं । बरबस राति दिवस की नाई ॥
 सुख हरषहि जड़ दुख बिलखाहीं । दोउ सम धीर धरि मन माहीं ॥
 धीरजु धरहु बिबेक बिचारी । छाड़िअ सोचु सकलु हितकारी ॥
 दो०—प्रथम बास तमसा भएउ दूसर सुरसरि तीर ।

न्हाइ रहे जल पानु करि सिय समेत दोउ बीर ॥१५०॥
 केवट कीन्ह बहुत सेवकाई । सो जामिनि सिंगरौ गँवाई ॥

होत प्रात वटखीरु मँगावा । जटामुकुट निज सीस बनवा ॥
 राम सत्रा तन नाव मँगाई । प्रिया चढ़ाई चढ़े रघुराई ॥
 लखन वान वनु धरे बनाई । आपु चढ़े प्रभु आयेसु पाई ॥
 बिकल बिलोकि मोहि रघुबीरा । बोले मधुर बचन धरि धीरा ॥
 तात प्रनासु तात सन कहेहू । बार बार पद पंक्रज गहेहू ॥
 करवि पाय परि बिनय बहोरी । तात करिअ जनि चिंता मोरी ॥
 बन मग मंगल कुसल हमारें । कृपा अनुग्रह पुन्य तुम्हारें ॥
 छं०—तुम्हरे अनुग्रह तात कानन जात सत्र सुख पाइहों ।

प्रतिपालि आयेसु कुसल देखन पाय पुनि फिर आइहों ॥

जननी सकल परितोषि परि परि पाय करि बिनती घनी ।

तुलसी करेहु सोइ जतनु जेहि कुसली रहहि कोसलघनी ॥

सो०—गुर सन कहव सँदेसु बार बार पद पदुम गहि ।

करव सोइ उपदेसु जेहि न सोच मोहि अवधपति ॥ १५१ ॥

पुरजन परिजन सकल निहोरी । तात सुनाएहु^१ बिनती मोरी ॥

सोइ सब भाँति मोर हितकारी । जा तें रह नरनाहु सुखारी ॥

कहव सँदेसु भरत के आएँ । नीति न तजिअ राजपदु पाएँ ॥

पालेहु प्रजहि करम मन बानी । सेएहु मातु सकल सम जानी ॥

ओर^२ निवाहेहु भायप भाई । करि पितु मातु सुजन सेवकाई ॥

तात भाँति तेहि राखव राऊ । सोच मोर जेहि करइ न काऊ ॥

लखन कहे कछु बचन कठोरा । बरजि राम पुनि मोहि निहोरा ॥

बार बार निज सपथ देवाई । कहवि न तात लखन लरिकाई ॥

दो०—कहि प्रनासु कछु कहन लिय सिय भइ सिथिल सनेह ।

थकित बचन लोचन सजल पुलक पल्लवित देह ॥ १५२ ॥

तेहि अवसर रघुवर रख पाई । केवट पारहि नाव चलाई ॥

१—प्र० : सुनाएहु । द्वि० : प्र० [(३) : सुनाएड] । वृ०, च० : प्र० ।

२—प्र० : ओर । द्वि० : प्र० । [वृ० : और] । च० : प्र० ।

रघुकुल तिलक चले येहि भाँती । देखेउँ^१ ठाढ़ कुलिस धरि छाती ॥
 मैं आपन किमि कहौं कलेसू । जिघ्रत फिरेउँ लेइ राम सँदेसू ॥
 अस कहि सचिव बचन रहि गएऊ । हानि गलानि सोच बस भएऊ ॥
 सूत वचन सुनतहिं नरनाहू । परेउ धरनि उर दारुन दाहू ॥
 तलफत विषम मोह मन मापा । माँजा मनहुँ मीन कहूँ व्यापा ॥
 करि बिलाप सब रोवहिं रानी । महा बिपति किमि जाइ बखानी ॥
 सुनि बिलाप दुखहू दुख लागा । धीरजहू कर धीरजु भागा ॥
 दो०—भएउ कोलाहलु अवध अति सुनि नृप राउर सोरु ।

बिपुल बिहँग बन परेउ निसि मानहुँ कुलिस कठोरु ॥१५३॥
 प्राण कंठगत भएउ भुआलू । मनि बिहीन जनु ब्याकुल ब्यालू ॥
 इंद्रो सकल विकल भई भारी । जनु सर सरसिज बन बिनु बारी ॥
 कौसल्या नृपु दीख मलाना । रबिकुल रबि अँथएउ जिअँ जाना ॥
 उर धरि धीर राम महतारी । बोली वचन समय अनुसारी ॥
 नाथ समुझि मन करिअ विचारू । राम वियोग पयोधि अपारू ॥
 करनधार तुम्ह अवध जहाजू । चढ़ेउ सकल प्रिय पथिक समाजू ॥
 धीरजु धरिअ त पाइअ पारू । नाहिं त बूढ़िहि सब परिवारू ॥
 जौं जिअँ धरिअ बिनय पिअ मोरी । रामु लखनु सिय मिलहिं बहोरी ॥
 दो०—प्रिया बचन मृदु सुनत नृप चितएउ आँखि उधारि ।

तलफत मीन मलीन जनु सींचेउ सीतल बारि ॥१५४॥
 धरि धीरजु उठि बैठ भुआलू । कहु सुमंत्र कहँ रामु कृपालू ॥
 कहाँ लखनु कहँ रामु सनेही । कहँ प्रिय पुत्रवधू वैदेही ॥
 बिलपत राउ विकल बहु भाँती । भइ जुग सरिस सिराति न राती ॥
 तापस अंध साप सुधि आई । कौसल्यहि सब कथा सुनाई ॥
 भएउ विकल बरनत इतिहासा । राम रहित धिग जीवन आसा ॥

सो तनु राखि करवि मैं काहा । जेहि न प्रेमपनु मोर निवाहा ॥
हा रघुनंदन प्रान पिगीते । तुम्ह बिनु जिअत बहुत दिन बीते ॥
हा जानकी लजन हा रघुवर । हा पितु हित चित चातक जलधर ॥
दो०—राम राम कहि राम कहि राम राम कहि राम ।

तनु परिहरि रघुवीर बिरह राउ गएउ सुरधाम ॥१५५॥
जिअन मरन फलु दसाथ पावा । अंड अनेक अमल जसु छावा ॥
जिअत राम विधु वदनु निहारा । राम बिरह करि मरनु सँवारा ॥
सोक विकल सब रोहि रानी । रूपु सीलु बलु तेजु बखानी ॥
करहि बिलाप अनेक प्रकारा । परहि भूमि तल बारहि वारा ॥
बिलपहि विकल दास अरु दास । घर घर रुदनु करहि पुरवासी ॥
अँथणउ आजु भानुकुल भानू । धरम अवधि गुन रूप निधानू ॥
गारी सकल कैरुहि देहीं । नयन बिहीन कीन्ह जग जेहीं ॥
येहि विधि बिलपत रइनि बिहानी । आए सकल महामुनि ज्ञानी ॥

दो०—तब बसिष्ठ मुनि समग्र सम कहि अनेक इतिहास ।

सोक निवारेउ सबहि कर निज विज्ञान प्रकास ॥१५६॥
तेल नाव भरि नृपु तनु राखा । दून बोलाइ बहुरि अस भाखा ॥
धावहु बेगि भरत पहि जाहू । नृप सुधि कतहुँ कहहु जनि काहू ॥
एतनेइ कहेहु भरत सन जाई । गुर बोलाइ पठए दोउ भई ॥
सुनि मुनि आयेसु धावन धाए । चले बेगि बर बाजिल जाए ॥
अनरथु अवध अरंभेउ जब ते । कुसगुन होहि भरत कहूँ तब ते ॥
देखहि राति भवानक सपना । जागि करहि कटु कोटि कलपना ॥
बिप्र जेनाइ देहि दिन दाना । सिव अभिषेक करहि विधि नाना ॥
माँगहि हृदयँ महेस मनाई । कुसल मातु पितु परिजन भाई ॥

दो०—येहिं बिधि सोचत भरत मन धावन पहुँचे आई ।

गुर अनुसासन सवन सुनि चले गनेसु मनाइ ॥१५७॥
चले समीर बेग हय हाँके । नाघत सरित सैल बन बाँके ॥
हृदउ सोचु बड़ कछु न सोहाई । अस जानहिं जिअँ जाउँ उड़ाई ॥
एक निमेष बरष सम जाई । येहि बिधि भरत नगरु निअराई ॥
असगुन होहिं नगर पैठारा । रटहिं कुभाँति कुखेत करारा ॥
खर सिप्रार बोलहिं प्रतिकूला । सुनि सुनि होइ भरत मन सूला ॥
श्रीहत सर सरिता बन बागा । नगरु बिसेष भयावन लागा ॥
खग मृग हय गय जाहिं न जोए । राम बियोग कुरोग बिगोए ॥
नगर नारि नर निपट दुखारी । मनहुँ सबन्हि सब संपति हारी ॥
दो०—पुरजन मिलहिं न कहहिं कछु गँवहि जोहाहिं जाहिं ।

भरत कुसल पूँछि न सकहिं भय बिषादु मन माहिं ॥१५८॥
हाट बाट नहिं जाइ निहारी । जनु पुर दह दिसि लागि दवारी ॥
आवत सुत सुनि कैकयनंदिनि । हरषी रविकुल जलरुह चंदिनि ॥
सजि आरती मुदित उठि धाई । द्वारेहिं भेंटि भवन लेइ आई ॥
भरत दुखित परिवारु निहारा । मानहुँ तुहिन बनज वनु मारा ॥
कैकई हरषित येहि भाँती । मनहुँ मुदित दब लाइ किराती ॥
सुतहि ससेच देखि मनु मारें । पूँछति नैहर कुमल हमारें ॥
सकल कुसल कहि भरत सुनाई । पूँछी निज कुल कुमल भनाई ॥
कहु कहँ तात कहाँ सब मत्ता । कहँ सिय रामु लखन प्रिय आता ॥
दो०—सुनि सुत बचन सनेहमय कपट नीर भरि नयन ।

भरत सवन मन सूल सम पापिनि, बोली बयन ॥१५९॥
तात बात मै सकल सँवारी । भइ मंथरा सहाय बिचारी ॥
कछुकं काज बिधि बीच बिगारेउ । भूपति सुरपतिपुर पगु धारेउ ॥
सुनत भरतु भए बिबस बिषादा । जनु सहमेउ करि केहरि नादा ॥
तात तात हा तात पुकारी । परे भूमि तल व्याकुल भारी ॥

चलत न देखन पाएउँ तोही । तात न रामहिँ सौँपेहु मोही ॥
 बहुरि धीर धरि उठे सँभारी । कहु पितु मरन हेतु महतारी ॥
 सुनि सुत बचन कहति कैनेई । मरसु पोंछि जनु माहुर देई ॥
 आदिहु तें सबु आपनि करनी । कुटिल कठोर मुदिन मन बरनी ॥
 दो०—भरतहि विसरेउ पितु मरन सुनत राम बन गौन ।

हेतु अपनपउ जानि जिअँ थकित रहे धरि मौन ॥१६०॥
 विरल बिलोकि सुतहि समुझावति । मनहुँ जरे पर लोनु लगावति ॥
 तात राउ नहिँ सोचइ^१ जोगू । बिड़इ सुकृत जसु कीन्हैउ भोगू ॥
 जीवत सकल जनम फल पाए । अंत अमरपति सदन सिधाए ॥
 अस अनुमानि सोचु परिहरहू । सहित समाज राज पुर करहू ॥
 सुनि सुठि सहमेउ राजकुमारू । पाकैं छत जनु लाग अँगारू ॥
 धीरजु धरि भरि लेहिँ उसासा । पापिनि सबहिँ भाँति कुल नासा ॥
 जौँ पै कुरुचि रही अति तोही । जनमत काहे न मारे मोही ॥
 पेडु काटि तहँ पालउ सींचा । मीन जिअन निति बारि उलीचा ॥
 दो०—हंसवंसु दसरथु जनकु राम लखन से भाइ ।

जननी तूँ जननी भई विधि सन कछु न बसाइ ॥१६१॥
 जब तैं कुमति कुमत जिअँ ठएऊ । खंड खंड होइ हृदउ न गयऊ ॥
 बर माँगत मन भइ नहिँ पीग । गरी न जीह मुँह परेउ न कीरा ॥
 भूप प्रतीति तोरि किमि कीन्ही । मरन काल विधि मति हरि लीन्ही ॥
 विधिहुँ न नारि हृदय गति जानी । सकल कपट अघ अवगुन खानी ॥
 सरल सुसील धरमरत राऊ । सो किमि जानइ तीअ सुभाऊ ॥
 अस को जीव जंतु जग माहीं । जेहि रघुनाथ प्रान प्रिय नाहीं ॥
 भे अति अहित रामु तेउर तोही । को तूँ अहसि सत्य कहु मोही ॥
 जो हसि सो हसि मुँह मसि लाई । आँखि ओटि उठि बैठहि जाई ॥

१—प्र० : सोचइ । द्वि० : प्र० [(४) (५) (५३) : सोचन] । [तृ० : सोचन] । च० : प्र० ।

२—प्र० : तेउ । द्वि० : प्र० [(४) : प्रिय] । [तृ० : ते] । च० : प्र० ।

दो०—राम विरोधी हृदय ते प्रगट कीन्ह विधि मोहि ।

मो समान को पातकी वादि कहौं कछु तोहि ॥१६२॥
 सुनि सत्रघुन मातु कुटिलाई । जरहिं गात रिस कछु न बसाई ॥
 तेहि अवसर कुबरी तहँ आई । बसन विभूषन विविध बनाई ॥
 लखि रिस भरेउ लखन लघु भाई । बग्न अनल घृा आहुति पाई ॥
 हुमगि लात तकि कूबर माग । परि मुँह भर महि करत पुकारा ॥
 कूबर दूटेउ फूट कपारू । दलित दसन मुख रुधिर प्रचारू ॥
 आह दइअ मै काह नसावा । करत नीरु फलु अनइस पावा ॥
 सुनिरिपुहन लखिनखासिख खोटी । लगे घसीटन धरि धरि भोंटी ॥
 भरत दयानिधि दीन्ह छड़ाई । कौसल्या पहिं गे दोउ भाई ॥
 दो०—मलिन बसन विवरन बिकल कृत सरीरु दुख भारु ।

कनक कलप बर बेलि बन मानहुँ हनी तुसारु ॥१६३॥
 भरतहि देखि मातु उठि धाई । मुरुखित अत्रनि परी भाई आई ॥
 देखत भरतु बिकल भए भारी । परे चरन तन दभा बिसारी ॥
 मातु तातु कहँ देहि देखाई । कहँ सिय रामु लखनु दोउ भाई ॥
 कइकइ कत जननी जग माँझा । जौं जनमि त भइ काहे न बाँझा ॥
 कुल कलंकु जेहिं जनमेउ मोही । अपजस भाजन प्रिय जन द्रोही ॥
 को तिम्रवन मोहि सरिस अभागी । गति असि तोरि मातु जेहि लागी ॥
 पितु सुरपुर बन रघुवर ? केतू । मै कैवल सब अनरथ हेतू ॥
 धिग मोहि भएउँ बेनु बन आगी । दुसह दाहु दुख दूषन भागी ॥
 दो०—मातु भरत के वचन मृदु सुनि पुनि उठी सँभारि ।

लिए उठाइ लगाइ उर लोचन मोचति बारि ॥१६४॥
 सरल सुभाय माय हिय लाए । अति हित मनहुँ रामफिरि आए ॥
 भेटेउ बहुरि लखन लघु भाई । सोकु सनेहु न हृदय समझाई ॥
 देखि सुभाउ कहत सबु कोई । राम मातु अस काहे न होई ॥

माता भरतु गोद बैठारे । आँसु पोंछि मृदु बचन उचारे ॥
अजहुँ बच्छ बलि धीरजु धरहू । कुसमउ समुझि सोक परिहरहू ॥
जनि मानहु हियँ हानि गलानी । काल करम गति अवटित जानी ॥
काहुहि दोस देहु जनि ताता । भा मोहि सब विधि बाम विधाता ॥
जो एतेहु दुख मोहि जिआवा । अजहुँ को जानइ का तेहि भवा ॥
दो०—पितु आयेसु भूषन बसन तात तजे रघुबीर ।

विसमउ हरषु न हृदँ कछु पहिरे बलकल चीर ॥१६५॥
मुख प्रसन्न मन रंगु न रोषू । सब कर सब विधि करि परितोषू ॥
चले विपिन सुनि सिय सँग लागी । रहइ न राम चरन अनुगामी ॥
सुनतहिं लखनु चले उठि साथा । रहहिं न जतन किए रघुनाथा ॥
तव रघुपति सबही सिरु नाई । चले संग सिय अरु लघु भाई ॥
रानु लखनु सिय बनहिं सिधाए । गइउं न संग न प्रान पठाए ॥
येहु सनु भा इन्ह आँखिन्ह आगें । तउ न तजा तनु जीव अभागें ॥
मोहिं न लाज निज नेहु निहारी । राम सरिस सुत मैं महतारी ॥
जिअइ मरइ भल भूपति जाना । मोर हृदय सत कुलिस समाना ॥
दो०—कौसल्या के बचन सुनि भरत सहित रनिवासु ।

व्याकुल बिलपत राजगृहु मानहुँ सोक निवासु ॥१६६॥
बिलपहिं बिकल भरत दोउ भाई । कौसल्या लिए हृदय लगाई ॥
भाँति अनेक भरतु समुझाए । कहि विवेकपर बचन सुहाए ॥
भरतहुँ मातु सकल समुझाई । कहि पुरान श्रुति कथा सुहाई ॥
बल बिहीन सुचि सरल सुबानी । बोले भरत जोरि जुग पानी ॥
जे अघ मातु पिता सुत मारे । गाइगोठ महिसुर पुर जारे ॥
जे अघ तिअ बालक बध कीन्हें । भीत महीपति माहुर दीन्हें ॥
जे पातक उपपातक अहहीं । करम बचन मन भव कवि कहहीं ॥

ते पातक मोहि होहुँ बिधाता । जौं येहु होइ मोर मत माता ॥
दो०—जे परिहरि हरि हर चरन भजहि भूत गन^१ घोर ।

तिन्ह कइ गति मोहि देउ बिधि जौं जननी मत मोर ॥१६७॥

बेचहिं बेद धरमु दुहि लेहीं । पिमुन पराय पाप कहि देहीं ॥
कुपटी कुटिल कलहप्रिय क्रोधी । बेद बिदूषक बिस्व बिरोधी ॥
लोभी लंघट लोलुप चारा । जे ताकहिं पर धनु पर दारा ॥
पावौं मैं तिन्ह कै गति घोरा । जौं जननी एहु संमत मोरा ॥
जे नहिं साधु संग अनुगमे । परमारथ पथ बिमुख अभागे ॥
जे न भजहिं हरि नर तनु पाई । जिन्हहिं न हरि हर सुजसु सोहाई ॥
तजि श्रुति पंथु बाम पथ चहहीं । बंक्क बिचि बेषु जगु छलहीं ॥
तिन्ह कइ गति मोहि संकरु देऊ । जननी जौं येहु जानौं भेऊ ॥

दो०—मातु भरत के बचन सुनि सौंचे सरल सुभाय ।

कहति राम प्रिय तात तुम्ह सदा बचन मन काय ॥१६८॥

राम प्रानहुँ^२ तैं प्रान तुम्हारे । तुम्ह रघुपतिहि प्रानहुँ तैं प्यारे ॥
बिधु विष बन्इ खवइ हिमु आगी । होइ बारिचर बारि बिरागी ॥
भएँ ज्ञानु बरु मिटइ न मोह । तुम्ह रामहिं प्रतिकूल न होइ ॥
मत तुम्हार येहु जो जग कहहीं । सो सपनेहुँ सुख सुगति न लहही ॥
अस कहि मातु भरतु हिय लाए । थन पय सबहिं नयन जल छाए ॥
करत बिलाप बहूत येहि भौंती । बैठेहिं बीति गई सब राती ॥
बामदेउ बसिष्ठ तब आए । सचिव महाजन सकल बोलाए ॥
मुनि बहु भौंति भरत उपदेसे । कहि परमारथ बचन सुदेसे ॥

१—प्र० : गन । द्वि० : प्र० [(३) : वन] । तृ०, च० : प्र० ।

२—प्र० : प्रानहु । द्वि० : प्र० [(४) (५) : प्रान] । [तृ० : प्रान] । च० : प्र० ।

३—प्र० : बमइ । [द्वि० : (३) (४) (५) चवइ; (५ अ) चुवइ] । [तृ० : चुवइ] । च० : प्र० [(=) : चवइ] ।

दो०—तात हृदयँ धीरजु धरहु करहु जो अदसर आजु ।

उठे भरतु गुर बचन सुनि करन कहेउ सबु साजु ॥१६१॥
नृप तनु बेद बिहित अन्हवावा । परम विचित्रु विमान बनावा ॥
गहि पग भरत मातु सब राखी । रही राम दरसन अभिलाषी ॥
चंदन अगर भार बहु आए । अमित अनेक सुगंध सुहाए ॥
सरजु तीर रचि चिता बनाई । जनु सुरपुर सोपान सुहाई ॥
येहि विधि दाह क्रिया सब कीन्ही । बिधवत न्हाइ तिलांजुलि दीन्ही ॥
सोधि सुमृत सब बेद पुगना । कीन्ह भरत दसगात विधाना ॥
जहँ जस मुनिवर आयेसु दीन्हा । तहँ तस सहस भौंति सबु कीन्हा ॥
भए बिपुद्ध दिए सबु दाना । धेनु बाजि गज बाहन नाना ॥
दो०—सिंघासन भूषन वसन अन्न धरनि धन धाम ।

दिए भरत लहि भूमिसुर से परिपूरन काम ॥१७०॥
पिउ हित भरत कीन्ह जसि करनी । सो मुख लाख जाइ नहि बरनी ॥
सुदिनु सोधि मुनिवर तब आए । सचिव महाजन सकल बोलाए ॥
बैठे राजसभा सब जई । पठए बोलि भरत दोउ भाई ॥
भरतु बसिष्ठ निकट बैठारे । नीति धरमस्य बचन उचारे ॥
प्रथम कथा सब मुनिवर बरनी । कइकइ कुटिल कीन्हि जसि करनी ॥
भूप धरम ब्रतु सत्य सराहा । जेहि तनु परिहरि प्रेमु निवाहा ॥
कहत राम गुन सील सुभाऊ । सजल नयन पुलकैउ मुनिराऊ ॥
बहुरि लखन सिय प्रीति बखानी । सोक सनेह मगन मुनि जानी ॥
दो०—सुनहु भरत भावी प्रबल बिलसि कहेउ मुनिनाथ ।

हानि लाभु जीवनु मरनु जसु अपजसु बिधि हाथ ॥१७१॥
अस विचारि केहि देइअ दोषू । व्यरथ काहि पर कीजिअ रोषू ॥
तात विचारु कारहु मन माहीं । सोच जोगु दसरथ नृपु नही ॥

सोचिअ विप्र जो बेद बिहीना । तजि निज घरसु विषय लयलीना ॥
 सोचिअ नृपति जो नीति न जाना । जेहि न प्रजा प्रिय प्रान समाना ॥
 सोचिअ वयसु कृपन धनवानु । जो न अतिथि सिव भगति सुजानु ॥
 सोचिअ सूद्रु विप्र अग्रमानी^१ । मुखरु मानप्रिय ज्ञान गुमानी ॥
 सोचिअ पुनि पतिबंचक नारी । कुटिल कलहप्रिय इच्छाचारी ॥
 सोचिअ बटु निज ब्रतु परिहरई । जो नहिं गुर आयेसु अनुसरई ॥
 दो०—सोचिअ गृही जो मोह बस करइ करमपथ त्याग ।

सोचिअ जती प्रपंच रत बिगत विवेक विराग ॥१७२॥
 बैधानस सोइ सोचइ जोगू । तपु बिहाइ जेहि भावइ भोगू ॥
 सोचिअ पिसुन अकारन क्रोधी । जननि जनक गुर बंधु बिरोधी ॥
 सब विधि सोचिअ पर अपकारी । निज तनु पोषक निरदय भारी ॥
 सोचनीय सबहीं त्रिधि सोई । जो न छाड़ि बलु हरि जनु होई ॥
 सोचनीय नहिं कोसल राऊ । भुवन चारि दस प्रगट प्रभाऊ ॥
 भएउ न अहइ न अब होनिहाग । भू पु भरत जस पिता तुम्हारा ॥
 विधि हरि हरु सुरंपति दिसि नाथा । बरनहिं सब दसरथ गुनगाथा^२ ॥
 दो०—कहहु तात केहि भौंति कोउ करिहि बड़ाई तासु ।

राम लखन तुम्ह सत्रुहन सरिस सुअन सुचि जासु ॥१७३॥
 सब प्रकार भूपति बड़भागी । बादि बिषाद करिअ तेहि लागी ॥
 येहु सुनि समुझि सोचु पारहरहू । सिर धरि राज रजायेसु करहू ॥
 राय राजपदु तुम्ह कहँ दीन्हा । पिता बचनु फुर चाहिअ कीन्हा ॥
 तजे रामु जेहि बचनहि^३ लागी । तनु परिहरेउ राम विरहागी ॥

१—प्र० : अग्रमानी । द्वि० : प्र० [(४) (५) : अग्रमानी] । [तृ० : अपरमानी] ।
 च० : प्र० ।

२—[तृ० में इसके आगे निम्नलिखित अर्द्धाली और है :

तीनि काल त्रिभुवन जग माहीं । भूरि भाग दसरथ सम नाहीं ।

३—[प्र० : बचनेहि] । द्वि०, तृ०, च० : बचनहि ।

नृपहि वचन प्रिय नहिं प्रिय प्राना । करहु तात पितु वचन प्रवाना^१ ॥
 करहु सीस धरि भूष रजाई । हइ तुम्ह कहँ सब भौंति भलाई ॥
 परसुराम पितु आज्ञा राखी । मारी मातु लोक सब राखी ॥
 तनय जजातिहि जौवनु दएऊ । पितु आज्ञा अघ अजसु न भएऊ ॥
 दो०—अनुचित उचित विचारु तजि जे पालहिं पितु वचन ।

ते भाजन सुख सुजसु के बसहिं अमरपति अयन ॥१७४॥
 अवसि नरेस वचन फुर करहु । पालहु प्रजा सोकु परिहरहु ॥
 सुरपुर नृपु पाइहि परितोषू । तुम्ह कहँ सुकृनु सुजसु नहिं दोषू ॥
 वेद विदित^२ संमत सबही का । जेहि पितु देइ सो पावइ टीका ॥
 वरहु राजु परिहरहु गलानी । मानहु मोर वचन हित जानी ॥
 सुनि सुख लहव राम बैदेही । अनुचित कहव न पंडित केही ॥
 कौसल्यादि सकल महतारी । तेउ प्रजा सुख होहिं सुखारी ॥
 मरम^३ तुम्हार राम कर जानिहि । सो सबविधि तुम्हसन भल मानिहि ॥
 सौपेहु राजु राम केँ आएँ । सेवा करहु सनेह सुनाएँ ॥
 दो०—कीजिअ गुर आयेसु अवसि कहहिं सचिव कर जोरि ।

रघुपति आएँ उचित जस तस तब करव बहोरि ॥१७५॥
 कौसल्या धरि धीरजु कहई । पूत पथ्य गुर आयेसु अहई ॥
 सो आदरिअ करिअ हित मानी । तजिअ विषादु काल गति जानी ॥
 बन रघुपति सुगपति^४ नरनाह । तुम्ह येहि भौंति तात कदराह ॥
 परिजन प्रजा सचिव सब अंबा । तुम्हहीं सुन सब कहँ अवलंश ॥
 लखि विधि वाम कालु कठिनाई । धीरजु धाहु मानु बलि जाई ॥

१—प्र० : प्रवाना । द्वि० : प्र० [(४) (५) (५अ) : प्रमाना] । [वृ० : प्रमाना] । च० : प्र० ।

२—प्र० : विदित । द्वि० : प्र० [(३) : विदित] । वृ०, च० : प्र० [(८) : विदित] ।

३—प्र० : मरम । द्वि० : प्र० [(३) (४) : प्रेम] । वृ०, च० : प्र० [(३) : परम] ।

४—प्र० : सुगपति । [द्वि०, वृ० : सुरपुर] । च० : प्र० ।

सिर धरि गुर आयेसु अनुसरहू । प्रजा पालि पुरजन दुखु हरहू ॥
 गुर के बचन सचिव अभिनंशु । सुने भरत हिय हित जनु चंदनु ॥
 सुनी बहोरि मातु मृदु बानी । सील सनेह सरल रस सानी ॥
 छं०—सानी सरल रस मातु बानी सुनि भरतु ब्याकुल भए ।

लोचन सरोरुह स्रवत सींचत बिरह उर अंकुर नए ॥
 सो दसा देखत समय तेहिं बिसरी सबहिं सुधि देह की ।
 तुलसी सगहत सकल सादर सीवैं सहज सनेह की ॥
 सो०—भरतु कमल कर जोरि धीर धुरंधर धीर धरि ।

बचनु अमित्र जनु बोरि देत उचित उत्तर सबहिं ॥१७६॥
 मोहि उपदेसु दीन्ह गुर नीका । प्रजा सचिव संमत सबहीं का ॥
 मातु उचित धरि१ आयेसु दीन्हा । अवसि सोस धरि चाहैं कीन्हा ॥
 गुर पितु मातु स्वामि हित बानी । सुनि मनमुदित करिअ भलिजानी२ ॥
 उचित कि अनुचित किए विचारू । घासु जाइ सिर पातक भरू ॥
 तुम्ह तौ देहु सरल सिख सोई । जो आचरत मोर भल होई ॥
 जद्यपि येह समुझत हउँ नीके । तदपि होत परितोषु न जी कै ॥
 अब तुम्ह बिनय मोरि सुनि लेहू । मोहि अनुहरत सिखावनु देहू ॥
 उत्तर देउँ छत्रव अपराधू । दुखित दोष गुन गनहि न साधू ॥
 दो०—पितु सुगुर सिय रामु बन करन कहहु मोहि राजु ।

येहि तैं जानहु मोर हित कै आपन बड़ काजु ॥१७७॥
 हित हमार सियपति सेवकाई । सो हरि लीन्ह मातु कुटिलाई ॥
 मैं अनुमानि दीखि३ मन माही । आन उपाय मोर हित नाहीं ॥
 सोक समाजु राजु केहि लेखैं । लखन राम सिय पद बिनु देखे ॥

१—प्र० : धरि । दि० : प्र० । [तु० : पुनि] : च० : प्र० ।

२—प्र० में इसके स्थान पर निम्नलिखित अर्द्धांजी है :

मातु पिता गुरु प्रभु कै बानी । बिनहिं विचार करिअ सुभ जानी ।

३—प्र० : दीखि । [दि०, तु० : दीख] । च० : प्र० [(३) : दीख] ।

बादि बसन बिनु भूषन मारू । बादि बिरति बिनु ब्रह्म बिचारू ॥
 सरुज सरीर बादि बहु भोगा । बिनु हरि भगति जायँ जप जोगा ॥
 जायँ जीव बिनु देह सुहाई । बादि मोर सवु बिनु रघुआई ॥
 जाउँ राम पहिँ आयेसु देह । एकहि आँक मोर हित येह ॥
 मोहि नृपु करि भल आपन चहहू । सोउ सनेह जइता बस कहहू ॥
 दो०—कइवइ सुघन कुटिल मति राम बिमुख गन्ताज ।

तुम्ह चाहत सुख मोहबस मोहि से अघमु के राज ॥१७८॥
 कहौँ साँचु सब सुनि पतिआहू । चाहिअ धरमसील नरनाहू ॥
 मोहि राजु हठि देखहु जवहीं । रसा रसातल जाइहि तबहीं ॥
 मोहि समान को पाप निवासू । जेहि लागि सीय राम बनवासू ॥
 राय राम कहूँ काननु दीन्हा । बिछुरत गमनु अमरपुर कीन्हा ॥
 मैं सठु सब अनरथ कर हेतू । बैठ बात सब सुनौँ सचेतू ॥
 बिनु रघुबीर बिलोकि अवसू । रहे प्राण सहि जग उपहाँसू ॥
 राम पुनीत बिषय रस रूखे । लोलुप भूमि भोग के भूखे ॥
 कहँ लागि कहौँ हृदय कठिनाई । निदरि कुलिसु जेहिँ लही बड़ाई ॥
 दो०—कारन तैं कारजु कठिन होइ दोसु नहिँ मोर ।

कुलिस अस्थि तैं उपल तैं लोह कराल कठोर ॥१७९॥
 कैकईभव तनु^१ अनुरागे । पाँवर^२ प्राण अघाइ अभागो ॥
 जौँ प्रिय विरह प्राण प्रिय लागे । देखव सुनव बहुत अब आगे ॥
 लखन राम सिय कहूँ बनू दीन्हा । पठइ अमरपुर पति हित कीन्हा ॥
 लीन्ह विधवपन अपजसु आपू । दीन्हेउ प्रजहि सोकु संतापू ॥
 मोहि दीन्ह सुख सुजसु सुगाजू । कीन्ह कइकई सब कर काजू ॥
 येहि तैं मोर काह अब नीका । तेहि पर देन कहहु तुम्ह टीका ॥
 कइकइ जठर जनमि जग माहीं । येह मोहि कहूँ कछु अनुचित नाहीं ॥

१—प्र० कैकईभव तनु । दि० : प्र० । [वृ० : कैकईभव तनु ते] । च० : प्र० ।

२—[प्र० : पावन] । दि०, वृ० : पाँवर । [च० : पावन] ।

मोरि बात सब बिधिहि बनाई । प्रजा पाँच कत करहु सहाई ॥
दो०—ग्रह ग्रहीत पुनि बातवस तेहि पुनि बीछी मार ।

तेहि^१ पिआइअ बारुनी कहहु कौन उपचार ॥ १८० ॥
कइकइ सुअन जोगु जगु जोई । चतुर बिरंचि दीन्ह मोहि सोई ॥
दसरथ तनय राम लघु भाई । दीन्ह मोहि बिधि बादि बड़ाई ॥
तुम्ह सब कहहु कढ़ावन टीका । राय राजु सबहीं कहँ नीका ॥
उतरु देउं केहि बिधि केहि केही । कहहु सुखेन जथा रुचि जेही ॥
मोहि कुमातु समेत बिहाई । कहहु कहिहि के कीन्ह भलाई ॥
मो बिनु को सचराचर माहीं । जेहि सिय रामु प्रान प्रिय नाहीं ॥
परम हानि सब कहँ बड़ लाहू । अदिनु मोर नहिं दूषन काहू ॥
संसय सील प्रेम बस अहहू । सबुइ उचित सब जो कछु कहहू ॥
दो०—राम मातु सुठि सरल चित मो पर प्रेमु बिसेषि ।

कहइ सुभाय सनेहवस मोरि दीनता देखि ॥ १८१ ॥
गुर बिवेक सागर जगु जाना । जिन्हहिं बिस्व कर बदर समाना ॥
मो कहँ तिलक साज सज सोऊ । भएँबिधि बिमुख बिमुख सब कोऊ ॥
परिहरि रामु सीय जग माहीं । कोउ न कहिह मोर मत नाहीं ॥
सो मैं सुनब सहव सुखु मानी । अंतहु कींच तहाँ जहँ पानी ॥
डरु न मोहि जगु कहहि कि पोचू । परलोकरु कर नाहिंन सोचू ॥
एकइ उर बस दुसह दवारी । मोहि लगि मे सिय रामु दुखारी ॥
जीवनु लाहु लखनु भल पावा । सबु तजि राम चरन मनु लावा ॥
मोर जनम रघुबर बन लागी । भूँठ काह पछिताउँ अभागी ॥
दो०—आपनि दारुन दीनता कहौ सबहि सित नाइ ।

देखें बिनु रघुनाथ पद जिअ कै जरनि न जाइ ॥ १८२ ॥
आन उपाय मोहि नहिं सूझा । को जिअ कै रघुबर बिनु बूझा ॥

एकहि आँक इहइ मन माहीं । प्रातकाल चलिहैं प्रभु पाहीं ॥
जद्यपि मैं अनभल अपराधी । भइ मोहि कारन सकल उपाधी ॥
तदपि सरन सनमुख मोहि देखी । छमि सब करिहहि कृपा बिसेषी ॥
सीलु सकुच मुठि सरल सुभाऊ । कृपा सनेह सदन रघुताऊ ॥
अरिहूँ क अनभल कीन्ह न रामा । मैं सिमु सेवकु जद्यपि बामा ॥
तुम्ह पै पाँव मोर भल मानी । आयेसु आसिष देहु सुवानी ॥
जेहिं सुनि विनय मोहि जनु जानी । आवहिं बडुरि रामु रजधानी ॥
दो०—जद्यपि जनमु कुमातु तैं मैं सटु सदा सद्गोस ।

आपन जानि न त्यागिहहिं मोहि रघुबोर भरोस ॥१८३॥
भरत बचन सब कहूँ प्रिय लागे । राम सनेह सुधा जनु दागे ॥
लोग त्रियोग विषम विष दागे । मंत्र सबीज सुनत जनु जागे ॥
मातु सचिव गुर पुर नर नारी । सकल सनेह बिकल भए भारी ॥
भरतहि कहहिं सराहि सराही । राम प्रेम मूरति तनु आही ॥
तात भरत अस काहे न कहहू । प्रान समान राम प्रिय अहहू ॥
जो पाँवर अपनी जड़तई । तुम्हहि सुगाइ मातु कुटिलाई ॥
सो सटु१ कोटिक पुरुष समेता । बसहि कलस सत नरक निकेता ॥
अहि अघ अवगुन नहिं मनि गहई । हरइ गरल दुख दारिद दहई ॥
दो०—अवसि चलिअ वन रामु जहँ भरत मंत्रु भल कीन्ह ।

सोक सिंधु बूड़त सबहि तुम्ह अवलंबनु दीन्ह ॥१८४॥
भा सब के मन मोदु न थोरा । जनु धन धुनि सुनि चातक मोग ॥
चलत प्रात लखि निरनउ नोके । भरतु प्रान प्रिय भे सबही कै ॥
मुनिहि बंदि भरतहि सिरु नाई । चले सकल घर विदा कराई ॥
धन्य भरत जीवनु जग माहीं । सीलु सनेह सराहत जाहीं ॥
कहहिं परसपर भा बड़ काजू । सकल चलइ कर साजहिं साजू ॥
जेहि राखहिं रहु घर रखवारी । सो जानइ जनु गरदनि मारी ॥

कोउ कह रहन कहिअ नहिं काहू । को न चहइ जग जीवनु लाहू ॥

दो०—जरउ सो संपति सदन सुख सुहृदु मातु पितु भाइ ।

सनमुख होत जो रामउद कह न सहज^२ सहाइ ॥१८५॥

घर घर साजहिं बाहन नाना । हरषु हृदयँ परभात पयाना ॥

भरत जाइ घर कीन्ह बिचारू । नगरु बाजि गज भवन भँडारू ॥

संपति सब रघुपति कै आही । जौं विनु जतनु चलौं तजि ताही ॥

तौ परिनाम न मोरि भलाई । पाप सिोमनि साईं दोहाई ॥

करइ स्वामि हित सेवकु सोई । दृषन कोटि देइ किन कोई ॥

अस विचारि सुचि सेवक बोले । जे सपनेहु निज घरमु न डोले ॥

कहिं सबु मरमु धरमु भल भाषा । जो जेहि लायक सो तहँ^३ राखा ॥

करि सबु जतनु राखि रखवारे । राम मातु पहिं भरतु सिधारे ॥

दो०—आगत जननी जानि सबु भरत सनेह सुजान ।

कहेउ बनवन पालनी सजन सुखासन जान ॥१८६॥

चक्र चक्रि जिमि पुर नर नरी । चहत प्रात उर आरत भारी ॥

जागत सब निशि भएउ विज्ञाना । भरत बोलाए सचिव सुजाना ॥

कहेउ लेहु सब तिलक समाजू । बनहि देव मुनि रामहिं राजू ॥

बेगि चलहु सुनि सचिव जोहारे । तुरत तुरग रथ नाग सँवारे ॥

अरुंधती अरु अगिनि समाऊ^४ । रथ चढ़ि चले प्रथम मुनिराऊ^४ ॥

विप्र वृंद चढ़ि बाहन जाना । चले सकल तप तेज निधाना ॥

नगर लोग सब सजि सजि जाना । चित्रकूट कहँ कीन्ह पयाना ॥

सिबिका सुमग न जाहिं बखानी । चढ़ि चढ़ि चलत भई सब रानी ॥

१—[त० में इसके अनंतर निम्नलिखित ऋद्धांगी और है :—

केहि न भाव सिय लछिमन रामू । सब वहाँ प्रिय स्थि सदा सकामू ॥

२—प्र० : सहज । द्वि० : प्र० [(३) : सहस] । त० : प्र० । [च० : सहस] ।

३—प्र० : तहँ । द्वि० : प्र० [(३) : तेहिं] । त० : प्र० । [च० : तेहिं] ।

४—प्र० : क्रमशः सगाऊ, राजू । द्वि० : प्र० [() (५) : सगाजू, राजू] । [त० : समाजू, राजू] । च० : प्र० ।

दो०—सौंपि नगर सुचि सेवकन्हि सादर सबहि चलाइ ।

सुमिरि राम सिय चरन तब चले भरतु दोउ भाइ ॥१८७॥
राम दरस बस सब नर नारी । जनु करि करिनि चले तकि वारी ॥
बन सिय रामु समुझि मन माहीं । सानुज भरत पयादेहि जाहीं ॥
देखि सनेहु लोग अनुरागे । उतरि चले हय गय रथ त्यागे ॥
जाइ समीप राखि निज डोली । राम मातु मृतु बानी बोली ॥
तात चढ़हु रथ बलि महतारी । होइहि प्रिय परिकर दुखारी ॥
तुम्हरे चलत चलिहि सब लोगू । सकल सौक कृस नहिं मग जोगू ॥
सिर धरि बचन चरन सिरु नाई । रथ चढ़ि चलत भए दोउ भाई ॥
तमसा प्रथम दिवस करि वासू । दूसर गोमति तीर निवासू ॥

दो०—पय अहार फल असन एक निसि भोजन एक लोग ।

कात राम हित नेम व्रत परिहरि भूषन भोग ॥१८८॥
सई तीर बसि चले बिहाने । शृंगबेरपुर सब निअराने ॥
समाचार सब सुने निषादा । हृदयँ विचार कइ सविषादा ॥
कारन कवन भरतु बन जाहीं । है कछु कपट भाव मन माहीं ॥
जौ पै जिअँ न होति कुटिलाई । तौ कत लीन्ह संग कटकई ॥
जानहिं सानुज रामहि मारी । करौ अकंठक राजु सुबारी ॥
भरत न राजनीति उर आनी । तब कलंकु अव जीवनु हानी ॥
सकल सुगसुर जुगहिं जुझारा । रामहि समर न जीतनिहारा ॥
का आचराजु भरतु अस वरहीं । नहिं बिब बेलि अमिअ फल फरहीं ॥
दो०—अस विचारि गुह जाति सन कहेउ सजग सब होहु ।

हथबासहु बोरहु तरनि कीजिअ घाटरोहु ॥१८९॥
होहु सँजोइल रोकहु घाटा । ठाटहु सकल भरइ के ठाटा ॥
सनमुख लोह भरत सन लेऊँ । जिप्रत न सुरसरि उतरन देऊँ ॥

समरु मरन पुनि सुरसरि तीरा । राम काजु छनभंगु सरीरा ॥
 भरत भाइ नृप मैं जन नीचू । बड़े भाग अस पाइअ भीचू ॥
 रामि काज करिहउँ^१ रन रारी । जस धलिहउँ^१ भुवन दसवारी ॥
 तजउँ प्रान रघुनाथ निहोरें । दुहूँ हाथ मुद मोदक मोरें ॥
 साधु समाज न जाकर लेखा । राम भगत महँ जासु न रेखा ॥
 जायँ जियत जग सो महि भारू । जतनी जोवन बिटप कुठारू ॥
 दो०—बिगत बिषाद निषादपति सबहि बड़ाइ उछाहु ।

सुमिरि राम माँगेउ तुरत तरकस धनुष सनाहु ॥१६०॥
 बेगहु भाइहु सजहु सँजोऊ । सुनि रजाइ कदराइ न कोऊ ॥
 भलेहिं नाथ सब कहहिं सहरषा । एकहि एक बड़ावइ करषा ॥
 चले निषाद जोहारि जोहारी । सूर सकल रन रूबइ रारी ॥
 सुमिरि राम पद पंकज पनहीं । माथी^२ बाँधि चढ़ाइन्हि धनुही^३ ॥
 आंगरी पहिरि कूँडि सिर धरहीं । फरसा बाँस सेल सप्त करहीं ॥
 एक कुसल अति आँड़न खोँड़े । कूदहिं गगन मनहुँ छिति छाँड़े ॥
 निज निज साजु समाजु बनाई । गुह गउतहि जोहारे जाई ॥
 देखि सुभट सब लायक जाने । लइ लइ नाम सकल सतमाने ॥

दो०—भाइहु लावहु धोख जनि आजु काज बड़ मोहि ।

सुनि सरोष बोले सुभट वीरु अधीरु न होहिं ॥१६१॥
 राम प्रनाप नाथ बल तोरें । कहिं कटक बिनु भट बिन घोरें ॥
 जीवत पाउ न पाखे धरहीं । रुंड मुंड मय सेदिनि काहीं ॥
 दीख निषादनाथ भल टोलू । कहेउ बजाउ जुभाऊ ढोलू ॥
 एतना कहत छींक भइ बाएँ । कहेउ सगुनिअन्ह खेत सुहाएँ ॥

१—प्र० : क्रमशः करिहउँ, धवलिहउँ । दि०, वृ०, च० : प्र० [(३) : करिहउँ, धवलिहउँ] ।

२—प्र० : माथी । दि० : प्र० [(४) (५) : माथा] । [वृ० : माथा] । च० : प्र० ।

३—प्र० : धनुही । दि०, वृ० : प्र० । [च० : धनही] ।

बूढ़ एक कह सगुन विचारी । भरतहि मिलिअ न होइहि रारी ॥
 रामहि भरतु मनावन जाहीं । सगुन कहइ अस विप्रहु नाहीं ॥
 सुनि गुह कहइ नीक कह बूढ़ा । सहसा करि पछिताहिं विमृद्धा ॥
 भरत सुभाउ सोलु बिन बूझें । बड़ि हित हानि जनि बिन जूझें ॥
 दो०—गहहु घाट भट सिमिटि सब लेउँ मरमु मिलि जाइ ।

बूझि मित्र अरि मध्य गति तबु तसु^१ करिहौं आइ ॥१६२॥
 लखव सनेह सुभायँ सुहाएँ । बैरु प्रीति नहिं दुगइ दुराएँ ॥
 अस कहि भेंट सँजोवन लागे । कंद मूल फल खग मृग माँगे ॥
 मीन पीन पाठीन पुराने । भरि भरि भार कहारन्ह आने ॥
 मिलन साजु सजि मिलन सिधाए । मंगलमूल सगुन सुभ पाए ॥
 देखि दूरि तें कहि निज नाम । कीन्ह मुनीसहि दंड प्रनाम ॥
 जानि रामप्रिय दीन्ह असोसा । भरतहि कहेउ बुझाइ मुनीसा ॥
 राम सखा सुनि स्यंदनु त्यागा । चले उतरि उमगत अनुगगा ॥
 गाउँ जाति गुह नाउँ सुनाई । कीन्ह जोहारु माथ महि लाई ॥
 दो०—करत दंडवत देखि तेहि भरत लीन्ह उर लाइ ।

मनहुँ लखन सन भेंट भइ प्रेम न हृदयँ समाइ ॥१६३॥
 भेंटत भरतु ताहि अति प्रीतो । लोग सिराहिं प्रेम कै रीती ॥
 धन्य धन्य धुनि मंगलमूला । सुर सराहिं तेहि बरिसहिं फूला ॥
 लोक बेद सब भाँतिहि नीचा । जासु छाँह छुइ लेइअ सींचा ॥
 तेहि भरि अंक राम लघु भ्राता । मिलत पुनक परिपूरित गाता ॥
 राम राम कहि जे जँबुडाहीं^२ । तिन्हहि न पाप पुंज समुहाहीं ॥
 येहि तौ राम लाइ उर लीन्हा । कुल समेत जगु पावन कीन्हा ॥

१—प्र० : तबु तसु । द्वि, वृ० : प्र० । [च० : तस तव] ।

२—प्र० : जमुडाहीं । द्वि० : प्र [(x) (५) (५अ) : जमुडाहीं] । [वृ० : जमुडाहीं] च० :
 प्र० : [(८) : जमुडाहीं] ।

करमनास जलु सुरसरि परई । तेहि को कहहु सीस नहिं धरई ॥
उलटा नामु जपत जगु जाना । बालभीकि भए ब्रह्म सभाना ॥
दो०—स्वपच सवर खस जनम जइ पाँवर कोल किरात ।

रामु कहत पावन परम होत भुवन विख्यात ॥ १६४ ॥
नहिं अचरिजु जुग जुग चलि आई । केहि न दीन्हि रघुवीर बड़ाई ॥
राम नाम महिमा सुर कहहीं । सुनि सुनि अवध लोग सुख लहहीं ॥
रामसबहि मिलि भरतु सप्रेमा । पूँछी कुसल सुमंगल खेमा ॥
देखि भरत कर सीलु सनेह । भा निषाद तेहि समय विदेह ॥
सकुच सनेहु मोदु मन बाढ़ा । भरतहि चितवत एकटक ठाढ़ा ॥
धरि धीरजु पद बंदि बहोरी । बिनय सप्रेम करत कर जोरी ॥
कुसल मून पद पंकज पेखी । मै तिहुँ काल कुसल निज लेखी ॥
अब प्रभु परम अनुग्रह तोरें । सहित कोटि कुल मंगल मोरें ॥
दो०—समुझ मोरि करतूति कुलु प्रभु महिमा जिअ जोइ ।

जो न भजइ रघुवीर पद जग विधि बंचित सोइ ॥ १६५ ॥
कपटी कायर कुमति कुजाती । लोक वेद बाहेर सब भाँती ॥
राम कीन्ह आपन जयहीं तें । भएउं भुवन भूषन तवहीं तें ॥
देखि प्रीति सुनि बिनय सुहाई । मिलेउ बहोरि भरत लघु भाई ॥
कहि निषाद निज नामु सुबानी । सादर सकल जोशरी रानी ॥
जानि लखन सम देहिं असोसा । जिअहु सुखी सय लाख बगीसा ॥
निरखि निषादु नगर नर नागी । भए सुखी जनु लखनु निहारी ॥
कहहिं लहेउ येहि जीवन लाहू । भेंटै रामभद्र^१ भरि बाहू ॥
सुनि निषादु निज भाग बड़ाई । प्रसुरित मन लै चलेउ लवाई ॥
दो०—सनकारे सेवक सकल चले स्वामि रुख पाइ ।

घर तरु तर सर बाग बन बास बनाएन्हि जाइ ॥ १६६ ॥

शृंगवेरपुर भरत दीख जब । भे सनेह सब ? अंग सिथिल तब ॥
 सोहत दिए निषादहि लागू । जनु धनु२ धरें विषय३ अनुरागू ॥
 येहि विधि भरत सेनु सब संग । दीख जइ जग पावनि गंगा ॥
 रामघाट कहैं कीन्ह प्रनामू । भा मनु मगनु मिले जनु रामू ॥
 करहि प्रनाम नगर नर नारी । मुदिन ब्रह्ममय बारि निहारी ॥
 करि मज्जनु माँगहि कर जोरी । रामचंद्र पद प्रीति न थोरी ॥
 भरत कहेउ सुखसि तब रेनु । सकल सुखद सेवक सुरधेनु ॥
 जोरि पानि वर माँगौं येहू । सीय राम पद सहज सनेहू ॥
 दो०—येहि विध मज्जनु भरतु करि गुर अनुसासन पाइ ।

मातु नहानी जानि सब डेरा चले लवाइ ॥१६७॥
 जहँ तहँ लोगन्ह डेरा कीन्हा । भरत सोधु सबहीं कर लीन्हा ॥
 गुर सेवा करि आयेसु पाई । राममातु पहिं गे दोउ भाई ॥
 चरन चाँपि कहि कहि मृदु वानी । जननीं सकल भरत सनमानी ॥
 भाइहि सौँपि मातु सेवकाई । आपु निषादहि लीन्ह बोलाई ॥
 चले सखा कर सों कर जोरे । सिथिल सरीरु सनेहु न थोरे ॥
 पूँछत सबहि सो ठाउँ देखौऊ । नेकु नयन मन जरनि जुड़ाऊ ॥
 जहँ सिय रामु लखनु निसि सोए । कहत भरे जल लोचन कोए ॥
 भरत बचन सुनि भएउ बिषादू । तुरत तहाँ लेइ गएउ निषादू ॥
 दो०—जहँ सिंघुपा पुनीत तरु रघुवर किए विश्रामु ।

अति सनेह सादर भरत कीन्हेउ४ दंड प्रनामु ॥१६८॥
 कुस साथरी निहारि सुहाई । कीन्ह प्रनामु प्रदच्छिन जाई ॥
 चरन रेख रज आँखिन्ह लाई । वनइ न कहत प्रीति अधिकाई ॥

१—प्र० सब । द्वि० : प्र० [(१) (५) : वस] । [वृ० : वस] । च० : प्र० [(६) : वस] ।

२—प्र० : तनु । द्वि०, वृ० : प्र० । च० : धनु ।

३—प्र० : विषय । [द्वि०, वृ० : विनय] । च० : प्र० [(८) : विनय] ।

४—[प्र० : कीन्ह] । द्वि०, वृ०, च० : कीन्हैउ [(६) : कीन्है] ।

कनकविंदु दुइ चारिक देखे । राखे सीस सीय सम लेखे ॥
 सजल बिलोचन हृदयँ गलानी । कहत सखा सन बचन सुबानी ॥
 श्रीहत सीय बिरह दुतिहीना । जथा अवध नर नारि मलीना^१ ॥
 पिता जनक देउँ पटतर केही । करतल भोगु जोगु जग जेही ॥
 ससुर भानु कुल भानु भुआलू । जेहि सिहात अमरावतिपालू ॥
 प्राननाथ रघुनाथ गोसाईं । जो बड़ होत सो राम बड़ाई ॥
 दो०—पतिदेवता सुतीयमनि सीय साँथरी देखि ।

बिहरत हृदउ न हहरि हर पबि तें कठिन बिसेषि ॥१६६॥
 लालन जोगु लखन लघु लोने । मे न भाइ ऐसे^२ अहहिं न होने ॥
 पुरजन प्रिय पितु मातु दुलारे । सिय रघुबीरहि प्रान पिआरे ॥
 मृदु मूति सुकुमार सुभाऊ । तात बाउ तन लाग न काऊ ॥
 ते बन सहहिं विपति सब भाँती । निदरे कोटि कुलिस येहिं छाती ॥
 राम जनमि जग क्रीन्ह उजागर । रूप सील सुख सब गुन सागर ॥
 पुरजन परिजन गुर पितु माता । राम सुभाउ सबहि सुखदाता ॥
 बैरिउ राम बड़ाई करहीं । बोलनि मिलनि बिनय मन हरहीं ॥
 सारद^३ कोटि कोटि सत सेषा । करिन सकहिं प्रभु गुन गन लेखा ॥
 दो०—सुख सरूप रघुवंस मनि मंगल मोद निधान ।

ते सोवत कुस डसि महि बिधि गति अति बलवान ॥२००॥
 राम सुना दुखु कान न काऊ । जीवनतरु जिमि जोगवइ राऊं ॥
 पलक नयन फनि मनि जेहिं भाँती । जोगवहिं जननि सकल दिन राती ॥
 ते अत्र फिरत बिपिन पदचारी । कंद मूल फल फूल अहारी ॥
 धिग कइकई अमंगलमूला । भइसि प्रान प्रियतम प्रतिकूला ॥
 मैं धिग धिग अघउदधि अभागी । सबु उतपातु भएउ जेहिं लागी ॥

१—प्र० : मलीना । द्वि०, तृ० : प्र० । [च० : बिलीना] ।

२—प्र० : ऐसे । [द्वि०, तृ० : इस] । च० : प्र० ।

३—प्र० : सारद । द्वि० : प्र० [३] : सारर । तृ०, च० : प्र० [८] सारर ।

कुल कलंकु करि सुजेउ विधाता । साईद्रोह^१ मोहि कीन्ह कुमाता ॥
सुनि सप्रेम समुभाव निषादू । नाथ करिअ कत बादि विषादू ॥
राम तुम्हहिं प्रिय तुम्ह प्रिय रामहिं । येह निरजोसु^२ दोसु विधि बामहिं ॥
व्यं०—विधि बाम की करनी कठिन जेहिं मातु कीन्हीं बावरी ।

तेहि राति पुनि पुनि करहिं प्रभु सादर सरहना रावरी ॥

तुलसी न तुम्ह सों राम प्रीतसु कहतु हौं सौहैं किए ।

परिनाम मंगलु जानि अपने आनिए धीरजु हियैं ॥

सो०—अंतरजामी राम सकुच सप्रेम कृपायतन ।

चलिअ करिअ विस्वामु येह बिचार दृढ़ आनि मन ॥२०१॥

सखा बचन सुनि उर धरि धीरा । बास चले सुमिरत रघुवीरा ॥

येह सुधि पाइ नगर नर नारी । चले बिलोकन आरत भारी ॥

परदखिना करि करहिं प्रनामा । देहिं कइकइहि स्त्रोरि निक्कामा ॥

भरि भरि बारि बिलोचन लेहीं । बाम विधातहिं दूषन देहीं ॥

एक सराहहिं भरत सनेहू । कोउ कह नृपति निवाहेउ नेहू ॥

निंदहिं आपु सराहिं निषादहिं । को कहि सकइ बिमोह भिषादहिं^३ ॥

येहि विधि राति लोगु सबु जागा । भा भिनुसारु गुदारा लागा ॥

गुरहिं सुनाव चढ़ाई सुहाई । नई नाव सब मातु चढ़ाई ॥

दंड चारि महँ भा सबु पारा । उत्तरि भरत तब सर्वाहिं सँभागा ॥

दो०—प्रात क्रिया करि मातु पद बंदि गुरहिं सिरु नाइ ।

आगें किए निषाद गन दीन्हेउ कटकु चलाइ ॥२०२॥

किएउ निषादनाथु अगुआई । मातु पालकी सकल चलाई ॥

साथ बोलाइ भाइ लघु दीन्हा । बिप्रन्ह सहित गवनु गुर कीन्हा ॥

आपु सुरसरिहि कीन्ह प्रनामू । सुमिरे लखन सहित सिय रामू ॥

१—प्र० : साईद्रोह । द्वि० : प्र० [(४) (५) साईद्रोहि, (५अ) साईद्रोह] । [तृ० : साईद्रोह] । च० : प्र० ।

२—प्र० : निरजोसु । द्वि० : प्र० । [तृ० : निरदोस] । च० : प्र० ।

३—[तृ० में यह अर्द्धाली नहीं है] ।

गवने भरत पयादेहिं पाएँ । कोतल संग जाहिं डोरिआएँ ॥
 कहहिं सुसेवक बारहिं बारा । होइअ नाथ अस्व असवारा ॥
 राम पयादेहिं पाउ सिधाए । हम कहँ रथ गज बाजि बनाए ॥
 सिर भर जाउँ उचित अस मोरा । सब तें सेवक धरमु कठोरं ॥
 देखि भरत गति सुनि मृदु बानी । सब सेवक गन करहिं^१ गलानी ॥
 दो०—भरत तीसरे पहर कहँ कीन्ह प्रवेशु प्रयाग ।

कहत राम सिय राम सिय उमगि उमगि अनुराग ॥ २०३ ॥
 भलका भलकत पायन्ह कैमें । पंकज कोस ओस कन जैसे ॥
 भरत पयादेहिं आए आजू । भएउ दुखित सुनि सकल समाजू ॥
 खबरि लोन्ह सब लोग नहाए । कीन्ह प्रनामु त्रिवेनिहि आए ॥
 सविधि सितासित नीर नहाने । दिए दान महिसुर सनमाने ॥
 देखत स्यामल धवल हिलोरे । पुलकि सरीर भरत कर जोरे ॥
 सकल कामप्रद तीरथराऊ । वेद विदित जग प्रगट प्रभाऊ ॥
 माँगउँ भीख त्यागि निज धरमू । आरत काह न करइ कुकरमू ॥
 अस जिअँ जानि सुजान सुदानी । सकल करहिं जग जाचक बानी ॥
 दो०—अरथ न धरम न काम रुचि गति न चहउँ निरवान ।

जनम जनम रति राम पद येह बरदानु न आन ॥ २०४ ॥
 जानहुँ राम कुटिल करि मोही । लोग कहउ गुर साहिब द्रोही ॥
 सीताराम चरन रति मोरें । अनुदिन बढउ अनुग्रह तोरें ॥
 जलदु जनम भरि सुरति बिसारउ । जाचत जलु पबि पाहन डारउ ॥
 चातकु रटनि घटें घटि जाई । बड़े प्रेमु सब भाँति भलाई ॥
 कनकहि बान चढ़इ जिमि दाहें । तिमि प्रियतम पद नेम निबाहें ॥
 भरत बचन सुनि माँझ त्रिवेनी । भइ मृदु बानि सुमंगल देनी ॥
 तात भरत तुम्ह सब विधि साधू । राम चरन अनुराग अगाधू ॥

१—प्र० : करहिं । दि० : प्र० । [वृ०, च० : गरहिं] ।

२—प्र० : : इ । दि० : प्र० [(५) : जानहिं] । [वृ० : जानहिं] । च० : प्र० ।

बादि गलानि करहु मन माहीं । तुम्ह सम गमहिं कोउ प्रिय नाही ॥
दो०—जनु पुलकैउ हिय हगु सुनि बेनि बचन अनुकूल ।

भरत धन्य कहि धन्य सुर हरषित बरषहि फूल ॥२०५॥
प्रमुदित तीरथगज निवासी । वैषानस बटु गृही उदासी ॥
कहहिं परसपर मिलि दस पाँचा । भरत सनेहु सीलु सुचि साँचा ॥
सुनत राम गुन ग्राम सुहाए । भरद्वाज मुनिवर पहिं आए ॥
दंड प्रनामु कृत मुनि देखे । मूर्तिवंत१ भाग्य निज लेखे ॥
धाइ उठाइ लाइ उर लीन्हे । दीन्ह असोस कृतारथ कीन्हे ॥
आसनु दीन्ह नाइ सिरु बैठे । चहत सकुच गृहँ जनु भजि पैठे ॥
मुनि पूँअव किछु येह बड़ सोचू । बोले रिषि लखि सीलु सँकोचू ॥
सुनहु भरत हम सब सुधि पाई । बिधि करतव पर किछु न बसाई ॥
दो०—तुम्ह गलानि जिअँ जनि करहु समुझि मातु करतूनि ।

तात कइकइहि दोसु नहिं गई गिरा मति धृति ॥२०६॥
यहउ कहत भल कहिह न कोऊ । लोकु बेदु बुध संमत दोऊ ॥
तात तुम्हार बिमल जसु गाई । पाइहि लोकहु बेदु बड़ाई ॥
लोक बेद संमत सब कहई । जेहि पितु देइ राजु सो लहई ॥
राउ सत्यव्रत तुम्हहिं बोलाई२ । देत राजु सुख धरमु बड़ाई ॥
राम गवनु बन अनरथ मूला । जो सुनि सकल विस्व भइ सूला ॥
सो भावी बस रानि अयानी । करि कुचालि अंतहु पछितानी ॥
तहँउ तुम्हार अलप अपराधू । कहइ सो अघमु अयान असाधू ॥
करतेहु राजु तौ३ तुम्हहिं न दोसू । रामहि होत सुनत संतोषू ॥
दो०—अब अति कीन्हेहु भरत भल तुम्हहिं उचित मत एहु ।

सकल सुमंगल मूल जग रघुवर चरन सनेहु ॥२०७॥

१—प्र० : मूर्तिवंत । द्वि० : प्र० [(३) : मूर्तिवंत] । तृ० : प्र० । [च० : मूर्तिमंत] ।

२—प्र० : बोलाई । द्वि० : प्र० [(३) : बलाई] । तृ०, च० : प्र० ।

३—[प्र० : तो] । [द्वि० : तौ] । [तृ० : तो] । च० : त ।

सो तुम्हार धनु जीवनु प्राणा । भूरि भाग को तुम्हहिं समाना ॥
 येह तुम्हार आचरजु न ताता । दसरथ सुअन राम प्रिय आता ॥
 सुनहु भरत रघुपति मन माहीं । पेमपात्रु तुम्ह सम कोउ नाहीं ॥
 लखन राम सीतहि अति प्रीती । निसि सबु तुम्हहि सराहत बीतो ॥
 जाना मरमु नहात प्रयागा । मगन होहिं तुम्हरे अनुरागा ॥
 तुम्ह पर अस सनेहु रघुवर कै । सुखु जीवन जग जस जड़ नर कै ॥
 येह न अधिक रघुबीर बड़ाई । प्रनत कुटुंब पाल रघुराई ॥
 तुम्ह तौ भरत मोर मत येह । धरे देह जनु राम सनेह ॥
 दो०—तुम्ह कहँ भरत कलंक येह हम सब कहँ उपदेसु ।

राम भगति रस सिद्धि हित भा येह समउ गनेसु ॥२०८॥
 नव बिधु बिमल तात जसु तोरा । रघुवर किंकर कुमुद चकोरा ॥
 उदित सदा अँशइहि कबहूँ ना । घटिहि न जग नभ दिन दिन दूना ॥
 कोक तिलोक प्रीति अति करिही । प्रभु प्रतापु रबि छबिहि नहरिही ॥
 निसि दिन सुखद सदा सब काहू । असिहि न कइकइ करतबु राहू ॥
 पूरन राम सुपेम पियूषा । गुर अवमान^२ दोष नहिं दूषा ॥
 राम भगत अब अमिअ अघाहूँ । कीन्हिहु^३ सुलभ सुधा बसुधाहूँ ॥
 भूप भगीरथ सुरसरि आनी । सुमिरत सकल सुमंगल खानी ॥
 दसरथ गुन गन बरनि न जाहीं । अधिकु कहा जेहि सम जग नाहीं ॥
 दो०—जासु सनेह सकोच बस रामु प्रगट भए आई ।

जे हर हिय नयननि कबहूँ निरखे नहीं अघाइ ॥२०९॥
 कीरति बिधु तुम्ह कीन्हि^४ अनूपा । जहँ बस राम पेम मृग रूपा ॥

१—[प्र० : सुख] । द्वि०, तृ०, च० : सुख ।

२—प्र० : अवमान । द्वि० : प्र० [(४) (५) (५अ) : अपमान] । [तृ० : अपमान] । च० : प्र० [(५) : अपमान] ।

३—प्र० : कीन्हिहु । द्वि० : प्र० [(४) (५) (५अ) : कीन्हिहु] । [तृ० : कीन्हिहु] । च० : प्र० [(५) : कीन्हिहु] ।

४—प्र० : कीन्हि । द्वि० : प्र० [(४) (५) (५अ) : कीन्हि] । [तृ० : कीन्हि] । च० : प्र० ।

तात गलानि करहु जिअँ जाँँ । डरहु दरिद्रहि पागसु पाँँ ॥
 सुनहु भरत हम भूठ न कहीं । उदासीन तापस बन रहहीं ॥
 सब साधनु कर सुफल सुशवा । लखन राम सिय दरसन पावा ॥
 तेहिँ फत कर फलु दरसु तुम्हारा । सहित पयाग सुभाग हमारा ॥
 भरत धन्य तुम जग जस १ जयेऊ । कहि अस पेम मगन मुनि भएऊ ॥
 सुनि मुनि वचन सभासद हरषे । साधु सराहि सुमन सुर बरषे ॥
 धन्य धन्य धुनि गगन पयागा । सुनि सुनि भरतु मगन अनुरागा ॥
 दो०—पुलक गात हियँ रामु सिय सजल सरोरुह नयन ।

करि प्रनासु मुनि मंडिलिहि बोले गदगद वयन ॥२१०॥
 मुनि समाजु अरु तीरथराजू । साचिहु सपथ अघाइ अकाजू ॥
 येहि थल जौँ कछु कहिअ बनाई । येहि सम अधिकन अघ अघमाई ॥
 तुम्ह सर्वज्ञ कहौँ सतिभाऊ । उर अंतरजामी रघुराऊ ॥
 मोहि न मातु करतव कर सोचू । नहिँ दुख जिअँ जगजानहिँ पोचू ॥
 नाहिँन डरु बिगरहि परलोकू । पितहुँ मरन कर नाहिँन सोकू ॥
 सुकृत सुजसु भरि भुवन सुहाए । लखिमन राम सरिस सुत पाए ॥
 राम विरह सजि तनु छनभंगू । भूप सोच कर कवन प्रसंगू ॥
 राम लखन सिय विनु पग पनहीं । करि मुनि वेध फिरहिँ बनबनहीं ॥
 दो०—अजिन बसन फल असन महि सयन डसि कुस पात ।

बसितरुतर नित सहत हिम आतप बरषा बात ॥२११॥
 येहि दुख दाइ दहइ दिन छाती । भूख न वासर नींद न राती ॥
 येहि कुरोग कर ओषधु नाही । सोधेउँ सकल बिस्व मन माहीं ॥
 मातु कुमत बढ़ई अघमूला । तेहिँ हमार हित कीन्ह वँसूला ॥
 कलि कुकाठ कर कीन्ह कुजंत्रू । गाड़ि अवध पड़ि कठिन कुमंत्रू ॥

१—प्र० : जग जस । द्वि० : प्र० [(३) : जस जग] । तृ०, च० : प्र० [(२) : जस जग] ।

२—[प्र० : जानिहि] । द्वि०, तृ०, च० : जातहि ।

३—प्र० : नाहिँन । द्वि० : प्र० [(३) (४) (५) : सोहिँ न] । तृ० : प्र० । [च० : मोहिँ न] ।

मोहि लगि येहु कुठाटु तेहिं ठाट । बालेसि सवु जगु बारह बाटा ॥
 मिटइ कुजोगु^१ राम फिरि आएँ । बसइ अवध नहिं आन उपायें ॥
 भरत बचन सुनि मुनि सुखु पाई । सबहिं कीन्ह बहु भौंति बड़ाई ॥
 तात करहु जनि सोचु बिसेषी । सब दुखु मिटिहि राम पग देखी ॥
 दो०—करि प्रबोधु मुनिवर कहेउ अतिथि प्रेम प्रिय होहु ।

कंद मूल फल फूल हम देहिं लेहु करि ब्योहु ॥२१२॥
 सुनि मुनि बचन भरत हियँ सोचू । भएउ कुश्रवसरु कठिन सँकोचू ॥
 जानि गरुड गुर गिरा बहोरी । चरन बंदि बोले कर जोरी ॥
 सिर धरि आयेसु करिअ तुम्हारा । परम धरम येह नाथ हमारा ॥
 भरत बचन मुनिवर मन भाए । सुचि सेवक सिध निकट बुलाए ॥
 चाहिअ कीन्ह भरत पहुनाई । कंद मूल फल आनहु जाई ॥
 भलेहिं नाथ कहि तिन्ह सिर नाए । प्रमुदित निज निज काज सिधाए ॥
 मुनिहि सोचु पाहुन बड़ नेवता । तसि पूजा चाहिअ जस देवता ॥
 सुनि रिधि सिधि अनिमादिक आई । आयेसु होइ सो करहिं गोसाई ॥
 दो०—राम बिरह ब्याकुल भरतु सानुज सहिन समाज ।

पहुनाई करि हरहु समु कहा मुदित मुनिराज ॥२१३॥
 रिधि सिधि सिर धरि मुनिवर बानी । बड़ भागिनि आपुहि अनुमानी ॥
 कहहिं परसपर सिधि समुदाई । अतुलित अतिथि राम लघु भाई ॥
 मुनिपद बंदि करिअ सोइ आजू । होहिं सुखी सब राज समाजू ॥
 अस कहि रचेउ^२ रुचि गृह नाता । जेहि बिनोकि बिलखाहिं बिमाना ॥
 भोग विभूति भूरि भरि राखे । देखत जिन्हहिं अमर अभिलाषे ॥
 दासी दास साजु सब लीन्हे । जोगवत रहहिं मनहिं मनु दीन्हे ॥
 सबु समाजु सजि सिधि पल माहीं । जे सुख सपनेहुँ सुपुर नाहीं ॥
 प्रथमहिं बास दिए सब केही । सुंदर सुखद जथा रुचि जेही ॥

१—प्र० : कुजोगु । द्वि० : प्र० [(३) (४) : कुरोग] । [तृ० : कुरोग] । च० : प्र० ।

२—प्र० : रचेउ । द्वि० : प्र० । [तृ० : रचे] । च० : प्र० ।

दो०—बहुरि सपरिजन भरत कहूँ रिषि अस आयेसु दीन्ह ।

बिधि बिसमय दायकु बिभव मुनिवर तप बल कीन्ह ॥२१४॥
मुनि प्रभाउ जब भरत बिलोका । सब लघु लगे लोकपति लोका ॥
सुख समाजु नहिं जाइ बखानी । देखत बिरति बिसारहिं ज्ञानी ॥
आसन सयन सुवसन बिताना । बन बाटिका बिहँग मृग नाना ॥
सुरभि फूल फल अमिअ समाना । बिमल जलासय बिबिधि बिधाना ॥
असन पान सुचि अमिअ अमी से । देखि लोग सकुचात जमी से ॥
सुरसुभी सुरतरु सबही कैं । लखि अभिलाषु सुरेस सची कैं ॥
रितु बसंत वह त्रिविध बयारी । सब कहँ सुलभ पदारथ चारी ॥
सक चंदन बनितादिक भोगा । देखि हरष बिसमय बस लोगा ॥
दो०—संपति चकई भरतु चक्र मुनि आयेसु खेलवार ।

तेहि निसि आलम पिंजरा राखे भा भिनुसार ॥२१५॥
कीन्ह निमज्जनु तीरथराजा । नाइ मुनिहिं सिरु सहित समाजा ॥
रिषि आयेसु असोस सिर राखी । करि दंडवत बिनय बहु भाखी ॥
पथ गति कुसल साथ सब लीन्हे । चले चित्रकूटहि चितु दीन्हे ॥
रामसत्ता कर दीन्हे लागू । चलत देह धरि जनु अनुगगू ॥
नहिं पदत्रान सीस नहिं छाया । पेसु नेसु ब्रतु धरसु अमाया ॥
लखन राम सिय पंथ कहानी । पूँछत सखहि कहत मृदु बानी ॥
राम बास थल बिटप बिलोकैं । उर अनुराग रहत नहिं रोकैं ॥
देखि दसा सुर बरिसहिं फूला । भइ मृदु महि मगु मंगल मूला ॥
दो०—किए जाहिं छाया जलद सुखद बहइ बर बात ।

तस मगु भएउ न राम कहँ जस भा भरतहिं जात ॥२१६॥
जइ चेतन मग जीव घनेरे । जे चितए प्रभु जिन्ह प्रभु हेरे ॥
ते सब भए परम पद जोगू । भरत दरस मेठा भव रोगू ॥
येह बड़ि बात भरत कह नहिं । सुमिरत जिन्हहिं रामु मन माहीं ॥
बारक राम कहत जग जेऊ । होत तरन तारन नर तेऊ ॥

भरतु राम प्रिय पुनि लघु आता । कस न होइ मगु मंगलदाता ॥
 सिद्ध साधु मुनिबर अस कहहीं । भरतहिं निरखि हरषु हिय लहहीं ॥
 देखि प्रभाउ सुरेसहि सोचू । जगु भल भलेहि पोच कहूँ पोचू ॥
 गुर सन कहेउ करिअ प्रभु सोई । रामहि भरतहि भेंट न होई ॥
 दो०—रामु सँकोची प्रेमबस भरतु सुप्रेम^१ पयोधि ।

बनी बात बेगरन^२ चहति करिअ जतनु छलु सोधि ॥२१७॥
 बचन सुनत सुगुर सुसकाने । सहसनयनु भिनु लोचन जाने ॥
 कह गुर वादि छोभु छलु छाँडू । इहाँ कपट करि होइअ भाँडू ॥
 मायापति सेवक सन माया । करिअ त उलटि परइ सुरराया ॥
 तब किछु कीन्ह रामरुख जानी । अब कुचालि करि होइहि हानी ॥
 सुनि सुरेस रघुनाथ सुभाऊ । निज अपराध रिसाहिं न काऊ ॥
 जो अपराधु भगत कर कई । राम रोष पावक सो जरई ॥
 लोकहुँ बेद बिदित इतिहासा । येह महिमा जानहिं दुरबासा ॥
 भरत सरिस को राम सनेही । जगु जप राम रामु जप जेही ॥
 दो०—मनहुँ न आनिअ अमरपति रघुबर भगत अकाजु ।

अजसु लोक परलोक दुख दिन दिन सोक समाजु ॥२१८॥
 सुनु सुरेस उपदेसु हमारा । रामहिं सेवकु परम पिआरा ॥
 मानत सुखु सेवक सेवकाई । सेवक बैर बैर अधिकाई ॥
 जद्यपि सम नहिं राग न रोषू । गहहिं न पाप पुत्रु^३ गुन दोषू ॥
 कर्म प्रधान बिस्व करि राखा । जो जस करइ सो तस फलु चाखा ॥
 तदपि करहिं सम बिषम बिहारा । भगत अभगत^४ हृदय अनुसार ॥

१—प्र० : सुप्रेम । द्वि० : प्र० [(५अ) : सप्रेम] । तृ० : प्र० । च० प्र० [(८) : सप्रेम] ।

२—प्र० : बेगरन । द्वि० : प्र० [(४) (५) (५अ) : विगरन] । [तृ० : विगरन] । च० : प्र० [(८) : विगरन] ।

३—प्र० : पुत्रु । द्वि० : प्र० [(४) (५) (५अ) : पुन्य] । [तृ० : पुन्य] । च० : प्र० ।

४—[प्र० : भरत भगत] । [द्वि० : रघुपति भगत] । तृ० : भगत अभगत । च० : तृ० । [(८) : रघुपति भगत]

अगुन अलेख अमान एकरस । राम सगुन भए भगत प्रेम बस ॥
राम सदा सेवक रुचि राखी । बेद पुरान साधु सुर साखी ॥
अस जिअँ जानि तजहु कुटिलाई । कहु भरत पद प्रीति सुहाई ॥
दो०—रामभगत परहित निरत परदुख दुखी दयाल ।

भगत सिंगेमनि भरत तैं जनि डरपहु सुरपाल ॥२१६॥
सत्यसंध प्रभु सुग हितकागी । भरत राम आयेसु अनुसारी ॥
स्वारथ बिबस बिकल तुम्ह होहू । भरत दोषु नहिँ राउर मोहू ॥
सुनि सुरवर सुरगुर बर बानी । मा प्रमोदु मन मिटी ग्लानी ॥
बरषि प्रसून हरषि सुरगऊ । लगे सराहन भरत सुभाऊ ॥
येहि बिधि भग्नु चले मग जाहीं । दसा देखि मुनि सिद्ध सिहाहीं ॥
जबहिँ राम कहिँ लेहिँ उसासा । उमगत पेम मनहुँ चहुँ पाना ॥
द्रवहिँ बचन सुनि कुलिस पषाना । पुरजन पेम न जाइ बखाना ॥
बीच बास करि जमुनहि आए । निरखि नीरु लोचन जल छाए ॥
दो०—रघुवर बरन बिलोकि बर बारि समेत समाज ।

होत मगन बारिषि विरह चढ़े विबेक जहाज ॥२२०॥
जमुन तीर तेहिँ दिन करि बासू । भएउ समय सम सबहि सुपासू ॥
रातिहिँ घाट घाट की तरनी । आई अगनित जाहिँ न बरनी ॥
प्रात पार भए एकहिँ खेवाँ । तोषे रामसखा की सेवाँ ॥
चले नहाइ नदिहिँ सिरु नाई । साथ निषादनाथु दोउ भाई ॥
आगें मुनिवर बाहन आछें । राज समाजु जाइ सबु पाछें ॥
तेहि पाछें दोउ बंधु पयादें । भूषन बसन बेष सुठि सादें ॥
सेवक सुहृद सचिवसुत साथी । सुमिरत लखनु सीय रघुनाथा ॥
जहँ जहँ राम बास बिलासा । तहँ तहँ कहिँ सपेम प्रनामा ॥
दो०—मगबासी नर नारि सुनि धाम काम तजि धाइ ।

देखि सरूप सनेह सब मुदित जनम फलु पाइ ॥२२१॥

कहहिं सपेम एक एक पाहीं । राम लखनु सखि होहिं कि नाही ॥
 बय बपु बरन रूप सोइ आली । सीतु सनेहु सरिस सन चानी ॥
 बेषु न सो सखि सीय न संग । आगे अनी चली चतुरंगा ॥
 नहिं प्रसन्नमुख मनन खेदा । सखि सनेहु होइ येहि भेदा ॥
 तासु तरक तिअगन मन मानी । कहहिं सकल तेहि सन न सयानी ॥
 तेहि सराहि बानी फुरि पूजी । बोली मधुर वचन तिअ दूजी ॥
 कहि सपेम सब कथा प्रसंगू । जेहि बिधि राम राज रस भंगू ॥
 भरतहि बहुरि सगहन लागीं । सील सनेह सुभायँ सुभागी ॥
 दो०—चलत पयादे खात फल पिता दीन्ह तजि राजु ।

जात रनावन रघुवरहिं भरत सरिस को आजु ॥२२२॥
 मायप भगति भरतु आचरनू । कहत सुनत दुख दूषन हरनू ॥
 जो किछु कहब थोर सखि सोई । रामबधु अस काहे न होई ॥
 हम सब सानुज भरतहि देखें । भइन्ह धन्य जुवती जन लेखें ॥
 सुनि गुन देखि दसा पछिताहीं । कहकह जननि जोगु सुतु नाही ॥
 कोउ कह दूषनु रानिहि नाहिंन । बिधि सबु कीन्ह हमहि जो दाहिन ॥
 कहँ हम लोक बेद बिधि हीनी । लघु तिअ कुल करतूति मलीनी ॥
 बसहिं कुदेस कुगाँव कुवामा । कहँ येह दरसु पुन्य परिनामा ॥
 अस अनंदु अचिरिजु प्रति ग्रामा । जनु मरु भूमि कलपतरु जामा ॥
 दो०—भरत दरसु देखत खुलेउ मग लोगन्ह कर भागु ।

जनु सिंघलबासिन्ह भएउ बिधि बस सुलभ प्रयागु ॥२२३॥
 निज गुन सहित राम गुन गाथा । सुनत जाहिं सुमिति रघुनाथा ॥
 तीरथ मुनि आत्मन सुर धामा । निरखि निमज्जहिं कहिं प्रनामा ॥
 मनहीं मन माँगहिं बरु एहू । सीय राम पद पदुम सेहू ॥
 मिलहिं किरात कोल बनबासी । बैखानस बटु जती उदासी ॥
 करि प्रनामु पूँछहिं जेहि तेही । कहि बन लखनु राम बैदेही ॥
 ते प्रभु समाचार सब कहहीं । भरतहि देखि जनम फलु लहहीं ॥

जे जन कहहि कुसल हम देखे । ते प्रिय राम लखन सम लेखे ॥
येहि विधि वृष्णा सबहि सुवानी । सुनत राम वन बास कहानी ॥
दो०—तेहि बासर बसि प्रातहीं चले सुभिरि रघुनाथ ।

राम दरस की लालसा भरत सरिस सब साथ ॥२२४॥
मंगल सगुन होहिं सब काहू । फरकहिं सुखद विलोचन बाहू ॥
भरतहि सहित समाज उड़्यहू । मिलिहहिं रामु मिथिहि दुख दाहू १ ॥
करत मनोरथ जस जिअँ जाकें । जाहिं सनेह सुग सब छाकें ॥
मिथिल अंग पग मग डगि डोलहि । बिहबल वचन पेम बस बोलहि ॥
राम सखा तेहिं समय देखावा । सैल सिरोमनि सहज सुहावा ॥
जासु समीप सरित पय तीरा । सीय समेत बसहिं दोउ बीरा ॥
देखि कहिं सब दंड प्रनामा । कहि जय जानकिजीवन रामा ॥
प्रेम मगन अस राज समाजू । जनु फिरि अवध चले रघुराजू ॥
दो०—भरत पेमु तेहि समय जस तस कहि सकइ न सेषु ।

कबिहि अगम जिमि ब्रह्म सुखु अहमम मलिन जनेषु ॥२२५॥
सकल सनेह सिथिल रघुवर कैं । गए कोस दुइ दिनकर दरकैं ॥
जलु थलु देखि बसे निसि बीतैं । कीन्ह गवनु रघुनाथ पिरीतैं ॥
उहाँ रामु रजनी अवसेषा । जागे सीय सपन अस देखा ॥
सहित समाज भरत जनु आए । नाथ वियोग ताप तन ताए ॥
सकल मलिन मन दीन दुखारी । देखीं सासु आन अनुहारी ॥
सुनि सिय सपन भरे जल लोचन । भए सोच बस सोचबिपोचन ॥
लखन सपन यह नोक न हँई । कठिन कुचाह सुनाइहि कोई ॥
अस कहि बंधु समेत नहाने । पूजि पुरारि साधु सनमाने ॥
छं०—सनमानि सुर मुनि बंदि बैठे उतर दिसि देखत भए ।

नभ धूरि खग मृग भूरि भागे विकल प्रभु आस्रम गए ॥

तुलसी उठे अवलोकि कारनु काह चित सचकित^१ रहे ।
 सब समाचार किरात कोलन्हि आई तेहि अवसर कहे ॥
 सो०—सुनत सुमंगल बैन मन प्रमोद तन पुलक भर ।
 सद सरोरुह नैन तुलसी भरे सनेह जल ॥२२६॥
 बहुरि सोचवस भे सियरवनू । कारन कवन भरत आगमनू ॥
 एक आई अस कहा बहोरी । सेन संग चतुरंग न थोरी ॥
 सो सुनि रामहि भा अति सोचू । इत पितु बच उत बंधु सँकोचू ॥
 भरत सुमाउ समुझि मन माहीं । प्रभु चित हित थिति पावत नाहीं ॥
 समाधान तब भा यह जाने । भरतु कहे महुँ साधु सयाने ॥
 लखन लखेउ प्रभु हृदयँ खभारू । कहत समय सम नीति बिचारू ॥
 बिनु पूँछें कछु कहौँ गोसाई । सेवकु समय न ढीठ दिठाई ॥
 तुम्ह सर्वज्ञ सिरमनि स्वामी । आपनि समुझि कहइ^२ अनुगामी ॥
 दो०—नाथ सुहृद सुठि सरल चित सील सनेह निधान ।
 सब पर प्रीति प्रीति जिअँ जानिअ आपु समान ॥२२७॥
 बिषयी जीव पाइ प्रभुताई । मूढ मोहवस होहिँ जनाई ॥
 भरतु नति रत साधु सुजाना । प्रभु पद प्रेमु सकल जगु जाना ॥
 तेऊ आजु राजपदु पाई । चले धरम मरजाद मेठाई ॥
 कुटिल कुबंधु कुअवसर ताकी । जानि रामु बन वास एकाकी ॥
 करि कुमंत्रु मन साजि समाजू । आए करइ अकंटक राजू ॥
 कोटि प्रकार कल्पि कुटलाई । आए दलु बटोरि दोउ भाई ॥
 जौँ जिअँ होति न कपट कुचाली । केहि सोहाति रथ बाजिगजानी ॥
 भरतहि दोसु देइ को जाएँ । जग बौगइ राजपदु पाएँ ॥
 दो०—ससि गुर तिअ गामी नहुष चढ़ेउ भूमिसुर जान ।
 लोक बेद तैं बिमुख भा अधम न बैन समान ॥२२८॥

१—प्र० : सचकित । द्वि० : प्र० [(४) (५) (५अ) : चक्रित] । [तु० : चक्रित] । च० : प्र० ।

२—प्र० : कहइ । द्वि० : प्र० । [तु० : कहौँ] । च० : प्र० [(न) : कहौँ] ।

सहसबाहु सुरनाथ त्रिसंकू । केहि न राजमद दीन्ह कलंकू ॥
भरत कीन्ह येह उचित उभाऊ । रिपु रिन रंच न राखव काऊ ॥
एक कीन्हि नहिं भरत भलाई । निदरे राम जानि असहाई ॥
समुझि परिहि सोउ आजु बिसेषी । समर सरोष राम मुख पेखी ॥
एतना कहत नीत रस भूला । रन रस बिटु पुलक मिस फूला ॥
प्रभु एद बदि सोस रज राखी । बोले सत्य सहज बलु भाखी ॥
अनुचित नाथ न मानव मोरा । भरत हमहिं उपचरा^१ न थोरा ॥
कहँ लगि सहिअ रहिअ मनु मारै । नाथ साथ धनु हाथ हमारै ॥
दो०—छत्र^२ जाति रघुकुल जनमु राम अनुज^३ जगु जान ।

लातहुँ मारै चढ़ति सिर नीच को धूरि समान ॥२२६॥
उठि कर जोरि रजायेसु माँगा । मनहुँ बीररस सोवत जागा ॥
बाँधि जटा सिर कसि कटि भाथा । साजि सरासनु सायकु हाथा ॥
आजु राम सेवक जसु लेऊँ । भरतहि समर सिखावन देऊँ ॥
राम निरादर कर फलु पाई । सोवहुँ समर सेज दोउ भाई ॥
आइ बना भन सकल समाजू । प्रगट करौ रिस पाछिन आजू ॥
जिमि करि निकर दलइ मृगराजू । लेइ लपेटि लवा जिमि बाजू ॥
तैसेहिं भरतहि सेन समेता । सानुज निदरि निपातौं खेता ॥
जौं सहाय कर संकर आई । तौ मारौं रन राम दोहाई ॥
दो०—अति सरोष माषे लखनु लखि सुनि सपथ प्रवान ।

सभय लोक सब लोकपति चाहत भभरि भगान ॥२३०॥
जगु भय भगन गगन भइ बानी । लखन बाहु बलु विपुल बखानी ॥
तात प्रताप प्रभाउ तुम्हारा । को कहि सकइ को जाननिहारा ॥
अनुचित उचित काजु कछु होऊ । समुझि करिअ भल कह सबु कोऊ ॥

१—प्र० : उपचरा । [द्वि०, तृ० : उपाचार] । च० : प्र० [(न) : उपचार] ।

२—प्र० : छत्र । द्वि० : प्र० [(५) (५अ) : छत्रि] । [तृ० : छत्रि] । च० : प्र० [(न) : छत्रि] ।

३—प्र० : अनुज । द्वि०, तृ० : प्र० । [च० : अनुग] ।

सहसा करि पछें पछिताहीं । कहहिं बेद बुध ते बुध नाही ॥
 सुनि सुर बचन लखन सकुचाने । राम सीय सादर सनमाने ॥
 कही तात तुम्ह नीति सुहाई । सब तैं कठिन राजमदु भाई ॥
 जो अचरित नृप मातहिं तेई । नाहिंन साधु सभा जेहिं सेई ॥
 सुनहु लखन भल भरत सरीसा । बिधि प्रपंच महुँ सुना न दीसा ॥
 दो०—भातहि होइ न राजमदु बिधि हरि हर पद पाइ ।

कबहुँ क्री काँजी सीकरनि छीरसिंधु बिनसाइ ॥२३१॥
 तिमिर तरुन तरहिं मकु गिलई । गगनु मग न मकु मेवहि मिलई ॥
 गोपद जल बूड़हिं घटजोनी । सहज छमा बरु छाड़इ ब्योनी ॥
 मसक फूँक मकु मेरु उड़ाई । होइ न नृपमदु भरतहि भाई ॥
 लखन तुम्हार सपथ पितु आना । सुचि सुबंधु नहिं भरत समाना ॥
 सगुनु खीरु अवगुन जलु जाता । मिलइ रचइ परपंचु विधाता ॥
 भरतु हंस रवि बंस तड़ागा । जनमि कीन्ह गुन दोष विभागा ॥
 गहि गुन पथ तजि अवगुन बारी । निज जस जगत कीन्ह उजिआरी ॥
 कहत भरत गुन सीलु सुभाऊ । प्रेम पयोधि मगन रघुराऊ ॥
 दो०—सुनि रघुवर बानी विबुध देखि भरत पर हेतु ।

सकल सराहत राम सो प्रभु को कृपानिकेतु ॥२३२॥
 जौ न होत जग जनम भरत को । सकल धरम धुर धानि धरत को ॥
 कवि कुल अगम भरत गुन गाथा । को जानइ तुम्ह बिनु रघुनाथा ॥
 लखनु राम सिय सुनि सुर बानी । अति सुखु लहेउ न जाइ बखानी ॥
 इहाँ भरतु सब सहित सहाएँ । मंदाकिनी पुनीत नशाएँ ॥
 सरित समीप राखि सब लोगा । माँगि मातु गुर सचिव नियोगा ॥

१—प्र० : नृप माहिं । दि० : प्र० [(४) (५) : मातहिं नृप] । वृ०, च० : प्र० [(५) : माहिं नृप] ।

२—प्र० : जेहिं । दि० : प्र० [(४) (५) : जेइ] । वृ०, च० : प्र० ।

३—प्र० : मकु । दि० : प्र० । [वृ० : बरु] । च० : प्र० ।

चले भरतु जहँ सिय रघुराई । साथ निषादनाथु लघु भाई ॥
स्मुभि मातु करतव सकुचाहीं । करत कुतरक कोटि मन माहीं ॥
राम लखनु सिय सुनि मम नाऊँ । उठि जनि अनत जाहिं तजि ठाऊँ ॥
दो०—मातु मतेँ महुँ मानि भोहि जो कछु करहिं सो थोर ।

अथ अवगुन छमि आदरहिं स्मुभि आपनी ओर ॥२३३॥
जौं परिहरहिं मलिन मनु जानी । जौं सनमानहिं सेवकु मानी ॥
मोरे सरन राम^१ की पनहीं । राम सुस्वामि दोसु सब जन हीं ॥
जग जस भाजन चातक मीना । नेम पेम निज निधुन नवीना ॥
अस मन गुनत चले मग जाता । सकुच सनेह सिथिल सब गाता ॥
फेगति मनहिं मातृकृत खोरी । चलत भगति बल धीरज धोरी ॥
जब स्मुभक्त धुनाथ सुभाऊ । तब पथ परत उताइल पाऊ ॥
भरत दसा तेहि अवसर कैसी । जल प्रवाह जल अलि गति जैसी ॥
देखि भरत कर सोचु सनेह । भा निषाद तेहि समय बिदेह ॥
दो०—लगे होन मंगल सगुन सुनि गुनि^२ कहत निषादु ।

मिटिहि सोच होइहि हरषु पुनि परिनाम बिषादु ॥२३४॥
सेवक वचन सत्य सब जाने । आस्रम निकट जाइ निअराने ॥
भरत दीख बन सैल समाजू । मुदित छुधिता जनु पाइ सुनाजू ॥
ईति भीति जनु प्रजा दुखारी । त्रिविध ताप पीड़ित ग्रह मारी^३ ॥
जाइ सुगज सुदेस सुखारी । होहि भगत गति तेहि अनुहारी ॥
राम बास बन संशति आजा । सुखी प्रजा जनु पाइ सुगजा ॥
सचिव रिरागु बिबेकु नरेसू । बिपिन सुहावन पावन देसू ॥
भट जम नियम सैल रजधानी । सांति सुमति सुचि सुंदर रानी ॥
सकल अंग संपन्न सुगाऊ । रामचरन आसित चित चाऊ ॥

१—प्र० : राम । द्वि० : प्र० [(३) : रामहिं] । तृ० : प्र० । [च० : रामहिं] ।

२—[प्र० : गुन] । द्वि०, तृ०, च० : गुनि ।

३—[प्र०, द्वि०, तृ० : मारी] । च० : मारी [(न) : मारी] ।

दो०—जीति मोह महिपालु दत्त सहित बिबेक भुआलु ।

करत अकंटक राज्य पुर सुख संपदा सुकालु ॥२३५॥
 बन प्रदेश मुनि बास घनेरे । जनु पुर नगर गाउँगन खेरे ॥
 त्रिपुल त्रिचित्र त्रिहँग मृग नाना । प्रजा समाजु न जाइ बखाना ॥
 खगहा करि हरि बाघ बगहा । देखि महिष वृष^१ साजु सराहा ॥
 बयरु बिहाइ चरहिँ एक संगी । जहँ तहँ मनहुँ सेन चतुरंगा ॥
 भ्राना भ्ररहिँ मत्तगज गाजहिँ । मनहुँ निसान बिबिध बिधि बाजहिँ ॥
 चक्र चक्रोर चातक सुक पिक गन । कूजत मंजु मराल मुदितमन ॥
 अलिगन गावत नाचत मोरा । जनु सुाज मंगल चहुँ ओरा ॥
 बेलि बिटप तृन सरल सरूला । सब समाजु मुद मंगल मूना ॥
 दो०—राम सैल सोभा निरखि भरत हृदयँ अति पेमु ।

तापस तप फलु पाइ जिमि सुखी सिगने नेमु ॥२३६॥
 तब केवट ऊँचे चढ़ि धाई । कहेउ भरत सन भुजा उठाई ॥
 नाथ देखिअहिँ बिटप बिसाला । पाकरि जंबु रसाल तमाला ॥
 तिन्ह तरुबरन्ह मध्य बटु सोहा । मंजु बिसाल देखि मनु मोहा ॥
 नील सघन पल्लव फल लाला । अविचल^२ छाँह सुखद सब काला ॥
 मानहुँ तिप्पिर अरुनमय रासी । विरची बिधि सकेलि सुषमा सी ॥
 ये तरु सरित समीप गोसाईं । रघुबर पग्नकुटी जहँ छाई ॥
 तुलसी तरुबर बिबिध सुहाए । कहूँ कहूँ सिय कहूँ लखन लगाए ॥
 बट छायाँ बेदिका बनाई । सिय निज पानि सरोज सुाई ॥
 दो०—जहाँ बैठि मुनि गन सहित नित सिय रामु सुजान ।

सुनहिँ कथा इतिहास सब आगम निगम पुरान ॥२३७॥
 सखा बचन मुनि बिटप निहारी । उमगे भरत बिलोचन बारी ॥

१—प्र० : वृक । द्वि० : प्र० । तृ० : वृष । च० : वृ० ।

२—प्र० : अविचल । द्वि० : प्र० [(ः) : अविरल] । तृ० : प्र० । [च० : अविरल] ।

करत प्रनाम चले दोड भाई । कहत प्रीति सारद सकुचाई ॥
हरषहिं निरखि राम पद अंका । मानहुँ पारसु पाएउ रंका ॥
रज सिर धरि हिय नयनन्हि लावहिं । रघुबर मिलन सरिस मुख पावहिं ॥
देखि भरत गति अकथ अतीवा । प्रेम मगन मृग खग जड़ जीवा ॥
सखहिं सनेह विवस मग भूला । कहि सुपंथ सुर वरषहिं फूला ॥
निरखि सिद्ध साधक अनुरागे । सहज सनेहु सराहन लागे ॥
होत न भूतल भाउ भरत को । अचर सचर चर अचर करत को ॥
दो०—प्रेमु अमिअ मंदरु विरहु भरतु पयोधि गँभीर ।

मथि प्रगटेउ सुर साधु हित कृपासिंधु रघुबीर ॥२३८॥
सखा समेत मनोहर जोटा । लखेउ न लखन सघन बन ओटा ॥
भरत दीख प्रभु आसु पावन । सकल सुमंगल सदन सुहावन ॥
करत प्रवेस मिटे दुख दावा । जनु जोगी परमारथु पावा ॥
देखे भरत लखन प्रभु आगे । पूँछे बचन कहत अनुरागे ॥
सीस जटा कटि मुनिपट बाँधे । तून कसें कर सर धनु काँधे ॥
बेदी पर मुनि साधु समाजू । सीय सहित राजत रघुराजू ॥
बलकल वसन जटिल तनु स्यामा । जनु मुनि बेषु कीन्ह रति कामा ॥
कर कमलनि धनु सायकु फेरत । जिय१ की जरनि मनहुँ१ हँसि हेरत ॥
दो०—लसत मंजु मुनि मंडली मध्य सीय रघुचंदु ।

ज्ञान सभा जनु तनु धरे भगति सच्चिदानंदु ॥२३९॥
सानुज सखा समेत भगन मन । बिसरे हरष सोक सुख दुख गन ॥
पाहि नाथ कहि पाहि गोसाई । भूतल परे लकुट की नाई ॥
बचन सपेम लखन पहिचाने । करत प्रनामु भरत जिअँ जाने ॥
बंधु सनेह सरस३ येहि ओरा । उत साहिव सेवा बस४ जोरा ॥

१—प्र० : जिय । द्वि० : प्र० [(४) (५) : हिय] । तृ०, च० : प्र० ।

२—प्र० : मनहुँ । [द्वि०, तृ० : हरत] । च० : प्र० [(८) : हरत]

३—प्र० : सरस । द्वि० : प्र० । [तृ० : सरिस] । च० : प्र० ।

४—प्र० : बस । [द्वि०, तृ० : बर] । च० : प्र० ।

मिलि न जाइ नहिं गुदरत बनई । सुकवि लखन मन की गति भनई ॥
 रहे राखि सेवा पर भारू । चढ़ी चंग जनु खैंच खेलाखू ॥
 कहत सप्रेम नाइ महि माथा । भरत प्रनाम करत रघुनाथा ॥
 उठे रामु सुनि पेम अधीरा । कहूँ पट कहूँ निषंग धनु तीरा ॥
 दो०—वरवस लिए उठाइ उर लाए कृपानिधान ।

भरत राम की मिलनि लखि बिसरे ३ सबहि अपान ॥२४०॥
 मिलनि प्रीति किमि जाइ बखानी । कवि कुल अगम करम मन बानी ॥
 परम पेम पूरन दोउ भाई । मन बुधि चित अहमिति बिसराई ॥
 कहहु सुपेसु प्रगट को करई । केहि छायाँ कवि मति अनुसरई ४
 कबिहि अरथ आखर बलु साँचा । अनुहरि ताल गतिहि नटु नाचा ॥
 अगम सनेहु भरत रघुवर को । जहँ न जाइ मनु विधि हरि हर को ॥
 सो मइँ कुमति कहौँ केहि माँती । बाज सुराग कि गाँडर ताँती ॥
 मिलनि बिलोकि भरत रघुवर की । सुरगन सभय धकधकी धरकी ॥
 समुझाए सुरगुर जड़ जागे । वरषि प्रसून प्रसंसन लागे ॥
 दो०—मिलि सप्रेम रिपुसूदनहिं केवटु भेंटेउ राम ।

भूरि भायँ ५ भेंटे भरत लखिमन करत प्रनाम ॥२४१॥
 भेंटेउ लखन ललकि लघु भाई । बहुरि निषादु लीन्ह उर लाई ॥
 पुनि मुनिगन दुहुँ भाइन्ह बंदे । अभिमत आसिष पाइ अनंदे ॥
 सानुज भरत उमगि अनुरागा । धरि सिर सिय पद पदुम परागा ॥
 पुनि पुनि करत प्रनाम उटार । सिर कर कमल परसि बैठाए ॥
 सीय असीस दीन्ह मन माहीं । मगन सनेह देह सुधि नाहीं ॥
 सब विधि सानुकूल लखि सीता । मे निसोच उर अपडर बीता ॥
 कोउ किछु कहइ न कोउ किछु पूँछा । प्रेम भरा मन निज गति छूँछा ॥

३—प्र० : बिसरे । द्वि० : प्र० [(३) : बिसरा] । [वृ० : बिसरा] । च० : प्र० ।

४—[प्र० : मतिहि अनुहरई] । द्वि०, वृ०, च० : मति अनुसरई ।

५—प्र० : भायँ । द्वि० : प्र० । [वृ० : भाग] । च० : प्र०

तेहि अवसर केवटु धीरजु धरि । जोरि पानि बिनवत प्रनामु करि ॥
दो०—नाथ साथ मुनिनाथ के मातु सकल पुर लोग ।

सेवक सेनप सचिव सब आए बिकल वियोग ॥२४२॥
सीलसिंधु सुनि गुर आगवनू । सिय समीप राखे रिपुदवनू ॥
चले सवेग राम तेहि काला । धीर धरम धुर दीन दयाला ॥
गुरहि देखि सानुज अनुरागे । दंड प्रनाम करन प्रभु लागे ॥
मुनिवर धाइ लिप उर लाई । प्रेम उमगि भेंटे दोउ भाई ॥
प्रेम पुलकि केवट कहि नाम । कीन्ह दूरि तें दंड प्रनामू ॥
रामसखा रिषि बरबस भेंटा । जनु महि लुटत^१ सनेह समेटा ॥
रघुपति भगति सुमंगल मूला । नभ सराहिं सुर बरषहिं^२ फूला ॥
येहि सम निपट नीच कोउ नाहीं । बड़ बसिष्ठ सम को जग माहीं ॥
दो०—जेहि लखि लखनहूँ तें अधिक मिले मुदित मुनिराउ ।

सो सीतापति भजन को प्रगट प्रताप प्रभाउ ॥२४३॥
आरत लोग राम सब जाना । करुनाकर सुजान भगवाना ॥
जो जेहि भायँ रहा अभिलाषी । तेहि तेहि कै तसि तसि रुख राखी ॥
सानुज मिलि पल महूँ सब काहू । कीन्ह दूरि दुखु दारुन दाहू ॥
येह बड़ि बात राम कै नाहीं । जिमि घट कोटि एक रवि छाँहीं ॥
मिलि केवटहि उमगि अनुरागा । पुरजन सकल सराहिं भागा ॥
देखीं राम दुखित महतारी । जनु सुबेलि अवलीं हिम मारी ॥
प्रथम राम भेंटी कैकई । सरल सुमायँ भगति मति भेई ॥
पग परि कीन्ह प्रबोधु बहोरी । काल करम बिधि सिर धरि खोरी ॥
दो०—भेंटी रघुवर मातु सब करि प्रबोधु परितोषु ।

अब ईस आधीन जगु काहु न देइअ दोसु ॥२४४॥

१—प्र० : लुटत । द्वि०, तृ० : प्र० । [च० : लुटत] ।

२—प्र० : बरषहिं । द्वि०, तृ० : प्र० । [च० : बरिसहिं] ।

गुरतिअ पद बंदे दुहुँ भाई । सहित विप्रतिअ जे सँग आई ॥
 गंग गौरि सम सब सनमानी । देहिं असीस मुदित मृदु बानी ॥
 गहि पद लगे सुमित्रा अंका । जनु भैंटी संपति अति रंका ॥
 पुनि जननी चरननि दोउ आता । परे पेम व्याकुल सब गाता ॥
 अति अनुराग अंब उर लाए । नयन सनेह सलिल अन्हवाए ॥
 तेहि अवसर कर हरष बिषादू । किमि कबिकहइ मूक जिमि स्वादू ॥
 मिलि जननिहि सानुज रघुराऊ । गुर सन कहेउ कि धारिअ पाऊ ॥
 पुरजन पाइ मुनीस नियोगू । जल थल तकि तकि उतरेउ लोगू ॥
 दौ०—महिसुर मंत्री मातु गुर गने लोग लए साथ ।

पावन आसुमु गवनु किए भरत लखन रघुनाथ ॥ २४५ ॥

सीय आई मुनिवर पग लागी । उचित असीस लही मन माँगी ॥
 गुरपतिनिहिं मुनितिअन्ह समेता । मिलीं पेसु कहि जाइ न जेता ॥
 बंदि बंदि पग सिय सबही के । आसिरवचन लहे प्रिय जी के ॥
 सासु सकल जब सीय^१ निहारी । मूँदे नयन सहमि सुकुमारी ॥
 परीं बधिक बस मनहुँ मराली । काह कीन्ह करतार कुचाली ॥
 तिन्ह सिय निरखि निपट दुख पावा । सो सबु सहिअ जो दैउ सहावा ॥
 जनकसुता तब उर धरि धीरा । नील नलिन लोयन भरि नीरा ॥
 मिली सकल सासुन्ह सिय जाई । तेहि अवसर करुना महि छाई ॥
 दो०—लागि लागि पग सबनि सिय भेंटति अति अनुराग ।

हृदयँ असंसहिं पेमबस रहिअहु भरी सोहाग ॥ २४६ ॥
 बिकल सनेह सीय सब रानी । बैठन सबहिं कहेउ गुर ज्ञानी ॥
 कहि जग गति मायिक मुनिनाथा । कहे कछुक परमारथ गाथा ॥
 नृप कर सुरपुर गवनु सुनावा । सुनि रघुनाथ दुसह दुखु पावा ॥
 मरन हेतु निज नेहु बिचारी । भे अति बिकल धीर धुर धारी ॥

कुलिस कठोर सुनत कटु बानी । विलपत लखन सीय सब रानी ॥
सोक विकल अति सकल समाजू । मानहुँ राजु अकाजेउ आजू ॥
मुनिबर बहुरि राम समुझाए । सहित समाज सुसरित नहाए ॥
व्रतु निरंखु तेहि दिन प्रभु कीन्हा । मुनिहुँ कहैं जलु काहु न लीन्हा ॥
दो०—भोरु भएँ रघुनंदनहिँ जो मुनि आयेसु दीन्हा ।

श्रद्धा भगति समेत प्रभु सो सब सादर कीन्हा ॥२४७॥
करि पितु क्रिया बेद जसि बरनी । भे पुनीत पातक तम तरनी ॥
जासु नाम पावक अघ तूला । सुमिरत सकल सुमंगल मूला ॥
सुद्ध सो भएउ साधु संमत अस । तीरथ आवाहन सुरसरि जस ॥
सुद्ध भएँ दुइ बासर बीते । बोले गुर सन मातु^१ पिरीते ॥
नाथ लोग सब निपट दुखारी । कंद मूल फल अंबु अहारी ॥
सानुज भरतु सचिव सब माता । देखि मोहि पल जिमि जुग जाता ॥
सब समेत पुर धारिअ पाऊ । आपु इहाँ अमरावति राऊ ॥
बहुतु कहेउँ सब^२ किएउँ ढिठाई । उचित होइ तस करिअ गोसाईँ ॥
दो०—धरम सेतु करुनायतन कस न कहहु अस राम ।

लोग दुखित दिन दुइ दरसु देखि लहहुँ बिस्राम ॥२४८॥
राम वचन सुनि सभय समाजू । जनु जलनिधि महुँ विकल जहाजू ॥
सुनि गुर गिरा सुमंगल मूला । भएउ मनहुँ मारुत अनुकूला ॥
पावनि पय तिहुँ काल नहाहीं । जो बिलोकि अघ ओघ नसाहीं ॥
मंगल मूर्ति लोचन भरि भरि । निरखहिँ हरषि दंडवत करि करि ॥
राम सैल वन देखन जाहीं । जहँ सुख सकल सकल दुख नाहीं ॥
भरना भरहिँ सुधा सम बारी । त्रिविध तापहर त्रिविध बयारी ॥
विटप बेलि तृन अगनित जाती । फल प्रसून पल्लव बहु भाँती ॥

१—प्र० : मातु । [द्वि० : (२) (४) (५) राम ; (५अ) पेम] । [तृ० : राम] । च० : प्र०
[(८) : राम] ।

२—प्र० : सब । द्वि०, तृ०, च० : प्र० [(६) : वस] ।

सुंदर सिला सुखद तरु छाहीं । जाइ बरनि वन छवि केहि पाहीं ॥
दो०—सरनि सरोरुह जल बिहंग कूजत गुंजत भृंग ।

वैर विगत बिहरत विपिन मृग बिहंग बहु रंग ॥ २४६ ॥
कोल किरात मिल्ल बनवासी । मधु सुचि सुंदर स्वाद सुधा सी ॥
भरि भरि परन पुटी रचि खुरी । कंद मूल फल अंकुर जूरी ॥
सबहिं देहिं करि विनय प्रनामा । कहि कहि स्वाद भेद गुन नामा ॥
देहिं लोग बहु मोल न लेहीं । फेरत राम दोहाई देहीं ॥
कहहिं सनेह मगन मृदु बानी । मानत साधु पेस पहिचानी ॥
तुम्ह सुकृती हम नीच निषादा । पावा दरसनु राम प्रसादा ॥
हमहिं अगम अति दरसु तुम्हारा । जस मरु धरनि देवसरि धारा ॥
राम कृपाल निषाद नेवाजा । परिजन प्रजउ चहिअ जस राजा ॥
दो०—यह जिअ जानि सँकोचु तजि करिअ छोडु लखि नेहु ।

हमहिं कृतारथ करन लागि फल वृन अंकुर लेहु ॥ २५० ॥
तुम्ह प्रिय पाहुने वन पगु धारे । सेवा जोगु न भाग हमारे ॥
देव काह हम तुम्हहि गोसाई । ईधनु पात किरात मिताई ॥
यह हमारि अति बड़ि सेवकाई । लेहिं न बासन बसन चोराई ॥
हम जड़ जीव जीवगन घाती । कुटिल कुचाली कुमति कुजाती ॥
पाप करत निसि बासर जाहीं । नहिं पट कटि नहिं पेट अघाहीं ॥
सपनेहुँ धरम बुद्धि कस काऊ । येह रघुनंदन दरस प्रभाऊ ॥
जब तैं प्रसु पद पदुम निहारे । मिटे दुसह दुख दोष हमारे ॥
वचन सुनत पुरजन अनुरागे । तिन्हके भाग सराहन लागे ॥

छं०—लागे सराहन भाग सब अनुराग बचन सुनावहीं ।

बोलनि मिलनि सिय राम चरन सनेहु लखि सुखु पावहीं ॥
नर नारि निदरहिं नेहु निज सुनि कोल भिल्लनि की गिरा ।
तुलसी कृपा रघुवंसमनि की लोह लै नौका तिरा ॥

सो०—बिहरहि वन चहुँ ओर प्रति दिन प्रसुदित लोग सब ।

जल ज्यों दादुर मोर भए पीन पावस प्रथम ॥२५१॥
पुर नर नारि मगन अति प्रीती । बासर जाहिं पलक सम बीती ॥
सीय सासु प्रति बेप बनाई । सादर करइ सरिस सेवकाई ॥
लखा न मरमु राम विनु काहूँ । माया सब सिय माया माहूँ ॥
सीय सासु सेवा बस कीन्ही । तिन्हलहिसुख सिखआसिष दीन्ही ॥
लखि सिय सहित सरल दोउ भाई । कुटिल रानि पछितानि अघाई ॥
अवनि जमहि जाचति कैकई । महि न मीचु विधि मीचु न देई ॥
लोकहुँ बेद विदित कवि कहहीं । राम विमुख थलु नरक न लहहीं ॥
यहु संसउ सबकें मन माहीं । राम गवनु विधि अवध कि नाही ॥
दो०—निसि न नींद नहिं भूव दिन भरतु विकल सुठि१ सोच ।

नीच क्रीव बिच मगन जस मीनहि सलिल सँकोच ॥२५२॥
क्रीन्ह मातु मिस काल कुचात्ती । ईति भीति जस पाकत साली ॥
केहि विधि होइ राम अभिषेकू । मोहि अवकलत उपाउ न एकू ॥
अवसि फिरहिं गुर आयेसु मानी । मुनि पुनि कहव राम रुचि जानी ॥
मातु कहेहु बहुरहिं रघुराऊ । रामजननि हठ करवि कि काऊ ॥
मोहि अनुचर कर केतिक बाता । तेहि महँ कुसुमउ वाम विधाता ॥
जौं हठ करैं त निपट कुकरमू । हर२ गिरि तें गुरु सेवक धरमू ॥
एकउ जुगुति न मन ठहरानी । सोचत भरतहिं रैन विहानी ॥
प्रात नहाइ प्रसुहि सिरु नाई । बैठत पठए रिषयँ बोलाई ॥
दो०—गुरु पद कमल प्रनामु करि बैठे आयेसु पाइ ।

बिप्र महाजन सचिव सब जुरे सभासद आइ ॥२५३॥
बोले मुनिवर समय समाना । सुनहुँ सभासद भरत सुजाना ॥
धरम धुरीन भानुकुल भानू । राजा राम स्ववस भगवानू ॥

१—प्र०, द्वि०, तृ० : सुठि । [च० : सुचि] ।

२—[प्र० : हर] । द्वि० : हर [(३) : हइ] । तृ०, च० : द्वि० ।

सत्यसंध पालक श्रुति सेतू । राम जनमु जग मंगल हेतू ॥
 गुर पितु मातु बचन अनुसारी । खल दलु दलन देव हितकारी ॥
 नीति प्रीति परमारथ स्वारथु । कोउ न राम सम जान जथारथु ॥
 बिधि हरि हरु ससि रवि दिसिपाला । माया जीव करम कुलि काला ॥
 अहिप महिप जहँ लगि प्रभुताई । जोग सिद्धिः निगमागम गाई ॥
 करि विचार जिअँ देखहु नीकँ । राम रजाइ सीस सबही कँ ॥
 दो०—राखें राम रजाइ रुख हम सब कर हित होइ ।

समुझि सयाने करहु अब सब मिलि संमत सोइ ॥२५४॥
 सब कहँ सुखद राम अभिषेकू । गंगल मोद मूल मगु एकू ॥
 केहि बिधि अवध चलहिं रघुराऊ । कहहु समुझि सोइ करिअ उपाऊ ॥
 सब सादर सुनि मुनिवर बानी । नय परमारथ स्वारथ सानी ॥
 उतरु न आव लोग भए भोरे । तब सिरु नाइ भरत कर जोरे ॥
 भानुबंस भए भूप घनेरे । अधिक एक तें एक बढेरे ॥
 जनम हेतु सब कहँ पितु माता । करम सुभासुभ देइ विधाता ॥
 दलि दुख सजइ सकल कल्याना । अस असीस राउरि जगु जाना ॥
 सो गोसाईं बिधि गति जेहिं छेकी । सकइ को टारि टेक जो टेकी ॥
 दो०—बूझिअ मोहि उपाउ अब सो सब मोर अभागु ।

सुनि सनेहमय बचन गुर, उर उमंगा अनुरागु ॥२५५॥
 तात बात फुरि राम कृपाहीं । राम बिमुख सिधि सपनेहुँ नाहीं ॥
 सकुचौं तात कहत एक वाता । अरध तजहिं बुध सरबसु जाता ॥
 तुम्ह कानन गवनहु दोउ भाई । फेरिअहि लखनु सीय रघुराई ॥
 सुनि सुबचन हरषे दोउ आता । मे प्रमोद परिपूरन गाता ॥
 मन प्रसन्न तन तेजु बिराजा । जनु जिए राउ रामु भए राजा ॥
 बहुतु लाभु लोगन्ह लघु हानी । सम दुख सुख सब रोवहिं रानी ॥

कहहिं भरतु मुनि कहा सो कीन्हें । फलु जग जीवन्ह अभिमत दीन्है ॥
 कानन करउँ जनम भरि वासू । येहि ते अधिक न मोर सुवासू ॥
 दो०—अंतरजामी रामु सिय तुम्ह सर्वज्ञ सुजान ।

जौं फुर कहहु त नाथ निज कीजिअ बचनु प्रवान ॥२५६॥
 भरत बचन सुनि देखि सनेहू । सभा सहित मुनि भएउ विदेहू ॥
 भरत महा महिमा जलरासी । मुनि मति ठाढ़ि तीर अबला सी ॥
 गा चह पार जतनु हियँ हेरा । पावत नाव न बोहितु बेरा ॥
 औरु करिहि को भरत बड़ाई । सरसी सीपि कि१ भिंधु समाई ॥
 भरतु मुनिहि मन भीतर भाए । सहित समाज राम पहिँ आए ॥
 प्रभु प्रनामु करि दीन्ह सुआसनु । बैठे सब सुनि मुनि अनुमासनु ॥
 बोले मुनिवरु बचन बिचारी । देस काल अवसर अनुहारी ॥
 सुनहु राम सर्वज्ञ सुजाना । धरम नीति गुन ज्ञान निधाना ॥
 दो०—सब के उर अंतर बसहु जानहु भाउ कुभाउ ।

पुर्जन जननी भरत हित होइ सो कहिअ उपाउ ॥२५७॥
 आरत कहहिं विचारि न काऊ । सूझु जुआरिहि आपन दाऊ ॥
 सुनि मुनि बचन कहत रघुराऊ । नाथ तुम्हारेहि हाथ उपाऊ ॥
 सब कर हित रुख राउरि राखें । आयेसु किएँ मुदित फुर भाखें ॥
 प्रथम जो आयेसु मो कहँ होई । माथे मानि करउँ सिख सोई ॥
 पुनि जेहि कहँ जस कहव गोसाई । सो सब भौंति बटिहि सेवकाई ॥
 कह मुनि राम सत्य तुम्ह भाषा । भरत सनेह बिचारु न राखा ॥
 तेहि तैं कहउँ बहोरि बहोरी । भरत भगति बस भइ मति मोरी ॥
 मोरें जान भरत रुचि राखी । जो कीजिअ सो सुभ सिव साखी ॥
 दो०—भरत बिनय सादर मुनिअँ करिअँ बिचारु बहोरि ।

करव साधुमत लोकमत नृपनय निगम निचोरि ॥२५८॥

१—प्र० : सरसी सीपि कि । द्वि० : प्र० [(४) (५) (५अ) : सरसीपी किमि] । [वृ० : सरसीपी किमि] । च० : प्र० ।

गुर अनुरागु भरत पर देखी । राम हृदयँ आनंदु बिसेपी ॥
 भरतहि धरमधुरंधर जानी । निज सेवक तन मानस बानी ॥
 बोले गुर आयेसु अनुकूला । बचन मंजु मृदु मंगल मूना ॥
 नाथ सगथ पितु चरन दोहाई । भरत न भुअन भरत सम भाई ॥
 जे गुर पद अंबुज अनुरागी । ते लोकहुँ बेदहुँ बड़भागी ॥
 राउर जा पर अस अनुरागू । को कहि सकइ भरत कर भागू ॥
 लखि लघु बंधु बुद्धि सकुचाई । करत बदन पर भरत बड़ाई ॥
 भरतु कटहि सोइ किएँ भजाई । अस कहि रामु रहे अरगाई ॥
 दो०—तब मुनि बोले भरत सन सब सँकोचु तजि तात ।

कृपासिंधु प्रिय बंधु सन कहहु हृदय कइ बात ॥२५२॥
 मुनि मुनि बचन राम रुख पाई । गुर साहिव अनुकूल अवाई ॥
 लखि अपने सिर सबु छरुमारु । कहि न सकहिं किछु करहिं विचारु ॥
 पुलकि सरीर समौ भए ठाढ़े । नीरज नयन नेह जल बाढ़े ॥
 कहव मोर मुनिगथ निवाहा । येहि तैं अधिक कहौं मैं काहा ॥
 मई जानउँ निज नाथ मुभाऊ । अपराधिहु पर कोह न काऊ ॥
 मो पर कृपा सनेहु बिसेपी । खेलत खुनिस न कवहुँ देखी ॥
 सिधुपन तैं परिहरेउँ न संगू । कवहुँ न कीन्ह मोर मन भंगू ॥
 मई प्रभु कृपा रीति जिअ जोही । हारेहुँ खेल जिताबहिं मोही ॥
 दो०—महँ सनेह सकोच बस सनमुख कहे न बचन ।

दारसन लुपित न आजु लगि पेम पियासे नयन ॥२६०॥
 विधि न सकेउ सहि मोर दुलारा । नीच बीचु जननी मिस पारा ॥
 येहउ कहत मोहि आजु न सोभा । अपनी समुक्ति साधु सुचि को भा ॥
 मातु मंदि मई साधु सुचाली । उर अस आनत कोटि कुचाली ॥
 फरइ कि कोदव बालि सुसाली । मुक्ता प्रसव कि संबुक्त काली १ ॥

सपनेहुँ दोस कलेसु न काहू । मोर अभाग उदधि अवगाहू ॥
 विनु समझै निज अघ पगिपाकू । जारिउँ जायँ जननि कहि काकू ॥
 हृदयँ हेरि हारेउँ सब ओराँ । एकहिं भौंति भलेहिं भल मोराँ ॥
 गुर गोसाईं साहिव सिय रामू । लागत मोहि नीक परिनामू ॥
 दो०—साधु समौं गुर प्रभु निकट कहउँ सुथज सतिभाउ ।

प्रेम प्रपंचु कि भूठ फुर जानहिं मुनि रघुनाउ ॥२६१॥
 भूषति मरनु प्रेम पनु राखी । जननी कुमति जगतु सबु साखी ॥
 देखि न जाहिं विकल महतारी । जरहिं दुसह जर पुर नर नारी ॥
 महीं सकल अनरथ कर मूला । सो मुनि समुझि सहिउँ सब सूना ॥
 सुनि बन गवनु कौन्ह रघुनाथा । करि मुनि वेष लखनु सिय साथा ॥
 विनु पानहिन्ह पयादेहि पाएँ । संकरु साधि रहेउँ येहि घाँएँ ॥
 बहुरि निहारि निषाद सनेहू । कुलिस कठिन उर भएउ न बेहू ॥
 अब सनु आँखिन्ह देखेउँ आई । जिअत जीव जइ सबइ सहाई ॥
 जिन्हहि निरखि मग साँपिनि बीछी । तजहिं विषम विष तामस १ तीछी ॥
 दो०—तेइ रघुनंदनु लखनु सिय अनहित लागे जाहि ।

तासु तनय तजि दुसह दुख दैउ सहावइ काहि ॥२६२॥
 सुनि अति विकल भरत बर बानी । आरति प्रीति बिनय नय सानी ॥
 सोक मगन सब सभा खभारू । मनहुँ कमल बन परेउ तुषारू ॥
 कहि अनेक विधि कथा पुरानी । भरत प्रबोधु कीन्ह मुनि ज्ञानी ॥
 बोले उचित वचन रघुनंदू । दिनकर कुल कैव बन चंदू ॥
 तात जायँ जिअ करहु गलानी । ईस अधीन जीव गति जानी ॥
 तीन काल तिभुअन मत मोरै । पुन्यसिलोक तात तर तोरै ॥
 उर आनत तुम्ह पर कुटिलाई । जाइ लोक परलोक नसाई ॥

१—[प्र० : तापस] । द्वि० : तामस [(५अ) : तापस] । तृ० : द्वि० । च० : द्वि०
 [(६) : तापस] ।

दोसु देहिं जननिहि जड़ तेई । जिन्ह गुर साधु सभा नहिं सेई ॥

दो०—मिटिहइ पापप्रपंच सब अखिल अमंगल भार ।

लोक सुजसु परलोक सुख सुमिरत नामु तुम्हार ॥२६३॥

कहउँ सुभाउ सत्य सिव साखी । भरत भूमि रह राउरि राखी ॥

तात कुतरक करहु जनि जाएँ । बैर प्रेमु नहिं दुरइ दुराएँ ॥

मुनिगन निकट बिहँग मृग जाहीं । बाधक बधिक बिलोकि पराहीं ॥

हित अनहित पसु पच्छिउ जाना । मानुष तनु गुन ज्ञान निधाना ॥

तात तुम्हहि मई जानेउँ नीकें । करउँ काह असमंजसु जी कें ॥

राखेउ रायँ सत्य मोहि त्यागी । तनु परिहरेउ पेम पन लागी ॥

तासु बचन मेटत मन सोचू । तेहि तैं अधिक तुम्हार सँकोचू ॥

तापर गुर मोहि आयेसु दीन्हा । अवसि जो कहहु चहउँ सोइ कोन्हा ॥

दो०—मनु प्रसन्न करि सकुच तजि कहहु करउँ सोइ आजु ।

सत्यसंध रघुबर बचन सुनि भा सुखी समाजु ॥२६४॥

सुरगन सहित सभय सुरराजू । सोचहिं चाहत होन अकाजू ॥

करत उपाउ बनत कछु नाहीं । राम सरन सब गे मन माहीं ॥

बहुरि विचारि परसपर कहहीं । रघुपति भगत भगति बस अहहीं ॥

सुधि करि अंबरीष दुरवासा । भे सुर सुरपति निकट निरासा ॥

सहे सुरन्ह बहु काल विषादा । नरहरि किए प्रगट प्रहलादा ॥

लगि लगि कान कहहिं धुनि माथा । अब सुर काज भरत कें हाथा ॥

आन उपाउ न देखिअ देवा । मानत राम सुसेवक सेवा ॥

हिय सपेम सुमिरहु सब भरतहिं । निज गुन सील राम बस करतहिं ॥

दो०—सुनि सुर मत सुरगुर कहेउ भल तुम्हार बड़ भागु ।

सकल सुगंगल मूल जग भरत चरन अनुरागु ॥२६५॥

सीतापति सेवक सेवकाई । कामधेनु सय सरिस सुहाई ॥

भरत भगति तुम्हरे मन आई । तजहु सोचु विधि बात बनाई ॥

देखु देवपति भरत प्रभाऊ । सहज सुभाय विवस रघुराऊ ॥

मन थिर करहु देव डरु नहीं । भरतहि जानि राम परिछाहीं ॥
सुनि सुरगुर सुर संमत सोचू । अंतरजामी प्रभुहि सँकोचू ॥
निज सिर भारु भरत जिय जाना । करत कोटि विधि उर अनुमाना ॥
करि विचारु मन दीन्ही ठीका । राम रजायेसु आपन नीका ॥
निज पन तजि राखेउ पनु मोरा । छोहु सनेहु कीन्ह नहिं थोरा ॥
दो०—कीन्ह अनुग्रह अमित अति सब विधि सीतानाथ ।

करि प्रनामु बोले भरतु जोरि जलज जुग हाथ ॥२६६॥
कहउँ कहावउँ का अब स्वामी । कृपा अंबुनिधि अंतरजामी ॥
गुर प्रसन्न साहिव अनुकूला । मिटी मज्जिन मन कलपित सूला ॥
अपडर डरेउँ न सोच समूलैं । रविहि न दोसु देव दिसि भूले ॥
मोर अभागु मातु कुटिलाई । बिधि गति बिषम काल कठिनाई ॥
पाउ रोपि सब मिलि मोहि घाला । प्रनतपाल पन आपन पाला ॥
येह नइ रीति न राउरि होई । लोकहुँ वेद विदित नहिं गोई ॥
जगु अनभल भल एकु गोसाईं । कहिअ होइ भल कासु भलाई ॥
देउ देवतरु सरिस सुभाऊ । सनमुख विमुखन काहुहिं काऊ ॥
दो०—जाइ निकट पहिचानि तरु छाँह समनि सब सोच ।

माँगत अभिमत पाव जगु राउ रंकु भल पोच ॥२६७॥
लखि सब विधि गुर स्वामि सनेह । मिटेउ छोभु नहिं मन संदेह ॥
अब करुनाकर कीजिअ सोई । जन हित प्रभु चित छोभु न होई ॥
जो सेवकु साहिवहि सँकोची । निज हित चइइ तासु मति पोची ॥
सेवक हित साहिव सेवकाई । करइ सकल सुख लोभ विहाई ॥
स्वारथु नाथ फिरैं सबहीं का । किएँ रजाइ कोटि विधि नीका ॥
येह स्वारथ परमारथ सारू । सकल सुकृत फल सुगति सिंगारू ॥
देव एक बिनती सुनि मोरी । उचित होइ तस करव बहोरी ॥
तिलक समाजु साजि सबु आना । करिअ सुफल प्रभु जौ मनु माना ॥

दो०—सानुज पठइअ मोहि वन कीजिअ सबहि सनाथ ।

नतर फेरिअहिं बंधु दोउ नाथ चलउँ मैं साथ ॥२६८॥
 नतर जाहिं वन तीनिउँ भाई । बहुरिअ सीय सहित रघुराई ॥
 जेहिं विधि प्रभु प्रसन्न मन होई । करुणासागर कीजिअ सोई ॥
 देव दीन्ह सब मोहि अमारू^१ । मोरें नीति न धरम बिचारू ॥
 कहउँ वचन सब स्वारथ हेतू । रहत न आरत केँ चित चेतू ॥
 उतर देइ सुनि स्वामि रजाई । सो सेवकु लखि लाज लजाई ॥
 अस मैं अवगुन उदवि अगाधू । स्वामि सनेह सराहत साधू ॥
 अब कृपाल मोहि सो मत भावा । सकुच स्वामि मन जाइ न पावा ॥
 प्रभु पद सपथ कहउँ सतिभाऊ । जग मंगल हित एक उपाऊ ॥
 दो०—प्रभु प्रसन्न मन सकुच तजि जो जेहि आयेसु देब ।

सो सिर धरि धरि करहि सबु मिटिहि अनट अवरेब ॥२६९॥
 भरत वचन सुचि सुनि सुर हरषे । साधु सराहि सुमन सुर बरषे ॥
 असमंजस बस अवध नेवासी । प्रमुदित मन तापस बनवासी ॥
 लुपहिं रहे रघुनाथ सँकोची । प्रभु गति देखि सभा सब सोची ॥
 जनक दूत तेहिं अवसर आए । मुनि बसिष्ठ सुनि बेगि बोलाए ॥
 करि प्रनामु तिन्ह राम निहारे । बेष्ट देखि भए निपट दुखारे ॥
 दूतन्ह मुनिवर बूझी वाता । कहहु विदेह भूप कुसलाता ॥
 सुनि सकुचाइ नइ महि माथा । बोले चर वर जोरें हाथा ॥
 बूझव राउर सादर साईं । कुसल हेतु सो भएउ गोसाईं ॥
 दो०—नाहिं त कोसलनाथ केँ साथ कुसल गइ नाथ ।

मिथिला अवध बिसेष तैं जगु सब भएउ अनाथ ॥२७०॥
 कोसलपति गति सुनि जनकौरा । भे सब लोक सोकबस बौरा ॥
 जेहि देखे तेहिं समय बिदेह । नामु सत्य अस लाग न केहू ॥

रानि कुचालि सुनत नरपालहि । सूझन कछु जस मनि विनुव्यालहि ॥
भरत राजु रघुवर वनवासू । भा मिथिलेसहि हृदयँ हराँसू ॥
नृप बूझे बुध सचिव समाजू । कहहु विचारि उचित का आजू ॥
समुझि अवध असमंजस दोऊ । चलिअ कि रहिअ न कह बलुकोऊ ॥
नृपहिं धीर धरि हृदयँ विचारी । पठए अवध चनुर चर चारी ॥
बूझि भरत सतिभाव कुभाऊ । आएहु बेगि न होइ लखाऊ ॥
दो०—गए अवध चर भरत गति बूझि देखि करतूति ।

चले चित्रकूटहि भरतु चार चले तेरहूति ॥२७१॥
दूतन्ह आई भरत कह करनी । जनक सनाज जथामति वरनी ॥
मुनि गुर परिजन सचिव महीपति । भे सब सोच सनेह विकल अति ॥
धरि धीरजु करि भरत बड़ाई । लिप सुभट साहनी बोलाई ॥
घर पुर देस राखि रखवारे । हय गय रथ बहु जान सँवारे ॥
दुधरी साधि चले ततकाला । क्रिये विस्वामु न मग महिपाला ॥
भोरहिं आजु नहाइ प्रयागा । चले जमुन उतरन सबु लागा ॥
खवरि लेन हम पठए नाथा । तिन्ह कहि असमहि नाएउ माथा ॥
साथ किरात छ सातक दीहे । मुनिवर तुरत बिदा चर कीन्हे ॥
दो०—सुनत जनक आगवनु सबु हरषेउ अवध समाजु ।

रघुनंदनहि सकोचु बड़ सोच विवस सुरराजु ॥२७२॥
गरइ गलानि कुटिल कैकेई । काहि कहइ केहि दूषनु देई ॥
अस मन आनि मुदित नर नारी । भएउ बहोरि रहव दिन चारी ॥
येहि प्रकार गत बासर सोऊ । प्रात नहान लाग सबु कोऊ ॥
करि मण्डजनु पूजहिं नर नारी । गनप गौरि तिपुरारि^१ तनारी ॥
रमारमन पद बंदि बहोरी । बिनबहिं अंजुलि अंचल जेरी ॥
राजा रामु जानकी रानी । आनँद अवधि अवध रजधानी ॥

१—प्र० : गनय गौरि तिपुरारि । द्वि० : प्र० [(४) (५) (५अ) : गनपति गौरि पुरारि] ।
[च० : गनपति गौरि पुरारि] । च० : प्र० ।

सुवस बसउ फिरि सहित समाजा । भरतहि रामु करहुँ जुवराजा ॥
 येहि सुख सुधा सीचि सब काहू । देव देहु जग जीवन लाहू ॥
 दो०—गुर समाज भाइन्ह सहित रामराजु पुर होउ ।

अवधत राम राजा अवध मरिअ माँग सबु कोउ ॥२७३॥
 सुनि सनेहमय पुरजन बानी । निंदहिं जोग विरति मुनि ज्ञानी ॥
 येहि विधि नित्य करम करि पुरजन । रामहिं करहिं प्रनाम पुलकि तन ॥
 ऊँच नीच मध्यम नर नारी । लहहिं दसु निज निज अनुहारी ॥
 सावधान सबही सनमानहिं । सकल सराहत कृपानिधानहिं ॥
 लरिकाइहिं तैं रघुवर बानी । पालत नीति प्रीति पहिबानी ॥
 सील सँकोच सिंधु रघुराऊ । सुमुख सुलोचन सरल सुभाऊ ॥
 कहत राम गुन गन अनुरागे । सब निज भाग सराहन लागे ॥
 हम सम पुन्यपुंज जग थोरे । जिन्हहि राम जानत करि मोरें ॥
 दो०—प्रेम मगन तेहि समय सब सुनि आवत मिथिलेसु ।

सहित सभा संभ्रम उठेउ रबिकुल कमल दिनेसु ॥२७४॥
 भाइ सचिव गुर पुरजन साथ । आगैं गवनु कीन्ह रघुनाथा ॥
 गिरिबर दीख जनकपति जबहीं । करि प्रनामु रथ त्यागेउ तबहीं ॥
 राम दसु लालसा उछाहू । पथ सम लेसु कलेसु न काहू ॥
 मन तहँ जहँ रघुवर बैदेही । बिनु मन तन दुख सुख सुधि केही ॥
 आवत जनकु चले येहि भाँती । सहित समाज प्रेम मति माती ॥
 आए निकट देखि अनुरागे । सादर मिलन परसपर लागे ॥
 लगे जनकु मुनि जन पद बंदन । रिषिन्ह प्रनामु कीन्ह रघुनंदन ॥
 भाइन्ह सहित रामु मिलि राजहिं । चले लवाइ समेत समाजहिं ॥
 दो०—आस्रम सागर सांत रस पूरन पावन पाथु ।

सेन मनहुँ करुना सरित लिए जात रघुनाथु ॥२७५॥
 बोरति ज्ञान विराग करारे । बचन ससोक मिलत नद नारे ॥
 सोच उसास समीर तरंगा । धीरज तट तरुवर कर भंगा ॥

विषम विषाद तोरावति धारा । भय भ्रम भँवर अवर्त अपारा ॥
 केवट बुध विद्या बड़ि नावा । सकहिं न खेइ ऐक नहिं आवा १ ॥
 वनचर कोल किरात बिचारे । थके वितोकि पथिक हियँ हारे ॥
 आस्रम उदधि मिली जव जाई । मनहुँ उठेउ अंगुधि अकुलाई ॥
 सोक विकल दोउ राज समाजा । रहा न ज्ञानु न धीरजु लाजा ॥
 भूप रूप गुन सील सराही । रोवहिं सोक सिंधु अवगाही ॥
 छं०—अवगाहि सोक? समुद्र सोचहिं नारि नर व्याकुल महा ।

दै दोष सकल सरोष बोलहिं वाम बिधि कीन्हो कहा ॥

सुर सिद्ध तापस जोगिजन मुनि देखि दसा विदेह की ।

तुलसी न समरथु कोउ जो तरि सकै सरित सनेह की ॥

सो०—किए अमित उपदेस जहँ तहँ लोगन्ह मुनिवरन्ह ।

धीरजु धरिअ नरेस कहेउ वसिष्ठ विदेह सन ॥ २७६ ॥

जासु ज्ञानु रवि भव निसि नासा । बचन किरन मुनि कमल बिकास ॥

तेहिं कि मोह ममता निअराई । येह सिव राम सनेह बड़ाई ॥

बिषयी साधक सिद्ध सयाने । त्रिविध जीव जग वेद बखाने ॥

राम सनेह सरस मन जासू । साधु सभौ बड़ आदर तासू ॥

सोह न राम पेम बिनु ज्ञानु । करनधार बिनु जिभि जलजानू ॥

मुनि बहु विधि विदेहु समुझाए । रामघाट सब लोग नहाए ॥

सकल सोक संकुल नर नारी । सो बासरु वीतेउ बिनु बारी ॥

पसु खग मृगन्ह न कीन्ह अहारु । प्रिय परिजन कर कौनु बिचारु ॥

दो०—झोउ समाज निमिराजु रघुराजु ज्ञहाने प्रात ।

बैठे सब बट बिटप तर मन मलीन कूस गात ॥ २७७ ॥

जे महिसुर दसरथपुर बासी । जे मिथिलापति नगर नेवासी ॥

१—[प्र० पावा] । द्वि० : आवा । तृ०, च० : द्वि० [(६) : पावा] ।

२—प्र०, द्वि०, तृ० : सोक । [च० : सोच] ।

हंसवंस गुर^१ जनक पुरोध। जिन्ह जग मगु परमारथु सोधा ॥
 लगे कहन उपदेस अनेका । सहित धरम नय बिरति विवेका ॥
 कौसिक कहि कहि कथा पुरानी । समुझाई सब सभा सुबानी ॥
 तब रघुनाथ कौसिकहि कहेऊ । नाथ कालि जल विनु सबु रहेऊ ॥
 मुनि कह उचित कहत रघुराई । गएउ बीति दिन पहर अढ़ाई ॥
 रिषि रख लखि कह तेरहुति राजू । इहाँ उचित नहि असन अनाजू ॥
 कहा भूप भल सबहि सोहाना । पाइ रजायेसु चले नहाना ॥
 दो०—तेहि अवसर फल फूल दल मूल अनेक प्रकार ।

लइ आए बनचर बिपुल भरि भरि काँवरि भार ॥२७८॥
 कामद भे गिरि राम प्रसादा । अवलोकत अपहरत विषादा ॥
 सर सरिता बन भूमि बिभागा । जनु उमगत आनंद अनुरागा ॥
 बेलि बिटप सब सफल सफूला । बोलत खग मृग अलि अनुकूना ॥
 तेहि अवसर बन अधिक उछाहू । त्रिविध समीर सुखद सब काहू ॥
 जइ न बरनि मनोहरताई । जनु महि करत जनक पहुनाई ॥
 तब सब लोग नहाइ नहाई । राम जनक मुनि आयेसु पाई ॥
 देखि देखि तरुवर अनुरागे । जहँ तहँ पुरजन उतरन लागे ॥
 दल फल मूल कंद बिधि नाना । पावन सुंदर सुधा समाना ॥
 दो०—सादर सब कहँ रामगुर पठए भरि भरि भार ।

पूजि पितर सुर अतिथि गुर लगे करन फलहार ॥२७९॥
 येहि बिधि बासर बीते चारी । रामु निरखि नर नारि सुखारी ॥
 दुहुँ समाज असि रुचि मन माहीं । विनु सिय राम फिरब भल नाहीं ॥
 सीता राम संग बनवासू । कोटि अमरपुर सरिस सुपासू ॥
 परिहरि लखन रामु बैदेही । जेहि घरु भाव बाम बिधि तेही ॥
 दाहिन दइउ होइ जब सबहीं । राम समीप बसिअ बन तबहीं ॥

मंदाकिनि मज्जनु तिहुँ काला । राम दरसु सुद मंगल माला ॥
अटनु रामगिरि बन तापस थल । असनु अमित्र सम कंद मूल फल ॥
सुख समेत संवत दुइ साता । पल सम होहि न जनिअहि जाता ॥
दो०—येहि सुख जोग न लोग सब कहहि कहाँ अस भागु ।

सहज सुभाय समाज दुहुँ राम चरन अनुगगु ॥२८०॥
येहि विधि सकल मनोरथ करहीं । वचन सप्रेम सुनत मन हरहीं ॥
सीय मातु तेहि समयँ पठाई । दासी देखि सुअवसर आई ॥
सावकास सुनि सब सिय सासू । आएउ जनकराज रानिवासू ॥
कौसल्या सादर सनमानी । आसन दिए समय सम आनी ॥
सीलु सनेहु सकल^१ दुहुँ ओरा । द्रवहि देखि सुनि कुलिस कठोरा ॥
पुलक सिथिल तन वारि विलोचन । महि नख लिखन लगीं सब सोचन ॥
सब सिय राम प्रीति कि सीं मूरति । जनु करुना बहु वेष विसृति ॥
सीय मातु कह विधि बुधि बाँकी । जो पय फेनु फोर पवि टाँकी ॥
दो०—सुनिअ सुधा देखिअहिं गरल सब करतूनि कराल ।

जहँ तहँ काक उलूक वक्र मानस सकृत् मराल ॥२८१॥
सुनि ससोच कह देवि सुमित्रा । विधि गति बड़ि विपरीत विचित्रा ॥
जो सृजि पालइ हरइ बहोरी । बाल केलि सम विधि मति भोरी ॥
कौसल्या कह दोसु न काह । करम विवस दुखु सुखु छति लाह ॥
कठिन करम गति जान विधाता । जो^२ सुभ असुभ सकल फलदाता ॥
ईस रजाइ सीस सबहीं कै । उत्पति थिति लय विषहु अमी कै ॥
देवि मोहबस सोचिअ बादी । विधि प्रपंचु अस अचल अनादी ॥
भूपति जिअव मरव उर आनी । सोचिअ सखि लखि निज हितहानी ॥
सीयमातु कह सत्य सुबानी । सुकृती अवधिरे अवधपति रानी ॥

१—प्र० : सकल । द्वि० : प्र० [(५) : सरस] । [तृ० : सरस] । च० : प्र० ।

२—प्र० जो । द्वि० : प्र० । [तृ० : सो] । च० : प्र० ।

३—[प्र० : अवध] द्वि०, तृ०, च० : अवधि [(६) : अवध] ।

दो०—लखनु रामु सिय जाहुँ वन भल परिनाम न पोचु ।

गहवरि हिय कह कौसिला मोहि भरत कर सोचु ॥२८२॥
 ईस. प्रसाद असीस तुम्हारी । सुत सुतबधूँ बिबुध^१ सरि बारी ॥
 रामसपथ मैं कीन्हि न काऊ । सो करि कहौ सखी सतिभाऊ ॥
 भरत सील गुन बिनय बडाई । भायप भगति भरोस भलाई ॥
 कहत सारदहु कर मति हीचे । सागर सीपि कि जाहिँ उलीचे ॥
 जानउँ सदा भरत कुलदीपा । बार बार मोहि कहेउ महीपा ॥
 कसैं कनकु मनि पारिखि पाएँ । पुरुष परिखिअहिँ समय सुभाएँ ॥
 अनुचित आजु कहब अस मोरा । सोक सनेह सयानप थोरा ॥
 सुनि सुरसरि सम पावनि बानीं । भईं सनेह बिकल सब रानीं ॥
 दो०—कौसल्या कह धीर धरि सुनहु देवि मिथिलेसि ।

को विवेकनिधि बल्लभहि तुम्हहि सकइ उपदेसि ॥२८३॥
 रानि राय सन अवसरु पाई । अपनी भाँति कहब समुझाई ॥
 रखिअहिँ लखनु भरतु गवनहिँ वन । जौं येह मत मानइ महीप मन ॥
 तौ भल जन्नु करब सुबिचारी । मोरें सोचु भरत कर भारी ॥
 गूढ़ सनेह भरत मन माहीं । रहैं नीक मोहि लागत नाहीं ॥
 लखि सुभाउ सुनि सरल सुबानी । सब भईं मगन करुन रस रानी ॥
 नभ प्रसून भरि धन्य धन्य धुनि । सिथिल सनेह सिद्ध जोगी मुनि ॥
 सबु रनिअसु बिथकि लखि रहेऊ । तब धरि धीर सुमित्रा कहेऊ ॥
 देवि दंड जुग जामिनि बीती । राममातु सुनि उठी सप्रीती ॥
 दो०—बेगि पाउ धारिअ थलहिँ कह सनेह सतिभाय ।

हमरें तौ अब ईसर गति कै मिथिलेसु सहाय ॥२८४॥
 लखि सनेहु सुनि बचन बिनीता । जनकप्रिया गहे पायं पुनीता ॥

१—प्र० : बिबुध । द्वि० : प्र० [(४) (५) (५अ) : देव] । [वृ० : देव] । च० : प्र० [(८) : देव] ।

२—[प्र० : भूप] । द्वि०, वृ०, च० : ईस [(६) : भूप] ।

देवि उचित असि बिनय तुम्हारी । दसरथ धरिनि राम महतारी ॥
 प्रभु अपने नीचहुँ आदरहीं । अग्नि धूम गिरि सिर तिन घरहीं ॥
 सेवक राउ करम मन बानी । सदा सहाय महेसु भवानी ॥
 रौरे अंग जोगु जग को है । दीप सहाय कि दिनकर सोहै ॥
 राम जाइ बन करि सुर काजू । अचल अवधपुर करिहहिं राजू ॥
 अमर नाग नर राम बाहु बल । सुख बसिहहिं अपने अपने थल ॥
 यह सब जागबलिक कहि राखा । देवि न होइ मुधा मुनि भाखा ॥
 दो०—अस कहि पग परि पेम अति सिय हित बिनय सुनाइ ।

सिय समेत सियमातु तव चली सुआयेसु पाइ ॥२८५॥
 प्रिय परिजनहिं मिली बैदेही । जो जेहिं जोगु भोंति तेहिं तेही ॥
 तापस वेप जानकी देखी । भा सबु बिकल विषाद बिसेषी ॥
 जनक रामगुर आयेसु पाई । चले थलहिं सिय देखी आई ॥
 लीन्ह लाइ उर जनक जानकी । पाहुनि पावन पेम प्राण की ॥
 उर उमगेउ अंबुधि अनुरागू । भएउ भूप मनु मनहुँ पयागू ॥
 सिय सनेह बटु बाढ़त जोहा । तापर राम पेम सिसु सोहा ॥
 चिरजीवी मुनि ज्ञानु बिकल जनु । बूढ़त लहेउ बाल अवलंबनु ॥
 मोह मगन मति नहिं विदेह की । महिमा सिय खुबर सनेह की ॥
 दो०—सिय पितु मातु सनेह बस बिकल न सकी सँभारि ।

धरनिमुता धीरजु धरेउ समउ सुधरमु विचारि ॥२८६॥
 तापस वेप जनक सिय देखी । भएउ पेम परितोषु बिसेषी ॥
 पुत्र पवित्र किए कुल दोऊ । सुजस धवल जगु कह सबु कोऊ ॥
 जमि सुरसरि कीरति सरि तोरी । गवनु कीन्ह विधि अंड करोरी ॥
 गंग अवनि थल तीनि बड़ेरे । येहि किये साधु समाज घनेरे ॥
 पितु कह सत्य सनेह सुबानी । सीय सकुच महुँ^१ मनहुँ समानी ॥

पुनि पितु मातु लीन्हि उर लाई । सिख आसिष हित दीन्हि सुहाई ॥
 कहति न सीयं सकुचि मन माहीं । इहाँ वसव रजनी भल नाहीं ॥
 लखि रूखु रानि जनाएउ राऊ । हृदयँ सराहत सीलु सुभाऊ ॥
 दो०—बारवार मिलि भेंटि सिय बिदा कीन्हि सनमानि ।

कही समय सिर भक्त गति रानि सुवानि सथानि ॥ २८७ ॥
 सुनि भूषाल भक्त व्यवहारू । सोन सुगंध सुधा ससि सारू ॥
 मूंदे सजल नवन पुलके तन । सुत्रसु सराहन लगे सुदित मन ॥
 सावधान सुनु सुमुखि सुनोचनि । भरत कथा भवबंध विमोचनि ॥
 धरम राजनय ब्रह्मविचारू । इहाँ जयामति मोर प्रचारू ॥
 सो मति मोरि^१ भरत महिमा हीं । कहइ काह बलि छुअति न बाहीं ॥
 विधि गनपति अहिपति सिव सारद । कवि कोविद बुध बुद्धि बिसारद ॥
 भरत चरित कीरति करतूती । धरम सील गुन विमल विभूती ॥
 समुझत सुनत सुखद सब काहू । सुचि सुसरि रुचि निदर सुधा हूँ ॥
 दो०—निरवधि गुन निरुपम पुरुषु भरतु भरत सम जानि ।

कहिअ सुमेरु कि सेर सम कवि कुल मति सकुचानि ॥ २८८ ॥
 अगम सबहिं बरनत बर बरनी । जिमि जलहीन मीन गमु धरनी ॥
 भरत अमित महिमा सुनु रानी । जानहिं रामु न सकहिं बखानी ॥
 बरनि सप्रेम भरत अनुभाऊ । तिअ जिअकी रुचि लखि कह राऊ ॥
 बहुगहिं लखनु भरतु बन जाहीं । सब कर भल सबकें मन माहीं ॥
 देवि परंतु भरत रघुवर की । प्रीति प्रीति जाइ नहिं तरकी ॥
 भरतु अवधि सनेह ममता की । जद्यपि रामु सीव^२ समता की ॥
 परमार्थ स्वारथ सुख सारे । भरत न सपनेहुँ मनहुँ निहारे ॥
 साधन सिद्धि राम पग नेहू । मोहि लखि परत भरत मत येहू ॥

१—[प्र० : मोर] । द्वि०, तृ० : मोरि । [च० : मोर] ।

२—प्र० : सीव । द्वि० : प्र० [(३) : सीय] । तृ० : प्र० । [च० : सीय] ।

दो०—भोरेहुँ भरत न पेलिहहि मनसहुँ राम रजाइ ।

करिअ न सोचु सनेह बस कहेउ भूप बिलखाइ ॥२८६॥
राम भरत गुन गनत सप्रीतो । निसि दंपतिहि पलक सम बीती ॥
राज समाज प्रात जुग जागे । न्हाइ न्हाइ सुर पूजन लागे ॥
गे नहाइ गुरु पहिं रघुराई । बंदि चरन बोले रुख पाई ॥
नाथ भरतु पुरजन महतारी । सोक विकल बनवास दुखारी ॥
सहित समाज राउ निथिलेसू । बहुत दिवस भए सहत कलेसू ॥
उचित होइ सोइ कीजिअ नाथा । हित सब हीं कर रौरेँ हाथा ॥
अस कहि अति सकुचे रघुराऊ । मुनि पुलके लखि सीलु मुभाऊ ॥
तुम्ह बिन राम सकल सुख साजा । नरक सरिस दुहुँ राज समाजा ॥

दो०—प्राण प्राण के जीव के जिव सुख के सुख राम ।

तुम्ह तजि तात सुहात गृह जिन्हहि तिन्हहि विधि वाम ॥२८७॥
सो सुख करम धरमु जरि जाऊ । जहँ न राम पद पंकज भाऊ ॥
जोगु कुजोगु ज्ञानु अज्ञानु । जहँ नहिं राम प्रेम परधानु ॥
तुम्ह बिनु दुखी सुखी तुम्हते हीं । तुम्ह जानहु जिअँ जो जेहि केहीं ॥
राउर आयेसु सिर सबही कै । विदित कृमालहि गति सब नीकै ॥
आपु आत्महिं धारिअ पाऊ । भएउ सनेह सिथिल मुनिराऊ ॥
करि प्रनांसु तब रामु सिधाए । रिपि धरि धीर जनक पहिं आए ॥
राम बचन गुर नृपहि सुनाए । सील सनेह सुभायँ सुहाए ॥
महाराज अब कीजिअ सोई । सब कर धरमसहित हित होई ॥
दो०—ज्ञाननिधान सुजान सुचि धरमधीर नरपाल ।

तुम्ह बिनु असमंजस समन को संमरथ येहि काल ॥२८८॥
मुनि मुनिवचन जनक अनुरागे । लखि गति ज्ञानु विरागु विरागे ॥
सिथिल सनेह गुनत मन माहीं । आए इहाँ कीन्हि भलि नाहीं ॥
रामहि राय कहेउ बन जाना । कीन्ह आपु प्रिय प्रेम प्रवाना ॥

हम अब बन तैं बनहि पठाई । प्रमुदित फिरत विवेक बड़ाई १ ॥
 तापस मुनि महिसुर सुनि देखी । भए प्रेमवस विकल बिसेषी ॥
 समउ समुष्कि धरि धीरजु राजा । चले भरत पहिँ सहित समाजा ॥
 भरत आइ आगें भइ लीन्है । अवसर सरिस सुआसन दीन्है ॥
 तात भरत कह तेरहुतिराऊ । तुम्हहि विदिन रघुवीर सुभाऊ ॥
 दो०—राम सत्यव्रत धरमरत सब कर सीलु सनेहु ।

संकट सहत सकोचवस कहिअ जो आयेसु देहु ॥२६२॥
 मुनि लन पुलकि नयन भरि वारी । बोले भरतु धीर धरि भारी ॥
 प्रभु प्रिय पूज्य पिता सम आपू । कुलगुरु सम हित माय न बापू ॥
 कौसिकादि मुनि सचिव समाजू । ज्ञान अंबुनिधि आपुनु आजू ॥
 सिसु सेवकु आयेसु अनुगामी । जानि मोहि सिख देइअ स्वामी ॥
 येहि समाज थल बूझव राउर । मौन मलिन मैं बोलव बाउर ॥
 छोटे बदन कहौं बड़ि बाता । छमव तात लखि बाम बिधाता ॥
 आगम निगम प्रसिद्ध पुराना । सेवाधरमु कठिन जगु जाना ॥
 स्वामि धरम स्वारथहि विरोधू । बैरु अंधु प्रेमहि न प्रबोधू ॥
 दो०—राखि राम रुख धरमु ब्रतु पराधीन मोहि जानि

सब कैं संमत सर्व हित करिअ प्रेसु पहिचानि ॥२६३॥
 भरत वचन सुनि देखि सुभाऊ । सहित समाज सराहत राऊ ॥
 सुगम अगम मृदु मंजु कठोरे । अरथु अमित अति आखर थोरे ॥
 ज्यों मुखु मुकुर मुकुरु निज पानी । गहि न जाइ अस अदभुत बानी ॥
 भूपु भरतु मुनि साधु समाजू । गे जहँ बिबुध कुमुद द्विजराजू ॥
 सुनि सुधि सोच बिकल सब लोगा । मनहुँ मीनगन नव जल जोगा ॥
 देव प्रथम कुलगुर गति देखी । निरखि बिदेह सनेह बिसेषी ॥
 राम भगतिमय भरतु निहारे । सुर स्वारथी हहरि हिय हारे ॥

सब कोउ राम प्रेममय पेखा । भए अलेख सोचवस 'लेखा ॥

दो०—रामु सनेह सँकोच बस कह ससोच सुराजु ।

रचहु प्रपंचहि पंच मिलि नाहिं त भएउ अकाजु ॥२१४॥

सुन्ह सुमिरि सारदा सराही । देवि देव सरनागत पाही ॥

फेरि भरत मति करि निज माया । पालु बिबुध कुल करि बल छाया ॥

बिबुध विनय सुनि देवि सयानी । बोली सुर स्वारथ जड़ जानी ॥

मोसन कहहु भरत मति फेरू । लोचन सहस न सूझ सुमेरू ॥

विधि हरि हर माया बड़ि भारी । सोउ न भरत मति सकइ निहारी ॥

सो मति मोहि कहत करु भोरी । चंदिनि कर कि चंडकर^१ चोरी ॥

भरत हृदयँ सिय राम निवासू । तहँ कि तिमिरि जहँ तरनि प्रकासू ॥

अस कहि सारद गइ विधि लोका । बिबुध बिकल निसि मानहुँ कोका ॥

दो०—सुर स्वारथी मलीन मन कीन्ह कुमंत्र कुठाडु ।

रचि प्रपंच माया प्रबल भय भ्रम अरति उचाडु ॥२१५॥

करि कुचालि सोचत सुराजु । भरत हाथ सबु काजु अकाजु ॥

गए जनकु रघुनाथ समीपा । सनमाने सब रबिकुल दीपा^२ ॥

समय समाज धरम अविराधा । बोले तब रघुवंस पुरोधा ॥

जनक भरत संवादु सुनाई । भरत कहाउति कही सुहाई ॥

तात राम जस आयेसु देह । सो सबु करइ मोर मत येह ॥

सुनि रघुनाथु जोरि जुग पानी । बोले सत्य सरल मृदु बानी ॥

बिद्यमान आपुनु मिथिलेसू । मोर कहव सब भौंति भदेसू ॥

राउर राय रजायेसु होई । राउरि सपथ सही सिर सोई ॥

दो०—राम सपथ सुनि मुनि जनकु सकुचे सभा समेत ।

सकल बिलोकत भरत मुख बनइ न उत्तर देत ॥२१६॥

१—प्र०: चंडकर । [दि०, वृ०: चंडु कर] । च०: प्र० ।

२—[प्र० तथा (६) में यह अर्द्धाली नहीं है] ।

सभा सकुचवस भरत निहारी । राम बंधु धरि धीरजु भारी ॥
 कुसमउ देखि सनेहु सँभारा । बढ़त बिधि जिमि घटत निवारा ॥
 सोक कनकलोचन मति छोनी । हरी विमल गुनगन जग जोनी ॥
 भरत बिबेक बराह बिसाला । अनायास उधरीं तेहिं काला ॥
 करि प्रनामु सब कहँ कर जोरे । राम राउ गुर साधु निहोरे ॥
 छमव आजु अति अनुचित मोरा । कहउँ बदन मृदु बचन कठोरा ॥
 हियँ सुमिरी सारदा सुहाई । मानस तँ मुखपंकज आई ॥
 बिभल बिबेक धरम नय साली । भरत भारती मंजु मराली ॥
 दो०—निरखि बिबेक बिलोचनन्हि सिथिल सनेहँ समाजु ।

करि प्रनामु बोले भरतु सुभिरि सीय रघुराजु ॥२६७॥
 प्रभु पितु मातु सुहृद गुर स्वामी । पूज्य परम हित अंतरजामी ॥
 सरल सुसाहिबु सील निधानू । प्रनत पालु सर्वज्ञ सुजानू ॥
 समरथु सरनागत हितकारी । गुन गाहकु अवगुन अघ हारी ॥
 स्वामि गोसाईंहि सरिस गोसाईं । मोहि समान मई साईं दोहाई ॥
 प्रभु पितु बचन मोहवस पेली । आएउँ इहाँ समाजु सँकेली ॥
 जग भल पोच ऊँच अरु नीचू । अमिअ अमरपद माहुरु मीचू ॥
 राम रजाइ मेटि मन माहीं । देखा सुना कतहुँ कोउ नाहीं ॥
 सो मई सब विधि कीन्हि ढिठाई । प्रभु मानी सनेह सेवकाई ॥
 दो०—कृपाँ भलाई आपनी नाथ कीन्ह भल मोर ।

दूषन भे भूषन सरिस सुजसु चारु चहुँ ओर ॥२६८॥
 राउरि रीति सुबानि बड़ाई । जगत विदित निगमागम गाई ॥
 कूर कुटिल खल कुमति कलंकौ । नीच निसील निरीस निसंझी ॥
 तेउ सुनि सरन सामुहें आए । सकृत् प्रनामु किएँ अपनाए ॥
 देखि दोष कबहुँ न उर आने । सुनि गुन साधु समाज बखाने ॥
 को साहिब सेवकहि नेवाजी । आपु समाज^१ साज सब साजी ॥

१—प्र० : समाज । दि० : प्र० [(४) (५) : समान] । [वृ० : समान] । च० : प्र० ।

निज करतूति न समुझिअ सपने । सेवक सकुच सोच उर अपने ॥
सो गोसाईं नहिं दूसर कोपी । भुजा उठाइ कहौं पन रोपी ॥
पसु नाचत सुक पाठ प्रवीना । गुन गति नट पाठक आधीना ॥
दो०—यों सुधारि सनमानि जन किए साधु सिरमौर ।

को कृपाल बिनु पालिहै विरिदावलि बरजोर ॥२६६॥
सोक सनेह कि बाल सुभाएँ । आएँ लाइ रजायेसु बाएँ ॥
तवहुँ कृपाल हेरि निज ओरा । सवहिं भाँति भल मानेउ मोरा ॥
देखेउँ पाय सुमंगल मूला । जानेउँ स्वामि सहज अनुकूला ॥
बड़े समाज विलोकेउँ भागू । बड़ी चूक साहिव अनुरागू ॥
कृपा अनुग्रहु अंगु अघाई । कीन्ह कृपानिधि सव अधिकारी ॥
राखा मोर दुलार गोसाईं । अपने सील सुभायँ भलाई ॥
नाथ निपट मइ कीन्हि ठिठाई । स्वामि समाज सकोचु बिहाई ॥
अविनय विनय जथारुचि बानी । छमिहिं देउ अति आरत जानी ॥
दो०—सुहृद सुजान सुआहिबहि बहुत कहव बड़ि खोरि ।

आयेसु देखिअ देव अब सबइ सुधारी मोरि ॥३००॥
प्रभु पद पदुम पराग दोहाई । सत्य सुकृत सुख सीव सुहाई ॥
सो करि कहौं हिये अपने को । रुचि जागत सोवत सपने की ॥
सहज सनेह स्वामि सेवकाई । स्वारथ ब्रत फल चारि बिहाई ॥
अज्ञा सम न सुआहिब सेवा । सो प्रसादु जनु पावइ देवा ॥
अस कहि प्रेम बिबस भए भारी । पुलक सीर बितोचन वारी ॥
प्रभु पद कमल गहे अकुलाई । समउ सनेहु न सो कहि जाई ॥
कृपासिंधु सनमानि सुबानी । बैठाए समीप गहि पानी ॥
भरत विनय सुनि देखि सुभाऊ । सिथिल सनेह सभा रघुराऊ ॥
बं०—रघुराउ सिथिल सनेह साधु समाजु मुनि मिथिलाधनी ।
मन महुँ सराहत भरत भायप भगति की महिमा घनी ॥

भरतहि प्रसंसत बिबुध बरषत सुमन मानस मलिन से ।

तुलसी विकल सब लोग सुनि सकुचे निसागम नलिन से ॥^१

सो०—देखि दुखारी दीन दुहुँ समाज नर नारि सब ।

मधवा महा मलीन मुए मारि मंगल चहत ॥३०१॥

कपट कुचालि सीव सुरराजू । पर अकाज प्रिय आपन काजू ॥

काक समान पाकरिपु रीती । छली मलिन कतहुँ न प्रतीती ॥

प्रथम कुमत करि कपटु सँकेला । सो उचाटु सब केँ सिर मेला ॥

सुर माया सब लोग बिमोहे । राम प्रेम अतिसय न बिछोहे ॥

भय उचाट बस मन थिर नाही । छन बन रुचि छन सदन सोहाही ॥

दुविध मनोगति प्रजा दुखारी । सरित सिंधु संगम जनु बारी ॥

दुचित कतहुँ परितोषु न लहहीं । एक एक सन मरमु न कहहीं ॥

लखि हियँ हँसि कह कृपानिधानू । सरिस स्वान मधवा निजु^१ जानू ॥

दो०—भरतु जनकु मुनिजन^२ सचिव साधु सचेत बिहाइ ।

लागि देवमाया सबहिँ जथाजोगु जनु पाइ ॥३०२॥

कृपासिंधु लखि लोग दुखारे । निज सनेह सुरपति छल भारे ॥

सभा राउ गुर महिसुर मंत्री । भरत भगति सब कै मति जंत्री ॥

रामहिँ चितवत चित्र लिखे से । सकुचत बोलत बचन सिखे से ॥

भरत प्रीति नति बिनय बड़ाई । सुनत सुखद बरनत कठिनाई ॥

जासु बिलोकि भगति लवलेसू । प्रेम मगन मुनिगन मिथिलेसू ॥

महिमा तासु कहइ किमि तुलसी । भगति सुभाय सुमति हिय हुलसी ॥

आपु छोटि महिमा बड़ि जानी । कबि कुल कानि मानि सकुचानी ॥

कहि न सकति गुन रुचि अधिकारी । मति गति बाल बचन की नाई ॥

दो०—भरत बिमल जसु बिमल बिधु सुमति चकोरकुमारि ।

उदित बिमल जन हृदय नभ एकटक रही निहारि ॥३०३॥

१—प्र० : मधवा निजु जानू । द्वि० : प्र० । [तृ०, च० : मधवान जुवानू] ।

२—प्र० : मुनिगन । द्वि०, तृ० : प्र० । च० : मुनिजन ।

भरत सुभाउ न सुगम निगमहूँ । लघु मति चापलता कवि छमहूँ ॥
 कहत सुनत सति भाउ भरत को । सीय राम पद होइ न रत को ॥
 सुमिरत भरतहि प्रेसु राम को । जेहि न सुलभु तेहि सरिस वाम को ॥
 देखि दयाल दसा सवहीं की । राम सुजान जानि जन जी की ॥
 धरम धुरीन धीर नय नागर । सत्य सनेह सील सुखसागर ॥
 देसु कालु लखि समौ समाजू । नीति प्रीति पालक रघुराजू ॥
 बोले वचन वानि सरवसु से । हित परिनाम सुनत ससिरसु से ॥
 तात भरत तुम्ह धरम धुरीना । लोक वेद विद प्रेम प्रवीना ॥
 दो०—करम वचन मानस विमल तुम्ह समान तुम्ह तात ।

गुर समाज लघु बंधु गुन कुसमय किमि कहि जात ॥३०४॥
 जानहु तात तरनि कुल रीती । सत्यसंध पितु कीरति प्रीती ॥
 समौ समाजु लाज गुरजन की । उदासीन हित अनहित मन की ॥
 तुम्हहि विदित सवही कर करमू^१ । आपन मोर परम हित धरमू ॥
 मोहि सब भाँति भरोस तुम्हारा । तदपि कहउँ अवसर अनुसारा ॥
 तात तात बिनु बात हमारी । केवल गुर कुल कृपाँ सँभारी ॥
 नतरु प्रजा पुरजन^२ परिवारु । हमहि सहित सबु होत खुआरु ॥
 जौ बिनु अवसर अथव दिनेसू । जग केहि कहहु न होइ कलेसू ॥
 तस उतपातु तात बिधि कीन्हा । मुनि मिथिलेस राखि सबु लीन्हा ॥
 दो०—राज काज सब लाज पति धरम धरनि धन धाम ।

गुर प्रभाउ पालिहि सबहि भल होइहि परिनाम ॥३०५॥
 सहित समाज तुम्हार हमारा । घर बन गुर प्रसाद रखवारा ॥
 मातु पिता गुर स्वामि निदेसू । सकल धरम धरनीधरु सेसू ॥
 सो तुम्ह करहु करावहु मोह । तात तरनि कुल पालक होह ॥
 साधक^३ एक सकल सिधि देनी । कीरति सुगति भूतिमय बेनी ॥

१—प्र० : करमू । द्वि० : प्र० [वृ० : मरमू] । वृ०, च० : प्र० ।

२—प्र० : पुरजन । द्वि० : प्र० । [वृ० : परिजन] । च० : प्र० [(न) : परिजन] ।

३—प्र० : साधक । द्वि० : प्र० [(३)(४)(५) : साधन] । [वृ० : साधन] । च० : प्र० ।

सो बिचारि सहि संकटु भारी । करहु प्रजा परिवारु सुखारी ॥
 बाँटी बिपति सबहि मोहि भाई । तुम्हहि अबधि भरि बड़ि कठिनाई ॥
 जानि तुम्हहि मृदु कहउँ कठोरा । कुसमयँ तात न अनुचित मोरा ॥
 होहिँ कुठायँ सुबंधु सहाये । ओड़िअहि हाथ असनिहूँ केघाये ॥
 दो०—सेवक कर पद नयन से मुख सो साहिबु होइ ।

तुलसी प्रीति कि रीति सुनि सुकवि सराहिँ सोइ ॥३०६॥
 संभा सकल सुनि रघुवर बानी । प्रेम पयोधि अमिअ जनु सानी ॥
 सिथिल समाजु सनेह समाधी । देखि दसा चुप सारद साधी ॥
 भरतहि भएउ परम संतोषु । सनमुख स्वामि बिमुख दुखु दोषु ॥
 मुखु प्रसन्न मन मिटा बिषादू । भा जनु गूँगेहि गिरा प्रसादू ॥
 कीन्ह सप्रेम प्रनामु बहोरी । बोले पानि पंकरुह जोरी ॥
 नाथ भएउ सुखु साथ गए को । लहेउँ लाहु जग जनमु भए को ॥
 अब कृपाल जस आयेसु होई । करउँ सीस धरि सादर सोई ॥
 सो अवलंब देउ मोहि देई । अबधि पारु पावउँ जेहि सेई ॥
 दो०—देव देव अभिषेक हित गुर अनुसासनु पाइ ।

आनेउँ सब तीरथ सलिलु तेहि कहँ काह रजाइ ॥३०७॥
 एकु मनोरथु बड़ मन माहीं । समय सकोच जात कहि नाहीं ॥
 कहहु तात प्रभु आयेसु पाई । बोले बानि सनेह सुहाई ॥
 चित्रकूट मुनिथल तीरथ बन । खग मृग सर सरि निर्भर गिरिगन ॥
 प्रभु पद अंकित अवनि बिसेषी । आयेसु होइ त आवउँ देखी ॥
 अवसि अत्रि आयेसु सिर घरहू । तात बिगत भय कानन चरहू ॥
 मुनि प्रसादु बनु मंगलदाता । पावन परम सुहावन आता ॥
 रिषिनायकु जहँ आयेसु देहीं । राखेहु तीरथजलु थल तेहीं ॥
 सुनि प्रभु बचन भरत सुखु पावा । मुनि पद कमल मुदित सिरु नावा ॥

१—प्र० : देउ । द्वि० : प्र० [(४) (५) (५अ) : देव] । [तृ० : देव] । च० : प्र० [(=) : देव] ।

दो०—भरत राम संवादु मुनि सकल सुमंगल मूल ।

सुर स्वारथी सराहि कुल वरपत सुरतरु फूल ॥३०८॥
 धन्य भरत जय राम गोसाईं । कहत देव हरपत वरिआईं ॥
 मुनि मिथिलेस सभौ सब काहू । भरत वचन मुनि भएउ उवाहू ॥
 भरत राम गुन ग्राम सनेहू । पुलकि प्रसंसत राउ बिदेहू ॥
 सेवक स्वामि सुभाउ सुहावन । नेमु पेमु अति पावन पावन ॥
 मति अनुसार सगाहन लागे । सचिव सभासद सब अनुरागे ॥
 मुनि मुनि राम भरत संवादू । दुहूँ समाज हियँ हरपु बिपादू ॥
 राममातु दुखु सुखु सम जानी । कहि गुन राम प्रबोधी रानी ॥
 एक कहहिँ रघुवीर बड़ाई । एक सराहत भरत भलाई ॥
 दो०—अत्रि कहेउ तव भरत सन सैल समीप सुकूर ।

राखिअ तीरथ तोय तहँ पावन अमिअ अनूप ॥३०९॥
 भरत अत्रि अनुसासन पाई । जल भाजन सब दिए चलाई ॥
 सानुज आपु अत्रि मुनि साधू । सहित गए जहँ कूप अगाधू ॥
 पावन पाथ पुन्य थल राखा । प्रमुदित प्रेम अत्रि अस भापा ॥
 तात अनादि सिद्ध थल एहू । लोपेउ काल बिदित नहिँ केहू ॥
 तव सेवकन्ह सरस थलु देखा । कीन्ह सुजल हित कूप बिसेषा ॥
 विधि बस भएउ बिस्व उपकारू । सुगम अगम अति धरम बिचारू ॥
 भरतकूप अब कहिहहिँ लोगा । अति पावन तीरथ जल जोगा ॥
 प्रेम सनेम निमज्जत प्राणी । होइहिहिँ बिमल करम मन बानी ॥
 दो०—कहत कूप महिमा सकल गए जहाँ रघुराउ ।

अत्रि सुनाएउ रघुवरहि तीरथ पुन्य प्रभाउ ॥३१०॥
 कहत धरम इतिहास सप्रीती । भएउ भोरु निसि सो सुख बीती ॥
 नित्य निवाहि भरतु दोउ भाई । राम अत्रि गुर आयेसु पाई ॥
 सहित समाज साज सब सादैं । चले रामवन अटन पयादैं ॥
 कोमल चरन चलत बिनु पनहीं । भइ मृदु भूमि सकुचि मन मनहीं ॥

कुस कंटक काँकरी कुराई । कटु^१ कठोर कुबुस्तु दुराई ॥
 महि मंजुल मृदु मारग कीन्हे । बहत समीर त्रिबिध सुख लीन्हे ॥
 सुमन बरषि सुर घन करि छाहीं । बिटप फूलि फलि तृन मृदुता हीं ॥
 मृग बिलोकि खग बोलि सुबानी । सेवहिं सकल राम प्रिय जानी ॥
 दो०—सुलभ सिद्धि सब प्राकृतहु राम कहत जमुहात ।

राम प्रान प्रिय भरत कहूँ येह न होइ बड़ि बात ॥३११॥
 येहि बिधि भरतु फित बन माहीं । नेम प्रेसु लखि मुनि सकुचाहीं ॥
 पुन्य जलालय भूमि विभागा । खग मृग तरु तृन गिरि बन बागा ॥
 चारु बिचित्र पवित्र बिसेषी । ब्रूभत भरतु दिव्य सब देखी ॥
 सुनि मन मुदित कहत रिषिराऊ । हेतु नाम गुन पुन्य प्रभाऊ ॥
 कतहुँ निनज्जन कतहुँ प्रनामा । कतहुँ बिलोकत मन अभिरामा ॥
 कतहुँ बैठि मुनि आयेसु पाई । सुमिरत सीय सहित दोउ भाई ॥
 देखि सुभाउ सनेहु सुसेवा । देहिं असीस मुदित बनदेवा ॥
 फिरहिं गएँ दिनु पहर अढ़ाई । प्रभु पद कमल बिलोकिहिं आई ॥
 दो०—देखे थल तीरथ सकल भरत पाँच दिन माँझ ।

कहत सुनत हरि हर सुजसु गएउ दिवसु भइ साँझ ॥३१२॥
 भोर न्हाइ सबु जुरा समाजू । भरत भूमिसुर तेरहुतिराजू ॥
 भल दिनु आजु जानि मन माहीं । राम कृपाल कहत सकुचाहीं ॥
 गुर नृप भरत सभा अवलोकी । सकुचि राम फिरि अवनि बिलोकी ॥
 सीलु सराहि सभा सब सोची । कहूँ न राम सम स्वामि सँकोची ॥
 भरत सुजान राम रुख देखी । उठि सप्रेम धरि धीर बिसेषी ॥
 करि^१ दंडवत कहत कर जोरी । राखी नाथ सकल रुचि मोरी ॥
 मोहि लागि सबहिं सहेउ^२ संतापू । बहुत भाँति दुखु पावा आपू ॥

१—प्र० : कड । [दि०, तु० : कडक] । च० : प्र० ।

२—प्र० : सबहिं सहेउ । दि० : प्र० । [तु० : सहेउ सकल] । च० : प्र० [(न) : सहेउ सबहिं] ।

अब गोसाईं मोहि देउ रजाई । सेवउँ अवध अवधि भरि जाई ॥
दो०—जेहि उपाय पुनि पाय जनु देखइ दीनदयाल ।

सो सिख देइअ अवधि लागि कोसलपाल कृपाल ॥३१३॥
पुरजन परिजन प्रजा गोसाईं । सब सुचि^१ सरस सनेह सगाई ॥
राउर वदि भल भव दुख दाहू । प्रभु बिनु वादि परनपद लाहू ॥
स्वामि सुजानु जानि सब हीं की । रुचि लालसा रहनि जन जी की ॥
प्रनतपाल पालिहि सब काहू । देउ दुहूँ दिसि ओर निवाहू ॥
अस मोहि सब विधि भूरि भरोसो । किएँ बिचारु न सोच खगो सो ॥
आरति मोर नाथ कर छोहूँ । दुहूँ मिलि कीन्ह ढीठ हठि मोहूँ ॥
येह बड़ दोषु दूरि करि स्वामी । तजि सकोचु सिखइअ अनुगामी ॥
भरत विनय सुनि सबहिं प्रसंसी । खीर नीर विवरन गनि हंसी ॥
दो०—दीनबंधु पुनि बंधु के बचन दीन छलहीन ।

देस काल अवसर सरिस बोले राम प्रवीन ॥३१४॥
तात तुम्हारि मोरि परिजन की । चिंता गुरहि नृपहि घर बन की ॥
माथे पर गुर मुनि मिथिलेसू । हमहि तुम्हहि सपनेहुँ न कलेसू ॥
मोर तुम्हार परम पुरुषारथु । स्वारथु सुजसु धामु परमारथु ॥
पितु आयेसु पालिअ दुहूँ भाई । लोक वेद भल भूप भलाई ॥
गुर पितु मातु स्वामि सिख पालें । चलेहुँ कुमग पग परहि न खालें ॥
अस बिचारि सब सोच बिहाई । पालहु अवध अवधि भर जाई ॥
देसु कोसु पुरजन परिवारु । गुर पद रजहि लोग छरुमारु ॥
तुम्ह मुनि मातु सचिव सिख मानी । पालेहु पुहुमि प्रजा रजधानी ॥
दो०—मुखिआ मुखु सों चाहिअइ खान पान कहूँ एक ।

पालइ पोषइ सकल अंग तुलसी सहित विवेक ॥३१५॥
राजधरम सरबसु एतनोई । जिमि मन माँह मनोरथ गोई ॥

१—प्र० : सुचि । द्वि० : प्र [(३) (४) (५) : रुचि] । [तृ० : रुचि] । च० : प्र० ।

बंधु प्रबोधु कीन्ह बहु भौंती । बिनु अधार मन तोषु न सौंती ॥
 भरत सीलु गुर सचिव समाजू । सकुच सनेह बिबस रघुराजू ॥
 प्रभु करि कृपा पाँवरी दीन्ही । सादर भरत सीस धरि लीन्ही ॥
 चरनपीठ करुनानिधान के । जनु जुग जामिक^१ प्रजा प्राण के ॥
 संपुट भरत सनेह रतन के । आखर जुग जनु जीव जतन के ॥
 बुल कपाट कर कुसल करम के । विमल नयन सेवा सुधरम के ॥
 भरत मुदित अवलंब लहे तैं । अस सुख जस सिय रामु रहे तैं ॥
 दो०—मौंगेउ बिदा प्रभामु करि राम लिए उर लाइ ।

लोग उचाटे अमरपति कुटिल कुअवसर पाइ ॥३१६॥
 सो कुचालि सब कहँ मै नीकी । अबधि आस सम जीवनि जी की ॥
 नतरु लखन सिय राम बियोगा^२ । हहरि भरत सबु लोग कुरोगा^२ ॥
 राम कृपा अवरोब सुधारी । बिबुध धारि भइ गुनद गोहारी ॥
 भेंटत भुज मरि भाइ भरत सो । रामप्रेम रसु कहि न परत सो ॥
 तन मन बचन उमग अनुरागा । धीर धुरंधर धीरजु त्यागा ॥
 बारिज लोचन मोचत बारी । देखि दसा सुर सभा दुखारी ॥
 मुनिगन गुर धुरधीर जनक से । ज्ञान अनल मन कसे कनक से ॥
 जे बिरंचि निरलेप उपाए । पदुमपत्र जिमि जग जल जाए ॥
 दो०—तेउ विलोकि रघुबर भरत प्रीति अनूप अपार ।

भए मगन मन तन बचन सहित विराग विचार ॥३१७॥
 जहाँ जनक गुर गति मति भोरी । प्राकृत प्रीति कहत बड़ि खोरी ॥
 भरत रघुवर भरत बियोगू । सुनि कठोर कवि जानिहि लोगू ॥
 सो सकोचु रसु अकथ सुबानी । समउ सनेहु सुमिरि सकुचानी ॥
 भेंटि भरतु रघुबर समुभाए । पुनि रिपुदवनु हरषि हियँ लाए ॥
 सेवक सचिव भरत स्व पाई । निज निज काज लगे सब जाई ॥

१—प्र० : जामिक । द्वि०, तृ, च० : प्र० [(६) : जामनि] ।

२—प्र० : क्रमशः बियोगी, कुरोगी । द्वि : बियोगा, कुरोगा । तृ०, च० : द्वि० ।

सुनि दारुन दुख दुहैं समाजा । लगे चलन के साजन साजा ॥
 प्रभु पद पदुम बंदि दोउ भाई । चले सीस धरि राम रजाई ॥
 सुनि तापस बनदेव निहोरी । सब सनमानि बहोरि बहोरी ॥
 दो०—लखनहिं भेंटि प्रनामु करि सिर धरि सिय पद धूरि ।

चले सप्रेम असीस सुनि सकल सुमंगल मूरि ॥३१८॥
 सानुज राम नृपहि सिर नाई । कीन्ह बहुत विधि विनय बड़ाई ॥
 देव दयावस बड़ दुख पाएउ । सहित सवाज काननहिं आएउ ॥
 पुर पगु धारिअ देइ असीसा । कीन्ह धीर धरि गवनु महीसा ॥
 सुनि महिदेव साधु सनमाने । बिदा किए हरि हर सम जाने ॥
 सासु समीप गए दोउ भाई । फिरे बंदि पग आसिष पाई ॥
 कौसिक वामदेव जावाली । पुरजन परिजन सचिव सुचाली ॥
 जथाजोगु करि विनय प्रनामा । बिदा किए सब सानुज रामा ॥
 नारि पुरुष लखु मध्य वड़ेरे । सब सनमानि कृमानिधि फेरे ॥
 दो०—भरतमातु पद बंदि प्रभु सुचि सनेह मिलि भेंटि ।

बिदा कीन्ह सजि पालकी सकुच सोच सब भेंटि ॥३१९॥
 परिजन मातु पितहिं मिलि सीता । फिरी प्रानप्रिय प्रेम पुनीता ॥
 करि प्रनामु भेंटि सब सासू । प्रीति कहत कबि हिय न हुलासू ॥
 सुनि सिख अभिमत आसिष पाई । रही सीय दुहैं प्रीति समाई ॥
 रघुपति पटु पालकी मँगाई । करि प्रबोधु सब मातु चढ़ाई ॥
 बार बार हिलि मिलि दुहैं भाई । सम सनेह जननीं पहुँचाई ॥
 साजि बाजि गज वाहन नाना । भूप भरत दल कीन्ह पयाना ॥
 हृदय रामु सिय लखनु समेता । चले जाहिं सब लोग अचेता ॥
 बसह बाजि गज पसु हियँ हारें । चले जाहिं परबस मन मारें ॥
 दो०—गुर गुरतिय पद बंदि प्रभु सीता लखन समेत ।

फिरे हर्ष बिसमय सहित आए परननिकेत ॥३२०॥
 बिदा कीन्ह सनमानि निषाद । चलेउ हृदयँ बड़ बिरह बिषाद ॥

कोल किरात मिल्ल बनचारी । फेरे फिरे जोहारि जोहारी ॥
 प्रभु सिय लखन बैठि बट छाहीं । प्रिय परिजन बियोग बिलखाहीं ॥
 भरत सनेहु सुभाउ सुधानी । प्रिया अनुज सन कहत बखानी ॥
 प्रीति प्रीति बचन मन करनी । श्रीमुख राम प्रेमवस बरनी ॥
 तेहि अवसर खग मृग जल मीना । चित्रकूट चर अचर मलीना ॥
 विबुध बिलोकि दसा रघुवर की । बरषि सुमन कहि गति घर घर की ॥
 प्रभु प्रनामु करि दीन्ह भरोसो । चले मुदित मन डरु न खरो सो ॥
 दो०—सानुज सीय समेत प्रभु राजत परनकुटीर ।

भगति ज्ञानु बैराग्य जनु सोहत धरें सरीर ॥३२१॥
 मुनि महिसुर गुर भरत भुआलू । राम बिरहँ सबु साजु बिहालू ॥
 प्रभु गुन ग्राम गुनत मम माहीं । सब चुप चाप चले मग जाहीं ॥
 जमुना उतरि पारु सब भएऊ । सो बासरु बिनु भोजन गएऊ ॥
 उतरि देवसरि दूसर बासू । रामसखा सब कीन्ह सुपासू ॥
 सई उतरि गोमती नहाए । चौथें दिवस अवधपुर आए ॥
 जनकु रहे पुर बासर चारी । राज काज सब साज सँभारी ॥
 सौँपि सचिव गुर भरतहि राजू । तेरहुति चले साजि सबु साजू ॥
 नगर नारि नर गुर सिख मानी । बसे सुखेन राम रजधानी ॥
 दो०—राम दरस लागि लोग सब करत नेम उपवास ।

तजि तजि भूषन भोग सुख जिअत अवधि की आस ॥३२२॥
 सचिव सुसेवक भरत प्रबोधे । निज निज काज पाइ सिख ओधे ॥
 पुनि सिख दीन्ह बोलि लघु भाई । सौँपी सकल मातु सेवकाई ॥
 भूसुर बोलि भरत कर जोरे । करि प्रनाम वर विनय निहोरे ॥
 ऊँच नीच कारजु भल पोचू । आयेसु देव न करव सँकोचू ॥
 परिजन पुरजन प्रजा बोलाए । समाधानु करि सुवस बसाए ॥
 सानुज गे गुर गेह बहोरी । करि दंडवत कहत कर जोरी ॥
 आयेसु होइ त रहउँ सनेमा । बोले मुनि तन पुलकि सपेमा ॥

समुझव कहव करव तुह जोई । धरम सारु जग होइहि सोई ॥

दो०—सुनि सिख पाइ असीस बड़ि गनक नीलि दिनु साधि ।

सिंघासन प्रभु पादुका बैठारे निरुपाधि ॥३२३॥

राममातु गुर पद सिरु नाई । प्रभुपद पीठ रजायेसु पाई ॥

नंदिगोँव करि परनकुटीरा । कीन्ह निवासु धरम धुर धीरा ॥

जटा जूट सिर मुनिपट धारी । नहि खनि कुस सौँथरी सँवारी ॥

असन बसन बसन ब्रत नेमा । करत कठिन रिषिधरम सपेमा ॥

भूषन बसन भोग सुख भूरी । मन तत वचन तजे तिनु तूरी ॥

अवधराजु सुरराजु सिहाई । दसरथ धनु सुनि धनद लजाई ॥

तेहि पुर बसत भरत विनु रागा । चंचरीक जिमि चंचक बागा ॥

रमाबिलासु राम अनुगगी । तजत बमन जिमि जन बड़भागी ॥

दो०—राम पेन भाजन भरतु बड़े न येहि करतूति ।

चातक हंस सगहिअत टेक बिबेक बिभूति ॥३२४॥

देह दिनहु दिन दूबरि होई । घटइ^१ तेजु बलु मुख छवि सोई ॥

नित नव राम पेन पनु पीना । बढ़त धरम दलु मनु न मलीना ॥

जिमि जलु निघटत सरद प्रकासे । बिलसत बेतस बनज बिकासे ॥

सम दम संजम नियम उपासा । नखत भरत हियँबिमल अकासा ॥

ध्रुव बिस्वासु अवधि राका सी । स्वामि सुरति सुरवीथि बिकासी ॥

राम पेन बिधु अचल अदोषा । सहित समाज सोह नित चोखा ॥

भरत रहनि समुझनि करतूती । भगति बिरति गुनविमल बिभूती^२ ॥

वरनत सकल सुकवि सकुचाहीं । सेस गनेस गिरा गनु नाहीं ॥

दो०—नित पूजत प्रभु पाँवरी प्रीति न हृदयँ समाति ।

माँगि माँगि आयेसु करत राज काज चहुँ^३ माँति ॥३२५॥

१—प्र० : घटत न । [द्वि० : (३) (५अ) घटत, (४) (५) घट न] । [तृ० : घट न] । च० : घटइ ।

२—प्र० तथा (६) में वह अछाली नहीं है ।

३—प्र० : चहुँ । द्वि० : प्र० [(३) (४) (५अ) : बड़ु] । [तृ० : बड़ु] । च० : प्र० ।

पुलक गात हियँ सिय रघुवीरू । जीहँ नाम जपु लोचन नीरू ॥
 लखनु रामु मिय कानन बसहीं । भरतु भवन बसि तप तनु कसहीं ॥
 दोउ दिसि समुझि कहत सबु लोगू । सब विधि भरतु सराहन जोगू ॥
 सुनि ब्रत नेम साधु सकुचाहीं । देखि दसा मुनिगज लजाहीं ॥
 परम पुनीत भरत आचरनू । मधुर मंजु मुद मंगल करनू ॥
 हरन कठिन कलि कलुष कलेसू । महा मोह निसि दलन दिनेसू ॥
 पाप पुंज कुंजर मृगराजू । समन सकल संताप समाजू ॥
 जन रंजन भंजन भवभाखू । राम सनेह सुधाकर साखू ॥
 छं०—सिय राम पेम पिऊष पूरन होत जनमु न भरत को ।

मुनि मन अगम जम नियम सम दम विषम ब्रत आचरत को ॥

दुख दाह दारिद्र्य दंभ दूषन सुजसमिस अपहरत को ।

कलिकाल तुलसी से सठन्हि हठि राम सनमुख करत को ॥

सो०—भरत चरित करि नेमु तुलसी जो सादर सुनहिं ।

सीय राम पद पेमु अवसि होइ भवस विरति ॥३२६॥

इति श्री मद्रामचरित मानसे सकल कलि कलुष विध्वंसने

द्वितीय : सोपान : समाप्तः ॥

श्रीगणेशाय नमः

श्री जानकीवल्लभो विजयते

श्री राम चरित मानस

तृ ती य सो पा न

अरण्य कांड

श्लो० — मूलं धर्मतरोर्विवेकजलधेः पूर्णेन्दुमानन्दं
वैराग्यांबुजभास्करं ह्यघघनध्वांतापहं तापहं ।
मोहांमोधरपृगं पाटनविधौ स्वःसंभवं शंकरं
वन्दे ब्रह्मकुलं कलंकशमनं श्रीरामभूप्रियं ॥
सांद्रानंदप्रयोदसौभगतनुं पीतांबरं सुंदरं
पाणौ वाणशरासनं कटिलसत्तूणीरभारं वरं ।
राजीवायतलोचनं धृतजटाजूटेन संशोभितं
सीतालक्ष्मणसंयुतं पथिगतं रामाभिरामं भजे ॥

सो०—उमा राम गुन गूढ पंडित मुनि पावहिं बिरति ।

पावहिं मोह बिमूढ जे हरि बिमुख न धर्मरति ॥

पुर नर भरत प्रीति मै गाई । मति अनुरूप अनूप सुहाई ॥
अब प्रभु चरित सुनहु अति पावन । करत जे बन सुर नर मुनि भावन ॥
एक बार बुनि कुसुम सुहाए । निज कर भूषन राम बनाए ॥
सीतहि पहिराए प्रभु सादर । बैठे फटिक सिला पर सुंदर ॥
सुरपति सुत धरि बाइस बेखा । सठ चाहत रघुपति बल देखा ॥
जिमि पिपीलिका सागर थाहा । महा मंदमति पावन चाहा ॥

१—प्र० : पूग । द्वि० : प्र० । [तृ० : पुङ्ग] । च० : प्र ।

२—प्र० : पुर नर । द्वि० : प्र० । [तृ० : पुर जन] । च० : प्र [(च) : पूरन] ।

सीता चरन चोंच हति भागा । मूढ़ मंद मति कारन कागा ॥
चला रुधिर रघुनायक जाना । सीक धनुष सायक संधाना ॥
दो०--अतिकृपाल रघुनायक सदा दीन पर नेह ।

ता सनु आइ कीन्ह छलु मूरुख अवगुन गोह ॥ १ ॥
प्रेरित मंत्र ब्रह्मसर धावा । चला भाजि? बाइसभय पावा ॥
धरि निज रूप गएउ पितु पाहीं । राम विमुख राखा तेहि नाहीं ॥
भा निगस उपजी मन त्रासा । जथा चक्र भय रिषि दुर्वासा ॥
ब्रह्मधाम सिवपुर सब लोका । फिरा समित व्याकुल भय सोका ॥
काहूँ बैठन कहा न ओही । राखि को सकै राम कर द्रोही ॥
मातु मृत्यु पितु समन समाना । सुधा होइ विष सुनु हरिजाना ॥
मित्र करै सत रिपु कै करनी । ता कहूँ बिबुधनदी बैतरनी ॥
सब जगु ताहि? अनलहुँ^३ तैं ताता । जो रघुवीर विमुख सुनु आता ॥
नारद देखा विकल जग्रन्ता । लागि दया कोमल चित संता ॥
पठवा तुरत राम पहिं ताही । कहेसि पुकारि प्रनतहित पाहीं ॥
आतुर सभय गहेसि पद जाई । त्राहि त्राहि दयाल रघुराई ॥
अंतुलित बल 'अंतुलित प्रभुताई' । मैं मतिमंद जानि नहिं पाई ॥
निजकृत कर्म^४ जनित फल पाएउं । अब प्रभु पाहि सरन तकिएआएउं ॥
सुनि कृपाल अति आरत बानी । एक नयन करि तजा भवानी ॥
सो०--कीन्ह मोहबस द्रोह जद्यपि तेहि कर बध उचित ।

प्रभु छाड़ेउ करि छोह को कृपाल रघुवीर सम ॥ २ ॥
रघुपति चित्रकूट बसि नाना । चरित किए सुति^५ सुधा समाना ॥

१—प्र० : भाजि । द्वि० : प्र० । [तृ० : भाजि] । च० : प्र० ।

२—प्र० : ताहि । द्वि० : प्र० [(५) : तेहि] । तृ० , च० : प्र० ।

३—प्र० : अनलहुँ । द्वि० : प्र० । [तृ० : अनल] । च० : प्र० ।

४—प्र०, द्वि०, तृ०, च० : कर्म [(६) : धर्म] ।

५—प्र० : श्रुति । द्वि०, तृ० : प्र० । [च० : (६) अति, (८) सब] ।

बहुरि राम अस मन अनुमाना । होइहि भीर सबहिं मोहि जाना ॥
सकल मुनिन्ह सन विदा कराई । सीता सहित चले द्वौ भाई ॥
अत्रि के आश्रम जब प्रभु गएऊ । सुनत महा मुनि हरषित भएऊ ॥
पुलकित गात अत्रि उठि धाए । देखि राम आतुर चलि आए ॥
करत दंडवत मुनि उर लाए । प्रेम बारि द्वौ जन अन्हवाए ॥
देखि राम छवि नयन जुड़ाने । सादर निज आश्रम तब आने ॥
करि पूजा कहि बचन सुहाए । दिए मूल फल प्रभु मन भाए ॥

सो०—प्रभु आसन आसीन भरि लोचन सोभा निरखि ।

मुनिवर परमप्रवीन जोरि पानि अस्तुति करत ॥ ३ ॥

छं०—नमामि भक्तवत्सलं । कृपालु शील कोमलं ।

भजामि ते पद्मांजलि । अकामिनां स्वधामदं ॥

निकाम श्याम सुंदरं । भवांबुनाथ मंदरं ।

प्रफुल्ल कंठ लोचनं । मदादि दोष मोचनं ॥

प्रलंब बाहु विक्रमं । प्रभोऽप्रमेय वैभवं ।

निषंग चाप सायकं । धरं त्रिलोक नायकं ॥

दिनेश वंश मंडनं । महेश चाप खंडनं ।

मुनींद्र संत रंजनं । सुरारि वृंद भंजनं ॥

मनोज वैरि वंदितं । अजादि देव सेवितं ।

विशुद्ध बोध विग्रहं । समस्त दूषणापहं ॥

नमामि इंदिरापतिं । सुखाकरं सतां गतिं ।

भजे सशक्ति सानुजं । शचीपति प्रियानुजं ॥

त्वदंघ्रिमूल ये नराः १ । भजंति हीनमत्सराः १ ।

पतंति नो भवार्णवे । वितर्क वीचि संकुले ॥

विविक्तवासिनस्सदा । भजंति मुक्तये मुदा ।

१—प्र० : क्रमशः नराः, मत्सराः [(२) नरा मत्सरा] । द्वि० : प्र० [(३) (५अ), नरा, मत्सरा] । [ल० : नरा, मत्सरा] । च० : प्र० [(६) : नरा, मत्सरा] ।

निरस्य इन्द्रियादिकं । प्रयांति ते गतिं स्वकं ॥
 त्वमेकमद्भुतं प्रभुं । निरीहमीश्वरं विभुं ।
 जगद्गुरुं च शाश्वतं । तुरीयमेव केवलं ॥
 मज्जामि भाववत्तमं । कुयोगिनां सुदुर्लभं ।
 स्वभक्त कल्प पादपं । समं सुमेव्यमन्वहं ॥
 अनूप रूप भूपतिं । नतोऽहमुर्विजापतिं ।
 प्रसीद मे नमामि ते । पदाब्जभक्ति देहि मे ॥
 पठंति ये स्तवं इदं । नरादरेण ते पदं ।
 व्रजंति नात्र संशयं । त्वदीयभक्तिसंयुताः ॥
 दो०—बिनती करि मुनि नाइ सिरु कह कर जोरि बहोरि ।

चरन सरोरुह नाथ जनि कबहुँ तजै मति मोरि ॥ ४ ॥
 अनसुइया के पद गहि सीता । मिली बहोरि सुसील बिनीता ॥
 रिषिपतिनी मन सुख अधिकाई । आसिष देइ^१ निकट बैठाई ॥
 दिव्य बसन भूषन पहिराए । जे नित नूतन अमल सुहाए ॥
 कह रिषिवधू सरस^२ मृदु बानी । नारिधर्म कछु ब्याज बखानी ॥
 मातु पिता आता हितकारी । मित प्रद सबु^३ सुनु राजकुमारी ॥
 अमित दानि भर्ता बैदेही । अघम सो नारि जो सेव न तेही ॥
 धीरजु धर्म मित्र अरु नारी । आपद काल परखिअहि^४ चारी ॥
 वृद्ध रोगबस जड़ धनहीना । अंध बधिर क्रोधी अति दीना ॥
 ऐसेहु पति कर किए अपमाना । नारि पाव जमपुर दुख नाना ॥
 एकै धर्म एक व्रत नेमा । काय बचन मन पति पद प्रेमा ॥

१—प्र० : संयुता : [(२) संयुता :] । द्वि० : प्र० [(५) 'युतां, (५ अ) संयुत'] । तृ० : 'युत'] । [च० : (६) संयुतां, (८) संयुत'] ।

२—प्र० : देइ । द्वि० : प्र० । [तृ० : दीन्हि] । च० : प्र० ।

३—प्र० : सरस । द्वि० : प्र० [(३) (५ अ) : सरल] । [तृ० : सरल] । च० : प्र० [(८) : सरल] ।

४—प्र० : मितप्रद सत्र । द्वि० : प्र० । [तृ० : मित सुखप्रद] । च० : प्र० ।

५—प्र० , द्वि० , तृ० , च० : परखिअहि [(६) : परखिहि] ।

जग पतिव्रता चारि बिधि अहहीं । वेद पुगन संत सव कहहीं ॥
 उत्तम के अस बस मन माहीं । सपनेहुँ आन पुरुष जग नाहीं ॥
 मध्यम पर पनि देखै कैसें । आता पिता पुत्र निज जैसें ॥
 धर्म बिचारि समुझि कुल रहई । सो१ निकिष्ट त्रियस्तुति अस कहई ॥
 विनु अवसर भय ते रह जोई । जानेहु अघम नारि जग सोई ॥
 पतिवंचक परपति गति करई । रौरव नरक कलप सत परई ॥
 छन सुख लागि जन्म सत कोटी । दुख न समुझतेहि सम को खोटी ॥
 विनु स्रम नारि परम गति लहई । पतिव्रत धर्म छाड़ि छल गहई ॥
 पति प्रतिकूल जन्म२ जहँ जाई । विधवा होइ पाइ तरुनाई ॥
 सो०—सहज अपावनि नारि पति सेवत सुभ गति लहइ ।

जसु गावत स्तुति चारि अजहुँ तुलसिका हरिहि प्रिय३ ॥

सुनु सीता तव नाम मुनिरि नारि पतिव्रत करहिं ।

तोहि प्रान प्रिय राम कहेउँ कथा संसार हित ॥ ५ ॥

सुनि जानकी परम सुख पावा । सादर तासु चरन सिरु नावा ॥
 तव मुनि सन कह कृपानिधाना । आयेसु होइ४ जाउँ बन आना ॥
 संतत मोपर कृपा करेहु । सेवक जानि तजेहु जनि नेह ॥
 धर्म धुरंधर प्रभु कै बानी । सुनि सप्रेम बोले मुनि जानी ॥
 जासु कृपा अज सिव सनकादी । चहत सकल परमार्थवादी ॥
 ते तुम्ह राम अकाम पियारे । दीनबंधु मृदु बचन उचारे ॥
 अब जानी मैं श्रीचतुराई । भजी तुम्हहिं सब देव बिहाई ॥
 जेहि समान अतिसय नहिं कोई । ता कर सील कम न अस होई ॥
 केहि बिधि कहौ जाहु अब५ स्वामी । कहहु नाथ तुम्ह अंतरजामी ॥

१—प्र० : सो । द्वि० : प्र० । [तृ० : ते] । च० : प्र० ।

२—[प्र० : जन्म] । द्वि०, तृ०, च० : जन्म ।

३—प्र० : हरिहि प्रिय । [द्वि० : हरिप्रिया] । तृ०, च० : प्र० [(न) : हरिप्रिया] ।

४—प्र० : होइ । द्वि० : प्र० । [तृ० : होख] । च० : प्र० ।

५—प्र० : अब । [द्वि०, तृ० : बन] । च० : प्र० ।

अस कहि प्रभु बिलोकि मुनि धीरा । लोचन जल बह पुलक सरीरा ॥

छं०—तन पुलक निर्भर प्रेम पूरन नयन मुख पंकज दिए ।

मन ज्ञान गुन गोतीत प्रभु मैं दीख जप तप का किए ॥

जप जोग धर्म समूह ते नर भगति अनुपम पावई ।

रघुवीर चरित पुनीत निसि दिनु दास तुलसी गावई ॥

दो०—कलिमल समन दमन दुख राम सुजस सुख मूल ।

सादर सुनहिं जे तिन्ह पर राम रहहिं अनुकूल ॥

सो०—कठिन काल मल कोस धर्म न ज्ञान न जोग जप ।

परिहरि सकल भरोस रामहि भजहिं ते चतुर नर ॥ ६ ॥

मुनि पद कमल नाइ करि सीसा । चले बनहि सुर नर मुनि ईसा ॥

आगे रामु अनुज^१ पुनि पाछे । मुनिवर वेष बने अति काछे २॥

उभय बीच श्री सोहइ^३ कैसी । ब्रह्म जीव बिच माया जैसी ॥

सरिता बन गिरि अवघट घाटा । पति पहिचानि देहिं बर^४ बाटा ॥

जहँ जहँ जाहिं देव रघुराया । करहिं मेघ तहँ तहँ नम छाया ॥

मिला असुर विराध मग जाता । आवत ही रघुवीर निपाता ॥

तुरतहिं रुचिर रूप तेहिं पावा । देखि दुखी निज धाम पठावा ॥

पुनि आए जहँ मुनि सरभंगा । सुंदर अनुज जानकी संग ॥

दो०—देखि राम मुख पंकज मुनिवर लोचन भृंग ।

सादर पान करत अति धन्य जनम सरभंग ॥ ७ ॥

कह मुनि सुनु रघुवीर कृपाला । संकर मानस राज मराला ॥

जात रहेउ^५ बिरंचि के धामा । सुनेउ^५ श्रवन बन अइहहिं रामा ॥

चितवत पंथ रहेउ^५ दिनु राती । अब प्रभु देखि जुड़ानी छाती ॥

१—प्र० : अनुज । द्वि० : प्र० । [तृ० : लखन] । च० : प्र० ।

२—प्र० : काछे । द्वि० : प्र० [(५) : आछे] । [तृ० : आछे] । च० : प्र० ।

३—प्र० : सोहइ । द्वि० : प्र० [(५अ) : सोहति] । [तृ० : सोहति] । च० : प्र० ।

४—प्र० : बर । द्वि० : प्र० । [तृ० : सब] । च० : प्र० ।

नाथ सकल साधन मैं हीना । कीन्ही कृपा जानि जन दीना ॥
 सो कछु देव न मोहि निहोरा । निज पन राखेहु जन मन चोरा ॥
 तब लागि रहहु दीन हित लागी । जबलगि मिलौ तुम्हहि तनु त्यागी ॥
 जोगु जज्ञ जप तप जत कीन्हा । प्रभु कहूँ देइ भगति बर लीन्हा ॥
 येहि विधि सर रचि मुनि सरभंगा । बैठे हृदयँ छाड़ि सब संगी ॥
 दो०—सीता अनुज समेत प्रभु नील जलद तनु स्याम ।

मम हिय बसहु निरंतर सगुन रूप श्रीराम ॥ ८ ॥
 अस कहि जोग अगिनि तनु जारा । राम कृपा बैकुण्ठ सिधारा ॥
 ताते मुनि हरिलीन न भयऊ । प्रथमहि भेद भगति बर लयऊ ॥
 रिषि निकाय मुनिवर गति देखी । सुखी भए निज हृदयँ विसेषी ॥
 अस्तुति कर्हि सकल मुनि वृंदा । जयति प्रनतहित करुणाकंदा ॥
 पुनि रघुनाथ चले वन आगें । मुनिवर वृंद विपुल संग लागे ॥
 अस्थि समूह देखि रघुराया । पूँछा मुनिन्ह लागि अति दाया ॥
 जानत हूँ पूँछिअ कस स्वामी । सबदरसी? तुम्ह? अंतरजामी ॥
 निसिचर निकर सकल मुनि खाए । मुनि रघुवीर नयन जल छाए ॥
 दो०—निसिचर हीन करौँ महि मुज उठाइ पन कीन्ह ।

सकल मुनिन्ह के आस्रमहि? जाइ जाइ सुख दीन्ह ॥ ९ ॥
 मुनि अगस्ति* कर सिष्य सुजाना । नाम सुतीछन रति भगवाना ॥
 मन क्रम बचन राम पद सेवक । सपनेहुँ आन भरोस न देवक ॥
 प्रभु आगवनु स्रवन सुनि पावा । करत मनोरथ आतुर धावा ॥
 है५ विधि दोनबंधु रघुराया । मो से सठ पर करिहि दाया ॥
 सहित अनुज मोहि राम गोसाईं । मिलिहहि निज सेवक की नाईं ॥

१—प्र० : सबदरसी । द्वि० : प्र० [(५) : समदरसी] । तृ०, च० : प्र० ।

२—प्र० : तुम्ह । द्वि० : प्र० [(५अ) : सब] । तृ० : उर] । च० : प्र० ।

३—प्र० : आस्रमहि । [द्वि० : आस्रमनिह] । [तृ० : आस्रम] । च० : प्र० ।

४—[प्र० : अगस्त्य] । द्वि०, तृ०, च० : अगस्ति [(८) : अगस्त्य] ।

५—प्र० : है । द्वि० : प्र० [(३)(४) : है] । [तृ० : है] । च० : प्र० [(८) : है] ।

मोरें जिय भरोस दृढ़ नाही । भगति बिरति न ज्ञान मन माहीं ॥
 नहिं सतसंग जोग जप जागा । नहिं दृढ़ चरन कमल अनुरागा ॥
 एक बानि करुनिधान की । सो प्रिय जाके गति न आन की ॥
 होइहहिं सुफल आजु मम लोचन । देखि बदन पंकज भव मोचन ॥
 निर्भर प्रेम मगन मुनि ज्ञानी । कहि न जाइ सो दसा भवानी ॥
 दिसि अरु बिदिसि पंथ नहिं सूझा । को मै चलेउँ कहाँ नहिं बूझा ॥
 कवहुँक फिरि पाछें पुनि जाई । कवहुँक नृत्य करइ गुन गाई ॥
 अबिरल प्रेम भगति मुनि पाई । प्रभु देखिहि तरु ओट लुकाई ॥
 अतिसय प्रीति देखि रघुवीरा । प्रगटे हृदयँ हरन भवभीरा ॥
 मुनि मग माँझ अचल होइ बैसा । पुलक सरीर पनसफत जैसा ॥
 तब रघुनाथ निकट चलि आए । देखि दसा निज जन मन भाए ॥
 मुनिहि राम बहु भाँति जगावा । जागर न ध्यान जनित सुख पावा ॥
 भूप रूप तब राम दुरावा । हृदयँ चतुर्भुज रूप देखावा ॥
 मुनि अकुलाइ बठा तब कैसेँ । बिकल हीनमनि फरिबर जैसेँ ॥
 आगे देखि रामु तनु स्थाप्य । सीता अनुज सहित सुख धाम ॥
 परेउ लकुट इव चरनन्हि लागी । प्रेम मगन मुनिवर बड़भागी ॥
 भुज विसाल गहि लिए उठाई । परम प्रीति राखे उर लाई ॥
 मुनिहि मिलत अस सोह कृपाला । कनक तरुहि जनु भेंट तमाला ॥
 राम बदन बिलोक मुनि ठाढ़ा । मानहुँ चित्र माँझ लिखि काढ़ा ॥
 दो०—तब मुनि हृदयँ धीर धरि गहि पद बारहिं बार ।

निज आसम प्रभु आनि करि पूजा विविध प्रकार ॥ १० ॥
 कह मुनि प्रभु सुनु बिनती मोरी । अस्तुति करौं कवनि विधि तोरी ॥
 महिमा अमित मोरि मति थोरी । रवि सन्मुख खद्योत अँजोरी ॥
 श्याम तामरस दाम शरीर । जटा मुकुट परिधन मुनि चीर ॥

१—प्र० : पुनि । [दि०, वृ० : चलि] । च० : प्र० ।

२—[प्र० : जान] । दि०, वृ०, च० : जग [(६) : जान] ।

पाणि चाप शर कटि तूणीरं । नौमि निरंतर श्री रघुवीरं ॥
 मोह विषिन घन दहन कृसानुः१ । संत सरोरुह कानन भानुः१ ॥
 निशिचर करि बरूथ मृगराजः२ । त्रातु सदा नो भव खग वाजः२ ॥
 अरुण नयन राजीव सुवेशं । सीता नयन चक्रोर निशेशं ॥
 हर हृदि मानस बालः मरालं । नौमि राम उर बाहु विशालं ॥
 संशय सर्प असन उरगादः४ । शमन सु कर्कश, तर्क विषादः४ ॥
 भव भंजन रंजन सुर यूथः५ । त्रातु सदा नो कृपा बरूथः५ ॥
 निर्गुण सगुण विषम सम रूपं । ज्ञान गिरा गोऽतीतमनूपं ॥
 अमलमखिलमनवद्यमपारं । नौमि राम भंजन महिभारं ॥
 भक्त कल्प पादप आरामः६ । तर्जन क्रोध लोभ मद कामः६ ॥
 अतिनागर भवसागर सेतुः७ । त्रातु सदा दिनकर कुल केतुः७ ॥
 अतुलित भुज प्रताप बल धामः८ । कलि मलविपुल विभंजन नामः८ ॥
 धर्मवर्म नर्मद गुनग्रामः९ । संतत शं तनोतु मम रामः९ ॥
 जदपि विरज व्यापक अविनासी । सबके हृदय निरंतर वासी ॥
 तदपि अनुज श्री सहित खरारी । वसतु१० मनसि मम काननचारी ॥
 जे जानहिं ते जानहुँ स्वामी । सगुन अगुन उर अंतरजामी ॥
 जो कोसलपति राजिव नयना । करहु सो राम हृदय मन अयना ॥
 अस अभिमान जाइ जनि भारैं । मै सेवक रघुपति पति मोरैं ॥

१—प्र० : क्रमशः कृसानुः, भानुः । [दि०, तृ० : कृसानु, भानु] । च० : प्र० ।

२—प्र० : मृगराजः वाजः । [दि०, तृ० : मृगराज, वाज] । च० : प्र० ।

३—प्र० : बाल । दि०, तृ०, च० : प्र० [(६) राज] ।

४—प्र० : उरगादः, विषादः । [दि०, तृ० : उरगाद, विषाद] । च० : प्र० ।

५—प्र० : यूथः, बरूथः । [दि०, तृ० : यूथ, बरूथ] । च० : प्र० ।

६—प्र० : क्रमशः आरामः, कामः । [दि०, तृ० : आराम, काम] । च० : प्र० [(६) : आराम, काम] ।

७—प्र० : सेतुः केतुः । दि०, तृ० : सेतु, केतु] । च० : प्र० ।

८—प्र० : धामः, नामः । [दि०, तृ० : धाम नाम] । च० : प्र० [(६) धाम, नाम]

९—प्र० : ग्रामः, रामः । [दि०, तृ० : ग्राम राम] । च० : प्र० ।

१०—प्र० : वसतु । दि० : प्र० [(४) वसतु] । [तृ० : वसतु] । च० : प्र० ।

मुनि मुनि वचन राम मन भाए । बहुरि हरषि मुनिबर उर लाए ॥
 परम प्रसन्न जानु मुनि मोही । जो बर मागहु देउँ सो तोही ॥
 मुनि कह मै बर कबहुँ न जाँचा । समुझि न परै झूठ^१ काँ साँचा ॥
 तुम्हहि नीक लागै रघुराई । सो मोहि देहु दास सुखदाई ॥
 अबिरल भगति बिरति बिज्ञाना । होहु सकल गुन ज्ञान निधाना ॥
 प्रभु जो दीन्ह सो बरु मै पावा । अब सो देहु मोहि जो भावा ॥
 दो०—अनुज जानकी सहित प्रभु चाप बान धर राम ।

मम हिय गगन इंदु इव बसहु सदा येह काम ॥ ११ ॥
 एवमस्तु कहि^२ रमानिवासा । हरिष चले कुंभज रिषि पासा ॥
 बहुत दिवस गुर दरसनु पाए । भए मोहि येहि आश्रमु आए ॥
 अब प्रभु संग जाउँ गुर पाहीं । तुम्ह कहूँ नाथ निहोरा नाहीं ॥
 देखि कृपानिधि मुनि चतुराई । लिये संग बिहँसे द्वौ भाई ॥
 पंथ कहत निज भगति अनूपा । पुनि आसम पहुँचे सुरभूपा ॥
 तुरत सुनीधन गुर पहि गएऊ । करि दंडवत कहत अस भएऊ ॥
 नाथ कोसलाधीस कुमारा । आए मिलन जगत आधारा ॥
 राम अनुज समेत बैदेही । निसि दिनु देव जपत हहु जेही ॥
 सुनत अगस्ति तुरत उठि धाये^३ । हरिबिलोकि लोचन जल छाये^३ ॥
 मुनि पद कमल परे द्वौ भाई । रिषि अति प्रीति लिये उर लाई ॥
 सादर कुसल पूँछि मुनि ज्ञानी । आसन पर बैठारे आनी ॥
 पुनि करि बहु प्रकार प्रभु पूजा । मोहि सम भाग्यवंत नहिँ दूजा ॥
 जहँ लगि रहे अमर मुनि वृंदा । हरषे सब बिलोकि सुख कंदा ॥
 दो०—मुनि समूह महँ^४ बैठे सनमुख सब की ओर ।

सरद इंदु तन चितवत मानहुँ निकर चकोर ॥ १२ ॥

१—प्र० : झूठ । द्वि०, तृ०, च० : प्र० [(६) रुढ़] ।

२—प्र० : कहि । द्वि० : कहि । तृ०, च० : द्वि० ।

३—प्र० : क्रमशः धाये, छाये । द्वि०, तृ०, च० : प्र० [(६) धाय छाये] ।

४—प्र० : यहँ । द्वि०, तृ०, च० : प्र० [(६) मोँ] ।

तव रघुवीर कहा मुनि पाहीं । तुम्ह सन प्रभु दुगव कछु नाहीं ॥
 तुम्ह जानहु जेहि कारन आएउँ । ताते तात न कहि समुझाएउँ ॥
 अब सो मंत्र देहु प्रभु मोही । जेहि प्रकार मारौं मुनि^१ द्रोही ॥
 मुनि मुसुकाने मुनि प्रभु बानी । पूछेहु नाथ मोहि का जानी ॥
 तुम्हरेइ भजन प्रभाव अघारी । जानौं महिमा कछुक तुम्हारी ॥
 ऊमरि^२ तरु विसाल तव माया । फल ब्रह्मांड अनेक निकाया ॥
 जीव चराचर जंतु समाना । भीतर बसहि न जानहि आना ॥
 ते फल भच्छक कठिन कराला । तव भय डरत सदा सोउ काला^३ ॥
 ते तुम्ह सकल लोकपति सई । पूछेहु मोहि मनुज की नाई ॥
 यह वर मागौं कृपानिकेता । बसहु हृदय श्री^४ अनुज समेता ॥
 अविरल भगति विरति सतसंगा । चमन सरोरुह प्रीति अभंगा ॥
 जद्यपि ब्रह्म अखंड अनंता । अनुभवगम्य भजहि जेहि संता ॥
 अस तव रूप बखानौं जानौं । फिरि फिरि सगुन ब्रह्म रति मानौं ॥
 संतत दासन्ह देहु बड़ाई । ताते मोहि पूछेहु रघुराई ॥
 है प्रभु परम मनोहर ठाऊँ । पावन पञ्चवटी तेहि नाऊँ ॥
 दंडक वनु पुनीत प्रभु करहु । उग्र स्नाप मुनिवर कै हरहु ॥
 वास करहु तहँ रघुकुल राया । कीजै सकल मुनिन्ह पर दाया ॥
 चले राम मुनि आयेसु पाई । तुरतहि पञ्चवटी निरराई ॥
 दो०—गीधराज सैं भेंट भइ बहु विधि प्रीति बढ़ाइ^५ ।
 गोदावरी निकट प्रभु रहे परनगृह छाइ ॥ १३ ॥
 जब ते राम कीन्ह तहँ वासा । सुखी भये मुनि बीती त्रासा ॥

१—प्र० : मुनि । द्वि० : प्र० [(५ अ) सुर] । [तृ० : सुर] च० : प्र० ।

२—प्र० ऊमरी । द्वि० : प्र० । [तृ० : ऊमरी] । च० : प्र० ।

३—[यह अर्थात् तृ० में नहीं है]

४—प्र० : श्री । द्वि० : प्र० [(५ अ) सिय] । [तृ० : सिय] । च० : प्र० ।

५—प्र० बढ़ाइ । द्वि०, तृ० : प्र० । च० : बढ़ाइ ।

गिरि बन नदी ताल छवि छाए । दिन दिन प्रति अति होहिं सुहाए ॥
 खग मृग वृंद अनंदित रहहीं । मधुप मधुर गुंजत छवि लहहीं ॥
 सो बन बरनि न सक अहिराजा । जहाँ प्रगट रघुबीर बिराजा ॥
 एक बार प्रभु सुख आसीना । लखिमन बचन कहे बल हीना ॥
 सुर नर मुनि सचराचर साई । मैं पूछौं निज प्रभु की नाई ॥
 मोहि समुझाई कहहु सोइ देवा । सब तजि करौं चरन रज सेवा ॥
 कहहु ज्ञान विराग अरु माया । कहहु सो भगति करहु जेहि दाया ॥
 दो०—ईस्वर जीव^१ भेद प्रभु सकल कहहु समुझाई ।

जा तैं होइ चरन रति सोक मोह भ्रम जाइ ॥ १४ ॥
 थोरेह महु सब कहउँ बुझाई । सुनहु तात मति मन चितु लाई ॥
 मैं अरु मोर तोर तैं माया । जेहि बस कीन्हे जीव निकाया ॥
 गो गोचर जहँ लगि मन जाई । सो सब माया जानेहु भाई ॥
 तेहिकर भेद सुनहु तुम्ह सोऊ । बिद्या अपर^२ अबिद्या दोऊ ॥
 एक दुष्ट अतिसय दुख रूपा । जा बस जीव परा भव कूपा ॥
 एक रचै जग गुन बन जाकैं । प्रभु प्रेरित नहिं निज बल ताकैं ॥
 ज्ञान मान जहँ एकौ नाहीं । देखि ब्रह्म समान सब माहीं ॥
 कहिअ तात सो परम बिरागी । त्रिन सम सिद्धि तीनि गुन त्यागी ॥

दो०—माया ईस न आपु कहूँ जान कहिअ सो जीव ।

बंध मोच्छप्रद सर्व पर माया प्रेरक सीव ॥ १५ ॥
 धर्म तैं विरति जोग तैं ज्ञाना । ज्ञान मोच्छप्रद बेद बखाना ॥
 जा तैं बेगि द्रवउँ मैं भाई । सो मम भगति भगत सुखदाई ॥
 सो सुतंत्र अवलंब न आना । तेहि आधीन ज्ञान बिज्ञाना ॥
 भगति तात अनुपम सुख मूला । मिलइ जो संत होइ अनुकूला ॥

१—प्र० : जीव । [दि०, वृ० : जीवहि] । च० : प्र० [(६) जीवहि] ।

२—प्र० : अप । दि०, वृ०, च० : प्र० [(६) अपार] ।

भगति कै^१ साधन कहौं बखानी । सुगम पंथ मोहि पावहिं प्राणी ॥
 प्रथमहिं विप्र चरन अतिप्रीती । निज निज कर्म^२ निरत मृति रीती ॥
 येहि कर फल पुनि^३ विषय विरागा । तब मम धर्म^४ उपज अनुरागा ॥
 सखनादिक नव भगति दृढ़ाहीं । मम लीला रति अति मन माहीं ॥
 संत चरन पंकज अतिप्रेमा । मन क्रम बचन भजन दृढ़ नेमा ॥
 गुरु पितु मातु बंधु पति देवा । सब मोहि कहूँ जानै दृढ़ सेवा ॥
 मम गुन गावत पुलक सरीरा । गदगद गिरा नयन बह नीरा ॥
 काम आदि मद दंभ न जाके । तात निरंतर बस मैं ताके ॥
 दो०—बचन करम मन मोरि गति भजनु कहिं निहकाम^५ ।

तिनके हृदय कमल महुँ करौं सदा विश्राम ॥ १६ ॥
 भगतिजोग सुनि अति सुख पावा । लब्धिमन प्रभु चरनन्हि सिरु नावा ॥
 एहि विधि गए कछुक दिन बीती । कहत विराग ज्ञान गुन नीती ॥
 सूपनखा रावन कै बहिनी । दुष्ट हृदय दारुन जसि अहिनी ॥
 पंचवटी सो गइ एक वारा । देखि बिकल भइ जुगल कुमारा ॥
 आता पिता पुत्र उरगारी । पुरुष मनोहर निरखत नारी ॥
 होइ बिकल सक^६ मनहिं न रोकी । जिमि रविमनिद्रव रविहिं विलोकी ॥
 रुचिर रूप धरि प्रभु पहिं जाई । बोली बचन बहुत मुसुकाई ॥
 तुम सम पुरुष न मो सम नारी । येह^७ सँजोग विधि रचा विचारी ॥
 मम अनुरूप पुरुष जग माहीं । देखेउँ खोजि लोक तिहुँ नाहीं ॥

१—[प्र० : कि] । दि०, वृ०, च० : के ।

२—प्र० : कर्म । दि० : प्र० । [वृ० : धरम] । च० : प्र० [(६) धर्म] ।

३—प्र० : मन । दि० : पुनि । वृ०, च० : दि० ।

४—प्र० : धर्म । दि० : प्र० [(५) अ] चरन] । [वृ० : चरन] । च० : प्र० [(५) चरन] ।

५—[प्र० : निष्काम] । दि० : निःकाम । वृ०, च० : दि० [(६) निष्काम] ।

६—प्र० : सक । दि० : प्र० [(४) (५) सकि] । वृ०, च० : प्र० ।

७—प्र० : येह । दि० : प्र० । [वृ० : अस] । च० : प्र० ।

ता तें अब लागि रहिउँ कुमारी^१ । मनु माना कछु तुम्हहि निहारी ॥
 सीतहि चितइ कही प्रभु बाता । अहै कुमार^२ मोर लघु आता ॥
 गइ लखिमन रिपु भगिनी जानी । प्रभु विलोकि बोले मृदु बानी ॥
 सुंदरि सुनु मै उन्ह कर दासा । पराधीन नहिं तोर सुपासा ॥
 प्रभु सम्रथ^३ कोसलपुर राजा । जो कछु करहि उन्हहिं सब ब्याजा ॥
 सेवक सुख चह मान भिवारी । व्यसनी धन सुभगति बिभिचारी ॥
 लोभी जसु चह चार गुमानी^४ । नभ दुहि दूध चहत ये प्रानी ॥
 पुनि फिरि रासु निकट सो आई । प्रभु लखिमन पहिं बहुरि पठाई ॥
 लखिमन कहा तोहि सो बरई । जो तृन तोरि लाज परिहरई ॥
 तब खिसिआनि राम पहिं गई । रूप भयंकर प्रगटत भई ॥
 सीतहि समय देखि रघुराई । कहा अनुज सन सयन बुझाई ॥

दो०—लखिमन अति लाघव सों नाक कान बिनु कीन्ह ।

ता के कर रावन कहूँ मनौ^५ चुनौती दीन्ह ॥ १७ ॥

नाक कान बिनु भइ विकरारा । जनु खव सैल गेरु कै धारा ॥
 खरदूषन पहिं गई बिलपाता^६ । धिग धिग तव पौरुष बल आता ॥
 तेहि पूंछा सब कहेसि बुझाई । जातुधान सुनि सेन बनाई ॥
 धाए निसिचर निकर^७ बरूथा । जनु सपच्छ कज्जल गिरि जूथा ॥
 नाना बाहन नानाकारा । नानायुध धर धोर अपारा ॥
 सूपनखा आगे करि लीन्ही । असुभ रूप स्तुति नासा हीनी ॥

१—प्र० : कुमारी । द्वि० : प्र० । [तृ० : कुँआरी] । च० : प्र० ।

२—प्र० : कुँआर । द्वि० : प्र० [(५) (५ अ) कुमार] । तृ० : कुमार । च० : प्र० ।

३—प्र० : सम्रथ । द्वि० : प्र० [(३) (४) (५) समर्थ] । तृ० : प्र० । [च० : (६) संमथ (न) समर्थ]

४—प्र०, द्वि०, तृ०, च० : गुमानी [(६) गुनानी]

५—प्र० : द्वि० : मनौ । [तृ० : मनहु] । च० : प्र० [(६) मनहु]

६—[प्र० : बिलपाता] । द्वि० : बिलपाता [(४) बिलपाता] । [तृ० : बिलपाता] । च० : प्र० ।

७—प्र०, द्वि०, तृ०, च० : निकर [(६) बरन] ।

असगुन अमित होहिं भयकारी । गनहिं न मृत्यु विवस सब भारी ॥
गर्जहिं तर्जहिं गगन उड़ाहीं । देखि कटक भट अति हरपाहीं ॥
कोउ कह जिअत धरहु द्वौ^१ भाई । धरि मारहु त्रिय लेहु छड़ाई ॥
धूरि पूरि नभ मंडल रहा । राम बोलाइ अनुज सन कहा ॥
लै जानकिहि जाहु गिरि कंदर । आवा निसिचर कटक भयंकर ॥
रहेहु सजग सुनि प्रभु कै वानी । चले सहित श्री सर धनु पानी ॥
देखि राम रिपु दल चलि आवा । बिहँसि कठिन कोदंड चढ़ावा ॥

छं०—कोदंड कठिन चढ़ाई सिर जटजूटु बाँधत सोह क्यों ।
मरकत सयल पर लरत २ दामिनिकोटि सौं जुग भुजग ज्यों ॥
कटि किसि निषंग विसाल भुज गहि चाप विसिख सुधारि कै ।
चितवत मनहुँ मृगराज प्रभु गजराज घटा निहारि कै ॥

सो०—आइ गए वगमेल धरहु धरहु धावत^३ सुभट ।
जथा बिलोकि अकेल बाल रबिहि घेरत दनुज ॥ १८ ॥
प्रभु बिलोकि सर सकहि न डारी । थकित भई रजनीचर धारी ॥
सचिव बालि बोले खरदूषन । येह कोउ नृप बालक नर भूषन ॥
नाग असुर सुर नर मुनि जेते । देखे जिते हते^४ हम केते ॥
हम भरि जन्म सुनहु सब भाई । देखी नहिं असि सुन्दरताई ॥
जद्यपि भगिनी कीन्हि कुरूपा । वध लायक नहिं पुरुष अनूपा ॥
देहु^५ तुरत निज नारि दुराई । जीअत भदन जाहु^५ द्वौ भाई ॥
मोर कहा तुम्ह ताहि सुनावहु । तासु वचन सुनि आतुर आवहु ॥
दूतन्ह कहा राम सन जाई । सुनत राम बोले सुमुकई ॥

१—प्र० : द्वौ [(२) दोउ] । [द्वि०, तृ० : दोउ] । च० : प्र० ।

२—प्र० : लरत । द्वि० : प्र० [(४) (५) लसत] । [तृ० : लसत] च० : प्र० ।

३—प्र० : धावत । द्वि० : प्र० । [तृ० : धावत] । च० : प्र० ।

४—प्र०, द्वि०, तृ०, च० : हते [(६) हने] ।

५—प्र० : क्रमशः देहु, जाहु । [द्वि० : देहिं, जाहु] । तृ०, च० : प्र० [(६) देहिं, जाहिं] ।

हम छत्री मृगया बन करहीं । तुम्ह से खल मृग खोजत फिरहीं ॥
 रिपु बलवंत देखि नहि डरहीं । एक बार कालहु सन लरहीं ॥
 जद्यपि मनुज दनुज कुल घालक । मुनि पालक खल सालक बालक ॥
 जौ न होइ बल घर^१ फिरि जाहू । समर बिमुख मैं हतौ न काहू ॥
 रन चढ़ि करिअ कपट चतुराई । रिपु पर कृपा परम कदगाई ॥
 दूतन्ह जाइ तुरत सब कहेउ । सुनि खरदूषन उर अति दहेऊ ॥

छं०—उर दहेउ कहेउ कि घरहु धाप^२ विकट भट रजनीचरा ।

सर चाप तोमर सक्ति सूल कृपान परिष परसु घरा ॥

प्रभु कीन्ह धनुष टँकोर प्रथम कठोर घोर भयावहा^३ ।

भए बधिर ब्याकुल जातुधान न ज्ञान तेहि अवसर रहा ॥

सो०—सावधान होइ धाप जानि सबल आराति ।

लागे वरषन राम पर अस्त्र सस्त्र बहु भाँति ॥

तिन्ह के आयुध तिल सम करि काटे रघुबीर ।

तानि सरासन खवन लागि पुन छाड़े निज तीर ॥ १६ ॥

तब चले बान कराल । फुंकरत जनु बहु^४ ब्याल ॥

कोपेउ समर सीराम । चले बिसिख निसित निकाम ॥

अवलोकि खरतर तीर । मुरि चले निसिचर बीर ॥

भए क्रुद्ध तीनिउ भाइ । जो भागि रन तें जाइ ॥

तेहि बधव हम निज पानि । फिरे मरन मन महुँ ठानि ॥

आयुध अनेक प्रकार^५ । सनमुख तें करहि प्रहार ॥

रिपु परम कोपे जानि । प्रभु धनुष सर संधानि ॥

१—प्र० : घर [(०) घर] । दि०, वृ, च० : प्र० [(६) गृह] ।

२—प्र० : धाप । दि० : प्र० । [वृ० : धावड्ड] । च० : प्र० ।

३—प्र० : भयावहा । दि० : प्र० । [वृ० : भयामहा] । च० : प्र० ।

४—प्र०, दि०, वृ०, च० : बहु [(६) निज] ।

५—[प्र० : अपार] । दि० : प्रकार । वृ०, च० : दि० [(६) अपार] ।

छांडे बिपुल नाराच । लगे कटन विकट पिशाच ॥
 उर सीस भुज कर चरन । जहँ तहँ लगे महि परन ॥
 चिक्करत लागत वान । घर परत कुधर सनान ॥
 भट कटत तन सत खंड । पुनि उठत करि पाखंड ॥
 नभ उत बड़हु भुज मुंड । बिनु मौलि धावत रुंड ॥
 खग कंक काक सृगाल ? । कटकटहिं कठिन कराल ॥
 छं०—कटकटहिं जंबुक भूत प्रेत पिशाच खर्पर २ संचही ।
 बेताल वीर कपाल ताल बजाइ जोगिनि नंचहीं ॥
 रघुवीर वान प्रचंड खंडहिं भटन्ह के उर भुज सिरा ॥
 जहँ तहँ पगहिं उठि लरहिं धरु धरु धरु कगहिं भयकर गिरा ॥
 अंतावरी गहि उड़त गीध पिचास कर गहि धावहीं ॥
 संग्राम पुर बासी मनहुँ बहु बाल गुडी उड़ावहीं ॥
 मारे पछारे उर बिदारे बिपुल भट कहँरत परे ।
 अवलोकि निज दल विकल भट तिसिरादि खरदूषन फिरे ॥
 सर सक्ति तोमर परसु सूल कृपान एकहि बारहीं ॥
 करि क्रोप सीरघुवीर पर अगिनित निसाचर डारहीं ॥
 प्रभु निमिष महँ रिपु सर निवारि प्रचारि डारे सायका ॥
 दस दस बिसिख उर माभ मारे सकल निसिचर नायका ॥
 महि परत उठि भट भिरत मरत न करत माया अति घनी ।
 सुर डरत चौदह सहस प्रेत बिलोकि एक अवधधनी ॥
 सुर मुनि सभय प्रभु देखि मायानाथ अति कौतुक करयो ॥
 देखहिं परसपर राम करि संग्राम रिपुदल लरि मरयो ॥
 दो०—राम राम कहि तनु तजहिं पावहिं पद निर्बान ।
 करि उपाइ रिपु मारे छनमहुँ कृपानिधान ॥

१—प्र० : सृगाल । [द्वि० : सुकाज] । वृ० : प्र० । च० : प्र० [(३) सुकाज] ।

२—प्र० खर्पर । [द्वि०, वृ० : खर्पर] । च० प्र० ।

हरषित वरषहिं सुमन सुर बाजहिं गगन निसान ।

अस्तुति करि करि सब चले सोमित बिबिध बिमान ॥ २० ॥

जब रघुनाथ समर रिपु जीते । सुर नर मुनि सबके भय बीते ॥

तब लखिमन सीतहि लै आए । प्रभु पद परत हरषि उर लाए ॥

सीता चितव स्याम मृदु गाता । परम प्रेम लोचन न अघाता ॥

पंचवटी बसि श्रीरघुनायक । करत चरित सुर मुनि सुखदायक ॥

धुआँ देखि खरदूषन केरा । जाइ सुपनखा रावनु प्रेरा ॥

बोली वचन क्रोध करि भारी । देस कोस कै सुरति बिसारी ॥

करसि पान सोवसि दिनुराती । सुधि नहि तव सिर पर आराती ॥

राजु नीति बिनु धनु बिनु धर्मा । हरिहि समर्थे बिनु सतकर्मा ॥

बिद्या बिनु बिबेक उपजाएँ । श्रम फल पढ़े किए अरु पाएँ ॥

संग तें जती कुमंत्र तें राजा । मान तें ज्ञान पान तें लाजा ॥

प्रीति प्रनय बिनु मद तें गुनी । नासहि बेगि नीति असि सुनी ॥

सो०-रिपु रुज पावक पाप प्रभु अहि गनि अन छोट करि ।

अस कहि बिबिधि बिलाप करि लागी रोदन करन ॥

दो०-सभा मौँझ परि व्याकुल बहु प्रकार कह रोइ ।

तोहि जिअत दसकंधर मोरि कि असि गति होइ ॥ २१ ॥

सुनत सभासद उठे अकुलाई । समुझाई गहि बाँह उठाई ॥

कह लंकेस कहसि निज बाता । केइ तव नासा कान निपाता ॥

अवध नृपति दसरथ के जाए । पुरुषसिंघ बनु खेलन आए ॥

समुझि परी मोहिं उन्ह कै करनी । रहित निसाचर करिहहिं धरनी ॥

जिन्ह कर भुजबल पाइ दसानन । अभय भये विचरत मुनि कानन ॥

देखत बालक काल समाना । परम धीर धन्वी गुन नाना ॥

अतुलित बल प्रताप द्वौ आता । खल बध रत सुर मुनि सुख दाता ॥

सोभा धाम राम अस नामा । तिन्ह के संग नारि एक स्यामा ॥

रूप रासि विधि नारि^१ सँवारी । रति सत कोटि तासु बलिहारी ॥
तासु अनुज काटे सुति नासा । सुनि तव भगिनि करहि^२ परिहासा ॥
खरदूषन सुनि लगे पुकारा । धन महुँ सकल कटक उन्ह मारा ॥
खरदूषन तिसिरा कर घाता । सुनि दससीस जरे सब गाता ॥
दो०—सूपनखहि समुझाइ करि बल बोलेसि बहु भौंति ।

गएउ भवन अति सोचवस नीइ पण्डि नहिँ गति ॥ २२ ॥

सुर नर असुर नाग खग माहीं । मोरे अनुचर कहँ कोउ नाहीं ॥
खरदूषन मोहिँ सम बलवंता । तिन्हहि को माइ विनु भगवंता ॥
सुर रंजन भंजन महिभारा । जौँ भगवंत लीन्ह अवतारा ॥
तौ मैं जाइ बयर हठि करऊँ । प्रभु सर प्रान तजे भव तरऊँ ॥
होइहि भजनु न तामस देहा । मन कम बचन मंत्र दृढ़ येहा ॥
जौ नर रूप भूप सुत कोऊ । हरिहौँ नारि जीति रन दोऊ ॥
चला अकेल जान चढ़ि दहवाँ । बस मारीच सिंधु तट जहवाँ ॥
इहाँ राम जसि जुगुति वनाई । सुनहु उमा सो कथा सुहाई ॥
दो०—लखिमन गए वनहिँ जब लेन मूल^३ फल कंद ।

जनकमुता सन बोले विहँसि कृपा सुखवृंद ॥ २३ ॥

सुनहु प्रिया व्रत रुचिर सुसीला । मैं कछु करवि ललित नर लीला ॥
तुम्ह पावक महुँ करहु निवासा । जौ लागि करौँ निसाचर नासा ॥
जबहिँ राम सबु कहा बखानी । प्रभु पद धरि हिय अनल समानी ॥
निज प्रतिबिंब राखि तहँ सीता । तैसइ सील रूप सुबिनीता ॥
लखिमनहूँ येह मरम न जाना । जो कछु चरित रचा^४ भगवाना ॥
दसमुख गएउ जहाँ मारीचा । नाइ माथ स्वारथरत नीचा ॥

१—प्र० : नारि । द्वि० : प्र० । [तृ० : रची] । च० : प्र० ।

२—प्र० : भगिनि करहिँ । द्वि० : प्र० । [तृ० : भगिनि करी] । च० : प्र० [(=) : भगिनी करि] ।

३—प्र० : मूल । द्वि० : प्र० । [तृ० : फूल] । च० : प्र० ।

४—प्र० : रचा । द्वि०, तृ० : प्र० । च० : प्र० [(इ) : रचेड] ।

नवनि नीच कै अति दुखदाई । जिमि अंकुस धनु उरग बिलाई ॥
भयदायक खल कै प्रिय बानी । जिमि अकाल के कुसुम भवानी ॥
दो०—करि पूजा मारीच तब सादर पूँछी बात ।

कवन हेतु मन व्यग्र अति अकसर आएहु तात ॥ २४ ॥
दसमुख सकल कथा तेहि आगें । कही सहित अभिमान अभागें ॥
होहु कपटमृग तुम्ह छलकारी । जेहि बिधि हरि आनों नृपनारी ॥
तेहि पुनि कहा सुनहु दससीसा । ते नर रूप चरावर ईसा ॥
तासों तात बयर नहिं कीजै । मारे मरिअ जिआए जीजै ॥
मुनि मख राखन गएउ कुमारा । बिनु फर सर रघुपति मोहि मारा ॥
सत योजन आएउँ छन माहीं । तिन्हसन बयर किएँ भल नाहीं ॥
भइ मम१ कीट भृंग कै नाई । जहँ तहँ मैं देखौं दोउ भाई ॥
जौं नर तात तदपि अति सूरा । तिन्हहिं बिरोधिन आइहि पूरा ॥
दो०—जेहि ताड़का सुबाहु हति खंडेउ हर कोदंड ।

खर दूषन तिसिरा बधेउ मनुज कि अस बरिवंड ॥ २५ ॥
जाहु भवन कुलकुसल विचारी । सुनत जरा दीन्हिसि बहु गारी ॥
गुरु जिमि मूढ़ करसि मम बोधा । कहु जग मोहि समान को जोधा ॥
तब मारीच हृदय अनुमाना । नवहि बिरोधे नहिं कल्याना ॥
सखी ममीं प्रभु सठ धनी । बैद बंदि कवि मानसगुनी२ ॥
उभय भाँति देखा३ निज मरना । तब ताकेसि रघुनायक सरना ॥
उतरु देत मोहि बधव अभागें । कस न मरौ रघुपति सर लागे ॥
अस जिअँ जानि दसानन संग । चला राम पद प्रेमु अभंगा ॥
मन अति हरष जनाव न तेही । आजु देखिहौं परम सनेही ॥
छं०—निज परम प्रीतम देखि लोचन सुफल करि सुख पाइहौं ।

श्री सहित अनुज समेत कृपानिकेत पद मन लाइहौं ॥

१—प्र० : मम । द्वि० : प्र० [(५) : अति] । तृ० च०, प्र० ।

२—प्र०, द्वि०, तृ०, च० : मानसगुनी [(६) : मानसगुनी] ।

३—प्र० : देषा [(२) : देषी] । द्वि०, तृ०, च० : प्र० [(८) : देखेसि] ।

निर्बान दायक क्रोध जाकर भगति अबसहि वसकरी ।

निज पानि सर संधानि सो मोहिं बधिहिं सुखसागर हरी ॥

दो०—मम पाछे धर धावत धरे सरासन बान ।

फिरि फिरि प्रभुहि बिलोकिहौं धन्य न मो सम आन ॥ २६ ॥

तेहि बन निकट दसानन गएऊ । तब मारीच कपटमृग भएऊ ॥

अति विचित्र कछु बरनि न जाई । कनक देह मनि रचित बनाई ॥

सीता परम रुचिर मृग देखा । अंग अंग सुमनोहर वेषा ॥

सुनहु देव रघुवीर कृपाला । येहि मृग कर अति सुंदर बाला ॥

सत्यसंघ प्रभु बधि करि येही । आनहु चर्म कहित वैदेही ॥

तब रघुपति जानत सब कारन । उठे हरषि सुर काजु सँवारन ॥

मृग बिलोकि कटि परिकर बाँधा । करतल चाप रुचिर सर साँधा ॥

प्रभु लब्धिमनहि कहा समुझाई । फिरत बिपिन निसिचर बहु भाई ॥

सीता केरि करेहु रखवारी । बुधि विवेक बल समय विचारी ॥

प्रभुहि बिलोकि चला मृग भाजी । धाए रामु सरासन साजी ॥

निगम नेति सिव ध्यान न पावा । मायामृग पाछे सो१ धावा ॥

कबहुँ निकट पुनि दूरि पराई । कबहुँक प्रगटै कबहुँ छपाई ॥

प्रगटत दुरत करत छल भूरी । येहि विधि प्रभुहि गएउ लै दूरी ॥

तब तकि राम कठिन सर मारा । धरनि परेउ२ करि घोर पुकारा ॥

लब्धिमन कर प्रथमहिं लै नामा । पाछे सुमिरेसि मन महुँ रामा ॥

प्राण तजत प्रगटेसि निज देहा । सुमिरेसि राम समेत सनेहा ॥

अंतर प्रेम तासु पहिचाना । मुनिदुर्लभ गति दीन्हि सुजाना ॥

दो०—बिपुल सुमन सुर बरषहिं गावहिं प्रभु गुन गाथ ।

निज पद दीन्ह असुर कहँ दीनबंधु रघुनाथ ॥ २७ ॥

१—प्र० : सोइ । द्वि० : सो । तृ० , च० : द्वि० ।

२—प्र० : परेउ । द्वि० : प्र० । [तृ० : परा] । च० : प्र० ।

खल बधि तुरत फिरे रघुबीरा । सोह चाप कर कटि तूनीरा ॥
 आरत गिरा सुनी जब सीता । कह लखिमन सन परम समीता ॥
 जाहु बेगि संकट^१ अति आता । लखिमन विहँसि कहा सुनु माता ॥
 भृकुटि बिलास सृष्टि लय होई । सपनेहुँ संकट परइ कि सोई ॥
 मरम बचन जब^२ सीता बोला । हरि प्रेरित लखिमन मन डोला ॥
 बन दिसिदेव सौं पि सब काहू । चले जहाँ रावन ससि राहू ॥
 सूत बीच दसकंधर देखा । आवा निकट जती के बेषा ॥
 जा के डर सुर असुर डेराहीं । निसि न नींद दिन अन्न न खाहीं ॥
 सो दससीस स्वान की नाई^३ । इत उत चितइ चला भड़िहाई^४ ॥
 इमि दुपथ पग देत खगेसा । रह न तेज तन बुधि बल^५ लेसा ॥
 नाना बिधि कहि कथा सुहाई^६ । राजनीति भय प्रीति दिखाई ॥
 कह सीता सुनु जती गुसाई^७ । बोलेहु^८ बचन दुष्ट की नाई ॥
 तब रावन निजि रूप देखावा । भई सभय जब नाम सुनावा ॥
 कह सीता धरि धीरजु गाढ़ा । आइ गएउ प्रभु रहु खल ठाढ़ा ॥
 जिमि हरिबधुहि छुद्र सस चाहा । भएसि काल बस निसिचर नाहा ॥
 सुनत बचन दससीस रिसाना^९ । मन महुँ चरन बंदि सुख माना ॥
 दो०—क्रोधवंत तब रावन लीन्हिसि रथ बैठाइ ।

चला गगन पथ आतुर भय रथ हाँकि न जाइ ॥२८॥
 हा जगदेक^{१०} बीर रघुराया । केहि अपराध बिसारेहु दाया ॥

१—प्र०, द्वि०, तृ०, च० : संकट [(६) : कष्ट] ।

२—प्र० : जब । द्वि० : प्र० । [तृ० : तब] । च० : प्र० ।

३—प्र० : भड़िहाई । द्वि० : प्र० । [तृ० : भड़िआई] । च० : प्र० ।

४—प्र० : बल । द्वि० : प्र० । [तृ० : लब] । च० : प्र० ।

५—प्र० : सुहाई । द्वि० : प्र० । [तृ० : सुनाई] । च० : प्र० ।

६—प्र० : बोलेह । द्वि० : प्र० । [तृ० : बोलइ] । च० : प्र० [(६) : बोले] ।

७—प्र० : रिसाना । द्वि० : प्र० [(३) (४) (५) : लजाना] । तृ०, च० : प्र० ।

८—प्र० : जगदेक । द्वि० : प्र० [(४) (५) : जगदीस] । [तृ० : जगदैव] । च० : प्र०

[(८) : जग एक] ।

आरति ह्यन सरन सुख दायक । हा रघुकुल सरोज दिन नायक ॥
 हा लखिमन तुम्हार नहिं दोसा । सो फलु पाणउँ कीन्हेउँ रोसा ॥
 बिबिधि बिलाप करति१ बैदेही । भूरि कृपा प्रभु दूरि सनेही ॥
 बिनति मोरि को प्रभुहि सुनावा । पुरोडास चह रासभ खावा ॥
 सीता कै बिलाप सुनि भारी । भए चराचर जीव दुखारी ॥
 गीधराज सुनि आरति बानी । रघुकुल तिलक नारि पहिचानी ॥
 अधम निसाचर लीन्हे जाई । जिमि मलेखवस कपिला गाई ॥
 सीते पुत्रि करसि जनि त्रासा । करिहौं जातुधानु कर नासा ॥
 धावा क्रोधवन्त खग कैसे । छूटै पवि पर्वत कहूँ जैसे ॥
 रे रे दुष्ट ठाढ़ किन होई । निर्भय चलेसि न जानेहि२ मोही ॥
 आवत देखि कृतांत समाना । फिर दसकंधर कर अनुमाना ॥
 की मैनाक कि खगपति होई । मम बल जान सहित पति सोई ॥
 जाना जरठ जटायू येहा । मम कर तीरथ छाड़िहि देहा ॥
 सुनत गीध क्रोधातुर धावा । कह सुन रावन मोर सिखावा ॥
 तजि जानकिहि कुसल गृह जाहू । नाहिं त अस होइहि बहुबाहू ॥
 राम रोष पावक अति घोरा । होइहि सलभ सकल कुल तोरा ॥
 उतरु न देत दसानन जोधा । तबहिं गीध धावा करि क्रोधा ॥
 धरि कच बिरथ कीन्ह महि गिरा । सीतहि राखि गीध पुनि फिरा ॥
 चोचन्ह मारि बिदारेसि देही । दंड एक भइ मुख्या तेही ॥
 तब सक्रोध निसिचर खिसिआना । काढ़िसि परम कराल कृपाना ॥
 काटेसि पंख परा खग धरनी । सुमिरि राम करि अदभुत करनी ॥
 सीतहि जान चढ़ाइ बहोरी । चला उताइल त्रास न थोरी ॥
 करति बिलाप जाति नभ सीता । ब्याध बिबस जनु मृगी सभिता ॥

१—प्र० : करति । [द्वि० : करत] । वृ०, च० : प्र० [(६) : करत] ।

२—प्र० : जानेहि । द्वि० : प्र० [(४) जानेसि, (५) जानसि] । वृ०, च० : प्र० [(२) : जाने] ।

गिरि पर बैठे कपिन्ह निहारी । कहि हरि नामु दीन्ह पट डारी ॥
 येहि विधि सीतहि सो लै गएऊ । बन असोक महुँ राखत भएऊ ॥
 दो०—हारि परा खल बहु विधि भय अरु प्रीति देखाइ ।

तव असोक पादप तर राखिसि^१ जतनु कराइ ॥

जेहि विधि कपट कुरंग सँग धाइ चले श्री राम ।

सो छवि सीता राखि उर रटति रहति हरि नाम ॥ २६ ॥

रघुपति अनुजहि आवत देखी । बाहिज बिता कीन्ह बिसेषी ॥
 जनकसुता परिहरेहु अकेली । आएहु तात बचन मम पेली ॥
 निसिचर निकर फिरहिं बन माहीं । मम मन सीता आस्रम नाहीं^२ ॥
 गहि पइ कमल अनुज कर जोरी । कहेउ नाथ कछु मोहि न खोरी ॥
 अनुज समेत गए प्रभु तहवाँ^३ । गोदावरि तट आस्रम जहवाँ^३ ॥
 आस्रम देखि जानकी हीना । भए बिकल जस प्राकृत दीना ॥
 हा गुनखानि जानकी सीता । रूप सील व्रत नेम पुनीता ॥
 लब्धिमन समुझाए बहु माँती । पूँछत चले लता तरु पाँती ॥
 हे खग मृग हे मधुकर स्नेनी । तुम देखी सीता मृगनयनी ॥
 खंजन सुक कपोत मृग मीना । मधुप निकर कोकिला प्रवीना ॥
 कुंद कली दाड़िम दामिनी । कमल सरद ससि अहि भामिनी ॥
 बरुन पास मनोज धनु हंसा । गज केहरि निज सुनत प्रसंसा ॥
 श्रीफल कनक कदालि हरषाहीं । नेकु न संक सकुच मन माहीं ॥
 सुनु जानकी तोहि बिनु आजू । हरषे सकल पाइ जनु राजू ॥
 किमि सहि जात अनख तोहि पाहीं । प्रिया बेगि प्रगटसि कस नाहीं ॥
 येहि विधि खोजत बिलपत स्वामी । मनहुँ महा बिरही अति कामी ॥

१—प्र० : राखिसि । [द्वि० : राखेसि] । [तृ० : राखे] । च० : प्र० [(५) : राखेसि] ।

२—प्र० : मम सीता आस्रम महुँ नाहीं । द्वि० : मम मन सीता आस्रम नाहीं । तृ०, च० : द्वि० ।

३—प्र० : क्रमशः तहवाँ, जहवाँ । द्वि०, तृ०, च० : प्र० [(६) : तहवाँ, जहवाँ] ।

पूरनकामु राम सुखरासी । मनुज चरित कर अज अबिनासी ॥
आगे परा गीधपति देखा । सुमिरत राम चरन जिन्ह रेखा ॥
दो०—कर सरोज सिरु परसेउ कृपासिंधु रघुबीर ।

निरखि राम छबिधाम मुख बिगत भई सब पीर ॥ ३० ॥
तब कह गीध बचन धरि धीरा । सुनहु राम भंजन भव भीरा ॥
नाथ दसानन येह गति कीन्ही । तेहिं^१ खल जनकसुता हरि लीन्ही ॥
लै दच्छिन दिसि गएउ गोसाईं । बिलपति अति कुररी की नाई ॥
दरस लागि प्रभु राखेउँ प्राना । चलन चहत अब कृपानिधाना ॥
राम कहा तनु राखहु ताता । मुख मुसुकाइ कही तेहिं बाता ॥
जाकर नाम मरत मुख आवा । अधमौ मुकुत होइ श्रुति गावा ॥
सो मम लोचन गोचर आगे । राखौं देह नाथ केहि खाँगे ॥
जल भरि नयन कहहिं रघुराई । तात कर्म निज तें गति पाई ॥
परहित बस जिन्ह केँ मन माहीं । तिन्ह वहाँ जग दुर्लभ कछु नाहीं ॥
तनु तजि तात जाहु मम धामा । देउँ काह तुम्ह पूरनकामा ॥
दो०—सीता हरन तात जनि कहेहु^२ पिता सन जाइ ।

जौं मैं रामु त कुल सहित कहिहि दसानन आइ ॥ ३१ ॥
गीध देह तजि धरि हरि रूपा । भूषन बहु पट पीत अनूपा ॥
स्याम गात बिसाल भुज चारी । अस्तुति करत नयन भरि बारी ॥

छं०—जय राम रूप अनूप निर्गुन सगुन गुनप्रेरक सही ।

दससीस बाहु प्रचंड खंडन चंड सर मंडन मही ॥

पाथोद गात सरोज मुख राजीव आयत लोचन ।

नित नौमि राम कृपाल बाहु बिसाल भव भय मोचन ॥

बल मप्रमेय मनादि मज मव्यक्त मेक मगोचर ।

गोबिंद गोपर द्वंद्वहर बिज्ञान घन धरनीधर ॥

१—प्र० : तेहिं । द्वि० : प्र० । [तृ० : तेइ] । च० : प्र० ।

२—[प्र०, द्वि०, तृ० : कहेहु] । च० : कहेह ।

जे१ राम मंत्र जपंत संत अनंत जन मन रंजनं ।
 नित नौमि राम अकाम प्रिय कामादि खल दल गंजनं ॥
 जेहि श्रुति निरंजन२ ब्रह्म व्यापक बिरज अज कहि गावहीं ।
 करि ध्यान ज्ञान विराग जोग अनेक मुनि जेहि पावहीं ॥
 सो प्रगट करुनाकंद सोभावृंद अग जग मोहई ।
 मम हृदय पंकज भृंग अंग अनंग बहु छबि सोहई ॥
 जो अगम सुगम सुभाव निर्मल असम सम सीतल सदा ।
 पश्यंति जं जोगी जतनु करि करत मन गो बस सदा३ ॥
 सो राम रमानिवास संतत दास बस त्रिभुवन धनी ।
 मम उर बसउ४ सो समन संसृति जासु कीरति पावनी ॥
 दो०—अबिरल भगति माँगि बर गीध गण्ड हरि धाम ।
 तेहिकी क्रिया जथोचित निज कर कीन्ही राम ॥ ३२ ॥
 कोमल चित अति दीन दयाला । कारन बिनु रघुनाथ कृपाला ॥
 गीध अधम खग आमिष भोगी । गति दीन्ही जो जाचत जोगी ॥
 सुनहु उमा ते लोग अभागी । हरि तजि होहिं विषय अनुरागी ॥
 पुनि सीतहि खोजत द्वौ भाई । चले बिलोकत बन बहुताई ॥
 संकुल लता बिटप घन कानन । बहु खग मृग तहँ गज पंचानन ॥
 आवत पंथ कबंध निपाता । तेहिं सब कही साप कै बाता ॥
 दुर्बासा मोहि दीन्ही सापा । प्रभु पद देखि मिटा सो पापा ॥
 सुनु गंधर्व कहौ मैं तोही । मोहि न सुहाइ ब्रह्मकुल द्रोही ॥
 दो०—मन क्रम बचन कपट तजि जो कर भूसुर सेव ।
 मोहि समेत बिरंचि सिव बस ताकैं सब देव ॥ ३३ ॥

१—प्र० : जे । द्वि० : प्र० । [तृ० : जो] । च० : प्र० [(६) : जो] ।

२—प्र० : निरंजन । द्वि० : प्र० । [तृ० : निरंतर] । च० : प्र० ।

३—प्र० : सदा । द्वि० : प्र० । [तृ० : जदा] । च० : प्र० [(६) : जदा] ।

४—प्र० : बसउ [(२) : बसेउ] । द्वि०, तृ०, च० : प्र० ।

स्नापत ताडित परुष कहंता । बिप्र पूज्य अस गावहिं संता ॥
 पूजिग्र बिप्र सील गुनहीना । सूद्र न गुन गन ज्ञान प्रवीना ॥
 कहि निज धर्म ताहि समुझावा । निज पद प्रीति देखि मन भावा ॥
 रघुपति चरन कमल सिरु नाई । गएउ गगन आपनि गति पाई ॥
 ताहि देखि गति राम उदारा । सबरी के आसनु पगु धारा ॥
 सबरी देखि राम गृह आए । मुनि के वचन समुझि जिअँ भाए ॥
 सरसिज लोचन बाहु बिसाला । जटा मुकुट सिर उर बनमाला ॥
 स्याम गौर सुंदर द्वौ^१ भाई । सबरी परी चरन लपटाई ॥
 प्रेम मगन मुख वचन न आवा । पुनि पुनि पद सरोज सिरु नावा ॥
 सादर जल लै चरन पखारे । पुनि सुंदर आसन बैठारे ॥
 दो०—कंद मूल फल सुख अति दिए राम कहँ आनि ।

प्रेम सहित प्रभु खाए बारंबार बखानि ॥ ३४ ॥
 पानि जोरि आगे भइ ठाढ़ी । प्रभुहि बिलोकि प्रीति अति बाढ़ी ॥
 केहि बिधि अस्तुति करौ तुम्हारी । अधम जाति मैं जड़मति भारी ॥
 अधम तैं अधम अधम अति नारी । तिन्ह महुँ मैं अतिमंद^२ अधारी ॥
 कह रघुपति सुनु भामिनि बाता । मानौँ एक भगति कर नाता ॥
 जाति पाँति कुल धर्म बड़ाई । धन बल परिजन गुन चतुराई ॥
 भगतिहीन नर सोहइ कैसा^३ । बिनु जल बारिद देखिअ जैसा^३ ॥
 नवधा भगति कहौ तोहि पाहीं । सावधान सुनु धरु मन माहीं ॥
 प्रथम भगति संतन्ह कर संगी । दूसरि रति मम कथा प्रसंगा ॥
 दो०—गुर पद पंकज सेवा तीसरि भगति अमान ।

चौथि भगति मम गुन गन करइ कपट तजि गान ॥ ३५ ॥
 मंत्र जाप मम दृढ़ बिस्वासा । पंचम भजनु सो बेद प्रकासा ॥

१—प्र० : द्वौ [(२) : दोउ] । [द्वि०, तृ० : दोउ] । च० : प्र० ।

२—प्र० : अतिमंद । द्वि० : प्र० [(४) (५) : मतिमंद] । [तृ० : मतिमंद] । च० : प्र० ।

३—प्र० : कमशः कैसा, जैसा । द्वि० : प्र० । [तृ० : कैसे, जैसे] । च० : प्र० ।

छठ दम सील बिरति बहु कर्मा । निरत निरंतर सज्जन धर्मा ॥
 सातव सप्त मोहिमय जग देखा । मो तैं संत अधिक करि लेखा ॥
 आठव जथालाभ संतोषा । सपनेहु नहि देखइ पर दोषा ॥
 नवम सल सव सन छलहीना । मम भरोस हिअँ हरष न दीना ॥
 नव महँ एकौ जिन्ह कै होई । नारि पुरुष सचराचर कोई ॥
 सोइ अतिसय प्रिय भामिनि मोरे । सकल प्रकार भगति दृढ़ तोरे ॥
 जोगिवृंद दुर्लभ गति जोई । तो कहँ आजु सुलभ भइ सोई ॥
 मम दासन फल परम अनुषा । जीव पाव निज सहज सरूपा ॥
 जनकसुता कइ सुधि भामिनी । जानहि कहु करि बर गामिनी ॥
 पंपासरहि जाहु रघुराई । तहँ होइहि सुग्रीव मिताई ॥
 सो सब कहिहि देव रघुवीर । जानतहँ पूछहु मति धीरा ॥
 बार बार प्रभु पद सिरु नाई । प्रेम सहित सब कथा सुनाई ॥

वं०—कहि कथा सकल बिलोकि हरि मुख हृदय पद पंकज धरे ।

तजि जोग पावक देह हरिपद लीन भइ जहँ नाह फिरे ॥

नर विविध कर्म अधर्म बहु मत सोकप्रद सब त्यागहू ।

बिस्वास करि कह दास तुलसी राम पद अनुरागहू ॥

दो०—जातिहीन अघ जन्म महि मुक्त कीन्ह असि नारि ।

महा मंद मन सुख चहसि ऐसे प्रभुहि बिसारि ॥ ३६ ॥

चले राम त्यागा बन सोऊ । अतुलित बल नरकेहरि दोऊ ॥

बिरही इव प्रभु करत विषादा । कहत कथा अनेक संवादा ॥

लखिमन देखु बिपिन कइ सोभा । देखत केहि कर मनु नहि छोभा ॥

नारि सहित सब खग मृग वृंदा । मानहुँ मोरि करत हहि निंदा ॥

हमहि देखि मृग निकर पराहीं । मृगीं कहहिं तुम्ह कहँ भय नाहीं ॥

तुम्ह आनंद करहु मृग जाए । कंचन मृग सोजन ये आए ॥

संग लाइ करिनी करि लेहीं । मानहु मोहि सिखावनु देहीं ॥

साक्ष सुचिंतित पुनि पुनि देखिअ । भूप सुसेवित बस नहि लेखिअ ॥

राखिअ नारि जदपि उर माहीं । जुवती साख नृपति बस नाहीं ॥
देखहु तात बसंत सोहावा । प्रियाहीन मोहि भय उपजावा ॥

दो०—बिरह विकल बलहीन मोहि जानेसि निपट अकेल ।

सहित बिपिन मधुकर खग^१ मदन कीन्हि बगमेल ॥

देखि गएउ आता सहित तासु दूत सुनि नात ।

ढेरा कीन्हेउ^२ मनहुँ तब कटक हटक मनजात ॥ ३७ ॥

बिटप बिसाल लता अरुभानी । बिबिध बितान दिए जनु तानी ॥
कदलि ताल बर ध्वजा पताका । देखि न मोह धीर मन जाका ॥
बिबिध भाँति फूले तरु नाना । जनु बानैत बने बहु बाना ॥
कहुँ कहुँ सुंदर बिटप सुहाए । जनु भट विलग विलग होइ छाए ॥
कूजत पिक मानहुँ गज माते । डेक महोख ऊँट बेसरा ते ॥
मोर चकोर कीर बर बाजी । पारावत मराल सब ताजी ॥
तीतिर लावक पदचर जूथा । बरनि न जाइ मनोज बरूथा ॥
रथ गिरि सिला दुंदुभी भरना । चातक बंदी गुन गन बरना ॥
मधुकर मुखर भेरि सहनाई । त्रिविध बथार बसीठी आई ॥
चतुरंगिनी सेन^३ सँग लीन्हे । बिचरत सगहि चुनौती दीन्हे ॥
लखिमन देखत काम अनीका । रहहिं धीर तिन्ह कै जग लीका ॥
एहि कें एक परम बल भारी । तेहि तें उबर सुभट सोइ भारी ॥

दो०—तात तीनि अति^४ प्रबल खल^५ काम क्रोध अरु लोभ ।

सुनि बिज्ञान धाम मन करहिं निमिष महुँ खोभ ॥

१—प्र० : खग । द्वि० : प्र० । [वृ० : खगन] । च० : प्र० ।

२—प्र० : कीन्हेउ । द्वि० : प्र० । [वृ० : दीन्हेउ] । च० : प्र० [(६) : दीन्हेउ] ।

३—प्र०, द्वि०, वृ०, च० : सेन [(६) : सेना] ।

४—प्र० : अति [(२) : ये] । द्वि०, वृ०, च० : प्र० [(८) : ये] ।

५—प्र० : [(१), ये (२) अति] । द्वि० : खल । वृ०, च० : द्वि० [(८) : अति] ।

लोभ के इच्छा दंभ बल काम के केवल नारि ।

क्रोध के परुष वचन बल मुनिबर कहहिं बिचारि ॥ ३८ ॥

गुनातीत सचराचर स्वामी । राम उमा सब अंतरजामी ॥

कामिन्ह कैः दीनता देखाई । धीरन्ह मन बिरति दढ़ाई ॥

क्रोध मनोज लोभ मद माया । छूटहिं सकल राम की दाया ॥

सो नर इंद्रजाल नहिं भूला । जापर होइ सो नट अनुकूला ॥

उमा कहौं मैं अनुभव अपना । सत्य^२ हरि भजनु जगत सब सपना ॥

पुनि प्रभु गए सरोवर तीरा । पंपा नाम सुभग गंभीरा ॥

संत हृदय जस निर्मल बारी । बाँधे घाट मनोहर चारी ॥

जहँ तहँ पिअहिं विविध मृग नीरा । जनु उदार गृह जाचक भीरा ॥

दो०—पुरइनि सघन ओट जल बेगि न पाइअ मर्म ।

मायाद्वज्र न देखिए^३ जैसैं निर्गुन ब्रह्म ॥

सुखी मीन सब एकरस अति अगाध जल माहिं ।

जथा धर्मसीलन्ह के दिन सुख संजुत जाहिं ॥ ३९ ॥

बिकसे सरसिज नाना रंगा । मधुर मुखर गुंजत बहु भृंगा ॥

बोलत जलकुक्कुट कलहंसा । प्रभु बिलोकि जनु करत प्रसंसा ॥

चक्रवाक बक खग समुदाई । देखत बनइ बरनि नहिं जाई ॥

सुंदर खग गन गिरा सोहाई । जात पथिक जनु लेत बोलाई ॥

ताल समीप मुनिन्ह गृह छाए । चहुँ दिसि कानन विटप सुहाए ॥

चंपक बकुल कदंब तमाला । पाटल पनस परास^४ रसाला ॥

नव पल्लव कुसुमित तरु नाना । चंचरीक पटली कर गाना ॥

सीतल मंद सुगंध सुभाऊ । संतत बहइ मनोहर बाऊ ॥

१—प्र० : कै । द्वि० : प्र० । [तू : कहँ] । च० : प्र० ।

२—प्र० : सत्य । द्वि० : प्र० [(३) सत, (४) सत्त] । [तू० : सत] । च० : प्र० ।

३—प्र० : देखिअ । द्वि० : प्र० [(५अ) : देखिब] । [तू० : देखिए] । च० : प्र० [(६) देखिअ] ।

४—प्र० : पनास । द्वि० : परास [(५अ) : पनास] । तू०, च० : द्वि० ।

कुह कुह कोकिल धुनि करहीं । सुनि रव सरस ध्यान मुनि टरहीं ॥
दो०—फल भारनि नमि^१ बिटप सब रहे भूमि निअराइ ।

पर उपकारी पुरुष जिमि नवहिं सुसंपति पाइ ॥ ४० ॥
देखि राम अति रुचिर तलावा । मज्जनु कीन्ह परम सुख पावा ॥
देखी सुंदर तरु बर छाया । बैठे अनुज सहित रघुगया ॥
तहँ पुनि सकल देव मुनि आए । अस्तुति कर निज धाम सिधाए ॥
बैठे परम प्रसन्न कृपाला । कहत अनुज सन कथा रसाला ॥
बिरहवंत भगवंतहि देखी । नारद मन भा सोच बिसेषी ॥
मोर स्नाप करि अंगीकारा । सहत राम नाना दुख भारा ॥
ऐसे प्रभुहि बिलोकौ जाई । पुनि न बनिहि अस अवसरु आई ॥
येह विचार नारद कर बीना । गए जहाँ प्रभु सुख आसीना ॥
गावत राम चरित मृदु वानी । प्रेम सहित बहु भौंति बखानी ॥
करत दंडवत लिए उठाई । राखे बहुत बार उर लाई ॥
स्वागत पूँछि निकट बैठारे । लक्ष्मिन सादर चरन पखारे ॥
दो०—नाना विधि बिनती करि प्रभु प्रसन्न जिअँ जानि ।

नारद बोले बचन तब जोरि सरोरुह पानि ॥ ४१ ॥
सुनहु परम उदार^२ रघुनायक । सुंदर अगम सुगम बर दायक ॥
देहु एक बरु माँगौ स्वामी । जद्यपि जानत अंतरजामी ॥
जानहु मुनि तुम्ह मोर सुभाऊ । जन सन कवहुँ कि करौं दुगाऊ ॥
कवन बस्तु अस प्रिय मोहि लागी । जो मुनिबर न सकहु तुम्ह माँगी ॥
जन कहूँ कछु अदेय नहिं मोरें । अस बिश्वास तजहु जनि मोरें ॥
तब नारद बोले हरषाई । अस बर माँगौं करौं ढिठाई ॥
जद्यपि प्रभु के नाम अनेका । स्तुति कह अधिक एक तैं एका ॥

१—प्र० : भारन नमि । द्वि० : प्र० [(३) (४) (५) : भर नम्र] । [वृ० : भर नम्र] । च० :
प्र० [(६) : भर नम्र] ।

२—प्र० : उदार परम । द्वि० : प्र० [(५अ) : उदार सहज] । वृ० : परम उदार । च० :
वृ० [(५) : उदार सहज] ।

राम सकल नामन्ह ते अधिका । होउ नाथ अघ खग गन बधिका ॥
दो०—राका रजनी भगति तब राम नाम सोइ सोम ।

अपर नाम उडुगन बिमल बसहु भगत उर व्योम ॥

एवमस्तु मुनि सन कहेउ कृपासिंधु रघुनाथ ।

तब नारद मन हरष अति प्रभु पद नाएउ माथ ॥ ४२ ॥
अति प्रसन्न रघुनाथहि जानी । पुनि नारद बोले मृदु बानी ॥
राम जवहि प्रेरेहु निज माया । मोहेहु मोहि सुनहु रघुराया ॥
तब विवाह मै चाहौं कीन्हा । प्रभु केहि कारन करै न दीन्हा ॥
मुनि मुनि तोहि कहौं सह रोसा । भजहिं जे मोहि तजि सकल भरोसा ॥
करौं सदा तिन्ह कै रखवारी । जिमि बालक राखै महतारी ॥
गह सिसु बच्छ अनल अहि धाई । तहँ राखै जननी अरगाई ॥
प्रौढ़ भए तेहिं सुन पर माता । प्रीति करै नहिं पाछिलि बाता ॥
मोरें प्रौढ़ तनय सम ज्ञानी । बालक सुन सम दास अमानी ॥
जनहि मोर बल निज बल ताही । दुहुँ कहुँ काम क्रोध रिपु आही ॥
येह बिचारि पंडित मोहि भजहीं । पाएहु ज्ञान भगति नहिं तजहीं ॥
दो०—काम क्रोध लोभादि मद प्रबल मोह कै धारि ।

तिन्ह महँ अति दारुन दुखद माया रूपी नारि ॥ ४३ ॥
सुनु मुनि कह पुगन श्रुति संता । मोह बिपिन कहुँ नारि बसंता ॥
जप तप नेम जलामय भारी । होइ शीषम सोखै सब नारी ॥
काम क्रोध मद मत्सर भेका । इन्हहिं हरषप्रद वर्षा एका ॥
दुर्बासना कुमुद समुदाई । तिन्ह कहँ सरद सदा सुखदाई ॥
धर्म सकल सरसीरुह बृंदा । होइ हिम तिन्हहिं देति दुख मंदा ॥
पुनि ममता जवास बहुताई । पलुहइ नारि सिसर रिनु पाई ॥
पाप उलूक निकर सुखकारी । नारि निबिड़ रजनी अंधियारी ॥

१—प्र० : देति सुख । [दि० : (३) (४) दहै सुख, (५) देत दुख] । वृ० : देति दुख ।

बुधि बलु सील सत्य सब मीना । बनसी सम त्रिय कहहिं प्रबीना ॥

दो०—अवगुनभूत सूलप्रद प्रमदा सब दुख खानि ।

ता तें कीन्ह निवारन मुनि मैं येह जिय जानि ॥ ४४ ॥

मुनि रघुपति के बचन सुहाए । मुनि तन पुलक नयन भरि आए ॥

कहहु कवन प्रभु कै असि रीती । सेवक पर ममता अरु प्रीती ॥

जे न भजहिं अस प्रभु भ्रम त्यागी । ज्ञान रंक नर मंद अभागी ॥

पुनि सादर बोले मुनि नारद । सुनहु राम विज्ञान बिसारद ॥

संतन्ह के लच्छन रघुबीरा । कहहु नाथ भंजन भवभीरा ॥

सुनु मुनि संतन्ह के गुन कहऊँ । जिन्ह^१ तें मैं उनके बस रहऊँ ॥

पट बिकार जित अनव अकामा । अचल अकिंचन सुचि सुखधामा ॥

अमितबोध अनीह मितभोगी । सत्यसार कवि कोविद जोगी ॥

सावधान मानद मदहीना । धीर धर्मगति^२ परम प्रबीना ॥

दो०—गुनागार संसार दुख^३ रहित बिगत संदेह ।

तजि मम चरन सरोज प्रिय तिन्ह कहूँ देह न गेह ॥ ४५ ॥

निज गुन सवन सुनत सकुचाहीं । पर गुन सुनत अधिक हरषाहीं ॥

सम सीतल नहिं त्यागहिं नीती । सरल सुभाउ सबहिं सन प्रीती ॥

जप तप व्रत दम संजम नेमा । गुर गोविंद विप्र पद नेमा ॥

सद्धा छमा मयत्री दाया । मुदिता मम पद प्रीति अमाया ॥

बिरति बिबेक बिनय विज्ञाना । बोध जथारथ वेद पुराना ॥

दंभ मान मद करहिं न काऊ । भूलि न देहिं कुमारग पाऊ ॥

गावहिं सुनहिं सदा मम लीला । हेतु रहित पर हित रत सीला ॥

मुनि सुनु साधुन्ह के गुन जेते । कहि न सकैं सारद श्रुति तेते ॥

१—प्र० : जिन्ह । द्वि० : प्र० । [तु० जेहि] ; च० : प्र० [(इ) वा] ।

२—प्र० : धर्मगति । द्वि०, तु०, च० : प्र० [(इ) भगतिपत्र] ।

३—प्र० : दुख । द्वि० : प्र० । [तु० : सुख] । च० : प्र० ।

छं०—कहि सक न सारद सेष नारद सुनत पद पंकज गहे ।

अस दीनबंधु कृपाल अपने भगत गुन निज मुख कहे ॥

सिरु नाइ बारहिं बार चरनन्हि ब्रम्हपुर नारद गए ।

ते धन्य तुलसीदास आस विहाइ जे हरि रँग गए ॥

दो०—रावनारि जसु पावन गावहिं सुनहिं जे लोग ।

राम भगति दृढ़ पावहिं बिनु विराग जप जोग ॥

दीप सिखा सम जुवति तनु^१ मन जनि होसि पतंग ।

भजहि राम तजि काम मद करहि सदा सत संग ॥ ४६ ॥

इति श्री रामचरितमानसे सकल कलि कलुषविध्वंसने विमल वैराग्य-

सम्पादनो नाम तृतीयः सोपानः समाप्तः ॥

१—प्र० : जुवति तनु । [द्वि० : (३) (४) (५) जुवती, (५अ) जुवति रस] । [छं० में मद दोहा नहीं है] । च० : प्र० [(६) : जुवती] ।

श्रीगणेशाय नमः

श्री जानकीवल्लभो विजयते

श्री राम चरित मानस

चतुर्थ सोपान

किष्किंधा कांड

श्लो०—कुन्देदीवरसुन्दरावतिबलौ विज्ञानधामावुभौ
शोभाढ्यौ वरधन्विनौ श्रुतिनुतौ गोविप्रवृंदप्रियौ ।
माया मानुषरूपिणौ रघुवरौ सद्धर्मवर्धनौ हितौ
सीतान्वेषणतत्परौ पथिगतौ भक्तिप्रदौ तौ हि नः ॥
ब्रह्मांभोधिसमुद्भवं कलिमलप्रध्वंसनं चाव्ययं
श्रीमच्छंभुमुखेन्दुसुन्दरवरे संशोभितं सर्वदा ।
संसारानयमेषजं सुखकरं श्रीजानकीजीवनं
धन्यास्ते कृतिनः पिवन्ति सततं श्रीरामनामामृतम् ॥

सो०—मुक्ति जन्म महि जानि ज्ञान खानि अघ हानि कर ।
जहँ बस संभु भवानि सो कासी सेइअ कस न ॥
जरत सकल सुर वृंद बिषम गरल जेहि पान किअ ।
तेहि न भजसि मन मंद को कृपाल संकर सरिस ॥

आगे चले बहुरि रघुराया । रिण्मूक पर्वत निअराया ॥
तहँ रह सचिव सहित सुग्रीवा । आवत देखि अतुल बल सीवा ॥
अति समीत कह सुनु हनुमाना । पुरुष जुगल बल रूप निधाना ॥
धरि बटु रूप देखु तैं जाई । कहेसु जानि जिअँ सयन बुभाई ॥

पठए^१ बालि होहिं मन मैला । भागौं तुरत तजौं येह सैला ॥
 बिप्र रूप धरि कपि तहँ गएऊ । माथ नाइ पूँछत अस भएऊ ॥
 को तुम्ह स्यामल गौर सरीरा । छत्री रूप फिरहु बन बीरा ॥
 कठिन भूमि कोमल पद गामी । कवन हेतु बन बिचरहु स्वामी ॥
 मृदुल मनोहर सुंदर गाता । सहत दुसह बन आतप बाता ॥
 क्री तुम्ह तीनि देव महँ कोऊ । नर नारायन की तुम्ह दोऊ ॥
 दो०—जग कारन तारन भव^२ भंजन भरनी भार ।

की तुम्ह अखिल भुवनपति लीन्ह मनुज अवतार ॥ १ ॥
 कोसलेस दसरथ के जाए । हम पितु बचन मानि बन आए ॥
 नाम राम लखिमन दोउ भाई । संग नारि सुकुमारि सुहाई ॥
 इहाँ हरी निसिचर बैदेही । बिप्र फिरहिं हम खोजत तेही ॥
 आपन चरित कहा हम गाई । कहहु बिप्र निज कथा बुझाई ॥
 प्रभु पहिचानि परेउ गहि चरना । सो सुख उमा जाइ नहिं बरना ॥
 पुलकित तन मुख आव न बचना । देखत रुचिर बेष कै रचना ॥
 पुनि धीरजु धरि अस्तुति कीन्ही । हरष हृदयँ निज नाथहि चीन्ही ॥
 मोर न्याउ मैं पूछा साई^३ । तुम्ह पूँछहु कस नर की नाई ॥
 तव माया बस फिरौं भुलाना । ता तें मैं नहिं प्रभु पहिचाना ॥
 दो०—एक मंद मैं मोहबस कुटिल^३ हृदय अज्ञान ।

पुनि प्रभु मोहि बिसारेउ दीनबंधु भगवान ॥ २ ॥
 जदपि नाथ बहु अवगुन मोरें । सेवक प्रभुहिं परै जनि मोरें ॥
 नाथ जीव तव माया मोहा । सो निस्तरइ तुम्हारेहि छोहा ॥
 तापर मैं रघुबीर दोहाई । जानौं नहिं कछु भजन उपाई ॥
 सेवक सुत पति मातु भरोसैं । रहै असोच बनइ प्रभु पोसैं ॥

१—प्र० : पठए । द्वि० : प्र० [तु० : पठवा] । च० : प्र०

२—प्र० : भव । द्वि० : प्र० । [तु० : भवन] । च० : प्र०

३—प्र० : कुटिल । द्वि० : प्र० । [तु० : कीस] । च० : प्र० ।

अस कहि परेउ चरन अकुलाई । निज तनु प्रगटि प्रीति उर छाई ॥
तब रघुपति उठाइ उर लावा । निज लोचन जल सींचि जुडावा ॥
सुनु कपि जिअँ मानसि जनि ऊँना । तैं मम प्रिय लखिमन तें दूना ॥
समदरसी मोहि कह सब कोऊ । सेवक प्रिय अनन्य गति सोऊ ॥
दो०—सो अनन्य जाकें असि मति न टरइ हनुमंत ।

मैं सेवक सचराचर रूप स्वामि भगवंत ॥ ३ ॥
देखि पवनसुत पति अनुकूला । हृदयँ हरष वीती सब सूला ॥
नाथ सैल पर कपिपति रहई । सो सुग्रीव दास तब अहई ॥
तेहि सन नाथ मइत्री कीजै । दीन जानि तेहि अभय करीजै ॥
सो सीताकर खोज कराइहि । जहँ तहँ मरकट कोटि पठाइहि ॥
येहि बिधि सकल कथा समुझाई । लिए दुवौ जन पीठि चढ़ाई ॥
जब सुग्रीव राम कहूँ देखा । अतिसय जन्म धन्य करि लेखा ॥
सादर मिलेउ नाइ पद माथा । भेंटैउ अनुज सहित रघुनाथा ॥
कपि कर मन बिचार येहि रीती । करिहहि बिधि मोसन ये प्रीती ॥
दो०—तब हनुमंत उभय दिसि कीर सब कथा सुनाइ ।

पावक साखी देइ करि जोरी प्रीति दड़ाइ ॥ ४ ॥
कीन्ह प्रीति कछु बीच न राखा । लखिमन राम चरित सब भाषा ॥
कह सुग्रीव नयन भरि बारी । मिलिहि नाथ मिथिलेस कुमारी ॥
मत्रिन्ह सहित इहाँ एक बारा । बैठ रहेउँ मैं करत बिचारा ॥
गगन पंथ देखी मैं जाता । परबस परी बहुत बिलपाता ॥
राम राम हा राम पुकारी । हमहि देखि दीन्हैउ पट डारी ॥
माँगा रामु तुरत तेहि दीन्हा । पट उर लाइ सोच अति कीन्हा ॥

१—प्र० : करीजै [(२) : करदीजै] । द्वि०, तृ०, च० : प्र० ।

२—प्र० : की । द्वि० : प्र० [(४) (५ अ) : कहि] । तृ० : प्र० । [च० : कह] ।

३—प्र० : बिलपाता । द्वि०, तृ० : प्र० । च० : बिलपाता ।

कह सुग्रीव सुनहु रघुबीरा । तजहु सोच मन आनहु धीरा ॥
सब प्रकार करिहौं सेवकाई । जेहि बिधि मिलिहि जानकी आई ॥

दो०—सखा बचन सुनि हरषे कृपासिंधु बलसीव ।

कारन कवन बसहु बन मोहि कहहु सुग्रीव ॥५॥
नाथ बालि अरु मैं द्वौ^१ भाई । प्रीति रही कछु बरनि न जाई ॥
मयसुत मायावी तेहि नाऊँ । आवा सो प्रभु हमरे गाऊँ ॥
अर्द्ध राति पुर द्वार पुकारा । बाली रिपु बल सहइ न पारा ॥
धावा बालि देखि सो भागा । मैं पुनि गएँ बंधु सँग लागा ॥
गिरि बर गुहा पैठ सो जाई । तब बाली मोहि कहा बुझाई ॥
परिखेसु मोहि एक पखवारा । नहि आवौं तब जानेसु मारा ॥
मास दिवस तहँ^२ रहेउँ खरारी । निसरी रुधिर धार तहँ भारी ॥
बालि हतेसि मोहि मारिहि आई । सिला देइ तहँ चलेउँ पराई ॥
मंत्रिन्ह पुर देखा बिनु साई । दीन्हेउ मोहि राजु बरिआई ॥
बाली ताहि मारि गृह आवा । देखि मोहि जिअँ भेद बढ़ावा ॥
रिपु सम मोहि मारेसि अति भारी । हरि लीन्हेसि सर्वसु अरु नारी ॥
ताकें भय रघुबीर कृपाला । सकल भुवन मैं फिरेउँ बिहाला ॥
इहाँ स्थाप बस आवत नाहीं । तदपि समीत रहौं मन माहीं ॥
सुनि सेवक दुख दीन दयाला । फरकि उठीं^३ द्वौ^४ भुजा बिसाला ॥

दो०—सुनु सुग्रीव मारिहौं^५ बालिहि एकहि बान ।

ब्रह्म रुद्र सरनागत^६ गए न उबरिहि प्रान ॥ ६ ॥

१—प्र० : द्वौ । [द्वि०, वृ० : दोउ] । च० : प्र० ।

२—प्र० : तहँ । द्वि०, वृ० : प्र० [च० : सत] ।

३—प्र० : उठीं । द्वि० : प्र० । [वृ० : उठे] । च० : प्र० ।

४—प्र० : द्वौ । द्वि० : (३) (४) दोउ, (५ अ) द्वौ । वृ० : दोउ । [च० : दौ] ।

५—प्र० : मारिहौं । द्वि० : प्र० । [वृ० : मैं मारिहौं] । च० : प्र० ।

६—प्र० : सरनागत । द्वि० : प्र० । [वृ० : सरनागतहुं] । च० : प्र० ।

जे न मित्र दुख होहिं दुखारी । तिन्हहि विलोकत पातक भारी ॥
 निज दुख गिरि सम रज करि जाना । मित्र क दुख रज मेरु समाना ॥
 जिन्ह केँ असि मति सहजन आई । ते सठ कत हठि करत मिताई ॥
 कुपथ निवारि सुपंथ चलावा । गुन प्रगटइ अवगुनन्हि दुरावा ॥
 देत लेत मन संक न धरई । बज अनुमान सदा हित करई ॥
 बिप तिकाल कर सगुन नेहा । श्रुति कह संत मित्र गुन एहा ॥
 आगे कह मृदु वचन बनाई । पाछे अनहित मन कुटिलाई ॥
 जा कर चित अहि गति सम भाई । अस कुमित्र परिहरेहि भलाई ॥
 सेवक सठ नृप कृपन कुनारी । कपटी मित्र सूत सम चारी ॥
 सखा सोच त्यागहु बल मोरें । सब विधि घटव काज मैं तोरें ॥
 कह सुग्रीव सुनहु रघुवीरा । बालि महाबल अति रन धीरा ॥
 दुंदुभि अस्थि ताल देखराए । बिनु प्रयास रघुनाथ ढहाए ॥
 देखि अमित बल बाढ़ी प्रीती । बाली बध की भइ^२ परतीती ॥
 बार बार नावइ पद सीसा । प्रभुहि जानि मन हरष कपीसा ॥
 उपजा ज्ञान वचन तव बोला । नाथ कृपा मन भएउ अलोला ॥
 सुख संपति परिवार बड़ाई । सब परिहरि करिहौं सेवकाई ॥
 ये सब राम भगति के बाधक । कहहिं संत तव पद अवराधक ॥
 सत्रु मित्र सुख दुख जग माहीं । मायाकृत परमारथ नाहीं ॥
 बालि परम हित जासु प्रसादा । मित्रेहु राम तुम्ह समन बिषादा ॥
 सपने जेहि सन होइ लराई । जागे समुझत मन सकुचाई ॥
 अब प्रभु कृपा करहु येहि^३ भौंती । सब तजि भजन करौं दिनु राती ॥
 सुनि विराग संजुत कपि बानी । बोले बिहँसि राम धनुपानी ॥
 जो कछु कहेहु सत्य सब सोई । सखा वचन मम मृषा न होई ॥

१—[प्र० : ढहाए] । द्वि०, तृ०, च० : ढहाए ।

२—प्र० : बालि बधव इन्ह । द्वि०, तृ० : प्र० । च० : बाली बध की ।

३—प्र० : येहि । द्वि०, तृ० : प्र० । [च० : वेदि] ।

नट मकंठ इव सबहिं नचावत । रामु खगेस बेद अस गावत ॥
 लै सुग्रीव संग रघुनाथा । चले चाप सायक गहि हाथा ॥
 तव रघुपति सुग्रीव पठावा । गर्जेसि जाइ निकट बल पावा ॥
 सुनत बालि क्रोधातुर धावा । गहि कर चरन नारि समुझावा ॥
 सुनु पति जिन्हहि मिलेउ सुग्रीवा । ते द्वौ बंधु तेज बल सीवा ॥
 कोसलेस सुत लख्मिन रामा । कालहु जीति सहहिं संग्रामा ॥
 दो०—कहइ बालि^१ सुनु भीरु^२ प्रिय समदरसी रघुनाथ ।

जौ कदाचि मोहि मारहि^३ तौ पुनि होउँ सनाथ ॥ ७ ॥
 अस कहि चला महा अभिमानी । तृन समान सुग्रीवहि जानी ॥
 भिरे उभौ^४ बाली अति तर्जा । मुठिका मारि महा धुनि गर्जा ॥
 तव सुग्रीव विकल होइ भागा । मुष्टि प्रहार बज्र सम लागा ॥
 मैं जो कहा रघुवीर कृपाला । बंधु न होइ मोर यह काला ॥
 एक रूप तुह आता दोऊ । तेहि भ्रम तें नहिं मारेउँ सोऊ ॥
 कर परसा सुग्रीव सरीरा । तनु भा कुलिस गई सव पीरा ॥
 मेली कंठ सुमन कै माला । पठवा पुनि बल देइ बिसाला ॥
 पुनि नाना विधि भई लराई । बिटप ओट देखहिं रघुराई ॥
 दो०—बहु छल बल सुग्रीव करि हियँ हारा भय मानि ।

मारा बालि राम तव हृदय माँझ सर तानि ॥ ८ ॥
 परा विकल महि सर के लागें । पुनि उठि बैठ देखि प्रभु आगें ॥
 स्थाम गात सिर जटा बनाएँ । अरुन नयन सर चाप चढ़ाएँ ॥
 पुनि पुनि चितइ चरन चित दीन्हा । सुफल जनम माना प्रभु चीन्हा ॥

१—प्र० : द्वौ । [द्वि०, तृ० : दोउ] । च० : प्र० ।

२—प्र० : कहै बालि । द्वि० : कह बाली । [तृ० : कहा बालि] । [च० : कह बालि] ।

३—प्र० : भीरु [(२) : मोहि] । द्वि०, तृ०, च० : प्र० ।

४—प्र० : मारहि [(२) : मारिहहि] । द्वि० : प्र० [(४) मारिहि, (५अ) मारिहहि] ।
 [तृ० : मारिहि] । च० : प्र० ।

५—प्र० : उभौ [(२) : उभै] द्वि० : प्र० [(५अ) : उभै] । तृ०, च० : प्र० ।

हृदयँ प्रीति मुख बचन कठोरा । बोला चितइ राम की ओरा ॥
 धर्म हेतु अवतरेहु गोसाईं । मारेहु मोहि व्याध की नाई ॥
 मैं बैरी सुग्रीव पिआरा । अवगुन कवन नाथ मोहि मारा ॥
 अनुज बधू भगिनी सुतनारी । सुन सठ ये कन्या सम चारी ॥
 इन्हहिं कुट्टष्ट बिलोकइ जोई । ताहि बधैं कछु पाप न होई ॥
 मूढ़ तोहि अतिसय अभिमाना । नारि सिखावनु कसि न काना ॥
 मम भुज बल आसित तेहि जानो । मारा चहसि अधम अभिमानी ॥
 दो०—सुन्हु राम स्वामी सन चल न चातुरी मोरि ।

प्रभु अजहूँ मैं पापी अंतकाल गति तोरि ॥ ६ ॥
 सुनत राम अति कोमल बानी । बालि सीस परसेउ निज पानी ॥
 अचल करौं तनु राखहु प्राना । बालि कहा सुनु कृपानिधाना ॥
 जन्म जन्म मुनि जतनु कराहीं । अंत राम कहि आवत नाहीं ॥
 जासु नाम बल संकर कासी । देत सबहिं सम गति अविनासी ॥
 मम लोचन गोचर सोइ आवा । बहुरि कि प्रभु अस बनिहि बनावा ॥
 छं०—सो नयन गोचर जासु गुन नित नेति कहि श्रुति गावहीं ।

जित पवन मन गो गिरस करि मुनि ध्यान कबहुक पावहीं ॥
 मोहि जानि अति अभिमानबस प्रभु कहेउ राखु सरीरही ॥
 अस कवन सठ हठि काटि सुरतरु बारि करिहि बबूर हीं ॥
 अब नाथ करि करुना बिलोकहु देहु जो बर माँगऊँ ।
 जेहि जोनि जन्मौ कर्मबस तहँ राम पद अनुरागऊँ ॥
 येह तनय मम सम बिनय बल कल्याणप्रद प्रभु लीजिए ।
 गहि बाँह सुर नर नाह आपन दास अंगद क्रीजिए ॥

दो०—राम चरन दृढ़ प्रीति करि बालि कीन्ह तनु त्याग ।

सुमनमाल जिमि कंठ तें गिरत न जानइ नाग ॥ १० ॥
 राम बालि निज धाम पठावा । नगर लोग सब व्याकुल धावा ॥
 नाना विधि बिलाप कर तारा । छूटे केस न देह सँभारा ॥

तारा बिकल देखि रघुराया । दीन्ह ज्ञान हरि लीन्ही माया ॥
 छिति जल पावक गगन समीरा । पंच रचित अति अधम सरीरा ॥
 प्रगट सो तनु तब आगे सोवा । जीव नित्य केहि लागि तुम्ह रोवा ॥
 उपजा ज्ञान चरन तब लागी । लीन्हेसि परम भगति बर माँगी ॥
 उमा दारुजोषित की नाई । सबहि नचावत रामु गोसाई ॥
 तब सुग्रीवहि आयेसु दीन्हा । मृतक कर्म बिधिवत सब कीन्हा ॥
 रामु कहा अनुजहि समुझाई । राजु देहु सुग्रीवहि जाई ॥
 रघुपति चरन नाइ करि माथा । चले सकल प्रेरित रघुनाथा ॥
 दो०—लब्धिमन तुरत बोलाए पुरजन विप्र समाज ।

राजु दीन्ह सुग्रीव कहूँ अंगद कहूँ जुबराज ॥ ११ ॥
 उमा राम सम हित जग माहीं । गुर पितु मातु बंधु प्रभु नाहीं ॥
 सुर नर मुनि सब केँ येह रीती । स्वारथ लागि करहिँ सब प्रीती ॥
 बालि त्रास व्याकुल दिन राती । तन बहु व्रन चिंता जर छाती ॥
 सोइ सुग्रीव कीन्ह कपिराऊ । अति कृपाल रघुवीर सुभाऊ ॥
 जानतहूँ अस प्रभु परिहरहीं । काहे न बिपति जाल नर परहीं ॥
 पुनि सुग्रीवहि लीन्ह बोलाई । बहु प्रकार नृप नीति सिखाई ॥
 कह प्रभु सुनु सुग्रीव हरीसा । पुर न जाउँ दस चारि बरीसा ॥
 गत ग्रीषम बरषा रितु आई । रहिहौँ निकट सैल पर छाई ॥
 अंगद सहित करहु तुम राजू । संतत हृदयँ धरेहु मम काजू ॥
 जब सुग्रीव भवन फिरि आए । रामु प्रबरषन गिरि पर छाए ॥
 दो०—प्रथमहिँ देबन्ह गिरि गुहा राखी रुचिर बनाइ ।

रामु कृपानिधि कछुक दिन बास करहिँगे आई ॥ १२ ॥
 सुंदर बन कुसुमित अति सोभा । गुंजत मधुप निकर मधु लोभा ॥
 कंद मूल फल पत्र सुहाए । भए बहुत जब तैं प्रभु आए ॥

१—प्र० : करहिँ । दि०, वृ० : प्र० । [च० : करति] ।

२—प्र० : सोह । दि० : प्र० । [वृ० : सो] । च० : प्र० ।

देखि मनोहर सैल अनूपा । रहे तहँ अनुज सहित सुरभूपा ॥
मधुकर खग मृग तनु धरि देवा । करहिं सिद्ध मुनि प्रभु कै सेवा ॥
मंगलरूप भएउ बन तव तें । कीन्ह निवास रमापति जब तें ॥
फटक सिला अति सुभ्र सुहाई । सुख आसीन तहाँ द्वौ भाई ॥
कहत अनुज सन कथा अनेका । भगति बिरति नृपनीति विवेका ॥
बरषा काल मेघ नभ छाए । गर्जत लागत परम सुहाए ॥
दो०—लङ्घिमन देखु मोर गन नाचत बारिद पेलि ।

गृही बिरति रत हरष जस बिष्णु भगत कहूँ देखि ॥ १३ ॥
घन घमंड नभ गर्जत घोरा । प्रियाहीन डरपत मन मोरा ॥
दामिनि दमक रह नः घन माहीं । खल कै प्रीति जथा थिरु नाहीं ॥
बरषहिं जलद भूमि निअराए । जथा नवहिं बुध बिद्या पाए ॥
बूँद अघात सहहिं गिरि कैसे । खल के बचन संत सह जैते ॥
छुद्र नदी भरि चली तोराई^२ । जस थोरेहु धन खल इतराई ॥
भूमि परत भा दाबर पानी । जनु जीवहि माया लपटानी ॥
सिमिटि सिमिटि जल भरहिं तलावा । जिमि सदगुन सज्जन पहिं आवा ॥
सरिता जल जलनिधि महुँ जाई । होइ अचल जिमि जिव हरि पाई ॥
दो०—हरित भूमि तृन संकुल समुझि परहिं नहिं पंथ ।

जिमि पाखंडबाद^३ तें गुप्त होहि सदग्रंथ ॥ १४ ॥
दादुर धुनि चहुँ दिसा सुहाई । बेद पढ़हिं जनु बटु समुदाई ॥
नव पल्लव भए बिटप अनेका । साधक मन जस मिले विवेका ॥
अर्क जवास पात बिनु भएऊ । जस सुराज खल उद्यम गएऊ ॥
खोजत कतहुँ मिलइ नहिं^४ धूरी । करइ क्रोध जिमि घरमहि दूरी ॥

१—प्र० : रह न । द्वि० : प्र० । तृ० : रही । च० : प्र०

२—प्र० : तोराई । द्वि० : प्र० [(३) : तुराई] (तृ० : च० : प्र०

३—प्र० : पाखंडबाद । द्वि० : प्र० [(४) : पाखंडीबाद] । [तृ० : पाखंडीबाद] ।
च० : प्र०

४—प्र० : मिलइ नहिं । द्वि० : तृ० : प्र० । [च० : मिलइहिं]

ससि संपन्न सोह महि कैसी । उपकारी कै संपति जैसी ॥
 निसि तम धन खद्योत विराजा । जनु दंभिन्ह कर मिला समाजा ॥
 महावृष्टि चलि फूटि कियरी । जिमि सुतंत्र भएँ बिगर्हि नारी ॥
 कृषी निरावहिं चतुर किसाना । जिमि बुध तजहिं मोह मद माना ॥
 देखियत चक्रवाक खग नाहीं । कलिहि पाइ जिमि धर्म पराहीं ॥
 ऊसर बरषै तृन नहिं जामा । जिमि हरिजन हियँ उपज न कामा ॥
 विविधि जंतु संकुल महि आजा । प्रजा बाढ़ जिमि पाइ सुराजा ॥
 जहँ तहँ रहे पथिक थकि नाना । जिमि इंद्रियगन उपजें ज्ञाना ॥
 दो०—कबहुँ प्रबल चल२ मारुत जहँ तहँ मेघ बिलाहिं ।

जिमि कपूत कें उपजें कुल सद्धर्म नसाहिं ॥

कबहुँ दिवस महुँ निविड़ तम कबहुँक प्रगट पतंग ॥

बिनसइ उपजइ ज्ञान जिमि पाइ कुसंग सुसंग ॥ १५ ॥

बरषा बिगत सरद रितु आई । लछिमन देखहु परम सुहाई ॥
 फूले कास सकल महि छाई । जनु बरषा कृत३ प्रगट बुढ़ाई ॥
 उदित अगस्ति पंथ जल सोखा । जिमि लोभहि सोखइ संतोषा ॥
 सरिता सर निर्मल जल सोहा । संत हृदय जस गत मद मोहा ॥
 रस रस सूख सरित सर पानी । ममता त्याग करहिं जिमि ज्ञानी ॥
 जानि सरद रितु खंजन आए । पाइ समय जिमि सुकृत सुहाए ॥
 पंक न रेनु सोह असि घरनी । नीति निपुन नृप कै जसि करनी ॥
 जल संकोच बिकल भइ मीना । अबुध कुटुंबी जिमि धनहीना ॥
 बिनु धन निर्मल सोह अकासा । हरिजन इव परिहरि सब आसा ॥
 कहूँ कहूँ वृष्टि सारदी थोरी । कोउ कोउ पाव भगति जिमि४ मोरी ॥

१—प्र० : हिय । द्वि०, तृ० : प्र० । [च० : धिय] ।

२—प्र० : चल । [द्वि०, तृ० : बह] । च० : प्र० ।

३—प्र० : कृत । द्वि०, तृ० : प्र० । [च० : रितु] ।

४—प्र० : जिमि । द्वि०, तृ० : प्र० । [च० : जसि] ।

दो०—चले हरषि तजि नगर नृप तापस बनिक भिखारि ।

जिमि हरि भगति पाइ सम तजहिं आसमी चारि ॥ १६ ॥
सुखी मीन जे नीर अगाधा । जिमि हरि सरन न एकौ बाधा ॥
फूले कमल सोह सर कैसा^१ । निर्गुन ब्रह्म सगुन भएँ जैसा^२ ॥
गुँजत मधुकर मुखर अनूपा । सुंदर खग रव नाना रूपा ॥
चक्रबाक मन दुख निसि पेखी । जिमि दुर्जन पर संपति देखी ॥
चातक रटत तृषा अति ओही । जिमि सुख लहइ न संकर द्रोही ॥
सरदातप निसि ससि अपहरई । संत दरस जिमि पातक टरई ॥
देखि इंदु चक्रोर समुदाई । चितवहिं जिमि हरिजन हरि पाई ॥
मसक दंस बीते हिम त्रासा । जिमि द्विज द्रोह किएँ कुल नासा ॥
दो०—भूमि जीव संकुल रहे गए सरद रितु पाइ ।

सदगुर मिले जाहिं जिमि संसय भ्रम समुदाइ ॥ १७ ॥
बरषा गत निर्मल रितु आई । सुधि न तात सीता कै पाई ॥
एक बार कैसेहुँ सुधि जानौं । कालहु जोति निमिष महुँ आनौं ॥
कतहुँ रहौ जौ जीवति होई । तात जतनु करि आनौं सोई ॥
सुग्रीवहु सुधि मोरि बिसारी । पावा राज कोस पुर नारी ॥
जेहि सायक मारा मैं बाली । तेहि सर हतौ मूढ़ कहूँ काली ॥
जासु कृपाँ छूटहिं मद मोहा । ताकहुँ उमा कि सपनेहु कोहा ॥
जानहिं येह चरित्र मुनि ज्ञानी । जिन्ह रघुबीर चरन रति मानी ॥
लखिमन कोधवंत प्रभु जाना । धनुष चढ़ाइ गहे कर बाना ॥
दो०—तब अनुजहि समुझावा रघुपति करुन सीव ।

भय देखाइ लै आवहु तात सखा सुग्रीव ॥ १८ ॥
इहाँ पवनसुत हृदय बिचारा । रामकाजु सुग्रीव बिचारा ॥
निकट जाइ चरनन्हि सिरु नावा । चारिहुँ बिधि तेहि कहि समुझावा ॥

१—प्र० : क्रमशः कैसा, जैसा । द्वि० : प्र० [(५) कैसे, जैसे] । [तु० : कैसे, जैसे] ।

सुनि सुग्रीव परम भय माना । विषय मोर हरि लीन्हेउ ज्ञाना ॥
 अब मारुतसुत दूत समूहा । पठवहुँ जहँ तहँ बानर जूहा ॥
 कहेहु पाख महुँ आव न जोई । मोरें कर ताकर बध होई ॥
 तब हनुमंत बोलाए दूता । सब कर करि सनमान बहूता ॥
 भय अरु प्रीति नीति देखराई । चले सकल चरनन्हि सिरु नाई ॥
 येहि अवसर लखिमनु पुर आए । क्रोध देखि जहँ तहँ कपि धाए ॥
 दो०—धनुष चढ़ाइ कहा तब जारि करौ पुर छार ।

व्याकुल नगर देखि तब आएउ बालिकुमार ॥ १९ ॥
 चरन नाइ सिरु बिनती कीन्ही । लखिमनु अभय बाँह तेहि दीन्ही ॥
 क्रोधवंत लखिमनु सुनि काना । कह कपीस अति भय अकुलाना ॥
 सुनु हनुमंत संग लै तारा । करि बिनती समुझाउ^१ कुमारा ॥
 तारा सहित जाइ हनुमाना । चरन बंदि प्रभु सुजसु बखाना ॥
 करि बिनती मंदिर लै आए । चरन पखारि पलंग बैठाए ॥
 तब कपीस चरनन्हि सिरु नावा । गहि भुज लखिमन कंठ लगावा ॥
 नाथ विषय सम मद कछु नाहीं । मुनि मन मोह^२ करइ छन माहीं ॥
 सुनत विनीत वचन सुख पावा । लखिमन तेहि बहु विधि समुझावा ॥
 पवन तनय सब कथा सुनाई । जेहि विधि गए दूत समुदाई ॥
 दो०—हरषि चले सुग्रीव तब अंगदादि कपि साथ ।

रामानुज आगे करि आए जहँ रघुनाथ ॥ २० ॥
 नाइ चरन सिरु कह कर जोरी । नाथ मोहि कछु नाहिंन खोरी ॥
 अतिसय प्रबल देव तव माया । छूटइ राम काहु जौ दाया ॥
 विषयवश्य सुर नर मुनि स्वामी । मै पाँवर पसु कपि अति कामी ॥
 नारि नयन सर जाहि न लागा । घोर क्रोध तम निसि जो जागा ॥
 लोभ पास जेहिं गर न बँधाया । सो नर तुम्ह समान रघुराया ॥

१—प्र० : समुझाउ । द्वि०, तृ० : प्र० । [च० : समुझाउ] ।

२—प्र० : मोह । द्वि० : प्र० । [तृ० : छोभ] च० : प्र० ।

यह गुन साधन ते नहि होई । तुम्हीं कृपा पाव कोइ कोई ॥
तब रघुपति बोले मुसुकाई । तुम्ह प्रिय मोहि भरत जिमि भाई ॥
अब सोइ जतनु करहु मन लाई । जेहि बिधि सीता कै सुधि पाई ॥
दो०—येहि बिधि होत बतकही आए बानर जूथ ।

नाना बरन सकल दिसि देखिअ कीस बरूथ ॥२१॥
बानर कटक उमा मैं देखा । सो मूरुख जो करन चह १ लेखा ॥
आइ राम पद नावहिं माथा । निरखि बदन सव होहिं सनाथा ॥
अस कपि एक न सेना माहीं । राम कुसल जेहि पूँछा नाहीं ॥
येह कछु नहिं प्रभु कै अत्रिकाई । विस्वरूप व्यापक रघुराई ॥
छाढ़े जहँ तहँ आयेसु पाई । कह सुग्रीव सबहि समुभाई ॥
राम काजु अरु मोर निहोरा । बानर जूथ जाहु चहुँ ओरा ॥
जनकसुता कहूँ खोजहु जाई । मास दिवस महुँ आएहु भाई ॥
अवधि मेदि जो बिनु सुधि पाए । आवइ बनिहि सो मोहि मराए ॥
दो०—बचन सुनत सब बानर जहँ तहँ चले तुरंत ।

तब सुग्रीव बोलाए अंगद नल हनुमंत ॥२२॥
सुनहु नील अंगद हनुमाना । जामवंत मतिधीर सुजाना ॥
सकल सुभट मिलि दच्छिन जाहू । सीता सुधि पूँछेहु सब काहू ॥
मन क्रम बचन सो जतनु २ बिचारेहु । रामचंद्र कर काजु सँवारेहु ॥
भानु पीठ सेइअ उर आगी । स्वामिहि सर्व भाव छल त्यागी ॥
तजि माथा सेइअ परलोका । मिटहि सकल भवसंभव सोका ॥
देह धरे कर येह फलु भाई । भजिअ राम सब काम बिहाई ॥
सोइ गुनज्ञ ३ सोई बड़भागी । जो रघुवीर चरन अनुरागी ॥
आयेसु माँगि चरन सिरु नाई । चले हरषि सुमिरत रघुराई ॥

१—प्र० : करन चह । दि० : प्र० [(४) : किय चह] । [तु० : करि चहै] । च० : प्र० ।

२—प्र० : सो जतनु । दि० : प्र० । [तु० : सुजतन] । च० : प्र० ।

३—प्र० : गुन ज्ञान । दि० : गुनज्ञ [(५अ) : गुनज्ञान] । तु०, च० : दि० ।

पाछे पवन तनय सिरु नावा । जानि काजु प्रभु निकट बोलावा ॥
 परसा सीस सरोरुह पानी । कर मुद्रिका दीन्ह जन जानी ॥
 बहु प्रकार सीतहि समुझाएहु । कहि बल बिरह बेगि तुम्ह आएहु ॥
 हनुमत जनम सुफल करि माना । चजेउ हृदयँ धरि कृपानिधाना ॥
 जद्यपि प्रभु जानत सब बाता । राजनीति राखत सुरत्राता ॥
 दो०—चले सकल बन खोजत सरिता सर गिरि खोह ।

राम काज लय लीन मन बिसरा तन कर खोह ॥ २३ ॥
 कतहुँ होइ निसिचर सैं भेटा । प्रान लेहिँ एक एक चपेटा ॥
 बहु प्रकार गिरि कानन हेरहिँ । कोउ मुनि मिलइ ताहि सब घेरहिँ ॥
 लागि तृषा अतिसय अकुलाने ॥ मिलइ न जल घन^१ गहन मुलाने ॥
 मन हनुमान कीन्ह अनुपाना । मरन चहत सब बिनु जलपाना ॥
 चढ़ि गिरि सिखर चहुँ दिसि देखा । भूमि बिबर एक कौतुक पेखा ॥
 चक्रवाक बक्र हंस उड़ाहीं । बहुतक खग प्रबिसहिँ तेहि माहीं ॥
 गिरि तैं उतरि पवनसुत आवा । सब कहूँ लेइ सोइ बिबर देखावा ॥
 आगे कै हनुमंतहि लीन्हा । पैटे बिबर बिलंबु न कीन्हा ॥
 दो०—दीख जाइ उपवन बर सर बिगसित^२ बहु कंज^२ ।

मंदिर एक रुचिर तहँ बैठि नारि तपपुंज ॥ २४ ॥
 दूरि तैं ताहि सबन्हि सिरु नावा । पूछे निज वृत्तांत सुनावा ॥
 तेहिँ तब कहा करहु जल पाना । खाहु सुरस सुंदर फल नाना ॥
 मज्जनु कीन्ह मधुर फल खाए । तासु निकट पुनि सब चलि आए ॥
 तेहिँ सब आपनि कथा सुनाई । मैं अब जाव जहाँ रघुराई ॥
 मूँदहु नयन बिबर तजि जाहू । पैहहु सीतहि जनि पछिताहू ॥
 नयन मूँद पुनि देखहिँ बीरा । ठाढ़े सकल सिंधु के तीरा ॥
 सो पुनि गई जहाँ रघुनाथा । जाइ कमल पद नाएसि माथा ॥

१—प्र० : घन । द्वि० : प्र० [(५अ) : बज] । [तृ० : बन] । च० : प्र० ।

२—प्र० : बर सर बिगसित । द्वि० : प्र० । [तृ० : सुभग सर बिगसित] च० : सरबिगसित तहँ ।

नाना भाँति बिनय तेहिं कीन्ही । अनपायनी भगति प्रभु दीन्ही ॥

दो०—बदरीबन कहूँ सो गई प्रभु आज्ञा धरि सीस ।

उर धरि राम चरन जुग जे बंदत अज ईस ॥ २५ ॥

इहाँ बिचारहिं कपि मन माहीं । बीती अवधि काजु कछु नाहीं ॥

सब मिलि कहहिं परसपर बाता । बिनु सुधि लिए करब का आता १ ॥

कह अंगद लोचन भरि बारी । दुहूँ प्रकार भइ मृत्यु हमारी ॥

इहाँ न सुधि सीता कै पाई । उहाँ गए मारिहिं कपिराई ॥

पिता बधे पर मारत मोही । राखा राम निहोर न ओही ॥

पुनि पुनि अंगद कह सब पाहीं । मरन भएउ कछु संसय नाहीं ॥

अंगद बचन सुनत कपि बीरा । बोलि न सकहिं नयन बह नीरा ॥

छन एक सोच मगन होइ रहे । पुनि अस बचन कहत सब भए ॥

हम सीता कै सोध बिहीना । नहिं जइहिं जुवराज प्रबीना २ ॥

अस कहि लवन सिंधु तट जाई । बैठे कपि सब दर्भ डसाई ॥

जामवंत अंगद दुख देखी । कही कथा उपदेस बिसेधी ॥

तात राम कहूँ नर जनि मानहु । निर्गुन ब्रह्म अजित अज जानहु ॥

हम सब सेवक अति बड़भागी । संतत सगुन ब्रह्म अनुरागी ॥

दो०—निज इच्छा प्रभु अवतरइ ३ सुर महि गो द्विज लागि ।

सगुन उपासक संग तहँ रहहिं मोच्छ सुख ४ त्यागि ॥ २६ ॥

येहि बिधि कथा कहहिं बहु भाँती । गिरि कंदरा सुनी ५ संपाती ॥

बाहेर ६ होइ देखे ७ बहु कीसा । मोहि अहारु दीन्ह जगदीसा ॥

१—[त० में यह अर्धाली नहीं है] ।

२—[त० में यह तथा इसके पूर्व की तीन अर्धालियाँ नहीं हैं] ।

३—प्र० : प्रभु अवतरइ । द्वि० : प्र० [(५) : प्रभु अवतरहिं] । त०, च० : प्र० ।

४—प्र० : सब । द्वि०, त० : प्र० । च० : सुख ।

५—प्र० सुनी । द्वि० : प्र० । [त०, च० : सुना] ।

६—प्र० : बाहेर । द्वि० : प्र० [(३) : बाहेर] । [त० : बाहिर] । [च० : बाहेर] ।

७—प्र० : देखे । द्वि० : प्र० । [त० : देखे] । च० : त० ।

आजु सबन्ह कहूँ मच्छन करऊँ । दिन बहु चले अहार बिनु मरऊँ ॥
 कबहुँ न मिलै भर उदर अहारा । आजु दीन्ह बिधि एकहि बारा^१ ॥
 डरपे गीध बचन सुनि काना । अब भा मरनु सत्य हम जाना ॥
 कपि सब उठे गीध कहँ देखी । जामवंत मन सोच बिसेषी^२ ॥
 कह अंगद बिचारि मन माहीं । धन्य जटायू सम कोउ नाहीं ॥
 राम काज कारन तनु त्यागी । हरिपुर गएउ परम बड़भागी ॥
 सुनि खग हरष सोक जुत बानी । आवा निकट कपिन्ह भय मानी ॥
 तिन्हहि अभय करि पूछेसि जाई । कथा सकल तिन्ह ताहि सुनाई ॥
 सुनि संपाति बंधु कै करनी । रघुपति महिमा बहु बिधि बरनी ॥
 दो०—मोहि लै जाहु सिंधु तक देउँ तिलांजलि ताहि ।

बचन सहाय करबि मैं पैहु खोजहु जाहि ॥ २७ ॥
 कपि सब उठे गीध कहँ देखी । जामवंत मन सोच बिसेषी ॥
 अनुज क्रिया करि सागर तीरा । कहि निज कथा सुनहु कपि बीरा ॥
 हम द्वौ बंधु प्रथम तरुनाई । गगन गए रवि निकट उड़ाई ॥
 तेज न सहि सक सो फिर आवा । मैं अभिमानी रवि निअरावा ॥
 जरे पंख अति तेज अपारा । परेउँ भूमि करि घोर चिकारा ॥
 मुनि एक नाम चंद्रमा ओही । लागी दया देखि करि^३ मोही ॥
 बहु प्रकार तेहि ज्ञान सुनावा । देह जनित अभिमान छड़ावा ॥
 त्रेता ब्रह्म मनुज तनु धरिही । तासु नारि निसिचरपति हरिही ॥
 तासु खोज पठइहि प्रभु दूता । तिन्हहि मिले तैं होव पुनीता ॥
 जमिहहि पंख करसि जनि चिंता^४ । तिन्हहि देखाइ दिहेसु तैं सीता ॥
 मुनि कै गिरा सत्य भइ आजू । सुनि मम बचन करहु प्रभु काजू ॥

१—[तु० में यह तथा इसके पूर्व की अर्थांतियाँ नहीं हैं] ।

२—[तु० में यह अर्थांतली नहीं है] ।

३—प्र० : करि । द्वि० : प्र० । [तु० : अति] । च० : प्र० ।

४—प्र० : चिंता । द्वि० : प्र० । [तु० : चीता] । च० : प्र० ।

सो भुज कुंठ कि तव असि घोरा । सुनु सठ अस प्रवान पन शमोरा ॥
चंद्रहास हरु मम परितापं । रघुपति बिरह अनल संजातं ॥
सीतल निसि तव असि^१ बर धारा । कह सीता हरु मम दुख भारा ॥
सुनत वचन पुनि मारन धावा । मयतनया कहि नीति बुझावा ॥
कहेसि सकल निसिचरिन्ह बेलाई । सीतहि बहु विधि त्रासहु जाई ॥
मास दिवस महुँ कहा न माना । तौ मैं मारबि काढ़ि कृपाना ॥
दो०—भवन गएउ दसकंधर इहाँ पिसाचिनि बृंद ।

सीतहि त्रास देखावहिं धरहिं रूप बहु मंद ॥ १० ॥
त्रिजटा नाम राक्षसी एका । राम चरन रति निपुन बिबेका ॥
सबन्हौं बोलि सुनाएसि सपना । सीतहि सेइ करहु हित अपना ॥
सपने बानर लंका जारी । जातुधान सेना सब मारी ॥
खर आरूढ़ नगन दससीसा । मुंडित सिर खंडित भुज बीसा ॥
येहि विधि सो दच्छिन दिसि जाई । लंका मनहुँ बिभीषन पाई ॥
नगर फिरी रघुबीर दोहाई । तब प्रभु सीता^२ बोलि पठाई ॥
येह सपना मैं कहौं पुकारी । होइहि सत्य गएँ दिन चारी ॥
तासु बवन सुनि ते सब डरीं । जनकसुता के चरनन्हि परीं ॥
दो०—जहँ तहँ गई सकल तब सीता कर मन सोच ।

मास दिवस बीते मोहि मारिहि निसिचर पोच ॥ ११ ॥
त्रिजटा सन बोलीं कर जोरी । मातु बिपति संगिनि तहँ मोरी ॥
तजौं देह करु बेगि उपाई । दुसह बिरहु अब नहिं सहि जाई ॥
आनि काठ रचु चिता बनाई । मातु अनज पुनि देहि लगाई ॥
सत्य करहि मम प्रीति सयानी । सुनइ को खवन सूल सम बानी ॥

१—प्र० : मन । द्वि० : पन । तृ० : च० : द्वि० ।

२—प्र० : निसि तव असि । द्वि० : प्र० । [तृ० : निसित बहसि] । च० : प्र० [(३) : निसित बहसि] ।

३—प्र० : सीता । द्वि० : प्र० । [तृ० : सीतहि] । च० : प्र० [(८) : सीतहि] ।

सुनत बचन पद गहि समुष्माएसि । प्रभु प्रताप बल सुजस सुनाएसि ॥
 निसि न अनल मिल सुनुं सुकुमारी । अस कहि सो निज भवन सिधारी ॥
 कह सीता बिधि भा प्रतिकूला । मिलिहि न पावक मिटिहि न सूला ॥
 देखिअत प्रगट गगन अंगारा । अवनि न आवत एकौ तारा ॥
 पावकमय ससि सवत न आगी । मानहुँ मोहि जानि हतभागी ॥
 सुनहि बिनय मम विष्टप असोका । सत्य नाम करु हरु मम सोका ॥
 नूतन किसलय अनल समाना । देहि अगिनि तन^१ करहि निदाना ॥
 देखि परम बिहाकुल सीता । सो छन कपिहि कलप सम बीता ॥
 सो०—कपि करि हृदयँ बिचार दीन्हि मुद्रिका डारि तब ।

जनु असोक अंगार दीन्ह हरषि उठि कर गहेउ ॥ १२ ॥
 तब देखी मुद्रिका मनोहर । राम नाम अंकित अति सुंदर ॥
 चकित चितव मुदरी पहिचानी । हरष बिषाद हृदयँ अकुलानी ॥
 जीति को सकइ अजय रघुआई । माया तें असिं रचि नहिं जाई ॥
 सीता मन बिचर कर नाना । मधुर बचन बोलेउ हनुमाना ॥
 रामचंद्र गुन बरनै लागा । सुनतहि सीता कर दुख भागा ॥
 लागीं सुनै सवन मन लाई । आदिहुँ ते सब कथा सुनाई ॥
 सवनामृत जेहिं कथा सुहाई । कही^२ सो प्रगट होति किन भाई ॥
 तब हनुमंत निकट चलि गएऊ । फिरि बैठी मन बिसमय भएउ ॥
 राम दूत मैं मातु जानकी । सत्य सपथ करुनानिधान की ॥
 येह मुद्रिछा मातु मैं आनी । दीन्हि राम तुम्ह कहँ सहिदानी ॥
 नर बानरहि संग कहु कैरों । कही कथा भइ संगति जैसे ॥
 दो०—कपि के बचन सप्रेम सुनि उपजा मन बिस्वास ।

जाना मन क्रम बचन येह कृपासिंधु कर दास ॥ १३ ॥

१—प्र० : तन । द्वि० : प्र० [(३) (४) : जनि] । तृ० : प्र० । [च० : जनि] ।

२—प्र० : कही । द्वि० : प्र० [(३) (४) (५अ) : कहि] । तृ० : कहि । च० : प्र० ।

हरिजन जानि प्रीति अति बाढ़ी । सजल नयन पुलकावलि ठाढ़ी ॥
 बूझत बिरह जलधि हनुमाना । भएहु तात मो कहूँ जलजाना ॥
 अब कहु कुसल जाउँ बलिहारी । अनुज सहित सुखभवन खरारी ॥
 कोमल चित कृपालु रघुगई । कपि केहि हेतु धरी निटुराई ॥
 सहज बानि सेवक सुख दायक । कबहुँक सुगति करत रघुनायक ॥
 कबहुँ नयन मम सीतल ताता । होइहिं निरखि स्याम मृदु गाता ॥
 बचनु न आव नयन भरे १ बारी । अहह नाथ हौं निपट बिसारी ॥
 देखि परम बिरहाकुल सीता । बोला कपि मृदु बचन विनीता ॥
 मातु कुसल प्रभु अनुज समेता । तव दुख दुखी सु कृपानिकेता ॥
 जनि जननी मानहु जिअँ ऊना । तुम्ह तैं प्रेम राम केँ कूना ॥
 दो०—रघुपति कर संदेसु अब सुनु जननी धरि धीर ।

अस कहि कपि गदगद भएउ भरे बिलोचन नीर ॥ १४ ॥
 कहेउ राम वियोग तव सीता । मोकहुँ सकल भए बिपरीता ॥
 नव तरु किसलय मनहुँ कृसानू । कालनिसा सम निसि ससि भानू ॥
 कुबलय बिपिन कुंन बन सरिसा । बारिद तपत तेल जनु बरिसा ॥
 जे हित २ रहे करत तेइ पीरा । उरग स्वास सम त्रिविध समीरा ॥
 कहेहू तैं कछु दुख घटि होई । काहि कहौं येह जान न कोई ॥
 तत्त्व प्रेम कर मम अरु तोरा । जानत प्रिया एकु मनु मोरा ॥
 सो मनु सदा रहत तोहि पाहीं । जानु प्रीति रसु एतनेहिं माहीं ॥
 प्रभु संदेसु सुनत बैदेही । मगन प्रेम तन सुधि नहिं तेही ॥
 कह कपि हृदयँ धीर धरु माता । सुमिरु राम सेवक सुखदाता ॥
 उर आनहु रघुपति प्रभुनाई । सुनि मम बचन तजहु कदराई ॥

१—प्र० : भरे । [द्वि, वृ० : भरि] । च० : प्र० [(न) : बह] ।

२—प्र० : जे हित । [द्वि० : जेहि तरु] । [वृ० : जेहि तर] । च० : प्र० [(न) : जेहि तर] ।

दो०—निसिचर निकर पतंग सम रघुपति बान कृसानु ।

जननी हृदयँ धीर धरु जरे निसाचर जानु ॥ १५ ॥
जौं रघुबीर होति सुधि पाई । करते नहिं बिलंबु रघुगई ॥
राम बान रवि उएँ जानकी । तम बरूथ कहँ जातुधान की ॥
अबहिं मातु मैं जाउँ लवाई । प्रभु आयेसु नहिं राम दोहाई ॥
कल्लुक दिवस जननी धरु धीरा । कपिन्ह सहित अइहहिं रघुबीरा ॥
निसिचर मारि तोहि लै जइहहिं । तिहुँ पुर नारदादि जसु गइहहिं ॥
हैं सुत कपि सब तुम्हहिं समाना । जातुधान अति भट बलवाना ॥
मोरें हृदयँ परम संदेहा । सुनि कपि प्रगट कीन्हि निज देहा ॥
कनक, भूधराकार सरीरा । समर भयंकर अति बलबीरा ॥
सीता मन भरोस तब भएऊ । पुनि लघु रूप पवनसुत लएऊ ॥
दो०—सुनु माता साखामृग^१ नहिं बल बुद्धि बिसाल ।

प्रभु प्रताप तें गरुड़हि खाइ परम लघु ब्याल ॥ १६ ॥
मन संतोष सुनत कपि बानी । भगति प्रताप तेज बल सानी ॥
आसिष दीन्ह राम प्रिय जाना । होहु तात बल सोल निधाना ॥
अजर अमर गुननिधि सुत होहू । करहुँ बहुत रघुनायक ब्योहू ॥
करहुँ कृपा प्रभु अस सुनि काना । निर्भर प्रेम मगन^२ हनुमाना ॥
बार बार नाएसि पद सीसा । बोला बचन जोरि कर कीसा ॥
अब कृतकृत्य भएउँ मैं माता । आसिष तब अमोघ बिख्याता ॥
सुनहु मातु मोहि अतिसय भूखा । लागि देखि सुंदर फल रूखा ॥
सुनु सुत करहिं बिपिन रखवारी । परम सुभट रजनीचर धारी^३ ॥
तिन्ह कर भय माता मोहि नाहीं । जौं तुम्ह सुख मानहु मन माहीं ॥

१—प्र० : साखामृग । द्वि० : प्र० । [तृ० : साखामृगहि] । च० : प्र० [(८) : साखामृगहि]

२—प्र० : मगन । द्वि० : प्र० । [तृ० : हरष] । च० : प्र० ।

३—प्र० : धारी । द्वि०, तृ० : प्र० । च० : धारी ।

दो०—देखि बुद्धि बल निपुन कपि कहेउ जानकी जाहु ।

रघुपति चरन हृदयँ धरि तात मधुर फल खाहु ॥ १७ ॥
चलेउ नाइ सिरु पैठेउ बागा । फल खाएसि तरु तौरँ लागा ॥
रहे तहाँ बहु भट रखवारे । कुलु मारेसि कलु जाइ पुकारे ॥
नाथ एक आवा कपि भारी । तेहि असोक बाटिका उजारी ॥
खाएसि फल अरु बिटप उपारे । रक्त मर्दि मर्दि महि डारे ॥
सुनि रावन पठए भट नाना । तिन्हहि देखि गर्जेउ हनुमाना ॥
सब रजनीचर कपि संघारे । गए पुकारत कलु अधमारे ॥
पुनि पठएउ तेहि अन्न कुमारा । चला संग लै सुभट अपारा ॥
आवत देखि बिटप गहि तर्जा । ताहि निपाति महा धुनि गर्जा ॥
दो०—कलु मारेसि कलु मर्देसि कलु मिलयेसि धरि धूरि ।

कलु पुनि जाइ पुकारे प्रभु मर्कट बल भूरि ॥ १८ ॥
सुनि सुत बध लंकेस रिसाना । पठएसि मेघनाद बलवाना ॥
मारेसि जनि सुत बाँधेसु ताही । देखिअ कपिहि कहाँ कर आही ॥
चला इंद्रजित अतुलित जोधा । बंधु निधन सुनि उपजा क्रोधा ॥
कपि देखा दारुन भट आवा । कटकटाइ गर्जा अरु धावा ॥
अति बिसाल तरु एक उपारा । बिरथ कीन्ह लंकेस कुमारा ॥
रहे महा भट ताकै संघा । गहि गहि कपि मर्दइ निज अंगा ॥
तिन्हहि निपाति ताहि सन बाजा । भिरे जुगल मानहुँ गजराजा ॥
मुठिका मारि चढ़ा तरु जाई । ताहि एक छन मुरुब्बा आई ॥
उठ बहोरि कीन्हिसि बहु माया । जीति न जाइ प्रभंजनजाया ॥
दो०—ब्रह्म अछ तेहि साधा कपि मन कीन्ह विचार ।

जौं न ब्रह्म सर मानौं महिमा मिटइ अपार ॥ १९ ॥
ब्रह्मवान कपि कहूँ तेहि मारा । परतिहुँ बार कटक संघारा ॥
तेहि देखा कपि मुरुब्धित भएऊ । नागपास बाँधेसि लै गएऊ ॥
जासु नाम जपि सुनहु भवानी । भवबंधन काटहि नर ज्ञानी ॥

तासु दूत कि बंध तर आवा । प्रभु कारज लागि कपिहिँ बँधावा ॥
 कपि बंधन सुनि निसिचर धाए । कौतुक लागि सभा सब आए ॥
 दसमुख सभा दीखि कपि जाई । कहि न जाइ कछु अति प्रभुताई ॥
 कर जोरें सुर दिसिप विनीता । भृकुटि बिलोकत सकल सभीता ॥
 देखि प्रताप न कपि मन संका । जिमि अहिगन महुँ गरुड़ असंका ॥
 दो०—कपिहि बिलोकि दसानन विहँसा कहि दुर्बाद ।

सुत वध सुगति कीन्ह पुनि उपजा हृदयँ बिषाद ॥ २० ॥
 कह लंकेस कवन तइं कीसा । केहि कें बल धालेसि बन खीसा ॥
 की धौँ श्रवन सुने नहिँ मोही । देखौँ अति असंक सठ तोही ॥
 मारे१ निसिचर केहिँ अपगधा । कहु सठ तोहि न प्रान कै बाधा ॥
 सुनु रावन ब्रह्मांड निकाया । पाइ जासु बल विरचति माया ॥
 जाकें बल विरंचि हरि ईसा । पालत सृजत हरत दससीसा ॥
 जा बल सीस धरत सहसानन । अंडकोस समेत गिरि कानन ॥
 घइ जो विविध देह सुरत्राता । तुम्ह से सठह सिखावनु दाता ॥
 हर कोदंड कठिन जेहिँ भंजा । तोहि समेत नृप दल मद गंजा ॥
 खर दूषन त्रिसिरा अरु बाली । बधे सकल अतुलित बज्रसाली ॥
 दो०—जा कें बल लवलेस तें जितेहु चराचर भारि ।

तासु दूत मैं जा करि हरि आनेहु प्रिय नारि ॥ २१ ॥
 जानौँ मैं तुम्हारि प्रभुताई । सहसबाहु सन परी लराई ॥
 समर बालि सन करि जसु पावा । सुनि कपि वचन विहँसि बहरावा ॥
 खाएँ फल प्रभु लागी भूखा । कपि सुभाव ते तोरेउँ रूखा ॥
 सब कें देह परम प्रिय स्वामी । मारहिँ मोहि कुमारगामी ॥
 जिन्ह मोहि मारा ते मैं मारें । तेहिँ पर बाँधेउ तनयँ तुम्हारें ॥
 मोहि न ब्रह्म बाँधे कइ लाजा । कीन्ह चहैं निज प्रभु कर काजा ॥

बिनती करौं जोरि कर रावन । सुनहु मान तजि मोर सिखावन ॥
देखहु तुम्ह निज कुलहि विचारी । अम तजि भजहु भगत भयहारी ॥
जा के डर अति काल डेराई । जो सुर असुर^१ चराचर खाई ॥
ता सों बयरु कबहुँ नहिं कीजै । मोरें कहेँ जानकी दीजै ॥
दो०—प्रनतपाल रघुनायक करुनासिंधु खरारि ।

गएँ सरन प्रभु राखहैं^२ तव अपराध बिसारि ॥ २२ ॥
राम चरन पंकज उर धरहू । लंका अचल राजु तुम्ह करहू ॥
रिषि पुलस्ति जसु बिमल मयंका । तेहि ससि महुँ जनि होहु कलंका ॥
राम नाम बिनु गिरा न सोहा । देखु बिचारि त्यागि मद मोहा ॥
बसनहीन नहिं सोह सुरारी । तव भूषन भूषित बर नारी ॥
राम बिमुख संपति प्रभुताई । जाइ रही पाई बिनु पाई ॥
सजल^३ मूल जिन्ह सरितन्ह नाहीं । बरषि गएँ पुनि तबहिं सुखाहीं ॥
सुनु दसकंठ कहौं पन रोपी । बिमुख राम त्राता नहिं कोपी ॥
संकर सहस बिष्नु अज तोही । सकहिं न राखि राम कर द्रोही ॥
दो०—मोह मूल बहु सूलप्रद त्यागहु तम अभिमान ।

भजहु राम रघुनायक कृपासिंधु भगवान ॥ २३ ॥
जदपि कही कपि अति हित बानी । भगति बिबेक बिरति नय सानी ॥
बोला बिहँसि महा अभिमानी । मिला हमहिं कपि गुर बड़ ज्ञानी ॥
मृत्यु निकट आई खल तोही । लागेस अधम सिखावन मोही ॥
उलटा होइहि कह हनुमाना । मतिअम तोहि^४ प्रगट मै जाना ॥
सुनि कपि वचन बहुत खिसियाना । बेगि न हरहु मूढ़ कर प्राना ॥
सुनत निसाचर मारन धाए । सचिवन्ह सहित बिभीषन आए ॥

१—प्र० : असुर । द्वि०, तृ० : । च० : प्र० [(६) : अचर] ।

२—प्र० : राखिहैं । द्वि०, तृ० : प्र० । [च० : (६) राखिहि, (८) राखिहहिं] ।

३—प्र० : सरित । द्वि० : प्र० [(५) (५अ) : सजल] । तृ० : सजल । च० : तृ० ।

४—प्र० : तोहि । द्वि० : प्र० [(४) : तोर] । [तृ० : तोर] । च० : प्र० ।

नाइ सीस करि बिनय बहूता । नीति बिरोध न मारिअ दूता ॥
 आन दंड कछु करिअ गोसाईं । सबहीं कहा मंत्र भल भाई ॥
 सुनत बिहँसि बोला दसकंधर । अंग भंग करि पठइअ बंदर ॥
 दो०—कपि कै ममता पूँछ पर सबहिं कह्यौ^१ समुझाइ ।

तेल बोरि पट बाँधि पुनि पावक देहु लगाइ ॥ २४ ॥
 पूँछहीन बानर तहँ^२ जाइहि । तब सठ निज नाथहि लइ आइहि ॥
 जिन्ह कै कीन्हिसि बहुत बड़ाई । देखौं मैं तिन्ह कै प्रभुताई ॥
 बचन सुनत कपि मन मुसुकाना । भइ सहाय सारद मैं जाना ॥
 जातुधान सुनि रावन बचना । लागे रचैं मूढ़ सोइ रचना ॥
 रहा न नगर बसन घृत तेला । बाढ़ी पूँछ कीन्ह कपि खेला ॥
 कौतुक कहँ आए पुरवासी । मारहिं चरन करहिं बहु हाँसी ॥
 बाजहिं ढोल देहिं सब तारी । नगर फेरि पुनि पूँछ पजारी ॥
 पावक जरत देखि हनुमंता । भएउ परम लघु रूप तुरंता ॥
 निबुकि चढ़ेउ कपि कनक अटारी । भई सभौत निसाचर नारीं ॥
 दो०—हरि प्रेरित तेहि अवसर चले मरुत उनचास ।

अट्टहास करि गर्जा कपि बढ़ि लाग अक्रास ॥ २५ ॥
 देह बिसाल परम हरुआई । मंदिर तैं मंदिर चढ़ धाई ॥
 जरइ नगर भा लोग बिहाला । भूपट^३ लपट बहु कोटि कराला ॥
 तात मातु हा सुनिअ पुकारा । येहि अवसर को हमहि उबारा ॥
 हम जो कहा येह कपि नहिं होई । बानर रूप धरैं सुर कोई ॥
 साधु अवज्ञा कर फल ऐसा । जरइ नगर अनाथ कर जैसा ॥
 जारा नगर निमिष एक माहीं । एक बिभीषन कर गृह नाहीं ॥

१—प्र० : कह्यौ । द्वि० : प्र० । [तु० : कहा] । [च० : कहाँ] ।

२—प्र० : तहँ । द्वि० : प्र० । [तु० : जब] । च० : प्र० [(८) : जब] ।

३—प्र० : भूपट । द्वि० : प्र० । [तु० : दपट] । च० : प्र० ।

ताकर दूत अनल जेहिं सिरिजा । जरा न सो तेहिं कारन गिरिजा ॥
उलटि पलटि लंका सब जारी । कूदि परा पुनि सिंधु मभारी ॥
दो०—पूँछ बुझाइ खोइ सम धरि लघु रूप बहोरि ।

जनकसुता कें आगें ठाढ़ भएउ कर जोरि ॥ २६ ॥
मातु मोहि दीजै किछु चीन्हा । जैसैं रघुनायक मोहि दीन्हा ॥
चूड़ामनि उतारि तब दएऊ । हरष समेत पवनसुत लएऊ ॥
कहेउ तात अस मोर प्रनामा । सब प्रकार प्रभु पूरन कामा ॥
दीन दयाल बिरिदु^१ संभारी । हरहु नाथ मम संकट भारी ॥
तात सकसुत कथा सुनाएहु । बान प्रताप प्रभुहि समुझाएहु ॥
मास दिवस महैं नाथु न आवा^२ । तौ पुनि मोहि जिअत नहिं पावा^२ ॥
कहु कपि केहि बिधि राखौं प्राणा । तुम्हहैं तात कहत अब जाना ॥
तोहि देखि सीतल भइ छाती । पुनि मो कहैं सो दिनु सो राती ॥
दो०—जनकसुतहि समुझाइ करि बहु बिधि धीरजु दीन्ह ।

चरन कमल सिरु नाइ कपि गवनु राम पहिं कीन्ह ॥ २७ ॥
चलत महा धुनि गर्जैसि भारी । गर्भ स्रवहिं सुनि निसिचर^३ नारी ॥
नाधि सिंधु येहि पारहि आवा । सबद किलकिला कपिन्ह सुनावा ॥
हरषे सब बिलोकि हनुमाना । नूतन जनम कपिन्ह तब जाना ॥
मुख प्रसन्न तन तेज बिराजा । कीन्हेसि रामचंद्र कर काजा ॥
मिले सकल अति भए सुखारी । तलफत मीन पाव जनु^४ बारी ॥
चले हरषि रघुनायक पासा । पूँछत कहत नवल इतिहासा ॥
तब मधुवन भीतर सब आए । अंगद संमत मधुफल खाए ॥
रखवारे जब बरजइ लागे । मुष्टि प्रहार हनत सब भागे ॥

१—प्र० : बिरिदु । [द्वि०, तृ० : बिरिद] । [च० : (६) बिरिद, (८) बिरिद] ।

२—[प्र० : क्रमशः आवैं, पावैं] । द्वि० : आवा, पावा । [तृ० : आवैं, पावैं] । च० : द्वि० ।

३—प्र० : सुनि निसिचर । द्वि० : प्र० । [तृ० : रजनी घर] । च० : प्र० ।

४—प्र० जिमि । द्वि० : प्र० । तृ० : जनु । च० : तृ० ।

दो०—जाइ पुकारे ते सब बन उजार जुबराज ।

सुनि सुग्रीव हरष कपि करि आए प्रभु काज ॥ २८ ॥
जौं न होति सीता सुधि पाई । मधुवन के फल सकहिं किं खाई ॥
येहि विधि मन बिचार कर राजा । आइ गए कपि सहित समाजा ॥
आइ सबन्हि नावा पद सीसा । मिलेउ सबन्हि अति प्रेम^१ करीसा ॥
पूँछी कुसल कुसल पद देखी । राम कृपाँ भा काजु बिसेषी ॥
नाथ काजु कीन्हैउ हनुमाना । राखे सकल कपिन्ह के प्राना ॥
सुनि सुग्रीव बहुरि तेहि मिलेऊ । कपिन्ह सहित रघुपति पहिं चलेऊ ॥
राम कपिन्ह जब आवत देखा । किएँ काजु मन हरष बिसेषा ॥
फटिक सिला बैठे द्वौ भाई । परे सकल कपि चरनन्हि जाई ॥
दो०—प्रीति सहित सब भेंटे रघुपति करुनापुंज ।

पूँछी कुसल नाथ अब कुसल देखि पद कंज ॥ २९ ॥
जामवंत कह सुनु रघुराया । जापर नाथ करहु तुम्ह दाया ॥
ताहि सदा सुभ कुसल निरंतर । सुर नर मुनि प्रसन्न ता ऊपर ॥
सोइ बिजयी बिनयी गुन सागर । तासु सुजसु त्रैलोक उजागर ॥
प्रभु की कृपा भएउ सबु काजू । जन्म हमार सुफल भा आजू ॥
नाथ पवनसुत कीन्हि जो करनी । सहसहु मुख न जाइ सो बरनी ॥
पवनतनय के चरित सुहाए । जामवंत रघुपतिहि सुनाए ॥
सुनत कृपानिधि मन अति भाए । पुनि हनुमान हरषि हियँ लाए ॥
कहहु तात केहि भाँति जानकी । रहति करति रच्छा स्वप्रान की ॥
दो०—नाम पाहरू राति दिनु^२ ध्यान तुम्हार कपाट ।

लोचन निज पद जंत्रित जाहिं प्रान केहिं बाट ॥ ३० ॥
चलत मोहि चूड़ामनि दीन्ही । रघुपति हृदयँ लाइ सोइ लीन्ही ॥
नाथ जुगल लोचन भरि बारी । बचन कहे कछु जनककुमारी ॥

१—प्र० : प्रीति । द्वि० : प्र० । तृ० : प्रेम । च० : व० ।

२—प्र० : राति दिनु । द्वि० : प्र० [(५) : दिवस निसि] । तृ० : प्र० । [च० : दिवस निसि] ।

अनुज समेत गहेहु प्रभु चरना । दीनबंधु प्रनतारति हरना ॥
मन क्रम बचन चरन अनुरागी । केहि अपराध नाथ हौं त्यागी ॥
अवगुन एक भोर मैं माना । बिछुरत प्रान न कीन्ह पयाना ॥
नाथ सो नयनन्हि कर अपराधा । निसरत प्रान करहिं हठि^१ बाधा ॥
बिरह अगिनि तनु तूल समीरा । स्वास जरइ छन माहिं सरीरा ॥
नयन खवहिं जलु निज हित लागी । जरइ न पाव देह बिरहागी ॥
सीता कै अति बिपति बिसाला । बिनहि कहैं भलि दीनदयाला ॥
दो०—निमिष निमिष करुनानिधि^२ जाहिं कलष सम बीति ।

बेगि चलिअ प्रभु आनिअ भुज बल खल दल जीति ॥ ३१ ॥
सुनि सीता दुख प्रभु सुखअयना । भरि आए जल राजिव नयना ॥
बचन काय मन मम गति जाही । सपनेहुँ बूझिअ बिपति कि ताही ॥
कह हनुमंत बिपति प्रभु सोई । जब तव सुमिरन भजन न होई ॥
केतिक बात प्रभु जातुधान की । रिपुहि जीति आनिबी जानकी ॥
सुनु कपि तोहि समान उपकारी । नहिं कोउ सुर नर सुनि तनुधारी ॥
प्रतिउपकार करौं का तोरा । सनमुख होइ न सकत मन मोरा ॥
सुनु सुत तोहि उरिन मैं नाहीं । देखेउँ कर बिचार मन माहीं ॥
पुनि पुनि कपिहि चितव सुरत्राता । लोचन नीर पुलक अति गाता ॥
दो०—सुनि प्रभु बचन बिलोकि मुख गात हरषि हनुमंत ।

चरन परेउ प्रेमाकुल त्राहि त्राहि भगवंत ॥ ३२ ॥
बार बार प्रभु चहैं उठावा । प्रेम मगन तेहि उठव न भावा ॥
प्रभु कर पंकज कपि कै सीसा । सुमिरि सो दसा मगन गौरीसा ॥
सावधान मन करि पुनि संकर । लागे कहन कथा अति सुंदर ॥
कपि उठाइ प्रभु हृदय लगावा । कर गहि परम निकट बैठावा ॥

१—प्र०, द्वि०, तृ०, च० : हठि [(६) : हवि] ।

२—प्र० : करुनानिधि । द्वि० : प्र० । [तृ० : करुनायतन] । च० : प्र० [(८) : करुनायतन] ।

कहु कपि रावन पालित लंका । केहि बिधि दहेहु दुर्ग अति बंका ॥
 प्रभु प्रसन्न जाना हनुमाना । बोला बचन बिगत अभिमाना ॥
 साखामृग कै बड़ि मनुसाई । साखा ते साखा पर जाई ॥
 नाँधि सिंधु हाटकपुर जारा । निसिचर गन बधि बिपिन उजारा ॥
 सो सब तव प्रताप रघुगई । नाथ न कछू^१ मोरि प्रभुताई ॥
 दो०—ता कहूँ प्रभु अगम नहीं जा पर तुम्ह अनुकुल ।

तव प्रभाव^२ बड़वानलहि जारि सकइ खलु तूल ॥ ३३ ॥
 नाथ भगति अति सुखदायनी^३ । देहु कृपा करि अनपायनी^३ ॥
 सुनि प्रभु परम सरल कपि बानी । एवमस्तु तब कहेउ भवानी ॥
 उमा राम सुभाउ जेहिं जाना । ताहि भजनु तजि भाव न आना ॥
 येह संवाद जासुं उर आवा । रघुपति चरन भगति सोइ पावा ॥
 सुनि प्रभु^४ बचन कहहिं कपिवृंदा । जय जय जय कृपाल सुखकंदा ॥
 तब रघुपति कपिपतिहि बोलावा । कहा चलइ कर करहु बनावा ॥
 अब बिलंबु केहि कारन कीजै । तुरत कपिन्ह कहूँ आयेसु दीजै ॥
 कौतुक देखि सुमन बहु बरषी । नभ तैं भवन चले सुर हरषी ॥
 दो०—कपिपति बेगि बोलाए आए जूथप जूथ ।

नाना बरन अतुल बल बानर भालु बरूथ ॥ ३४ ॥
 प्रभु पद पंकज नावहिं सीसा । गर्जहिं भालु महाबल कीसा ॥
 देखी राम सकल कपि सेना । चितइ कृपा करि राजिव नयना ॥
 राम कृपा बल पाइ कपिंदा^५ । भए पच्छजुत मनहूँ गिरिंदा^५ ॥

१—प्र० : कछू । द्वि० : प्र० । [त० : कछुक] । च० : प्र० ।

२—प्र० : प्रभाव । द्वि० : प्र० [(३) (४) (५) प्रताप] । [त० : प्रताप] । च० : प्र० [(=) प्रताप] ।

३—प्र० : क्रमशः अति सुखदायनी, अनपायनी । द्वि० : प्र० । [त० : तव अति सुखदायनि, सो अनपायनि] । च० : प्र० ।

४—प्र० : प्रभु । द्वि० : प्र० । [त० : कपि] । च० : प्र० ।

५—[प्र० : क्रमशः कपींदा, गिरिंदा । द्वि० : कपिंदा, गिरिंदा । त० : द्वि० । च० : प्र० [(६) : कपींदा, गिरिंदा] ।

हरषि राम तब कीन्ह पयाना । सगुन भए सुंदर सुभ नाना ॥
जासु सकल मंगलमय कीती^१ । तासु पयान सगुन येह नीती ॥
प्रभु पयान जाना बैदेहीं । फरकि वाम अँग जनु कहि देहीं ॥
जोइ जोइ सगुन जानकिहि होई । असगुन भएउ रावनहि सोई ॥
चला कटकु को बान्ह पारा । गर्जहि बानर भालु अपारा ॥
नख आयुध गिरि पादप धारी । चले गगन महि इच्छाचारी ॥
केहरि नाद भालु कपि करहीं । डगमगाहि दिग्गज चिकरहीं ॥
छं०—चिकरहि दिग्गज डोल महि गिरि लोल सागर खरभरे ।

मन हरष दिनकर सोम सुर मुनि नाग किन्नर दुख ठरे ॥
कटकटहि मर्कट बिकट भट बहु कोटि कोटिन्ह धावहीं ।
जय राम प्रबल प्रताप कोसलनाथ गुन गन गावहीं ॥
सहि सक न भार उदार^२ अहिपति बार बारहि मोहई^३ ।
गह दसन पुनि पुनि कमठ पृष्ठ कठोर सो किमि सोहई ॥
रघुवीर रुचिर पयान प्रस्थिति जानि परम सुहावनी ।
जनु कमठ खर्पर सर्पराज सो लिखत अविचल पावनी ॥

दो०—येहि विधि जाइ कृपानिधि उतरे सागर तीर ।

जहँ तहँ लागे खान फल भालु विपुल कपि बीर ॥ ३५ ॥
उहाँ निसाचर रहहि ससंका । जब ते जारि गएउ कपि लंका ॥
निज निज गृहँ सब करहि विचारा । नहि निसिचर कुल केर उबास ॥
जासु दूत बल बरनि न जाई । तेहि आएँ पुर कवन भलाई ॥
दूतिन्ह सन सुनि पुरजन बानी । मंदोदरी अधिक अकुलानी ॥
रहसि जोरि कर पति पद लागी । बोली बचन नीति रस पागी ॥

१—प्र० : कीती । द्वि० : प्र० । [तृ० : रीती] । च० : प्र० [(न) : रीती] ।

२—प्र० : उदार । द्वि० : प्र० । [तृ० : अपार] । च० : प्र० ।

३—प्र० : बारहि मोहई । द्वि० : प्र० [(५) : बार भिमोहई] । तृ० : प्र० । च० : प्र० [(न) : बार भिमोहई] ।

कंत करष हरि सन परिहरहू । मोर कहा अति हित हियँ धरहू ॥
 समुभक्त जासु दूत कइ करनी । खरहिँ गर्भ रजनीचर धरनी ॥
 तासु नारि निज सचिव बोलाई । पठवहु कंत जो चहहु भलाई ॥
 तव कुल कमल बिपिन दुखदाई । सीता सीत निसा सम आई ॥
 सुनहु नाथ सीता बिनु दीन्हें । हित न तुम्हार संभु अज कीन्हें ॥
 दो०—राम बान अहिगन सरिस निकर निसाचर मेक ।

जब लगि ग्रसत न तब लगि जतनु करहु तजि टेक ॥ ३६ ॥
 खवन सुनी सठ ताकरि बानी । बिहँसा जगत बिदित अभिमानी ॥
 समय सुभाउ नारि कर सौँचा । मंगल महुँ भय मन अति काँचा ॥
 जौँ आवै मर्कट कटकाई । जिअहिँ बिचारे निसिचर खाई ॥
 कंपहिँ लोकप जाकी त्रासा । तासु नारि समीत बड़ि हासा ॥
 अस कहि बिहँसि ताहि उर लाई । चलेउ सभाँ ममता अधिकाई ॥
 मंदोदरी हृदयँ कर चिंता । भएउ कंत पर बिधि बिपरीता ॥
 बैठेउ सभाँ खबरि असि पाई । सिंधु पार सेना सब आई ॥
 बूझेसि सचिव उचित मत कहहू । ते सब हँसे मष्ट करि रहहू ॥
 जितेहु सुरासुर तव सम नाहीं । नर बानर केहि लेखे माहीं ॥
 दो०—सचिव बैद गुर तीनि जौँ प्रिय बोलहिँ भय आस ।

राज धर्म तन तीनि कर होइ बेगि हीं नास ॥ ३७ ॥
 सोइ रावन कहूँ बनी सहाई । असतुति करहिँ सुनाइ सुनाई ॥
 अवसर जानि बिभीषनु आवा । आता चरन सीसु तेहिं नावा ॥
 पुनि सिरु नाइ बैठ निज आसन । बोला बवन पाइ अनुसासन ॥
 जौँ कृपाल पूछहु मोहिं बाता । मति अनुरूप कहौं हित ताता ॥
 जो आपन चाहइ कल्याना । सुत्रसु सुमति सुम गति सुख नाना ॥
 सो पर नारि लिलारु गोसाई । तजौ चौथि के चंद कि नाई ॥

चौदह भुवन एक पति होई । भूत द्रोह तिष्ठइ नहिं सोई ॥
गुन सागर नागर नर जोऊ । अलप लोभ भल कहइ न कोऊ ॥
दो०—काम क्रोध मद लोभ सब नाथ नरक के पंथ ।

सब परिहरि रघुबीरहि भजहु भजहिं जेहि संत ॥ ३८ ॥
तात रामु नहिं नर भूपाता । भुवनेस्वर कालहु कर काला ॥
ब्रह्म अनामय अज भगवंता । व्यापक अजित अनादि अनंता ॥
गो द्विज धेनु देव हितकारी । कृपासिंधु मानुष तनु धारी ॥
जने रंजन भंजन खल ब्राता । वेद धर्म रक्षक सुनु आता ॥
ताहि बयरु तजि नाइअ माथा । प्रनतारति भंजन रघुनाथा ॥
देहु नाथ प्रभु कहूँ बैदेही । भजहु राम बिनु हेतु सनेही ॥
सरन गएँ प्रभु ताहु न त्यागा । बिस्व द्रोह कृत अष जेहि लागा ॥
जासु नाम त्रय ताप नसावन । सोइ प्रभु प्रकट समुझु जिअँ रावन ॥
दो०—बार बार पद लागौँ बिनय करौँ दससीस ।

परिहरि मान मोह मद भजहु कोसलाधीस ॥

मुनि पुलस्ति निज सिष्य सन कहि पठई येह बात ।

तुरत सो मै प्रभु सन कही पाइ सुअवसरु तात ॥ ३९ ॥

मात्यवंत अति सचिव सथाना । तासु बचन सुनि अति सुख माना ॥
तात अनुज तव नीति बिभूषन । सो उर धरहु जो कहत बिभीषन ॥
रिपु उतकरष कहत सठ दोऊ । दूरि न करहु इहाँ हइ कोऊ ॥
मात्यवंत गृह गएउ बहोरी । कहइ बिभीषनु पुनि कर जोरी ॥
सुमति कुमति सब कै उर रहहीं । नाथ पुरान निगम अस कहहीं ॥
जहाँ सुमति तहँ संपति नाना । जहाँ कुमति तहँ बिपति निदाना ॥
तव उर कुमति बसी बिपरीता । हित अनहित मानहु रिपु प्रीता ॥
कालराति निसिबर कुल केरी । तेहि सीता पर प्रीति घनेरी ॥

दो०—तात चरन गहि मागौं राखहु मोर दुलार ।

सीता देहु^१ राम कहूँ अहित न होइ तुम्हार ॥ ४० ॥
 बुध पुरान श्रुति संमत बानी । कही बिभीषन नीति बखानी ॥
 सुनत दसानन उठा रिसाई । खल तोहि निकट मृत्यु अब आई ॥
 जिअसि सदा सठ^२ मोर जिआवा । रिपु कर पच्छ मूढ़ तोहि भावा ॥
 कहसि न खल अस को जग माहीं । भुजबल जेहि जीता मैं नाहीं ॥
 मम पुर बसि तपसिन्ह पर प्रीती । सठ मिलु जाइ तिन्हहिं कहु नीती ॥
 अस कहि कीन्हेसि चरन प्रहारा । अनुज गहे पद बारहिं बारा ॥
 उमा संत कै इहइ बड़ाई । मंद करत जो करइ भलाई ॥
 तुम्ह पितु सरिस भलोहिं मोहिं मारा । राम भजैं हित नाथ तुम्हारा ॥
 सचिव संग लै नभ पथ गएऊ । सबहि सुनाइ कहत अस भएऊ ॥
 दो०—रामु सत्य संकल्प प्रभु सभा काल बस तोरि ।

मैं रघुबीर सरन अब जाउँ देहु जनि खोरि ॥ ४१ ॥
 अस कहि चला बिभीषनु जबहीं । आयूहीन भए सब तबहीं ॥
 साधु अवज्ञा तुरत भवानी । कर कल्याण अखिल कै हानी ॥
 रावन जबहिं बिभीषनु त्यागा । भएउ बिभव बिनु तबहिं अभागा ॥
 चलेउ हरषि रघुनायक पाहीं । करत मनोरथ बहु मन माहीं ॥
 देखिहौं जाइ चरन जलजाता । अरुन मृदुल सेवक सुखदाता ॥
 जे पद परसि तरी रिषिनारी । दंडक कानन पावनकारी ॥
 जे पद जनकसुता उर लाए । कपट कुरंग संग घर धाए ॥
 हर उर सर सरोज पद जेई । अहोभाग्य मैं देखिहौं तेई ॥
 दो०—जिन्ह पायन्ह के पादुकन्हि भरत रहे मन लाइ ।

ते पद आज बिलोकिहौं इन्ह नयनन्हि अब जाइ ॥ ४२ ॥
 येहि बिधि करत सप्रेम बिचारा । आएउ सपदि सिंधु येहि पारा ॥

१—प्र० : देहु । द्वि० : प्र० । [ल० : देव] । च० : प्र० ।

२—प्र० : सठ । द्वि०, ल०, च० : प्र० [(वि) : सब] ।

कपिन्ह बिभीषनु आवत देखा । जाना कोउ रिपु दूत विसेषा ॥
ताहि राखि कपीस पहिं आए । समाचार सब ताहि सुनाए ॥
कह सुग्रीव सुनहु रघुराई । आवा मिलन दसानन भाई ॥
कह प्रभु सखा बूझिए काहा । कहइ कपीस सुनहु नरनाहा ॥
जानि न जाइ निसाचर माया । कामरूप केहि कारन आया ॥
भेद हमार लेन सठ आवा । राखिअ बाँधि मोहि अस भावा ॥
सखा नीति तुम्ह नीकि बिचारी । मम पन सरनागत भयहारी ॥
सुनि प्रभु बचन हरष हनुमाना । सरनागत बच्छल भगवाना ॥
दो०—सरनागत कहूँ जे तजहिं निज अनहित अनुमानि ।

ते नर पाँवर पापमय तिन्हहि बिलोकत हानि ॥ ४३ ॥
कोटि बिप्र बध लागहि जाहू । आएँ सरन तजौं नहिं ताहू ॥
सन्मुख होइ जीव मोहि जबहीं । जन्म कोटि अघ नासहिं^१ तबहीं ॥
पापवंत कूर सहज सुभाऊ । भजनु मोर तेहि भाव न काऊ ॥
जौं पै दुष्ट हृदय सोइ होई । मोरें सन्मुख आव कि सोई ॥
निर्मल मन जन सो मोहि पावा । मोहि कपट छल छिद्र न भावा ॥
भेद लेन पठवा दससीसा । तबहुँ न कछु भय हानि कपीसा ॥
जग महुँ सखा निसाचर जेते । लब्धिमनु हनइ^२ निमिष महुँ तेते ॥
जौं समीत आवा सरनाई^३ । रखिहौं ताहि प्रान की नाई ॥
दो०—उभय भौंति तेहि आनहु हँसि कह कृपा निकेत ।

जय कृपाल कहि कपि चले अंगद हनू समेत ॥ ४४ ॥
सादर तेहि आगे करि वानर । चले जहाँ रघुपति करुनाकर ॥
दूरिहिं तैं देखे द्वौ आता । नयनानंद दान के दाता ॥
बहुरि राम छविधाम बिलोकी । रहेउ ठठुकि एकटक पल रोकी ॥
भुज प्रलंब कंजारुन लोचन । स्यामल गात प्रनत भयमोचन ॥

१—प्र० : नासहिं । दि०, प्र० । [तु० : नासौं] । च० : प्र० [(न) : नासैंहीं]

२—प्र० : हनइ । दि० : प्र० । [तु० : हतहिं] । च० : प्र० ।

सिंध कंध आयत उर सोहा । आनन अमित मदन मन^१ मोहा ॥
 नयन नीर पुलकित अति गाता । मन धरि धीर कही मृदु बाता ॥
 नाथ दसानन कर मैं आता । निसिचर बंस जन्म सुरत्राता ॥
 सहज पाप प्रिय तामस देहा । जथा उलूकहि तम पर नेहा ॥
 दो०—सवन सुजसु सुनि आएउँ प्रभु भंजन भव भीर ।

त्राहि त्राहि आरतिहरन सरनसुखद रघुबीर ॥ ४५ ॥
 अस कहि करत दंडवत देखा । तुरत उठे प्रभु हरष बिसेषा ॥
 दीन बचन सुनि प्रभु मन भावा । भुज बिसाल गहि हृदयँ लगावा ॥
 अनुज सहित मिलि ढिग बैठारी । बोले बचन भगत भयहारी ॥
 कहु लंकेश सहित परिवारा । कुसल कुठाहर बास तुम्हारा ॥
 खल मंडली बसहु दिनु राती । सखा धर्म निबहइ केहि भाँती ॥
 मैं जानौं तुम्हारि^२ सब रीती । अति नयनिपुन न भाव अनीती ॥
 बरु भल बास नरक कर ताता । दुष्ट संग जनि देइ विधाता ॥
 अब पद देखि कुसल रघुराया । जौं तुम्ह कीन्हि जानि जन दाया ॥
 दो०—तब लागि कुसल न जीव कहूँ सपनेहुँ मन विस्लाम ।

जब लागि भजत न राम कहूँ सोकधाम तजि काम ॥ ४६ ॥
 तब लागि हृदयँ बसत खल नाना । लोभ मोह मच्छर^३ मद माना ॥
 जब लागि उर न बसत रघुनाथा । धरें चाप सायक कटि भाथा ॥
 ममता तरुन तमी अँधियारी । राग द्वेष उलूक सुखकारी ॥
 तब लागि बसति जीव मन माहीं । जब लागि प्रभु प्रताप रबि नाहीं ॥
 अब मैं कुसल मिटे भय भारे । देखि राम पद कमल तुम्हारे ॥
 तुम्ह कृपाल जापर अनुकूला । ताहि न व्याप त्रिविध भवसूला ॥
 मैं निसिचर अति अधम सुभाऊ । सुभ आचरनु कीन्ह नहिं काऊ ॥

१—प्र०, द्वि०, तृ०, च० : मनु [(६) : हृदि] ।

२—प्र० : तुम्हारि । द्वि०, तृ०, च० : प्र० [(६) : तुम्हार] ।

३—प्र० : मच्छर । [द्वि०, तृ० : मत्सर] । च० : प्र० [(८) : मत्सर] ।

जासु रूप मुनि ध्यान न आवा । तेहिं प्रभु हरषि हृदयँ मोहिं लावा ॥

दो०—अहोभाग्य मम अमित अति राम कृपा सुख पुंज ।

देखेउँ नयन विरंचि सिव सेव्य जुगल पद कंज ॥ ४७ ॥

सुनहु सखा निज कहौं सुभाऊ । जान भुसुंड़ि संभु गिरिजाऊ ॥

जौं नर होइ चराचर द्रोही । आवइ सभय सरन तकि मोही ॥

तजि मद मोह कपट छल नाना । करौं सद्य तेहि साधु समाना ॥

जननी जनक बंधु सुत दारा । तनु धन भवन सुहृद परिवारा ॥

संव कै ममता ताग बटोरी । मम पद मनहिं बाँध बरि डोरी ॥

समदरसी इच्छा कछु नाहीं । हरष सोक भय नहिं मन माहीं ॥

अस सज्जन मम उर बस कैसैं । लोभी हृदयँ बसै धनु जैसैं ॥

तुम्ह सारिखे संत प्रिय मोरें । धरौं देह नहिं आन निहोरें ॥

दो०—सगुन उपासक परः हित निरत नीति दृढ़ नेम ।

ते नर प्रान समान मम जिन्हकें द्विज पद प्रेम ॥ ४८ ॥

सुनु लंकेस सकल गुन तोरें । ता ते तुम्ह अतिसय प्रिय मोरें ॥

राम बचन सुनि बानर जूथा । सकल कहहिं जय कृपाबरूथा ॥

सुनत बिभीषनु प्रभु कै बानी । नहिं अघात खवनामृत जानी ॥

पद अंबुज गह बारहिं बारा । हृदयँ समात न प्रेसु अपारा ॥

सुनहु देव सचराचर स्वामी । प्रनतपाल उर अंतरजामी ॥

उर कछु प्रथम बासना रही । प्रभु पद प्रीति सरित सो बही ॥

अव कृपाल निज भगति पावनी । देहु सदा सिव मन भावनी ॥

एवमस्तु कहि प्रभु रनधीरा । माँगा तुरत सिंधुकर नीरा ॥

जदपि सखा तव इच्छा नाहीं । मोर दरसु अमोघ जग माहीं ॥

अस कहि राम तिलक तेहि सारा । सुमन वृष्टि नभ भई अपारा ॥

दो०—रावन क्रोध अनल निज स्वास समीर प्रचंड ।

जरत बिभीषन राखेउर दीन्हेउ राजु अखंड ॥

१—प्र० : पर । द्वि० : प्र० । [वृ० : परम] । च० : प्र० [(=) : परम] ।

२—प्र० : राखेउ । द्वि० : प्र० [(३)(४)(५) : राखा] । [वृ० : राखे] । च० : प्र० [(६) : राखा] ।

जो संपति सिव रावनहि दीन्हि दिऐँ दस माथ ।

सोइ संपदा विभीषनहि सकुचि दीन्हि रघुनाथ ॥ ४६ ॥

अस प्रभु छाड़ि भजहिं जे आना । ते नर पसु बिनु पूँछ बिषाना ॥
निज जन जानि ताहि अपनावा । प्रभु सुभाव कपि कुल मन भावा ॥
पुनि सर्वज्ञ सर्व उवासी । सर्व रूप सब रहित उदासी ॥
बोले बचन नीति प्रतिपालक । कारन मनुज दनुज कुल घालक ॥
सुनु कपीस लंकापति वीरा । केहि बिधि तरिअ जलधि गंभीरा ॥
संकुल मकर उरग भूष जाती । अति अगाध दुस्तर सब भौंती ॥
कह लंकेस सुनहु रघुनाथक । कोट सिंधु सोषक तव सायक ॥
जद्यपि तदपि नीति असि गाई । बिनय करिअ सागर सन जाई ॥

दो०—प्रभु तुम्हार कुलगुर जलधि कहिहि उपाय बिचारि ।

बिनु प्रयास सागर तरिहि सकल भालु कपि धारि ॥ ५० ॥

सखा कही तुम्ह नीकि उपाई । करिअ दैव जौं होइ सहाई ॥
मंत्र न येह लखिमन मन भावा । राम बचन सुनि अति दुख पावा ॥
नाथ दैव कर कवन भरोसा । सोखिअ सिंधु करिअ मन रोसा ॥
कादर मन कहूँ एक अधारा । दैव दैव आलसी पुकारा ॥
सुनत बिहँसि बोले रघुवीरा । ऐसेइ करब घरहु मन धीरा ॥
अस कहि प्रभु अनुजहि समुझाई । सिंधु समीप गए रघुराई ॥
प्रथम प्रनाम कीन्ह सिरु नाई । बैठे पुनि तट दर्भ डसाई ॥
जबहिं विभीषन प्रभु पहिं आए । पाछे रावन दूत पठाए ॥

दो०—सकल चरित तिन्ह देखे धरें कपट कपि देह ।

प्रभु गुन हृदयँ सराहहिं सरनागत पर नेह ॥ ५१ ॥

प्रगट बखानहिं राम सुभाऊ । अति सप्रेम गा बिसरि दुराऊ ॥

रिपु के दूत कपिन्ह तब जाने । सकल बाँधि कपीस^१ पहिं आने ॥
 कह सुग्रीव सुनहु सब बानर^२ । अंग भंग करि पठवहु निसिचर ॥
 सुनि सुग्रीव वचन कपि धाए । बाँधि कटक चहुँ पास फिराए ॥
 बहु प्रकार मारन कपि लागे । दीन पुकारत तइपि न त्यागे ॥
 जो हमार हर नासा काना । तेहि कोसलाधीस कै आना ॥
 सुनि लखिमन सब^३ निकट बोलाए । दया लागि हँसि तुरत छोड़ाए ॥
 रावन कर दीजहु येह पाती । लखिमन वचन बाँचु कुलघाती ॥
 दो०—कहेहु मुखार मूढ़ सन मम संदेसु उदार ।

सीता देख मिलहु न त आवा कालु तुम्हार ॥ ५२ ॥
 तुरत नाइ लखिमन पद माथा । चले दूत बरनत गुन गाथा ॥
 कहत राम जसु लंका आए । रावन चरन सीस तिन्ह नाए ॥
 बिहँसि दसानन पूँछी बाता । कहसि नसुक^४ आपनि कुसलाता ॥
 पुनि कहु खबरि^५ बिभीषन केरी । जाहि^६ मृत्यु आई अति नेरी ॥
 करत राजु लंका सठ त्यागी^७ । होइहि जव कर कीट अभागी^७ ॥
 पुनि कहु भालु कीस कटकाई । कठिन काल प्रेरित चलि आई ॥
 जिन्हके जीवन कर रखवारा । भएउ मृदुल चित सिंधु बेचारा ॥
 कहु तपसिन्ह कै बात बहोरी । जिन्ह के हृदय त्रास अति मोरी ॥
 दो०—की भइ भेंट कि फिरि गए सवन सुजसु सुनि मोर ।

कहसि न रिपुदल तेज बल बहुत चकित चित तोर ॥ ५३ ॥

१—प्र० : सकल बाँधि कपीस । द्वि० : प्र० । [त० : ताहि बाँधि कपिपति] । च० : प्र०
 [(न) : सपदि बाँधि कपिपति] ।

२—प्र० : बानर । द्वि० : प्र० । [त० : वनचर] । च० : प्र० ।

३—प्र० : सब । द्वि० : प्र० । [त० : तब] । च० : प्र० ।

४—प्र० : कस । द्वि० : सुक । त०, च० : द्वि० ।

५—प्र० : खबरि । द्वि० : प्र० । [त० : कुसल] । च० : प्र० ।

६—प्र० : जाहि । द्वि० : प्र० । [त० : जासु] । च० : प्र० ।

७—प्र० : क्रमशः त्यागी, अभागी । द्वि० : प्र० । [त० : त्यागा, अभागा] । च० : प्र० ।

नाथ कृपा करि पूँछेहु जैसे । मानहु कहा क्रोध तजि तैसे ॥
 मिला जाइ जब अनुज तुम्हारा । जातहि राम तिलक तेहि सारा ॥
 रावन दूत हमहि सुनि काना । कपिन्ह बाँधि दीन्हें^१ दुख नाना ॥
 सवन नासिका काँटें लागे । राम सपथ दीन्हें हम त्यागे ॥
 पूँछिहु नाथ राम कटकाई । बदन कोटि सत बरनि न जाई ॥
 नाना बरन भालु कपि धारी । बिकटानन बिसाल भयकारी ॥
 जेहि पुर दहेउ हतेउ सुत तोरा । सकल कपिन्ह महँ तेहि बलु थोरा ॥
 अमित नाम भट कठिन^२ कराला । अमित नाग बल बिपुल बिसाला ॥
 दो०—द्विविद मयंद नील नलु अंगद गद^३ बिकटासि^४ ।

दधिमुख केहरि कुमुद गव^५ जामवंत बलरासि ॥ ५४ ॥
 ये कपि सब सुग्रीव समाना । इन्ह सम कोटिन्ह गनइ को नाना ॥
 राम कृपाँ अतुलित बल तिन्हहीं । तृन समान त्रैलोकहि गनहीं ॥
 अस मैं सुना सवन दसकंधर । पदुम अठारह जूथप बंदर ॥
 नाथ कटक महँ सो कपि नाही । जो न तुम्हहि जीतइ रन माहीं ॥
 परम क्रोध मीजहिं सब हाथा । आयेसु पै न देहिं रघुनाथा ॥
 सोखहि सिंधु सहित भ्रूष ब्याला । पूरहिं न त भरि कुधर बिसाला ॥
 मर्दि गर्द मिलवहिं दससीसा । ऐसेइ बचन कहहिं सब कीसा ॥
 गर्जहिं तर्जहिं सहज असंका । मानहु असन चहत हहिं लंका ॥
 दो०—सहज सूर कपि भालु सब पुनि सिर पर प्रभु राम ।
 रावन काल^६ कोटि कहूँ जीति सकहिं संग्राम ॥ ५५ ॥

१—प्र०, दि०, वृ०, च० : दीन्हें [(३) : दीन्हेंउ] ।

२—प्र० : कठिन । दि० : प्र० [(३) : कठिन्ह] । [वृ० : बिकट] । च० : प्र० ।

३—प्र० : अंगद गद । दि० : प्र० [(४) : अंगदादि] । [वृ० : अंगदादि] । च० : प्र० ।

४—प्र० : बिकटासि । दि० : प्र० [(४) (५) : बिकटास्य] । वृ० : प्र० । [च० : बिकटास्य] ।

५—प्र० : निठ सठ । दि० : प्र० । वृ० : कुमुदगव । च० : वृ० ।

६—प्र० : काल । दि० : प्र० । [वृ० : कालौ] । च० : प्र० ।

राम तेज बल बुधि बिपुलाई । सेष सहस सत सकहिं न गाई ॥
 सक सर एक सोषि सत सागर । तव आतहि पूछेउ नयनागर ॥
 तासु बचन सुनि सागर पाहीं । माँगत पंथ कृपा मन माहीं ॥
 सुनत बचन बिहँसा दससीसा । जौ असि मति सहाय कृत कीसा ॥
 सहज भीरु कर बचन दढ़ाई । सागर सन ठानी मचलाई ॥
 मृढ़ मृषा का करसि बड़ाई । रिपु बल बुद्धि थाह मैं पाई ॥
 सचिव सभीत बिभीषनु जाकें । बिजय बिभूति कहाँ लगिरे ताकें ॥
 सुनि खल बचन दूतहिरे रिसि बाढ़ी । समय बिचारि पत्रिका काढ़ी ॥
 रामानुज दीन्ही यह पाती । नाथ बँचाइ जुड़ावहु छाती ॥
 बिहँसि बाम कर लीन्ही रावन । सचिव बोलि सठ लाग बचावन ॥

दो०—बातन्ह मनहिं रिभाइ सठ जनि घालसि कुल खीस ।

राम बिरोध न उबरसि सरन बिष्नु अज ईस ॥

की तजि मान अनुज इव प्रभु पद पंकज भृंग ।

होहि कि राम सरानलखल कुल सहित पतंग ॥ ५६ ॥

सुनत सभय मन मुखु मुसुकाई । कहत दसानन सबहिं सुनाई ॥
 भूमि परा कर गहत अकासा । लघु तापस कर बाग बिलासा ॥
 कह सुक नाथ सत्य सब बानी । समुझहु छाड़ि प्रकृति अभिमानी ॥
 सुनहु बचन मम परिहरि क्रोधा । नाथ राम सन तजहु बिरोधा ॥
 अति कोमल रघुबीर सुभाऊ । जद्यपि अखिल लोक कर राऊ ॥
 मिलत कृपा तुम्ह पर प्रभु करिहीं^१ । उर अपराध न एकौ धरिहीं^४ ॥

१—प्र० : जग । द्वि० : प्र० । तृ० : लगि । च० : तृ० ।

२—प्र० : दूतहि । [द्वि०, तृ० : दूत] । च० : प्र० [(८) : दूत] ।

३—[प्र० : होहि कि राम सरानल खल] । द्वि० : होहि कि राम सरानल खल । [तृ० :
 होहि राम सर अनल खल जनि] । च० : द्वि० ।

४—प्र० : क्रमशः करिहीं, धरिहीं । द्वि० : प्र० । [तृ० : करिहहिं, धरिहहिं] । च० :
 प्र० [(८) : करिहहिं, धरिहहिं] ।

जनकसुता रघुनाथहि दीजै । एतना कहा मोर प्रभु कीजै ॥
जब तेहिं कहा देन बैदेही । चरन प्रहार कीन्ह सठ तेही ॥
नाइ चरन सिरु चला सो तहाँ । कृपासिंधु रघुनायक जहाँ ॥
करि प्रनामु निज कथा सुनाई । राम कृपाँ आपनि गति पाई ॥
रिषि अगस्ति की स्नाप भवानी । राखस भएउ रहा मुनि ज्ञानी ॥
बंदि राम पद बारहि बारा । मुनि निज आसन्न कहूँ पगु धारा ॥
दो०--बिनय न मानत जलधि जड़ गए तीन दिन बीति ।

बोले राम सक्रोध तब भय विनु होइ न प्रीति ॥५७॥
लखिमन बान सरासन आनू । सोखौं बारिधि बिसिख कृसानू ॥
सठ सन बिनय कुटिल सन प्रीती । सहज कृपन सन सुंदर नीती ॥
ममतारत सन ज्ञान कहानी । अति लोभी सन बिरति बखानी ॥
क्रोधिहि सम कामिहि हरि कथा । ऊसर बीज बएँ^१ फल जथा ॥
अस कहि रघुपति चाप चढ़ावा । येह मत लखिमन केँ मन भावा ॥
संधानेउ प्रभु बिसिख कराला । उठी उदधि उर अंतर ज्वाला ॥
मकर उरग भ्रूख गन अकुलाने । जरत जंतु जलनिधि जब जाने ॥
कनक थार भरि मनि गन नाना । विप्र रूप आए^२ तजि माना ॥
दो०--काटेहि पइ कदली फरइ कोटि जतन कोउ सींच ।

बिनय न मान खगेस सुनु डाँटेहि पै नव^३ नीच ॥५८॥
सभय सिंधु गहि पद प्रभु केरे । छमहु नाथ सब अवगुन मेरे ॥
गगन समीर अनल जल धरनी । इन्ह कह नाथ सहज जड़ करनी ॥
तव प्रेरित माया उपजाए । सृष्टि हेतु सब ग्रंथन्हि गाए ॥
प्रभु आयेसु जेहि कहँ जस^४ अहई । सो तेहि भाँति रहें सुख लहई ॥

१—[प्र० : बोए] । द्वि० : बएँ । [तृ० : बोए] । च० : द्वि० ।

२—प्र० : आए । द्वि० : प्र० [(३) (५) : आएउ] । [तृ० : आएउ] । च० : प्र० ।

३—प्र० : डाटेहि पै नव । द्वि० : प्र० [(३) : डाटेहि पै नवै] । तृ०, च० : प्र० [(न) : भय विनु नवै] ।

४—प्र० : जस । द्वि० : प्र० [(४) : जसि] । तृ०, च० : प्र० ।

प्रभु भल कीन्ह मोहि सिख दीन्हि । मरजादा पुनि तुम्हरिअ कीन्हि ॥
ढोल गवाँर सूद्र पसु नारी । सकल ताड़ना के अधिकारी ॥
प्रभु प्रताप मैं जाब सुखाई । उतरिहि कटक न मोरि बड़ाई ॥
प्रभु अज्ञा अपेल श्रुति गाई । करौं सो बेगि जो तुम्हहि सोहाई ॥
दो०—सुनत^१ विनीति बचन अति कह कृपाल सुसुकाइ ।

जेहि विधि उतरइ कपि कटक तात सो कहहु उपाइ ॥ ५९ ॥
नाथ नील नत कपि द्वौ भाई । लरिकाईं रिषि आसिष पाई ॥
तिन्ह के परस किएँ गिरि भारे । तरिहिं जलधि प्रताप तुम्हारे ॥
मैं पुनि उर धरि प्रभु प्रभुताई । करिहौं बल अनुमान सहाई ॥
येहि विधि नाथ पयोधि बैधाइअ । जेहिं येह सुजसु लोक तिहुँ गाइअ ॥
येहि सर मम उत्तर तट बासी । हतहु नाथ खल नर अधरासी ॥
सुनि कृपाल सागर मन पीरा । तुरतहि हरी राम रनधीरा ॥
देखि राम बल पौरुष भारी । हरषि पयोनिधि भएउ सुखारी ॥
सकल चरित कहि प्रभुहि सुनावा । चरन बंदि पाथोधि सिधावा ॥

छं०—निज भवन गवनेउ सिंधु श्री रघुपतिहि येह मत भाएऊ ।

येह चरित कलिभलहर जयामति दास तुलसी गाएऊ ॥

सुखभवन संसयसमन दवन^२ बिषाद रघुपति गुनगना ।

तजि सकल आस भरोस गावहि सुनहि संतत सठ^३ मना ॥

दो०—सकल सुमंगल दायक रघुनायक गुन गान ।

सादर सुनहिं ते तरहिं भव सिंधु बिना जलजान ॥ ६० ॥

इति श्री रामचरितमानसे सकल कलिकलुषविध्वंसने विमत
ज्ञानसम्पादनो नाम पञ्चमः सोपानः समाप्तः ॥

१—प्र० : सुनत विनीत बचन । द्वि० : प्र० । [तृ० : सुनतहिं बचन विनीत] । च० :

प्र० [(न) : सुनि विनीती के बचन] ।

२—प्र० : दवन । द्वि० : प्र० । [तृ० : दमन] । च० : प्र० ।

३—प० : सठ । द्वि० : प्र० । [तृ० : सुचि] । च० : प्र० ।

श्री गणेशाय नमः

श्री जानकीवल्लभाय नमः

श्री राम चरित मानस

षष्ठ सोपा न

लंका कांड

दो०—त्व निमेष परवानु जुग वरष कल्प सर चंड ।
भजसि न मन तेहि राम कहूँ कालु जासु कोदंड ॥
श्लो०—रामं कामारिसेव्यं भवभयहरणं कालमत्तेमसिंहं
योगीन्द्रज्ञानगम्यं गुणनिधिमजितं निर्गुणं निर्विकारम् ।
मायातीतं सुरेशं खलवधनिरतं ब्रह्मवृन्दैकदेवं
वन्दे कंदावतं सरसिजनयनं देवमुर्वीशरूपम् ॥
शंखेन्द्राभमतीवसुन्दरतनुं शार्दूलचर्मांबरं
कालव्यालकरालभूषणधरं गंगाशशङ्कप्रियम् ।
काशीशं कलिकल्मषौघशमनं कल्याणकल्पद्रुमं
नौमीढ्यं गिरिजापतिं गुणनिधिं श्री शङ्करम् मन्मथारिं^१ ॥
यो ददाति सतां शम्भुः कैवल्यमपि दुर्लभम् ।
खलानां दराडकृद्योऽसौ^२ शंकरः शं तनोतु माम् ॥
सो०—सिंधु बचन सुनि राम सचिव बोलि प्रभु अस कहेउ ।
अब बिलंबु केहि काम करहु सेतु उतरइ कटक ॥

१—प्र० : श्री शंकरं मन्मथारिं । द्वि० : प्र० [(५) : कंदर्पहं शंकरं] । [तृ० : कंदर्पहं
करं] । च० : प्र० [(६) : कंदर्पहं शंकरं] ।

२—प्र० : कृद्योऽसौ । द्वि० : प्र० । [तृ० : कृद्योस्ति] । च० : प्र० ।

सुनहु भानुकुल केतु जामवंत कर जोरि कह ।

नाथ नाम तव सेतु नर चढ़ि भवसागर तरहिं ॥

येह लघु जलधि तरत कति बारा । अस सुनि पुनि कह पवनकुमारा ॥

प्रभु प्रताप बड़वानल भारी । सोखेउ प्रथम पयोनिधि बारी ॥

तव रिपुनारि रुदन जलधारा । भरेउ बहोरि भएउ तेहिं खारा ॥

सुनि अति उक्ति पवन सुत केरी । हरषे कपि रघुपति तन हेरी ॥

जामवंत बोले दोउ भाई । नल नीलहि सब कथा सुनाई ॥

राम प्रताप सुमिरि मन माहीं । करहु सेतु प्रयास कछु नाहीं ॥

बोली लिए कपि निकर बहोरी । सकल सुनहु बिनती एक मोरी ॥

राम चरन पंकज उर धरह । कौतुक एक भालु कपि करह ॥

धावहु मरकट विकट बरूथा । आनहु विटपगिरिन्ह के जूथा ॥

सुनि कपि भालु चले करि हूहा । जय रघुबीर प्रताप समूहा ॥

दो०—अति उत्तंग तरु सैलगन^२ लीलहिं लेहिं उठाइ ।

आनि देहिं नल नीलहि^३ रचहिं ते सेतु बनाइ ॥ १ ॥

सैल बिसाल आनि कपि देहीं । कंदुक इव नल नील ते लेहीं ॥

देखि सेतु अति सुंदर रचना । बिहँसि कृपानिधि बोले वचना ॥

परम रम्य उत्तम येह धरनी । महिमा अमित जाइ नहिं बरनी ॥

करिहौं इहाँ संभु थापना^४ । मोरें हृदय परम कलपना ॥

सुनि कपीस बहु दूत पठाए । मुनिवर सकल बोलि लै आए ॥

लिंग थापि विधिवत करि पूजा । सिव समान प्रिय मोहि न दूजा ॥

सिवद्रोही मम भगत^५ कहावा । सो नर सपनेहुँ मोहि न पावा ॥

संकर बिमुख भगति चह मोरी । सो नारकी मूढ़ मति थोरी ॥

१—प्र० : कहु । द्वि० : प्र० [(५अ) : एक] । तृ० : एक । च० : तृ० ।

२—प्र० : गिरि पादप । द्वि० : प्र० । तृ० : तरुसैलगन । च० : तृ० ।

३—प्र० : नीलहि । द्वि० : प्र० । [तृ० : नीलकहं] । च० : प्र० [(८) : नीलकहं] ।

४—प्र० : थापना । द्वि० : प्र० । [तृ० : अस्थपना] । च० : प्र० [(८) : अस्थपना] ।

५—प्र० : भगत । द्वि० : प्र० । [तृ० : दास] । च० : प्र० [(८) : दास] ।

दो०—संकर प्रिय मम द्रोही सिव द्रोही मम दास ।

ते नर करहिं कलप भरि घोर नरक महुँ बास ॥ २ ॥
 जे १ रामेस्वर दरसन करिहहिं । ते तनु तजि मम^२ लोक सिधरिहहिं ॥
 जो गंगाजलु आनि चढाइहि । सो साजुज्य मुक्ति नरु पाइहि ॥
 होइ अकाम जो छलु तजि सेइहि । भगति मोरि तेहि संकर देइहि ॥
 मम कृत सेतु जो दरसन करिही^३ । सो बिनु स्रम भव सागर तरिही^३ ॥
 राम बचन सब केँ जिअ^४ भाए । मुनिबर निज निज आस्रम आए ॥
 गिरिजा रघुपति कै येह रीती । संतत करहिं प्रनत पर प्रीती ॥
 बाँधेउ^५ सेतु नील नल नागर । रामकृपाँ जसु भएउ उजागर ॥
 बूढ़हिं आनिहिं बोरहिं जेई । भए उपल बोहित सम तेई ॥
 महिमा येह न जलधि कै बरनी । पाहन गुनन कपिन्ह^६ कै करनी ॥
 दो०—श्री रघुबीर प्रताप तें सिंधु तरे पाषाण ।

ते मतिमंद जे राम तजि भजहिं जाइ प्रभु आन ॥ ३ ॥
 बाँधि सेतु अति सुदृढ़ बनावा । देखि कृपानिधि केँ मन भावा ॥
 चली सेन कछु बरनि न जाई । गरजहिं मर्कट भट समुदाई ॥
 सेतुबंध दिग चढ़ि रघुराई । चितव कृपाल सिंधु बहुताई ॥
 देखन कहूँ प्रभु करुनाकंदा । प्रगट भए सब जलचर वृंदा ॥
 मकर नक्र नाना भ्रख ज्वाला । सत जोजन तनु परम विसाला ॥
 ऐसेउ एक तिन्हहि जे खाहीं । एकन्ह के डर तेपि डेराहीं ॥
 प्रभुहि विलोकहिं टरहिं न टारे । मन हरषित सब भए सुखारे ॥

१—प्र० : जे । दि०, तृ०, च० : प्र० [(६) (८) : जो] ।

२—प्र० : मम । दि०, तृ०, च० : प्र० [(६) हरि, (८अ) सुर] ;

३—प्र० : क्रमशः करिही, तरिही । दि० : प्र० । [तृ० : करिहहिं, तरिहहिं] ।

च० : प्र० ।

४—प्र० : जिअ । दि० : प्र० । [तृ० : मन] । च० : प्र० [(८) (८अ) : मन] ।

५—प्र० : बाँधा । दि० : प्र० । तृ० : बाँधेउ । च० : तृ० ।

६—प्र० : कपिन्ह । दि०, तृ० : प्र० । [च० : कपि] ।

तिन्ह कीं ओट न देखिअ बारी । मगन भए हरिरूप निहारी ॥
चला कटक प्रभु आयेसु पाई^१ । को कहि सक कपिदल बिपुलाई ॥
दो०—सेतुबंध भइ भीर अति कपि नम पंथ उड़ाहिं ।

अपर जलचरन्हि ऊपर चढ़ि चढ़ि पारहि जाहिं ॥ ४ ॥
अस कौतुक विलोकि द्वौ भाई । बिहँसि चले कृपालु रघुराई ॥
सेन सहित उतरे रघुवीरा । कहि न जाइ कपि जूथप भीरा ॥
सिंधु पार प्रभु डेरा कीन्हा । सकल कपिन्ह कहूँ आयेसु दीन्हा ॥
खाहु जाइ फल मूल सुहाए । सुनत भालु कपि जहँ तहँ धाए ॥
सब तरु फरे राम हित लागी । रितु अरु कुरितु^२ काल गति त्यागी ॥
खाहिं मधुर फल बिटप हलावहिं । लंका सनमुख सिखर चलावहिं ॥
जहँ कहूँ फिरत निसाचर पावहिं । घेरि सकल बहु नाच नचावहिं ॥
दसनन्हि काटि नासिका काना । कहि प्रभु सुजसु देहिं तब जाना ॥
जिन्ह कर नासा कान निपाता । तिन्ह रावनहि कही सब बाता ॥
सुनत सबन बारिधि बंधाना । दसमुख बोलि उठा अकुलाना ॥
दो०—बाँधो^३ बननिधि नौरनिधि जलधि सिंधु बारीस ।

सत्य तोयनिधि कंपति उदधि पयोधि नदीस ॥ ५ ॥
ब्याकुलता निज समुझि बहोरी^४ । बिहँसि चला^५ गृह करि भय भोरी ॥
मंदोदरी सुन्यो प्रभु आयो । कौतुकीं पाथोधि बँधायो ॥
कर गहि पतिहि भवन निज आनी । बोली परम मनोहर बानी ॥
चरन नाइ सिरु अंचल रोपा । सुनहु बचन पिय परिहरि कोपा ॥

१—प्र० : प्रभु आयेसु पाई । द्वि०, तृ० : प्र० । च० : कछु बरनि न जाई ।

२—प्र० : रितु अरु कुरितु । द्वि० : प्र० । [तृ० : अरु अरु] च० । प्र० : [(६)
(अ) : रितु अरु अरितु] ।

३—प्र० : बाँधो । द्वि० : प्र० । [तृ० : बाँधे] । च० : प्र० [(८) : बाँधे] ।

४—प्र० : निज विकलता विचारि । द्वि० : प्र० । तृ० : ब्याकुलता निज समुझि ।
च० : प्र० ।

५—प्र० : गइ । द्वि०, तृ० : प्र० । च० : चला ।

नाथ बयरु कीजै ताही सो । बुधिबल सक्रिय जीति जाही सों ॥
 तुम्हहि रघुपतिहि अंतरु कैसा । खलु खद्योत दिनकरहि^१ जैसा ॥
 अतिबल मधु कैटभ जेहि मारे । महावीर दितिपुत संधारे ॥
 जेहि बलि बाँधि सहसभुज मारा । सोइ अवतरेउ हरन महिभारा ॥
 तासु विरोध न कीजिअ नाथा । काल करम जिव जिनके हाथा ॥
 दो०—रामहि सौंपि^२ जानकी नाइ कमल पद माथ ।

सुत कहूँ राज समर्पि बन जाइ भजिअ रघुनाथ ॥ ६ ॥
 नाथ दीनदयाल रघुराई । बाधौ सन्मुख गए न खाई ॥
 चाहिअ करन सो सबु करि बीते । तुम्ह सुर असुर चराचर जीते ॥
 संत कहहिं असि नीति दसानन । चौथेपन जाइहि नृप कानन ॥
 तासु भजनु कीजिअ तहँ भरता । जो करता पालक संहरता ॥
 सोइ रघुवीर प्रनत अनुगामी । भजहु नाथ ममता सब त्यागी ॥
 मुनिवर जतनु करहिं जेहि लागी । भूप राजु तजि होहिं विरागी^३ ॥
 सोइ कोसलाधीस रघुराया । आएउ करन तोहि पर दाया ॥
 जौ पिअ मानहु मोर सिखावन । सुजसु होइ तिहूँ पुर अति पावन ॥
 दो०—अस कहि लोचन बारि भरि^४ गहि पद कंपित गात ।

नाथ भजहु रघुनाथ पद^५ अचल होइ अहिबात^६ ॥ ७ ॥
 तब रावन मयसुता उठार्इ । कहइ लाग खल निज प्रभुतार्इ ॥
 सुनु तैं प्रिया वृथा भय माना । जग जोधा को मोहि समाना ॥
 बहन कुबेर पवन जम काला । भुजबल जितेउँ सकल दिगपाला ॥

१—प्र० : दिनकरहि । द्वि० : प्र० । [दिवाकर] । च० : प्र० [(न) : दिवाकर] ।

२—प्र० : सौंपि । [द्वि०, तृ०, च० : सौंपड्ड] ।

३—[(६) में यह अर्द्धाली नहीं है] ।

४—प्र० : नयन नीर भरि । द्वि० : प्र० । तृ० : लोचन बारि भरि । च० : तृ० ।

५—प्र० : रघुनाथहि । द्वि० : प्र० । तृ० : रघुनाथ पद । च० : तृ० [(६) (न) : रघुनाथ पद] ।

६—प्र० : अचल होइ अहिबात । द्वि० : प्र० । [तृ० : मम अहिबात न जात] । च० : प्र० [(६) (न) : मम अहिबात न जात] ।

देव दनुज नर सब बस मोरें । कवन हेतु उपजा भय तोरें ॥
 नाना विधि तेहिं कहेसि बुझाई । सभा बहोरि बैठ सो जाई ॥
 मंदोदरी हृदयँ अस जाना । काल बिबस^१ उपजा अभिमाना ॥
 सभा आई मंत्रिन्ह तेहिं^२ बूझा । करव कवन विधि रिपु सैं जूझा ॥
 कहहिं सचिव सुनु निसिचरनाहा । बार बार प्रभु पूँछहु काहा ॥
 कहहु कवन भय करिअ विचारा । नर कपि भालु अहार हमारा ॥
 दो०—सब के बचन^३ सवन सुनि कह प्रहस्त कर जोरि ।

नीति बिरोध न करिअ प्रभु मंत्रिन्ह मति अति थोरि ॥ ८ ॥
 कहहिं सचिव सठ^४ ठकुर सोहाती । नाथ न पूर आव येहि भौंती ॥
 बारिधि नाँधि एक कपि आवा । तासु चरित मन महुँ सब गावा ॥
 छुधा न रही तुम्हहि तब काहू । जारत नगरु कस न धरि खाहू ॥
 सुनत नीक आगे दुखु पावा । सचिवन्ह अस मत प्रभुहि सुनावा ॥
 जेहि बारीस बँधाएउ हेला । उतरे सेन समेत सुबेला ॥
 सो भनु मनुज खाव हम भाई । बचन कहहिं सब गाल फुलाई ॥
 तात बचन मम सुनु^५ अति आदर । जनि मन गुनहुं मोहि करि कादर ॥
 प्रिय बानी जे सुनिहिं जे कहहीं । ऐसे नर निकाय जग अहहीं ॥
 बचन परम हित सुनत कठोरे । सुनिहिं जे कहहिं ते नर प्रभु थोरे ॥
 प्रथम बसीठ पठउ सुनु नीती । सीता^६ देइ करहु पुनि प्रीती ॥
 दो०—नारि पाइ फिरि जाहि जौ तौ न बढ़ाइअ रारि ।

नाहिं त सनसुख समर महि तात करिअ हठि मारि ॥ ९ ॥

१—प्र० : बस्य । द्वि० : प्र० । तृ० : बिबस । च० : तृ० ।

२—प्र० : तेहि । द्वि० : प्र० । [तृ० : सन] । च० : प्र० [(८) (८अ) : सन] ।

३—प्र० : पूँछहु । द्वि० : प्र० । [तृ० : बूझहु] । च० : प्र० [(८) : बूझहु] ।

४—प्र० : सबके बचन । द्वि०, तृ०, च० : प्र० [(९) (८अ) : बचन सबहिके] ।

५—प्र० : सठ । द्वि० : प्र० [(४)(५) : सठ] । तृ० : प्र० । [च० : सब] ।

६—प्र० : तात बचन मम सुनु । द्वि०, तृ० : प्र० । [च० : सुनु मम बचन तात] ।

७—प्र० : सीता । द्वि०, तृ० : प्र० । [च० : सीतहि] ।

येह मत जौं मानहु प्रभु मोरा । उभय प्रकार सुजसु जग तोरा ॥
 सुन सन कह दमकंठ रिसाई । असि मति सठ केहि तोहि सिखाई ॥
 अबहीं तैं उर संसय होई । बेनु मूल सुत भएउ घमोई ॥
 सुनि पितु गिरा परुष अति घोरा । चला भवन कहि बचन कठोरा ॥
 हित मत तोहि न लागत कैपे । काल विवस कहूँ भेषज जैसे ॥
 संध्या समय जानि दससीसा । भवन चलेउ निरखत भुज बीसा ॥
 लंका सिखर उपर आगारा । अति बिचित्र तहँ होइ अखारा ॥
 बैठ जाइ तेहि मंदिर रावन । लागे किन्नर गुन गन गावन ॥
 बाजहिं ताल पखाउज बीना । नृत्य करहिं अपछरा प्रबीना ॥

दो०—सुनासीर सत सरिस सो संत करइ बिलास ।

परम प्रवल रिपु सीस पर तदपि न कछु मन त्रास^२ ॥ १० ॥

इहाँ सुबेल सैत रघुबीरा । उतरे सेन सहित अति भीरा ॥
 सैत संग एक सुंदर^३ देखी । अति उत्तंग^४ सम सुभ्र बिसेषी ॥
 तहँ तरु किसलय सुमन सुहाए । लखिमन रचि निज हाथ डसाए ॥
 तेहि^५ पर रुचिर मृदुल मृगझाला । तेहि आसन आसीन कृपाला ॥
 प्रभु कृत सीस कपीस उछंगा । बाम दहिन दिसि चाप निषंगा ॥
 दुहुँ कर कमल सुवारत बाना । कह लंकेस मंत्र लागि काना ॥
 बड़भागी अंगद हनुमाना । चरन कमल चापत बिधि नाना ॥
 प्रभु पाछे लखिमन बीरासन । कटि निषंग कर बान सरासन ॥

१—प्र० : गुनगन । द्वि० : प्र० । [वृ० : गंधर्व] । च० : प्र० [(६) (नञ) : गंधर्व] ।

२—प्र० : तदपि सोच न त्रास । द्वि० : प्र० [(३)(४)(५) : तदपि सोच नहिं त्रास] ।
 [वृ० : तदपि न कछु तेहि त्रास] । च० : तदपि न कछु मन त्रास [(न) : तदपि हृदय
 नहिं त्रास] ।

३—प्र० : सिखर एक उत्तंग अति । द्वि० : प्र० । वृ० : सैत संग एक सुंदर । च० : वृ० ।

४—प्र० : परम रम्य । द्वि० : प्र० । वृ० : अति उत्तंग । च० : वृ० ।

५—प्र० : ता । द्वि० : प्र० । वृ० : तेहि । च० : वृ० ।

दो०—येहि बिधि करुना सील^१ गुन धाम राम आसीन ।
ते नर धन्य जे ध्यान येहि^२ रहत सदा लयलीन ॥
पूरब दिसा बिलोकि प्रभु देखा उदित मयंक ।
कहत सबहि देखहु ससिहि मृगपति सरिस असंक ॥ ११ ॥

पूरब दिसि गिरि गुहा निवासी । परम प्रताप तेज बल रासी ॥
मत्त नाग तम कुंभ बिदारी । ससि कैसरी गगन बन चारी ॥
बिथुरे नभ मुकुताहल तारा । निसि सुंदरी केर सिंगारा ॥
कह प्रभु ससि महुँ मेचकताई । कहहु काह निज निज मति भाई ॥
कह सुग्रीव सुनहु रघुराई । ससि महुँ प्रगट भूमि कै भाई ॥
मारेउ राहु ससिहि कह कोई । उर महुँ परी स्यामता सोई ॥
कोउ कह जब बिधि रति मुख कीन्हा । सारभाग ससि कर हरि लीन्हा ॥
ब्धिद्र सो प्रगट इंदु उर माहीं । तेहि मग देखिअ नभ परिखाहीं ॥
प्रभु कह गरल बंधु ससि केरा । अति प्रिय निज उर दीन्ह बसेरा ॥
बिष संजुत कर निकर पसारी । जारत बिरहवंत नर नारी ॥

दो०—कह मारुतसुत^३ सुनहु प्रभु ससि तुम्हार प्रिय^४ दास ।
तत्र मूरति बिधु उर बसति सोइ स्यामता अभास ॥
पवनतनय के बचन सुनि बिहँसे राम सुजान ।
दच्छिन दिसा बिलोकि पुनि^५ बोले कृपानिधान ॥ १२ ॥

देखु बिभीषन दच्छिन आसा । धन धमंड दामिनी बिलासा ॥
मधुर मधुर गरजइ धन घोरा । होइ वृष्टि जनि उपल कठोरा ॥

१—प्र० : कृपा रूप । द्वि०, तृ० : प्र० । च० : करुना सील [(न) : करुना सिंधु] ।

२—प्र० : धन्य ते नर येहि ध्यान जे । द्वि०, तृ० : प्र० । च० : ते नर धन्य जे ध्यान येहि ।

३—प्र० : हनुमंत । द्वि० : प्र० । तृ० : मारुतसुत । च० : तृ० ।

४—प्र०, द्वि०, तृ०, च० : प्रिय [(इ) : निज] ।

५—प्र० : दिसि अवलोकि प्रभु । द्वि०, तृ० : प्र० । च० : दिसा बिलोकि पुनि [(न) (नञ) : दिसा बिलोकि प्रभु] ।

कहत बिभीषन सुनहु कृपाला । होइ न तड़ित न बारिद माला ॥
 लंका सिखर उपर^१ आगारा । तहँ दसकंधर देख अखारा ॥
 छत्र मेघडंबर सिर धारी । सोइ जनु जलद घटा अति कारी ॥
 मंदोदरी खवन ताटंका । सोइ प्रभु जनु दामिनी दमंका ॥
 वाजहि ताल मृदंग अनूषा । सोइ रव मधुर^२ सुनहु सुरभूषा ॥
 प्रभु मुसुकान समुझि अभिमाना । चाप चढ़ाइ बान संधाना ॥
 दो०—छत्र मुकुट ताटंक तब हते एक ही बान ।

सब कें देखत महि परे मरमु न कोऊ जान ॥

अस कौतुक करि राम सर प्रविसेउ आइ निपंग ।

रावन सभा ससंक सब देखि महा रस भंग ॥ १३ ॥
 कंप न भूमि न मरुत बिसेषा । अस्त्र सख कछु नयन न देखा ॥
 सोचहिं सब निज हृदय भभारी । असगुन भएउ भयंकर भारी ॥
 दसमुख देखि सभा भय पाई । बिहसि बचन कह जुगुति बनाई ॥
 सिरौ गिरे संजत सुभ जाही । मुकुट खसे^३ कस असगुन ताही ॥
 सयन करहु निज निज गृह जाई । गवने भवन सकल सिर नाई ॥
 मंदोदरी सोच उर बसेऊ । जब तैं सयनभर महि खसेऊ ॥
 सजल नयन कह जुग कर जोरी । सुनहु प्रातपति बिनती मोरी ॥
 कंत राम विरोध परिहरहू । जानि मनुज जनि मन हठ^४ धरहू ॥
 दो०—बिस्वरूप रघुवंस मनि करहु बचन बिस्वासु ।

लोक कल्पना बेद कर अंग अंग प्रति जासु ॥ १४ ॥
 पद पाताल सीस अज धामा । अपर लोक अंग अंग बिस्त्रामा ॥
 भृकुटि बिलास भयंकर काला । नयन दिवाकर कच घनमाला ॥

१—प्र० : उपर । द्वि०, तृ०, च० : प्र० [(६) (अ) : स्त्रि] ।

२—प्र० : मधुर । द्वि० : प्र० । [तृ० : सरिस] । च० : प्र० [(६) (अ) : सरस] ।

३—प्र० : परे । द्वि० : प्र० । तृ० : खसे । च० : तृ० [(अ) : गिरे] ।

४—प्र० : हठ मन । द्वि० : प्र० [(अ) : हठ उर] । [तृ० : हठ उर] । च० : प्र० [(अ) : मन मह] ।

जासु प्राण अस्विनी^१ मारा । निसि अरु दिवसु निमेष अपारा ॥
 सवन दिसा दस वेद बखानी । मारुत^१ स्वास निगम निज बानी ॥
 अधर लोभ जन दसन कराळा । माया हास बाहु दिगपाला ॥
 आनन अनल अंबुपति जीहा । उत्पति पालन प्रलय समीहा ॥
 रोमराजि अष्टादस भारा । अस्थि सैल सरिता नस जारा ॥
 उदर उदधि अधगो जातना । जगमय प्रभु का बहु कल्पना ॥

दो०—अहंकार भिव बुद्धि अज मन ससि चित्त महान ।

मनुज बास सचराचर^२ रूप राम भगवान ॥

अस विचारि सुनु प्राणपति प्रभु सन वयर विहाइ ।

प्रीत करहु रघुवीर पद मम अहिवात न जाइ^३ ॥१५॥

बिहसा नारि बचन सुनि काना । अशो मोह महिमा बलवाना ॥
 नारि सुभाउ सत्य कवि^४ कहहीं । अवगुन आठ सदा उर रहहीं ॥
 साहस अनृत चपलता माया । भय अग्निवेक असौच अदाया ॥
 रिपु कर रूप सकल तैं गावा । अति बिसात^५ भय मोहि सुनावा ॥
 सो सब प्रिया सहज बस मोरे । समुझि परा प्रसाद अब तोरे ॥
 जानिउँ प्रिया तोरि चतुराई । येहि मिसु^६ कहहु^७ मोरि प्रभुताई ॥
 तव बतकही गूढ़ मृगलोचनि । समुझत सुखद सुनत भयमोचनि^८ ॥
 मंदोदरि मन महँ अस ठण्ठ । पिअहि कालबस मतिअम भण्ठ ॥

१—प्र० : मारुत [(१) : मरुत] । द्वि०, तृ०, च० : प्र० ।

२—प्र० : सचराचर । द्वि०, तृ०, च० : प्र० [(२) : चरअचरमय] ।

३—प्र० : [यह दोहा (२) में नहीं है] ।

४—प्र० : सब । द्वि० : कवि । तृ०, च० : द्वि० ।

५—[प्र० : विलास] । द्वि० : बिसात । तृ०, च० : द्वि० ।

६—प्र० : विधि । द्वि० : तृ० : प्र० । च० : मिसु [(३) मिसि]

७—प्र० : कहहु । द्वि० : : प्र० । [तृ० : कहेउ] । च० : प्र० [(४) : कहिहि] ।

८—प्र० : मोचनि [(२) : सोचनि] । द्वि०, तृ०, च० : प्र० [(५) : सोचनि] ।

दो०—बहु विधि जल्पेसि सकल निसि प्रात भए^१ दसकंध ।

सहज असंक लंकपति^२ सभा गएउ मद अंध ॥

सो०—फूलइ फरइ न बेत जदपि सुधा वरषहिं जलद ।

मूरख हृदय न चेत जौं गुरु मिलहिं बिरंचि सत^३ ॥१६॥

इहाँ प्रात जागे रघुराई । पूछा मत सब सचिव बोलाई ॥

कहहु बेगि का करिअ उपाई । जामवंत कह पद सिरु नाई ॥

सुनु सर्वज्ञ सकल गुन रासी^४ । सत्यसंध प्रभु सब उर बासी^५ ॥

मंत्र कहौं निज मति अनुसारा । दूत पठाइअ बालिकुमारा ॥

नीक मंत्र सब के मन माना । अंगद सन कह कृपानिधाना ॥

बालितनय बुधि बल गुन धामा । लंका जाहु तात मम कामा ॥

बहुत बुझाई तुम्हहि का कहऊँ । परम चतुर मैं जानत अहऊँ ॥

काजु हमार तासु हित होई । रिपु सन^६ करेहु बतकही सोई ॥

सो०—प्रभु आज्ञा धरि सीस चरन बंदि अंगद उठेउ ।

सोइ गुनसागर ईस राम कृपा जापर करहु ॥

स्वयं सिद्ध सब काज नाथ मोहि आदरु दिएउ ।

अस बिचारि जुबराज तन पुलकित हरषित हिये ॥१७॥

बंदि चरन उर धरि प्रभुताई । अंगद चलेउ सबहि सिरु नाई ॥

प्रभु प्रताप उर सहज असंका । रन बाँकुरा बालिसुत बंका ॥

पुर पैठन रावन कर बेटा । खेलत रहा सो होइ गइ^७ भेटा ॥

१—प्र० : येहि विधि करत बिनोद बहु प्रात प्रगट । द्वि० : प्र० । तृ० : बहु विधि जल्पेसि सकल निसि प्रात भए । च० : तृ० ।

२—प्र० : द्वि०, तृ०, च० : लंकपति [(६) : सुलंकपति] ।

३—प्र० : सत । [द्वि० : सिव] । तृ० : प्र० । च० : प्र० [(८) सम, (८अ) सिव] ।

४—प्र० : उरबासी । द्वि० : प्र० । तृ० : गुनरासी । च० : तृ० ।

५—प्र० : बुधि बल तेज धर्मगुनरासी । द्वि० : प्र० । तृ० : सत्य संध प्रभु सब उरबासी । च० : तृ० ।

६—प्र० : सन । द्वि०, तृ०, च० : प्र० [(६) : सैं] ।

७—प्र० : होइ गै । द्वि० : प्र० [(४) : सो होइ गइ] । तृ० : सो होइ गइ । च० : तृ० ।

बातहि बात करष बढ़ि आई । जुगल अतुल बल पुनि तरुनाई ॥
 तेहिं अंगद कहूँ लात उठाई । गहि पद पटकेउ भूमि भँवाई ॥
 निसिचर निकर देखि भट भारी । जहँ तहँ चले न सकहिं पुकारी ॥
 एक एक सन मरमु न कहहीं । समुझि तासु बध चुप करि रहहीं ॥
 भएउ कोलाहल नगर मँझारी । आवा कपि लंका जेहिं जारी ॥
 अब धौं काह करिहि करतारा । अति सभीत सब करहिं बिचारा ॥
 बिनु पूँछे मगु देहिं देखाई । जेहि बिलोक सोइ जाइ सुखाई ॥

दो०—गएउ सभा दरबार तव सुमिरि राम पद कंज ।

सिंघ ठवनि इत उत चितव धीर वीर बलपुंज ॥ १८ ॥

तुरत निसाचर एक पठावा । समाचार रावनहिं जनावा ॥
 सुनत बिहसि बोला दससीसा । आनहु बोलि कहाँ कर कीसा ॥
 आयेसु पाइ दूत बहु धाए । कपिकुंजरहि बोलि लै आए ॥
 अंगद दीख दसानन बैसा । सहित प्रान कज्जलगिरि जैसा ॥
 भुजा बिटप सिर सृंग समाना । रोमावली लता जनु नाना ॥
 मुख नासिका नयन अरु काना । गिरि कंदरा खोह अनुमाना ॥
 गएउ सभा मन नैकु न मुरा । बालितनय अतिबल बाँकुरा ॥
 उठेउ सभासद कपि कहूँ देखी । रावन उर भा क्रोध बिसेषी ॥

दो०—जथा मत्त गज जूथ महुँ पंचानन चलि जाइ ।

राम प्रताप सँभारि उरर बैठ सभा सिरु नाइ ॥ १९ ॥

कह दसकंठ कवन तैं बंदर । मैं रघुवीर दूत दसकंधर ॥
 मम जनकहि तोहि रही मिताई । तव हित कारन आएउँ भाई ॥
 उत्तम कुल पुलस्ति कर नाती । सिव बिरंचि पूजेहु बहु भौंती ॥

१—प्र० : क्रमशः बैसे, जैसे । द्वि० : प्र० [(३) (५) : बैसा जैसा] । [तृ० : बैसा, जैसा] ।

२—प्र० : सुमिरि मन । द्वि०, तृ० : प्र० । च० : सँभारि उर ।

बर पाएहु कीन्हेहु सब काजा । जीतेहु लोकपाल सुर^१ राजा ॥
 नृप अभिमान मोह बस किंवा । हरि आनेहु सीता जगदंवा ॥
 अब सुभ कहा सुनहु तुम्ह मोरा । सब अपराध क्षमिहि प्रभु तोरा ॥
 दसन गहहु तृन कंठ कुठारी । परिजन सहित संग निज नारी ॥
 सादर जनकसुता कर आगे । येहि बिधि चलहु सकल भय त्यागे ॥
 दो०—प्रनतपाल रघुबंसमनि त्राहि त्राहि अब मोहि ।

आरत गिरा सुनत प्रभु^२ अभय करैगो^३ तोहि ॥ २० ॥
 रे कपिपोत बोलु^४ संभारी । मूढ़ न जानेहि मोहि सुरारी ॥
 कहु निज नाम जनक कर भाई । केहि नाते मानिए मितार्ई ॥
 अंगद नाम बालि कर बेटा । ता सो कबहुँ भई ही^५ भेटा ॥
 अंगद बचन सुनत सकुचाना । हां वाली^६ वानर भैं जाना ॥
 अंगद तहीं बालि कर बालक । उपजेहु बंस अनल कुल घालक ॥
 गर्भ न गएउ^७ व्यर्थ^८ तुम्ह जाएहु । निज मुख तापस दूत कहाएहु ॥
 अब कहु कुसल बालि कहँ अहई । विहँसि बचन तत्र अंगद कहई ॥
 दिन दस गए बालि पहिँ जाई । बूझेहु कुसल सखा उर लाई ॥
 राम बिरोध कुसल जसि होई । सो सब तोहि सुनाइहि सोई ॥
 सुनु सठ भेद होइ मन ताके । श्री रघुवीर हृदय नहिँ जाके ॥

१—प्र० : सब । द्वि० : प्र० । तृ० : सुर । च० : तृ० ।

२—प्र० : आरत गिरा सुनत । द्वि० : प्र० । [तृ० : सुनतहिँ आरत गिरा] च० : प्र० [(६) (८) : सुनतहिँ आरत बचन] ।

३—प्र० : करैगो । द्वि० : प्र० [(४) (५) (५अ) : करहिँगे] । [तृ० : करहिँगे] । च० : प्र० [(८) (८अ) : करहिँगे] ।

४—प्र० : बोलु । द्वि० : प्र० [(३) (४) : न बोलु] । तृ०, च० : प्र० ।

५—प्र० : ही । द्वि० : प्र० [(५) : रही] । [तृ० : हौ] । च० : प्र० [(८) रही, (८अ) हुय] ।

६—प्र० : हां वाली । [द्वि० : रहा बालि] । तृ० : प्र० । च० : प्र० [(८) (८अ) : रहा बालि] ।

७—प्र० : गएउ । [द्वि०, तृ० : गएह] । च० : प्र० [(८) (८अ) : गएह] ।

८—प्र० : व्यर्थ । द्वि० : प्र० । तृ० : बृथा] । च० : प्र० [(८) (८अ) : बृथा] ।

दो०—हम कुलपालक सत्य तुम्ह कुलपालक दससीस ।

अंधौ बधिर^१ न अस कहहिं^२ नयन कान तव बीस ॥ २१ ॥

सिव बिरचि सुर मुनि समुदाई । चाहत जासु चरन सेवकाई ॥

तासु दूत होइ हम कुल बोरा । अइसिहु मति उर बिहर न तोरा ॥

सुनि कठोर बानी कपि केरी । कहत दसाननु नयन तरेरी ॥

खल तव कठिन बचन सब^३ सहऊँ । नीति धर्म मै^३ जानत अहऊँ ॥

कह कपि धर्मसीलता तोरी । हमहुँ सुनी कृत पर त्रिय चोरी ॥

देखी^४ नयन दूत रखवारी । बूडि न महु धर्मव्रत धारी ॥

कान नाक बिनु भगिनि निहारी । ब्रह्मा कीन्हि तुम्ह धर्म विचारी ॥

धर्मसीलता तव जग जागी । पावा दरसु महुँ^५ बड़ भागी ॥

दो०—जनि जल्पसि जड़ जंतु कपि सठ बिलोकु मम बाहु ।

लोकपाल बल बिपुल ससि असन हेतु सब राहु ॥

पुनि नभ सर मम कर निकर कमलन्हि पर करि बास ।

सोमत भएउ मराल इव संभु सहित कैलास ॥ २२ ॥

तुम्हरे कटक मौंभ सुनु अंगद । मो सन भिरिहि कवन जोधा बढ ॥

तव प्रभु नारिविरह बलहीना । अनुज तासु दुख दुखी मलीना ॥

तुम्ह सुग्रीव कूलद्रुम दोऊ । अनुज हमार भीरु अति सोऊ ॥

जामवंत मंत्री अति बूढा^६ । सो कि होइ अब समर अरूढा ॥

सिलिपंकर्म जानहिं नल नीला । है कपि एक महा बलसीला ॥

१—प्र० : बधिर । द्वि०, तृ०, च० : प्र० [(३) बहिर, (नञ्) बहिरौ] ।

२—प्र० : कहहिं । द्वि०, तृ०, च० : प्र० [(३) (नञ्) : कहइ] ।

३—प्र० : क्रमशः सब, मै । द्वि०, तृ०, च० : प्र० [(३) मै, सब] ।

४—प्र० : देखी । द्वि० : प्र० । [तृ० : देखे] । [च० : (३) देखिउँ, (न) देखेउँ, (नञ्) देखे] ।

५—प्र० : महुँ । [द्वि०, तृ० : हमहुँ] । च० : प्र० [(न) : हमहुँ] ।

६—प्र०, द्वि०, तृ०, च० : बूढा [(३) : मूढा] ।

आवा प्रथम नगरु जेहि जारा । सुनि हँसि बोलेउ^१ बालिकुमारा ॥
 सत्य बचन कहु निसिचर नाहा । साँचेहु कीस कीन्ह पुर दाहा ॥
 रावन नगर अल्प कपि दहई । को अस भूँठ सुनै^२ को कहई ॥
 जो अति सुभट सराहेहु रावन । सो सुग्रीव केर लघु धावन ॥
 चलइ बहुत सो बीर न होई । पठवा खबरि लेन हम सोई ॥

दो०—अब जानेउँ पुर दहेउ कपि^३ बिनु प्रभु आयेसु पाइ ।

फिरि न गएउ निज नाथ^४ पहिँ तेहि भय रहा लुकाइ ॥

सत्य कहहि दसकंठ सब मोहि न सुनि कछु कोह ।

कोउ न हमरे कटक अस तो सन लगत जो सोह ॥

प्रीति विरोध समान सन करिअ नीति असि आहि ।

जौं मृगपति बध मेडुकन्हि भल कि कहइ कोउ ताहि ॥

जद्यपि लघुता राम कहूँ तोहि बधैं बड़ दोष ।

तदपि कठिन दसकंठ सुनु छत्र^५ जाति कर रोष ॥

बक्र उक्ति धनु बचन सर हृदय दहेउ रिपु कीस ।

प्रतिउत्तर सड़सिन्ह मनहुँ काढ़त भट दससीस ॥

हँसि बोलेउ दसमौलि तब कपि कर बड़ गुन एक ।

जो^६ प्रतिपालै ताम्रु हित करै उपाय अनेक ॥२३॥

धन्य कीस जो निज प्रभु काजा । जहँ तहँ नाचै परिहरि लाजा ॥

नाचि कूदि करि लोग रिभाई । पति हित करै^७ धर्म निपुनाई ॥

अंगद स्वामिभक्त तब जाती । प्रभु गुन कस न कहसि येहि भाँती ॥

१—प्र० : सुनत बचन कह । द्वि० : प्र० । तृ० : सुनि हँसि बोलेउ । च० : तृ० ।

२—प्र० : सुनि अस बचन सत्य । द्वि०, तृ० : प्र० । च० : को अस भूँठ सुनै ।

३—प्र० : सत्य नगर कपि जारेउ । द्वि० : प्र० । तृ० : अब जानेउँ पुर दहेउ कपि । च० : तृ० ।

४—प्र० : सुग्रीव । द्वि० : प्र० । तृ० : निज नाथ । च० : तृ० ।

५—प्र० : छत्र । द्वि० : प्र० [(५) (५अ) : छत्रि] । [च० : प्र० [(८) (८अ) : छत्रि] ।

६—[प्र० : जौ] । द्वि० : जो । तृ० : च० : द्वि० [(६) : जौ] ।

७—प्र० : करै । द्वि० : प्र० । [तृ० : धरै] । च० : प्र० [(८अ) : धरै] ।

मैं गुन गाहक परम सुजाना । तब कटु रटनि करौं नहिं काना ॥
 कह कपि तब गुन गाहकताई । सत्य वनसुत मोहि सुनाई ॥
 बन बिधंसि सुत बधि पुर जारा । तदपि न तेहि कछु कृत अपकारा ॥
 सोइ बिचारि तब प्रकृति सुहाई । दसकंधर मैं कीन्हि दिठाई ॥
 देखेउँ आइ जो कछु कपि भाषा । तुम्हरेँ लाज न रोष न माखा ॥
 जौं असि मति पितु खाएहि कीसा । कहि अस बचन हँसा दससीसा ॥
 पितहि खाइ खातेउँ पुनि तोही । अबहीं समुझि परा कछु मोहीं ॥
 बालि विमल जस भाजनु जानी । हतौं न तोहि अधम अभिमानी ॥
 कहु^१ रावन रावन जग केते । मैं निज सवन सुने सुनु जेते^२ ॥
 बलिहि जितन एकु गएउ पताला । राखा^३ बाँधि सिसुन्ह हयसाला ॥
 खेलहिं बालक मारहिं जाई । दया लागि बलि दीन्ह छोड़ाई ॥
 एकु बहोरि सहसभुज देखा । धाइ धरा जिमि जंतु बिसेषा ॥
 कौतुक लागि भवन लै आवा । सो पुलस्ति मुनि जाइ छोड़ावा ॥
 दो०—एक कहत मोहि सकुच अति रहा बालि की काँख ।

इन्ह^४ महुँ रावन तैं कवन सत्य बद्रहि तजि माख ॥ २४ ॥
 सुनु सठ सोइ रावनु बलसीला । हरगिरि जान जासु भुज लीला ॥
 जान उमापति जासु सुराई । पूजेउ जेहि सिर सुमन चढ़ाई ॥
 सिर सरोज निज करन्हि उतारी । पूजेउ अमित बार त्रिपुगरी ॥
 भुज बिक्रम जानहिं दिगपाला । सठ अजहूँ जिन्हकें उर साला ॥
 जानहिं दिग्गज उर कठिनाई । जव जव भिरौं जाइ बरिआई ॥
 जिन्ह^५ के दसन कराल न फूटे । उर लागत मूलक इव टूटे ॥
 जासु चलत डोलत इमि धरनी । चढ़त मत्त गज जिमि लघु तरनी ॥

१—प्र० : कहु । द्वि०, वृ०, च० : प्र० [(६) (द्व) : सुनु] ।

२—प्र० : जेते । द्वि० : प्र० [(५) : तेते] । [वृ० : तेते] । च० : प्र० [(८) (द्व) : तेते] ।

३—प्र० : राखेउ । द्वि० : प्र० । वृ० : राखा । च० : वृ० ।

४—प्र० : इन्ह । द्वि०, वृ०, च० : प्र० [(६) (द्व) : तिन्ह] ।

५—प्र० : जिन्ह । द्वि० : प्र० । [वृ० : तिन्ह] । च० : प्र० ।

सोइ रावनु जग बिदित प्रतापी । सुनेहि न सवन अलीक प्रलापी ॥
दो०—तेहि रावन कहँ लघु कहसि नर कर करसि बखान ।

रे कपि बरबर खर्ब खल अब जाना तव ज्ञान^१ ॥२५॥
सुनि अंगद सकोप कह बानी । बोलु सँभारि अधम अभिमानी ॥
सहसबाहु भुज गहन अपारा । दहन अनल सम जासु कुठारा ॥
जासु परसु सागर खर धारा । बूड़े नृप अगनित बहु वारा ॥
तासु गर्ब जेहि देखत भागा । सो नर क्यों दससीस^२ अभागा ॥
रामु मनुज कस रे सठ बंगा । धन्वी कामु नदी पुनि गंगा ॥
पसु सुरधेनु कल्पतरु रूखा । अन्न दान अरु रस पीयूषा ॥
बैनतेय खग अहि सहसानन । चिंतामनि पुनि उपल दसानन ॥
सुनु मतिमंद लोक बैकुंठा । लाभ कि रघुपति भगति अकुंठा ॥
दो०—सेन सहित तव मान मथि बन उजारि पुर जारि ।

कस रे सठ हनुमान कपि गएउ जो तव सुत मारि ॥ २६ ॥
सुनु रावन परिहरि चतुराई । भजसि न कृपासिंधु रघुराई ॥
जौ खल भएसि राम कर द्रोही । ब्रह्म रुद्र सक राखि न तोही ॥
मूढ़ वृथा^३ जनि मारसि गाला । राम बयर होइहि अस हाला ॥
तव सिर निकर कपिन्ह केँ आगें । परिहहि धरनि राम सर लागें ॥
ते तव सिर कंदुक सम^४ नाना । खेलिहहि भालु कीस चौगाना ॥
जबहिं समर कोपिहिं रघुनायक । छुटिहहिं अति कराल बहु सायक ॥
तब कि चलिहि अस^५ गाल तुम्हारा । अस बिचारि भजु राम उदारा ॥

१—[प्र० : अब जाना तव जान] । द्वि० : अब जाना तव ज्ञान [(५अ) : अब जाना तव जान] । [तृ० : तव न जान अब जान] । [च० : (६) (८अ) अब जाना तव जान, (८) तव न जान अब जान] ।

२—प्र० : दससीस । द्वि० : प्र० । [तृ० : दसकंठ] । च० : प्र० ।

३—प्र० : वृथा । द्वि०, तृ० : प्र० । [च० : (६) मुधा, (८) (८अ) मृषा] ।

४—प्र० : सम । द्वि० : प्र० । तृ० : इव । च० : तृ० ।

५—प्र० : अस । द्वि० : प्र० । [तृ० : सठ] । च० : प्र० ।

सुनत बचन रावन परजरा । जरत महानल जनु घृत परा ॥
दो०—कुंभकरन अस^१ बंधु मम सुत प्रसिद्ध सकारि ।

मोर पराक्रम नहिं सुनेहि जितेउँ चराचर भारि ॥ २७ ॥
सठ साखामृग जोरि सहाई । बाँधा सिंधु इहै प्रभुताई ॥
नाथहिं खग अनेक बारीसा । सूर न होहिं ते सुनु जइ^२ कीसा ॥
मम भुज सागर बल जल पूरा । जहँ बूड़े बहु सुर नर सूग ॥
बीस पयोधि अगाध अपारा । को अस बीर जो पाइहि पारा ॥
दिगपालन्ह मैं नीरु भरावा । भूप सुजसु खल मोहि सुनावा ॥
जौं पै समर सुमट तव नाथा । पुनि पुनि कहसि जासु गुनगाथा ॥
तौ बसीठ पठवत केहि काजा । रिपु सन प्रीति करत नहिं लाजा ॥
हर गिरि मथन निरखु^३ मम बाहू । पुनि सठ कपि निज प्रभुहि सराहू ॥
दो०—सूर कवन रावन सरिस स्वकर काटि जेहि सीस ।

हुने अनल महँ बार बहु हरपिन साखि गिरीस^४ ॥ २८ ॥
जरत बिलोकेउँ जवहिं कपाला । विधि के लिखे अंक निज माला ॥
नर कैं कर आपन बध बाची । हसेउँ जानि विधि गिरा असाची ॥
सोउ मन समुझि त्रास नहिं मोरें । लिखा बिरंचि जरठ मति मोरें ॥
आन बीर बल सठ मम आगें । पुनि पुनि कहसि लाज पति त्यागें ॥
कह अंगद सलज्ज जग माहीं । रावन तोहि समान कोउ नाहीं ॥
लाजवंत तव सहज सुभाऊ । निज मुख निज गुन कहसि न काऊ ॥
सिरु अरु सैल कथा चित रही । ता तैं बार बीस तैं कही ॥
सो भुज बल राखेहु उर घाली । जीतेहु सहसबाहु बलि बाली ॥
सुनु मतिमंद देहि अब पूरा । काटें सीस कि होइअ सूग ॥

१—प्र० : अम । द्वि० : प्र० । [तृ० : सम] । च० : प्र० ।

२—प्र० : सठ । द्वि०, तृ० : प्र० । च० : जइ ।

३—प्र० : निरखु । द्वि० : प्र० । [तृ० : निरखि] । च० : प्र० [(न) (अ) : निरखि] ।

४—प्र० : अतिहरष बहु बार साखि गौरीस । द्वि० : प्र० । तृ० महँ बार बहु हरपित साखि गिरीस । च० : तृ० ।

बाजीगर^१ कहूँ कहिअ न बीरा । काटइ निज कर सकल सरीरा ॥
दो०—जरहिं पतंग विमोह^२ बस भार बहहिं खरबृंद ।

ते नहिं सूर सराहिअहिं^३ समुझि देखु मतिमंद ॥ २६ ॥
अब जनि बतवड़ाव खल करही । सुनु मम वचन मान परिहरही ॥
दसमुख मैं न बसीटीं आएँ । अस बिचारि रघुबीर पठाएँ ॥
बार बार इमि ४ कहइ कृपाला । नहिं गजारि जसु बधैं सृकाला ॥
मन महुँ समुझि वचन प्रभु केरे । सहेउँ कठोर वचन सठ तेरे ॥
नाहिं त करि मुखभंजन तोरा । लै जातेउँ सीतहि बरजोरा ॥
जानेउँ तव बलु अधम सुगरी । सुनैं हरि आनिहि^५ पर नारी ॥
तैं निसिचर पति गर्व बहता । मैं रघुपति सेवक कर दूता ॥
जौ न राम अपमानहिं डरऊँ । तोहि देखत अस कौतुक करऊँ ॥
दो०—तोहि पटकि महि सेन हति चौपट करि तव गाउँ ।

मंदोदरी^६ समेत सठ जनकसुतहि^७ लै जाउँ ॥ ३० ॥
जौ अस करौं तदपि न बड़ाई । मुएहिं बधैं कछु नहिं न मनुसाई ॥
कौल कामबस कृपन विमूढ़ा । अति दरिद्र अजसी अति बूढ़ा ॥
सदा रोगबस संतत क्रोधी । बिष्णुबिमुख श्रुति संत विरोधी ॥
तनुपोषक निंदक अवखानी । जीवत सब सम चौदह प्रानी ॥
अस बिचारि खल बधौं न तोहीं । अब जनि रिस उपजावसि मोहीं ॥
सुनि सकोप कह निसिचरनाथा । अधर दसन दसि मीजत हाथा ॥

१—प्र० : इन्द्रजालि । द्वि० : प्र० । तृ० : बाजीगर । च० : तृ० ।

२—प्र० : मोह । द्वि० : प्र० । तृ० : विमोह । च० : तृ० ।

३—प्र० : कहावहिं । द्वि० : प्र० । तृ० : सराहिअहिं । च० : तृ० ।

४—प्र० : अस । द्वि० : प्र० । तृ० : इमि । च० : तृ० ।

५—प्र० : आनिहि । [द्वि० : आनेहि] । [तृ० : आनेहि] । च० : प्र० ।

६—प्र० : तव जुवतिन्ह । द्वि० : प्र० । तृ० : मंदोदरी । च० : तृ० ।

७—प्र० , द्वि० , तृ० , च० : जनकसुतहिं [(६) : जनक सुता] ।

८—प्र० : न कछु । द्वि० : कछु नहिं । तृ० , च० : द्वि० ।

रे कपि पोत^१ मरन अच चहसी । छोटें बदन बात बड़ि कहसी ॥
 कटु जल्पसि जड़ कपि बल जाकैं । बल प्रताप बुधि तेज न ताकैं ॥
 दो०—अगुन अमान जानि^२ तेहि दीन्ह पिता बनबास ।
 सो दुख अरु जुबती बिरह पुनि निसिदिन^३ मम त्रास ॥
 जिन्हके बल कर गर्व तोहि ऐसे मनुज अनेक ।
 खाहिं निसाचर दिवस निसि मूढ़ समुझ तजि टेक ॥ ३१ ॥
 जब तेहिं कीन्ह^४ राम कह निंदा । क्रोधवन्त अति भएउ कपिदा ॥
 हरि हर निंदा सुनइ जो काना । होइ पाप गोघात समाना ॥
 कटकटान कपिकुंजर भारी । दुहु भुजदंड तमकि महि मारी ॥
 डोलत धरनि सभासद खसे । चले भाजि भय मारुत ग्रसे ॥
 गिरत दसानन उठा संभारी^५ । भूतल परे मुकुट षटचारी^६ ॥
 कुछु तेहिं लै^६ निज सिरन्हि सँवारे । कुछु अंगद प्रभु पास पवारे ॥
 आवत मुकुट देखि कपि भागे । दिनहीं लुक परन बिधि लागे ॥
 की रावन करि कोपु चलाए । कुलिस चारि आवत अति धाए ॥
 कह प्रभु हँसि जनि हृदयँ डेराहू । लुक न असनि केतु नहिं राहू ॥
 ये किरीट दसकंधर केरे । आवत बालितनय के प्रेरे ॥
 दो०—कूदि^७ पवनसुत कर गहे आनि धरे प्रभु पास ।
 कौतुक देखहिं भालु कपि दिनकर सरिस प्रकास ॥ ३२ ॥
 उहाँ कहत दसकंध रिसाई । धरि मारहु कपि भाजि न जाई^८ ॥

१—प्र० : अथस । द्वि०, तृ० : प्र० । च० : पोत ।

२—प्र० : जानि । द्वि०, तृ० : प्र० । [च० : बिचारि] ।

३—प्र० : निसिदिन । द्वि०, तृ०, च० : प्र० [(६) (८) : अनुदिन] ।

४—[प्र०, द्वि०, तृ० : कीन्ह] । च० : कीन्ह [(८) (८) : कीन्ह] ।

५—प्र० : क्रमशः संभारि उठा दसकंधर, अति सुंदर । द्वि० : प्र० । तृ० : दसानन उठा संभारी, षटचारी । च० : तृ० ।

६—प्र० : तेहि लै । द्वि०, तृ० : प्र० । [च० : बद्ध कर]

७—प्र० : तरकि । द्वि० : प्र० । तृ० : कूदि । च० : तृ० ।

८—प्र० : उहाँ सकोप दसानन सब सनकहत रिसाई । धरहु कपिहि धरि मारहु सुनि अंगद मुसुकाइ ॥
 द्वि० : प्र० । तृ० : उहाँ कहत दसकंध रिसाई । धरि मारहु कपि भाजि न जाई । च० : तृ० ।

येहि विधि^१ बेगि सुभट सब धावहु । खाहु भालु कपि जहँ तहँ पावहु ॥
 महि अकीस करि फेरि दोहाई^२ । जिअत धरहु तापम द्वौ भाई ॥
 पुनि सकोप बोलेउ जुबराजा । गाल बजावत तोहि न लाजा ॥
 मरु गर काटि निलज कुलघाती । बल बिलोकि बिहरी^३ नहिं छाती ॥
 रे त्रियचोर कुमारग गामी । खल मलरासि मंदमति कामी ॥
 सन्यपात जल्पसि दुर्बादा । भएसि काल बस खल^४ मनुजादा ॥
 या को फलु पावहिगो आगे । बानर भालु चपेटन्हि लागे ॥
 राम मनुज बोलत असि बानी । गिरहिं न तव रसना अभिपानी ॥
 गिरिहहिं रसना संसय नाही । सिरन्हि समेत समर महि माहीं ॥

सो०—सो नर क्यों दसकंध बालि बध्यो जेहिं एक सर ।

बीसहु लोचन अंध धिग तव जन्म कुजाति जड़ ॥

तव सोनित की प्यास तृषित^५ राम सायक निकर ।

तजौं तोहि तेहि त्रास कटु जल्पक निसिचर अधम ॥३३॥

मैं तव दसन तोरिबे लायक । आयेसु मोहि न दीन्ह रघुनायक ॥
 अस रिस होति दसौं मुख तोरौं । लंका गहि ससुद्र महुँ बोरौं ॥
 गूलरि फल समान तव^६ लंका । बसहु मध्य तुम्ह जंतु असंका ॥
 मैं बानर फल खात न बारा । आयेसु दीन्ह न राम उदारा ॥
 जुगुति सुन्त रावन मुसुकाई । मूढ़ सिखिहि कहँ बहुत झुठाई ॥
 बालि न कबहुँ गाल अस मारा । मिलि तपसिन्ह तैं भएसि लवारा ॥
 साँचेहुँ मैं लवार भुजबीहा । जौं न उपागिउँ तव दस जीहा ॥

१—प्र०: बधि । द्वि०: प्र० [(५)(६अ): विधि] । [तृ०: विधि] । च०: प्र०[(८)(८अ): विधि] ।

२—प्र०: सकुट्टहीन करह महि जाई । द्वि०: प्र० । तृ०: महि अकीस करि फेरि दोहाई ।

च०: तृ० ।

३—प्र०: बिहरति । द्वि०, तृ०: प्र० । च०: बिहरी ।

४—प्र०: खल, द्वि०: प्र० । [तृ०: सठ] । च०: प्र० [(६)(८अ): निसि] ।

५—[प्र०: तिष्ठति] द्वि०, तृ०, च०: तृषित ।

६—प्र०, द्वि०, तृ०, च०: तव [(६): यह] ।

राम प्रताप सुमरि १ कपि कोपा । सभा माँझ पन करि पद रोषा ॥
 जौं मम चरन सकसि सठ टारी । फिरहिं रामु सीता मै हारी ॥
 सुनहु सुभट सब कह दससीसा । पद गहि घरनि पड्यारहु कीसा ॥
 इंद्रजीत आदिक बलवाना । हरषि उठे जहँ तहँ भट नाना ॥
 भूपटहिं करि बल बिपुल उपाई । पद न टरइ बैठहिं सिरु नाई ॥
 पुनि उठि भूपटहिं सुरआराती । टरइ न कीस चरन येहि भाँती ॥
 पुरुष कुजोगी जिमि उरगारी । मोह बिटप नहिं सकहिं उपारी २ ॥
 दो०—भूमि न छाड़त कपि चरन देखत रिपु मद भाग ।

कोटि बिघ्न तैं संत कर मन जिमि नीति न त्याग ॥३४॥
 कपि बलु देखि सकल हियँ हारे । उठा आपु जुवराज प्रचारे ३ ॥
 गहत चरन कह बालिकुमारा । मम पद गहे न तोर उबारा ॥
 गहसि न राम चरन सठ जाई । सुनत फिरा मन अति सकुचाई ॥
 भएउ तेज हत श्री सब गई । मध्य दिवस जिमि ससि सोहई ॥
 सिंघासन बैठेउ सिर नाई । मानहुँ संपति सकल गँवाई ॥
 जगदातमा प्रानपति रामा । तासु बिमुख किमि लह बिलाभा ॥
 उमा राम की भृकुटि बिलासा । होइ बिस्व पुनि पावइ नासा ॥
 तृन तैं कुलिस कुलिस तृन करई । तासु दूत पन कहु किमि टरई ॥
 पुनि कपि कही नीति विधि, नाना । मान न ताहि कालु निअराना ॥
 रिपु मद मथि प्रभु सुजसु सुनायो । येह कहि चल्यो बालि नृप जायो ॥
 हतौं न खेत खेलाइ खेलाई । तोहि अबहिं का करौं बड़ाई ॥

१—प्र० : समुक्ति राम प्रताप । द्वि० : प्र० । तृ० : राम प्रताप सुमिरि । च० : तृ० ।

२—इस अर्द्धाली के बाद प्र०, द्वि०, तृ० में निम्न लिखित दोहा भी है, जो च० में नहीं है :

कोटिन्ह मेघनाद सम सुभट उठे हरपाइ ।

भूपटहिं टरइ न कपि चरन पुनि बैठहिं सिरु नाइ ॥

३—प्र० जुवराज प्रचारे । [द्वि० : कपि के परचारे] । तृ०, च० : प्र० ।

प्रथमहिं तासु तनय कपि मारा । सो सुनि रावनु भएउ दुखारा ॥
जातुधान अंगद पन देखी । भय व्याकुल सब भए बिसेषी ॥
दो०—रिपु बल धरषि^१ हरिष कपि बालितनय बलपुंज ।
सजल सुलोचन पुलक तनु^२ गहे राम पद कंज ॥
साँझ जानि दसमौलि तब^३ भवन गएउ बिलखाइ ।
मंदोदरी निसाचरहि^४ बहुरि कहा समुझाइ ॥३५॥
कंत समुझि मन तजहु कुमतिहीं । सोहन समर तुम्हहि रघुपतिहीं ॥
रामानुज लघु रेख खँचाई । सोउ नहिं नाँधेहु असि मनुसाई ॥
पिय तुम्ह ताहि जितव संग्रामा । जा के दूत केर अस^५ कामा ॥
कौतुक सिंधु नाँधि तव लंका । आएउ कपि केहरी असंका ॥
रखवारे हति बिपिन उजारा । देखत तोहि अन्न तेहिं मारा ॥
जारि नगर सब^६ कीन्हेभि छारा । कहाँ रहा बल गर्व तुम्हारा ॥
अब पति मृषा गाल जनि मारहु । मोर कहा कछु हृदयँ बिचारहु ॥
पति रघुपतिहि नृपतिजनि^७ मानहु । अग जग नाथ अतुल बल जानहु ॥
बान प्रताप जान मारीचा । तासु कहा नहिं मानेहि नीचा ॥
जनक सभा अगनित महिपाला^८ । रहे तुम्हौं बल विपुल^९ बिसाला ॥
भंजि धनुष जानकी बिआही । तव संग्राम जितेहु किन ताही ॥

१—प्र०, द्वि०, तृ०, च० : धरषि [(६) धरषित, (८अ) दरषित] ।

२—प्र० : पुलक सरीर नयन जल । द्वि० : प्र० । तृ० : सजल सुलोचन पुलक तनु । च० : तृ० ।

३—प्र० : दसकंधर । द्वि०, तृ०, : प्र० । च० : दसमौलि तब ।

४—प्र० : रावनहि । द्वि० : प्र० । [तृ० : तब रावनहि] । च० : निसाचरहि [(८) : तब रावनहि] ।

५—प्र० : येह । द्वि०, तृ० : प्र० । च० : अस ।

६—प्र० : सकल पुर । द्वि०, तृ० : प्र० । च० : नगर सब ।

७—प्र०, द्वि०, तृ०, च० : जनि [(६) (८) : मति] ।

८—प्र० : भूपाला । द्वि० : प्र० [(५अ) : महिपाला] । तृ० : प्र० । च० : महिपाला ।

९—प्र० : अतुल । द्वि० : प्र० । तृ० : विपुल । च० : तृ० [(८) : गर्व] ।

सुरपति सुत जानइ बल थोरा । राखा जिअत आँखि गहि फोरा ॥
सूपनखा कै गति तुम्ह देखी । तदपि हृदयँ नहिं लाज बिसेषी ॥
दो०—बधि विराध खरदूषनहि लीला हत्यो कंबध ।

बालि एक सर मार्यो तेहि जानहु दसकंध ॥३६॥
जेहिं जलनाथु बंधाएउ हेला । उतरे प्रभु दल सहित सुबेला ॥
कारुनीक दिनकर कुल केतू । दूत पठाएउ तव हिन हेतू ॥
सभा माँझ जेहिं तव बल मथा । करि बरूथ महुँ मृगपनि जथा ॥
अंगद हनुमत अनुचर जा के । रन बाँकुरे बीर अति बाँढे ॥
तेहि कहूँ पिय पुनि पुनि नर कहहू । मुधा मान ममता मद बहहू ॥
अहह कंत कृत राम बिरोधा । काल बिबस मन उपज न बोधा ॥
काल दंड गहि काहु न मारा । हरइ धर्म बल बुद्धि बिगरा ॥
निकट काल जेहि आवइ साई । तेहे भ्रम होइ तुम्हारिहि नाई ॥
दो०—दुइ सुत मरे^१ दहेउ पुर अजहुँ पूर पिय देहु ।

कृपासिंधु रघुनाथ^२ भजि नाथ बिमल जसु लेहू ॥३७॥
नारि बचन सुनि बिंसख समाना । सभा गएउ उठि होत बिहाना ॥
बैठ जाइ सिंघासन फूली । अति अभिमान त्रास सब भूना ॥
इहाँ राम अंगदहि बोलावा । आइ चरन पंकज सिंह नावा ॥
अति आदर समीप बैठारी । बोले बिहँसि कृपाल खरारी ॥
बालितनय अति कौतुक मोहीं । तात सत्य कहु पृथ्वी तोहीं ॥
रावनु जातुधान कुल टीका । भुज बल अतुल जासु जग लीका ॥
तासु मुकुट तुम्ह चारि चलाए । कहहु तात कवनी बिधि पाए ॥
सुनु सर्वज्ञ प्रनत सुखकारी । मुकुट न होहिं भूप गुन चारी ॥
साम दान^३ अरु दंड बिभेदा । नृए उर बसहिं नाथ कह बेदा ॥

१—प्र० : मरे । [दि० : (३) (४) (५) मारेब, (५अ) मारे] । [तु० : मारेब] । [च० : मारे] ।

२—प्र० : रघुनाथ । दि०, तु०, च० : प्र० [(६) (८अ) : रघुपतिहि] ।

३—प्र० : दान । दि० : प्र० [(५) (५अ) : दाम] । तु० : प्र० । च० : प्र० [(६) (८अ) : दाम] ।

नीति धर्म के चरन सुहाए । अस जिअँ जानि नाथ पहिँ आए ॥

दो०—धर्महीन प्रभुपद बिमुख कालबिबस दससीस ।

आए गुन तजि रावनहि^१ सुनहु कोसलाधीस ॥

परम चतुरता सवन सुनि बिहँसे राम उदार ।

समाचार पुनि सब कहे गढ़ के बालिकुमार ॥३८॥

रिपु के समाचार जब पाए । राम सचिव सब निकट बोलाए ॥

लंका बाँके चारि दुआग । केहि बिधि लागिअ करहु बिचारा ॥

तब कपीस रिच्छेस बिभीषन । सुमिरि हृदयँ दिनकर कुल भूषन ॥

करि बिचार तिन्ह मंत्र दढ़ावा । चारि अनी कपि कटकु बनावा ॥

जथाजोग सेनापति कीन्हे । जूथप सकल बोलि तब लीन्हे ॥

प्रभु प्रताप कहि सब समुझाए । सुनि कपि सिंघनाद करि धाए ॥

हरषित राम चरन सिर नावहिं । गहि गिरि सिखर बीरसब धावहिं^२ ॥

गर्जहिं तर्जहिं भालु कपीसा । जय रघुबीर कोसलाधीसा ॥

जानत परम दुर्ग अति लंका । प्रभु प्रताप कपि चले असंका ॥

घटाटोप करि चहुँ दिसि घेरी । मुखहि निसान बजावहिं मेरी ॥

दो०—जयति राम आता सहित^३ जय कपीस सुग्रीव ।

गरजहिं केहरिनाद^४ कपि भालु महा बलसीव ॥३९॥

लंका भएउ कोलाहल भारी । सुना^५ दसानन अति अहँकारी ॥

देखहु बनरन्ह केरि दिठार्ई । बिहँसि निसाचर सेन बोलाई ॥

आए कीस काल के प्रेरे । छुधावंत रजनीचर^६ मेरे ॥

१—प्र० : तेहि परिहरि गुन आए । द्वि० : प्र० । तृ० : आए गुन तजि रावनहि । च० : तृ० ।

२—[यह अर्द्धाली तृ०, तथा (६) और (अ) में नहीं है] ।

३—प्र० : जय लङ्घिमन । द्वि० : प्र० । तृ० : आता सहित । च० : तृ० ।

४—प्र० : सिंघनाद । द्वि० : प्र० । तृ० : केहरि नाद । च० : तृ० ।

५—प्र० : सुना । द्वि०, तृ०, च०, : प्र० [(६) : सुनेछ] ।

६—प्र० : सब निसिचर । द्वि० : प्र० । तृ० : रजनीचर । च० : तृ० ।

अस कहि अट्टहास सठ कीन्हा । गृह बैठें अहार बिधि दीन्हा ॥
 सुभट सकल चारिहुँ दिसि जाहू । धरि धरि भालु कीस सब खाहू ॥
 उमा रावनहि अस अभिमाना । जिमि टिट्टिभ खग सूत उताना ॥
 चले निसाचर आयेसु माँगी । गहि कर भिंडिपाल बर साँगी ॥
 तोमर सुद्गर परसु प्रचंडा । सूल कृपान परिघ गिरिखंडा ॥
 जिमि अरुनोपल निरु निहारी । धावहिं सठ खग मांस अहारी ॥
 चोंच भंग दुख तिन्हहि न सूझा । तिमि धाए मनुजाद अबूझा ॥
 दो०—नानायुध सर चाप धर जातुधान बलवीर ।

कोटि कंगूरन्हि चढ़ि गए कोटि कोटि रन धीर ॥४०॥
 कोट कंगूरन्हि सोहहिं कैसे । मेरु के सृंगनि जनु घन बैसे ॥
 बाजहिं दोल निसान जुझाऊ । सुनि धुनि होइ भटन्ह मन चाऊ ॥
 बाजहिं मेरि नफीरि अपारा । सुनि कादर उर जाहिं दरा ॥
 देखिन्ह जाइ कपिन्ह कै ठडा । अति बिसाल तनु भालु सुमटा ॥
 धावहिं गनहिं न अवघट घाटा । पर्वत फोरि करहिं गहि बाटा ॥
 कटकटाहिं कोटिन्ह भट गर्जहि । दसन ओठ काटहिं अति तर्जहि ॥
 उत रावन इत राम दोहाई । जयति जयति जय परी लराई ॥
 निसिचर सिखर समूह दहावहिं । कूदि घरहिं कपि फेरि चलावहिं ॥
 छं०—धरि कुधर खंड प्रचंड मर्कट भालु गढ़ पर डारहीं ।

भूपटहिं चरन गहि पटक महि भजि चलत बहुरि पचारहीं ॥

अति तरल तरुन प्रताप तरपहिं तमकि गढ़ चढ़ि चढ़ि गए ।

कपि भालु चढ़ि मंदिरन्हि २ जहँ तहँ राम जमु गावत भए ॥

दो०—एक एक गहि रजनिचर ३ पुनि कपि चले पराइ ।

ऊपर आपुनु हेठ भट गिहिं धरनि पर आई ॥४१॥

१—प्र० : पचारहीं । [द्वि०, तृ० : प्रचारहीं] । च० : प्र० [(न) (नञ) प्रचारहीं] ।

२—[प्र०, द्वि०, तृ० : मंदिरन्ह] । च० : मंदिरन्ह ।

३—प्र० : निसिचर गदि । द्वि० : प्र० । तृ० : गदि रजनिचर । च० : तृ० ।

राम प्रताप प्रबल कपि जूथा । मर्दहि निसिचर निकर^१ बलूथा ॥
 चढ़े दुर्ग पुनि तहँ जहँ बानर । जय रघुबीर प्रताप दिवाकर ॥
 चले निसाचर^२ निकर पाई । प्रबल पवन जिमि घन समुदाई ॥
 हाहाकार भरउ पुर भारी । रोवहि आरत बालक^३ नारी ॥
 सब मिलि देहि रावनहि गारी । राजु करत येहि मृत्यु हँकारी ॥
 निजदन बिचत सुना^४ जब^५ काना । फेरि सुभट लंकेस रिसाना ॥
 जो रन बिमुख फिरा मैं जाना^६ । तेहि मारिहौ^७ कराल कृपाना ॥
 सर्वसु खाइ भोग करि नाना । समरभूमि भए बलनभन^८ प्राना ॥
 उग्र बचन सुनि सकल डेगने^९ । फिरे क्रोध करि बीर^{१०} लजाने ॥
 सन्मुख मरन बीर कै सोभा । तब तिन्ह तजा प्रान कर लोभा ॥

दो०—बहु आयुधधर सुभट सब भिहि पचारि पचारि ।

व्याकुल कीन्हे^{११} भालु कपि परिघ प्रचंडनिह^{१२} मारि ॥४२॥

भय आतुर कपि भागन लागे । जयपि उमा जीतिहहि आगे ॥
 कोउ कह कहँ अंगद हनुमंता । कहँ नल नील दुबिद बलवंता ॥

१—प्र० : सुभट । द्वि०, तृ० : प्र० । च० : निकर ।

२—प्र० : निसाचर । द्वि०, तृ०, च० : प्र० [(६) (८) : तमीचर] ।

३—प्र० : बाजक आतुर । द्वि० : प्र० । तृ० : आरत बाजक । च० : तृ० ।

४—प्र० : सुनी । द्वि०, : प्र० । [तृ० : सुना] । च० : प्र० [(८) : सुना] ।

५—प्र० : तेहि । द्वि० : प्र० । तृ० : जब । च० : तृ० [(८) : जाँ] ।

६—[प्र० : सुना मैं काना] । द्वि० : फिरा मैं जाना [(×) (५) (५अ) : सुना मैं काना] ।
 तृ०, च० : द्वि० ।

७—प्र० : सो मैं हतव । द्वि०, तृ० : प्र० । च० : तेहि मारिहौ ।

८—प्र० : बलभ । द्वि० : प्र० । तृ० : दुर्लभ । च० : प्र० [(६) (८) : दुल्लभ] ।

९—प्र० : डेराने । द्वि०, तृ० : प्र० । [च० : सकाने] ।

१०—प्र० : चले क्रोध करि सुभट । द्वि०, तृ० : प्र० । च० : फिरे क्रोध करि बीर ।

११—प्र० : व्याकुल कपि । द्वि० : व्याकुल कीन्हे । तृ० : द्वि० । च० : कीन्हे व्याकुल ।

१२—प्र० : त्रिषुलनिह । द्वि०, तृ० : प्र० । च० : प्रचंडनिह ।

निज दल बिचल^१ सुना^२ हनुमाना । पच्छिम द्वार रहा बलवाना ॥
मेघनाद तहँ कइ लराई । दूट न द्वार परम कठिनाई ॥
पवनतनय मन भा अति क्रोधा । गर्जेउ प्रबल काल सम जोधा ॥
कूदि लंक गढ़ ऊपर आवा । गहि गिरि मेघनाद कहूँ धावा ॥
भंजेउ रथ सारथी निपाता । ताहि हृदय महुँ मारेसि लाता ॥
दुसरे^३ सूत बिकल तेहि जाना । स्यंदन घालि तुरत गृह आना ॥
दो०—अंगद सुनेउ कि^४ पवनसुन गढ़ पर गएउ अकेल ।

समर^५ बाँकुरा बालिसुन तरकि चढ़ेउ कपि खेल ॥४३॥
जुद्ध बिरुद्ध कुद्ध द्वौ बंदर^६ । राम प्रताप सुमिरि उर अंतर ॥
रावन भवन चढ़े तब^७ धाई । करहिँ कोसलाधीस दोहाई ॥
कलस सहित गहि भवनु ढहावा । देखि निसाचरपति भय पावा ॥
नारिबृंद कर पीटहिँ छाती । अब दुइ कपि आए उतपाती ॥
कपिलीला करि तिन्हहि डेरावहिँ । रामचंद्र कर सुजसु सुनावहिँ ॥
पुनि कर गहि कंचन के खंभा । कहेन्हि करिअ उतपात अरंभा ॥
कूदि परे^८ रिपु कटक मँझारी । लागे मर्दइ भुज बल भारी ॥
काहुहि लात चपेटन्हि केहू । भजहु न रामहि सो फलु लेहू ॥
दो०—एक एक सब मर्दि करि^९ तोरि चलावहिँ मुंड ।

रावन आगे परहिँ ते जनु फूटहिँ दधि कुंड ॥४४॥

१—प्र० : बिचल । द्वि० : प्र० [(३) : विकल] । तृ०, च० : प्र० ।

२—प्र० : सुना । द्वि०, तृ०, च० : प्र० [(३) (अ) : सुनी] ।

३—प्र० : दुसरे । द्वि० : प्र० । [तृ० : दूसर] । च० : प्र० ।

४—प्र० : सुना । द्वि० : प्र० । [तृ० : सुने कि] । च० : सुनेउ कि ।

५—प्र० : रन । द्वि० : प्र० । तृ० : समर । च० : तृ० ।

६—प्र० : बंदर । द्वि०, तृ०, च० : [(३) : बानर] ।

७—प्र० : द्वौ । द्वि० : प्र० । तृ० : तब । च० : तृ० ।

८—प्र० : परे । द्वि० : प्र० । [तृ० : परेड] । च० : प्र० ।

९—प्र० : सो मर्दहिँ । द्वि० : प्र० । [तृ० : सन मर्दहिँ] । च० : सन मर्दि करि [(८) : गहि रजनिचर] ।

महा महा मुखिया जे पावहिं । ते पद गहि प्रभु पास चलावहिं ॥
 कहइ विभीषनु तिन्ह के नामा । देखि रामु तिनहूँ निज धामा ॥
 खल मनुजाइ द्विजामिष भोगी । पावहिं गति जो जाँचत जोगी ॥
 उमा रामु मृदु चित करुनाकर । बरभाव सुभिरत मोहि निसिबर ॥
 देखि परम गति सो जिअ जानी । अस कृपाल को कहहु भवानो ॥
 सुनि अस प्रभु न भजहिं अम त्यागी । नर मति मंद ते परम अभागी ॥
 अंगद अरु हनुमंत प्रवेसा । कीन्ह दुर्ग अस कह अवधेसा ॥
 लंका द्वौ कपि सोहहिं कैसे । मथहिं सिंधु दुइ मंर जैसे ॥
 दो०—भुजबल रिपु दल दलमलि^१ देखि दिवस कर अंत ।

कूदे जुगल प्रयास बिनु^२ आए जहँ भगवंत ॥ ४५ ॥
 प्रभु पद कमल सीस तिन्ह नाए । देखि सुभट रघुपति मन भाए ॥
 रामकृपा करि जुगल निहारे । भए विगतस्त्रम परम सुखारे ॥
 गए जानि अंगद हनुमाना । फिरे भालु मर्कट भट नाना ॥
 जातुधान प्रदोष बल पाई । धाए करि दससीस दोहाई ॥
 निसिचर अनी देखि कपि फिरे । जहँ तहँ कटकटाइ भट भिरे ॥
 द्वौ दल प्रबल पचारि पचारी । लरत^३ सुभट नहिं मानहिं^४ हारी ॥
 बीर तमीचर सब अति कारे^५ । नाना बान बलीमुख भारे ॥
 सबल जुगत दल समबल जोधा । कौतुक करत लरत करि क्रोधा ॥
 प्राबिट सरद पयोद घनेरे । लरत मनहु मारुत के प्रेरे ॥
 अनिप अकंपन अरु अतिकाया । बिचलित सेन कीन्ह इन माया ॥
 भएउ निमिष महँ अति अधियारा । बृष्टि होइ रुधिरापल ज्वारा ॥

१—प्र० : दलमजे । द्वि० : दलमजि । तृ० : द्वि० । [च० : दलमलेख] ।

२—प्र० : विगतस्त्रम । द्वि० : प्र० । तृ० : प्रयास बिनु । च० : तृ० ।

३—प्र० : लरत । द्वि०, तृ०, च० : प्र० [(ब) : लरहिं] ।

४—प्र० : मानहिं । द्वि०, तृ०, च० : प्र० [(ब) : मानत] ।

५—प्र० : महाबीर निसिचर । द्वि० : प्र० । तृ० : बीर तमीचर सब । च० : तृ० [(घअ) : बीरनिसिचर सब] ।

दो०—देखि निबिड़ तम दसहुँ दिसि कपि दल भएउ खँभार ।

एकहि एकु न देखइ^१ जहँ तहँ करहिँ पुकार ॥ ४६ ॥
येह सब मरम राम बिभु जाना^२ । लिए बोलि अंगद हनुमाना ॥
समाचार सब कहि समुझए । सुनत कोपि कपिकुंजर धाए ॥
पुनि कृपाल हँसि चाप चढ़ावा । पावक सायक सपदि चलावा ॥
भएउ प्रकास कतहुँ तम नाही । ज्ञान उदय जिमि संसयर जाहीं ॥
भालु बलीमुख पाइ प्रकासा । धाए हरषि^४ बिगत स्रम त्रासा ॥
हनूनान अंगद रन गाजे । हाँक सुनत रजनीचर भाजे ॥
भागत भट पटकहिँ धरि धरनी । करहिँ भालु कपि अद्भुत करनी ॥
गहि पद डारहिँ सागर माहीं । मकर उरग भूष धरि धरि खाहीं ॥

दो०—कछु घायल कछु रन परे^५ कछु गढ़ चढ़े पराइ ।

गर्जहिँ मर्कट भालु भट^६ रिपु दल बल बिचलाइ ॥ ४७ ॥
निसा जानि कपि चारिउ अनी । आए जहाँ कोसलाधनी ॥
राम कृपा करि चितवा सबहीं । भए बिगत स्रम बानर तबहीं ॥
उहाँ दसानन सचिव^७ हँकारे । सब सन कहेसि सुभट जे मारे ॥
आधा कटक कपिन्ह संहारा । कहहु बेगि का करिअ बिचारा ॥
माल्यवंत अति जरठ निसाचर । रावन मातु पिता मंत्री बर ॥
बोला बचन नीति अति पावन । सुनहु तात कछु मोर सिखावन ॥

१—प्र० : देखइ । द्वि० : प्र० । [तृ० : देख तव] । [च० : (६) (८) देख तव, (८अ) देखहिँ] ।

२—प्र० : सकल मरम रघुनायक । द्वि० : प्र० । तृ० : यह सब मरम राम बिभु । च० : तृ० ।

३—प्र०, द्वि०, तृ०, च० : संतय [(६) (८) : दुख सब] ।

४—प्र० : हरषि । द्वि०, तृ० : प्र० । [च० : कोपि] ।

५—प्र० : मारे कछु घायल । द्वि० : प्र० । तृ० : घायल कछु रन परे । च० : तृ० ।

६—प्र० : भालु बलीमुख । द्वि० : प्र० । तृ० : मर्कट भालु भट । च० : तृ० ।

७—प्र० : सचिव । द्वि०, तृ०, च० : प्र० [(६) (८अ) : सुभट] ।

जब तैं तुम्ह सीता हरि आनी । असगुन होहिं न जाहिं बखानी ॥
बेद पुरान जासु जस गावा^१ । राम बिमुख काहुँ न सुख पावा^२ ॥

दो०—हिरन्याक्ष आता सहित मधु कैटभ बलवान ।

जेहि मारे सोइ अवतरेउ कृपासिंधु भगवान ॥

कालरूप खल बन दहन गुनागार घनबोध ।

जेहि सेहि सिव कमल भव^३ तेहि सन^३ कवन बिरोध ॥ ४८ ॥

परिहरि बयरु देहु बैदेही । भजहु कृपानिधि परम सनेही ॥

ताके बचन बान सव लागे । करिआ मुँह^४ करि जाहि अभागे ॥

बूढ़ भएसि न त मरतेउं तोही । अब जनि नयन देखावसि मोही ॥

तेहि अपने मन अस अनुमाना । बध्यों चहत येहि कृपानिधाना^५ ॥

सो उठि गएउ कहत दुर्बादा । तब सक्रोध बोलेउ घननादा ॥

कौतुक प्रात देखिअहु मोरा । करिहौं बहुत कहौं का थोरा ॥

सुनि सुत बचन भरोसा आवा । प्रीत समेत अंक बैठावा ॥

करत बिचार भएउ भिनुसारा । लागे कृपि पुनि चहूँ दुआरा ॥

कोपि कपिन्ह दुर्घट गढु घेरा । नगर कोलाहल भएउ घनेरा ॥

बिबिधा युधधर निसिचर धाए । गढ़ तैं पर्वत सिखर ढहाए ॥

छं०—ढाहे महीधर सिखर कोटिन्ह बिबिध बिधि गोला चले ।

घहरात जिमि पत्रि पात गर्जत जनु प्रलय के बादले ॥

मर्कट बिकट भट जुटत कटत न लटत तन जर्जर भए ।

गहि सैल तेहि^६ गढ़ पर चलावहिं जहँ सो तहँ निसिचर हए ॥

१—प्र० : क्रमशः गायो, पायो । द्वि० : प्र० । तृ० : गावा, पावा । च० : तृ० ।

२—प्र० : सिव विरचि जेहि सेवहि । द्वि० : प्र० । तृ० : जेहि सेवहि सिव कमल भव ।
च० : तृ० ।

३—प्र० : तासों । द्वि०, तृ० : प्र० । च० : तेहिसन ।

४—प्र० : मुँह । द्वि० : प्र० [(३) (४) (५) : मुख] । तृ० : प्र० । [च० : मुख] ।

५—प्र० : कृपानिधाना । द्वि०, तृ०, च० : प्र० [(६) (८) : श्री भगवाना] ।

६—प्र० : तेहि । द्वि० : प्र० । [तृ० : तेइ] । च० : प्र० [(९) : तेइ] ।

दो०—मेघनाद सुनि सवन अस गढु पुनि छैंका आइ ।

उतरि बीरवर दुर्ग तें^१ सन्मुख चलेउ बजाइ ॥४६॥

कहँ कोसलावीस द्वौ आता । धन्वी सकल लोक बिख्याता ॥

कहँ नल नील दुविद सुग्रीवा । अंगद हनूमंत बलसीवा ॥

कहाँ बिभीषनु आता द्रोही । आजु सठहि^२ हठि मारौ ओही ॥

अस कहि कठिन बान संधाने । अतिसय कोप^३ सवन लगि ताने ॥

सर समूह सो छाँड़ै लागा । जनु सपत्त धावहि बहु नागा ॥

जहँ तहँ परत देखिअहि वानर । सन्मुख होइ न सके तेहि अवसर ॥

भागै भय व्याकुल कपि रिच्छा^४ । बिसरी सबहि जुद्ध कै इच्छा ॥

सो कपि भालु न रन महँ देखा । कीन्हैसि जेहि नँ प्रान अवसेषा ॥

दो०—मारैसि दस दस बिसिख सब^५ परे भूमि कपि बीर ।

सिंघनाद गर्जत भएउ मेघनाद रन धीर^६ ॥५०॥

देखि पवनसुत कटक बिहाला । क्रोधवंत जनु धाएउ काला ॥

महा महीधर तमकि उपारा^७ । अति रिस मेघनाद पर डारा ॥

आवत देखि गएउ नभ सोई । रथ सारथी तुरग सब खोई ॥

बार बार पचार हनुमाना । निकट न आव मरमु सो जाना ॥

१—प्र० : उत्तरथो बीर दुर्ग ते । द्वि० : प्र० [(५अ) उत्तरि दुर्ग तें बीरवर] । तृ० : उत्तरि

बीरवर दुर्ग तें । च० : तृ० ।

२—प्र० : सठहि । द्वि० : प्र० [(५अ) : सठहि] । तृ० : सठहि । च० : तृ० ।

३—प्र० : क्रोध । द्वि०, तृ० : प्र० । च० : कोप ।

४—प्र० : जहँ तहँ भागि चले । द्वि० : प्र० । तृ० : भागै भय व्याकुल । च० : तृ० ।

५—प्र० : दस दस सर सब मारैसि । द्वि० : प्र० । तृ० : मारैसि दस दस बिसिख सब ।

च० : तृ० ।

६—प्र० : करि गर्जा मेघनाद वज्रवीर । द्वि० : प्र० । तृ० : गर्जा भएउ मेघनाद रन

धीर । च० : तृ० ।

७—प्र० : महासिंघ एक तुरा उपारा । द्वि० : प्र० । तृ० : महा महीधर तमकि उपारा ।

च० : तृ० ।

राम समीप^१ गएउ घननादा । नाना भाँति बहेसि दुर्बादा ॥
 अख सख आयुष सब डारे । कौतुक हीं प्रभु काटि निबारे ॥
 देखि प्रताप^२ मृद खिसिआना । करै लाग माया बिधि नाना ॥
 जिमि कोउ करै गरुड़ सैं खेला । डरपावै गहि स्वल्प सपेला ॥
 दो०—जासु प्रबल माया बस सिव बिरचि बड़ छोट ।

ताहि देखावै निसिबर निज माया मति खोट ॥५१॥
 नभ चढ़ि बरषइ बिपुल अँगारा । महि तें प्रगट होहि जलधारा ॥
 नाना भाँति पिसाच पिसाची । मारु काटु धुनि बोलहि नाची ॥
 बिष्ठा पूय रुधिर कच हाड़ा । बरषइ कबहुँ उपज बहु छाड़ा ॥
 बरषि धूरि कीन्हेसि अधिआरा । सूक्त न आपन हाथु पसारा ॥
 कपि अकुलाने माया देखें । सब कर मरनु बना येहि लेखें ॥
 कौतुक देखि राम मुसुकाने । भए समीत सकल कपि जाने ॥
 एक बान काटी सब माया । जिमि दिनकर हर तिमिर निकाया ॥
 कृपादृष्टि कपि भालु बिलोके । भए प्रबल रन रहहि न रोके ॥
 दो०—आयेसु माँगैउ^३ राम पहि अंगदादि कपि साथ ।

लखिमन चले सक्रोप अति^४ बान सरासन हाथ ॥५२॥
 छतज नयन उर बाहु बिसाला । हिमगिरि निभ तनु कछु एक लाला ॥
 इहाँ दसानन सुभट पठाए । नाना सख अख गहि धाए ॥
 भूधर नख बिटपायुष घारी । धाए कपि जय राम पुकारी ॥
 भिरे सकल जोरिहि सन जोरी । इत उत जय इच्छा नहिं थोरी ॥
 मुठिकन्ह लातन्ह दातन्ह काटहिं । कपि जयसील मारि पुनि डाटहिं ॥
 मारु मारु धरु मरु धरु मारु । सीस तोरि गहि भुजा उषारु ॥

१—प्र० : रघुपति निकट । द्वि० : प्र० । तृ० : राम समीप । च० : तृ० ।

२—प्र० : प्रताप । द्वि०, तृ०, च० : प्र० [(३) (८अ) : प्रभाउ] ।

३—प्र० : मांगि । द्वि० : प्र० । [तृ० : मांगी] । च० : माँगि ।

४—प्र० : क्रुद्धहोइ । द्वि० : प्र० । तृ० : सक्रोप अति । च० : तृ० ।

असि रव पूरि रही नव खंडा । धावहिं जहँ तहँ रुंड प्रचंडा ॥
देखहिं कौतुक नभ सुखंदा । कबहुँक बिसमय कबहुँ अनंदा ॥
दो०—रुधिर गाड़ भरि भरि जम्हो ऊपर धूरि उड़ाइ ।

जिमि१ अँगार रासिन्ह पर मृतक धूप रहै छाड़ ॥५३॥
वायल वीर बिराजहिं कैसे । कुसुमित किंसुक के तरु जैसे ॥
लखिनन मेघनाद द्वौ जोधा । भिरहिं परसपर करि अति क्रोधा ॥
एकहि एक सकइ नहिं जीतो । निसिचर छलबल करइ अनीती ॥
क्रोधवन्त तब भएउ अनंता । भंजेउ रथ सारथी तुरंता ॥
नाना बिधि प्रहार कर सेषा । राक्षस भएउ प्रान अवसेषा ॥
रावणसुत निज मन अनुमाना । संकट भएउ हरिहि मम प्राना ॥
वीरघातिनी छाड़िसि साँगी । तेजपुंज लखिमन उर लागी ॥
मुख्या भई सकि कैं लागें । तब चलि गएउ निकट भय त्यागें ॥
दो०—मेघनाद सम कोटि सत जोधा रहे उठाइ ।

जगदाधार अनंत३ किमि उठइ चले खिसिआइ ॥ ५४ ॥
सुनु गिरिजा क्रोधानल जासू । जारइ भुवन चारि दस आसू ॥
सक संग्राम जीति को ताही । सेवहिं सुर नर अग जग जाही ॥
यह कौतूहल जानइ साँई । जा पर कृपा राम कै होई ॥
सध्या भइ फिरि द्वौ बाहिनी । लगे सँभारन निज निज अनी ॥
ब्यापक ब्रह्म अजित भुवनेस्वर । लखिमन कहाँ बूझ करुनाकर ॥
तब लागि लै आएउ हनुमाना । अनुज देखि प्रभु अति दुख माना ॥
जामवंत कह वैद सुषेना । लंका रह को पठइअ लेना ॥
धरि लघु रूप गएउ हनुमंता । आनेउ भवन समेत तुरंता ॥

१—प्र० : जनु । द्वि०, तृ० : प्र० । च० : जिमि ।

२—प्र० : रहयो । द्वि०, तृ०, प्र० । च० : रह ।

३—प्र० : सेप । द्वि० : प्र० । तृ० : अनंता । च० : तृ० ।

दो०—रघुपति चरन सरोज^१ सिर नाएउ आइ सुषेन ।

कहा नाम गिरि औषधी जाहु पवनसुत लेन ॥ ५५ ॥
 राम चरन सरसिज उर राखी । चला प्रभंजनसुत बल भाषी ॥
 उहाँ दून एक मरमु जनावा । रावनु कालनेमि गृह आवा ॥
 दुसमुख कइ मरमु तेहि सुता । पुनि पुनि कालनेमि सिरु धुना ॥
 देखत तुम्हहिं नगरु जेहिं जारा । तासु पंथ को रोकनिहारा^२ ॥
 भजि रघुपति करु हित आपना । छाड़हु नाथ मृषा^३ जल्पना ॥
 नील कंज तनु सुंदर स्यामा । हृदयँ राखु लोचनाभिरामा ॥
 अहंकार ममता मद^४ त्यागू । महा मोह निसि सोवत^५ जागू ॥
 काल ब्याल कर भक्तक जोई । सपनेहु समर कि जीतिअ सोई ॥
 दो०—सुनि दसकंध^६ रिसान अति तेहिं मन कीन्ह बिचार ।

राम दूत कर मरौं बरु येह खल रत मल भार ॥ ५६ ॥
 अस कहि चला^१ रचिसि मग माया । सर मंदिर बर बाग बनाया ॥
 मारुतसुत देखा सुभ आसम । मुनिहि बूझिजलु पिअौं जाइ स्रम ॥
 राक्षस कपट बेष तहँ सोहा । माथापति दूनहि चह मोहा ॥
 जाइ पवनसुत नाएउ माथा । लाग सो कहइ राम गुन गाथा ॥
 होत महा रन रावन रामहिं । जितिहहिं रामु न संसय या महिं ॥
 इहाँ भए मै देखौं भाई । ज्ञान दृष्टि बल मोहि अधिकारी ॥
 माँगा जल तेहिं दीन्ह कमंडल । कह कपि नहिं अवाउ^३ थारे जल ॥

१—प्र० : राम पदार्चिइ । द्वि० : प्र० । तृ० : रघुपति चरन सरोज । च० : तृ० ।

२—प्र० : रोकन पारा । द्वि० : प्र० [(४) (५) (५अ) : रोकनिहारा] । तृ० : रोकनिहारा । च० : तृ० ।

३—प्र० : मृषा । द्वि० : प्र० [(५अ) : वृथा] । [तृ० : वृथा] । च० : प्र० [(६) (८) : वृथा] ।

४—प्र० : मै तैं मोर मूढ़ता । द्वि० : प्र० । तृ० : अहंकार ममता मद । च० : तृ० ।

५—प्र० : सुवत । द्वि० : प्र० । तृ० : सोवत । च० : तृ० ।

६—प्र० : दसकण्ठ । द्वि० : प्र० । तृ० : दसकंध । च० : तृ० ।

सर मज्जन करि आतुर आवहु । दिच्छा देउँ ज्ञान जेहि पावहु ॥
दो०—सर पैठन कपि पद गहा मकरी तब अकुलान ।

भारी सो धरि दिछ्य तनु चली गगन चढ़ि जान ॥ ५७ ॥
कपि तब दरस भइउँ निःपापा । मिठा तात मुनिवर कर सापा ॥
मुनि न होइ यह निसिचर घोरा । मानेहु सत्य बचन कपि^१ मोरा ॥
अस कहि गई अपछरा जबहीं । निसिचर निरुट गएउ सोर तबहीं ॥
कह कपि मुनि गुरद्विना लेह । पाछें हमहि मंत्र तुम्ह देह ॥
सिर लंगूर लपेटि पछारा । निज तनु प्रगटेसि मरती बारा ॥
राम राम कहि छाड़ेसि प्राणा । सुनि मन हरषि चलेउ हनुमाना ॥
देखा सैल न औषध चीन्हा । सहसा कपि उपारि गिरि लीन्हा ॥
गहि गिरि निसि नम धावत भएऊ । अवधपुरी ऊपर कपि गएऊ ॥
दो०—देखा भरत बिसाल अति निसिचर मन अनुमानि ।

बिनु फर सर तकि^२ मारेउ चाप खवन लागि तानि ॥ ५८ ॥
परेउ मुखि महि लागत सायक । सुमिरत राम राम रघुनायक ॥
सुनि प्रिय बचैद तहाँ पेहु^३ हृदय । कपि समीप अति आतुर आए ॥
बिहल बिलोकि दमानन सुनेउ^४ सदा नहि बहु भाँति जगावा ॥
मुख मलीन मन भए गुञ्ज^५ बिपिन तब तोचन भरि बारी ॥
जेहि विधि राम विमुख मोहि कीन्हा । तोह पुन यह दारुन दुख दीन्हा ॥
जौ मोरें मन बच अरु काया । प्रीति राम पद कमल अमाया ॥
तौ कपि होउ बिगत खन सूना । जौ मोपर रघुपति अनुकूला ॥
सुनत बचन उठि बैठ कपीसा । कहि जय जयति कोसनाधीसा ॥
सो०—तीन्ह कपिहि उर लाइ पुलकित तनु लोचन सजल ।

प्रीति न हृदय समाइ सुमिरि राम रघु कुल तिलक ॥ ५९ ॥

१—प्र० : कपि । द्वि०, तृ०, च० : प्र० । (१) (अत्र) : प्रभु ।

२—प्र० : कपि । द्वि० : प्र० । तृ० : सो । च० : तृ० ।

३—प्र० : सायक । द्वि०, तृ० : प्र० । च० : सर तकि ।

४—प्र० : तब । द्वि०, तृ० : प्र० । च० : उठि ।

तात कुसल कहु सुखनिधान की । सहित अनुज अरु मातु जानकी ॥
 कपि सब चरित समास^१ बखाने । भए दुखी मन महुँ पथिताने ॥
 अहद दैव मैं कत जग जाएँ । प्रभु के एकहु काज न आएँ ॥
 जानि कुअवसरु मन धरि धीरा । पुनि कपिसन बोले बलबीरा ॥
 तात गहरु होइहि तोहि जाता । काजु नसाइहि होत प्रभाता ॥
 चहु मम सायक सैल समेता । पठवउँ तोहि जहँ कृपानिक्ता ॥
 सुनि कपि मन उपजा अभिमाना । मोरें भार चलिहि किमि बाना ॥
 राम प्रभाव बिचारि बहोरी । बंदि चरन कह कपि कर जोरी ॥
 तव प्रताप उर राखि गोसाईं । जैहौं राम बान की नाई^२ ॥
 भरत हरषि तव आयेसु दएऊ । पद सिर नाइ चलत कपि भएऊ ॥
 दो०—भरत बाहुबल सील गुन प्रभु पद प्रीति अपार ।

जात सराहत मनहिं मन^३ पुनि पुनि पवनकुमार ॥ ६० ॥
 उहाँ राम लखिमनहि निहारी । बोले वचन मनुज अनुसारी ॥
 अर्घराति गइ कपि नहिं आएउ । राम उठाइ अनुज उर लाएउ ॥
 सकहु न दुखित देखि मोहि काऊ । काँअपात दूनहि दृढुल सुमाऊ ॥
 मम हित लागि तजेहु पितु माता । संग सो कदहम आतप बाता ॥
 सो अनुशासु कहाँ अब भाई । उठहु सुनि मम वच विकलाई ॥
 जौ जनतेउँ बन बंधु बिछोह । पिता वचन मननेउँ नहिं ओह ॥
 सुत बित नारि भवन परिवारा । होहिं जाहिं जग बारहिं बारा ॥
 अस बिचारि जिअँ जागहु ताता । मिलइ न जगत सहोदर आता ॥
 जथा पंख विनु खग अति दीना । मनि विनु फनि करिबर करहीना ॥

१—प्र० : समास । द्वि०, तृ०, च० : प्र० [(द) (अप्र) संश्लेष, (न) समस्त] ।

२—प्र० : तव प्रताप उर राखि प्रभु जैहौं नाथ तुरंत ।

अस कहि आयेसु पाइ पद बंदि चजेउ हनुमंत ॥

द्वि० : प्र० । तृ० : तव प्रताप उर राखि गोसाईं । जैहौं राम बान की नाई । च० : तृ० ।

३—प्र० : मन महुँ जात सराहत । द्वि०, तृ० : प्र० । च० : जात सराहत मनहिं मन ।

अस मम जिवन बंधु विनु तोही । जौं जड़ दैव जिआवै मोही ॥
 जैहों अवध कवन मुँह^१ लाई । नारि हेतु प्रिय भाइ गँवाई ॥
 बरु अपजसु सहतेउँ जग माहीं । नारि हानि बिषेष छति नाहीं ॥
 अव अपलोकु सोकु सुन लोग । सहिहि निठुर कठोर उर मोरा ॥
 निज जननी के एक कुमारा । तात तासु तुम्ह प्रान अधारा ॥
 सौषेसि मोहि तुम्हहि गहि पानी । सब विधि सुखद परम हित जानी ॥
 उतरु काह दैहों तिहि जाई । उठि किन मोहि सिखावहु भाई ॥
 बहु विधि सोचत सोच विमोचन । सवत सलिल राजिव दल लोचन ॥
 उमा एक अखंड रघुराई । नर गति भगत कृपाल देखाई ॥
 सो०—प्रभु विलाप^२ सुनि कान विकल भए वानर निकर ।

आइ गएउ हनुमान जिमि करुना महीं वीर रस ॥६१॥
 हरषि राम भेंटउ हनुमाना । अति कृतज्ञ प्रभु परम सुजाना ॥
 तुरत बैद तब कीन्ह उपाई । उठि बैठे लब्धिमनु हरषाई ॥
 हृदयँ लाइ प्रभु भेंटउ आता । हरषे सकल भालु कपि ब्राता ॥
 कपि पुनि बैद तहाँ पहुँचावा । जेहिं विधि तबहिं ताहि लै आवा ॥
 येह वृत्तांत दसानन सुनेऊ । अति विषाद पुनि पुनि सिर धुनेऊ ॥
 व्याकुल कुंभकरन पहिं गएऊ^३ । करि बहु जतन जगावत भएऊ^३ ॥
 जागा निसिचर देखिअ कैसा । मानहु काल देह धरि बैसा ॥
 कुंभकरन बूझा कहु^४ भाई । काहें तब मुख रहे सुखाई ॥
 कथा कही सब तेहिं अभिमानी । जेहि प्रकार सीता हरि आनी ॥
 तात कपिन्ह निसिचर सब मारे । महा महा जोधा संघारे ॥

१—प्र० : मुँह । द्वि०, तृ० : प्र० । [च० : मुख] ।

२—प्र० : प्रलाप । द्वि० : प्र० । तृ० : विलाप । च० : तृ० ।

३—प्र० : क्रमशः आवा, विविध जतन करि ताहि जगावा । द्वि० : प्र० । तृ० : गएऊ, करि
 बहु जतन जगावत भएऊ । च० : तृ० ।

४—प्र० : कहु । द्वि०, तृ० : प्र० । [च० : सुनु] ।

दुर्मुख सुररिपु मनुज अहारी । भट अतिकाय अकंपन भारी ॥
अपर महोदर आदिक वीरा । परे समर महि सब रनधीरा ॥
दो०—सुनि दसकंधर बचन तब कुंभकरन बिजखान ।

जगदंबा हरि आनि अब सठ चाहत कल्यान ॥ ६२ ॥
भल न कीन्ह तैं निसिचर नाहा । अब मोहि आइ जगाएहि काहा ॥
अजहूँ तात त्यागि अभिमाना । भजहु राम होइहि कल्याना ॥
हैं दससीस मनुज रघुनायक । जाकैं हनुमान सो पायक ॥
अहह बंधु तैं कीन्हि खोटाई । प्रथमहि मोहि न सुनाएहि आई ॥
कीन्हहु प्रभु विरोध तेहिं देवक । सुर विरंचि सुर जाके सेवक ॥
नारद मुनि मोहि ज्ञान जो कहेऊ^१ । कहतेउँ तोहि समय निर्वहेऊ^२ ॥
अब भरि अंक भेंटु मोहिं भाई । लोचन सुकन करौं मैर जाई ॥
स्याम गात सरसीरुह लोचन । देखौं जाइ तापत्रय मोचन ॥
दो०—राम रूप गुन सुमिरि मन^३ मगन भएउ छन एक ।

रावन माँगेउ कोटि घट मद अरु महिष अनेक ॥ ६३ ॥
महिष खाइ करि मदिरा पाना । गर्जा वज्राघात समाना ॥
कुंभकरन दुर्मद रन रंगा । चला दुर्ग तजि सेन न संगी ॥
देखि बिभीषनु आगें गएऊ^४ । पद गहि नामु कहत निज भएऊ^४ ॥
अनुज उठाइ हुर्यै तेहि लावा^५ । रघुपति भगत जानि मन भावा^५ ॥
तात लात रावन मोहिं मारा । कहत परम हित मंत्र विचारा ॥
तेहिं गलानि रघुपति पहिं आएउँ । देखि दीन प्रभु के मन भाएउँ ॥
सुनु सुत भएउ कालबस रावन । सो कि मान अब परम सिखावन ॥

१—प्र० : क्रमशः कहा, निर्वहा । द्वि० : प्र० । तृ० : कहेऊ, निर्वहेऊ । च० : तृ० ।

२—प्र० : मै । द्वि०, तृ०, च० : प्र० [(६) (८) : निज] ।

३—प्र० : सुमिरत । द्वि० : प्र० । तृ० : सुमिरि मन । च० : तृ० ।

४—प्र० : क्रमशः आएउ, परेउ चरन निज नाम सुनाएउ । द्वि०, तृ० : प्र० । च० : गएऊ,
पद गहि नाम कहत निज भएऊ ।

५—प्र० : क्रमशः लायो, भायो । द्वि०, तृ० : प्र० । च० : लावा, भावा ।

धन्य धन्य तैं धन्य विभीषन । भएहु तात निसिङ्ग कुल भूषन ॥
 बंधु बंस तुम्ह^१ कीन्ह उजागर । भजेहु राम सोभा सुख सागर ॥
 दो०—बचन कर्म मन कपट तजि भजेहु राम रनधीर ।

जाहु न निज परसूक्त मोहि भएउँ कालवस वीर ॥ ६४ ॥
 बंधु बचन सुनि चला^२ बिभाषन । आएउ जहँ त्रैलोक विभूषन ॥
 नाथ धराकार सरीरा । कुंभकरन आवत रनधीरा ॥
 एतना कहि सुना जव काना । किलकिताइ धाप बलवाना ॥
 लिए उबारि^३ बिटप अरु भूधर । कटकटाइ डारहि ता ऊपर ॥
 कोटि^४ कोटि गिरि सिखर प्रहारा । करहि भालु कपि एक एक^५ बारा ॥
 न मन तन टरै^६ न टारा^७ । जिमि गज अर्क फलन्हिको मारा^८ ॥
 तब मारुतसुत मुठिका हनेऊ^९ । परेउ^९ धरनि व्याकुल सिर धुनेऊ^९ ॥
 पुनि उठि तेहि मारेउ हनुमंता । घुर्मित भूतल परेउ तुरंता ॥
 पुनि नल नीलहि अबनि पछारिसि । जहँ तहँ पटक पटकि^७ भट डारिसि ॥
 चली बलीमुख सेन पराई । अति भय त्रसितन कोउ समुहाई ॥

—दो०—अंगदादि कपि घायबस^७ करि समेत सुग्रीव ।

काँख दाबि कपिराज कहूँ चला अमित बलसीव ॥ ६५ ॥

उमा करत रघुपति नर लीला । खेल गरुड़ जिमि अहिगन मीला ॥
 भृकुटि भंग जो कालहि खाई । ताहि कि सोहइ ऐसि लराई ॥

१—प्र० : तैं । द्वि०, तु० : प्र० । च० : तुम्ह ।

२—प्र० : चला । द्वि०, तु०, च० : प्र० [(६) (८) : फिरा] ।

३—प्र० : उठाइ । द्वि०, प्र० । तु० : उपारि । च० : तु० ।

४—प्र० : एक एक । द्वि० : प्र० [(४) (५) : एकहि] । [तु० एकहि] च० : प्र० [(८) (८अ : एकहि)] ।

५—प्र० : क्रमशः मुरथो, टरथो, टारथो, मारथो । द्वि० : प्र० । तु० : मुरै, टरै, टारे, मारे । च० : प्र० ।

६—प्र० : क्रमशः हन्यो, परथो, धुन्यो । द्वि० : प्र० । तु० : हनेऊ, परेऊ, धुनेऊ । च० : तु० ।

७—प्र० : मुहछित । द्वि० : प्र० । तु० : घायबस । च० : तु० ।

श्री राम चरित मानस

जग पावनि केशुति विस्तरिहहिं । गाइ गाइ भवनिधि नर तरिहहिं ॥
 सुखा गइ मारुतेसुख जागा । सुग्रीवहि तब खोजन लागा ॥
 कपिराजहु^१ कै सुखा बसिनी । निबुकि गएउ तेहिं मृतक प्रतीती ॥
 काटेसि दसन नासिका काना । गाँजे आकास चलेउ तेहि जाना ॥
 गहेसि चरन गहि धरनि^२ पछारा । अति लाघव ओछि पुनि तेहि मारा ॥
 पुनि आएउ प्रभु पहिं बलवाना । जयति जयति जय^३ कृपानिधाना^३ ॥
 नाक कान काटे सोइ^४ जानी । फिरा क्रोध करि भइ भोगन भ्लानी ॥
 सहज भीम पुनि बिनु छुति नासा । देखत कपिदल उपजा^५ त्रासा ॥
 दो०—जय जय जय रघुवंसमनि धाए कपि दै हूह ।

एकहि बार जो तासु^५ पर छाड़ेन्हि गिरि तरु जूह ॥ ६६२ ॥
 कुंभकरन रन रंग बिरुद्धा । सन्मुख चला काल जनु क्रुद्धा ॥
 कोटि कोटि कपि धरि धरि खाई । जनु टीडी गिरि गुहाँ सभाई ॥
 कोटिन्ह गहि सरीर सन मर्दा । कोटिन्ह मीजि मिलव महि गर्दा ॥
 मुख नासा स्रवनन्हि की बाटा । निसरि पराहिं भालु कपि ठाटा ॥
 रन मद मत्त निसाचर दर्पा । बिस्व असिहि जनु येहि बिधि अर्पा ॥
 सुरे सुभट सब^६ फिरहिं न फेरे । सूझ न नयन सुनहिं नहि टेरे ॥
 कुंभकरन कपि फौज बिडारी^७ । सुनि धाई रजनीचर धारी ॥
 देखी राम बिकल कटकाई । रिपु अनीक नाना बिधि आई ॥

१—प्र० : सुग्रीवहु । द्वि० : प्र० । तृ० : कपिराजहु । च० : तृ० ।

२—प्र० : गहेउ चरन गहि भूमि पछारा । द्वि० : प्र० । तृ० : गहेसि चरन गहि धरनि पछारा । च० : तृ० ।

३—प्र० : जयति जयति जय कृपानिधाना । द्वि० : प्र० । [तृ० : जय जय काहनीक भगवाना] । च० : प्र० [(६) (अ) : जय जय काहनीक भगवाना]

४—प्र० : जिअ । द्वि०, तृ० : प्र० । च० : सोइ [(न) (अ) : सो] ।

५—प्र० : तासु । द्वि० : प्र० । तृ० : जो तासु । च० : तृ० [(न) जो ताहि, (अ) ते तासु] ।

६—प्र०, द्वि०, तृ०, च० : सब [(६) (न) : रन] ।

७—प्र०, द्वि०, तृ०, च० : बिडारी [(६) बितारी, (अ) बिडारी] ।

दो०—सुनु सौमित्र कपीस तुम्ह सकल^१ सँभारेहु सेन ।

मैं देखौं खल बल दलहि बोले राजिवनयन ॥ ६७ ॥

कर सारंग विसिख^२ कटि भाथा । मृगपति ठवनि^३ चले रघुनाथा ॥

प्रथम कीन्ह प्रभु धनुष टकोरा । रिपु दल बधिर भएउ सुनि सोरा ॥

सत्यसंध छाड़े सर लच्छा । कालसर्प जनु चले सपत्ता ॥

अति जब चले निसित^४ नाराचा । लगे कटन भट बिकट पिसाचा ॥

कटहिं चरन उर सिर भुजदंडा । बहुतक बीर होहिं सत खंडा ॥

धुमिं धुमिं घायल महि परहीं । उठि संभारि सुभट पुनि लरहीं ॥

लागत वान जलद^५ जिमि गाजहिं । बहुतक देखि कठिन सर भाजहिं ॥

रुंड प्रचंड मुंड विनु धावहिं । धरु धरु मारु मारु धुनि गावहिं ॥

दो०—छन महूँ प्रभु के सायकन्हि काटे बिकट पिसाच ।

पुनि रघुपति के त्रोन^६ महूँ प्रबिसे सब नाराच ॥ ६८ ॥

कुंभकरन मन दीख बिचारी । हनी निमिष महूँ निसिचर^७ धारी ॥

भएउ क्रुद्ध दारुन बलबीरा^८ । कियो^९ मृगनायक नाद गँभीरा ॥

कोपि महीधर लेइ उपारी । डारइ जहँ मरकट भट भारी ॥

आवत देखि सैल प्रभु भारे । सान्हि काटि रज सम करि डारे ॥

पुनि धनु तानि कोपि रघुनायक । छाड़े अति कराल बहु सायक ॥

१—प्र० : सुनु सुग्रीव विभीषन अनुज । द्वि० : प्र० । तृ० : सुनु सौमित्र कपीस तुम्ह सकल । च० : तृ० ।

२—प्र० : साजि । द्वि० : प्र० । तृ० : विसिख । च० : तृ० [(८५) : कठिन] ।

३—प्र० : अरि दल दलन । द्वि० : प्र० । तृ० : मृगपति ठवनि । च० : तृ० ।

४—प्र० : जहँ तहँ चले विपुल । द्वि० : प्र० । तृ० : अति जब चले निसित । च० : तृ० ।

५—प्र० : जलद । द्वि०, तृ०, च० : प्र० [(६) वनद, (८५) मेघ] ।

६—प्र० : रघुबीर निर्वाग । द्वि० : प्र० । तृ० : रघुपति के त्रोन । च० : तृ० ।

७—प्र० : हति छन मांझ निसाचर । द्वि० : प्र० । तृ० : हनी निमिष महूँ निसिचर । च० : तृ० ।

८—प्र० : भा अति क्रुद्ध महा । द्वि०, तृ० : प्र० । च० : भएउ क्रुद्ध दारुन ।

९—प्र० : कियो । द्वि० : प्र० । [तृ०, च० : करि] ।

तन महुँ प्रबिसि निसरि सर जाहीं । जनु दामिनि घन माँझ समाहीं ॥
 सोनित स्रवन सोह तन कारे । जनु कज्जल गिरि गेरु पनारे ॥
 बिकल बिलोकि भालु कपि धाए । बिहँसा जवहिँ निकट भट^१ आए ॥
 दो०—गर्जत धाएउ बेग अति^२ कोटि कोटि गहि कीस ।

महि पटकइ गजराज इव सपथ करइ दससीस ॥ ६६ ॥
 भागे भालु बलीमुख जूथा । वृक बिलोकि जिमि मेष बरूथा ॥
 चले भागि कपि भालु भवानी । बिकल पुकारत आरत बानी ॥
 येह निसिचर दुकाल सम अहई । कपि कुल देस परन अब चहई ॥
 कृपा बारिधर राम खरारी । पाहि पाहि प्रनतारतिहारी ॥
 सकरुन बचन सुनत भगवाना । चले सुधारि सरासन बाना ॥
 राम सेन निज पाखे घाली । चले सकोप महा बलसालो ॥
 खैंचि धनुष सत सर संधाने । छूटे तीर सरीर समाने ॥
 लागत सर धावा रिस भरा । कुधर डगमगत डोलति घरा ॥
 लीन्ह एक तेहिँ सैल उपाटी । रघुकुलतिलक भुजा सोइ काटी ॥
 धावा बाम बहु गिरि धारी । प्रभु सोउ भुजा काटि महि पारी ॥
 काटे भुजा सोह खल कैसा । पक्षहीन मंदरगिरि जैसा ॥
 उग्र बिलोकनि प्रभुहि बिलोका । असन चहत मानहुँ त्रैलोका ॥
 दो०—करि चिक्कार घोर अति^३ धावा बदन पसारि ।

गगन सिद्ध सुर त्रासित हा हा हेति पुकारि ॥ ७० ॥
 सभय देव करुनानिधि जानेउ । स्रवन प्रजंत सरासन तानेउ ॥
 बिसिख निकर निसिचर मुख भरेऊ । तदपि महाबल भूम न परेऊ ॥
 सरन्हि भरा मुख सन्मुख धावा^४ । कालत्रोन सजीव जनु आवा ॥

१—प्र० : कपि । द्वि० : प्र० । [तृ० : चलि] । च० : भट ।

२—प्र० : महानाद करि गर्जो । द्वि० : प्र० । तृ० : गर्जत धाएउ बेग अति । च० : तृ० ।

३—प्र० : करि चिक्कार घोर अति । द्वि० : प्र० । [तृ० : करि चिक्कार अति घोरतर] ।

[च० : (६) करि चिक्कार अति घोरतर, (८) (नञ्) करि चिक्कार अति घोर रव] ।

४—प्र०, द्वि०, तृ०, च० : मुख सन्मुख [(६) : सन्मुख सो] ।

तब प्रभु कोपि तीव्र सर लीन्हा । धर तैं भिन्न तासु सिरु कीन्हा ॥
 सो सिरु परेउ दसानन आगें । विकल भएउ जिमि फनिमनि त्यागे ॥
 धरनि धसइ धर धाव प्रचंडा । तब प्रभु काटि कीन्ह दुइ खंडा ॥
 परे भूमि जिमि नभ तैं भूधर । हेठ दावि कपि भालु निसाचर ॥
 तासु तेजु प्रभु बदन समाना । सुर मुनि सबहिं अचंभौ माना ॥
 नभर दुंदभी बजावहिं हरषहिं । जय जय करि प्रसून सुर २ बरषहिं ॥
 करि बिनती सुर सकल सिधाए । तेही समय देवरिषि आए ॥
 गगनोपरि हरि गुनगन गाए । रुचिर बीर रस प्रभु मन भाए ॥
 बेगि हतहु खल कहि मुनि गए । राम समर महि सोमित भए ॥

छं०—संग्रामभूमि बिराज रघुपति अतुल बल कोसलधनी ।

सम बिंदु मुख राजीव लोचन रुचिर ४ तन सोनित कनी ॥

भुज जुगल फेरत सर सरासन भालु कपि चहुँ दिसि बने ।

कह दास तुनसी कहि न सक छवि सेष जेहि आनन घने ॥

दो०—निसिचर अधम मलायतन ५ ताहि दीन्ह निज धाम ।

गिरजा ते नर मंदमति जे न भजहिं श्रीराम ॥७१॥

दिन के अंत फिरीं द्वौ अनी । समर भई सुभटन्ह सम घनी ॥

राम कृपा कपि दल बल बाढ़ा । जिमि तृन पाइ लाग अति डाढ़ा ॥

छीजहिं निसिचर दिनु अरु राती । निज मुख कहें धर्म ६ जेहिं भाँती ॥

बहु बिलाप दसकंधर करई । बंधु सीस पुनि पुनि उर धरई ॥

१—[तु०. (६) तथा (नअ) में यह अर्द्धांती नहीं है ।]

२—प्र० : सुर । द्वि०, तु० : प्र० । च० : नभ ।

३—प्र० : अस्तुति करहिं सुमन बहु । द्वि० : प्र० । [तु० : जय जय करहिं सुमन सुर] ।

च० : जय जयकरि प्रसून सुर [(न) : जय जय करहिं सुमन सुर] ।

४—प्र० : अरुन । द्वि० : प्र० । तु० : रुचिर । च० : तु० ।

५—प्र० : मलाकर । द्वि० : प्र० । तु० : मलायतन । च० : तु० ।

६—प्र० : सुकृत । द्वि० : प्र० । तु० : धर्म । च० : तु० ।

रोवहिं नारि हृदय हति पानी । तासु तेज बल विपुल बखानी ॥
 मेघनाद तेहिं अवसर आवा । कहि बहु कथा पिता समुभावा ॥
 देखेहु कालि मोरि मनुमाई । अगहिं बहुत का करौं बड़ाई ॥
 इष्टदेव सैं बल रथ पाएउँ । सो बल तात न तोहिं देखाएउँ ॥
 येहि बिधि जल्पत भएउ बिहाना । चहुँ दुआर लागे कपि नाना ॥
 इत कपि भालु काल सम बीरा । उत रजनीचर अति रनधीरा ॥
 लरहिं सुभट निज निज जय हेतू । बरनि न जाइ समर खगकेतू ॥
 दो०—मेघनाद मायारचित^१ रथ चढ़ि गएउ अकास ।

गर्जेउ प्रलय पयोद जिमि^२ भइ कपि कटकहि त्रास ॥ ७२ ॥

सक्ति सूल तरवारि कृपाना । अछ सख कुलिसायुध नाना ॥
 डारइ पासु परिघ पाषाणा । लागेउ वृष्टि करइ बहु नाना ॥
 रहे दसहुँ दिसि सायक छाई^३ । मानहुँ मघा मेघ भरि लाई ॥
 घरु घरु मारु सुनहिं कपि^४ काना । जो मारै तेहि कोउ न जाना ॥
 गहि गिरि तरु अकास कपि धावहिं । देखहिं तंहिन दुखित फिरि आवहिं ॥
 अवघट घाट वाट गिरि कंदर । मायाबल कीन्हेसि सर पंजर ॥
 जाहिं कहाँ भए ब्याकुल बंदर । सुरपति बंदि परेउ जनु मंदर ॥
 मारुतसुत अंगद नल नीला । कीन्हेसि बिकल सकल बलसीला ॥
 पुनि लखिमन सुग्रीव बिभीषन । सरन्हि मारि कीन्हेसि जर्जर तन ॥
 पुनि रघुपति सैं^५ जूमइ लागा । सर छाड़इ होइ लागहिं नागा ॥

१—प्र० : मायामय । द्वि०, तृ० : प्र० । च० : मायारचित [(अ) माया रची, (अ) सुनि सवन कस] ।

२—प्र० : अट्टहास करि । द्वि० : प्र० । तृ० : प्रलय पयोद जिमि । च० : तृ० ।

३—प्र० : दस दिसि रहै बान नभ छाई । द्वि० : प्र० । तृ० : रहै दसहुँ दिसि साथक छाई । च० : तृ० ।

४—प्र० : सुनिअ धुनि । द्वि० प्र० तृ० : सुनहिं कपि । च० : तृ० [(अ) (अ) मारु सुनि]

५—प्र० : सैं । द्वि० : प्र० । [तृ० : सन] । च० : प्र० [(३) : सन] ।

व्याल पासवस भए खरारी । स्ववंस अनंत एक अविकारी ॥
नट इव कपट चरित कर नाना । सदा स्वतंत्र रामु^१ भगवाना ॥
रन सोभा लागि प्रभुहि^२ बंधावा^३ । देखि दसा देवन्ह भय पावा^४ ॥
दो०—खगपति^५ जासु^६ नाम जपि मुनि काटहिं भव पास ।

सो प्रभु आव कि बंध तर^७ व्यापक बिस्व निवास ॥ ७३ ॥
चरित राम के सगुन भवानी । तकि न जाहिं बुद्धि बल बानी ॥
अस विचारि जे तज्ञ विरागी । रामहिं भजहिं तर्क सब त्यागी ॥
व्याकुल कटकु कीन्ह घननादा । पुनि भा प्रगट कहइ दुर्वादा ॥
जामवंत कह खल रहु ठाढ़ा । सुनि करि ताहि क्रोध अति बाढ़ा ॥
बूढ़ जानि सठ छाड़ेउँ तोहीं । लागेसि अधम^८ पचारइ मोही ॥
अस कहि तीव्र^९ तिसूल चलायो । जामवंत कर गहि सोइ धायो ॥
मारेसि मेघनाद कै छाती । परा धरनि^{१०} घुर्नित सुरवाती ॥
पुनि रिसान गहि चरन फिरावा^{११} । महि पछारि निज बलु देखरावा^{१२} ॥
वर प्रसाद सो मरइ न मारा । तब गहि पद लंका पर डारा ॥
इहाँ देवरिषि गरुड़ पठावा^{१२} । राम समीप सपदि सो आवा^{१२} ॥

१—[प्र०, द्वि० : एक] । त०, च० : रामु ।

२—प्र० : प्रभुहि । द्वि० : प्र० । [त० : आपु] । च० : प्र० [(न) : आपु] ।

३—प्र० : बंधायो । द्वि० : प्र० । त० : बंधावा । च० : त० ।

४—प्र० : नाग पास देवन्ह भय पायो । द्वि० : प्र० । त० : देखिदसा देवन्ह भय पावा ।
च० : त० ।

५—प्र० : गिरिजा । द्वि०, त० : प्र० । च० : खगपति ।

६—प्र० : जासु । द्वि०, त० : प्र० । च० : जाकर ।

७—प्र० : सोकि बंधतर आवै । द्वि० : प्र० । त० : सो प्रभु आव कि बंधतर । च० : त० ।

८—प्र० अधम । द्वि० : प्र० । [त० : पतित] । च० : प्र० [(इ) (नअ) : पतित] ।

९—प्र० : तरल । द्वि०, त० : प्र० । च० : तीव्र ।

१०—प्र० : भूमि । द्वि०, त० : प्र० । च० : धरान ।

११—प्र० : फिरायो, देखरायो । द्वि० : प्र० । त० : फिरावा, देखरावा ।

१२—प्र० : पठायो, आयो । द्वि० : प्र० । त० : पठावा, आवा । च० : त० ।

दो०—पन्नगारि खाए सकल छन महँ ब्याल बरूथ ।

भए बिगत माया तुरत हरषे बानर जूथ^१ ॥

गहि गिरि पादप उपल नख धाए कीस रिसाइ ।

चले तमीचर विकलतर गढ़ पर चढ़े पराइ ॥७४॥

मेघनाद कै मुरुछा जागी । पितहि बिलोकि लाज अति लागी ॥

तुरत गएउ गिरि वर कंदरा । करौ अजय मख अस मन धरा ॥

सो सुधि पाइ बिभीषन कहई । सुनु प्रभु सभाचार अस अहई^२ ॥

मेघनाद मख करइ अपावन । खल मायाबी देव सतावन ॥

जौ प्रभु सिद्ध होइ सो पाइहि । नाथ बेगिरिपु^३ जोति न जाइहि ॥

सुनि रघुपति अतिसय सुखु माना । बोले अंगदादि कपि नाना ॥

लखिमन संग जाहु सब भाई । करहु बिधंस जज्ञ कर जाई ॥

तुम्ह लखिमन मारेहु रन ओही । देखि समय सुर दुख आत मोही^४ ॥

जामवंत कपिराज^५ बिभीषन । सेन समेत रहेहु तीनिउँ जन ॥

जब रघुबीर दीन्ह अनुभासन । कटि निषंग कसि साजि सरासन ॥

प्रभु प्रताप उर धरि रनबीरा । बोले घन इव गिरा गभीरा ॥

जौ तेहि आजु बधे बिनु आवउँ । तौ रघुपति सेवक न कहावउँ ॥

जौ सत संकर करहि सहाई । तदपि हतौ रघुबीर दोहाई ॥

१—प्र० : खगपति सब धरि खाए माया नाग बरूथ ।

माया बिगत भए सब हरषे बानर जूथ ॥ द्वि० : प्र० ।

तृ० : पन्न गारि खाए सकल छन महँ ब्याल बरूथ ।

भए बिगत माया तुरत हरषे बानर जूथ ॥ च० : तृ०

२—प्र० : इहाँ बिभीषन मंत्र विचारा । सुनहु नाथ बल अतुल उदारा ॥ द्वि० : प्र० ।

तृ० : सो सुधि पाइ बिभीषन कहई । सुनु प्रभु सभाचार अस अहई ॥ च० : तृ० ।

३—प्र० : पुनि । द्वि० : प्र० । तृ० : रिपु । च० : तृ० ।

४—प्र० में इस अर्द्धाली के अनन्तर निम्नलिखित अर्द्धाली और है—

मारेहु तेहि बल बुद्धि उपाई । जेहि छीजै निसिचर सुनु भाई ॥

द्वि० : प्र० । तृ० में नहीं है । च० : तृ० ।

५—प्र० : सुग्रीव । द्वि०, तृ० : प्र० । च० : कपिराज ।

दो०—बंदि राम पद कमल जुग^१ चलेउ तुरंत अनंत ।

अंगद नील मयंद नल संग सुभट^२ हनुमंत ॥७५॥
जाइ कपिन्ह देखा सो बैसा । आहुति देत रुधिर अरु भैंसा^३ ॥
तब कीसन्ह कृत जज्ञ विधंसा^४ । जब न उठइ तब करहिं प्रसंसा ॥
तदपि न उठइ धरेन्हि कच जाई । लातन्हि हति हति चले पराई ॥
लै त्रिसूल धावा कपि भागे । आए जहँ रामानुज आगे ॥
आवा परम क्रोध कर मारा । गर्ज घोर रव बारहिं बारा ॥
कोपि मरुतसुत अंगद धाए । हति त्रिसूल उर धरनि गिराए ॥
प्रभु कहँ छाड़ेसि सूल प्रचंडा । सर हति कृत अनंत जुग खंडा ॥
उठि बहोरि मारुति जुबराजा । हतहिं कोपि तेहि घाउ न बाजा ॥
फिरे वीर रिपु मरइ न मारा । तब धावा करि घोर चिकारा ॥
आवत देखि क्रुद्ध जनु काला । लखिमन छाड़े बिसिख कराला ॥
देखेसि आवत पवि सम बाना । तुरत भएउ खल अंतरधाना ॥
बिबिध वेष धरि करइ लराई । कबहुँक प्रगट कबहुँ दुरि जाई ॥
देखि अजय रिपु डरपे कीसा । परम क्रुद्ध तब भएउ अहीसा ॥
लखिमन मन अस मंत्र दृढ़ावा । येहि पापिहिं मैं बहुत खेलावा^५ ॥
सुमिरि कोसलाधीस प्रतापा । सर संधान कीन्ह करि^६ दापा ॥
छाड़ेउ बान माँझ उर लागा । मरती बार कपटु सबु त्यागा ॥
दो०—रामानुज कहँ रामु कहँ अस कहि छाड़ेसि प्रान ।

धन्य धन्य तब जननी ७ कह अंगद हनुमान ॥७६॥

१—प्र० : रघुपति चरन नाइ सिर । द्वि० : प्र० । [तृ० : रघुपति चरनहिं नाइ सिर] ।

च० : बंदि राम पद कमल जुग ।

२—प्र० , द्वि० , तृ० च० , : सुभट [(६) : रिषभ] ।

३—[(६) में यह अर्द्धाली नहीं है] ।

४—प्र० : कीन्ह कपिन्ह सब । द्वि० , तृ० : प्र० । च० : तब कीसन्ह कृत ।

५—तृ० : लखिमन मन अस मंत्र दृढ़ावा । द्वि० : प्र० । [तृ० : अब वध उचित कपिन्ह मय पावा] । च० : प्र० [(६) (अत्र) : अब वध उचित कपिन्ह मय पावा] ।

६—प्र० : करि [(२) : अति] । द्वि० , तृ० , च० : प्र० ।

७—प्र० : धन्य धन्य तब जननी । द्वि० : प्र० । [तृ० : धन्य सक्र जित मातु तब] ।

च० : प्र० [(६) (अत्र) धन्य सक्र जित मातु तब] ।

बिनु प्रयास हनुमान उठावा^१ । लंका द्वार राखि तेहि^२ आवा ॥
 तासु मरन सुनि सुर गंधर्वा । चढि विमान आए नभ सर्वा ॥
 बरषि सुमन दुंदुभी बजावहिं । श्रीरघुनाथ^३ विमल जसु भावहिं ॥
 जय अनंत जय जगदाधारा । तुम्ह प्रभु सब देवन्हि निस्तारा ॥
 अस्तुति करि सुर सिद्ध सिधाए । लखिमन कृपाक्षिधु पहिं आए ॥
 सुत बध सुना दसानन जबहीं । मुरुखित भएउ परेउ महि तवहीं ॥
 मंदोदरी रुदन कर भारी । उर ताडत बहु भाँति पुकारी ॥
 नगर लोग सब ब्याकुल सोचा । सकल कहहिं दसकंधरु पोचा ॥
 दो०—तब लंकेस अनेक विधि^४ समुझाई सब नारि ।

नस्वर रूप प्रपंच^५ सब देखहु हृदयँ विचारि ॥७७॥

तिन्हहि ज्ञानु उपदेसा रावन । आपुन मंद कथा अति पावन^६ ॥
 पर उपदेस कुसल बहुतेरे । जे आचरहिं ते नर न घनेरे ॥
 निसा सिरानि भएउ भिनुसारा । लगे भालु कपि चारिहुँ द्वारा ॥
 सुमट बोलाइ दसानन बोला । रन सन्मुख जाकर मन डोला ॥
 सो अबहीं बरु जाउ पराई । संजुग विमुख भएँ न भलाई ॥
 निज भुज बल मैं बयरु बढावा । देहौँ उतरु जो रिपु चढ़ि आवा ॥
 अस कहि मरुत बेग रथ साजा । बाजे सकल जुभाऊ बाजा ॥
 चले बीर सब अतुलित बली । जनु कज्जल कै औंधी चली ॥
 असगुन अमित होहिं तेहि काला । गनइ न भुज बल गर्ब बिसाला ॥

१—प्र० : क्रमशः उठायो, आयो । द्वि० : प्र० । तृ० : उठावा, धावा । च० : तृ० ।

२—प्र० : पुनि । द्वि०, तृ० : प्र० । च० : तेहि ।

३—प्र० : रघुनाथ । द्वि० : प्र० । [तृ० : रघुबीर] । च० : प्र० [(६) : रघुबीर] ।

४—प्र० : दसकंठ विविध विधि । द्वि० : प्र० । तृ० : लंकेस अनेक विधि । च० : तृ० ।

५—प्र० : जगत । द्वि० : प्र० । तृ० : प्रपंच । च० : तृ० ।

६—प्र० : अति पावन । द्वि० : प्र० [(५अ) : सुभ पावन] । तृ०, च० : प्र० [(६) : सुभ पावन] ।

छं०--अति गर्बं गनइ न सगुन असगुन सबहिं आयुध हाथ तैं ।

भट गिरत रथ तैं बाजि गज चिक्करत भाजहिं साथ तैं ॥

गोमायु गृद्ध करार खर खर स्वान रोवहिं१ अति घने ।

जनु काल दूत उलूक बोलहिं बचन परम भयावने ।

दो०--ताहि कि संपति सगुन सुभ सपनेहुं मन बिसाम ।

भूतद्रोह रत मोहबस राम बिमुख रति काम ॥ ७८ ॥

चलेउ निसाचर कटकु अपारा । चतुरंगिनी अनी बहु धारा ॥

बिबिध भाँति बाहन रथ जाना । विपुल बरन पताक ध्वज नाना ॥

चले मत्त गज जूथ घनेरे । प्राविट जलद मरुत जनु प्रेरे ॥

बरन बरन बिरदैत निकाया । समर सूर जानहिं बहु माया ॥

अति विचित्र बाहिनी बिराजी । बीर बसंत सेन जनु साजी ॥

चलत कटकु दिगसिंधुर डिगहीं । छुभित पयोधि कुधर डगमगहीं ॥

उठी रेनु रवि गएउ छपाई । मरुत२ थकित बसुधा अकुलाई ॥

पवन निसान घोर ख बाजहिं । प्रलय समय३ के घन जनु गाजहिं ॥

भेरि नफीरि बाज सहनाई । मारू राग सुभट सुखदाई ॥

केहरि नाद बीर सब करहीं । निज निज बल पौरुष उच्चरहीं ॥

कहइ दसानन सुनहु सुमट्टा । मर्दहु भालु कपिन्ह के ठट्टा ॥

हौं मारिहौं भुप द्रौ भाई । अस कहि सन्मुख फौज रेंगाई ॥

येह सुधि सकल कपिन्ह जब पाई । धाए करि रघुबीर दोहाई ॥

छं०--धाए बिसाल कराल भर्कट भालु काल समान ते ।

मानहु सपत्त उड़ाहिं भूधर वृंद नाना बान ते ॥

१—प्र० : बोलहिं । द्वि० : प्र० [(५) : रोवहिं] । तृ० : रोवहिं । च० : तृ० ।

२—प्र०, द्वि०, तृ०, च० : मरुत [(६) : पवन] ।

३—प्र० : प्रलय समय । द्वि० : प्र० । [तृ० : सः प्रलय] । [च० : (६)(८) सदा प्रलय, (८) प्रलय काल] ।

नख दसन सैल महाद्रुमायुध सबल संक न मानहीं ।
 जय राम रावन मत्त गज मृगराज सुजसु बखानहीं ॥
 दो०—दुहुँ दिसि जयजयकार करि निज निज जोरी जानि ।
 भिरे बीर इत रघुपतिहि^१ उत रावनहि बखानि ॥७६॥
 रावनु रथी बिरथ रघुबीरा । देखि बिभीषनु भएउ अधीरा ॥
 अधिक प्रीति मन भा संदेहा । बंदि चरन कह सहित सनेहा ॥
 नाथ न रथ नहिं तनु पदत्राना । केहि बिधि जितब बीर बलवाना ॥
 सुनहु सखा कह कृपानिधाना । जेहिं जय होइ सो स्यंदन आना ॥
 सौरज धीरज तेहिं रथ चाका । सत्य सील दृढ़ ध्वजा पताका ॥
 बल विवेक दम परहित घोरे । छमा कृपा समता रजु जोरे ॥
 ईस भजनु सारथी सुजाना । बिरति चर्म संतोष कृपाना ॥
 दान परसु बुधि सक्ति प्रचंडा । बर बिज्ञान कठिन कोदंडा ॥
 अमल अचल मन त्रोन समाना । सम जम नियम सिलीमुख नाना ॥
 कवच अभेद विप्र गुर पूजा । येहि सम विजय उपाय न दूजा ॥
 सखा धर्ममय अस रथ जाकें । जीतन कहूँ न कतहुँ रिपु ताकें ॥
 दो०—महा अजय संसार रिपु जीति सकै सो बीर ।
 जाकें अस रथ होइ दृढ़ सुनहु सखा मतिधीर ॥
 सुनत बिभीषन प्रभु बचन^२ हरषि गहे पद कंज ।
 येहि मिस मोहि उपदेस दिअ^३ राम कृपा सुख पुंज ॥
 उत पचार दसकंठ भट^४ इत अंगद हनुमान ।
 लरत निसाचर भालु कपि करि निज निज प्रभु आन ॥८०॥

१—प्र० : राम हित । द्वि० : प्र० [(५) राम कहि] । तृ० : रघुपतिहि । च० : तृ० [(८) राम कहि] ।

२—प्र० : सुनि प्रभु बचन बिभीषन । द्वि० : प्र० । तृ० : सुनत बिभीषन प्रभु बचन । च० : तृ० ।

३—प्र० : येहि मिस मोहि उपदेसेहु । द्वि० : प्र० । [तृ० : येहि बिधि मोहि उपदेसे] । च० : येहि मिस मोहि उपदेस दिअ ।

४—प्र० : दसकंधर । द्वि० : प्र० । तृ० : प्र० । च० : दसकंठ भट ।

सुर ब्रह्मादि सिद्ध मुनि नाना । देखत रन नभ चढ़े बिमाना ॥
हमहूँ उमा रहे तेहि संगी । देखत राम चरित रन रंगा ॥
सुभट समर रस दुहुँ दिसि माते । कपि जयसील राम बल ताते ॥
एक एक सन भिरहिं पचारहिं । एकन्ह एक मदि महि पारहिं ॥
मारहिं काटहिं धरहिं पछारहिं । सीस तोरि सीसन्ह सन मारहिं ॥
उदर बिदारहिं भुजा उपारहिं^१ । गहि पद अवनिपटकभटडारहिं^२ ॥
निसिचर भट महि गाड़हिं भालू । ऊपर ढारि^३ देहिं बहु बालू ॥
वीर बलीमुख जुद्ध बिरुद्धे । देखिअत त्रिपुल काल जनु कुद्धे ॥

छं०—कुद्धे कृतांत समान कपि तनु खवत सोनित राजहीं ।
मर्दाहिं निसाचर कटक भट बलवंत घन जिमि गाजहीं ॥
मारहिं चपेटन्हि डाटि दातन्ह काटि लातन्ह मीजहीं ।
चिक्करहिं मरकट भालु बल बल करहिं जेहिं खल छीजहीं ॥
धरि गाल फारहिं उर बिदारहिं गल अँतावरि मेलहीं ।
प्रह्लादपति जनु विविध तन धरि समर अंगन खेलहीं ॥
धरु मारु काटु पछारु धीर गिरा गगन महि भरि रही ।
जय राम जो तृन तें कुलिस कर कुलिस तें कर तृन सही ॥

दो०—निज दल बिचल बिलोकि तेहिं^४ बीस भुजा दस चाप ।
चलेउ दसानन^४ कोपि तब फिरहु फिरहु करि दाप ॥८१॥
धाएउ परम कुद्ध दसकंधर । सन्मुख चले हूह दै बंदर ॥
गहि कर पादप उपल पहारा । डारेन्हि तापर एकहि वारा ॥
लागाहिं सैल बज्र तनु तासू । खंड खंड होइ फूटहिं आसू ॥

१—प्र०, द्वि०, तृ०, च० : उपारहिं, डारहिं [(६) उपाटहिं, डाटहिं] ।

२—प्र० : डारि । द्वि०, तृ०, च० : प्र० [(६) (नअ) : डारि] ।

३—प्र० : बिचलत देखिसि । द्वि० : प्र० । [तृ० : बिकल बिलोकि तेहिं] । च० : बिचल बिलोकि तेहिं ।

४—प्र० : रथ चढ़ि चलेउ दसानन । द्वि० : प्र० । तृ० : चलेउ दसानन कोपि तब । च० : तृ० ।

चला न अचल रहा रथ^१ रोपी । रन दुर्मद रावनु अति कोपी ॥
 इत उत भूपटि दपटि कपि जोधा । मर्दइ लाग भएउ अति क्रोधा ॥
 चले पराइ भालु कपि नाना । त्राहि त्राहि अंगद हनुमाना ॥
 पाहि पाहि रघुबीर गोसाईं । येह खल खाइ काल की नाई ॥
 तेहि देखे कपि सकल पराने । दसहु चाप सायक संधाने ॥

छं०—संधानि धनु सर निकर छाँड़ैस उरग जिमि उड़ि लागहीं ।
 रहे पूरि सर धरनी गगन दिसि बिदिसि कहँ कपि भागहीं ॥
 भयो अति कोलाहलु बिकल कपि दल भालु बोलहिं आतुरे ।
 रघुबीर करुना सिंधु आरत बंधु जन रक्तक हरे ॥

दो०—बिचलत देखि अनीक निज कटि^२ निषंग धनु हाथ ।

लखिअनु चले सरोष तब^३ नाइ राम पद माथ ॥८१॥
 रे खल का मारसि कपि भालू । मोहि बिलोकु तोर मैं कालू ॥
 खोजत रहेउँ तोहि सुत धाती । आजु निपाति जुड़ावों छाती ॥
 अस कहि छाँड़ैस बान प्रचंडा । लखिमन किए सकल सत खंडा ॥
 कोटिन्ह आयुध रावन डारे^४ । तिल प्रवान करि काटि निवारे ॥
 पुनि निज बानन्ह कीन्ह प्रहारा । स्यंदनु भंजि सारथी मारा ॥
 सत सत सर मारे दस भाला । गिरिस्तंभन्ह जनु प्रबिसहिं ब्याला ॥
 सत सर पुनि मारा उर माहीं । परेउ अवनि^५ तल सुधि कछु नाहीं ॥
 उठा प्रबल पुनि मुख्या जागी । छाँड़ैस ब्रह्म दीन्हि जो सौंगी ॥

१—प्र० : रहा । द्वि०, तृ०, च० : प्र० [(द) (अ) : महा] ।

२—प्र० : निजदल बिकल देखि कटि कसि । द्वि० : प्र० । [तृ० : निज दल बिकल बिलोकि तेहि कटि] । च० : बिचलत देखि अनीक निज कटि ।

३—प्र० : क्रुद्ध होइ । द्वि० : प्र० । तृ० : सरोष तब । च० : तृ० ।

४—प्र० : डारे । द्वि० : प्र० । [तृ० : मारे] । च० : प्र० ।

५—प्र० : धरनि । द्वि० : प्र० । तृ० : अवनि । च० : तृ० ।

छं०—सो ब्रह्मदत्त प्रचंड सक्ति अनंत उर लागी सही ।

पर्यो बीरु विकल उठाव दसमुख अतुल बल महिमा रही ॥

ब्रह्मांड भवन^१ विराज जाकै एक सिर जिमि रज कनी ।

तेहि चह उठावन मूढ़ रावन जान नहिं त्रिभुवन धनी ॥

दो०—देखत धाएउ^२ पवनसुत बोलत वचन कठोर ।

आवत तेहि उर महुँ हतेउ^३ मुष्टि प्रहार प्रधोर ॥८३॥

जानु टेकि कपि भूमि न गिरा^४ । उठा सँभारि बहुत रिस भरा ॥

मुठिका एक ताहि कपि मारा । परेउ सैल जनु बज्र प्रहारा ॥

मुख्या गइ बहोरि सो जागा । कपि बल विपुल सराहन लागा ॥

धिग धिग मम पौरुष धिग मोही । जौं तै जिअत उठेसि सुरद्रोही ॥

अस कहि लछिमन कहूँ कपि लयायो । देखि दसानन बिसमय पायो ॥

कह रघुबीर समुझु जिअँ आता । तुम्ह कृतांत भक्तक सुरत्राता ॥

सुनत वचन उठि बैठ कृपाला । गई गगन सो सकति कराला ॥

धरि सर चाप चलत पुनि भए । रिपु समीप अति आतुर गए^५ ॥

छं०—आतुर बहोरि विभंजि स्यंदनु सूत हति व्याकुल कियो ।

गिर्यो धरनि दसकंधर विकलतर बान सत बेध्यो हियो ॥

१—प्र० : भवन । द्वि० : प्र० [(३) (४) भुवन] । [तृ० : भुवन] । च० : प्र० [(८) भुवन] ।

२—प्र० : देखि पवन सुत धाएउ । द्वि० : प्र० । तृ० : देखत धाएउ पवन सुत । च० : तृ० ।

३—प्र० : आवत कपिहि हन्यो तेहि । द्वि० : प्र० । तृ० : आवत तेहि उर महुँ हतेउ । च० : तृ० ।

४—प्र० : गिरा । द्वि० : प्र० । [तृ० : परा] । च० : तृ० ।

५—प्र० : पुनि कोदंड बान गहि धाए ।

रिपु सन्मुख अति आतुर आए ॥ द्वि०, तृ० : प्र० ।

च० : धरि सर चाप चलत पुनि भए ।

रिपु समीप अति आतुर भए ॥

सारथी दूसर घालि रथ तेहि तुरत लंका लै गयो ।
 रघुबीरबन्धु प्रतापपुंज बहोरि प्रभु चरनन्हि नयो ॥
 दो०—उहाँ दसानन जागि करि करै लाग कछु जज्ञ ।
 जय चाहत रघुपति विमुख^१ सठ हठ बस अति अज्ञ ॥८४॥
 इहाँ बिभीषन सब सुधि पाई । सपदि जाइ रघुपतिहि सुनाई ॥
 नाथ करइ रावन एक जागा । सिद्ध भएँ नहि मरिहि अभागा ॥
 पठवहु देव^२ बेगि भट बंदर । करहिं बिधंस आव दसकंधर ॥
 प्रात होत प्रभु सुभट पठाए । हनुमदादि अंगद सब धाए ॥
 कौतुक कूदि चढ़े कपि लंका । पैठे रावन भवन असंका ॥
 जज्ञ करत जबहीं सो देखा । सकल कपिन्ह भा क्रोध बिसेपा ॥
 रन तें निलज भाजि गृह आवा । इहाँ आइ बक ध्यानु लगावा ॥
 अस कहि अंगद मारा^३ लाता । चितव न सठ स्वार्थ मनु राता ॥
 छं०—नहिं चितव जब कपि कोपि तब^४ गहि दसन्ह लातन्ह मारहीं ।
 धरि केस नारि निकारि बाहेर तेउति दीन पुकारहीं ॥
 तब उठेउ क्रुद्ध^५ कृतांत सम गहि चरन बानर डारई ।
 येहि बीच कपिन्ह बिधंस कृत मख देखि मन महुँ हारई ॥
 दो०—मख बिधंसि कपि कुसल सब^६ आए रघुपति पास ।
 चलेउ लंकपति^७ क्रुद्ध होइ त्यागि जिवन कै आस ॥८५॥

१—प्र० : राम विरोध विजय चह । द्वि० : प्र० [(५अ) राम विरोधी विजय चह] । [तु० : विजय चाहत रघुपति विमुख] । च० : जय चाहत रघुपति विमुख ।

२—प्र० : नाथ । द्वि० : प्र० । तु० : देव । च० : तु० [(नअ) दूत] ।

३—प्र० : मारा । द्वि० : प्र० [(५अ) मारेउ] । [तु०, च० : मारेउ] ।

४—प्र० : करि कोप कपि । द्वि० : प्र० । तु० : कपि कोपि तब । च० : तु० ।

५—प्र० : क्रुद्ध । द्वि० : प्र० । [तु०, च० : कोपि] ।

६—प्र० : जज्ञ बिधंसि कुसल कपि । द्वि० : प्र० । [तु० : जगि बिधंस करि कुसल सब] ।
 च० : मख बिधंसि कपि कुसल सब ।

७—प्र० : निसाचर । द्वि० : प्र० । तु० : लंकपति । च० : तु० ।

चलत होहिं अति असुभ भयंकर । बैठहिं गीघ उड़ाइ सिरन्ह पर ॥
 भएउ कालबस काहुँ न माना । कहेसि बजावहु जुद्ध निसाना ॥
 चली तमीचर अनी अपारा । बहु गज रथ पदाति असवारा ॥
 प्रभु सन्मुख धाए खल कैसेँ । सनभ समूह अनल कहँ जैसेँ ॥
 इहाँ देवतःह बिनती^१ कीन्ही । दारुन बिपति हमहि येहिं दीन्ही ॥
 अब जनि राम खेलावहु येही । अतिसय दुखित होति बैदेही ॥
 देव बचन सुनि प्रभु मुसुकाना । उठि रघुबीर सुधारे बाना ॥
 जटा जूट दृढ़ बाँधे माथे । सोहहिं सुमन बीच बिच गाथे ॥
 अरुन नयन बारिद तनु स्यामा । अखिल लोक लोचनाभिरामा ॥
 कटि तट परिकर कस्यो निषंगा । कर कोदंड कठिन सारंगा ॥
 छं०—सारंग कर सुंदर निषंग सिलीमुखाकर कटि कस्यौ ।

मुजदंड पीन मनोहरायत उर घरासुर पद लस्यौ ॥

कह दास तुलसी जवहिं प्रभु सर चाप कर फेरन लगे ।

ब्रह्मांड दिग्गज कमठ अहि महि सिंधु भूधर डगमगे ॥

दो०—हरषे देव बिलोकि छबि^२ बरषहिं सुमन अपार ।

जय जय प्रभु गुन ज्ञान बल धाम हरन महिभार^३ ॥८६॥

येहीं बीच निसाचर अनी । कसमसाति आई अति घनी ॥

देखि चले सन्मुख कपि भट्टा । प्रलय काल के जनु घन घट्टा ॥

बहु कृपान तरवारि चमंकहिं । जनु दह दिसि^४ दामिनी दमंकहि ॥

गज रथ तुरग चिकार कठोरा । गर्जत^५ मनहुँ बलाहक घोरा ॥

१—प्र० : अस्तुति । द्वि०, तृ० : प्र० । च० : बिनती ।

२—प्र० : सोभा देखि हरषि सुर । द्वि० : प्र० । तृ० : हरषे देव बिलोकि छबि । च० : तृ० ।

३—प्र० : जय जय जय कहनानिधि छबि बल गुन आगार । द्वि० : प्र० । तृ० : जय जय

प्रभु गुन ज्ञान बल धाम हरन महि भार । च० : तृ० ।

४—प्र० : जनु दह दिसि । द्वि० : प्र० । [तृ० : जनु दस दिसि] । च० : प्र० [(५) जनु
 चहुँ दिसि, (५अ) मानहुँ घन] ।

५—प्र० : गर्जहिं । द्वि० : प्र० । तृ० : गर्जत । च० : तृ० ।

कपि लंगूर बिपुल नभ छाए । मनहु इंद्र धनु उए सुहाए ॥
 उठै धूरि मानहुँ जल धारा । बान बुंद भइ वृष्टि अपारा ॥
 दुहुँ दिसि पर्वत करहिं प्रहारा । बज्रपात जनु बारहिं बारा ॥
 रघुपति कोपि बान भरि लाई । घायल भै निसिचर समुदाई ॥
 लागत बान बीर चिक्कहीं । घुमिं घुमिं जहँ तहँ महि परहीं ॥
 खविहँ सैल जनु निर्भर भारी^१ । सोनित सरि कादर भयकारी ॥
 छं०—कादर भयंकर रुधिर सरिता बढी^२ परम अपावनी ।

दोउ कून दल रथ रेत चक्र अवर्त बहति भयावनी ॥

जलजंतु गज पदचर तुरग खर विविध बाहन को गने ।

सर सक्ति तोमर सर्प चाप तरंग चर्म कमठ घने ॥

दो०—बीर परहिं जनु तीर तरु मज्जा बहु बह फेन ।

कादर देखत डरहिं तेहि^३ सुभटन्ह केँ मन चैन ॥८७॥

मज्जहिं भूत^४ पिसाच बेनाला । प्रमथ महा भोटिंग कराला ॥

काक कंक लै भुजा उड़ाहीं । एक ते छीनि एक लै खाहीं ॥

एक कहहिं ऐसिउ सौंघाई । रुठहु तुम्हार दरिद्रु न जाई ॥

कहरत भट घायल तट गिरे । जहँ तहँ मनहुँ अर्धजल परे ॥

खैंचहिं गीघ आँत तट भएँ । जनु बनसी खेलत चित दएँ ॥

बहु भट बहहिं चढ़े खग जाहीं । जनु नावरि खेलहिं सर माहीं ॥

जोगिनि भरि भरि खप्पर संचहिं । भूत पिसाच बधू नभ नंचहिं ॥

भट कपाल करताल बजावहिं । चामुंडा नाना बिधि गावहिं ॥

जंबुक निकर कटकट कट्टहिं । खाहिं हुहाहिं अघाहिं दपट्टहिं ॥

१—प्र० : भारी । द्वि० : प्र० [(४) : भारी] । [तृ० : भारी] । च० : प्र० [(न) (नप्र) : भारी] ।

२—प्र० : चली । द्वि० : प्र० । तृ० : बढी । च० : तृ० [(न) : चलेउ] ।

३—प्र० : देखि डरहिं तहँ । द्वि० : प्र० । तृ० : देखत डरहिं तेहि । च० : तृ० [(न) : देखत अपडरहिं] ।

कोटिन्ह रुंड मुंड बिनु चल्लहिं^१ । सीस परे महि जय जय बोल्लहिं ॥

छं०—बोल्लहिं जो जय जय मुंड रुंड प्रचंड सिरु बिनु धावहीं ।

खप्परन्हि खग अलुज्झि जुज्झहिं सुभट भटन्ह दहावहीं^२ ॥

निसिचर बरूथ बिमर्दि गर्जहिं भालु कपि दर्पित भए^३ ।

संग्राम अंगन सुभट सोवहिं राम सर निकरन्हि हए ॥

दो०—हृदयँ बिचारे^४ दसवदन^५ भा निसिचर संघार ।

मैं अकेल कपि भालु बहु माया कउँ अपार ॥८८॥

देवन्ह प्रभुहि पयादे देखा । उपजा अति उर छोम बिसेखा ॥

सुरपति निज रथु तुरत पठावा । हरष सहित मातलि लै आवा ॥

तेज पुंज रथ दिव्य अनूपा । बिहँसि^६ चढ़े कोसलपुर भूषा ॥

चंचल तुरग मनोहर चारी । अजर अमर मन सम गति कारी^६ ॥

रथारूढ़ रघुनाथहि देखी । धाए कपि बलु पाइ बिसेषी ॥

सही न जाइ कपिन्ह कै मारी । तव रावन माया बिस्तारी ॥

सो माया रघुवीरहि बाँची । सब काहू मानी करि साँची^७ ॥

देखी कपिन्ह निसाचर अनी । बहु अंगद लङ्घिमन कपि धनी^८ ॥

१—प्र० : चल्लहिं । [द्वि० डोलहिं] । [तृ० : डोलहिं] । च० : प्र० [(न) (न) डोलहिं] ।

२—प्र० : भटन्ह दहावहीं । द्वि० : प्र० [(५अ); सुरपुर पावहीं] । [तृ०, च० : सुरपुर पावहीं] ।

३—प्र० : शानर निसाचर निकर मर्दहिं राम बल दर्पित भए । द्वि० : प्र० । तृ० : निसिचर बरूथ बिमर्दि गर्जहिं भालुकपि दर्पित भए । च० : तृ० ।

४—प्र० : रावन हृदयँ बिचारा । द्वि० : प्र० । तृ० : हृदय बिचारेउ दम वदन । च० : तृ० ।

५—प्र० : हरषि । द्वि० : प्र० । तृ० : बिहसि । च० : तृ० ।

६—[तृ०, (६) तथा (न) में यह अर्द्धाली नहीं है] ।

७—प्र० : लङ्घिमन कपिन्ह सो मानी साँची । द्वि० : प्र० । तृ० : सब काहू मानी करि साँची । च० : तृ० ।

८—प्र० : अनुज सहित बहु कोसल धनी । द्वि० : प्र० । तृ० : बहु अंगद लङ्घिमन कपि धनी । च० : तृ० ।

छं०—बहु बालिसुत लखिमन कपीस बिलोकि मरकट अपडरे^१ ।
 जनु चित्र लिखित समेत लखिमन जहँ सो तहँ चितवहिं खरे ॥
 निज सेन चकित बिलोकि हँसि सर चाप सजि कोसलधनी ।
 माया हरी हरि निमिष महुँ हरषो सकल बानर^२ अनी ॥

दो०—बहुरि रामु सब तन चितइ बोले बचन गंभीर ।
 द्वंद्व जुद्ध देखहु सकल समित भए अति वीर ॥८६॥
 अस कहि रथ रघुनाथ चलावा । विप्र चरन पंकज सिरु नावा ॥
 तब लंकेस क्रोध उर छावा । गर्जत तर्जत सन्मुख आवा^३ ॥
 जीतेहु जे भट संजुग माही । सुनु तापस मैं तिन्ह सम नाहीं ॥
 रावन नाम जगत जस जाना । लोकप जाकैं बंदीखाना ॥
 खर दूषन कबंध^४ तुम्ह मारा । बधेहु व्याध इव बालि बिचारा ॥
 निसिचर निरर सुभट संधारेहु । कुंभकरन घननादहि मारेहु ॥
 आजु बयरु सबु लेउँ निवाही । जौ रन भूप भाजि नहिं जाही ॥
 आजु करौं खलु काल हवाले । परेहु कठिन रावन कैं पाले ॥
 सुनि दुर्बचन कालवस जाना । बिहँसि कहेउ तब^५ कृपानिधाना ॥
 सत्य सत्य सब तव प्रभुताई । जल्पसि जनि देखाउ मनुसाई ॥

छं०—जनि जल्पना करि सुजसु नासहि नीति सुनहि करहि छमा ।
 संसार महुँ पूरुष त्रिविध पाटल रसाल पनस समा ॥
 एक सुमनप्रद एक सुमन फल एक फलइ केवल लागहीं ।
 एक कहहिं कहहिं करहिं अपर एक करहिं कहन न बागहीं ॥

१—प्र० : बहु राम लखिमन देखि मरकट भालु मन अति अपडरे । द्वि० : प्र० । तृ० : बहु बालि सुत लखिमन कपीस बिलोकि मरकट अपडरे । च० : तृ० ।

२—प्र० : मरकट । द्वि० : प्र० । तृ० : बानर । च० : तृ० ।

३—प्र० : धावा । द्वि० : प्र० [(५)(५अ) : आवा] । तृ० : आवा । च० : तृ० ।

४—प्र० : निराध । द्वि०, तृ० : प्र० । च० : कबंध ।

५—प्र० : बिहँसि वचन कह । द्वि० : प्र० । तृ० : बिहँसि कहेउ तब । च० : तृ० ।

दो०—राम वचन सुनि विहँसि कह^१ मोहि सिखावत ज्ञान ।

बयरु करत नहि नव डरे^२ अब लागे प्रिय प्रान ॥६०॥
 कहि दुर्वचन क्रुद्ध दसकंधर । कुलिस समान लाग छाड़ै सर ॥
 नानाकार सिलीमुख थाए । दिसि अरु विदिसि गगन महि छाए ॥
 अनल वान^३ छाड़ेउ रघुवीरा । छन महुँ जरे निसाचर तीरा ॥
 छाड़िसि तीव्र सक्ति खिसिआई । वान संग प्रभु फेरि चलाई^४ ॥
 कोटिन्ह चक्र त्रिसूल पवारइ । बिनु प्रयास प्रभु काटि निवारइ ॥
 निःफल होहि रावन सर कैसेँ । खल केँ सकल मनोरथ जैसेँ ॥
 तब सत वान सारथी मारेसि । परेउ भूमि जय राम पुकारेसि ॥
 राम कृपा करि सूत उठावा । तब प्रभु परम क्रोध कहूँ पावा ॥
 छं०—भए क्रुद्ध जुद्ध बिरुद्ध रघुपति त्रोन सायक कसमसे ।

कोदंड धुनि अति चंड सुनि मनुजाद सब मारुत ग्रसे ॥

मंशोदरी उर कंप कांपत कमठ भू भूधर त्रसे ।

चिक्करहिं दिग्गज दसन गहि महि देखि कौतुक सुर हँसे ॥

दो०—तानि सरासन^५ सवन लागि छाड़े विसिख कराल ।

राम मार्गन गन चले लहलहात जनु ब्याल ॥६१॥
 चले वान सपच्छ जनु उरगा । प्रथमहिं हत्यो सारथी तुरगा ॥
 रथ बिभंजि हति केतु पताका । गर्जा अति अंतर बलु थाका ॥
 तुरत आन रथ चढ़ि खिसिआना । अस्त्र सस्त्र छाड़ेसि विधि नाना ॥
 विफल होहिं सब उद्यम ता केँ । जिमि पर द्रोह निरत मनसा के ॥
 तब रावन दस सूत चलावा । बाजि चारि महि मारि गिरावा ॥

१—प्र० : विहसा । द्वि० : प्र० । [तु० : विहसेउ] । च० : विहसि कह ।

२—प्र० : डरे । द्वि०, तु०, च० : प्र० [(६) (८) : डरेडु] ।

३—प्र० : पावक सर । द्वि० : प्र० । तु० : अनल वान । च० : तु० ।

४—प्र० : चलाई । द्वि०, तु०, च० : प्र० [(७) (६) (८) : पटाई] ।

५—प्र० : तानेउ चाप । द्वि० : प्र० । तु० : तानि सरासन । च० : तु० ।

तुलग उठाइ कोपि रघुनायक । खैचि सरासन छाड़े सायक ॥
 रावन सिर सरोज बन चारी । चलि रघुवीर सिलीमुख धारी ॥
 दस दस बान भाल दस मारे । निसरि गए चले रुधिर पनारे ॥
 सवत रुधिर धाएउ बलवाना । प्रभु पुनि कृत धनु सर संधाना ॥
 तीस तीर रघुवीर पवारे । भुजन्ह समेत सीस महि पारे ॥
 काटत ही पुनि भए नबीने । राम बहोरि भुजा सिर छीने ॥
 कटत भटिति पुनि नूतन भए । प्रभु बहु बार बाहु सिर हए ॥
 पुनि पुनि प्रभु काटत भुज सीसा^१ । अति कौतुकी कोसलाधीसा ॥
 रहे छाइ नभ सिर अरु बाहू । मानहुँ अमित केतु अरु राहू ॥

छं०—जनु राहु केतु अनेक नभ पथ सवत सोनित धावहीं ।

रघुवीर तीर प्रचंड लागहिं भूमि गिरन न पावहीं ॥

एक एक सर सिर निकर छेदे नभ उड़त इमि सोहहीं ।

जनु कोपि दिनकर कर निकर जहँ तहँ बिधुंतुद पोहहीं ॥

दो०—जिमि जिमि प्रभु हर तासु सिर तिमि तिमि होहिं अपार ।

सेवत विषय विवर्ध जिमि नित नित नूतन मार ॥६२॥

दसमुख देखि सिरन्ह कै बाढ़ी । बिसरा मरन भई रिस गाढ़ी ॥

गजेंउ मूढ़ महा अभिमानी । धाएउ दसौ सरासन तानी ॥

समर भूमि दसकंधर कोपेउ^२ । बरषि बान रघुपति रथ तोपेउ^२ ॥

दंड एक रथु देखि न परेऊ^३ । जनु निहार महँ दिनकर दुरेऊ^३ ॥

हाहाकार सुरन्ह जब कीन्हा । तब प्रभु कोपि कार्मुक लीन्हा ॥

सर निवारि रिपु के सिर काटे । ते दिसि बिदिसि गगन महि पाटे ॥

१—प्र० : बीसा । द्वि० : सीसा । तृ०, च० : द्वि० ।

२—प्र० : कोप्यो, तोप्यो । द्वि० : प्र० । तृ०, कोपेउ, तोपेउ । च० : तृ० ।

३—प्र० : क्रमशः परेऊ, दिनकर दुरेऊ । द्वि०, तृ०, च० : प्र० [(६) (८अ) पग, दिन
 मनि दुरा] ।

काटे सिर नभ मारग धावहिं । जय जय धुनि करि भय उपजावहिं ॥
 कहँ लखिमनु हनुमान^१ कपीसा । कहँ रघुबीर कोसलाधीसा ॥
 छं०—कहँ रामु कहि सिर निकर धाए देखि मर्कट भजि चले ।
 संधानि धनु रघुवंसमनि हँसि सरन्ह सिर बेधे भले ॥
 सिर मालिका गहि कालिका कर^२ वृंद वृंदन्हि बहु मिलीं ।
 करि रुधिर सरि मज्जनु मनहुँ संग्राम बट पूजन चलीं ॥
 दो०—पुनि रावन अति कोप करि छाड़िसि^३ सक्ति प्रचंड ।
 चली बिभीषन सन्मुख^४ मनहुँ काल कर दंड ॥ ६३ ॥
 आवत देखि सक्ति खर धारा^५ । प्रनतारति हर विरिद संभारा^५ ॥
 तुरत बिभीषनु पाछें मेला । सनमुख राम सहेउ सोइ सेला ॥
 लागि सक्ति मुख्या कछु भई । प्रभु कृत खेल सुरन्ह विकलई ॥
 देखि बिभीषनु प्रभु स्रम पाएउ^६ । गहि कर गदा क्रुद्ध होइ धाएउ ॥
 रे कुभाग्य सठ मंद कुबुद्धे । तैं सुर नर मुनि नागं बिरुद्धे ॥
 सादर सिव कहूँ सीस चढ़ाए । एक एक के कोटिन्ह पाए ॥
 तेहि कारन खल अब लागि बाँचा^७ । अब तव कालु सीस पर नाचा^७ ॥
 राम बिमुख सठ चह संवदा । अस कहि हनेसि माँझ उर गदा ॥
 छं०—उर माँझ गदा प्रहार घोर कठोर लागत महि पर्यो ।
 दसवदन सोनित खवत पुनि संभारि धायो रिस भर्यो ॥

१—प्र० : सुग्रीव । द्वि० : प्र० । तृ० : हनुमान । च० : प्र० ।

२—प्र० : कर कालिका गहि । द्वि०, तृ० : प्र० । च० : गहि कालिका कर ।

३—प्र० : पुनि दस कंठ क्रुद्ध होइ छाँड़ी । द्वि० : प्र० । तृ० : पुनि रावन अति कोप करि छाड़िसि । च० : तृ० ।

४—प्र० : चली बिभीषन सन्मुख । द्वि० : प्र० । [तृ०, च० : सन्मुख चली बिभीषननि] ।

५—प्र० : क्रमशः अति घोरा, भजन पन मोरा । द्वि० : प्र० । तृ० : खर धारा, हर विरदु संभारा । च० : तृ० ।

६—प्र० : पायो, धायो । द्वि०, तृ० : प्र० । च० : पाएउ, धाएउ ।

७—प्र० : बाँचा, नाचा । द्वि० : प्र० । तृ० बाँचा, नाचा । च० : तृ० ।

द्वौ भिरे अतिबल मल्ल जुद्ध विरुद्ध एकु एकहि हने
रघुबीर बल गर्वित^१ बिभीषनु घालि नहिं ताकहुँ गने ॥

दो०—उमा बिभीषनु रावनहिं सनमुख चितव कि काउ ।

भिरत सो काल समान अब^२ श्रीरघुबीर प्रभाउ ॥ १४ ॥

देखा खमित बिभीषनु भारी । धाएउ हनुमान गिरिधारी ॥
रथ तुरंग सारथी निपाता । हृदय मौँझ तेहि मारेसि लाता ॥
ठाढ़ रहा अति कंपित गाता । गएउ बिभीषनु जहँ जनत्राता ॥
पुनि रावन तेहि^३ हतेउ पचारी । चलेउ गगन कपि पूँछ पसारी ॥
गहिसि पूँछ कपि सहित उड़ाना । पुनि फिरि भिरेउ प्रबल हनुमाना ॥
लरत अक्रास जुगल सम जोधा । एकहिं एक हनन करि क्रोधा ॥
सोहहिं नम छल बल बहु करहीं । कज्जल गिरि सुमेरु जनु लरहीं ॥
बुधि बल निभिचरु परै न पारा । तब मारुतसुत प्रभु संभारा^४ ॥
छं०—संभारि श्रीरघुबीर धीर प्रचारि कपि रावन हन्यो ।

महि परत पुनि उठि लरत देवन्ह जुगल कहूँ जय जय भन्यो ॥

हनुमंत संकट देखि मर्कट भालु क्रोधातुर चले ।

रन मत्त रावन सकल सुभट प्रचंड भुज बल दलमले ॥

दो०—राम पचारि बीर तब^५ धाए कीस प्रचंड ।

कपि दल प्रबल बिलोकि^६ तेहिं कीन्ह प्रगट पाखंड ॥ १५ ॥
अंतर्धान भएउ छन एका । पुनि प्रगटे खल रूप अनेका ॥
रघुपति कटक भालु कपि जेते । जहँ तहँ प्रगट दसानन तेते ॥

१—प्र० : दर्पित । द्वि० : प्र० । तृ० : गर्वित । च० : तृ० ।

२—प्र० : सो अब भिरत काल ज्यो । द्वि० : प्र० । [तृ० : सो अब भीरत काल ज्यो] ।

च० : भिरत सो काल समान अब ।

३—प्र० : कपि । द्वि० : प्र० । तृ० : तेहि । च० : तृ० ।

४—प्र० : पारथो, संभारथो । द्वि० : प्र० । तृ० : पारा, संभारा । च० : तृ० ।

५—प्र० : तब रघुबीर पचारे । द्वि० : प्र० । तृ० : राम पचारे बीर तब । च० : तृ० ।

६—प्र० : देखि । द्वि० : प्र० । तृ० : बिलोकि । च० : तृ० ।

देखे कपिन्ह अमित दससीसा । भागे भालु विकट भट^१ कीसा ॥
चले बलीमुख^२ धरहिं न धीरा । त्राहि त्राहि लखिमन रघुवीरा ॥
दह दिसि धावहिं कोटिन्ह रावन । गर्जहिं घोर कठोर भयावन ॥
डरे सकल सुर बसे पराई । जय कै आस तजहु अब भाई ॥
सब सुर जिते एक दसकंवर । अब बहु भए तकहु गिरि कंदर ॥
रहे विरंचि संभु सुनि ज्ञानी । जिन्ह जिन्ह प्रभुमहिमा कछु जानी ॥
छं०—जाना प्रताप ते रहे निर्भय कपिन्ह रिपु माने फुरे ।

चले बिचलि मर्कट भालु सकल कुवाल पाहि भयातुरे ॥

हनुमंत अंगद नील नल अति बल लरत रन बाँकुरे ।

मर्दहिं दसानन कोटि कोटिन्ह कपट भू भट अंकुरे ॥

दो०—सुर वानर देखे विकल हँस्यो कोसलाधीस ।

सजि बिसिषासन एक सर^३ इते सकल दससीस ॥६६॥

प्रभु छन महँ माया सब काटी । जिमि रवि उएँ जाहिं तम फाटी ॥

रावनु एक देखि सुर हरषे । फिरे सुमन बहु प्रभु पर वरषे ॥

भुज उठाइ रघुपति कपि फेरे । फिरे एक एकन्ह तब टेरे ॥

प्रभु बलु पाइ भालु कपि धाए । तरल तमकि संजुगमहि आए ॥

करत प्रसंसा सुर तेहिं देखे^४ । भएउँ एक मैं इन्ह के लेखे ॥

सठहु सदा तुम्ह मोर मरायल । अस कहि कोपि गगन पर^५ धायल ॥

हाहाकार करत सुर भागे । खलहु जाहु कहँ मोरे आगे ॥

विकल देखि सुर अंगदु धायो । कूदि चरन गहि भूमि गिरायो ॥

१—प्र० : जहं, तहं भजे भालु अर । दि० : प्र० । वृ० : भागे भालु विकट भट कीसा ।

२—प्र० : भागे वानर । दि० : प्र० । वृ० : चले बलीमुख । च० : वृ० ।

३—प्र० : सजि सारंग एक सर । दि० : प्र० । वृ० : सजि बिसिषासन एक सर । च० :

वृ० [(च) : खँचि सरासन खवन ळगि] ।

४—प्र० : असतुति करत देवतन्ह देखे । दि० : प्र० । वृ० : करत प्रसंसा सुर तेहिं देखे ।

च० : वृ० ।

५—प्र० : पर । दि० : प्र० । [(३) (४) (५) : पथ] । वृ० : प्र० । [च० : पथ] ।

छं०—गहि भूमि पार्यो लात मार्यो बालिसुत प्रभु पहिं गयो ।

संभारि उठि दसकंठ घोर कठोर रव गर्जत भयो ॥

करि दाप चाप चढ़ाइ दस संधानि सर बहु बरषई ।

किए सकल भट घायल भयाकुल देखि निज बल हरषई ॥

दो०—तव रघुपति लंकेस^१ के सीस भुजा सर चाप ।

काटे भए बहोरि जिमि^२ कर्म मूढ़^३ कर पाप ॥६७॥

सिर भुज बाढ़ि देखि रिपु केरी । भालु कपिन्ह रिस भई घनेरी ॥

मरत न मूढ़ कटेहु भुज सीसा । धाए कोपि भालु भट कीसा ॥

बालितनय मारुति नल नीला । दुविद कपीस पनस^४ बलसीला ॥

बिटप महीधर करहिं प्रहारा । सोइ गिरि तरु गहि कपिन्ह सो मारा ॥

एक नखन्ह रिपु अपुष विदारी । भागि चलहिं एक लातन्ह मारी ॥

तव नल नील सिरन्ह चढ़ि गए^५ । नखन्ह^६ लिलार विदारत भए^७ ॥

रुधिर बिलोकि सकोप सुरारी^८ । तिन्हहिं धरन कहूँ भुजा पसारी ॥

गहे न जाहिं करन्ह पर फिरहीं । जनु जुग मधुप कमल बन चरहीं ॥

कोपि कूदि द्वौ धरेसि बहोरी । महि पटकृत भजे भुजा मरोरी ॥

पुनि सकोप दस धनु कर लीन्हे । सरन्ह मारि घायल कपि कीन्हे ॥

हनुमदादि मुरुझित करि बंदर । पाइ प्रदोष हरष दसकंधर ॥

मुरुझित देखि सकल कपि बीरा । जामवंत धाएउ रनधीरा ॥

संग भालु भूधर तरु धारी । मारन लगे पचारि पचारी ॥

१—प्र० : रावन । द्वि० : प्र० । तृ० : लंकेस । च० : तृ० ।

२—प्र० : काटे बहुत बड़े पुनि । द्वि० : प्र० । [तृ० : काटे भए बहोरि तेइ] । च० : काटे भए बहोरि जिमि ।

३—प्र० : जिमि तीरथ कर । द्वि०, तृ० : प्र० । च० : कर्म मूढ़कर ।

४—प्र० : वानरराज दुविद । द्वि०, तृ० : प्र० । च० : दुविद कपीस पनस ।

५—[प्र० : ठएऊ, भएऊ] । द्वि०, तृ० : गएऊ, भएऊ । च० : गए, भए ।

६—प्र० : नखन्हि । द्वि०, तृ० : प्र० । [च० : नखन्ह] ।

७—प्र० : रुधिर देखि बिबाद उर भारी । द्वि० : प्र० । रुधिर बिलोकि सकोप सुरारी । च० : तृ० ।

भएउ क्रुद्ध रावनु वज्रवाना । गहि पद महि पटकै भट नाना ॥
देखि भालुपति^१ निज दल घाता । कोपि मौंभ उर मारेसि लाता ॥

छं०—उर लात घात प्रचंडं लागत विकल रथ तैं महि परा ।

गहे^२ भालु बीसहु कर मनहुँ कमलन्हि बसे निसि मधुकरा ॥

मुखित बहोरि बिलोकि पद हति भालुपति प्रभु पहिँ गयो ।

निसि जानि स्यंदन घालि तेहि तब सूत जतनु करत भयो ॥

दो०—गइ मुख्या तब^३ भालु कपि सब आए प्रभु पास ।

निसिचर सकल रावनहि घेरि रहे अति त्रास ॥२८॥

तेहीं निसि सीता पहिँ जाई । त्रिजटा कहि सब कथा सुनाई ॥

सिर भुज वाढ़ि सुनत रिपु केरी । सीता उर भइ त्रास घनेरी ॥

मुख मलीन उपजी मन चिंता । त्रिजटा सन बोलीं तब सीता ॥

होइहि कहा^४ कहसि किन माता । केहि बिधि मरिहि विस्वदुख दाता ॥

रघुपति सर सिर कटेहु न मरई । बिधि विपरीत चरित सब कइ ॥

मोर अभाग्य जिआवत ओही । जेहि हौं हरि पद कमल बिछोही ॥

जेहि कृत कपट कनकमृग भूठा । अजहुँ सो दैव मोहि पर रुठा ॥

जेहि बिधि मोहि दुख दुसह सहाए । लखिमन कहूँ कटु वचन कहाए ॥

रघुपति बिरह सबिष सर भारी । तकि तकि मार बार बहु मारी ॥

ऐसेहु दुख जो राखु मम प्राणा । सोइ बिधि ताहि जिआव न आना ॥

बहु बिधि कर^५ बिलाप जानकी । करि करि सुरति कृपानिधान की ॥

१—[प्र० : भालुकपि] । द्वि० : भालुपति । तृ० : च० : द्वि० ।

२—प्र० : गहे । द्वि० : प्र० [(३) (४) (५) गहि] । [तृ० : गहि] । च० : प्र० [(८)(८अ) : गहि] ।

३—प्र० : मुख्या विगत । द्वि० : प्र० । तृ० : नै मुख्या तब । च० : तृ० ।

४—[प्र०, द्वि० : कहा] । तृ० : काह । च० : तृ० ।

५—प्र० : कर । [द्वि० : (३) (४) (५) करत, (५अ) करति] । [तृ० : करत] । च० : प्र० [(३) (८) : करत] ।

कह त्रिजटा सुनु राजकुमारी । उर सर लागत मरइ सुरारी ॥
प्रभु ता तें उर हतैं न तेही । येहि कें हृदयँ बसहिं वैदेही ॥

छं०—येहि कें हृदय बस जानकी जानकी उर मम बास है ।

मम उदर भुवन अनेक लागत बान सब कर नास है ॥

सुनि वचन हरष बिषाद मन अति देखि पुनि त्रिजटा कहा ।

अब मरिहि रिपु येहि विधि सुनिहिसुंदरि तजहि संसय महा ॥

दो०—काटत सिर होइहि बिकल छुटि जाइहि तब ध्यान ।

तब रावनहि^१ हृदय महुँ मरिहहिं राम सुजान ॥६६॥

अस कहि बहुत भौंति समुझाई । पुनि त्रिजटा निज भवन सिधाई ॥

राम सुभाउ सुमिरि वैदेही । उपजी बिरह बिथा अति तेही ॥

निसिहि ससिहि निंदति बहु भौंती । जुग सम भई सिराति न राती^२ ॥

करति बिलाप मनहि मन भारी । राम बिरह जानकी दुखारी ॥

जब अति भएउ बिरह उर दाह । फरकेउ बाम नयन अरु बाह ॥

सगुन बिचारि धरी मन धीरा । अब मिलिहहिं कृपाल रघुवीरा ॥

इहाँ अर्धनिसि रावनु जागा । निज सारथि सन खीझन लागा ॥

सठ रनभूमि छड़ाइसि मोही । धिग धिग अधम मंदमति तोही ॥

तेहिं पद गहि बहु विधि समुझावा । भोरु भएँ रथ चढ़ि पुनि धावा ॥

सुनि आगवनु दसानन केरा । कपि दल खरभर भएउ घनेरा ॥

जहँ तहँ भूधर बिटप उपारी । धाए कटकटाइ भट भारी ॥

छं०—धाए जो मर्कट बिकट भालु कराल कर भूधर धरा ।

अति कोप करहिं प्रहार मारत भजि चले रजनीचरा ॥

बिचलाइ दल बलवंत कीसन्ह घेरि पुनि रावनु लिथो ।

चहुँ दिसि चपेटन्ह मारि नखन्हि बिदारितनु व्याकुल कियो ॥

१—प्र० : रावनहि । द्वि०, तृ० : प्र० । [च० : (६) (८) रावन कहूँ, (८अ) रावन के] ।

२—प्र० : सिराति न राती । द्वि० : प्र० [(३) (४) (५) : न राति सिराती] । तृ०, च० : प्र० [(६) (८अ) : बिहाति न राती] ।

दो०—देखि महा मर्कट प्रबल रावन कीन्ह बिचार ।

अंतर्गहित होइ निमिषं महुँ कृत माया विस्तार ॥१००॥

जब कीन्ह तेहि पाषंड । भए प्रगट जंतु प्रचंड ॥

बेताल भूत पिसाच । कर धरें धनु नाराच ॥

जोगिनि गहैं करवाल । एक हाथ मनुज कपाल ॥

करि सद्य सोनित पान । नाचहिं करहिं बहु गान ॥

धरु मारु बोलहिं घोर । रहि पूरि धुनि चहुँ ओर ॥

मुख बाह धावहिं खान । तब लगे कीस परान ॥

जहँ जाहिं मर्कट भागि । तहँ वरत देखहिं आगि ॥

भए बिकल वानर भालु । पुनि लाग वरषैं बालु ॥

जहँ तहँ थकित करि कीस । गर्जेउ बहुरि दससीस ॥

लखिमन कपीस समेत । भए सकल वीर अचेत ॥

हा राम हा रघुनाथ । कहि सुभट मीजहिं हाथ ॥

येहि विधि सकल बल तोरि । तेहि कीन्ह कपट बहोरि ॥

प्रगटेसि विपुल हनुमान । धाए गहैं पाषान ॥

तिन्ह रामु घेरे जाइ । चहुँ दिसि वरूथ बनाइ ॥

मारहु धरहु जनि जाइ । कटकटहिं पूछ उठाइ ॥

दह दिसि लँगूर बिराज । तेहि मध्य कोसलराज ॥

छं०—तेहि मध्य कोसलराज सुंदर स्याम तन सोभा लही ।

जनु इंद्रधनुष अनेक की वर वारि तुंग तमाल ही ॥

प्रभु देखि हरष विषाद उर । सुर बद्र तजय जय जय करी ।

रघुबीर एकहि तीर कोपि निमेष महुँ माया हरी ॥

माया बिगत कपि भालु हरषे विटप गिरि गहि सब फिरे ।

सर निकर छाड़े राम रावन बाहु सिर पुनि महि गिरे ॥

श्री राम रावन समर चरित अनेक कल्प जो गावहीं ।

सत सेष सारद निगम कबि तेउ तदपि पार न पावहीं ॥

दो०—कहे तासु गुन गन कछुक^१ जड़मति तुलसीदास ।
 निज पौरुष अनुसार जिमि^२ मसक^३ उड़ाहिं अकास^४ ॥
 काटे सिर भुज बार बहु मरत न भट लंकेस ।
 प्रभु क्रीड़त सुर सिद्ध मुनि व्याकुल देखि कलेस ॥१०१॥
 काटत बढ़हिं सीस समुदाई । जिमि प्रति लाभ लोभ अधिकाई ॥
 मरइ न रिपु स्रम भएउ विसेषा । राम विभीषन तन तब देखा ॥
 उमा कालु मर जाकी ईछा । सो प्रभु जन कर प्रीति परीछा ॥
 सुनु सर्वज्ञ चराचर नायक । प्रनतपाल सुर मुनि सुखदायक ॥
 नाभीकुंड सुधा^५ बस जा कै । नाथ जिअत रावनु बल ताकै ॥
 सुनत विभीषन वचन कृपाला । हरषि गहे कर बान कराला ॥
 असगुन होन लगै^६ तब नाना । रोवहिं खर सकाल बहु^७ स्वाना ॥
 बोलहिं खग जग आरति हेतू । प्रगट भए नभ जहँ तहँ केतू ॥
 दस दिसि दाह होन अति लागा । भएउ परब बिनु रवि उपरागा ॥
 मंदोदरि उर कंपति भारी । प्रतिमा स्रवहिं नयन मग बारी ॥
 छं०—प्रतिमा स्रवहिं^८ पवि पात नभ अति बात बह डोलति मही ।
 वर्षहिं बलाहक रुधिरु कच रज असुभ अतिसक को कही ॥
 उतपात अमित बिलोकि नभ सुर^९ विकल बोलहिं जय जये ।
 सुर समय जानि कृपाल रघुपति चाप सर जोरत भए ॥

१—प्र० : ताके गुनगन कछु 'कहे' । द्वि० : प्र० । तृ० : कहे तासु गुनगन कछुक । च० : तृ० ।

२—प्र० : जिमि निज बल अनुरूप ते । द्वि० : प्र० । तृ० : निज पौरुष अनुसार जिमि ।
 च० : तृ० ।

३—प्र० : माझी उड़ै अकास । द्वि०, तृ० : प्र० । तृ० : मसक उड़ाहिं अकास । च० :
 तृ० ।

४—प्र० : नाभिकुंड पिथूष । द्वि० : प्र० । तृ० : नाभी कुंड सुधा । च० : तृ० ।

५—प्र० असुभ होन लागे । द्वि०, तृ० : प्र० । च० : असगुन होन लागे ।

६—प्र० : खर सकाल बहु । द्वि०, तृ० : प्र० । च० : बह सकाल खर ।

७—प्र० : रुदाहिं । द्वि० : प्र० । तृ० : स्रवहिं । च० : तृ० ।

८—प्र० : नभ सुर । द्वि० : प्र० । तृ० : मुनि सुर । च० : तृ० ।

दो०—खैचि सरासन सवन लागि१ छाड़े सर एकतीस ।
 रघुनायक सायक चले मानहुँ काल फनीस ॥ १०२ ॥
 सायक एक नाभिसर सोखा । अपर लगे भुज सिर करि रोषा ॥
 लै सिर बाहु चले नाराचा । सिर भुज हीन रुंड महि नाचा ॥
 धरनि धसइ धर धाव प्रचंडा । तब सर हति प्रभु कृत जुग२ खंडा ॥
 गर्जेउ मरत घोर रव भारी । कहाँ रामु रन हतौ पचारी ॥
 डोली भूमि गिरत दसकंधर । छुमित सिंधु सरि दिग्गज भूधर ॥
 परेउ वीर३ द्वौ खंड बढ़ाई । चापि भालु मर्कट समुदाई ॥
 मंदोदरि आगे भुज सीसा । धरि सर चले जहाँ जगदीसा ॥
 प्रविसे सब निषंग महुँ आई४ । देखि सुरन्ह दुंदुभी बजाई ॥
 तामु तेज समान प्रभु आनन । हरषे देखि संभु चतुरानन ॥
 जय जय धुनि पूरी ब्रह्मंडा । जय रघुवीर प्रबल भुजदंडा ॥
 बरषहिं सुमन देव मुनि वृंदा । जय कृपाल जय जयति मुकुंदा ॥
 छं०—जय कृपाकंद मुकुंद द्वंदहरन सरन सुखप्रद प्रभो ।

खल दल विदारन परम कारन कारुणीक सदा विभो ॥
 सुर सिद्ध मुनि गंधर्व हरषे५ बाज दुंदुभि गहगही ।
 संग्राम अंगन राम अंग अनंग बहु सोभा लही ॥
 सिर जटा मुकुट प्रसून बिच बिच अति मनोहर राजहीं ।
 जनु नीलगिरि पर तडित पटल समेत उडुगन आजहीं ॥
 भुजदंड सर कोदंड फेरत रुधिर कन तन अति बने ।
 जनु रायमुनी तमाल पर बैठी बिपुल सुख आपने ॥

१—प्र० : खैचि सरासन सवन लागि । द्वि० : प्र० । [तृ० : आकरषेउ धनु कान लागि] ।

च० : प्र० [(६) (नअ) : आकरषेउ धनु कान लागि] ।

२—प्र० : दुइ । द्वि० : प्र० [(४) (५) : जुग] । तृ० : जुग । च० : तृ० ।

३—प्र० : धरनि परेउ । द्वि० : प्र० । तृ० : परेउ वीर । च० : तृ० ।

४—प्र० : जाई । द्वि० : प्र० [(५अ) : आई] । तृ० : आई । च० : तृ० ।

५—प्र० : सुर सुमन बरषहिं हरष संकुल । द्वि० : प्र० । तृ० : सुरसिद्धमुनि गंधर्व हरषे ।
 च० : तृ० ।

दो०—कृपादृष्टि करि वृष्टि प्रभु अभय किए सुर वृंद ।

हरषे वानर भालु सब^१ जय सुखधाम मुकुंद ॥ १०३ ॥
 पति सिर देखत मंदोदरी । मुरुखित बिकल धरनि खसि परी ॥
 जुबति वृंद रोवति उठि धाई । तेहि उठाइ रावन पहि आई ॥
 पति गति देखि ते कहिं पुकारा । छुटे चिकुर न सरीर सँभारा^२ ॥
 उर ताड़ना कहिं बिधि नाना । रोवत कहिं प्रताप बखाना ॥
 तव बल नाथ डोल नित धरनी । तेजहीन पावक ससि तरनी ॥
 सेष कमठ सहि सकहिं न भारा । सो तनु भूमि परेउ भरि छारा ॥
 बरुन कुवेर सुरेस समीरा । रन सन्मुख धरि काहु न धीरा ॥
 भुज बल जितेहु काल जम साई । आजु परेहु अनाथ की नाई ॥
 जगत बिदित तुम्हारि प्रभुताई । सुत परिजन बल बरनि न जाई ॥
 राम विमुख अम हाल तुम्हारा । रहा न कोउ कुल रोवनिहारा ॥
 तव बस बिधि प्रपंच सब नाथा । समय दिसिप नित नावहिं माथा ॥
 अब तव सिर भुज जंबुक खाहीं । राम विमुख येह अनुचित नाहीं ॥
 काल बिबस पति कहा न माना । अग जग नाथु मनुज करि जाना ॥

छं०—जानेउ मनुज करि दनुज कानन दहन पावक हरि स्वयं ।

जेहि नमत सिव ब्रह्मादि सुर पिअ भजेहु नहिं करुनामयं ॥

आजन्म ते परद्रोह रत पापौघमय तव तनु अयं ।

तुम्हहैं दियो निज धाम राम नमामि ब्रह्म निरामयं ॥

दो०—अहह नाथ रघुनाथ सम कृपासिंधु को ३ आन ।

मुनि दुर्लभ जो परम गति^४ तोहि दीन्हि भगवान ॥ १०४ ॥

१—प्र० : भालु कीस सब सरषे । द्वि० : प्र० । तृ० : हरषे वानर भालु सब । च० : तृ० ।

२—प्र० : छुटे कच नहिं वपुष सँभारा । द्वि० : प्र० । [तृ० : छुटे चिकुर न चीर सँभारा]

च० : छुटे चिकुर न सरीर सँभारा [(द्वि०) : छुटे चिकुर न चीर सँभारा] ।

३—प्र० : नहिं । द्वि० : प्र० । तृ० : को । च० : तृ० ।

४—प्र० : जोगि वृंद दुर्लभ गति । द्वि०, तृ० । च० : मुनि दुर्लभ जो परम गति ।

मंदोदरी बचन सुनि काना । सुर मुनि सिद्ध सबन्हि सुख माना ॥
 अज महेस नारद सनकादी । जे मुनिबर परमारथबादी ॥
 भरि लोचन रघुपतिहि निहारी । प्रेम मगन सब भए सुखारी ॥
 रुदनु करत बिलोकि^१ सब नारी । गएउ बिभीषनु मन दुखु भारी ॥
 बंधु दसा देखत^२ दुख कीन्हा । राम अनुज कहूँ^३ आयेसु दीन्हा ॥
 लब्धिमन जाइ ताहि^४ समुझाएउ^५ । बहुरि बिभीषन प्रभु पहिँ आएउ^५ ॥
 कृपा दृष्टि प्रभु ताहि बिलोका । करहु क्रिया परिहरि सब सोका ॥
 कीन्हि क्रिया प्रभु आयेसु मानी । विधिवत देस काल जिअँ जानी ॥
 दो०—मय तनयादिक नारि सब^६ देइ तिलांजलि ताहि ।

भवन गई रघुवीर^७ गुन गन वरनत मन माहिँ ॥१०५॥
 आई बिभीषन पुनि सिरु नाएउ^८ । कृपासिंधु तब अनुज बोलाएउ^८ ॥
 तुम्ह कपीस अंगद नल नीला । जामवंत मारुति नयसीला ॥
 सब मिलि जाहु बिभीषन साथ । सारेहु तिलकु कहेउ रघुनाथा ॥
 पिता बचन मै नगर न आवौ । आपु सरिस कपि अनुज पठावौ ॥
 तुरत चले कपि सुनि प्रभु बचना । कीन्ही जाइ तिलक की रचना ॥
 सादर सिंहासन बैठारी । तिलक कीन्ह^९ अस्तुति अनुसारी ॥
 जोरि पानि सबहीं सिर नाए । सहित बिभीषन प्रभु पहिँ आए ॥
 तब रघुवीर बोलि कपि लीन्हे । कहि प्रिय बचन सुखी सब कीन्हे ॥

१—प्र० : देखी । द्वि० : प्र० । तृ० : बिलोकि । च० : तृ० ।

२—प्र० : बिलोकि । द्वि० : प्र० । तृ० : देखत । च० : तृ० ।

३—प्र० : तब प्रभु अनुजहिँ । द्वि०, तृ० : प्र० । च० : राम अनुज कहूँ ।

४—प्र० : तेहि बह विधि । द्वि० : प्र० । तृ० : जाइ ताहि । च० : तृ० ।

५—प्र० : क्रमशः समुझायो, आयो । द्वि० : प्र० । तृ० : समुझाएउ, आएउ । च० : तृ० ।

६—प्र० : मंदोदरी आदि सब । द्वि० : प्र० । तृ० : मयतनयादिक नारि सब । च० : तृ० ।

७—प्र० : रघुपति । द्वि० : प्र० । तृ० : रघुवीर । च० : तृ० ।

८—प्र० : क्रमशः नायो, बोलायो । द्वि० : प्र० । तृ० : नायउ, बोलाएउ । च० : तृ० ।

९—प्र० : सारि । द्वि०, तृ० : प्र० । च० : कीन्ह ।

छं०—किए सुखी कहि बानी सुधा सम बल तुम्हारे रिपु हयो ।
पायो विभीषन राजु तिहुँ पुर जसु तुम्हारो नित नयो ॥
मोहि सहित सुभ कीरति तुम्हारी परम प्रीति जे गाइहैं ।
संसार सिंधु अपार पार प्रयास बिनु नर पाइहैं ॥

दो०—सुनत राम के बचन मृदु^१ नहिं अघाहिं कपि पुंज ।

बारहिं बार बिलोकि मुख^२ गहहिं सकल पद कंज ॥१०६॥
पुनि प्रभु बोलि लिएउ हनुमाना । लंका जाहु कहेउ भगवाना ॥
समाचार जानकिहि सुनावहु । तासु कुसल लै तुम्ह चलि आवहु ॥
तब हनुमंत नगर महुँ आए । सुनि निसिचरी निसाचर धाए ॥
बहु प्रकार तिन्ह पूजा कीन्ही । जनकसुता दिखाइ पुनि^३ दीन्ही ॥
दूरहिं ते प्रनामु कपि कीन्हा । रघुपति दूत जानकी चीन्हा ॥
कहहु तात प्रभु कृपानिकेता । कुसल अनुज कपि सेन समेता ॥
सब बिधि कुसल कोसजाघीसा । मातु समर जीत्यौ दससीसा ॥
अबिचल राजु विभीषनु पावा^४ । सुनि कपि बचन हरष उर छावा^५ ॥

छं०—अति हरष मन तन पुलक लोचन सजल कह पुनि पुनि रमा ।

का देउँ तोहि त्रैलोक महुँ कपि किमपि नहिं बानी समा ॥

सुनु मात मैं पायो अखिल जग राजु आजु न संसयं ।

रन जीति रिपु दल बंधु जुत पस्यामि राममनामयं ॥

दो०—सुनु सुत सदगुन सकल तब हृदयँ बसहुँ हनुमंत ।

सानुकूल रघुवंस मनि^५ रहहु समेत अनंत ॥१०७॥

१—प्र० : प्रभु के बचन स्रवन सुनि । दि० : प्र० । तु० : सुनत राम के बचन मृदु । च० : तु० ।

२—प्र० : बार बार सिर नावहिं । दि० : प्र० । तु० : बारहिं बार बिलोकि मुख । च० : तु० ।

३—प्र० : पुनि । दि०, तु० : प्र० । [च० : तिन्ह] ।

४—प्र० : क्रमशः पायो, छायो । दि० : प्र० । तु० : पावा, छावा । च० : तु० ।

५—प्र० : कोसल पति । दि० : प्र० । तु० : रघुवंसमनि । च० : तु० ।

अब सोइ जतनु करहु तुम्ह ताता । देखौ नयन स्याम मृदु गाता ॥
 तब हनुमान राम पहिं जाई । जनकपुता कै कुसल सुनाई ॥
 सुनि बानी पतंग कुलभूषन^१ । बोलि लिए जुबराज बिभीषन ॥
 मारुतसुत के संग सिधावहु । सादर जनकसुतहिं लै आवहु ॥
 तुरतहि सकल गए जहँ सीता । सेवहिं सब निसिचरी बिनीता ॥
 बेगि बिभीषन तिन्हहिं सिखावा^२ । सादर तिन्ह सीतहि अन्हवावा^३ ॥
 दिव्य बसन^४ भूषन पहिराए । सिबिका रुचिर साजि पुनि लाए ॥
 तापर हरषि चढ़ी बैदेही । सुमिरि राम सुखधाम सनेही ॥
 बेतपानि रत्नक चहुँ पासा । चले सकल मन परम हुलासा ॥
 देखन कीस भालु^५ सब आए । रत्नक कोपि निवारन धाए ॥
 कह रघुबीर कहा मम मानहु । सीतहि सखा पयादे आनहु ॥
 देखहिं^६ कपि जननी की नाई । बिहसि कहा रघुनाथ गोसाईं ॥
 सुनि प्रभु बचन भालु कपि हरषे । नभ ते सुरन्ह सुमन बहु बरषे ॥
 सीता प्रथम अनल महुँ राखी । प्रगट कीन्हि चह अंतरसाखी ॥
 दो०—तोहि कारन करुनायतन^७ कहे कछुक दुर्बाद ।

सुनत जातुधानीं सकल^८ लागीं करै विषाद ॥१०८॥
 प्रभु के बचन सीस धरि सीता । बोलीं मन क्रम बचन पुनीता ॥
 लज्जिमन होहु धरम के नेगी । पावक प्रगट करहु तुम्ह बेगी ॥

१—प्र० : सुनि संदेश भानुकुल भूषन । द्वि० : प्र० । तृ० : सुनि बानी । पतंग कुल भूषन ।
 च० : तृ० ।

२—प्र० : क्रमशः सिखायो । तिन्ह बहु विधि संजन करवायो । द्वि० : प्र० । [तृ० :
 सिखाए । सादर तिन्ह सीतहि अन्हवाए] । च० : सिखावा । सादर तिन्ह सीतहि
 अन्हवावा ।

३—प्र० : बहु प्रकार । द्वि०, तृ० : प्र० । च० : दिव्य बसन ।

४—प्र०, द्वि० : कीस भालु । तृ०, च० : भालु कीस ।

५—प्र० : देखहुँ । द्वि० : प्र० । तृ० : देखहिं । च० : तृ० ।

६—प्र० : करुनानिधि । द्वि० : प्र० । तृ० : करुनायतन । च० : तृ० ।

७—प्र० : सब । द्वि० : प्र० । [(५अ): सकल] । तृ० : सकल । च० : तृ० ।

सुनि लखिमन सीता कै बानी । विरह विवेक धरम नुति^१ सानी ॥
 लोचन सजल जोरि कर दोऊ । प्रभु सन कछु कहि सकत न ओऊ ॥
 देखि राम रुख लखिमन धाए । प्रगटि कृसानु काठ बहु लाए ॥
 प्रबल अनल बिलोकि बैदेही । हृदयँ हरष नहिँ भय कछु तेही ॥
 जौँ मन बच क्रम मम उर माहीं । तजि रघुबीर आन गति नाहीं ॥
 तौ कृसानु सब कै गति जाना । मोकहुँ होहु श्रीखंड समाना ॥
 छं०—श्रीखंड सम पावक प्रवेसु कियो सुमिरि प्रभु मैथिली ।
 जयकोसलेस महेस बंदित चरन रति अति निर्मली ॥
 प्रतिबिंब अरु लौकिक कलंक प्रचंड पावक महुँ जरे ।
 प्रभु चरित काहुँ न लखे नभ सुर सिद्ध मुनि देखहिँ खरे ॥
 तब अनल भूसुर रूप कर गहि सत्य श्री स्रुति^४ बिदि तजो ।
 जिमि क्षीरसागर इंदिरा रामहि समर्पी आनि सो ॥
 सो राम बाम विभाग राजति रुचिर अति सोभा भली ।
 नव नील नीरज निकट मानहुँ कनक पंकज की कली ॥
 दो०—हरषि सुमन बरषहिँ विबुध^५ बाजहिँ गगन निसान ।
 गावहिँ किन्नर अपछरा^६ नाचहिँ चढ़ी बिमान ॥
 श्री जानकी^७ समेत प्रभु सोभा अमित अपार ।
 देखत हरषे भालु कपि^८ जय रघुपति सुख सार ॥१०६॥

१—प्र० : निति । दि० : नुति [(*) जुति, (५अ) जुत] । [तु० : नय] । च० : दि० ।

२—प्र० : पावक प्रगति । दि०, तु० : प्र० । च० : प्रगटि कृसानु ।

३—प्र० : पावक प्रबल देखि । दि० : प्र० । तु० : प्रबल अनल बिलोकि ।

४—प्र० : धरि रूप पावक पानि गहि श्री सत्य स्रुति जग । दि० : प्र० । तु० : तब अनल भूसुर रूप कर गहि सत्य श्री श्रुति । च० : तु० ।

५—प्र० : बरषहिँ सुमन हरषि सुर । दि० : प्र० । तु० : हरषि सुमन बरषहिँ विबुध । च० : तु० ।

६—प्र० : सुरवधू । दि० : प्र० । तु० : अपछरा । च० : तु० ।

७—प्र० : जनकसुता । दि० : प्र० । तु० : श्री जानकी । च० : तु० ।

८—प्र० : देखि भालु कपि हरषे । दि० : प्र० । तु० : देखत हरषे भालु कपि । च० : तु० ।

तब रघुपति अनुसासन पाई । मातलि चलेउ चरन सिरु नाई ॥
 आए देव सदा स्वारथी । बचन कहहिं जनु परमारथी ॥
 दीनबंधु दयाल रघुराया । देव कीन्हि देवन्ह पर दाया ॥
 बिस्व द्रोह रत येह खल कामी । निज अब गएउ कुमारग गामी ॥
 तुम्ह समरूप ब्रह्म अविनासी । सदा एकरस सहज उदासी ॥
 अकल अगुन अज अनघ अनामय । अजित अमोघसक्ति करुनामय ॥
 मीन कमठ सूकर नरहरी । बामन परसुराम बपु धरी ॥
 जब जब नाथ सुरन्ह दुखु पावा^१ । नाना तनु धरि तुम्हहिं नसावा^२ ॥
 रावनु पापमूल^३ सुर द्रोही । काम लोभ मद रत अति कोही ॥
 सोउ कृपाल तव धाम सिधावा^४ । यह हमरें मन बिसमय आवा ॥
 हम देवता परम अधिकारी । स्वारथ रत तव भगति बिसारी ॥
 भव प्रवाह संतत हम परे । अब प्रभु पाहि सरन अनुसरे ॥
 दो०—करि बिनती सुर सिद्ध सब रहे जहँ तहँ कर जोरि ।

अतिसय प्रेम सरोजभव^५ अस्तुति करत बहोरि ॥११०॥

जय राम सदा सुखधाम हरे । रघुनायक सायक चाप धरे ॥
 भव बारन दारन सिंध प्रभो । गुन सागर नागर नाथ बिभो ॥
 तन काम अनेक अनूप बबी । गुन गावत सिद्ध मुनींद्र कबी ॥
 जसु पावन रावन नाग महा । खगनाथ जथा करि कोप गहा ॥
 जनरंजन भंजन सोक भयं । गतक्रोध सदा प्रभु बोधमयं ॥
 अवतार उदार अपार गुनं । महि भार बिभंजन ज्ञानधनं ॥

१—प्र० : क्रमशः पायो, नसायो । द्वि० : प्र० । पावा, नसावा । च० : तु० ।

२—प्र० : येह खल मलिन सदा । द्वि०, तु० : प्र० । च० : रावनु पापमूल ।

३—प्र० : अधम सिरोमनि तव पद पावा । द्वि०, तु० : प्र० । च० : सोउ कृपालु तव धाम सिधावा ।

४—प्र० : प्रभु । द्वि०, तु० : प्र० । च० : तब ।

५—प्र० : अति सप्रेम तनु पुलक विधि । द्वि० : प्र० । तु० : अतिसय प्रेम सरोजभव ।
 च० : तु० ।

अज व्यापकमेकमनादि सदा । करुणाकर राम नमामि मुदा ॥
 रघुवंस विभूषन दूषनहा । कृत भूप बिभीषनुदीन रहा ॥
 गुन ज्ञान निधान अमान अजं । नित राम नमामि विभुं विरजं ॥
 भुजदंड प्रचंड प्रताप बलं । खल वृंद निकंद महा कुसलं ॥
 बिनु कारन दीनदयाल हितं । छत्रि धाम नमामि रमासहितं ॥
 भव तारन कारन काजपरं । मन संभव दारुन दोष हरं ॥
 सर चाप मनोहर त्रोनघरं । जलजरुन लोचन भूपवरं ॥
 सुख मंदिर सुंदर श्रीरमनं । मद मार महा^१ ममता समनं ॥
 अनवद्य अखंड न गोचर गो । सबरूप सदा सबहोइ न सो^२ ॥
 इति वेद बर्दति न दंतकथा । रवि आतप भिन्न न भिन्न जथा ॥
 कृतकृत्य विभो सब बानर ये । निरखंति तवानन सादर ये^३ ॥
 धिग जीवन देव सरीर हरे । तब भक्ति बिना भव भूलि परे ॥
 अब दीन दयाल दया करिए । मति मोर बिभेदकरी हरिए ॥
 जेहि तैं विपरीत क्रिया करिए । दुख सो सुख मानि सुखी चरिए ॥
 खल खंडन मंडन रम्य छमा । पद पंकज सेवित संभु उमा ॥
 नृपनायक दे बरदानमिदं । चरनांबुज प्रेसु सदा सुभदं ॥

दो०—बिनयकीन्हि विधि भाँति बहु^४ प्रेम पुलक अति गात ।

बदन बिलोकत राम कर^५ लोचन नहीं अघात ॥१११॥
 तेहि अवसर दसरथ तहँ आए । तनय बिलोकि नयन जल छाए ॥
 सहित अनुज प्रनाम प्रभु कीन्हा^६ । आसिर्वाद् पिता तब दीन्हा ॥

१—प्र० : सुधा । द्वि० : प्र० : तू० : महा । च० : तू० ।

२—प्र० : न गो । द्वि० : प्र० [(४) (५) (५अ) : न सो] । तू० : न सो । च० : तू० ।

३—प्र०, द्वि०, तू०, च० : ये [(६) : जे] ।

४—प्र० : चतुरानन । द्वि० : प्र० । तू० : विधि भाँति बहु । च० : तू० ।

५—प्र० : सोभा सिंधु बिलोकत । द्वि० : प्र० । तू० : बदन बिलोकत राम कर । च० : तू० ।

६—प्र० : अनुज सहित प्रभु बंदन कीन्हा । द्वि० : प्र० । तू० : सहित अनुज प्रनाम प्रभु कीन्हा । च० : तू० ।

तात सकल तव पुन्य प्रभाऊ । जीत्यो अजय निसाचर राऊ ॥
 सुनि सुत वचन प्रीति अति बाढ़ी । नयन सनीर^१ रोमावलि ठाढ़ी ॥
 रघुपति प्रथम प्रेम अनुमाना । चितइ पितहि दीन्हैउ दृढ़ ज्ञाना ॥
 ता तैं उमा मोक्ष नहिं पावा^२ । दसरथ भेद भगति मन लावा^२ ॥
 सगुनोपासक मोक्ष न लेहीं । तिन्ह कहूँ राम भगति निज देहीं ॥
 बार बार करि प्रभुहि प्रनामा । दसरथ हरषि गए सुरधामा ॥
 दो०—अनुज जानकी सहित प्रभु कुसल कोसलाधीस ।

छवि बिलोकि मन हरष अति^३ अस्तुति कर सुईस ॥११२॥
 तोमर छं०—जय राम सोभाधाम । दायक प्रनत विश्राम ॥
 धृत त्रोन बर सर चाप । भुजदंड प्रबल प्रताप ॥
 जय दूषनारि खरारि । मर्दन निसाचर धारि ॥
 येह दुष्ट मारेउ नाथ । भए देव सकल सनाथ ॥
 जय हरन धरनी भार । महिमा उदार अपार ॥
 जय रावनारि कृपाल । किए जातुधान विशाल ॥
 लंकेस अति बल गर्व । किए बस्य सुर गंधर्व ॥
 मुनि सिद्ध खग नर नाग । हठि पंथ सब के लाग ॥
 पर द्रोह रत अति दुष्ट । पायो सो फलु पापिष्ट ॥
 अब सुनहु दीन दयाल । राजीव नयन बिसाल ॥
 मोहि रहा अति अभिमान । नहिं कोउ मोहि समान ॥
 अब देखि प्रभु पद कंज । गत मान प्रद दुख पुंज ॥
 कोउ ब्रह्म निर्गुन ध्याव । अव्यक्त जेहि श्रुति गाव ॥
 मोहि भाव कोसल भूप । श्रीराम सगुन सरूप ॥

१—प्र० : सलिल । द्वि०, तृ० : प्र० । च० : सनीर ।

२—प्र० : पायो, लायो । द्वि० : प्र० । तृ० : पावा, लावा । च० : तृ० ।

३—प्र० : सोभा देखि हरषि मन । द्वि० : प्र० । तृ० : छवि बिलोकि मन हरषि अति ।
 च० : तृ० ।

बैदेहि अनुज समेत । मम हृदय करहु निकेत ॥
 मोहि जानिए निज दास । दे भक्ति रमानिवास ॥
 छं०—दे भक्ति रमानिवास त्रासहरन सरन सुखदायकं ।
 सुखधाम राम नमामि काम अनेक छवि रघुनायकं ॥
 सुर वृंद रंजन वृंद भंजन मनुज तनु अतुलित बलं ।
 ब्रह्मादि संकर सेव्य राम नमामि करुना कोमलं ॥
 दो०—अब करि कृपा बिलोकि मोहि आयेसु देहु कृपाल ।
 काह करौं सुनि प्रिय वचन बोले दीनदयाल ॥११३॥
 सुनु सुरपति कपि भालु हमारे । परे भूमि निसिचरन्ह जे मारे ॥
 मम हित लागि तजे इन्ह प्राणा । सकल जिआउ सुरेस सुजाना ॥
 सुनु खगपति प्रभु कै यह बानी । अति अगाध जानहि मुनि ज्ञानी ॥
 प्रभु सक त्रिभुवन मारि जिआई । केवल सकहि दीन्हि बड़ाई ॥
 सुधा वरषि कपि भालु जिआए । हरषि उठे सब प्रभु पहिं आए ॥
 सुधा वृष्टि भइ दुहुँ दल ऊपर । जिए भालु कपि नहिं रजनीचर ॥
 रामाकार भए तिन्ह के मन । गए ब्रह्मपद तजि सरीर रन ॥
 सुर अंसिक सब कपि अरु रीझा । जिए सकल रघुपति की ईझा ॥
 राम सरिस को दीन हितकारी । कीन्है मुक्त निसाचर भ्तारी ॥
 खल मलधाम कामरत रावन । गति पाई जो मुनिवर पाव न ॥
 दो०—सुमन वरषि सब सुर चले चढ़ि चढ़ि रुचिर बिमान ।
 देखि सुअवसर राम ३ पहिं आए संभु सुजान ॥
 परम प्रीति कर जोरि जुग नलिन नयन भरि बारि ।
 पुलकित तन गदगद गिरा बिनय करत त्रिपुरारि ॥११४॥

१—प्र० : खगेस । द्वि० : प्र० । तृ० : खगपति । च० : तृ० ।

२—प्र० : मुक्त भए छूटे भव बंधन । द्वि० : प्र० । [तृ० : गए परम पद तजि सरीर रन] ।

च० : गए ब्रह्म पद तजि सरीर रन ।

३—प्र० : प्रभु । द्वि०, तृ० : प्र० । च० : राम ।

छं०—मामभिरक्ष्य रघुकुलनायक । धृत बर चाप रुचिर कर सायक ॥
 मोह महा घन पटल प्रभंजन । संसय विपिन अनल सुर रंजन ॥
 सगुन अगुन गुन मंदिर सुंदर । अम तम प्रबल प्रताप दिवाकर ॥
 काम क्रोध मद गज पंचानन । बसहु निरंतर जन मन कानन ॥
 विषय मनोरथ पुंज कंज बन । प्रबल तुषार उदार पार मन ॥
 भव बारिधि मंदर परमं दर^१ । बारय तारय संसृति दुस्तर ॥
 स्याम गात राजीव बिलोचन । दीनबंधु प्रनतारति मोचन ॥
 अनुज जानकी सहित निरंतर । बसहु राम नृप मम उर अंतर ॥
 मुनि रंजन महिमंडल मंडन । तुलसिदास प्रभु त्रास बिखंडन ॥

दो०—नाथ जबहिं कोसलपुरी होइहि तिलकु तुहार ।

तब मैं आउब सुनहु प्रभु^२ देखन चरित उदार ॥११५॥
 करि बिनती जब संभु सिधाए । तब प्रभु निकट विभीषन आए ॥
 नाइ चरन सिरु कह मृदु बानी । बिनय सुनहु प्रभु सारंगपानी ॥
 सकुल सदल प्रभु रावनु मारा^३ । पावन जसु त्रिभुवन बिस्तारा ॥
 दीन मलीन हीनमति जाती । मो पर कृपा कीन्हि बहु भाँती ॥
 अब जन गृह पुनीत प्रभु कीजै । मज्जन करिअ समर स्रम छीजै ॥
 देखि कोस मंदिर संपदा । देहु कृपाल कपिन्ह कहूँ मुदा ॥
 सब विधि नाथ मोहि अपनाइअ । पुनि मोहिसहित अवधपुर^४ जाइअ ॥
 सुनत बचन मृदु दीन दयाला । सजल भए द्वौ नयन बिसाला ॥
 दो०—तोर कोस गृह मोर सब सत्य बचन सुनु आत ।

दसा भरत कै सुमिरि^५ मोहिं निमिष कल्प सम जात ॥

१—[प्र०: मथन पर मंदर] । द्वि०, तृ०, च०: मंदर परमं दर ।

२—प्र०: कृपासिधु मैं आउब । द्वि०, तृ०: प्र० । च०: तब मैं आउब सुनहु प्रभु ।

३—क्रमशः मारयो, बिस्तारयो । द्वि०: प्र० । तृ०: मारा, बिस्तारा । च०: तृ० ।

४—प्र०, द्वि०, तृ०, च०: पुर [(६): प्रभु] ।

५—प्र०: भरत दसा सुमिरत मोहिं । द्वि०: प्र० । तृ०: दसा भरत कै सुमिरि मोहिं । च०: तृ० ।

तापस बेध सरीर^१ कृस जपत निरंतर मोहि ।
 देखौं बेगि सो जतन करु सखा निहोरौं तोहि ॥
 बीते अवधि जाउँ जौं^२ जिअन न पावौं बीर ।
 प्रीति भरत कै समुझि प्रभु^३ पुनि पुनि पुलक सरीर ॥
 करेहु कलप भरि राजु तुम्ह मोहि सुमिरेहु मन माहिं ।
 पुनि मम धाम सिधाइहहु^४ जहाँ संत सब जाहिं ॥११६॥
 सुनत बिभीषन बचन राम के । हरषि गहे पद कृपाधाम के ॥
 बानर भालु सकल हरषाने । गहि प्रभु पद गुन बिमल बखाने ॥
 बहुरि बिभीषन भवन सिधाए । मनि गन बसन बिमान भराए ॥
 लै पुष्पक प्रभु आगे राखा । हँसि करि कृपासिंधु तब भाषा ॥
 चढ़ि बिमान सुनु सखा बिभीषन । गगन जाइ बरषहु पट भूषन ॥
 नभ पर जाइ बिभीषन तबहीं । बरषि दिए मनि अंबर सबहीं ॥
 जोइ जोइ मन भावइ सोइ लेहीं । मनि मुख मेलि डारि कपि देहीं ॥
 हँसे रामु श्री अनुज समेता । परम कौतुकी कृपानिकेता ॥
 दो०—ध्यान न पावहिं जाहि मुनि^५ नेति नेति कह बेद ।
 कृपासिंधु सोइ कपिन्ह सन करत अनेक बिनोद ॥
 उमा जोग जप दान तप नाना मख व्रत नेम ।
 राम कृपा नहिं करहिं तसि जसि निष्केवल प्रेम ॥११७॥
 भालु कपिन्ह पट भूषन पाए । पहिरि पहिरि रघुपति पहिं आए ॥
 नाना जिनिस देखि सब^६ कीसा । पुनि पुनि हँसत कोसलाधीसा ॥

१—प्र०: गात । द्वि०: प्र० । तृ०: सरीर । च०: तृ० ।

२—प्र०: बीते अवधि जाइँ जौ । द्वि०: तृ० । [च०: जौ जैहौं बीते अवधि] ।

३—प्र०: सुमिरत अनुज प्रीति प्रभु । द्वि०: प्र० । तृ०: प्रीति भरत कै समुझि प्रभु । च०: तृ० ।

४—प्र०: पाइहहु । द्वि०: प्र० । तृ०: सिधाइहहु । च०: तृ० ।

५—प्र०: मुनि जेहि ध्यान न पावहिं । द्वि०: प्र० । तृ०: ध्यान न पावहिं जाहि मुनि ।
 च०: तृ० ।

६—प्र०: देखि सब । द्वि०: प्र० । [तृ०: देखि प्रभु] । [च०: (६) देखि प्रभु, (८) भालु कपि] ।

चितइ सबन्ह पर कीन्ही दाया । बोले मृदुल बचन रघुराया ॥
 तुम्हरे बल मैं रावनु मारा^१ । तिलकु बिभीषन कहूँ पुनि सारा^२ ॥
 निज निज गृह अब तुम्ह सब जाहू । सुमिरेहु मोहि डरहु^३ जनि काहूँ ॥
 बचन सुनत प्रेमाकुल बानर । जोरि पानि बोले सब सादर ॥
 प्रभु जोइ कहहु तुम्हहि सब सोहा । हमरे होत बचन सुनि मोहा ॥
 दीन जानि कपि किए सनाथा । तुम्ह त्रैलोक ईस रघुनाथा ॥
 सुनि प्रभु बचन लाज हम मरही । मसक कबहुँ^४ खगपति हित करही ॥
 देखि राम रुख बानर रीछा । प्रेम मगन नहि गृह कै ईछा ॥

दो०—प्रभु प्रेरित कपि भालु सब राम रूप उर राखि ।

हरष बिषाद समेत तब चले बिनय बहु भाखि^५ ॥

जामवंत कपिराज नल अंगदादि^६ हनुमान ।

सहित बिभीषन अपर जे जूथप कपि बलवान ॥

कहि न सकहि कछु प्रेमवस भरि भरि लोचन बारि ।

सन्मुख चितवहि राम तन नयन निमेष निवारि ॥११८॥

अतिसय प्रीति देखि रघुराई । लीन्हे सकल बिमान चढ़ाई ॥
 मन महुँ बिप्र चरन सिरु नावा^६ । उत्तर दिसिहि बिमान चलावा^६ ॥
 चलत बिमान कोलाहलु होई । जय रघुवीर कहै सब कोई ॥
 सिंघासनु अति उच्च मनोहर । श्री समेत प्रभु बैठे तापर ॥
 राजत रामु सहित भाभिनी । मेरु सृंग जनु धनु दामिनी ॥

१—प्र०: क्रमशः मारयो, सारयो । द्वि०: प्र० । तृ०: मारा, सारा । च०: तृ० ।

२—प्र०: डरपहु । द्वि०: प्र० [(४) डरेहु, (५) डरपेहु] । [तृ०: डरेहु] । च०: डरह ।

३—प्र०: काहूँ । द्वि०, तृ०: प्र० । च०: कबहुँ ।

४—प्र०: सहित चले बिनय विविध विधि भाषि । द्वि०: प्र० । तृ०: समेत तब चले बिनय बहु भाषि । च०: तृ० ।

५—प्र०: कपिपति नील रीछपति अंगद नल । द्वि०: प्र० । तृ०: जामवंत कपिराज नल अंगदादि । च०: तृ० ।

६—प्र०: क्रमशः नायो, चलायो । द्वि०: प्र० । तृ०: नावा, चलावा । च०: तृ० ।

रुचिर विमानु चलेउ अति आतुर । कीन्ही सुमन बृष्टि हरषे सुर ॥
 परम सुखद चलि१ त्रिविध बयारी । सागर सर सरि निर्मल बारी ॥
 सगुन होहि सुंदर चहुँ पासा । मन प्रसन्न निर्मल नभ आसा ॥
 कह रघुबीर देखु रन सीता । लखिमन इहाँ हत्यो इंद्रजीता ॥
 हनूमान अंगद के मारे । रन महि परे निसाचर भारे ॥
 कुंभकरन रावन द्वौ भाई । इहाँ हते सुर मुनि दुखदाई ॥

दो०—यह देखु सुंदर सेतु जहँ२ थापेउँ सिव सुखधाम ।

सीता सहित कृपायतन३ संभुहि कीन्ह प्रनाम ॥

जहँ जहँ कृपासिंधु४ बन कीन्ह बास बिस्राम ।

सकल देखाए जानकिहि कहे सबन्हि के नाम ॥११६॥

सपदि५ विमान तहाँ चलि आवा । दंडकवन जहँ परम सुहावा ॥
 कुंभजादि मुनिनायक नाना । गए रामु सब केँ अस्थाना ॥
 सकल रिषिन्ह सन पाइ असीसा । चित्रकूट आएउ जगदीसा ॥
 तहँ करि मुनिन्ह केर संतोषा । चला विमानु तहाँ ते चोखा ॥
 बहुरि राम जानकिहि देखाई । जमुना कलि मल हरनि सोहाई ॥
 पुनि देखी सुरसरी पुनीता । राम कहा प्रनामु करु सीता ॥
 तीरथपति पुनि देखु प्रयागा । देखत६ जन्म कोटि अघ भागा ॥
 देखु परम पावनि पुनि बेनी । हरन सोक हरि लोक निसेनी ॥
 पुनि देखु७ अवधपुरी अति पावनि । त्रिविध ताप भव रोग नसावनि ॥

१—प्र०, द्वि०: चलि । [तु०: बर] । च०: प्र० ।

२—प्र०: इहाँ सेतु बांध्यों अरु । द्वि०, तु०: प्र० । च०: यह देखु सुंदर सेतु जहँ [(न): देखहु सुंदर सेतु यह] ।

३—प्र०: कृपानिधि । द्वि०: प्र० । तु०: कृपायतन । च०: तु० ।

४—प्र०: कृपासिंधु । द्वि०: प्र० । [तु० में यह दोहा नहीं है] । [च०: (६)(न) करुनासिंधु] ।

५—प्र०: तुरत । द्वि०: प्र० । तु०: सपदि । च०: तु० ।

६—प्र०: निरखत । द्वि०: प्र० । तु०: देखत । च०: तु० ।

७—प्र०: पुनि देखु । द्वि०: प्र० । [तु०: देखेउ] । च०: प्र० [(न): देखा] ।

दो०—तब रघुनायक श्री सहित अवधहि कीन्ह^१ प्रनाम ।
 सजल बिलोचन पुलक तनुरे पुनि पुनि हरषित राम ॥
 पुनि प्रभु आइ त्रिवेनी^२ हरषित मज्जनु कीन्ह ।
 कपिन्ह सहित बिप्रन्ह कहूँ^४ दान विविध विधि दीन्ह ॥ १२० ॥
 प्रभु हनुमंतहि कहा बुझाई । धरि बटु रूप अवधपुर जाई ॥
 भरतहि कुसल हमारि सुनाएहु । समाचार लै तुम्ह चलि आएहु ॥
 तुरत पवनसुत गवनत भएऊ । तब प्रभु भरद्वाज पहि गएऊ ॥
 नाना विधि मुनि पूजा कीन्ही । असतुति करि पुनि आसिष दीन्ही ॥
 मुनि पद बंदि जुगल कर जोरी । चढ़ि बिमान प्रभु चले बहोरी ॥
 इहाँ निषाद सुना प्रभु^५ आए । नाव नाव कह लोग बुलाए ॥
 सुरसरि नाँधि जान तब^६ आवा^७ । उतरेउ तट प्रभु आयेसु पावा^७ ॥
 तब सीता पूजी सुरसरी । बहु प्रकार पुनि चरनन्हि परी ॥
 दीन्हि असीस हरषि मन गंगा । सुंदरि तब अहिवात अभंगा ॥
 सुनत गुहा घाएउ प्रेमाकुल । आएउ निकट परम सुख संकुल ॥
 प्रभुहि सहित बिलोकि बैदेही । परेउ अवनितन सुधि नहिं तेही ॥
 प्रीति परम बिलोकि रघुराई । हरषि उठाइ लियो उर लाई ॥
 छं०—लियो हृदय लाइ कृपानिधान सुजान राम रमापती ।
 बैठारि परम समीप बूझी कुसल सो कर बीनती ॥
 अब कुसल पद पंकज बिलोकि बिरंचि संकर सेव्य जे ।
 सुखधाम पूरनकाम राम नमामि राम नमामि ते ॥

१—प्र०: सीता सहित अवध कहूँ कीन्ह कृपाल । द्वि०: प्र० । तृ०: तब रघुनायक श्री सहित सहित अवधहि कीन्ह । च०: तृ० ।

२—प्र०: सजल नयत पुलकित तन । द्वि०: प्र० । तृ०: सजलबिलोचन पुलकित तन । च०: तृ० ।

३—प्र०: पुनि प्रभु आइ । द्वि०: प्र० । [तृ०, च०: बहुरि त्रिवेनी आइ प्रभु] ।

४—प्र०: सहित बिप्रन्ह कहूँ । द्वि०: प्र० । [तृ०, च०: समेत महीसुरन्ह] ।

५—प्र०: सुना प्रभु । द्वि०: प्र० [(४)(५): सुन्यौ प्रभु] । तृ०, च०: प्र०, [(३): सुनाहि] ।

६—प्र०: तब । द्वि०: प्र० [(३): जब] । तृ०: प्र० । [च०: जब] ।

७—प्र०: क्रमशः आयो, पायो । द्वि०: प्र० । तृ०: आवा, पावा । च०: तृ० ।

सब भौंति अघम निषाद सो हरि भरत ज्यों उर लाइयो ।
 मतिमंद तुलसीदास सो प्रभु मोहबस बिसराइयो ॥
 येह रावनारि चरित्र पावन रामपद रतिप्रद सदा ।
 कामादिहर बिज्ञानकर सुर सिद्ध मुनि गावहिं मुदा ॥
 दो०—समर विजय रघुपति चरित सुनहिं जे सदा^१ सुजान ।
 विजय विवेक बिभूति नित तिन्हहि देहिं भगवान ॥
 येह कलिकाल मलायतन मन करि देखु बिचार ।
 स्त्री रघुनाथ नाम तजि नहिं कछु^२ आन अधार ॥१२१॥

इति श्रीरामचरितमानसे सकलकलिकलुषविध्वंसने विमलविज्ञान-
 सम्पादनो नाम षष्ठः सोपानः समाप्तः ।

१—प्र०: रघुवीर के चरित जे सुनहिं । द्वि०: प्र० । तृ०: रघुपतिचरित सुनहिं जे सदा ।
 च०: तृ० ।

२—प्र०: श्री रघुनाथ नाम तजि नाहिंन । द्वि०: प्र० । तृ०: श्री रघुनाथक नाम तजि नहिं
 कछु । च०: तृ० ।

श्री गणेशाय नमः

श्री जानकीवल्लभो विजयते

श्री राम चरित मानस

स प्त म सो पा न

उत्तर कांड

श्लो०—केकीकंठाभनीलं सुर वरविलसद्विप्रपादावजचिह्नं
शोभाढ्यं पीतवस्त्रं सरसिजनयनं सर्वदा सुप्रसन्नम् ।
पाणौ नाराचचापं कपिनिकरयुतं बंधुना सेव्यमानं
नौमीढ्यं जानकीशं रघुवरमनिशं पुष्पकारूढरामम् ॥
कोशलेन्द्रपदकंजमंजुलौ कोमलावजः महेशवंदितौ
जानकीकरसरोजलालितौ चितकस्य मनभृंग संगिनौ ॥
कुंदहंदुदरगौरसुंदरं अंबिकापतिमभीष्टसिद्धिदम् ।
कारुणीक कलकंजलोचनं नौमि शंकरमनंगमोचनम् ॥
दो०—रहा एक दिन अवधि कर अति आरत पुर लोग ।
जहँ तहँ सोचहिं नारि नर कृसतनु राम बियोग ॥
सगुन होहिं सुंदर सकल मन प्रसन्न सब केर ।
प्रभु आगवन जनाव जनु नगर रम्य चहुँ फेर ॥
कौसल्यादि मातु सब मन अनंद अस होइ ।
आएउ प्रभु श्री अनुज जुत कहन चहत अब कोइ ॥
भरत नयन भुज दच्छिन फरकत बारहिं बार ।
जानि सगुन मन हरष अति लागे करन^२ बिचार ॥

१—प्र० : कोमलावज । द्वि० : प्र० । [तृ० : कोमलांबुज] । च० : प्र० ।

२—प्र०, द्वि०, तृ०, च० : करन [(६) : करै] ।

रहेउ^१ एक दिनु अवधि अधारा । समुझत मन दुख भएउ अपारा ॥
 कारन कवन नाथ नहिं आएउ । जानि कुटिल किधौं मोहिं बिसराएउ ॥
 अहह धन्य लखिमन बड़भागी । राम पदारविंदु अनुरागी ॥
 कपटी कुटिल मोहि प्रभु चीन्हा । ता तें नाथ संग नहिं लीन्हा ॥
 जौ करनी समुझै प्रभु मोरी । नहिं निस्तार कलप सत कोरी ॥
 जन अवगुन प्रभु मान न काऊ । दीनबंधु अति मृदुल सुभाऊ ॥
 मोरें जिअँ भरोस दृढ़ सोई । मिलिहहिं रामु सगुन सुभ होई ॥
 बीते अवधि रहहिं जौ प्राणा । अधम कवन जग मोहि समाना ॥

दो०—राम बिरह सागर महँ भरत मगन मन होत ।

बिप्र रूप धरि पवनसुत आइ गएउ जनु पोत ॥

बैठे देखि कुसासन जटा मुकुट कृस गात ।

राम राम रघुपति जपत सवत नयन जलजात ॥ १ ॥

देखत हनुमान अति हरषेउ । पुलक गात लोचन जलु बरषेउ ॥
 मन महुँ बहुत भाँति सुख मानी । बोलेउ सवन सुधा सम बानी ॥
 जासु बिरह सोचहु दिनु राती । रटहु निरंतर गुन गन पाँती ॥
 रघुकुलतिलक सो जन^२ सुखदाता । आएउ कुसल देव मुनि त्राता ॥
 रिपु रन जीति सुजस सुर गावत । सीता अनुज सहित^४ पुर^५ आवत ॥
 सुनत बचन बिसरे सब दूखा । तृषावंत जिमि पाइ^६ पियूषा ॥
 को तुम्ह तात कहाँ तें आए । मोहि परम प्रिय बचन सुनाए ॥
 मारुतसुत मैं कपि हनुमाना । नाम मोर सुनु कृपानिधाना ॥

१—प्र० : रहेउ [(२): रहा] । दि० : प्र० । [तृ० : रहा] । च० : प्र० [(५): रहे] ।

२—प्र० : सुजन । दि०, तृ० : प्र० । च० : सो जन ।

३—प्र० : सहित अनुज । दि० : प्र० [(५) (५अ): अनुज सहित] । तृ० : अनुज सहित ।

च० : तृ० ।

४—प्र० : प्रभु । दि०, तृ० : प्र० । च० : पुर ।

५—प्र० : पाइ । दि० : प्र० । [तृ०, च० : पाव] ।

दीनबंधु रघुपति कर किंकर । सुनत भरत भेंटेउ उठि सादर ॥
मिलत प्रेसु नहिं हृदयँ समाता । नयन स्रवत जल पुलकित गाता ॥
कपि तव दरस सकल दुख बीते । मिले आजु मोहि रामु पिरिते ॥
बार बार बूझी कुसलाता । तो कहूँ देउँ काह सुनु आता ॥
येह^१ संदेस सरिस जग माहीं । करि बिचार देखेउँ कछु नाहीं ॥
नाहिन तात उरिन मैं तोही । अब प्रभु चरित सुनावहु मोही ॥
तब हनुमंत नाइ पद माथा । कहे सकल रघुपति गुन गाथा ॥
कहु कपि कबहुँ कृपाल गुसाई । सुमिरहिं मोहि दास की नाई ॥

छं०—निज दास ज्यों रघुवंस भूषन कबहुँ मम सुमिरन कर्यौ ।

सुनि भरत बचन विनीत अति कपि पुलकि तन चरनन्हि पर्यौ ॥

रघुबीर निज मुख जासु गुन गन कहत अग जग नाथ जो ।

काहे न होइ विनीत परम पुनीत सदगुन सिंधु सो ॥

दो०—राम प्रान प्रिय नाथ तुम्ह सत्य वचन मम तात ।

पुनि पुनि मिलत भरत सुनि हरष न हृदयँ समात ॥

सो०—भरत चरन सिरु नाइ तुरित गएउ कपि राम पहिं ।

कही कुसल सब जाइ हरषि चलेउ^२ प्रभु जान चढ़ि ॥२॥

हरषि भरत कोसलपुर आए । समाचार सब गुरहिं सुनाए ॥

पुनि मंदिर महँ बात जनाई । आवत नगर कुसल रघुगई ॥

सुनत सकल जननी उठि धाई । कहि प्रभु कुसल भरत समुझाई^३ ॥

समाचार पुरवासिन्ह पाए । नर अरु नारि हरषि सब धाए ॥

दधि दुर्बा रोचन फल फूला । नव तुलसीदल मंगल मूला ॥

भरि भरि हेम थार भामिनी । गावत चलिं^४ सिंधुरगामिनी ॥

१—प्र० : एह । द्वि० : प्र० [(५अ) : एहि] । [तृ० : यहि] । च० : प्र [(३) : एहि] ।

२—प्र० : चलेउ । द्वि० : प्र० [(३) (४) (५) : चले] । [तृ० : चले] । च० : प्र० [(८) : चले] ।

३—प्र० : चलिं । द्वि० : प्र० [(३) (४) (५अ) : चलीं] । [तृ० : चलिं सब] । च० : प्र० [(८) : चलीं] ।

जे जैसेहिं तैसेहिं उठि धावहिं । बाल बृद्ध कहूँ संग न लावहिं ॥
 एक एकन्ह कहूँ बूझहि भाई । तुम्ह देखे दयाल रघुआई ॥
 अवधपुरी प्रभु आवत जानी । भई सकल सोभा कै खानी ॥
 बहइ सुहावन त्रिविध समीरा । भइ सरजू अति निर्मल नीरा ॥

दो०--हरषित गुर परिजन अनुज भूसुर बृंद समेत ।

चले भरत मन प्रेम अति सन्मुख कृपा निकेत ॥

बहुतक चढ़ी अटारिन्ह निरखहिं गगन बिमान ।

देखि मधुर सुर हरषित करहिं सुमंगल गान ॥

राका ससि रघुपति पुर सिंधु देखि हरषान ।

बढ़ेउ कोलाहल करत जनु नारि तरंग समान ॥ ३ ॥

इहाँ भानुकुल कमल दिवाकर । कपिन्ह देखावत नगर मनोहर ॥

सुनु कपीस अंगद लंकेसा । पावन पुरी रुचिर येह देसा ॥

जद्यपि सब बैकुंठ बखाना । बेद पुरान बिदित जग जाना ॥

अवध सरिस प्रिय मोहिं न सोऊरे । येह प्रसंग जानइ कोउ कोऊ ॥

जन्मभूमि मम पुरी सुहावनि । उत्तर दिसि बह सरयू पावनि ॥

जा मज्जन तैं बिनहिं प्रयासा । मम समीप नर पावहिं बासा ॥

अति प्रिय मोहि इहाँ के बासी । मम धामदा पुरी सुखरासी ॥

हरषे सब कपि सुनि प्रभु बानी । धन्य अवध जो राम बखानी ॥

दो०--आवत देखि लोग सब कृपासिंधु भगवान ।

नगर निकट प्रभु प्रेरेउ उतरेउ भूमि बिमान ॥

उतरि कहेउ प्रभु पुष्पकहिं तुम्ह कुबेर पहिं जाहु ।

प्रेरित राम चलेउ सो हरष बिरह अति ताहु ॥ ४ ॥

१-प्र० : सरजू । [द्वि०, तृ० : सरजू] । च० : प्र० [(न) : सरजू] ।

२-प्र० : अवधपुरी सम प्रिय नहिं सोऊ । द्वि० : प्र० । तृ० : अवध सरिस प्रिय मोहिं न सोऊ । च० : तृ० ।

आए भरत संग सब लोग। कृत तन श्री रघुवीर वियोगा ॥
 वामदेव बसिष्ठ मुनिनायक। देखे प्रभु महि धरि धनु सायक ॥
 घाइ धरे^१ गुर चरन सरोरुह। अनुज सहित अति पुलक तनोरुह ॥
 भेंटि कुसल बूझी मुनिराया। हमरे कुसल तुम्हारिहि दाया ॥
 सकल द्विजन्ह मिलि नाएउ माथा। धरम धुरंधर रघुकुल नाथा ॥
 गहे भरत पुनि प्रभु पद पंकज। नमत जिन्हहिं सुर मुनि संकर अज ॥
 परे भूमि नहिं उठत उठाए। वर^२ करि कृपासिंधु उर लाए ॥
 स्यामल गात रोम भर ठाढ़े। नव राजाव नयन जल बाढ़े ॥

छं०—राजीव लोचन स्रवत जल तन ललित पुलकावलि बनी।

अति प्रेम हृदय लगाइ अनुजहि मिले प्रभु त्रिभुवन धनी ॥

प्रभु मिलत अनुजहि सोह मो पहिं जाति नहिं उपमा कही।

जनु प्रेम अरु सिंगार तनु धरि मिले वर सुषमा^३ लही ॥

बूझत कृपानिधि कुसल भरतहि वचन बेगि न आवई।

सुनु सिवा सो सुख वचन मन तैं भिन्न जान जो पावई ॥

अब कुसल कोसलनाथ आरत^४ जानि जन दरसन दियो।

बूझत विरह बारीस कृपानिधान मोहि कर गहि लियो ॥

दो०—पुनि प्रभु हरषि सत्रुहन भेंटे हृदय लगाइ।

लखिमन भरत मिले तब^५ परम प्रेम दोउ भाइ ॥ ५ ॥

भरतानुज लखिमन पुनि भेंटे। दुसह विरह संभव दुख भेटे ॥

सीता चरन भरत सिरु नावा। अनुज समेत परम सुख पावा ॥

प्रभु बिलोकि हरषे पुरबासी। जनित वियोग विपति सब नासी ॥

१—प्र० : धरे। द्वि० : प्र०। [तु० : गहे]। च० : प्र० [(३) : गहे]।

२—प्र० : द्वि० : वर। [तु० : बल]। च० : प्र०।

३—प्र० : सुषमा। द्वि० : प्र० [(३) : परमा]। [तु०, च० : परमा]।

४—[प्र०, द्वि० : आरति] तु०, च० : आरत।

५—प्र० : भरत मिले तब। द्वि० : प्र०। [तु० : भेंटे भरत पुनि]। च० : प्र०।

प्रेमातुर सब लोग निहारी । कौतुक कीन्ह कृपाल खरारी ॥
 अमित रूप प्रगटे तेहिं काला । जथाजोग मिले सबहि कृपाला ॥
 कृपादृष्टि रघुवीर बिलोकी । किए सकल नर नारि बिसोकी ॥
 छन महँ^१ सबहि मिले भगवाना । उमा मरम येह काहु न जाना ॥
 येहि बिधि सबहि सुखी करि रामा । आगे चले सील गुन धामा ॥
 कौसल्यादि मातु सब धाई । निरखि बच्छ जनु धेनु लवाई ॥
 छं०—जनु धेनु बालक बच्छ तजि गृह चरन बन परबस गई ।

दिन अंन पुर रुख सवत थन हुंकार करि धावत भई ॥

अति प्रेम प्रभु सब मातु भेटीं बचन मृदु बहु बिधि कहे ।

गइ बिषम विपति बियोगभव तिन्ह हरष सुख अगन्ति लहे ॥

दो०—भेंटैउ तनय सुमित्रा राम चरन रति जानि ।

रामहि मिलत कैकइ हृदयँ बहुत सकुचानि ॥

लखिमन सब मातन्ह मिलि हरषे आसिस पाइ ।

कैकइ कहँ पुनि पुनि मिले^२ मन कर छोम न जाइ ॥ ६ ॥

सासुन्ह सबनि मिली बैदेही । चरनन्हि लागि हरषु अति तेही ॥

देहिं असीस बृम्हि कुसलाता । होउ^३ अचल तुम्हार अहिबाता ॥

सब रघुपति मुख कमल बिलोकहिं । मंगल जानि नयन जल रोकहिं ॥

कनक थार आरती उतारहिं । बार बार प्रभु गात निहारहिं ॥

नाना भाँति निष्ठावरि करहीं । परमानंद हरष उर भरहीं ॥

कौसल्या पुनि पुनि रघुवीरहि । चितवत कृपासिंधु रनधीरहि ॥

हृदयँ बिचारति बारहि बारा । कवन भाँति लंकापति मारा ॥

अति सुकुमार जुगल मम बारे । निसिचर सुभट महा बल बारे ॥

१—प्र० : महँ । दि० : प्र० [(४) (५) (५अ) महँ] । वृ० : प्र० । च० : महँ ।

२—प्र० : कैकइ कहँ पुनि पुनि । दि० : प्र० [(३) (४) कैकई कहँ पुनि] । वृ०, च० : प्र० [कैकई कहँ पुनि] ।

३—प्र० : होइ । दि० : प्र० [(३) होइ, (४) (५) होउ] । वृ० : होउ । च० : वृ० ।

दो०—लब्धिमन अरु सीता सहित प्रभुहि बिलोकति मातु ।

परमानंद मगन मन पुनि पुनि पुलकित गातु ॥ ७ ॥

लंकापति कपीस नल नीला । जामवंत अंगद सुभ सीला ॥

हनुमदादि सब बानर बीरा । धरे मनोहर मनुज सरीरा ॥

भरत सनेहु सील व्रत नेमा । सादर सब वरनहि अति प्रेमा ॥

देखि नगर बासिन्ह कै रीती । सकल सराहहि प्रभु पद प्रीती ॥

पुनि रघुपति सब सखा बोलाए । मुनि पद लागहु^१ सकल सिखाए ॥

गुर बसिष्ठ कुलपूज्य हमारे । इन्हकी कृपा दनुज रन मारे ॥

ये सब सखा सुनहु मुनि मेरे । भए सम सागर कहूँ बेरे ॥

मम हित लागि जन्म इन्ह हारे । भरतहुँ तें मोहि अधिक पिआरे ॥

सुनि प्रभु वचन मगन सब भए । निमिषि निमिषि उपजत सुख नए ॥

दो०—कौसल्या के चरनन्हि पुनि तिन्ह नाएउ माथ ।

आसिष दीन्हे हरषि तुन्ह प्रिय मम जिमि रघुनाथ ॥

सुमन वृष्टि नभ संकुल भवन चले सुखकंद ।

चढ़ी अटारिन्ह देखहि नगर नारि वर बृंद^२ ॥ ८ ॥

कंचन कलस बिचित्र सँवारे । सबहिं धरे सजि निज निज द्वारे ॥

बंदनिवार पताका केतू । सबन्हि बनाए मंगल हेतू ॥

बीथीं सकल सुगंध सिंचाई । गजमनि रचि बहु चौक पुराई ॥

नाना भाँति सुमंगल साजे । हरषि नगर निसान बहु बाजे ॥

जहँ तहँ नारि निछावरि करहीं । देहिं असीस हरष उर भरहीं ॥

कंचन थार आरती नाना । जुवती सजें करहि सुभ गाना ॥

करहि आरती आरतिहर कै । रघुकुल कमल बिपिन दिनकर कै ॥

१—प्र०, द्वि०, तृ०, च० : लागहु सकल [(६): लागन कुसल] ।

२—प्र० : वर । द्वि० : प्र० [(४) (५) (५अ): नर] । [तृ० : नर] । च० : प्र० [(न): नर] ।

पुर सोभा संपति कल्याणा । निगम सेष सारदा बखाना ॥
 तेउ येह चरित देखि ठगि रहहीं । उमा तासु गुन नर किमि कहहीं ॥
 दो०—नारि कुमुदिनी अवध सर रघुपति बिगह दिनेस ।
 अस्त भए बिगसत भई निरखि राम राकेस ॥
 होहिं सगुन सुभ विविध बिधि बाजहिं गगन^१ निसान ।
 पुर नर नारि सनाथ करि भवन चले भगवान ॥ ६ ॥
 प्रभु जानी कैकई लजानी । प्रथम तासु गृह गए भवानी ॥
 ताहि प्रबोधि बहुत सुख दीन्हा । पुनि निज भवन गवन हरि कीन्हा ॥
 कृपासिंधु तब^२ मदिर गए^३ । पुर नर नारि सुखी सब भए^३ ॥
 गुर बसिष्ठ द्विज लिए बुलाई । आज सुघरी सुदिन सुभदाई^४ ॥
 सब द्विज देहु हरषि अनुसासन । रामचंद्र बैठहिं सिंघासन ॥
 मुनि बसिष्ठ के बचन सुहाए । सुनत सकल विप्रन्ह अति भाए ॥
 कहहिं वचन मृदु विप्र अनेका । जग अभिराम राम अभिषेका ॥
 अब मुनिवर बिलंबु नहिं कीजे । महाराज कहूँ तिलक करीजे ॥
 दो०—तब मुनि कहेउ सुमंत्र सन सुनत चलेउ सिर नाइ^५ ।
 रथ अनेक बहु बाजि गज तुरत सँवारे जाइ ॥
 जहँ तहँ धावन पठइ पुनि मंगल द्रव्य मँगाइ ।
 हरष समेत बसिष्ठ पद पुनि सिरु नाएउ आइ ॥ १० ॥
 अवधपुरी अति रुचिर बनाई । देवन्ह सुमन वृष्टि भरि^६ लाई ॥
 राम कहा सेवकन्ह बोलाई । प्रथम सखन्ह अन्हवावहु जाई ॥

१—प्र० : गगन । द्वि० : प्र० । [त० : नाक] । च० : प्र० [नाक (६) :] ।

२—प्र० : तब । द्वि० : प्र० [(३) : जब] । [त० : जब] । च० : प्र० [(६) : जब] ।

३—प्र० : गए, भए । द्वि० : प्र० [(३) : गएऊ, भएऊ] । [त० : गएऊ, भएऊ] । च० : प्र० ।

४—प्र० : समुदाई । द्वि० : सुभदाई । त०, च० : द्वि० [(८) : सुभदाई] ।

५—प्र० : हरषाई । द्वि० : प्र० । त० : सिर नाइ । च० : त० ।

६—प्र० : भर । द्वि० : भरि । त०, च० : द्वि० ।

सुनत बचन जहँ तहँ जन धाए । सुग्रीवादि तुरत^१ अन्हवाए ॥
 पुनि करुनानिधि भरत हँकारे । निज कर राम जटा निरुआरे ॥
 अन्हवाए प्रभु तीनिउँ भाई । भगत बछल कृपाल रघुराई ॥
 भरत भाग्य प्रभु कोमलताई । सेष कोटि सत सकहिँ न गाई ॥
 पुनि निज जटा राम बिबराए । गुर अनुसासन माँगि नहाए ॥
 करि मज्जन प्रभु भूषन साजे । अंग अनंग कोटि छवि लाजे^२ ॥
 दो०—सासुन्ह सादर जानकिहि मज्जनु तुरत कराइ ।

दिव्य बसन बर भूषन अँग अँग सजे बनाइ ॥

राम बाम दिसि सोभित रमा रूप गुन खानि ।

देखि मातु सब हरषी जन्म सुफल निज जानि ॥

सुनु खगेस तेहि अवसर ब्रह्मा सिव मुनि वृंद ।

चढ़ि बिमान आए सब सुर देखन सुखकंद ॥११॥

प्रभु बिलोकि मुनि मनु अनुरागा । तुरत दिव्य सिंघासन माँगा ॥

रवि सम तेज सो वरनि न जाई । बैठे राम द्विजन्ह सिर नाई ॥

जनकसुता समेत रघुराई । पेखि प्रहरषे मुनि समुदाई ॥

वेद मंत्र तब द्विजन्ह उचारे । नभ सुर मुनि जय जयति पुकारे ॥

प्रथम तिलक बसिष्ठ मुनि कीन्हा । पुनि सब बिप्रन्ह आयेसु दीन्हा ॥

सुत बिलोकि हरषी महतारी । बार बार आरती उतारी ॥

बिप्रन्ह दान विविध विधि दीन्हे । जाचक सकल अजाचक कीन्हे ॥

सिंघासन पर त्रिभुवन साई । देखि सुरन्ह दुंदुभी बजाई ॥

छं०—नभ दुंदुभी बाजहिँ बिपुल गंधर्व किन्नर गावहीं ।

नाचहिँ अपछरा वृंद परमानंद सुर मुनि पावहीं ॥

१—प्र० : सुग्रीवादि तुरत । द्वि०, वृ० : प्र० । [च० : (३) सुग्रीवहिँ तुरत, (८) सुग्रीवहिँ प्रथमहिँ] ।

२—प्र० : देखि सत लाजे । द्वि० : प्र० [(३) : कोटि छवि लाजे] । वृ० : कोटि छवि छाजे । च० : वृ० ।

भरतादि अनुज बिभीषणांगद हनुमदादि समेत ते ।
 गहे छत्र चामर व्यजन धनु असि चर्म^१ सक्ति विराजते ॥
 श्री सहित दिनकर बंसभूषन काम बहु छवि सोहई ।
 नव अंबुधर वर गात अंबर पीत मुनि^२ मन मोहई ॥
 मुकुटांगदादि बिचित्र भूषन अंग अंगन्हि प्रति सजे ।
 अंभोज नयन विसाल उर भुज धन्य नर निरखति जे ॥

दो०—बहु सोभा समाज सुख कहत न बनइ खगेस ।
 बरनइ सारद सेष श्रुति सो रस जान महेस ॥
 भिन्न भिन्न अस्तुति करि गए^३ सुर निज निज धाम ।
 बंदी बेष बेद तब आए जहँ श्री राम ॥
 प्रभु सर्वज्ञ कीन्ह अति आदर कृपानिधान ।
 लखेउ न काहू मरम येह लगे करन गुन गान ॥ १२ ॥

छं०—जय सगुन निर्गुन रूप रूप अनूप भूप सिरोमने^४ ।
 दसकंधरादि प्रचंड निसिचर प्रबल खल भुजबल हने ॥
 अवतार नर संसार भार^५ बिभंजि दारुन दुख दहे ।
 जय प्रनतपाल दयाल प्रभु संजुक्त सक्ति नमामहे ॥
 तव बिषम मायाबस सुरासुर नाग नर अग जग हरे ।
 भवपंथ अमत अमित^६ दिवस निसि काल कर्म गुनन्हि भरे ॥

१—प्र०, द्वि०, तृ०, च० : चर्म [(६) : बर्म] ।

२—प्र० : सुर । द्वि० : प्र० । तृ० : मुनि । च० : तृ० ।

३—प्र० : गए । द्वि० : प्र० । [तृ० : गे] । च० : प्र० ।

४—प्र० : जय सगुन निर्गुन रूप रूप अनूप भूप सिरोमने । द्वि०, तृ०, च०, : प्र० [(६) :
 जय सगुन रूप अनूप भूप विचार बिबुध सिरोमने] ।

५—प्र०, द्वि०, तृ०, च० : सार भार [(६) संभारि कर] ।

६—अमत अमित दिवस निसि । द्वि० : प्र० [(४) : अमत अमित दिवस निसि] । [तृ० :
 अमित अमित दिवस निसि] । [च० : (६) अमत अमित दिवस निसि, (८) अमित
 देवस निसि प्रभु] ।

जे नाथ करि करुना बिलोके त्रिविधि दुख ते निर्वहे ।
 भव खेद छेदनदत्त हम कहूँ रत्न राम नमामहे ॥
 जे ज्ञान मान बिभत्त तव भवहरनि भक्ति न आदरी ।
 ते पाइ सुर दुर्लभ पदादपि परत हम देखत हरी ॥
 बिस्वास करि सब आस परिहरि दास तव जे होइ रहे ।
 जपि नाम तव बिनु छम तरहिं भव नाथ सो स्मरामहे ॥
 जे चरन सिव अज पूज्य रज सुभ परसि मुनिपतिनी तरी ।
 नख निर्गता मुनि बंदिता त्रैलोक पावनि सुरसरी ॥
 ध्वज कुलिस अंकुस कंज जुत बन फिरत कंटक किन लहे ।
 पद कंज द्वंद मुकुंद राम रमेस नित्य भजामहे ॥
 अव्यक्त मूल मनादि तरु त्वच चारि निगमागम भने ।
 षट कंध साखा पंचबीस अनेक पर्न सुमन घने ॥
 फल जुगल विधि कटु मधुर बेलि अकेलि जेहि आश्रित रहे ।
 पल्लवत फूलत नवल नितः संसार बिटप नमामहे ॥
 जे ब्रह्म अजमद्वैतमनुभवगम्य मन पर ध्यावहीं ।
 ते कहहूँ जानहूँ नाथ हम तव सगुन जसु निज गावहीं ॥
 करुनायतन प्रभु सदगुनाकर देव येह वर माँगहीं ।
 मन बचन कर्म बिकार तजि तव चरन हम अनुरागहीं ॥
 दो०—सब के देखत बेदन्ह बिनती कीन्ह उदार ।
 अंतरधान भए पुनि गए ब्रह्म आगार ॥
 बैनतेय सुनु संभु तव आए जहँ रघुवीर ।
 बिनय करत गदगद गिरा पूरित पुलक सरीर ॥५१॥
 तोमर छं०—जय राम रमा रमनं समनं । भव ताप भयाकुल पाहि
 अवधेस सुरेस रमेस बिभो । सरनागत माँगत पाहि

(न): दिवस

२—प्र० : नवल नित । द्वि० : प्र० [(४): नव ललित] । तृ०, च० : प्रमन माहीं ।

दससीस बिनासन बीस भुजा । कृत दूरि महा महि भूरि रुजा ।
 रजनीचर वृंद पतंग रहे । सर पावक तेज प्रचंड दहे ॥
 महि मंडल मंडन चारुतरं । धृत सायक चाप निषंग बरं ।
 मद मोह महा ममता रजनी । तुम पुंज दिवाकर तेज अनी ॥
 मनजात^१ किरात निपात किए । मृग लोग कुभोग सरेन हिये ।
 हति नाथ अनाथन्हि पाहि हरे । विषया बन पाँवर भूलि परे ॥
 बहु रोग बियोगन्हि लोग हए । भवदंष्ट्रि निरादर के फल ये ।
 भवसिंधु अग्राध परे नर ते । पद पंकज प्रेमु न जे करते ॥
 अति दीन मलीन दुखी नित हीं । जिन्हकें पद पंकज प्रीति नहीं ।
 अवलंब भवंत कथा जिन्ह कें । प्रिय संत अनंत सदा तिन्ह कें ॥
 नहिं राग न लोभ न मान मदा । तिन्ह कें सम बैभव वा बिपदा^२ ।
 येहि तें तव सेवक होत मुदा । मुनि त्यागत जोग भरोस सदा ॥
 करि प्रेमु निरंतर नेमु लिए । पद पंकज सेवत सुद्ध हिये ॥
 सम मानि निरादर आदरहीं । सब संत सुखी बिचरति मही ॥
 मुनि मानस पंकज भृंग भजे । रघुवीर महा रनधीर अजे ।
 तव नाम जपामि नमामि हरी । भवरोग महा गद^३ मान अरी ॥
 गुन सील कृपा परमायतनं । प्रनमामि निरंतर श्रीरमनं ।
 रघुनंद निकंदय वृंद घनं । महिपाल बिलोक्य दीन जनं ॥

दो०—बार बार बर माँगौं हरषि देहु श्रीरंग ।

पद सुरोज अनपायनी भगति सदा सतसंग ॥

वरनि उमापति राम गुन हरषि गए कैलास ।

तब प्रभु कपिन्ह दिवाए सब बिधि सुखप्रद बास ॥ १४ ॥

४—प्र० :

जय सर

५—प्र०, द्विः मनजात । द्वि० : प्र० । [(४) : मनुजात] । [तृ० : मनुजात] । च० : प्र०

६—अमृत आः जमुजाद ।]

अमित क्षमि०, तृ०, च० : बिपदा [(६) निपदा] ।

देवस निसि^३ । द्वि० : प्र० [(४) (५) : मद] । [तृ०, च० : मद] ।

सुनु खगपति यह कथा पावनी । त्रिविध ताप भव भय^१ दावनी ॥
 महाराज कर सुभ अभिषेका । सुनत लहहिं नर विरति बिबेका ॥
 जे सकाम नर सुनहिं जे गावहिं । सुख संपति नाना विधि पावहिं ॥
 सुर दुर्लभ सुख करि जग माहीं । अंत काल रघुपति पुर जाहीं ॥
 सुनहिं बिमुक्त विरत अरु बिषई । लहहिं भगति गति संपति नई^२ ॥
 खगपति राम कथा मैं बरनी । स्वमति बिलास त्रास दुख हरनी ॥
 विरति बिबेक भगति दृढ़ करनी । मोह नदी कहूँ सुंदर तरनी ॥
 नित नव मंगल कोसलपुगी । हरषित रहहिं लोग सब कुंरी ॥
 नित नइ प्रीति राम पद पंकज । सबकें जिन्हहि नमत सिब मुनि अज ॥
 मंगन बहु प्रकार पहिराए । द्विजन्ह दान नाना विधि पाए ॥
 दो०—ब्रह्मानंद मगन कपि सब कें प्रभु पद प्रीति ।

जात न जाने देवस तिन्ह^३ गए मास षट बीति ॥ १५ ॥
 विसरे गृह सपनेहुँ सुधि नाही । जिमि परद्रोह संत मन नाही^४ ॥
 तब रघुपति सब सखा बोलाए । आइ सबन्हि सादर सिर नाए ॥
 परम प्रीति समीप बैठारे । भगत सुखद मृदु वचन उचारे ॥
 तुम्ह अति कीन्हि मोरि सेवकाई । मुख पर केहि बिधि करौं बड़ाई ॥
 ता तैं मोहिं तुम्ह अति प्रिय लागे । मम हित लागि भवन सुख त्यागे ॥
 अनुज राज संपति बैदेही । देह गेह परिवार सनेही ॥
 सब मम प्रिय नहिं तुम्हहि समाना । मृषा न कहौं मोर येह बाना ॥
 सब के प्रिय सेवक येह नीती । मोरें अधिक दास पर प्रीती ॥
 दो०—अब गृह जाहु सखा सब भजेहु मोहि दृढ़ नेम ।

सदा सर्वगत सर्वहित जानि करेहु अति प्रेम ॥ १६ ॥

१—प्र० : भय । द्वि० : प्र० । [तु० : दाप] । च० : प्र० [(न) : दाप] ।

२—प्र० : नई । द्वि० : प्र० । [तु० : नितई] । च० : प्र० [(न) : नितई] ।

३—प्र० : देवस तिन्ह । द्वि० : प्र० । [तु० : दिवस निसि] । च० : प्र० [(न) : दिवस निसि] ।

४—प्र० : मन नाही । द्वि० : प्र० [(४) (५) (५अ) : मन माहीं] । [तु०, च० : मन माहीं] ।

सुनि प्रभु वचन मगन सब भए । को हम कहाँ बिसरि तन गए ॥
 एक टक रहे जोरि कर आगे । सकहिं न कछु कहि अति अनुरागे ॥
 परम प्रेमु तिन्ह कर प्रभु देखा । कहा बिबिध बिधि ज्ञान बिसेषा ॥
 प्रभु सन्मुख कछु कहन न पारहिं । पुनि पुनि चरन सरोज निहारहिं ॥
 तब प्रभु भूषन बसन मँगाए । नाना रंग अनूप सुहाए ॥
 सुग्रीवहि प्रथमहि पहिराए । बसन भरत निज हाथ बनाए ॥
 प्रभु प्रेरित लब्धिमनु पहिराए । लंकापति रघुपति मन भाए ॥
 अंगद बैठ रहा नहिं डोला । प्रीति देखि प्रभु ताहि न बोला ॥
 दो०—जामवंत नीलादि सब पहिराए रघुनाथ ।

हिय धरि राम रूप सब चले नाइ पद माथ ॥
 तब अंगद उठि नाइ सिरु सजल नयन कर जोरि ।
 अति विनीत बोलेउ वचन मनहुँ प्रेम रस बोरि ॥१७॥
 सुनु सर्वज्ञ कृपा सुख सिंधो । दीन दयाकर आरत बंधो ॥
 मरती बेर नाथ मोहि बाली । गएउ तुम्हारेहिं कोछे घाली ॥
 असरन सरन विरिदु संभारी । मोहि जनि तजहु भगत हितकारी ॥
 मोरें तुम्ह प्रभु गुरु पितु माता । जाउँ कहाँ तजि पद जलजाता ॥
 तुम्हइ बिचारि कहहु नरनाहा । प्रभु तजि भवन काजु मम काहा ॥
 बालक ज्ञान बुद्धि बल हीना । राखहु सरन नाथ जन दीना ॥
 नीचि टहल गृह कै सब करिहौं । पद पंकज बिलोकि भव तरिहौं ॥
 अस कहि चरन परेउ प्रभु पाही । अब जनि नाथ कहहु गृह जाही ॥
 दो०—अंगद वचन विनीत सुनि रघुपति करुनासीव ।

प्रभु उठाइ उर लाएउ सजल नयन राजीव ॥
 निज उर माल बसन मनि बालितनय पहिराइ ।
 बिदा कीन्हि भगवान तब बहु प्रकार समुझाइ ॥१८॥

१—प्र० : नाथ । द्वि० : प्र० [(३) (४) (५) : जानि] । [तृ० : जानि] । च० : प्र० [(५) : जानि] ।

भरत अनुज सौमित्रि समेता । पठवन चले भगत कृत चेता ॥
 अंगद हृदयँ प्रेमु नहिं थोरा । फिर फिर चितव राम की ओरा ॥
 बार बार कर दंड प्रनामा । मन असरहन कहहिं मोहिं रामा ॥
 राम बिलोकनि बोलनि चलनी । सुमिरि सुमिरि सोचत हँसि मिलनी ॥
 प्रभु रख देखि बिनय बहु भाखी । चलेउ हृदयँ पद पंकज राखी ॥
 अति आदर सब कपि पहुँचाए । भाइन्ह सहित भरत पुनि आए ॥
 तब सुग्रीव चरन गहि नाना । भाँति बिनय कीन्ही^१ हनुमाना ॥
 दिन दस करि रघुपति पद सेवा । पुनि तब चरन देखिहौं देवा ॥
 पुन्य पुंज तुम्ह पवनकुमारा । सेवहु जाइ कृपाआगारा ॥
 अस कहि कपि सब चले तुरंता । अंगद कहइ सुनहु हनुमंता ॥
 दो०—कहेहु दंडवत प्रभु सैं^२ तुम्हहि कहौं कर जोरि ।

बार बार रघुनायकहिं सुरति कराएहु मोरि ॥

अस कहि चलेउ बालिसुत फिर आएउ हनुमंत ।

तासु प्रीति प्रभु सन कही मगन भए भगवंत ॥

कुलिसहु चाहि कठोर अति कोमल कुसुमहु चाहि ।

चित्त खगेस राम कर^३ ससुम्नि परइ कहु काहि ॥१६॥

पुनि कृपाल लियो बोलि निषादा । दीन्हे भूषन बसन प्रसादा ॥

जाहु भवन मम सुमिरन करेहू । मन क्रम बचन धर्म अनुसरेहू ॥

तुम्ह मम सखा भरत सम आता । सदा रहेहु पुर आवत जाता ॥

बचन सुनत उपजा सुख भारी । परेउ चरन भरि लोचन बारी ॥

चरन नलिन उर धरि गृह आवा । प्रभु सुभाउ परिजनन्हि सुनावा ॥

रघुपति चरित देखि पुरबासी । पुनि पुनि कहहिं धन्य सुखरासी ॥

१—प्र० : कीन्हे । द्वि०, तृ० : प्र० । च० : कीन्ही ।

२—प्र० : सैं । द्वि० : प्र० । [तृ० : सन] । च० : प्र० [(न) : सन] ।

३—प्र० : चित्त खगेस राम कर । द्वि० : प्र० । [तृ० : चित्त खगेस अस राम कर] । च० : प्र० [(न) : चित्त खगेस सुनि राम कर] ।

रामराज बैठे त्रै लोका । हरषित भए गए सब सोका ॥
बयरु न कर काहु सन कोई । राम प्रताप बिषमता खोई ॥
दो०—बरनास्रम निज निज धरम निरत बेद पथ लोग ।

चलहिं सदा पावहिं सुखहिं^१ नहिं भय सोक न रोग ॥२०॥
दैहिक दैविक भौतिक तापा । राम राज नहिं काहुहिं ब्यापा ॥
सब नर करहिं परसपर प्रीती । चलहि स्वधर्म निरत श्रुति रीती^२ ॥
चारिउ चरन धर्म जग माहीं । पूरि रहा सपनेहुँ अघ नाहीं ॥
राम भगति रत नर अरु नारी । सकल परम गति के अधिकारी ॥
अल्प मृत्यु नहिं कवनिउँ पीरा । सब सुंदर सब बिरुज सरीरा ॥
नहिं दरिद्र कोउ दुखी न दीना । नहिं कोउ अबुध न लक्ष्मनहीना ॥
सब निर्दम धरमरत घृनी^३ । नर अरु नारि चतुर सब गुनी ॥
सब गुनज्ञ पंडित सब ज्ञानी । सब कृतज्ञ नहिं कपट सयानी ॥
दो०—राम राज नभगेस सुनु सचराचर जग माहिं ।

काल कर्म सुभाव गुन कृत दुख काहुहि नाहि ॥२१॥
भूमि सप्त सागर मेखला । एक भूप रघुपति कोसला ॥
भुअन अनेक रोम प्रति जासू । येह प्रमुता कछु बहुत न तासू ॥
सो महिमा समुझत प्रभु केरी । येह बरनत हीनता घनेरी ॥
सोउ महिमा खगेस जिन्ह जानी । फिरि येहि चरित तिन्हहुँ रति मानी ॥
सोउ जाने कर फल येह लीला । कहहिं महा मुनिवर^४ दमसीला ॥
राम राज कर सुख संपदा । बरनि न सकइ फनीस सारदा ॥
सब उदार सब पर उपकारी । विप्र चरन सेवक नर नारी ॥
एक नारि व्रत रत सब भ्तारी । ते मन बच क्रम पति हितकारी ॥

१—प्र० : सुखहि । द्वि० : प्र० । (३) (४) (५) : सुख] । तृ० : प्र० । [च० : सुख] ।

२—प्र० : नीती । द्वि०, तृ० : प्र० । च० : रीती ।

३—[प्र० : पुनी] । द्वि० : घनी [(३) (४) (५) : पुनी] । [तृ० : पुनी] । च० : द्वि० ।

४—[प्र० : वरद सुसीला] । द्वि० : वर दम सीला [(४) (५अ) : वरद सुसीला] । [तृ० : वरद सुसीला] । च० : द्वि० [(८) बार सुसीला] ।

दो०—दंड जतिन्ह कर भेद जहँ नर्तक नृत्य समाज ।

जीतहु मनहिं सुनिअ अस^१ रामचन्द्र केँ राज ॥२२॥

फूलहिं फरहिं सदा तरु कानन । रहहिं एक सँग गज पंचानन ॥

खग मृग सहज बयरु बिसराई । सबन्हि परसपर प्रीति बढ़ाई ॥

कूजहिं खग मृग नाना वृंदा । अभय चरहिं बन करहिं अनंदा ॥

सीतल सुरभि पवन बह मंदा । गुंजत अलि लै चलि मकरंदा ॥

लता बिटप माँगे मधु चवहीं । मनभावतो धेनु पय सवहीं ॥

ससि संपन्न सदा रह धरनी । त्रेता भइ कृतजुग कै करनी ॥

प्रगटी गिरिन्ह बिबिधि मनि खानी । जगदातमा भूप जग जानी ॥

सरिता सकल बहहिं बर बारी । सीतल अमल स्वाद सुखकारी ॥

सागर निज मरजादा रहहीं । डारहिं रतन तटन्हि नर लहहीं ॥

सरसिज संकुल सकल तड़ागा । अति प्रसन्न दस दिसा विभागा^२ ॥

दो०—बिधु महि पूर मऊखन्हि रवि तप जेतनेहि काज ।

माँगे बारिद देहिं जल रामचंद्र केँ राज ॥२३॥

कोटिन्ह बाजिमेध प्रभु कीन्हे । दान अनेक द्विजन्ह कहँ दीन्हे ॥

श्रुति पथ पालक धर्म धुरंधर । गुनातीत अरु भोग पुरंदर ॥

पति अनुकूल सदा रह सीता । सोभाखानि सुसील विनीता ॥

जानति कृपासिंधु प्रभुताई । सेवति चरन कमल मन लाई ॥

जद्यपि गृह सेवक सेवकिनी । बिपुल सकल सेवा बिधि गुनी ॥

निज कर गृह परिचरजा करई । रामचंद्र आयेसु अनुसरई ॥

जेहिं बिधि कृपासिंधु सुख मानइ । सोइ कर श्री सेवाबिधि जानइ ॥

कौसल्यादि सासु गृह माहीं । सेवइ सबन्हि मान मद नाहीं ॥

उमा रमा ब्रह्मानि बंदिता^३ । जगदंबा संततमनिदिता ॥

१—प्र०: सुनिअ अस । दि०, तु०: प्र० । [च०: (६) अस सुनिअ जग, (८) अस सुनिअ] ।

२—[प्र० में यह अर्द्धाली नहीं है] ।

३—प्र०: ब्रह्मानि बंदिता । [दि०: ब्रह्मादि बंदिता] । तु०: प्र० । [च०: (६) ब्रह्मादि बंदिता । (८) ब्रह्मादिक बंदिता] ।

दो०—जासु कृपा कटाक्ष सुर चाहत चितव न सोइ ।

राम पदारविंद रति करति सुभावहि खोइ ॥२४॥
 सेवहिं सानुकूल सब भाई । राम चरन रति अति अधिकाई ॥
 प्रभु मुख कमल विलोकत रहहीं । कबहुँ कृपाल हमहि कछु कहहीं ॥
 रामु करहिं आतन्ह पर प्रीती । नाना भाँति सिखावहिं नीती ॥
 हरषित रहहिं नगर के लोगा । करहिं सकल सुर दुर्लभ भोगा ॥
 अहनिंसि बिधिहि मनावत रहहीं । श्री रघुबीर चरन रति चहहीं ॥
 दुइ सुत सुंदर सीता जाए । लव कुस वेद पुरानन्ह गाए ॥
 द्वौ बिजई बिनई गुनमंदिर । हरि प्रतिबिंब मनहुँ अति सुंदर ॥
 दुइ दुइ सुत सब आतन्ह केरे । भए रूप गुन सील घनेरे ॥
 दो०—ज्ञान गिरा गोतीत अज माया मन गुन पार ।

सोइ सच्चिदानंद घन कर नर चरित उदार ॥२५॥
 प्रात काल सरऊ^१ करि मज्जन । बैठहिं सभा संग द्विज सज्जन ॥
 वेद पुरान बसिष्ठ बखानहिं । सुनहिं राम जद्यपि सब जानहिं ॥
 अनुजन्ह संजुत भोजनु करहीं । देखि सकल जननी सुख भरहीं ॥
 भरतु सत्रुहन दूनों भाई । सहित पवनसुत उपवन जाई ॥
 बूझहिं बैठि राम गुनगाहा । कह हनुमान सुमति अबगाहा ॥
 सुनत बिमल गुन अति सुख पावहिं । बहुरि बहुरि करि बिनय कहावहिं ॥
 सब के गृह गृह होहिं^२ पुराना । राम चरित पावन बिधि नाना ॥
 नर अरु नारि राम गुन गानहिं । करहिं दिवस निसि जात न जानहिं ॥
 दो०—अवधपुरी बासिन्ह कर सुख संपदा समाज ।

सहस सेस नहिं कहि सकहिं जहँ नृप राम बिराज ॥२६॥
 नारदादि सनकादि मुनीसा । दरसन लागि कोसलाधीसा ॥
 दिन प्रति सकल अजोध्या आवहिं । देखि नगरु बिराग बिसरावहिं ॥

१—प्र० : सरऊ । द्वि०, तृ० : सरजू । च० : प्र० [(५) : सरजू] ।

२—प्र० : गृह गृह होहिं । द्वि०, तृ०, च० : प्र० [(६) : गृह होहिं वेद] ।

जातरूप मनि रचित अटारी । नाना रंग रुचिर गच ढारी ॥
पुर चहुँ पास कोट अति सुंदर । रचे कंगूरा रंग रंग वर ॥
नवग्रह निकर अनीक बनाई । जनु घेरी अमरावति आई ॥
महि बहु रंग रचित गच काँचा । जो बिलोकि मुनिवर मन नाचा ॥
धवल धाम ऊपर नभ चुंबत । कलस मनहुँ रवि ससि दुति निदत ॥
बहु मनि रचित भरोखा आजहिं । गृह गृह प्रति मनि दीप विराजहिं ॥

छं०—मनि दीप राजहिं भवन आजहिं देहरीं बिद्रुम रचीं ।

मनि खंभ भीति बिरंचि बिरची कनक मनि मरकत खचीं ॥

सुंदर मनोहर मंदिरायत अजिर रुचिर फटिक रचे ।

प्रति द्वार द्वार कपाट पुरट बनाइ बहु बज्रन्हि खचे ॥

दो०—चारु चित्रसाला गृह गृह प्रति लिखे बनाइ ।

राम चरित जे निरखत मुनि मन ३ लेहि चुराइ ॥ २७ ॥

सुमन बाटिका सबहिं लगाई । विविध भौति करि जतन बनाई ॥

लता ललित बहु जाति सुहाई । फूलहिं सदा बसंत की नाई ॥

गुंजत मधुकर सुखर मनोहर । मारुत त्रिविध सदा बह सुंदर ॥

नाना खग बालकन्हि जिआए । बोलत मधुर उड़ात सुहाए ॥

मोर हंस सारस पारावत । भवनन्हि पर सोभा अति पावत ॥

जहँ तहँ देखहिं ४ निज परिछाहीं । बहु विधि कूजहिं नृत्य कराहीं ॥

सुक सारिका पढ़ावहिं बालक । कहहु राम रघुपति जनपालक ॥

राज दुआर सकल विधि चारू । बीथी चौहट रुचिर बजारू ॥

१—प्र० : खचे । द्वि० : प्र० । [तृ० : पचे] । च० : प्र० [(८) : पचे] ।

२—प्र० : गृह प्रति लिखे । द्वि०, तृ० : प्र० । [च० : (६) प्रति रचि लिखे, (८) प्रांता रचे] ।

३—प्र० : जे निरख मुनि ते मन । द्वि० : प्र० [(४) : जे निरखत मुनि मन] । तृ० : जे निरखत मुनि मन । च० : तृ० [(८) : निरखत मन मुनि मन] ।

४—प्र० : देखहिं । द्वि० : प्र० [(५अ) : देखत] । तृ०, च० : प्र० [(६) : निरखहिं] ।

छं०—बाजार रुचिर^१ न बनइ बरनत बस्तु बिनु गथ . पाइए ।

जहँ भूप रमानिवास तहँ की संपदा किमि गाइए ॥

बैठे बजाज सराफ बनिक अनेक मनहुँ कुबेर ते ।

सब सुखी सब सचचरित सुंदर नारि नर सिसु जरठ जे ॥

दो०—उत्तर दिसि सरजू बह निर्मल जल गंभीर ।

बाँधे घाट मनोहर स्वल्प पंक नहिँ तीर ॥२८॥

दूरि फराक रुचिर सो घाटा । जहँ जल पिअहिँ बाजि गज ठाटा ॥

पनिघट परम मनोहर नाना । तहाँ न पुरुष करहिँ अस्नाना ॥

राजघाट सब बिधि सुंदर बर । मज्जहिँ तहाँ बरन चारिउ नर ॥

तीर तीर देवन्ह के मंदिर । चहुँ दिसि तिन्हकी^२ उपबन सुंदर ॥

कहुँ कहुँ सरिता तीर उदासी । बसहिँ^३ ज्ञानरत मुनि संन्यासी ॥

तीर तीर तुलसिका सुहाई । बृंद बृंद बहु मुनिन्ह लगाई ॥

पुर सोभा कछु बरनि न जाई । बाहेर नगर परम रुचिराई ॥

देखत पुरी अखिल अघ भागा । बन उपबन बापिका तड़ागा ॥

छं०—बापी तड़ाग अनूप कूप मनोहरायत सोहहीं ।

सोपान सुंदर नीर निर्मल देखि सुर^४ मुनि मोहहीं ॥

बहु रंग कंज अनेक खग कूजहि मधुप गुंजारहीं ।

आराम रम्य पिकादि खग रव जनु पथिक हंकारहीं ॥

दो०—राम नाथ जहँ राजा सो पुर बरनि कि जाइ ।

अनिमादिक सुख संपदा रही अवध सब छाइ ॥२९॥

१—प्र० : रुचिर । द्वि० : प्र० [(६) (४) : चारु] । तृ० : प्र० । [च० : चारु] ।

२—प्र० : तिन्हकी । द्वि० : प्र० [(३) (४) (५) : तिन्हके] । [तृ० : तिन्हके] । [च० : (६) जिन्हकी, (५) तिन्हके] ।

३—प्र० : बसहिँ । द्वि०, तृ०, च० : प्र० [(६) सबहिँ] ।

४—[प्र० : सर] । द्वि० : सुर । तृ० : द्वि० । च० : द्वि० [(६) : सर] ।

जहँ तहँ नर रघुपति गुन गावहिं । बैठि परसपर इहै सिखावहिं ॥
 भजहु प्रनत प्रतिपालक रामहि । सोभा सील रूप गुन धामहि ॥
 जलज विलोचन स्यामल गातहि । पलक नयन इव सेवक त्रातहि ॥
 धृत सर रुचिर चाप तूनीरहि । संत कंज वन रवि रनधीरहि ॥
 काल कराल ब्याल खगराजहि । नमत राम अकाम ममता जहि ॥
 लोभ मोह मृग जूथ किरातहि । मनसिज करि हरिजन सुखदातहि १ ॥
 संसय सोक निबिड़ तम भानुहि । दनुज गहन घन दहन कृसानुहि ॥
 जनक सुता समेत रघुवीरहि । कस न भजहु भंजन भव भीरहि ॥
 बहु बासना मसक हिम रासिहि । सदा एक रस अज अबिनासिहि ॥
 मुनि रंजन भंजन महि भारहि । तुलसिदास के प्रभुहि उदारहि ॥
 दो०—येहि विधि नगर नारि नर करहिं राम गुन गान ।

सानुकूल सब पर रहहिं २ संतत कृपानिधान ॥३०॥

जब तैं राम प्रताप खगेसा । उदित भएउ अति प्रबल दिनेसा ॥
 पूरि प्रकास रहेउ तिहुँ लोका । बहुतेन्ह सुख बहुतेन्ह ३ मन सोका ॥
 जिन्हहि ४ सोक ते कहौ बखानी । प्रथम अविद्या निसा नसानी ॥
 अघ उलूक जहँ तहाँ लुकाने । काम क्रोध कैरव सकुचाने ॥
 विविध कर्म गुन काल सुभाऊ । ये चक्रोर सुख लहहिं न काऊ ॥
 मत्सर मान मोह मद चोरा । इन्ह कर हुनर न कवनहुँ ओरा ॥
 धरम तडाग ज्ञान बिज्ञाना । ये पंकज बिकसे बिधि नाना ॥
 सुख संतोष विराग विवेका । बिगत सोक ये कोक अनेका ॥

१—प्र० : [(३) मैं यह तथा इसके ऊपर की अर्द्धाली नहीं है] ।

२—प्र० : द्वि०, तृ०, च० : रहहिं [(३) : रह] ।

३—प्र० : बहुतेन्ह सुख बहुतेन्ह । [द्वि० : (३) बहुतेन्ह सुख बहुतेन्ह, (४) बहुतेहु सुख बहुतेन्ह, (५) बहुतेन्ह सुख बहुतेन्ह, (५अ) बहुतेन्ह सुख बहुतेन्ह] । [तृ० : बहुतेन्ह सुख बहुतेन्ह] । [च० : बहुतेन्ह सुख बहुतेन्ह] ।

४—प्र०, द्वि०, तृ०, च० : जिन्हहि [(३) : दिन्हहि] ।

दो०—येह प्रताप रवि जाकैं उर जब करै प्रकास ।

पछिले बाद्हिं प्रथम जे कहे ते पावहिं नास ॥३१॥

आतन्ह सहित रामु एक बारा । संग परम प्रिय पवनकुमारा ॥

सुंदर उपवन देखन गए । सब तरु कुसुमित पल्लव नए ॥

जानि समय सनकादिक आए । तेजपुंज गुन सील सुहाए ॥

ब्रह्मानंद सदा लयलीना । देखत बालक बहुकालीना ॥

रूप धरें जनु चारिउ बेदा । समदरसी मुनि बिगत बिभेदा ॥

सा बसन व्यसन येह तिन्हहीं । रघुपति चरित होहिं तहँ सुनहीं ॥

तहाँ रहे सनकादि भवानी । जहँ घटसंभव मुनि बर ज्ञानी ॥

राम कथा मुनिबर बहु^१ बरनी । ज्ञान जोति^२ पावक जिमि अरनी ॥

दो०—देखि राम मुनि आवत हरखि दंडवत कीन्ह ।

स्वागत पूँछि पीत पट प्रभु बैठन कहूँ दीन्ह ॥३२॥

कीन्ह दंडवत तीनिउ भाई । सहित पवनसुत सुख अधिकाई ॥

मुनि रघुपति छवि अतुल बिलोकी । भए मगन मन सके न रोकी ॥

स्यामल गात सरोरुह लोचन । सुंदरता मंदिर भव मोचन ॥

एक टक रहे निमेष न लावहिं । प्रभु कर जोरे सीस नवावहिं ॥

तिन्ह कै दसा देखि रघुवीरा । स्रवत नयन जल पुलक सरीरा ॥

कर गहि प्रभु मुनिबर बैठारे । परम मनोहर बचन उचारे ॥

आज धन्य मैं सुनहु मुनीसा । तुम्हरे दरस जाहिं अब स्वीसा ॥

बड़े भाग पाइअ^३ सतसंगा । बिनहिं प्रयास होइ भव भंगा ॥

दो०—संत संग^४ अपवर्ग कर कामी भव कर पंथ ।

कहहिं संत कवि कोविद श्रुति पुरान सब ग्रंथ^५ ॥३३॥

१—प्र० : मुनिबर बहु । द्वि०, तृ०, च० : प्र० [(३) : मुनि बहु विधि] ।

२—[प्र० : ज्ञान जोति] । द्वि० : ज्ञानजोति । तृ०, च० : द्वि० [(८) : ज्ञानजोति] ।

३—प्र० : पाइव । द्वि० : प्र० [(४) (५) (५अ) : पाइअ] । तृ० : पाइअ । च० : तृ० ।

४—प्र० : संग । द्वि० : प्र० । [तृ० : पंथ] । च० : प्र० [(८) : पंथ] ।

५—प्र० : सद्ग्रंथ । द्वि०, तृ० : प्र० । च० : सब ग्रंथ ।

मुनि प्रभु बचन हरषि मुनि चारी । पुलकित तनु अस्तुति अनुसारी ॥
जय भगवंत अनंत अनामय । अनघ अनेक एक करुनामय ॥
जय निर्गुन जयजय गुन सागर । सुख मंदिर सुंदर अति नागर ॥
जय इंदिरारमन जय भूधर । अनुपम अज^२ अनादि सोभाकर ॥
ज्ञान निधान अमान मानप्रद । पावन सुजसु पुरान वेद बद ॥
तज्ञ कृतज्ञ अज्ञता भंजन । नाम अनेक अनाम निरंजन ॥
सर्व सर्वगत सर्व उरालय । वससि सदा हम कहूँ परिपालय ॥
द्वंद्व विपति भव फंद बिभजय । हृदि बसि राम काम मद गंजय ॥

दो०—परमानंद कृपायतन मन पर पूरन काम^३ ।

प्रेम भगति अनपायनी देहु हमहि श्री राम ॥३४॥
देहु भगति रघुपति अति पावनि । त्रिबिधि ताप भव दाप नसावनि ॥
प्रनत काम सुरधेनु^४ कलपतरु । होइ प्रसन्न दीजै प्रभु येह बरु ॥
भव बारिधि कुंभज रघुनाथक । सेवत सुलभ सकल सुख दायक ॥
मनसंभव दारुन दुख दारय । दीनबंधु समता बिस्तारय ॥
आस त्रास इरिषादि निवारकु । बिनय बिबेक बिरति बिस्तारकु ॥
भूपि मौलि मनि मंडन धरनी । देहि भगति संसृति सरि तरनी ॥
मुनि मन मानस हंस निरंतर । चरन कमल बंदित अज संकर ॥
रघुकुल केतु सेतु श्रुति रत्नक । काल कर्म सुभाव गुन भक्षक ॥
तारन तरन हरन सब दूषन । तुलसिदास प्रभु त्रिभुवन भूषन ॥
दो०—बार बार अस्तुति करि प्रेम सहित सिरु नाइ ।

ब्रह्मभवन सनकादि गे अति अभीष्ट बर पइ ॥३५॥

१—प्र० : जय जय गुन सागर । द्वि०, तृ०, च० : प्र० [(६) : जय गुन निधि सागर] ।

२—प्र० : अति अनुपम । द्वि० : प्र० [(३) (४) (५) : अनुपम अज] । तृ० : अनुपम अज ।

च० : तृ० ।

३—प्र० : मन परिपूरन । द्वि०, तृ०, च० : प्र० [(६) : मन पर पूरन] ।

४—प्र० : सुरधेनु । द्वि०, तृ० : प्र० । [च० : (६) धुकधेनु ।

सन्कादिक विधि लोक सिधाए । आतन्ह राम चरन सिरु नाए ॥
 पूछत प्रभुहि सकल सकुचाहीं । चितवहिं सब मारुतसुत पाहीं ॥
 सुनी चहहिं प्रभुमुख कै बानी । जो सुनि होइ सकल अम हानी ॥
 अंतरजामी प्रभु सब जाना । बूझत कहहु काह हनुमाना ॥
 जोरि पानि कह तव हनुमंता । सुनहु दीनदयाल भगवंता ॥
 नाथ भरत कछु पूछन चहहीं । प्रसन्न करत मन सकुचत अहहीं ॥
 तुम्ह जानहु काप मोर सुभाऊ । भरतहि मोहि कछु अंतर काऊ ॥
 सुनि प्रभु वचन भरत गहे चरना । सुनहु नाथ प्रनतारति हरना ॥
 दो०—नाथ न मोहि संदेह कछु सपनेहु सोक न मोह ।

केवल कृपा तुम्हारि हिं कृपानंद संदोह ॥३६॥
 करौं कृपानिधि एक ढिठाई । मैं सेवक तुम्ह जन सुखदाई ॥
 संतन कै महिमा रघुराई । बहु विधि वेद पुरानन्ह^१ गाई ॥
 श्रीमुख तुम्ह पुनि कीन्हि बड़ाई । तिन्ह पर प्रभुहि प्रीति अधिकाई ॥
 सुना चहौं प्रभु तिन्ह कर लक्ष्मन । कृपासिंधु गुन ज्ञान बिचक्ष्मन ॥
 संत असंत भेद बिलगाई । प्रनत पाल मोहि कहहु बुझाई ॥
 संतन्ह के लच्छन सुनु आता । अगनित श्रुति पुरान विख्याता ॥
 संत असंतन्हि कै असि करनी । जिमि कुठार चंदन आचरनी ॥
 काटइ परसु मलय सुनु भाई । निज गुन देइ सुगंध बसाई ॥
 दो०—ता तें सुर सीसन्ह चढ़त जगबल्लभ श्रीखंड ।

अनल दाहि पीटत घनन्हि^२ परसु बदनु येह दंड ॥३७॥
 विषय अलंघत सील गुनाकर । पर दुख दुख सुख सुख देखें पर ॥
 सम अभूतरिपु बिमद बिरागी । लोभामरष हरष भय त्यागी ॥
 कोमल चित दीनन्ह पर दाया । मन बच क्रम मम भगति अमाया ॥
 सबहिं मानप्रद आपु अमानी । भरत प्राण सम मम ते प्राणी ॥

१—प्र० : पुरानन्ह । द्वि०, वृ०, च० : प्र० [(६) : पुरानन्हि] ।

२—प्र० : घनहि । द्वि०, वृ० : प्र० । च० : घनन्हि ।

बिगत काम मम नाम परायन । सांति बिरति बिनती मुदितायन ॥
 सीतलता सरलता मइत्री । द्विज प्रद प्रीति धरम जनयित्री १ ॥
 ये सब लच्छन बसहिं जासु उर । जानेहु तात संत संतत फुर ॥
 सम दस नियम नीति नहिं डोलहिं । परुष बचन कबहूँ नहिं बोलहिं ॥
 दो०—निंदा अस्तुति उभय सुम ममता मम पद कंज ।

ते सज्जन मम प्रान प्रिय गुनमंदिर सुखपुंज ॥३८॥
 सुनहु असंतन्ह केर सुभाऊ । भूलेहु संगति करिअ न काऊ ॥
 तिन्ह कर सग सदा दुखदाई । जिमि कपिलहि घालइ हरहाई ॥
 खलन्ह हृदयँ अति ताप बिसेषी । जरहिं सदा पर संपति देखी ॥
 जहँ कहूँ निंदा सुनहिं पराई । हरषहिं मनहूँ परी निधि पाई ॥
 काम क्रोध मद लोभ परायन । निर्दय कपटी कुटिल मलायन ॥
 बयरु अकारन सब काहू सों । जो कर हित अनहित ताहू सों ॥
 भूठइ लेना भूठइ देना । भूठइ भोजन भूठ चवेना ॥
 बोलहिं मधुर बचन जिमि मोरा । खाइ महा अहि हृदय कठोरा ॥
 दो०—पर द्रोही पर दार रत पर धन पर अपवाद ।

ते नर पावँर पाप मय देह धरे मनुजाद ॥३९॥
 लोभइ ओढ़न लोभइ डासन । सिस्नोदर पर जमपुर त्रास न ॥
 काहूँ कै जौ सुनहिं बड़ाई । स्वास लेहिं जनु जूड़ी आई ॥
 जब काहूँ कै देखहिं बिपती । सुखी भए मानहूँ जग नृपती ॥
 स्वारथरत परिवार बिरोधी । लंपट काम लोभ अति क्रोधी ॥
 मातु पिता गुर बिप्र न मानहिं । आपु गए अरु घालहिं आनहिं ॥
 करहिं मोहबस द्रोह परावा । संत संग हरिकथा न भावा ॥
 अवगुन सिंधु मंदमति कामी । वेद बिदूषक पर धन स्वामी ॥
 बिप्रद्रोह सुरद्रोह २ बिसेषा । दंभ कपट जिय धरें सुबेषा ॥

१—प्र० : जनयित्री । द्वि० : प्र० । [वृ० : जनजत्री] । च० : प्र० [(२) : जनजत्री] ।

२—प्र० : परद्रोह । द्वि० : प्र० । वृ० : सुरद्रोह । च० : वृ० ।

दो०—ऐसे अधम मनुज खल कृतजुत जेता नाहिं ।

द्वापर कछुक बृंद बहु होइहहिं कलिजुग माहिं ॥४०॥

परहित सरिस धर्म नहिं भाई । पर पीड़ा सम नहिं अधमाई ॥

निर्नय सकल पुरान वेद कर । कहेउं तात जानहिं कोविद नर ॥

नर सरीर धरि जे पर पीरा । करहिं ते सहहिं महा भव भीरा ॥

करहि मोह बस नर अध नाना । स्वारथ रत परलोक नसाना ॥

काल रूप तिन्ह कहूँ मैं आता । सुभ अरु असुभ कर्म फल दाता ॥

अस बिचारि जे परम सयाने । भजहिं मोहि संसृति दुख जाने ॥

त्यागहिं कर्म सुभासुभ दायक । भजहिं मोहि सुर नर मुनि नायक ॥

संत असंतन्ह के गुन भाषे । ते न परहिं भव जिन्ह लखि राखे ॥

दो०—सुनहु तात मायाकृत गुन अरु दोष अनेक ।

गुन यह उभय न देखिअहि देखिअ सो अविवेक ॥४१॥

श्रीमुख वचन सुनत सब भाई । हरषे प्रेमु न हृदयँ समाई ॥

करहिं विनय अति बारहिं बारा । हनुमान हियँ हरष अपारा ॥

पुनि रघुपति निज मंदिर गए । येहि बिधि चरित करत नित नए ॥

बार बार नारद मुनि आवहिं । चरित पुनीत राम के गावहिं ॥

नित नव चरित देखि मुनि जाहीं । ब्रह्मलोक सब कथा कहाहीं ॥

सुनि बिरंचि अतिसयर सुख मानहिं । पुनि पुनि तात करहु गुन गानहिं ॥

सनकादिक नारदहि सराहहिं । जद्यपि ब्रह्मनिरत मुनि आहहिं ॥

सुनि गुन गान समाधि बिसारी । सादर सुनहिं परम अधिकारी ॥

दो०—जीवनमुक्त ब्रह्मपर चरित सुनहिं तजि ध्यान ।

जे हरि कथा न करहि रति तिन्ह के हिय पाषाण ॥४२॥

१—प्र० : परहिं । द्वि०, तृ०, च० : प्र० [(इ) : परिहि*] ।

२—प्र० : अतिसय । द्वि०, तृ०, प्र० । [च० : (इ) सुर अति, (न) अति सो] ।

एक बार रघुनाथ बोलाए । गुरु द्विज पुरवासी सब आए ॥
 बैठे गुरु मुनि अरु द्विज सज्जन । बोले वचन भगत भवर भंजन ॥
 सुनहु सकल पुरजन मम बानी । कहौं न कछु ममता उर आनी ॥
 नहिं अनीति नहिं कछु प्रभुताई । सुनहु करहु जौ तुम्हहि सुहाई ॥
 सोइ सेवक प्रियतम मम सोई । मम अनुसासन मानइ जोई ॥
 जौ अनीति कछु भाषौ भाई । तौ मोहि बरजहु भय बिसराई ॥
 बड़े भाग मानुष तनु पावा । सुर दुर्लभ सब ग्रंथन्हि गावा ॥
 साधन धाम मोक्ष कर द्वारा । पाइ न जेहि परलोक सँवारा ॥
 दो०—सो परत्र दुख पावइ सिर धुनि धुनि पछिताइ ।

कालहि कर्महि ईस्वरहि मिथ्या दोष लगाइ ॥४३॥
 येहि तन कर फल विषय न भाई । स्वर्गौं स्वल्प अंत दुखदाई ॥
 नर तनु पाइ विषय मन देहीं । पलटि सुधा ते सठ बिष लेहीं ॥
 ताहि कबहुँ भल कहइ न कोई । गुंजा ग्रहैर परसमनि खोई ॥
 आकर चारि लच्छ चौरासी । जीव अमृत येह जिव अविनासी ॥
 फिरत सदा माया कर प्रेरा । काल कर्म सुभाव गुन घेरा ॥
 कबहुँक करि करुना नर देही । देत ईस बिनु हेतु सनेही ॥
 नर तनु भव बारिधि कहुँ बेरो । सन्मुख मरुत अनुग्रह मेरो ॥
 करनधार सदगुर दृढ़ नावा । दुर्लभ साज सुलभ करि पावा ॥
 दो०—जो न तरइ भवसागर नर समाज अस पाइ ।

सो कृतनिदक मंदमति आत्महन* गति जाइ ॥४४॥

१—प्र० : गुरु मुनि अरु द्विज । द्वि० : प्र० । [त० : सदसि अनुज मुनि] । च० : प्र०
 [(३) : सदसि अनुज मुनि] ।

२—प्र० : भव । द्वि० : प्र० [(४) : भय । [त०, च० : भय] ।

३—प्र० : ग्रहै । द्वि० : प्र० [(३) (४) (५) : ग्रहै] । [त० : ग्रहै] । च० : प्र० [(८) : ग्रहै] ।

४—प्र० : आत्महन । द्वि० : आत्महन [(३) (५) : आत्महन] । त०, च० : द्वि० [(६) :
 आत्महन] ।

जौ परलोक इहाँ सुख चहहू । सुनि मम बचन हृदय दृढ़ गहहू ॥
 सुलभ सुखद मारग येह भाई । भगति मोरि पुरान श्रुति गाई ॥
 ज्ञान अगम प्रत्यूह अनेका । साधन कठिन न मन कहूँ टेका ॥
 करत कष्ट बहु पावइ कोऊ । भक्ति हीन प्रिय मोहिं न^१ सोऊ ॥
 भक्ति सुतंत्र सकल सुख खानी । बिनु सतसंग न पावहिं प्रानी ॥
 पुन्य पुंज बिनु मिलहिं न संता । सतसंगति संसृति कर अंता ॥
 पुन्य एक जग महुँ नहिं दूजा । मन क्रम बचन बिप्र पद पूजा ॥
 सानुकूल तेहि पर मुनि देवा । जो तजि कपटु करइ द्विज सेवा ॥
 दो०—अौरौ एक गुप्त मत सबहि कहौ कर जोरि ।

संकर भजन बिना नर भगति न पावइ मोरि ॥४५॥
 कहहु भगति पथ कवन प्रयासा । जोग न मख जप तप उपवासा ॥
 सरल सुभाव न मन कुटिलाई । जथालोभ संतोष सदाई ॥
 मोर दास कहाइ नर आसा । करइ तौ कहहु कहौ बिस्वासा ॥
 बहुत कहौ का कथा बढ़ाई । येहि आचरन बस्य मै भाई ॥
 बैर न बिग्रह आस न त्रासा । सुखमय ताहि सदा सब आसा ॥
 अनारंभ अनिकेत अमानी । अनघ अरोष दक्ष बिज्ञानी ॥
 प्रीति सदा सज्जन संसर्गा । तृन सम विषय स्वर्ग अपवर्गा ॥
 भगति पक्ष हठ नहिं सठताई । दुष्ट तर्क सब दूरि बहाई ॥
 दो०—मम गुन ग्राम नाम रत गत ममता मद मोह ।

ता कर सुख सोइ जानइ परानंद संदोह ॥४६॥
 सुनत सुधा सम बचन राम के । गहे सर्वान पद कृपाधाम के ॥
 जननि जनक गुर बंधु हमारे । कृपानिधान प्राण ते प्यारे ॥
 तनु धनु धाम राम हितकारी । सब विधि तुम्ह प्रनतारतिहारी ॥
 अस सिख तुम्ह बिनु देइ न कोऊ । मातु पिता स्वारथ रत ओऊ ॥

हेतु रहित जग जुग उपकारी । तुम्ह तुम्हार सेवक असुरारी ॥
स्वारथ मीत सकल जग माहीं । सपनेहुँ प्रभु परमारथ नाहीं ॥
सब के बचन प्रेम रस साने । सुनि रघुनाथ हृदय हरषाने ॥
निज निज गृह गए आयेसु पाई । वरनत प्रभु बतकही सुहाई ॥
दो०—उमा अवधवासी नर नारि कृतारथ रूप ।

ब्रह्म सच्चिदानंद धन रघुनायक जहँ भूप ॥४७॥
एक बार बसिष्ठ मुनि आए । जहाँ राम सुखधाम सुहाए ॥
अति आदर रघुनायक कीन्हा । पद पखारि चरनोदकर लीन्हा ॥
राम सुनहु मुनि कह कर जोरी । कृपासिंधु विनती कछु मारी ॥
देखि देखि आचरन तुम्हारा । होत मोह मम हृदय अपारा ॥
महिमा अमित बेद नहि जाना । मैं केहि भाँति कहौ भगवाना ॥
उपरोहिती१ कर्म अति मंदा । बेद पुरान सुमृति कर निंदा ॥
जब न लेउँ मैं तब विधि मोही । कहा लासु आगे सुत तोही ॥
परमात्मा ब्रह्म नररूपा । होइहि रघुकुल भूषन भूपा ॥

दो०—तब मैं हृदय बिचारा जोग जज्ञ व्रत दान ।

जा कहूँ करिअ सो पैहौँ धर्म न येहि सम आन ॥४८॥
जप तप नियम जोग निज धर्मा । श्रुति संभव नाना सुभ कर्मा ॥
ज्ञान दया दम तीरथ मज्जन । जहँ लागि धर्म कहत श्रुति सज्जन ॥
आगम निमम पुरान अनेका । पढ़े सुने कर फल प्रभु एका ॥
तब पद पंकज प्रीति निरंतर । सब साधन कर येह फल सुंदर ॥
छूटइ मल कि मलहि केँ धोयें । घृत कि पाव कोउ४ बारि बिलोएँ ॥
प्रेम भगति जल बिनु रघुराई । अभिअंतर मल कबहुँ न जाई ॥

१—प्र० : निज निज गृह गए । द्वि०, तृ०, च० : प्र० [(३) : निज गृह गए सु] ।

२—प्र० : पादोपक । द्वि०, तृ० : प्र० । च० : चरनोदक ।

३—[प्र० : उपरोहित] । द्वि० : उपरोहिती । तृ०, च० : द्वि० ।

४—प्र० : कोइ । द्वि० : प्र० [(४) (५) : कोउ । च० : तृ० ।

सोइ सर्वज्ञ तज्ञ सोइ पंडित । सोइ गुन गृह बिज्ञान अखंडित ॥
 दक्ष सकल लक्षण जुत सोई । जाकें पद सरोज रति होई ॥
 दो०—नाथ एक वर मागौं राम कृपा करि देहु ।

जन्म जन्म प्रभु पद कमल कबहुँ घटै जनि नेहु ॥४६॥
 अस कहि मुनि बसिष्ठ गृह आए । कृपासिंधु कें मन अति भाए ॥
 हनुमान भरतादिक आता । संग लिए सेवक सुखदाता ॥
 पुनि कृपाल पुर बाहेर गए । गज रथ तुरग मँगावत भए ॥
 देखि कृपा करि सकल सराहे । दिए उचित जिन्ह जिन्ह तेइ १ चाहे ॥
 हरन सकल स्रम प्रभु स्रम पाई । गए जहाँ सीतल अवैराई ॥
 भरत दीन्ह निज बसन डसाई । बैठे प्रभु सेवहिं सब भाई ॥
 मारुतसुत तब मारुत करई । पुलक बपुष लोचन जल भरई ॥
 हनुमान समान २ बड़ भागी । नहिं कोउ राम चरन अनुरागी ॥
 गिरिजा जासु प्रीति सेवकाई । बार बार प्रभु निज मुख गाई ॥
 दो०—तेहि अवसर मुनि नारद आए करतल बीन ।

गावन लागे राम कल कीरति सदा नवीन ॥५०॥
 मामवलोक्य पंकज लोचन । कृपा बिलोकनि सोच ३ बिमोचन ॥
 नील तामरस स्याम कामअरि । हृदय कंज मकरंद मधुप हरि ॥
 जातुधान बरूथ बल भंजन । मुनि सज्जन रंजन अथ गंजन ॥
 भूसुर ससि नव वृंद बलाहक । असरन सरन दीन जन गाहक ॥
 भुजबल विपुल भार महि खंडित । खर दूषन विराध बध पंडित ॥
 रावनारि सुख रूप भूप वर । जय दसरथ कुल कुमुद सुधाकर ॥
 सुजसु पुरान बिदित निगमागम । गावत सुर मुनि संत समागम ॥

१—प्र० : तेइ । द्वि० : प्र० [(३) (४) (५) : जेइ] । [वृ०, च० : जेइ] ।

२—प्र० : सम नहिं । द्वि०, वृ० : प्र० । च० : समान ।

३—प्र० : सोच । द्वि०, वृ०, च० : प्र० [(६) : सोक] ।

कारुणीक व्यलीक^१ मद खंडन । सब विधि कुसल कोसला मंडन ॥
कलि मल मथन नाम ममताहन । तुलसिदास प्रभु पाहि प्रनत जन ॥
दो०—प्रेम सहित सुनि नारद बरनि राम गुन ग्राम ।

सोभासिंधु हृदयँ धरि गए जहाँ विधि धाम ॥५१॥

गिरिजा सुनहु विसद येह कथा । मैं सब कही मोरि मति जथा ॥
रामचरित सत कोटि अपारा । श्रुति सारदा न बरनै पारा ॥
रामु अनंत अनंत गुनानी । जन्म कर्म अनंत नामानी ॥
जल सीकर महि रज गनि जाहीं । रघुपति चरित न बरनि सिराहीं ॥
बिमल कथा हरिपद दायनी । भगति होइ सुनि अनपायनी ॥
उमा कहेउँ सब कथा सुहाई । जो भुसुंछि खगपतिहि सुनाई ॥
कछुक राम गुन कहेउँ बखानी । अब का कहौ सो कहहु भवानी ॥
सुनि सुभ कथा उमा हरषानी । बोलीं अति विनीत मृदु बानी ॥
धन्य धन्य मैं धन्य पुरारी । सुनेउँ राम गुन भव भय हारी ॥

दो०—तुम्हरी कृपा कृपायतन^२ अब कृतकृत्य न मोह ।

जानेउँ राम प्रताप प्रभु चिदानंद संदोह ॥

नाथ तवानन ससि खवत कथा सुधा रघुवीर ।

श्रवन पुटन्हि मन पान करि नहिं अघात मतिधीर ॥५२॥

रामचरित जे सुनत अघाहीं । रस बिसेष जाना तिन्ह नाहीं ॥
जीवन्मुक्त महामुनि जेऊ । हरि गुन सुनहिं निरंतर तेऊ ॥
भवसागर चह पार जो पावा । राम कथा ता कहूँ दृढ़ नावा ॥
बिषइन्ह कहँ पुनि हरि गुन ग्रामा । खवन सुखद अरु मन अभिरामा ॥
खवनवंत अस को जग माहीं । जाहि न रघुपति चरित सुहाहीं ॥
ते जड़ जीव निजात्मक^३ घाती । जिन्हहि न रघुपति कथा सोहाती ॥

१—प्र० : व्यलीक । द्वि० : प्र० [(५अ) : व्यालिक] । [तृ०, च० : बालिक] ।

२—प्र० : कृपायतन । द्वि०, तृ०, च० : प्र० [(६) कृपालमइ] ।

३—प्र० : निजात्मक । द्वि० : प्र० [(३) (४) (५) : निजातम] । [तृ० : निजातम] ।

च० : प्र० [(८) : निलज कुल] ।

हरिचरित्रमानस^१ तुम्ह गावा । सुनि मैं नाथ अमित सुख पावा ॥
 तुम्ह जो कही यह कथा सुहाई । कागभुसुंड़ि गरुड़ प्रति गाई ॥
 दो०—विरति ज्ञान विज्ञान दृढ़ राम चरन^२ अति नेह ।

बायस तन रघुपति भगति मोहि परम संदेह ॥५३॥
 नर सहस्र महँ सुनहु पुरारी । कोउ एक होई धर्मव्रत धारी ॥
 धर्मसील कोटिक महँ कोई । बिषय बिमुख विराग रत होई ॥
 कोटि विरक्त मध्य श्रुति कहई । सम्यक ज्ञान सकृत् कोउ लहई ॥
 ज्ञानवंत कोटिक महँ कोऊ । जीवन्मुक्त सकृत् जग सोऊ ॥
 तिन्ह सहस्र महँ सब सुख खानी । दुर्लभ ब्रह्मलीन बिज्ञानी ॥
 धर्मसील विरक्त अरु ज्ञानी । जीवन्मुक्त ब्रह्म पर प्रानी ॥
 सब तैं सो दुर्लभ सुरराया । राम भगति रत गत मद माया ॥
 सो हरि भगति काग किमि पाई । बिस्वनाथ मोहि कहहु बुझाई ॥
 दो०—राम परायन ज्ञान रत गुनागार मति धीर ।

नाथ कहहु केहि कारन पाएउ काग सरीर ॥५४॥
 यह प्रभु चरित पवित्र सुहावा । कहहु कृपाल काग कहँ पावा ॥
 तुम्ह केहि भौंति सुना मदनारी । कहहु मोहि अति कौतुक भारी ॥
 गरुड़ महा ज्ञानी गुनरासी । हरिसेवक अति निकट निवासी ॥
 तेहि केहि हेतु काग सन जाई । सुनी कथा सुनि निकर बिहाई ॥
 कहहु कवन बिधि भा संवादा । दोउ हरि भगत काग उरगादा ॥
 गौरि गिरा सुनि सरल सुहाई । बोले सिव सादर सुख पाई ॥
 धन्य सती पावनि मति तोरी । रघुपति चरन प्रीति नहिं थोरी ॥
 सुनहु परम पुनीत इतिहासा । जो सुनि सकल लोक अम नासा ॥
 उपजइ राम चरन बिस्वासा । भवनिधि तर नर बिनहिं प्रयासा ॥

१—प्र० : हरिचरित्र । द्वि० : प्र० । [तृ० : रामचरित] । च० : प्र० ।

२—प्र० : रामचरन । द्वि०, तृ०, च० : प्र० [(६) : रामचरन] ।

दो०—ऐसिअ प्रसन्न बिहंगपति कीन्ह काग सन जाइ ।

सो सब सादर कहिहौं सुनुहु उमा मन लाइ ॥५५॥
मैं जिमि कथा सुनी भव मोचनि । सो प्रसंग सुनु सुमुखि सुलोचनि ॥
प्रथम दत्त गृह तव अवतारा । सती नाम तव रहा तुम्हारा ॥
दत्त जज्ञ तव भा अपमाना । तुम्ह अति क्रोध तजे तब प्राणा ॥
मम अनुचरन्ह कीन्ह मख भंगा । जानहु तुम्ह सो सकल प्रसंगा ॥
तब अति सोच भएउ मन मोरे । दुखी भएउं बियोग प्रिय तारे ॥
सुंदर बन गिरि सरित तड़ागा । कौतुक देखत फिरौं बेरागा ? ॥
गिरि सुमेरु उत्तर दिसि दूरी । नील सैल एक सुंदर भूरी ॥
तासु कनकमय सिखर सुहाए । चारि चारु मोरे मन भाए ॥
तिन्ह पर एक एक बिटप बिसाला । बट पीपर पाकरी रसाला ॥
सैलोपरि सर सुंदर सोहा । मनि सोपान देखि मन मोहा ॥
दो०—सीतल अमल मधुर जल जलज बिपुल बहु ग ।

कूजत कलरव हंस गन गुंजत मंजुल भृंग ॥५६॥
तेहि गिरि रुचिर बसइ खग सोई । तासु नास कलपांत न होई ॥
मायाकृत गुन दोष अनेका । मोह मनोज आदि अविबेका ॥
रहे ब्यापि समस्त जग माहीं । तेहि गिरि निकट कबहुँ नहिं जाहीं ॥
तहँ बसि हरिहि भजइ जिमि कागा । सो सुनु उमा सहित अनुरागा ॥
पीपर तरु तर ध्यान सो धरई । जाप जज्ञ पाकरि तर करई ॥
आवँ छाँह कर मानस पूजा । तजि हरि भजनु काजु नहिं दूजा ॥
बर तर कह हरि कथा प्रसंगा । आर्वाहिं सुनहिं^२ अनेक बिहंगा ॥
राम चरित बिचित्र बिधि नाना । प्रेम सहित कर सादर गाना ॥
सुनहिं सकल मति बिमल मराला । बसहिं निरंतर जे तेहि काला ॥

१—प्र० : फिरौं बेरागा । [द्वि० : फिरौं बिरागा] । [तृ० : फिरौं बिभागा] । च० : प्र०

[(६) फिरौं बिरागा] ।

२—प्र० : सुनहिं । द्वि०, तृ०, च० : प्र० [(६) : सुनै] ।

जब मैं जाइ सो कौतुक देखा । उर उपजा आनंद बिसेषा ॥
दो०—तब कछु काल मराल तनु धरि तहँ कीन्ह निवास ।

सादर सुनि रघुपति गुन पुनि आएउँ कैलास ॥५७॥
गिरिजा कहेउँ सो सब इतिहासा । मैं जेहिं समय गएउँ खग पासा ॥
अब सो कथा सुनहु जेहिं हेतू । गए काग पहिं खगकुल केतू ॥
जब रघुनाथ कीन्ह रन क्रीड़ा । समुझत चरित होत मोहि ब्रीड़ा ॥
इंद्रजीत कर आपु बँधायो । तब नारद मुनि गरुड़ पठायो ॥
बंधन काटि गयो उरगादा । उपजा हृदयँ प्रचंड विषादा ॥
प्रभु बंधन समुझत बहु भाँती । करत बिचार उरगआराती ॥
ब्यापक ब्रह्म बिरज बागीसा । माया मोह पार परमीसा ॥
सो अवतरा सुनेउँ जग माहीं । देखेउँ सो प्रभाव कछु नाहीं ॥
दो०—भव बंधन तैं छूटहिं नर जपि जा कर नाम ।

खर्ब निसाचर बाँधेउ नागपास सोइ राम ॥५८॥
नाना भाँति मनहि समुझावा । प्रगट न^१ ज्ञान हृदयँ भ्रम छावा ॥
खेद खिन्न मन तर्क बढ़ाई । भएउ मोह बस तुम्हरिहिं नाई ॥
ब्याकुल गएउ देवरिषि पाहीं । कहेसि जो संसय निज मन भाँहीं ॥
सुनि नारदहि लागि अति दाय। सुनु खग प्रबल राम कै माया ॥
जो ज्ञानिन्ह कर चित अपहरई । बरिआई बिमोह मन करई ॥
जेहि बहु बार नचावा मोहीं । सोइ ब्यापी बिहंगपति तोहीं ॥
महामोह उपजा उर तोरे । मिटिहि न बेगि कहे खग मोरे ॥
चतुरानन पहिं जाहु खगेसा । सोइ करहु जेहि होइ^२ निदेसा ॥
दो०—अस कहि चले देवरिषि करत राम गुन गान ।

हरि माया बल बरनत पुनि पुनि परम सुजान ॥५९॥

१—प्र०, दि०, वृ०, च० : प्रगट न [(६) प्रगटत] ।

२—प्र० : सोइकरहु जेहि होइ निदेसा । दि० : प्र० । [वृ० : सोइ करहु जो देहि निदेसा] ।
[च० : (६) सोइ करहु जो देहि निदेसा, (८) रहै न मोह निसा लव लेसा] ।

तव खगपति विरंचि पहिं गएऊ । निज संदेह सुनावत भएऊ ॥
 सुनि विरंचि रामहि सिरु नावा । समुझि प्रताप प्रेम उर^१ छावा ॥
 मन महुँ करइ विचार विधाता । मायाबस कवि कोविद ज्ञाता ॥
 हरि माया कर अमित प्रभावा । विमुल वार जेहि मोहिं नचावा ॥
 अगजग मय जग^२ मम उपराजा । नहिं आचरज मोह खगराजा ॥
 तव बोले विधि गिरा सुहाई । जान महेस राम प्रभुताई ॥
 बैनतेय संकर पहिं जाहू । तात अनत पूछहु जनि काहूँ ॥
 तहँ होइहि सब संसय हानी । चलेउ बिहंग सुनत विधि बानी ॥

दो०—परमातुर बिहंगपति आएउ तव मो^३ पास ।

जात रहेउँ कुबेर गृह रहिहु उमा कैलास ॥ ६० ॥

तेहि मम पद सादर सिरु नावा । पुनि आपन संदेह सुनावा ॥
 सुनि ताकरि बिनती^४ मृदु बानी । प्रेम सहित मैं कहेउँ भवानी ॥
 मिलेहु गरुड़^५ मारग महुँ मोही । कवन भाँति समुझावौं तोहीं ॥
 तबहि होइ सब संसय भंगा । जब बहु काल करिअ सतसंगा ॥
 सुनिअ तहाँ हरि कथा सुहाई । नाना भाँति मुनिन्ह जो गाई ॥
 जेहि महुँ आदि मध्य अवसाना । प्रभु प्रतिपाद्य राम भगवाना ॥
 नित हरि कथा होति जहँ भाई । पठवौं तहाँ सुनहु तुम्ह जाई ॥
 जाइहि सुनत सकल संदेहा । राम चरन होइहि अति नेहा ॥

दो०—बिनु सतसंग न हरि कथा तेहि बिनु मोह न भाग ।

मोह गए बिनु राम पद होइ न दृढ़ अनुराग ॥ ६१ ॥

१—प्र० : अति । द्वि० : प्र० । तृ० : उर । च० : तृ० ।

२—प्र० : मय जग । द्वि० : प्र० । [तृ० : मय सब] । च० : प्र० [(न) : माया] ।

३—प्र० : मो । [द्वि०, तृ०, च० : मोहि] ।

४—प्र०, द्वि०, तृ०, च० : बिनती [(इ) : बिनती] ।

५—प्र०, द्वि०, तृ०, च० : गरुड़ [(इ) : गरुर] ।

मिलहिं न रघुपति बिनु अनुरागा । किँ जोग जप^१ ज्ञान बिरागा ॥
 उत्तर दिसि सुंदर गिरि नीला । तहँ रह काग भुसुंढि सुसीला ॥
 राम भगति पथ परम प्रबीना । ज्ञानी गुनगृह बहुकालीना ॥
 राम कथा सो कहइ निरंतर । सादर सुनहिं विविध बिहंग बर ॥
 जाइ सुनहु तहँ हरिगुन भूरी । होइहि मोहजनित दुख दूरी ॥
 मैं जब तेहि सब कहा बुझाई । चलेउ हरषि मम पद सिरु नाई ॥
 ता तैं उमा न मैं समुझावा । रघुपति कृपा मरम मैं पावा ॥
 होइहि कीन्ह कबहुँ अभिमाना । सो खोवै चह कृपानिधाना ॥
 कछु तेहि तैं पुनि मैं नहिं राखा । समुझइ खग खग ही कै भाषा ॥
 प्रभु माया बलवंत भवानी । जाहि न मोह कवन अस ज्ञानी ॥
 दो०—ज्ञानी भगत सिरोमनि त्रिभुवन पति कर जान ।

ताहि मोह माया नर पाँवर करहिं गुमान ॥

सिव विरंचि कहँ मोहै^२ को है वपुरा आन ।

अस जिय जानि भजहिं मुनि मायापति भगवान ॥६२॥

गएउ गरुड़ जहँ बसइ भुसुंढी^३ । मति अकुंठ हरि भगति अखंडी^३ ॥
 देखि सैल प्रसन्न मन भएऊ । माया मोह सोच सब गएऊ ॥
 करि तडाग मज्जन जल पाना । बट तर गएउ हृदयँ हरषाना ॥
 वृद्ध वृद्ध बिहंग तह आए । सुनइ राम के चरित सुहाए ॥
 कथा अरंभ करइ सोइ चाहा । तेही समय गएउ खगनाहा ॥
 आवत देखि सकल खगराजा । हरषेउ बायस सहित समाजा ॥
 अति आदर खगपति कर कीन्हा । स्वागत पूँछि सुआसन दीन्हा ॥
 करि पूजा समेत अनुरागा । मधुर बचन तब बोलेउ कागा ॥

१—प्र० : तप । द्वि० : प्र० [(३) (४) (५) : जप] । तृ० : जप । च० : तृ० ।

२—प्र० : मोहै । द्वि० : प्र० । [तृ० : मोह है] । च० : प्र० [(च) : मोह है] ।

३—प्र० : भुसुंढा । द्वि० : प्र० [(३) (५) (५अ) : भुसुंढी, अखंडी] । तृ० : भुसुंढी, अखंडी । च० : तृ० ।

दो०—नाथ कृतारथ भएउँ मई तव दरसन खगराज ।
 आयेसु देहु सो करौं अब प्रभु आएहु केहि काज ॥
 सदा कृतारथ रूप तुम्ह कह मुदु बचन खगेस ।
 जेहि कैः अस्तुति सादर निज मुख कीन्हि महेस ॥ ६३ ॥

सुनहु तात जेहि कारन२ आएउँ । सो सब गएउ दरस तव पाएउँ ॥
 देखि परम पावन तव आस्रम । गएउ मोह संसय नाना भ्रम ॥
 अब श्री राम कथा अतिपावनि । सदा सुखद दुख पूग३ नसावनि ॥
 सादर तात सुनावहु मोही । बार बार विनवौं प्रभु तोही ॥
 सुनत गरुड़ कै गिरा विनीता । सरल सुप्रेम सुखद सुपुनीता ॥
 भएउ तासु मन परम उछाहा । लाग कहइ रघुपति गन गाहा ॥
 प्रथमहिं अति अनुराग भवानी । राम चरित सर कहेसि बखानी ॥
 पुनि नारद कर मोह अपारा । कहेसि बहुरि रावन अवतार ॥
 प्रभु अवतार कथा पुनि गाई । तब सिसु चरित कहेसि मन लाई ॥
 दो०—बाल चरित कहि विविध विधि मन महुँ परम उछाह ।

रिषि आगमन कहेसि पुनि श्री रघुवीर विवाह ॥ ६४ ॥

बहुरि राम अभिषेक प्रसंगा । पुनि नृप बचन राज रस भंगा ॥
 पुर बासिन्ह कर बिरह विषादा । कहेसि राम लछिमन संवादा ॥
 बिपिन गवनु केवट अनुरागा । सुरसरि उतरि निवास प्रयागा ॥
 बालमीकि प्रभु मिलन बखाना । चित्रकूट जिमि बसे भगवाना ॥
 सचिवागवन नगर नृप मरना । भरतागवन प्रेम बहु वरना ॥
 करि नृप क्रिया संग पुरबासी । भरत गए जहँ प्रभु सुखरासी ॥

१—प्र० : जेहिकै । द्वि० : प्र० [(३) (४) (५) : जिन्हकै] । [तु० : जेहिकी] । च० : प्र०
 [(न) : जेहिकी] ।

२—प्र० : कारन । द्वि०, तु०, च० : प्र० [(६) : कारज] ।

३—प्र० : पूग । [द्वि०, तु० : पुंज] । च० : प्र० [(न) : पुंज] ।

पुनि रघुपति बहु विधि समुभाए । लै पादुका अवधपुर आए ॥
भरत रहनि सुरपतिमुत करनी । प्रभु अरु अत्रि भेंट पुनि बरनी ॥
दो०—कहि बिगग बध जेहि^१ विधि देह तजी सरभंग ।

बरनि सुतीछन प्रीति पुनि प्रभु अगस्ति सन^२ संग ॥ ६५ ॥
कहि दंडक वन पावनताई । गीध मइत्री पुनि तेहि गाई ॥
पुनि प्रभु पंचवटी कृत वासा । भंजी सकल मुनिन्ह की त्रासा ॥
पुनि लछिमन उपदेस अनूपा । सूपनखा जिमि कीन्हि कुरूपा ॥
खरदूषन बध बहुरि बखाना । जिमि सबु मरमु दसानन जाना ॥
दसकंधर मारीच बतकही । जेहि विधि भई सो सब तेहि कही ॥
पुनि माया सीता कर हरना । श्रीरघुवीर विरह कछु बरना ॥
पुनि प्रभु गीध क्रिया जिमि कीन्ही । बधि कबंध सबरिहि गति दीन्ही ॥
बहुरि विरह बरनत रघुवीरा । जेहि विधि गए सरोवर तीरा ॥
दो०—प्रभु नारद संवाद कहि मारुति मिलन प्रसंग ।

पुनि सुग्रीव मिताई^३ बालि प्रान कर भंग ॥

कपिहि तिलक करि प्रभु कृत^४ सैल प्रवरषन बास ।

बरनव^५ बरषा सरद ऋतु^६ राम रोष कपि त्रास ॥ ६६ ॥

जेहि विधि कपिपति कीस पठाए । सीता खोज सकल दिसि धाए^७ ॥
बिबर प्रवेस कीन्ह जेहि भाँती । कपिन्ह बहोरि मिला संपाती ॥
सुनि सब कथा समीरकुमारा । नाँघत भएउ पयोधि अपारा ॥
लंका कपि प्रवेस जिमि कीन्हा । पुनि सीतहि धीरजु जिमि दीन्हा ॥

१—प्र० : जेहि । द्वि० : प्र० । [तु० : जाहि] । च० : प्र० ।

२—प्र० : सन । द्वि० : प्र० । [तु० : सत] । च० : प्र० ।

३—प्र० : मिताई । द्वि० : प्र० । [तु० : मिताइ कहि] । च० : प्र० ।

४—प्र० : करि प्रभु कृत । द्वि० : प्र० । [तु० : करि प्रभु जुकृत] । च० : प्र० [(न) : करीप्रभु] ।

५—प्र० : बखन । द्वि० : प्र० [(५अ) : बरनत] । [तु० : बखे] । च० : प्र० [(६) : बरनत] ।

६—प्र० : ऋतु । द्वि० : प्र० [(३) (४) (५) : अरु] । तु०, च० : प्र० [(६) : कर] ।

७—प्र० : खोज सकल दिसि धाए । द्वि०, तु०, च० : प्र० [(६) : खोजन सकल सिधाए] ।

वन उजारि रावनहि प्रबोधी । पुर दहि नाँघेउ बहुरि पयोधी ॥
 आए कपि सब जहँ रघुराई । वैदेही की कुसल सुनाई ॥
 सेन समेत जथा रघुवीरा । उतरे जाइ बारिनिधि तीरा ॥
 मिला विभीषनु जेहि विधि आई । सागर निग्रह कथा सुनाई ॥
 दो०—सेतु बाँधि कपि सेन जिमि उतरी सागर पार ।

गएउ बसीठी वीर वर जेहि विधि बालिकुमार ॥

निसिचर कीस लराई^१ बरनिसि विविध प्रकार ।

कुंभकरन घननाद कर बल पौरुष संधार ॥ ६७ ॥

निसिचर निकर मरन विधि नाना । रघुपति रावन समर बखाना ॥
 रावन बध मंदोदरि सोका । राजु विभीषन देव असोका ॥
 सीता रघुपति मिलन बहोरी । सुरन्ह कीन्हि अस्तुति कर जोरी ॥
 पुनि पुष्पक चढ़ि कपिन्ह समेता । अवध चले प्रभु कृपा निकेता ॥
 जेहि विधि राम नगर निज आए । बायस बिसद चरित सब गाए ॥
 कहेसि बहोरि राम अभिषेका । पुर वरनन^२ नृपनीति अनेका ॥
 कथा समस्त भुसुँडि बखानी । जो मैं तुम्ह सन कही भवानी ॥
 सुनि सब राम कथा खगनाहा । कहत बचन मन परम उछाहा ॥
 सो०—गएउ मोर संदेह सुनेउँ सकल रघुपति चरित ।

भएउ राम पद नेह तव प्रसाद बायसतिलक ॥

मोहि भएउ अति मोह प्रभु बंधन रन महुँ निरखि ।

चिदानंद संदोह राम विकल कारन कवन ॥ ६८ ॥

देखि चरित अति नर अनुसारी । भएउ हृदयँ मम संसय भारी ॥
 सोइ^४ अम अब हित करि मैं जाना । कीन्ह अनुग्रह कृपानिधाना ॥

१—प्र० : लराई । द्वि० : प्र० । [तृ० : लराइ पुनि] । च० : प्र० ।

२—प्र० : वरनन । द्वि०, तृ० : प्र० । [च० : (६) वरनत, (८) वरना] ।

३—प्र० : संदोह । द्वि०, तृ०, च० : प्र० [(६) : सो मोह] ।

४—प्र० : सोई । द्वि० : प्र० । [तृ० : सो] । च० : प्र० [(८) : सो] ।

जो अति आतप व्याकुल होई । तरु छाया सुख जानइ सोई ॥
 जौं नहि होत मोह अति मोही । मिलतेउँ तात कवन बिधि तोही ॥
 सुनतेउँ किमि हरि कथा सुहाई । अति बिचित्र बहु बिधितुम्ह गाई ॥
 निगमागम पुगन मत येहा । कहहिं सिद्ध मुनि नहि संदेहा ॥
 संत बिसुद्ध मिलहिं परि तेही । चितवहिं रामु कृपा करि जेही ॥
 राम कृपा तब दरसन भएऊ । तब प्रसाद मम^१ संसय गएऊ ॥

दो०—सुनि बिहंगपति बानी^२ सहित बिनय अनुराग ।

पुलकि गात लोचन सजल मन हरषेउ अति काग ॥

स्रोता सुमति सुसील सुचि कथारसिक हरिदास ।

पाइ उमा अति गोप्यमपि^३ सज्जन करहिं प्रकास ॥ ६१ ॥

बोलेउ कागभुसुंडि बहोरी । नभगनाथ पर प्रीति न थोरी ॥
 सब बिधि नाथ पूज्य तुम्ह मेरे । कृपापात्र रघुनायक केरे ॥
 तुम्हहि न संसय मोह न माया । मो पर नाथ कीन्हि तुम्ह दाया ॥
 पछि मोह मिस खगपति तोही । रघुपति दीन्हि बड़ाई मोही ॥
 तुम्ह निज मोह कही खगसाई । सो नहिं कछु आचरज गोसाई ॥
 नारद भव बिरंचि सनकादी । जे मुनिनायक आतमवादी ॥
 मोह न अंध कीन्ह केहि केही । को जग काम नचाव न जेही ॥
 तृष्णा केहि न कीन्ह बौराहा^४ । केहि कर हृदय क्रोध नहि दाहा ॥

दो०—ज्ञानी तापस सूर कवि कोविद गुन आगार ।

केहि कै लोभ बिडंबना कीन्हि न येहि संसार ॥

१—प्र० : सब । द्वि० : प्र० । तृ० : मम । च० : तृ० ।

२—प्र० : बानी । द्वि० : प्र० । [तृ० : बानि बर] ।

३—प्र० : गोप्यमपि । द्वि० : प्र० [(५अ) : गोप्यमत] । [तृ० : गोप्यमत] । च० : प्र०
 [(८) : गुप्तमत] ।

४—प्र० : बौराहा । द्वि०, तृ०, च० : प्र० [(६) : बौरहा] ।

श्रीमद बक न कीन्ह केहि प्रभुता बधिर न काहि ।

मृगलोचनि लोचन^१ सर को अस लाग न जाहि ॥ ७० ॥

गुन कृत सन्यपात नहिं केही । कोउ न मान मद तजेउ निवेही ॥

जौबन ज्वर केहि नहिं बलकावा । ममता केहि कर जसु न नसावा ॥

मच्छर काहि कलंक न लावा । काहि न सोक समीर डोलावा ॥

चिंता साँपिनि को नहिं^२ खाया । को जग जाहि न व्यापी माया ॥

क्रीट मनोरथ दारु सरीरा । जेहि न लाग धुन को अस धीरा ॥

सुत बित लोक^३ ईषना तीनी । केहि कै मति इन्ह कृत न मलीनी ॥

यह सब माया कर परिवारा^४ । प्रवत अमिति को बरनै पारा ॥

सिव चतुरानन जाहि डेराहीं । अपर जीव केहि लेखे माहीं ॥

दो०—व्यापि रहेउ संसार महुँ माया कटक प्रचंड ।

सेनापति कामादि भट दंभ कपट पाखंड ॥

सो दासी रघुवीर कै समुझे मिथ्या सोपि ।

छूट न राम कृपा बिनु नाथ कहौ पद रोपि ॥ ७१ ॥

जो माया सब जगहि नचावा । जासु चरित लिखि काहु न पावा ॥

सोइ प्रभु भू बिलास खगराजा । नाच नटी इव सहित समाजा ॥

सोइ सच्चिदानंद धन रामा । अज विज्ञान रूप गुन^५ धामा ॥

व्यापक व्यापि अखंड अनंता । अखिल अमोघ सक्ति भगवंता ॥

१—प्र० : मृगलोचनि लोचन । द्वि० : प्र० [(५अ) : मृगलोचनि के नैन] । [तृ० : मृग-
नयनी के नयन] । [च० : मृगलोचनि के नैन] ।

२—प्र० : को नहिं । द्वि० : प्र० । [तृ० : केहि नहिं] । [च० : काहि न] ।

३—प्र० : लोक । द्वि० : प्र० [(३) (४) नारि, (५) सोक] । [तृ० : नारि] । च० : प्र०
[(न) नारि] ।

४—प्र० : परिवारा । द्वि०, तृ०, च० : प्र० [(६) : परिचारा] ।

५—प्र० : बल । द्वि० : प्र० । तृ० : गुन । च० : तृ० ।

अगुन अदभ्र^१ गिरागोतीता । सबदरसी^२ अनबध अजीता ॥
 निर्मल^३ निगकार निर्मोहा । नित्य निरंजन सुखसंदोहा ॥
 प्रकृति पार प्रभु सब उर बासी^४ । ब्रह्म निरीह बिरज अविनासी^५ ॥
 इहाँ मोह कर कारन नाहीं । रवि सन्मुख तम कबहुँ कि जाहीं ॥
 दो०—भगत हेतु भगवान प्रभु राम धरेउ तनु भूप ।

किए चरित पावन परम प्राकृत नर अनुरूप ॥

जथा अनेक^६ बेष धरि नृत्य करइ नट कोइ ।

सोइ सोइ^६ भाव देखावइ आपुन होइ न सोइ ॥ ७२ ॥

असि रघुपति लीला उरगारी । दनुज विमोहनि जन सुखकारी ॥
 जे मति मलिन बिषय बस कामी । प्रभु पर मोह धरहिं इमि स्वामी ॥
 नयन दोष जा कहँ जब होई । पीत वरन ससि कहँ कह सोई ॥
 जब जेहि दिसिअम^७ होइ खगेसा । सो कह पच्छिम उएउ दिनेसा ॥
 नौकारुढ़ चलत जग देखा । अचल मोहबस आपुहि लेखा ॥
 बालक अमहिं न अमहिं गृहादी । कहहिं परसपर मिथ्यावादी ॥
 हरि बिषइक अस मोह बिहंगा । सपनेहुँ नहिं अज्ञान प्रसंगा ॥
 मायाबस मतिमंद अभागी । हृदयँ जमनिका बहु बिधि लागी ॥
 ते सठ हठबस संसय करहीं । निज अज्ञान राम पर धरहीं ॥
 दो०—काम क्रोध मद लोभ रत गृहासक्त दुख रूप ।

ते किमि जानहिं रघुपतिहि मूढ़ परे तम कूप ॥

१—प्र० : अगुन अदभ्र [(न) : अगुन अदभ्र] । दि० : प्र० । [तु० : अगुन अदभ्र] । च० :

प्र० [(न) : गुन अदभाग्य] ।

२—प्र० : सबदरसी । दि० : प्र० । [तु० : समदरसी] । च० : प्र० ।

३—प्र० : निर्मल । दि०, तु० : प्र० । [च० : निर्मल] ।

४—प्र० : उरबासी, अविनासी । दि०, तु०, च० : प्र० [(३) : उरबासा, अविनासा] ।

५—प्र० : अनेक । दि० : प्र० । [तु० : अनेकन] । च० : प्र० ।

६—प्र० : सोइ सोइ । दि० : प्र० । [तु० : जो जो] । च० : प्र० ।

७—प्र० : दिसिअम । दि० : प्र० [तु० : अमदिसि] । च० : प्र० ।

निर्गुन रूप सुलभ अति सगुन जान नहिं^१ कोइ ।

सुगम अगम नाना चरित सुनि मुनि मन भ्रम होइ ॥ ७३ ॥

सुनु खगेस रघुपति प्रभुताई । कहौं जथामति कथा सुहाई ॥

जेहि विधि मोह भएउ प्रभु मोही । सोउ सब कथा सुनावौं तोही ॥

राम कृपा भाजन तुम्ह ताता । हरि गुन प्रीति मोहि सुखदाता ॥

ताते नहिं कछु तुम्हहि दुरावौं । परम रहस्य मनोहर गावौं ॥

सुनहु राम कर सहज सुभाऊ । जन अभिमान न राखहिं काऊ ॥

संसृति मूल सूलप्रद नाना । सकल सोकदायक अभिमाना ॥

ता तैं करहिं कृपानिधि दूरी । सेवक पर ममता अति भूरी ॥

जिमि सिसु तन व्रन होइ गोसाईं । मातु चिराव कठिन की नाई ॥

दो०—जदपि प्रथम दुख पावइ रोवइ बाल अधीर ।

ब्याधि नास हित जननी गनइ^२ न सो सिसु पीर ॥

तिमि रघुपति निज दास कर हरहिं मान हित लागि ।

तुलसिदास ऐसे प्रभुहि कसन भजहु^३ भ्रम त्यागि ॥ ७४ ॥

राम कृपा आपनि जड़ताई । कहौं खगेस सुनहु मन लाई ॥

जब जब राम मनुज तनु धरहीं । भगत हेतु लीला बहु करहीं ॥

तब तब अवधपुरी में जाऊँ । बाल चरित विलोकि हरषाऊँ ॥

जनम महोत्सव देखौं जाई । बरष पाँच तहँ रहौं लोभाई ॥

इष्ट देव मम बालक रामा । सोभा वपुष कोटि सत कामा ॥

निज प्रभु बदन निहारि निहारी । लोचन सुफल करौं उरगारी ॥

लघु बायस वपु धरि हरि संगी । देखौं बाल चरित बहु रंगा ॥

१—प्र० : जान नहिं । द्वि० : प्र० [(३) (४) (५) : न जानहिं] । तृ० : प्र० । च० : प्र० [(८) : न जानहिं] ।

२—प्र० : गनइ । द्वि० : प्र० [(३) (४) (५) : गनत] । तृ०, च० : प्र० ।

३—प्र० : भजहु । द्वि०, तृ० : प्र० । [च० : (३) भजसि, (८) भजहि] ।

दो०—लरिकाई जहँ जहँ फिरहिँ तहँ तहँ संग उड़ाउँ ।

जूठनि परइ अजिर महँ सो उठाइ करि खाउँ ॥

एक बार अति सैसवँ१ चरित किए रघुवीर ।

सुमिरत प्रभु लीला सोइ पुलकित भएउ सरीर ॥ ७५ ॥

कहइ भुसुँडि सुनहु खगनायक । राम चरित सेवक२ सुखदायक ॥

नृप मंदिर सुंदर सब भाँती । खचित कनक मनि नाना जाती ॥

बरनि न जाइ रुचिर अँगनाई । जहँ खेलहिँ नित चारिउ भाई ॥

बाल विनोद करत रघुराई । बिचरत अजिर जननि सुखदाई ॥

मरकत मृदुल कलेवर स्यामा । अंग अंग प्रति छवि बहु कामा ॥

नव राजीव अरुन मृदु चरना । पदज रुचिर नख ससि दुति हरना ॥

ललित अंक कुलिसादिक चारी । नूपुर चारु मधुर रव कारी ॥

चारु पुरट मनि रचित बनाई । कटि किंकिनि कल मुखर सुहाई ॥

दो०—रेखा त्रय सुंदर उदर नाभि रुचिर गंभीर ।

उर आयत आजत विविध बाल बिभूषन चीर३ ॥ ७६ ॥

अरुन पानि नख करज मनोहर । बाहु बिसाल बिभूषन सुंदर ॥

कंध बाल केहरि दर ग्रीवाँ । चारु चिबुक आनन छवि सीवाँ ॥

कलबल बचन अधर अरुनारे । दुइ दुइ दसन बिसद बर बारे ॥

ललित कपोल मनोहर नासा । सकल सुखद ससिकर सम हासा ॥

नील कंज लोचन भव मोचन । आजत भाल तिलक गोरोचन ॥

बिकट भृकुटि सम खवन सुहाए । कुंचित कच मेचक छवि छाए ॥

पीत भ्रिनि भ्रिगुली तन सोही । किलकनि चितवनि भावति मोही ॥

रूपरासि नृप अजिर बिहारी । नाचहिँ निज प्रतिबिंब निहारी ॥

१—प्र० : अति सैसवँ । द्वि० : प्र० [(४) (५) (५अ) : अतिसय सब] । [वृ० : अतिसय सुखद] च० : प्र० [(=) : अतिसय सुखद] ।

२—प्र० : सेवक । द्वि०, वृ०, च० : प्र० [(६) : सेवक] ।

३—प्र० : चीर । द्वि०, वृ०, च० : प्र० [(६) : वीर] ।

मोहि सन करहिं बिबिध बिधि क्रीड़ा । बरनत मोहि होति अति^१ ब्रीड़ा ॥
किलकत मोहि धरन जब धावहिं । चलौ भागि तब पूष देखावहिं ॥

दो०—आवत निकट हसहिं प्रभु भाजत रुदन कराहिं ।

जाउँ समीप गहन पद फिरि फिरि चितइ पराहिं ॥

प्राकृत सिसु इव लीला देखि भएउ मोहि मोह ।

कवन चरित्र करत प्रभु चिदानंद संदोह ॥ ७७ ॥

एतना मन आनत खगया । रघुपति प्रेरित ब्यापी माया ॥

सो माया न दुखद मोहि^१ काहीं । आन जीव इव संसृति नाहीं ॥

नाथ इहाँ कछु कारन आना । सुनहु सो सावधान हरिजाना ॥

ज्ञान अखंड एक सीताबर । मायाबस्य जीव सचराचर ॥

जौ सब के रह ज्ञान एक रस । ईस्वर जीवहिं भेद कहहु कस ॥

माया बस्य जीव अभिमानी । ईस बस्य माया गुनखानी ॥

परबस जीव स्वबस भगवंता । जीव अनेक एक श्रीकंता ॥

मुधा भेद जद्यपि कृत माया । बिनु हरि जाइ न कोटि उपाया ॥

दो०—रामचंद्र के भजन बिनु जो चह पद निरवान ।

ज्ञानवंत अपि सो नर पसु बिनु पूँछ विषान ॥

राकापति षोडस उअहिं^२ तारागन समुदाइ ।

सकल गिरिन्ह दव लाइए बिनु रवि राति न जाइ ॥ ७८ ॥

ऐसेहि बिनु हरि^३ भजन खगेसा । मिटइ न जीवन्ह केर कलेसा ॥

हरि सेवकहिं न ब्याप अविद्या । प्रभु प्रेरित व्यापइ तेहि विद्या ॥

ता तैं नास न होइ दास कर । भेद भगति बाढ़इ बिहंग वर ॥

अम ते चकित राम मोहि देखा । बिहँसे सो सुनु चरित बिसेषा ॥

१—प्र० : मोहि होति अति । द्वि० : प्र० । तृ० : चरित होति मोहि । च० : तृ० ।

२—प्र० : उअहिं । द्वि० : प्र० । [तृ० : उगहिं] । च० : प्र० [(८) : उगहिं] ।

३—प्र० : हरि बिनु । द्वि० : प्र० [(५) : बिनु हरि] । [तृ० : बिनु हरि] । च० : प्र०

[(६) : बिनु हरि] ।

तेहि कौतुक कर मरमु न काहूँ । जाना अनुज न मातु पिता हूँ ॥
 जानुपानि धाए मोहि धरना । स्यामल गात अरुन कर चरना ॥
 तब मैं भागि चलेउँ^१ उरगारी । राम गहन कहूँ भुजा पसारी ॥
 जिमि जिमि दूरि उड़ाउँ अकासा । तहँ हरि^२ भुज देखौं निज पासा ॥

दो०—ब्रह्मलोक लागि गएउँ मैं चितएउँ^३ पाछ उड़ात ।

जुग अंगुल कर बीच सब राम भुजहिं मोहि तात ॥

सप्तावरन भेद करि जहाँ लगें गति^४ मोरि ।

गएउँ तहाँ प्रभु भुज निरख ब्याकुल भएउँ बहोरि ॥ ७६ ॥

मूदेउँ नयन त्रसित जब भएऊँ । पुनि चितवत कोसलपुर गएऊँ ॥

मोहि बिलोकि राम मुसुकाहीं । बिहँसत तुरत गएउँ मुख माहीं ॥

उदर माँझ सुनु अंडजराया । देखेउँ बहु ब्रह्मांड निकाया ॥

अति विचित्र तहँ लोक अनेका । रचना अधिक एक ते एका ॥

कोटिन्ह चतुरानन गौरीसा । अगनित उडगन रवि रजनीसा ॥

अगनित लोकपाल जम काला । अगनित मूधर भूमि बिसाला ॥

सागर सरि सर बिपिन अपारा । नाना भाँति सृष्टि बिस्तारा ॥

सुर मुनि सिद्ध नाग नर किन्नर । चारि प्रकार जीव सचराचर ॥

दो०—जो नहिं देखा नहिं सुना जो मनहूँ न समाइ ।

सो सब अद्भुत देखेउँ बरनि कवनि विधि जाइ ॥

एक एक ब्रह्मांड महुँ रहौ^५ वरष सत एक ।

येहि विधि देखत फिरौं मैं अंडकटाह अनेक ॥ ८० ॥

१—प्र० : चलेउँ [(२) : चलिउँ] । द्वि०, तृ०, च० : प्र० ।

२—प्र० : भुज हरि । द्वि० : प्र० । तृ० : हरि भुज ।

३—प्र० : चितएउँ । द्वि० : प्र० । [तृ० : चितवत] । च० : प्र० [(८) : चितवत] ।

४—[प्र० : जहाँ लागि गति] । द्वि० : जहाँ लगें गति [(५अ) : जहाँ लागि गति रहि] ।

[तृ० : जहाँ लागि गति रहि] । च० : प्र० [(८) : जहाँ लागि गति रहि] ।

५—प्र० : रहौ । द्वि० : प्र० [(४) : रह्यो] । [तृ० : रहे] । च० : प्र० [(८) : रहे] ।

लोक लोक प्रति भिन्न बिधाता । भिन्न बिष्णु सिव मनु दिसित्राता ॥
 नर गंधर्व भूत बेताला । किन्नर निसिचर पसु खग ब्याला ॥
 देव दनुज गन नाना जाती । सकल जीव तहँ आनहि माँती ॥
 महि सरि सागर सर गिरि नाना । सब प्रपंच तहँ आनइ आना ॥
 अंडकोस प्रति प्रति निज रूपा । देखेउँ जिनस^१ अनेक अनूपा ॥
 अवधपुरी प्रति भुवन निनारी^२ । सरजू^३ भिन्न भिन्न नर नारी ॥
 दसरथ कौसल्या सुनु ताता^४ । बिबिध रूप भरतादिक आता ॥
 प्रति ब्रह्मांड राम अवतारा । देखौ बाल बिनोद उदारा^५ ॥
 दो०—भिन्न भिन्न मैं दीख सबु^६ अति बिचित्र हरिजान ।

अगनित भुवन फिरेउँ प्रभु राम न देखेउँ आन ॥

सोइ^७ सिसुपन सोइ सोभा सोइ कृपाल रघुवीर ।

भुवन भुवन देखत^८ फिरौ प्रेरित मोह समीर^९ ॥ ८१ ॥

अमत मोहि ब्रह्मांड अनेका । बीते मनुहुँ कलप सत एका ॥
 फिरत फिरत निज आश्रम आएउँ । तहँ पुनि रहि कछु काल गवाँएउँ ॥
 निज प्रभु जनम अवध सुनि पाएउँ । निर्भर प्रेम हरषि उठि धाएउँ ॥
 देखेउँ^६ जनम महोत्सव जाई । जेहि बिधि प्रथम कथा मैं गाई ॥
 राम उदर देखेउँ जग नाना । देखत बनइ न जाइ बखाना ॥
 तहँ पुनि देखेउँ राम सुजाना । मायापति कृपाल भगवाना ॥

१—प्र० : जिनस । द्वि० : प्र० । [त० : जिनस] च० : प्र० [(न) : जीव] ।

२—प्र० : क्रमशः निनारी, सरजू । [(३) (५अ) निनारी, सरजू ; (४) (५) निहारी, सरजू] ।
 [त० : निहारी, सरजू] । च० : प्र० [(न) : निनारी, सरजू] ।

३—प्र० : कौसल्या सुनु ताता । द्वि० : प्र० । [त० : कौसल्यादिक माता] । च० : प्र० ।

४—प्र० : अपारा । द्वि०, त० : प्र० । च० : उदारा ।

५—प्र० : मैं दीख सब । द्वि०, त० : प्र० । च० : प्र० [(न) : सब देखेउ*] ।

६—प्र० : सोइ । द्वि० : प्र० । [त० : सो] । च० : प्र० ।

७—प्र० : देखत । द्वि०, त०, च० : प्र० [(३) : प्रेरित] ।

८—प्र० : समीर । द्वि०, त० : प्र० । च० : सरीर ।

९—प्र० : देखौ । द्वि० : प्र० । त० : देखेउ* । च० : त० ।

करौ बिचार बहोरि बहोरी । मोह कलिल ब्यापित मति मोरी ॥
 उभय घरी महँ मैं सब देखा । भएउँ समित मन मोह बिसेषा ॥
 दो०—देखि कृपाल बिकल मोहि बिहँसे तब रघुवीर ।
 बिहँसत ही मुख बाहेर आएउँ सुनु मतिधीर ॥
 सोइ लरिकई मो सन करन लगे पुनि राम ।
 कोटि भौंति समुझावौं मनु न लहइ बिश्राम ॥८२॥
 देखि चरित येह सो प्रभुताई । समुझत देह दसा बिसराई ॥
 धरनि परेउँ मुख आव न बाता । त्राहि त्राहि आरत जन त्राता ॥
 प्रेमाकुल प्रभु मोहि बिलोकी । निज माया प्रभुता तब रोकी ॥
 कर सरोज प्रभु मम सिर धरेऊ । दीनदयाल सकल दुख हरेऊ ॥
 कीन्ह राम मोहि बिगत बिमोहा । सेवक सुखद कृपा संदोहा ॥
 प्रभुता प्रथम बिचारि बिचारी । मन महँ होइ हरष अति भारी ॥
 भगतबल्लता प्रभु कै देखी । उपजी मम उर प्रीति बिसेषी ॥
 सजल नयन पुलकित कर जोरी । कीन्हिउँ बहु विधि बिनय बहोरी ॥
 दो०—सुनि सप्रेम मम बानी१ देखि दीन निज दास ।
 बचन सुखद गंभीर मृदु बोले रमानिवास ॥
 काग भुसुंड़ि माँगु बर अति प्रसन्न मोहि जानि ।
 अनिमादिक सिधि अपर रिधि मोक्ष सकल सुख खानि ॥८३॥
 ज्ञान विवेक बिरति बिज्ञाना । मुनि२ दुर्लभ गुन जे जग जाना ॥
 आजु देउँ सब३ संसय नाहीं । माँगु जो तोहि भाव मन माहीं ॥
 सुनि प्रभु बचन अधिक अनुरागेउँ । मन अनुमान करन तब लागेउँ ॥
 प्रभु कह देन सकल सुख सही । भगति आपनी देन न कही ॥

१—प्र० : मम बानी । द्वि० : प्र० । [तृ० : मम बैन बर] । च० : प्र० ।

२—प्र० : मुनि । द्वि०, तृ०, च० : प्र० [(६) : मुनि] ।

३—प्र० : सब । द्वि०, तृ०, च० : प्र० [(६) : तब] ।

भगति हीन गुन सब सुख कैसे१ । लबन बिना बहु बिंजन जैसे ॥
भजनहीन सुख कवने काजा । अस विचारि बोलेउँ खगराजा ॥
जौं प्रभु होइ प्रसन्न बर देह । मोपर करहु कृपा अरु नेह ॥
मन भावत बर माँगौं स्वामी । तुम्ह उदार उर अंतरजामी ॥

दो०—अविरल भगति बिसुद्ध तव स्तुति पुरान जो गाव ।

जेहि२ खोजत जोगीस मुनि प्रभु प्रसाद कोउ पाव ॥

भगत कल्पतरु प्रनतहित कृपासिंधु सुखधाम ।

सोइ निज भगति मोहि प्रभु३ देहु दया करि राम ॥८४॥

एवमस्तु कहि रघुकुलनायक । बोले बचन परम सुखदायक ॥

सुनु बायस तई सहज सयाना । काहे न माँगसि अस वरदाना ॥

सब सुख खानि भगति तैं माँगी । नहिं जग कोउ तोहि सम बड़ भागी ॥

जो मुनि कोटि जतन नहिं लहहीं । जे जप जोग अनल तन दहहीं ॥

रीझेउँ देखि तोरि चतुराई । माँगेहु भगति मोहि अति भाई ॥

सुनु बिहंग प्रसाद अब मोरे । सब सुभ गुन बसिहहिं उर तोरे ॥

भगति ज्ञान बिज्ञान विरागा । जोग चरित्र रहस्य विभागा ॥

जानब तैं सबही कर भेदा । मम प्रसाद नहिं साधन खेदा ॥

दो०—माया संभव अम सब अब न व्यापिहहिं तोहि ।

जानेसु ब्रह्म अनादि अज अगुन गुनाकर मोहि ॥

मोहि भगत प्रिय संतत अस विचारि सुनु काग ।

काय बचन मन मम पद करेसु अचल अनुराग ॥८५॥

अब सुनु परम बिमल मम बानी । सत्य सुगम निगमादि बखानी ॥

निज सिद्धांत सुनावौं तोही । सुनिमन धरु सब तजि भजु मोही ॥

१—प्र० : ऐसे । दि० : प्र० [(४)(५)(६अ) : कैसे] । तु० : कैसे । च० : तु० ।

२—प्र० : जेहि । दि० : प्र० । [तु० : जो] । च० : प्र० ।

३—प्र० : प्रभु । दि० : प्र० । [तु० : अब] । च० : प्र० ।

मम माया संभव संसारा । जीव चराचर बिबिध प्रकारा ॥
 सब मम प्रिय सब मम उपजाए । सब तैं अधिक मनुज मोहि भाए ॥
 तिन्ह महुँ द्विज द्विज महुँ श्रुतिधारी । तिन्ह महुँ निगम धर्म अनुसारी ॥
 तिन्ह महुँ प्रिय बिरक्त पुनि^१ ज्ञानी । ज्ञानिहुँ तैं अति प्रिय बिज्ञानी ॥
 तिन्ह तैं पुनि मोहि प्रिय निज दासा । जेहि गति मोरिन^२ दूसरि आसा ॥
 पुनि पुनि सत्य कहौ तोहि पाहीं । मोहि सेवक सम प्रिय कोउ नाहीं ॥
 भगतिहीन बिरंचि किन होई । सब जीवहु^३ सम प्रिय मोहि सोई ॥
 भगतिवंत अति नीचौ प्रानी । मोहि प्रान प्रिय असि मम बानी ॥
 दो०—सुचि सुसील सेवक सुमति प्रिय कहु काहि न लाग ।

श्रुति पुरान कह नीति असि सावधान सुनु काग ॥८६॥
 एक पिता के बिपुल कुमारा । होहि पृथक गुन सील अचारा ॥
 कोउ पंडित कोउ तापस जाता । कोउ धनवंत सूर कोउ दाता ॥
 कोउ सर्वज्ञ धर्मरत कोई । सब पर पितहि प्रीति सम होई ॥
 कोउ पितु भगत बचन मन कर्मा । सपनेहु जान न दूसर धर्मा ॥
 सो सुत प्रिय पितु प्रान समाना । जद्यपि सो सब भौंति अयाना ॥
 येहि बिधि जीव चराचर जेते । त्रिजग देव नर असुर समेते ॥
 अखिल बिस्व यह मोर उपाया । सब पर मोहि बराबरि दाया ॥
 तिन्ह महुँ जो परिहरि मद माया । भजइ^४ मोहि मन बच अरु काया ॥
 दो०—पुरुष नपुंसक नारि वा जीव चराचर कोइ ।

सर्व भाव भज कष्ट तजि मोहि परम प्रिय सोइ ॥
 सो०—सत्य कहौ खग तोहि सुचि सेवक मम प्रान प्रिय ।
 अस बिचारि भजु मोहि परिहरि आस भरोस सब ॥८७॥

१—प्र० : पुनि । द्वि० : प्र० । [तु० : अरु] । च० : प्र० ।

२—[प्र० : जेहि भगति मोरि न] । द्वि० : जेहि गति मोरि । तु०, च० : द्वि० ।

३—प्र० : जीवहु । द्वि० : प्र० [(३)(४)(५) : जीवन] । तु० : प्र० । [च० : जीवन] ।

४—प्र० : भजइ । द्वि० : प्र० । [तु० : भजहि] । [च० : में नहीं है, (५) भजहि] ।

कवहुँ काल नहिं व्यापिहि तोहीं । सुमिरैसु भजेसु^१ निरंतर मोहीं ॥
 प्रभु बचनमृत सुनि न अधाऊँ । तन पुलकित मन अति हर्षाऊँ ॥
 सो सुख जानइ मन अरु काना । नहिं रसना पहिं जाइ बखाना ॥
 प्रभु सोभा सुख जानहि नयना । कहि किमिस कहिं तिन्हहि नहिं बयना ॥
 बहु विधि मोहि प्रबोधि सुख देई । लगे करन सिसु कौतुक तेई ॥
 सजल नयन कछु सुख करि रूखा । चितइ मातु लागी अति भूखा ॥
 देखि मातु आतुर उठि धाई । कहि मृदु बचन लिए उर लाई ॥
 गोद राखि कराव पय पाना । रघुपति चरित ललित कर माना ॥
 सो०—जेहि^२ सुख लागि पुरारि असुभ बेष कृत सिव सुखद ।

अवधपुरी नर नारि तेहि सुख महुँ संतत मगन ॥

सोई सुख^३ लवलेस जिन्ह बारक सपनेहु लहेउ ।

ते नहिं गनहिं^४ खगेस ब्रह्म सुखहिं सज्जन सुमति ॥ ८८ ॥

मैं पुनि अवध रहेउ कछु काला । देखेउ बाल बिनोद रसाला ॥
 राम प्रसाद भक्ति बर पाएउ । प्रभु पद बंदि निजासम आएउ ॥
 तब तैं मोहि न व्यापी माया । जब तैं रघुनायक अपनाया ॥
 येह सब गुप्त चरित मैं गावा । हरि माया जिमि मोहि नचावा ॥
 निज अनुभव अब कहौ खगेसा । बिनु हरि भजन न जाहि कलेसा ॥
 राम कृपा बिनु सुनु खगराई । जानि न जाइ राम भुताई ॥
 जाने बिनु न होइ परतीती । बिनु परतीति होइ नहिं प्रीती ॥
 प्रीति बिना नहिं भगति दृढ़ाई । जिमि खगपति जल कै चिकनाई ॥
 सो०—बिनु गुर होइ कि ज्ञान ज्ञान कि होइ विराग बिनु ।

गावहिं बेद पुरान सुख कि लहिअ हरि भगति बिनु ॥

१—प्र० : सुमिरैसु भजेसु । द्वि० : प्र० [(३)(४)(५) : सुमिरैसु भजेसु] । तृ० : प्र० ।
 [च० : सुमिरैसु भजेसु] ।

२—प्र० : जेहि । द्वि० : प्र० । [तृ० : जो] । च० : प्र० ।

३—प्र० : सोई सुख । द्वि० : प्र० । [तृ० : सो सुखकर] । च० : प्र० ।

४—प्र० : ते नहिं गनहिं । द्वि० : प्र० । [तृ० : सो नहिं गनै] । च० : प्र० ।

कोउ बिस्राम कि पाव तात सहज संतोष बिनु ।

चलइ कि जल बिनु नाव कोटि जतन पचि पचि मरिअ ॥ ८९ ॥
 बिनु संतोष न काम न नसाहीं । काम अछत सुख सपनेहुँ नाहीं ॥
 राम भजन बिनु मिटिह कि कामा । थल बिहीन तरु कबहुँ कि जामा ॥
 बिनु बिज्ञान कि समता आवै । कोउ अवकास कि नभ बिनु पावै ॥
 सद्धा बिना धर्म नहिं होई । बिनु महि गंध कि पावइ कोई ॥
 बिनु तप तेज कि कर बिस्तारा । जल बिनु रस कि होइ संसारा ॥
 सील कि मिल बिनु बुध सेवकाई । जिमि बिनु तेज न रूप गुसाई ॥
 निज सुख बिनु मन होइ कि थीरा । परस कि होइ बिहीन समीरा ॥
 कबनिउ सिद्धि कि बिनु बिस्वासा । बिनु हरि भजन न भव भय नासा ॥
 दो०—बिनु बिस्वास भगति नहि तेहि बिनु द्रवहि न रामु ।

राम कृपा बिनु सपनेहुँ जीव न लहर बिसामु ॥
 सो०—अस बिचारि मति धीर तजि कुतर्क संसय सकल ।

भजहु राम रघुबीर करुनाकर सुंदर सुखद ॥ ९० ॥
 निज मति सरिस नाथ मैं गाई । प्रभु प्रताप महिमा खगराई ॥
 कहेउ न कछु करि जुगुति बिसेषी । येह सब मैं निज नयनन्हि देखी ॥
 महिमा नाम रूप गुन गाथा । सकल अमित अनंत रघुनाथा ॥
 निज निज मति मुनि हरि गुन गावहिं । निगम सेष सिव पार न पावहिं ॥
 तुम्हहि आदि खग मसक प्रजंता । नभ उड़ाहि नहिं पावहिं अंता ॥
 तिमि रघुपति महिमा अवगाहा । तात कबहुँ कोउ पाव कि थाहा ॥
 राम काम सत कोटि सुभग तन । दुर्गा कोटि अमित अरि मर्दन ॥
 सक्र कोटि सत सरिस बिलासा । नभ सत कोटि अमित अवकासा ॥
 दो०—मरुत कोटि सत बिपुल बल रवि सत कोटि प्रकास ।

ससि सत कोटि सुसीतल समन सकल भव त्रास ॥

१—प्र० : काम न । द्वि० : प्र० [(४) (५) : न काम] । तृ० : न काम । च० : तृ० ।

२—प्र० : जीव न लह । द्वि० : प्र० । [तृ० : जीव कि लह] । [च० : जीव कि लह] ।

काल कोटि सत सरिस अति दुस्तर दुर्ग दुर्ग ।

धूमकेतु सत कोटि सम दुर्गावरष भगवंत ॥ ६१ ॥

प्रभु अगाध सत कोटि पताला । समन कोटि सत सरिस कगला ॥

तीरथ अमित कोटि सम पावन । नाम अखिल अथ पूग नसावन ॥

हिमगिरि कोटि अचल रघुवीरा । मिथु कोटि सत सम गंभीरा ॥

कामधेनु सत कोटि समाना । सकल कामदायक भगवाना ॥

सारद कोटि अमित चतुराई । विधि सत कोटि सृष्टि निपुनाई ॥

विष्णु कोटि सम पालन करता । रुद्र कोटि सत सम संवरना ॥

धनद कोटि सत सम धनवाना । माया कोटि प्रपंच निधाना ॥

भार धरन सत कोटि अहीसा । निरवधि निरुपम प्रभु जगदीसा ॥

छं०—निरुपम न उपमा आन राम समान रामु निगम कहै ।

जिमि कोटि सत खद्योत सम रवि कहत अति लघुता लहै ॥

येहि भाँति निज निज मति चित्तस मुनीस हरिहि बखानहीं ।

प्रभु भाव गाहक अति कृपाल सप्रेम सुनि सुख मानहीं ॥

दो०—रामु अमित गुन सागर थाह कि पावई कोइ ।

संतन्ह सन जस किछु सुनेउँ तुम्हहि सुनाएउँ सोइ ॥

सो०—भाववस्य भगवान सुखनिधान करुनाभवन ।

तजि ममता मद मान भजिअ सदा सीतारवन ॥ ६२ ॥

सुनि भुसुंडि के वचन सुहाए । हरषित स्वगपति पंख फुलाए ॥

नयन नीर मन अति हरषाना । श्री रघुगति प्रताप उर आना ॥

१—प्र० : सम । द्वि० : प्र० । [वृ०, च० : सत] ।

२—प्र० : पूग । [द्वि०, वृ०, च० : पुंज] ।

३—प्र० : सम । द्वि० : प्र० [(५अ) : सत] । [वृ०, च० : सत] ।

४—प्र० : भार । द्वि० : प्र० [(५आ) : धरा] । वृ०, च० : प्र० ।

५—प्र० : प्रताप । द्वि० : प्र० [(३)(४)(५) : प्रभाव] । वृ०, च० : प्र० ।

पाखिल मोह समुक्ति पड़िताना । ब्रह्म अनादि मनुज करि माना ॥
 पुनि पुनि काग चरन सिरु नावा । जानि राम सम प्रेम बढ़ावा ॥
 गुर बिनु भवनिधि तरइ न कोई । जौ बिरंचि संकर सम होई ॥
 संसय सर्प ग्रसेउ मोहि ताता । दुखद लहरि कुतर्क बहु ब्राता ॥
 तव सरूप गारुड़ि रघुनायक । मोहि जिआएउ जन सुखदायक ॥
 तव प्रसाद मम मोह नसाना । राम रहस्य अनूपम जाना ॥
 दो०—ताहि प्रसंसिरे बिबिध विधि सीस नाइ कर जोरि ।

बचन विनीत सप्रेम मृदु बोलेउ गरुड़ बहोरि ॥

प्रभु अपने अविवेक तें बुझौ स्वामी तोहि ।

कृपासिंधु सादर कहहु जानि दास निज मोहि ॥ ६३ ॥

तुम्ह सर्वज्ञ तज्ञ तमपारा । सुमति सुसील सरल आचारा ॥
 ज्ञान बिरति विज्ञान निवासा । रघुनायक के तुम्ह प्रिय दासा ॥
 कारन कवन देह येह पाई । तात सकल मोहि कहहु बुझाई ॥
 राम चरित सर सुंदर स्वामी । पाएहु कहाँ कहहु नभगामी ॥
 नाथ सुना मै अस सिव पाहीं । महा प्रलयहुँ नास तव नाहीं ॥
 मृषा^१ बचन नहिँ ईस्वर कहई । सोउ मोरे मन संसय अहई ॥
 अग जग जीव नाग नर देवा । नाथ सकल जगु काल कलेवा ॥
 अंडकटाह अमित लयकारी । काल सदा दुरतिक्रम भारी ॥

सो०—तुम्हहि न व्यापत काल अति कराल कारन कवन ।

मोहि सो कहहु कृपाल ज्ञान प्रभाव कि जोग बल ॥

दो०—प्रभु तव आसम आएँ^४ मोर मोह अम भाग ।

कारन कवन सो नाथ सब कहहु सहित अनुराग ॥ ६४ ॥

१—प्र० : माना । द्वि० : प्र० । [तु०, च० : जाना] ।

२—प्र० : प्रसंसि । द्वि० : प्र० । [तु० : प्रससे] । च० : प्र० ।

३—प्र० : मृषा । द्वि० : प्र० । तु० : मृषा । च० : तु० ।

४—प्र० : आए । द्वि० : प्र० [(३) : आएँ] । [तु०, च० : आइ] ।

गरुड़ गिरा सुनि हरषेउ कागा । बोलेउ उमा परम^१ अनुरागा ॥
 धन्य धन्य तव मति उरगारी । प्रसन्न तुम्हारि मोहि अति प्यारी ॥
 सुनि तव प्रसन्न सप्रेम सुहाई । बहुत जनम कै सुधि मोहि आई ॥
 सब निज कथा कहौ मैं गाई । तात सुनहु सादर मन लाई ॥
 जप तप मख सम दम ब्रत दाना । विरत विवेक जोग बिज्ञाना ॥
 सब कर फलु रघुपति पद प्रेमा । तेहि बिनु कोउ न पावइ ब्रेमा ॥
 येहि तन राम भगति मैं पाई । ता तैं मोहि ममता अधिकाई ॥
 जेहि तैं कछु निज स्वारथ होई । तेहि पर ममता कर सब कोई ॥

सो०—पन्नगारि असि नीति श्रुति संमत सज्जन कहहि ।

* अति नीचहु सन प्रीति करिअ जानि निज परम हित ॥

पाट कीट तैं होइ तेहि तैं^२ पाटवर खचिर ।

कृमि पालइ सब कोइ परम अपावन प्राण सम ॥६५॥

स्वारथ सौंच जीव कहूँ येहा । मन क्रम बचन राम पद नेहा ॥
 सोइ पावन सोइ सुभग सरीरा । जो तनु पाइ भजइ^३ रघुवीरा ॥
 राम विमुख लहि बिधि सम देही । कबि कोविद न प्रसंसहि तेही ॥
 राम भगति येहि तन उर जामी । ता तैं मोहि परम प्रिय स्वामी ॥
 तजौ न तनु निज इच्छा मरना । तनु बिनु वेद भजनु नहि बरना ॥
 प्रथम मोह मोहि बहुत बिगोवा । राम विमुख सुख कबहुँ न सोवा ॥
 नाना जनम करम पुनि नाना । किए जोग जप तप मख दाना ॥
 कवन जोनि जन्मेउँ जहँ नाहीं । मैं खगेस अमि अमि जग माहीं ॥
 देखेउँ करि सब करम गोसाई । सुखी न भएउँ अबहि की नाई ॥
 सुधि मोहि नाथ जनम बहु केरी । सिव प्रसाद मति मोह न घेरी ॥

१—प्र० : परम । द्वि० : प्र० [(१) (५) : सहित] । [तृ०, च० : सहित] ।

२—प्र० : तेहितें । द्वि० : प्र० । [तृ०, च० : तातें] ।

३—प्र० : भजै । द्वि० : प्र० [(३) (४) (५) : भजिअ] । तृ०, च० : प्र० ।

दो०—प्रथम जनम के चरित अब कहौ सुनहु बिहँगेस ।
 सुनि प्रभु पद रति उपजइ जातैं मिटहिं कलेस ॥
 पूरुव कल्प एक प्रभु जुग कलियुग मलमूल ।
 नर अरु नारि अधर्म रत सकल निगम प्रतिकूल ॥६६॥
 तेहिं कलियुग कोसलपुर जाई । जन्मन भएउँ सूद्र तन पाई ॥
 सिव सेवक मन क्रम अरु बानी । आन देव निंदक अभिमानी ॥
 धन मदमत्त परम बाचाला । उग्र बुद्धि उर दंभ बिसाला ॥
 जदपि रहेउँ रघुपति रजधानी । तदपि न कछु महिमा तब जानी ॥
 अब जाना मै अवध प्रभावा । निगमागम पुरान अस गावा ॥
 कवनेहु जनम अवध बस जोई । राम परायन सो परि होई ॥
 अवध प्रभाव जान तब प्रानी । जब उर बसहिं रामु धनुषानी ॥
 सो कलिकाल कठिन उरगारी । पाप परायन सब नर नारी ॥
 दो०—कलिमल ग्रसे^१ धर्म सब लुप्त^२ भए सदग्रंथ ।
 दंभिन्ह निज मति कल्पि करि प्रगट किए बहु पंथ ॥
 भए लोग सब मोहबस लोभ ग्रसे सुभ कर्म ।
 सुनु हरिजान ज्ञाननिधि कहौ कछुक कलि धर्म ॥६७॥
 बरन धर्म नहिं आस्रम चारी । श्रुति विरोध रत सब नर^३ नारी ॥
 द्विज सुति बेचक^४ भूप प्रजासन । कोउ नहिं मान निगम अनुसासन ॥
 मारग सोइ जा कहूँ जोइ भावा । पंडित सोइ जो गाल बजावा ॥
 मिथ्यारंभ दंभ रत जोई । ता कहूँ संत कहइ सब कोई ॥
 सोइ सयान जो पर धन हारी । जो कर दंभ सो बड़ आचारी ॥
 जो कह भूँठ मसखरी जाना । कलियुग सोइ गुनवंत बखाना ॥

१—प्र० : ग्रसे । द्वि० : प्र० । [वृ० : ग्रसे] : च० : प्र० ।

२—प्र० : लुप्त । द्वि० : प्र० [(५) : गुप्त] । वृ० : प्र० । [च० : गुप्त] ।

३—प्र० : रत सब नर । द्वि० : प्र० । [वृ० : बंतरत नर] । [च० : बस नर श्री] ।

४—प्र० : बेचक । द्वि० : प्र० [(२) (४) (५अ) : बंचक] । [वृ०, च० : बंचक] ।

निराचार जो श्रुति पथ त्यागी । कलिजुग सोइ ज्ञानी सो बिरागी^१ ॥

जाके नख अरु जटा बिसाला । सोइ तापस प्रसिद्ध कलिकाला ॥

दो०—असुभ वेष भूषन घरे भक्षाभक्ष जे खाहिं ।

तेइ जोगी तेइ सिद्ध नर पूजिति^२ कलिजुग माहिं ॥

सा०—जे अपकारी चार तिन्ह कर गौरव मान्य तेइ^३ ।

मन क्रम बचन लवार तेइ वकता कलिकाल महुँ ॥६८॥

नारि बिवस नर सकल गोसाईं । नाचहिं नट मर्कट की नाई ॥

सूद द्विजन्ह उपदेसहिं ज्ञाना । मेलि जनेऊ लोहि कुदाना ॥

सब नर काम लोभ रत क्रोधी । देव बिप्र श्रुति^४ संत बिरोधी ॥

गुन मंदिर सुंदर पति त्यागी । भजहिं नारि पर पुरुष अभागी ॥

सौभागिनी बिभूषन हीना । बिधवन्ह के सिंगार नवीना ॥

गुर सिष बधिर अध का^५ लेखा । एक न सुनइ एक नहिं देखा ॥

हरइ सिष्य धन सोक न हरई । सो गुर घोर नरक महुँ परई ॥

मातु पिता बालकन्हि बोलावहिं । उदर भरइ सोइ धरम सिखावहिं ॥

दो०—ब्रह्मज्ञान बिनु नारि नर कहहिं न दूसरि बात ।

कौड़ी लागि मोह बस करहिं बिप्र गुर घात ॥

बादहिं सूद द्विजन्ह सन हम तुम्ह तें कछु घाटि ।

जानइ ब्रह्म सां बिप्रवर आँखि देखावहिं डाँटि ॥६९॥

पर त्रिय लंपट कपट सयाने । मोह द्रोह ममता लपटाने ॥

तेइ अमेदवादी ज्ञानी नर । देखा मै चरित्र कलिजुग कर ॥

आपु गए अरु तिन्हहुँ घालहिं । जे कहूँ सत^६ मारग प्रतिपालहि ॥

१—[प्र० : ज्ञान बैरागी] । दि० : ज्ञानी सो बिरागी [(५अ) : ज्ञानी बैरागी] । [वृ० : च० : ज्ञानी बैरागी] ।

२—प्र० : पूजिति । दि० : प्र० [(३) (४) (५) : पूज्य ते] । [वृ० : पूजित] । [च० : पूज्य ते] ।

३—प्र० : मान्य तेइ । दि० : प्र० । [वृ० : मान्यता] । च० : प्र० ।

४—प्र० : श्रुति । दि० : प्र० । [वृ० : गुरु] । च० : प्र० ।

५—[प्र० : क] । दि० : का [(५अ) : कर] । वृ० : दि० । [च० : कर] ।

६—प्र० : जे कहूँ सत । दि० : प्र० । [वृ० : जे कछु सत] । [च० : निज कृत दोष] ।

कल्प कल्प भरि एक एक नरका । परहिं जे दूषहिं श्रुति करि तरका ॥
 जे बरनाधम तेलि कुम्हारा । स्वपच किरात कोल कलवारा ॥
 नारि मुई गृह संपति नासी । मूड़ मुड़ाइ होहिं संन्यासी ॥
 ते विप्रन्ह सन आपु पुजावहिं । उभय लोक निज हाथ नमावहिं ॥
 विप्र निरच्छर लोलुप कामी । निराचार सठ वृषली स्वामी ॥
 सूद करहिं जप तप व्रत नाना । बैठि बरासन कहहिं पुराना ॥
 सब नर कल्पित करहिं अचारा । जाइ न बानि अनीति अपारा ॥
 दो०—भए बरनसंकर कलि० भिन्न सेतु सब लोग ।

करहिं पाप पावहिं दुख भय रुज सोक बियोग ॥

श्रुति संमत हरि भगति पथ संजुत बिरति धिवेक ।

तेहिं न चलहिं नर मोहवस कल्पहिं पंथ अनेक ॥१००॥

छं०—बहु दाम सँवारहिं धाम जती । विषया हरि लीन्ह रही३ बिरती ॥
 तपसी धनवंत दरिद्र गृही । कलि कौतुक तात न जात कही ॥
 कुलवंति४ निकारहिं नारि सती । गृह आनहिं चेरि निबेरि गती ॥
 सुत मौनहिं मातु पिता तब लौ । अबलानन दीख नहीं जब लौ ॥
 ससुरारि पिआरि लगी जब तैं । रिपु रूप कुटुंब भए तब तैं ॥
 नृप पाप परायन धर्म नहीं । करि दंड विडंब प्रजा नितहीं ॥
 धनवंत कुलीन मलीन अपी । द्विजचिन्ह जनेउ उधार तपी ॥
 नहिं मान पुरान न बेदहिं जो । हरि सेवक संत सही कलि सो ॥
 कबिबृंद उदार दुनी न सुनी । गुन दूषक५ ब्रात न कोपि गुनी ॥
 कलि बारहिं बार दुकाल परै । बिनु अन्न दुखी सब लोग मरै ॥

१—प्र० : नाना । द्वि० : प्र० [(३) (४) : दाना] । [तृ०, च० : दाना] ।

२—प्र० : कलि । द्वि० : प्र० । [तृ० : कली] । च० : ल० ।

३—[प्र० : न रही] । द्वि० : रही [(५अ) : न रहि] । तृ०, च० : द्वि० ।

४—प्र० : कुलवंति । द्वि० : प्र० [(३) (४) (५) : कुलवत] । तृ०, च० : प्र० ।

५—प्र० : दूषक । द्वि० : प्र० [(४) : दूषन] । तृ० : प्र० । [च० : दोष के] ।

दो०—सुनु स्वर्गस कलि कपट हठ दंभ द्वेष पाखंड ।

मान मोह मायादि मद^१ व्यापि रहे ब्रह्मंड ॥

तामस धर्म करहिं नर जप तप मख व्रत दान ।

देव न वरषहिं^२ धरनि पर वये न जामहिं धान ॥१०१॥

छं०—अबला कच भूषन भूरि लुधा^३ । धनहीन दुखी ममता बहुधा ॥

सुख चाहहिं मूढ़ न धर्मरता । मति थोरि कठोरि न कोमलता ॥

नर पीड़ित रोग न भोग कहीं । अभिमान बिरोध अकारन हीं ॥

लघु जीवन संबत पंचदसा । कलपांत न नास गुमानु असा ॥

कलिकाल बिहाल किए मनुजा । नहिं मानत कोउ अनुजा तनुजा ॥

नहिं तोष बिचार न सीतलता । सब जाति कुजाति भए मँगता ॥

इरिषा परुषाच्छर लोलुपता । भरि पूरि रही समता बिगता ॥

सब लोग बियोग बिसोक हए । बरनासम धर्म अचार गए ॥

दम दान दया नहिं जानपनी । जड़ता परबंचनताति धनी ॥

तनुपोषक नारि नरा सगरे । परनिंदक जे जग मो बगरे ॥

दो०—सुनु व्यालारि काल^४ कलि मल अवगुन आगार ।

गुनौ बहुत कलजुग कर बिनु प्रयास निसतार ॥

कृतजुग त्रेता द्वापर^५ पूजा मख अरु जोग ।

जो गति होइ सो कलि हरि नाम तैं पावहिं लोग ॥१०२॥

कृतजुग सब जोगी बिज्ञानी । करि हरिध्यान तरहिं भव प्रानी ॥

त्रेता बिबिध जज्ञ नर करहीं । प्रभुहिं समधिं करम भव तरहीं ॥

१—प्र० : मान मोह मायादि मद । द्वि० : प्र० । [तृ० : मान मोह मारादि मद] ।

[च० : काम क्रोध मदलोभरत] ।

२—प्र० : वरषै । द्वि० : प्र० । तृ० : वरषहिं । च० : तृ० ।

३—प्र० : काल । द्वि० : प्र० । [तृ० : कराल] । च० : प्र० ।

४—[प्र० : द्वापरहुँ] । द्वि० : द्वापर [(५अ) : द्वापरहुँ] । [तृ० : द्वापरहुँ] । [च० :

द्वापर मई] ।

द्वापर करि रघुपति पद पूजा । नर भव तरहिं उपाउ न दूजा ॥
 कलिजुग केवल हरि गुन गाहा । गावत नर पावहिं भव थाहा ॥
 कलिजुग जोग न जज्ञ न ज्ञाना । एक अधार राम गुन माना ॥
 सब भरोस तजि जो भज रामहि । प्रेम समेत गाव गुन ग्रामहि ॥
 सोइ भव तर कछु संसय नाही । नामप्रताप प्रगट कलि माहीं ॥
 कलि कर एक पुनीत प्रतापा । मानस पुन्य होहिं नहिं पापा ॥
 दो०—कलिजुग सम जुग आन नहिं जौं नर कर बिस्वास ।

गाइ राम गुन गन बिमल भव तर बिनहिं प्रयास ॥
 प्रगट चारि पद धर्म के कलि महुँ एक प्रधान ।
 जेन केन बिधि दीन्हे दान करइ कल्याण ॥१०३॥
 नितः जुग धर्म होहिं सब केरे । हृदयँ राम माया के प्रेरे ॥
 सुद्ध सत्व समता बिज्ञाना । कृत प्रभाव प्रसन्न मन जाना ॥
 सत्व बहुत रज कछु रति कर्मा । सब बिधि सुख त्रेता कर धर्मा ॥
 बहु रज स्वरूप सत्व कछु तामस । द्वापर धर्म हरष भय मानस ॥
 तामस बहुत रजोगुन थोरा । कलि प्रभाव बिरोध चहुँ ओरा ॥
 बुध जुगधर्म जानि मन माहीं । तजि अधर्म रति धर्म कराहीं ॥
 काल धर्म नहि व्यापहिं ताही । रघुपति चरन प्रीति अति जाही ॥
 नट कृतः विकट कपट खगराया । नटसेवकहिं न व्यापइ माया ॥
 दो०—हरि माया कृत दोष गुन बिनु हरि भजन न जाहिं ।

भजिअ राम तजि काम सब अस बिचारि मन माहिं ॥
 तेहि कलि काल बरष बहु बसेउँ अवध बिहँगेस ।
 परेउ दुकाल बिपतिवस तब मै गएउँ बिदेस ॥१०४॥
 गएउँ उजेनी सुनु उरगारी । दीन मलीन दरिद्र दुखारी ॥

१—प्र० : नित । द्वि० : प्र० [(३) (५अ) कृत] । [व० ; व० : कृत] ।

२—प्र० : कालधर्म । द्वि० : प्र० । [व० : कालधर्म] । [च० : प्रभु प्रभाव] ।

गए काल कछु संपति पाई । तहँ पुनि करौ संभु सेवकाई ॥
 बिप्र एक बैदिक सिव पूजा । करइ सदा तेहि काजु न दृजा ॥
 परम साधु परमारथ बिदक । संभु उपासक नहिं हरि निंदक ॥
 तेहि सेवौ मैं कपट समेता । द्विज दयाल अति नीति निकेता ॥
 बाहिज नम्र देखि मोहि साई । बिप्र पढ़ाव पुत्र की नाई ॥
 संभु मंत्र मोहि द्विजवर दीन्हा । सुभ उपदेस बिबिध विधि कीन्हा ॥
 जपौ मंत्र सिव मंदिर जाई । हृदय दंभ अहमिति अधिकारि ॥
 दो०—मैं खल मल संकुल मति नीच जाति बस मोह ।

हरिजन द्विज देखे जरौ करौ बिष्णु कर द्रोह ॥

सो०—गुर नित मोहि प्रबोध दुखित देखि आचरन मम ।

मोहि उपजइ अति क्रोध दंभिहि नीति की भावई ॥१०५॥
 एक बार गुर लीन्ह बोलाई । मोहि नीति बहु भौंति सिखाई ॥
 सिव सेवा कै फल सुन सोई । अबिरल भगति राम पद होई ॥
 रामहि भजहिं तात सिव धाता । नर पावँर कै केतिक बाता ॥
 जासु चरन अज सिव अनुरागी । तासु द्रोह सुख चहसि अभागी ॥
 हर कहँ हरिसेवक गुर कहेऊ । सुनि खगनाथ हृदय मम दहेऊ ॥
 अधम जाति मैं बिद्या पाए । भएउ जथा अहि दूध पिआए ॥
 मानी कुटिल कुभाग्य कुजाती । गुर कर द्रोह करौ दिनु राती ॥
 अतिदयाल गुरु स्वल्प न क्रोधा । पुनि पुनि मोहि सिखाव सुबोधा ॥
 जेहि ते नीच बढ़ाई पावा । सो प्रथमहि हति ताहि नसावा ॥
 धूम अनल संभव सुनु भाई । तेहि बुझाव घन पदवी पाई ॥
 रज भग परी निरादर रहई । सब कर पद प्रहार नित सहई ॥
 मरुत उड़ाव प्रथम तेहि भरई । पुनि नृप नयन किरीटन्ह परई ॥
 सुनु खगपति अस समुझि प्रसंगा । बुध नहिं करहिं अधम कर संग्गा ॥
 कबि कोबिद गावहिं असि नीती । खल सन कलह न भल नहिं प्रीती ॥

उदासीन नित रहिअ गोसाईं । खल परिहरिअ स्वान की नाईं ॥
 मैं खल हृदय कपट कुटिलाई । गुर हित कहहिं न मोहि सुहाई ॥
 दो०—एक बार हर मंदिर ? जपत रहेउँ सिव नाम ।

गुर आएउ अभिमान तैं उठि नहिं कीन्ह प्रनाम ॥

सो दयाल नहिं कहेहु कछु उर न रोष लव लेस ।

अति अघ गुर अपमानता सहि नहिं सके महेस ॥१०६॥

मंदिर माँझ भई नभबानी । रे हतभाग्य अज्ञ अभिमानी ॥
 जद्यपि तव गुर कैं नहिं क्रोधा । अति कृपाल चित सम्यक बोधा ॥
 तदपि साप सठ देहौं तोही । नीति बिरोध सोहाइ न मोही ॥
 जौं नहि दंड करौं खल तोरा । अष्ट होइ श्रुति मारग मोरा ॥
 जे सठ गुर सन इरिषा करहीं । रौरव नरक कोटि जुग परहीं ॥
 त्रिजग जोनि पुनि धरहिं सरीरा । अयुत जन्म भरि पावहिं पीरा ॥
 बैठि रहेसि अजगार इव पापी । सर्प होहि खल मल मति व्यापी ॥
 महा बिटप कोटर महुँ जाई । रहु अधमाधम अधगति पाई ॥

दो०—हाहाकार कीन्ह गुर दारुन सुनि सिव साप ।

कंपित मोहि बिलोकि अति उर उपजा परिताप ॥

करि दंडवत संप्रेम द्विज सिव सन्मुख कर जोरि ।

बिनय करत गदगद गिरार समुझि घोर गति मोर ॥१०७॥

नमामीशमीशाननिर्वाणरूप । विभुं व्यापकं ब्रह्म वेदस्वरूपं ॥
 निजं निर्गुणं निर्विकल्पं निरीहं । चिदाकाशमाकाशवासं भजेहं ॥
 निराकारमोकारमूल तुरीयं । गिराज्ञानगोतीतमीशं गिरीशं ॥
 करालं महाकालकालं कृपालं । गुणागार संसारपारं नतोहं ॥
 तुषाराद्रिसंकाशगौरं गभीरं । मनोभूतकोटिप्रभा श्री शरीरं ॥

१—प्र० : मंदिर । द्वि० : प्र० [वृ० : मंदिरहु] । च० : प्र० ।

२—प्र० : स्वर । द्वि० : प्र० [(५) (५अ) : गिरा] । वृ० : गिरा । च० : वृ० ।

स्फुरन्मौलिकल्लोलिनी चारु गंगा । लसद्भालबालेन्दु कंठे मुजंगा ॥
 चलत्कुंडलं शुभनेत्रं^१ विशालं । प्रसन्नाननं नीलकंठं दयालं ॥
 मृगाधीशचर्मावरं मुंडमालं । प्रियं शंकरं सर्वनाथं भजामि ॥
 प्रचंडं प्रकृष्टं प्रगल्भं परेशं । अखंडं अजं भानुकोटिप्रकाशं ॥
 त्रयःशूल निर्मूलनं शूलपाणिम् । भजेहं भवानीपतिं भावगम्यं ॥
 कलातीतिकल्याणकल्पांतकारी । सदा सज्जनानंददाता पुरारी ॥
 चिदानंदसंदोहमोहापहारी । प्रसीद प्रसीद प्रभो मन्मथारी ॥
 न यावद् उमानाथपादारविंदं । भजंतीह लोके परे वा नराणां ॥
 न तावत्सुखं शांतिं संतापनाशं । प्रसीद प्रभो सर्वभूताधिवासं ॥
 न जानामि योगं जपं नैव पूजां । नतोहं सदा सर्वदा शंभु तुभ्यं ॥
 जराजन्मदुःखौघतातप्यमानं । प्रभो पाहि आपन्न मामीश शंभो ॥

श्लो० — रुद्राष्टकमिदं प्रोक्तं विप्रेण हरतोषये^२ ।

ये पठन्ति नरा भक्त्या तेषां शंभुः प्रसीदति ॥

दो०—सुनि विनती सर्वज्ञ सिव देखि बिप्र अनुगारु ।
 पुनि मंदिर नभ बानी भइ^३ द्विजवर वर माँगु ॥
 जौ प्रसन्न प्रभु मोपर^४ नाथ दीन पर नेहु ।
 निज पद भगति^५ देइ प्रभु पुनि दूसर वर देहु ॥
 तव मायाबस जीव जड़ संतत फिरइ मुलान ।
 तेहि पर क्रोध न करिअ प्रभु कृपासिंधु भगवान ॥

१—प्र० : अ सुनेत्रं । द्वि० : प्र० [(५अ) : अ चिनेत्रं] । तृ० : शुभनेत्रं । च० : तृ० ।

२—प्र० : तोषये । [द्वि०, तृ० : तुष्टये] च० : प्र० ।

३—प्र० : नभ बानी भइ । द्वि० : प्र० । [तृ० : बानी भइ हे] । च० : प्र० ।

४—प्र० : प्रभु मो पर । द्वि०, प्र० [(५अ) : प्रभु मोहि पर] । तृ० : अति मोहि पर] ।

च० : प्र० ।

५—प्र० : भगति । द्वि० : प्र० । [तृ० : भगती] । च० : प्र० ।

संकर दीन दयाल अब येहि पर होहु कृपाल ।

साप अनुग्रह होइ जेहि^१ नाथ थोरे हीं काल ॥१०८॥

येहि कर होइ परम कल्याना । सोइ करहु अब कृपानिधाना ॥
 बिप्र गिरा सुनि परहित सानी । एवमस्तु इति मै नभ बानी ॥
 जदपि कीन्ह येहिं दारुन पापा । मै पुनि दीन्ह क्रोध करि सापा ॥
 तदपि तुम्हारि साधुता देखी । करिहौं येहि पर कृपा बिसेषी ॥
 ब्रमासील जे पर उपकारी । ते द्विज मम^२ प्रिय जथा खरारी ॥
 मोर साप द्विज व्यर्थ न जाइहि । जन्म सहस्र अवसि^३ येह पाइहि ॥
 जन्मत मरत दुसह दुख होई । येहि स्वल्पौ नहिं ब्यापिहि सोई ॥
 कबनेहु जन्म मिटिहि नहिं ज्ञाना । सुनिहि सूद्र मम बचन प्रवाना ॥
 रघुपति पुरी जन्म तब भएऊ । पुनि तैं मम सेवा मन दएऊ ॥
 पुरी प्रभाव अनुग्रह मोरे । राम भगति उपजिहि उर तोरे ॥
 सुनु मम बचन सत्य अब भाई । हरि तोषन व्रत द्विज सेवकाई ॥
 अब जनि करहि बिप्र अपमाना । जानेसु संत अनंत समाना ॥
 इंद्रकुलिस मम सूल बिसाला । कालदंड हरिचक्र कराला ॥
 जो इन्ह कर मारा नहि मरई । बिप्र द्रोह पावक सो जरई ॥
 अस बिबेक राखेहु मन माहीं । तुम्ह कहँ जग दुर्लभ कछु नाहीं ॥
 औरौ एक आसिषा मोरी । अप्रतिहत गति होइहि तोरी ॥

दो०—सुनि सिव बचन हरषि गुर एवमस्तु इति भाषि ।

मोहि प्रबोधि गएउ गृह संभु चरन उर राखि ॥

प्रेरित काल बिधि^४ गिरि जाइ भएउँ मै ब्याल ।

१—प्र० : तेहि । द्वि० : प्र० । [तु० ता] । च० : प्र०

२—प्र० : मोहि प्रिय । द्वि० : प्र० । तु० : मम प्रिय । च० : तु०

३—प्र० : सहस्र अवस्य । द्वि० : सहस्र अवसि । [तु० : सहस्र अवस्य] । च० : द्वि०

४—प्र० : बिधि । द्वि० : प्र० । [तु० : सुबिधि] । च० : प्र०

पुनि प्रयास बिनु सो^१ तनु तजेउँ गए कछु काल ॥
जोइ तनु धरौं तजौं पुनि अनायास हरिजान ।
जिमि नूतन पट पहिरइ नर परिहरइ पुरान ॥
सिव राखी श्रुति नीति अरु मै नहि पाव कलेस ।
येहि बिधि धरेउँ बिबिध तनु ज्ञान न गएउ खगेस ॥१०६॥

त्रिजग देव नर जोइ तन धरऊँ । तहँ तहँ राम भजन अनुसरऊँ ॥
एक सूल मोहि बिसर न काऊ । गुर कर कोमल सील सुभाऊ ॥
चरम^२ देह द्विज कै मै पाई । सुर दुर्लभ पुरान श्रुति गाई ॥
खेलौं तहँ^३ बालकन्ह मीला । करौं सकल रघुनायक लीला ॥
प्रौढ़ भए मोहि पिता पढ़ावा । समुझौं सुनों गुनों नहि भावा ॥
मन तें सकल बासना भागी । केवल राम चरन लय लागी ॥
कहु खगेस अस कवन अभागी । खरी सेव सुरधेनुहि त्यागी ॥
प्रेम मगन मोहि कछु न सोहाई । हारेउ पिता पढ़ाई पढ़ाई ॥
भए कालवस जब पितु माता । मै बन गएउँ मजन जनत्राता ॥
जहँ जहँ बिपिन मुनीस्वर पावौं । आसम जाइ जाइ सिरु नावौं ॥
बूझौं तिन्हहि राम गुन गाहा । कहहि सुनों हरषित खगनाहा ॥
सुनत फिरौं हरि गुन अनुवादा । अब्याहत गति संसु प्रसादा ॥
छूटी त्रिविधि ईषना^४ गाढ़ी । एक लालसा उर अति बाढ़ी ॥
राम चरन बारिज जब देखौं । तब निज जन्म सुफल करि लेखौं ॥
जेहि पूछौं सोइ मुनि अस कहई । ईस्वर सर्व मृत मय अहई ॥
निर्गुन मत नहि मोहि सुहाई । सगुन ब्रह्म रति उर अधिकारि ॥

१—सो । द्वि० प्र० । [त० : सोड] । [च० : पक्षि नहीं है]

२—प्र० : चर्म । द्वि० : प्र० [(५अ) : धर्म] त० : चरम । [च० : धर्म] ।

३—प्र० : तहँ [(२) : तह] द्वि० : प्र० । [त०, च० : तहाँ] ।

४—प्र० : ईषना । द्वि० प्र० [(४) (५) : ईर्षना] । [त० : ईर्षना] । [च० : न इरषा]

दो०—गुर के बचन सुरति करि राम चरन मनु लाग ।
 रघुपति जस गावत फिरौ छन छन नव अनुराग ॥
 मेरु सिखर बट द्यायौ मुनि लोमस आसीन ।
 देखि चरन सिर नाएउँ बचन कहेउँ अति दीन ॥
 सुनि मम बचन बिनीत मृदु मुनि कृपाल खगराज ।
 मोहि सादर पूछत भए द्विज आएहु केहि काज ॥
 तब मैं कहा कृपानिधि१ तुम्ह सर्वज्ञ सुजान ।
 सगुन ब्रह्म अवराधन२ मोहि कहहु भगवान् ॥ ११० ॥

तब मुनीस रघुपति गुन गाथा । कहे कछुक सादर खगनाथा ॥
 ब्रह्मज्ञान रत मुनि बिज्ञानी । मोहि परम अधिकारी जानी ॥
 लागे करन ब्रह्म उपदेसा । अज अद्वैत अगुन हृदयेसा ॥
 अकल अनीह अनाम अरूपा । अनुभवगम्य अखंड अनूपा ॥
 मन गोतीत अमल अविनासी । निर्विकार निरवधि सुखरासी ॥
 सो तैं ताहि तोहि नहिं भेदा । बारि बीचि इव गावहिं वेदा ॥
 बिबिधि भाँति मोहिं मुनि समुझावा । निर्गुन मत मम३ हृदय न आवा ॥
 पुनि मैं कहेउँ नाइ पद सीसा । सगुन उपासन कहहु मुनीसा ॥
 राम भगति जल मम मन मीना । किमि बिलगाइ मुनीस प्रबीना ॥
 सो उपदेस कहहु करि दाया । निज नयनन्हि देखौ रघुराया ॥
 भरि लोचन बिलोकि अवधेसा । तब सुनिहौं निर्गुन उपदेसा ॥
 मुनि पुनि कहि हरिकथा अनूपा । खंडि सगुन मत अगुन निरूपा ॥
 तब मैं निर्गुन मत करि दूरी । सगुन निरूपौं करि हठ भूरी ॥
 उत्तर प्रतिउत्तर मैं कीन्हा । मुनि तन भए क्रोध के चीन्हा ॥

१—प्र० : कृपानिधि । द्वि० : प्र० । [तृ० : कृपायतन] । च० : प्र० ।

२—प्र० : अवराधन । द्वि० : प्र० । [तृ० : अवराधन] । च० : प्र० ।

३—प्र० मम । द्वि० : प्र० । [तृ० : मोहि] । च० : प्र० ।

मुनु प्रभु बहुत अवज्ञा किए^१ । उपज क्रोध^२ ज्ञानिन्ह^३ के हिए^४ ॥
अति संवर्षन कर जो कोई । अनल प्रगट चंदन तें होई ॥
दो०—वारंवार सक्रोप मुनि करइ निरूपन ज्ञान ।

मैं अपने मन बैठ तब करौं विविध अनुमान ॥

क्रोध कि द्वैत बुद्धि बिनु द्वैत कि बिनु अज्ञान ।

मायावस परिछिन्न जड़ जीव कि ईस समान ॥१११॥

कबहुँ कि दुख सब कर हित ताके । तेहि कि दरिद्र परसमनि जाके ॥
परद्रोही की होहिं निसंका । कामी पुनि कि रहहिं अकलंका ॥
बंस कि रह द्विज अनहित कीन्हे । कर्म कि होहिं स्वरूपहिं चीन्हे ॥
काहू सुमति कि खल सँग जामी । सुभ गति पाव कि पर त्रिय गामी ॥
भव कि परहिं परमात्म^४ विंदक । सुखी कि होहिं कबहुँ हरि निंदक ॥
राजु कि रहइ नीति बिनु जाने । अघ कि रहहिं हरि चरित बखाने ॥
पावन जस कि पुन्य बिनु होई । बिनु अघ अजस कि पावइ कोई ॥
लाभु कि कछु हरि भगति समाना । जेहि गावहिं श्रुति संत पुराना ॥
हानि कि जग येहि सम कछु भाई । भजिअ न रामहिं नर तनु पाई ॥
अघ की बिनु तामस कछु आना । धर्म कि दया सरिस हरिजाना ॥
येहि बिधि अमित जुगुति मन गुनेऊँ । मुनि उपदेस न सादर सुनेऊँ ॥
पुनि पुनि सगुन पच्छ मैं रोपा । तब मुनि बोलेउ बचन सक्रोपा ॥
मूढ़ परम सिख देउ न मानसि^५ । उत्तर प्रतिउत्तर बहु आनसि^५ ॥
भारी ॥

१—प्र० : कीप, हीप । द्वि० : किए, हिए । [(३) (४) : कीप, हीप] । [हिएक] । च० : द्वि० ।

२—प्र० : ज्ञानिन्ह । द्वि० : ज्ञानिहु [(३) : ज्ञानिन्ह] । [च० : ज्ञानी] । ईह ॥

३—प्र० : की होहिं । द्वि० : प्र० [(३) कि होइ, (४) (५) की होइ] । [च० : किमि होइ] ।

४—प्र० : परमात्मा । द्वि० : प्र० [(२अ) : परमारथ] । च० : परमारथ ।

५—प्र० : बिनु तामस । द्वि० प्र० [(३) (४) (५) : पिसुनता सम] । च० : २

सत्य बचन बिस्वास न करही । बायस इव सब हीं तें डरही ॥
 सठ स्वपच्छ तव हृदय बिसाला । सपदि होहि पक्षी चंडाला ॥
 लीन्हि साप मैं सीस चढ़ाई । नहिं कछु भय न दीनता आई ॥
 दो०—तुरत भएउं मैं काग तव पुनि मुनि पद सिरु नाइ ।

सुमिरि राम रघुवंस मनि हरषित चलेउं उड़ाइ ॥

उमा जे राम चरन रत बिगत काम मद क्रोध ।

निज प्रभुमय देखहिं जगत केहि^१ सन करहिं बिरोध ॥ ११२ ॥

सुनु खगेस नहिं कछु रिषि दूषन । उर प्रेरक रघुवंस बिभूषन ॥
 कृपासिंधु मुनि मति करि भोरी । लीन्ही प्रेम परिच्छा मोरी ॥
 मन बच क्रम मोहिं निज जन जाना । मुनि मति पुनि फेरी भगवाना ॥
 रिषि मम सहन^२ सीलता देखी । राम चरन बिस्वास बिसेवी ॥
 अति बिसमय पुनि पुनि पढ्यताई । सादर मुनि मोहि लीन्ह बोलाई ॥
 मम परितोष विविध विधि कीन्हा । हरषित राममंत्र तब दीन्हा ॥
 बालक रूप राम कर ध्याना । कहेउ मोहि मुनि कृपानिधाना ॥
 सुंदर सुखद मोहि अति भावा । सो प्रथमहिं मैं तुम्हहि सुनावा ॥
 मुनि मोहि कछुक काल तहँ राखा । रामचरितमानस तब भाखा ॥
 सादर मोहि यह कथा सुनाई । पुनि बोले मुनि गिरा सुहाई ॥
 सीरामचरित सर गुप्त सुहावा । संभु प्रसाद तात मैं पावा ॥
 भरि^३ निज भगत राम कर जानी । ता ते मैं सब कहेउं बखानी ॥
 मुनि पुधाति जिन्ह के उर नाहीं । कबहुँ न तात कहिय तिन्ह पाहीं ॥
 तब मैं निभु^४ विविध भाँति समुझावा । मई सप्रेम मुनि पद सिरु नावा ॥
 उत्तर प्रतिउत्तर परसि मम सीसा । हरषित आसिष दीन्हि मुनीसा ॥
 अबिरल उर तोरे । बसिहि सदा प्रसाद अब मोरे ॥

१—प्र० : कृपानिधि ।

२—प्र० : अवराधन । दे० : प्र० । [तु० : का] । च० : प्र० ।

३—प्र० मम । दि० : [दि० : (३) (१) (५) सहित, (५अ) सद्गज] । तु० : प्र० । [च० : सहज] ।

दो०—सदा राम प्रिय होहु तुम्ह सुभ गुन भवन अमान ।

कामरूप इच्छामरन ज्ञान विराग निधान ॥

जेहि^१ आश्रम तुम्ह बसब^२ पुनि सुमिरत स्त्री भगवंत ।

व्यापिहि तहँ न अविद्या जोजन एक प्रजंत ॥११३॥

काल करम गुन दोष सुमाऊ । कछु दुखतुम्हहि न व्यापिहिकाऊ ॥

रामरहस्य ललित बिधि नाना । गुप्त प्रगट इतिहास पुराना ॥

बिनु स्रम तुम्ह जानब सब सोऊ । नित नव नेह राम पद होऊ ॥

जो इच्छा करिहहु मन माहीं । प्रभु^३ प्रसाद कछु दुरलभ नाहीं ॥

सुनि मुनि आसिष सुनु मतिधीरा । ब्रह्मगिरा भइ गगन गँभीरा ॥

एवमस्तु तव बच मुनि ज्ञानी । यह मम भगत कर्म मन बानी ॥

सुनि नभ गिरा हरष मोहि भएऊ । प्रेम भगन सब संसय गएऊ ॥

करि बिनती मुनि आयेसु पाई । पद सरोज पुनि पुनि सिरु नाई ॥

हरष सहित येहि आस्रम आएउँ । प्रभु प्रसाद दुरलभ बर पाएउँ ॥

इहाँ बसत मोहि सुनु खगईसा । बीते कलप सात अरु बीसा ॥

करौ सदा रघुपति गुन गाना । सादर सुनहिं बिहंग सुजाना ॥

जब जब अवधपुरी रघुबीरा । धरहिं भमत हित मनुज सरीरा ॥

तब तब जाइ रामपुर रहऊँ । सिसु लीला बिलोकि सुख लहऊँ ॥

पुनि उर राखि राम सिसुरूपा । निज आस्रम आवौं खगभूपा ॥

कथा सकल मैं तुम्हहिं सुनाई । काग देह जेहि कारन पाई ॥

कहेउँ तात सब प्रस्न तुम्हारी । राम भगति महिमा अति भारी ॥

दो०—ता तें येह तन मोहिं प्रिय भएउ राम पद नेह ।

निज प्रभु दरसन पाएउँ गएउ सकल संदेह ॥

१—प्र० : जेहि । दि० : प्र० । [त० : जो] । च० : प्र० ।

२—प्र० : बसब । दि० : प्र० । [त०, च० : बसहु] ।

३—प्र० : हरि । दि० : प्र० । त० : प्रभु । च० : त० ।

भगति पच्छ हठ करि रहेउँ दीन्ह महारिषि साप ।

मुनि दुर्लभ बर पाएउँ देखहु भजन प्रताप ॥११४॥

जे असि भगति जानि परिहरहीं । केवल ज्ञान हेतु श्रम करहीं ॥
ते जड़ कामधेनु गृह त्यागी । खोजत आकु फिरि पथ लागी ॥
सुनु खगेस हरि भगति बिहाई । जे सुख चाहिँ आन उपाई ॥
ते सठ महासिधु बिनु तरनी । पैरि पार चाहिँ जड़ करनी ॥
मुनि भुसुंढि के बचन भवानी । बोलेउ गरुड़ हरषि मृदु बानी ॥
तब प्रसाद प्रभु मम उर माहीं । संसय सोक मोह भ्रम नाहीं ॥
सुनेउँ पुनीत राम गुन आभा । तुम्हरी कृपा लहेउ बिस्वामा ॥
एक बात प्रभु पूछौ तोही । कहहु बुझाइ कृपानिधि मोही ॥
कहहिं संत मुनि बेद पुराना । नहिं कछु दुर्लभ ज्ञान समाना ॥
सोइ मुनि तुम्ह सन कहेउ गोसाई । नहिं आदरेहु भगति की नाई ॥
ज्ञानहि भगतिहि अंतरु केता । सकल कहहु प्रभु कृपानिकेता ॥
मुनि उरगारि बचन सुख माना । सादर बोलेउ काग सुजाना ॥
भगतिहि ज्ञानहि नहिं कछु भेदा । उभय हरहिं भव संभव खेदा ॥
नाथ मुनीस कहहिं कछु अंतर । सावधान सोउ सुनु बिहंगवर ॥
ज्ञान विराग जोग बिज्ञाना । ये सब पुरुष सुनहु हरिजाना ॥
पुरुष प्रताप प्रबल सब भाँती । अबला अबल सहज जड़ जाती ॥
दो०—पुरुष त्यागि सक नारिहिं जो विरक्त मति धीर ।

न तु कामी विषयावसरे विमुख जो पद रघुवीर ॥

सो०—सोउ मुनि ज्ञान निधान मृगनयनी बिधु मुख निरखि ।

विकल होहि हरिजान नारि बिस्व माया प्रगट ॥११५॥

इहाँ न पक्षपात कछु राखौ । बेद पुरान संत मत भाखौ ॥

१—प्र० : सोई । दि० : प्र० । [तु० : सो] । च० : प्र० ।

२—प्र० : विषयावस । दि० : प्र० । [तु० : विषयाविवस] । [च० : जो विषयवस] ।

३—प्र० : विवस । दि० : प्र० । तु० : विकल । च० : तु० ।

मोह न नारि नारि के रूपा । पन्नगारि यह रीति^१ अनूषा ॥
 माया भगति सुनहु तुम्ह दोऊ । नारि बर्ग जानैं सब कोऊ ॥
 पुनि रघुबीरहि भगति पियारी । माया खलु नर्तकी बिचारी ॥
 भगतिहि सानुकूल रघुराया । ता तैं तेहि डरपति अति माया ॥
 राम भगति निरुपम निरुपाधी । बसइ जासु उर सदा अबाधी ॥
 तेहि बिलोकि माया सकुचाई । करि न सकइ कछु निज प्रभुताई ॥
 अस बिचारि जे मुनि विज्ञानी । जाचहि भगति सकल सुख स्वानी ॥

दो०—यह रहस्य रघुनाथ कर बेगि न जानइ कोइ ।

जाने ते^२ रघुपति कृपा सपनेहुँ मोह न होइ ॥

औरौ भ्यान भगति कर भेइ सुनहु सुप्रवीन^३ ।

जो सुनि होइ राम पद प्रीति सदा अविछीन^४ ॥११६॥

सुनहु तात यह अकथ कहानी । समुक्त बनइ न जाइ^५ बखानी ॥
 ईश्वर अस जीव अविनासी । चेतन अमल सहज सुखरासी ॥
 सो माया बस भएउ गोसाई । दँध्यो कीर मर्कट की नाई ॥
 जड चेतनहि ग्रंथि परि गई । जदपि मृषा छूटत कठिनई ॥
 तब ते जीव भएउ संसारी । छूट न ग्रंथि न होइ सुखारी ॥
 श्रुति पुरान बहु कहेउ उपाई । छूट न अधिक अधिक अरुभाई ॥
 जीव हृदय तम मोह बिसेषी । ग्रंथि छूटि किमि परइ न देखी ॥
 अस संयोग ईस जब करई । तबहु कदाचित सो निरुग्ररई ॥
 सात्विक सद्धा धेनु सुहाई । जौ हरि कृपा हृदय बस आई ॥
 जप तप व्रत जम नियम अपारा । जे श्रुति कह सुम धर्म अचारा ॥

१—प्र० : रीति । द्वि० : प्र० । [तृ०, च० : नीति] ।

२—प्र० : जो जानै । द्वि० : प्र० । तृ० : जाने ते । च० : तृ० ।

३—प्र० : सुप्रवीन । द्वि० : प्र० । [तृ० : परवीन] । [च० : सो प्रवीन] ।

४—प्र० : अविछीन । द्वि० : प्र० [(५अ) : अवछीन] । [तृ०, च० : अवछीन]

५—प्र० : जाइ । द्वि० : प्र० । [तृ०, च० : जात] ।

तेह तृन हरित चरइ जब गाई । भाव बच्छ सिसु पाइ पेन्हाई ॥
 नोइ निवृत्ति पात्र बिस्वासा । निर्मल मन अहीर निज दासा ॥
 परम धर्ममय पय दुहि भाई । अबटइ अनल अकाम बनाई ॥
 तोष मरुत तब छमा जुड़ावै । धृति सम जावनु देइ जमावै ॥
 मुदिता मथइ विचार मथानी । दम आधार रजु सत्य सुबानी ॥
 तव मथि काढि लेइ नवनीता । बिमल बिराग सुभग सुपुनीता ॥
 दो०—जोग अग्नि करि प्रगट तब कर्म सुभासुभ लाइ ।

बुद्धि सिगवइ ज्ञान घृत ममता मम जरि जाइ ॥
 तब विज्ञानरूपिनी^१ बुद्धि बिसद घृत पाइ ।
 चित दिआ भरि धरइ दृढ़ समता दिअटि बनाइ ॥
 तीनि अवस्था तीनि गुन तेहि कपास ते काढ़ि ।
 तूल तुरीय सँवारि पुनि वाली करइ सुगाढ़ि ॥
 सो०—येहि बिधि लेसइ दीप तेजरासि बिज्ञानमय ।

जातहिं तासु^२ समीप जरहिं मदादिक सलभ सब ॥११७॥
 सोहमस्मि इति वृत्ति अखंडा । दीप सिखा सोइ परम प्रचंडा ॥
 आतम अनुभव सुख सुप्रकासा । तब भव मूल भेद भ्रम नासा ॥
 प्रबल अबिद्या कर परिवारा । मोह आदि तम मिटइ अपारा ॥
 तब सोइ बुद्धि पाइ उजियारा^३ । उर गृह बैठि अंथि निरुआरा^३ ॥
 छोरन अंथि पाव जौं सोई । तौ यह जीव कृतारथ होई ॥
 छोरत अंथि जानि खगराया । बिघ्न अनेक करइ तब माया ॥
 रिद्धि सिद्धि प्रेरइ बहु भाई । बुद्धिहि लोभ दिखावहि आई ॥
 कल बल छल करि जाहिं^४ समीपा । अंचल बात बुझावहिं दीपा ॥

१—प्र० : रूपिनी । द्वि० : प्र० । [वृ० : निरूपिनी] । [च० : निरूपन]

२—प्र० : तासु । द्वि० : प्र० [(३) (४) (५) : जासु] : वृ० : प्र० । [च० : जासु] ।

३—प्र० : उजियारा, निरुआरा । द्वि० : प्र० । [वृ०, च० : उजियारी, निरुआरी] ।

४—प्र० : जाहिं । द्वि० : प्र० [(४) (५) : जाइ] । [वृ० : जाइ] । [च० : प्र०] ।

होइ बुद्धि जो परम सयानी । तिन्हतनुचितवनअनहितजानी १ ॥
 जौं तेहि बिषय बुद्धि नहिं बाधी । तौ बहोरि सुर करहिं उपाधी ॥
 इंद्री द्वार भरोखा नाना । तहँ तहँ सुर बैठे करि आना ॥
 आवत देखहिं विषय बयारी । ते हठि देहिं कपाट उधारी ॥
 जब सो प्रमंजन उर गृह जाई । तबहिं दीप विज्ञान बुझाई ॥
 ग्रंथि न छूटि मिटा सो प्रकासा । बुद्धि विकल भइ २ विषय बतासा ॥
 इंद्रिन्ह सुरन्ह न ज्ञान सोहाई । विषय भोग पर प्रीति सदाई ॥
 विषय समीर बुद्धि कृत भोरी । तेहि विधि दीप को बार बहोरी ॥
 दो०—तब फिरि जीव विविध विधि पावइ संसृति क्लेश ।

हरिमाया अति दुस्तर तरि न जाइ विहंगेस ॥

कहत कठिन समुझत कठिन साधत कठिन विवेक ।

होइ घुनाच्छर न्याय जौं पुनि प्रत्यूह अनेक ॥११८॥
 ज्ञानपंथ ३ कृपान कै धारा । परत खगेस होइ नहिं वारा ॥
 जौं निर्विघ्न पंथ निर्बहई । सो कैवल्य परमपद लहई ॥
 अति दुर्लभ कैवल्य परम पद । संत पुरान निगम आगम बद् ॥
 राम भजत ४ सोइ मुकुति गुसाई । अनइच्छित आवइ बरिआई ॥
 जिमि थल विनु जल रहि न सकाई । कोटि भाँति कोउ करइ उपाई ॥
 तथा मोक्ष सुख सुनु खगराई । रहि न सकइ हरि भगति विहाई ॥
 अस बिचारि हरि भगत सयाने । मुकुति निरादर भगति लुभाने ॥
 भगति करत विनु जतन प्रयासा । संसृति मूल अविद्या नासा ॥
 भोजन करिअ तृप्ति हित लागी । जिमि सो असन पचइ ५ जठरागी ॥

१—प्र० : भयी । [द्वि० : भव] । प्र० : भइ । [च० : भा] ।

२—प्र० : साधत । द्वि० : प्र० [(३) (४) (५) : साधन] । [तृ०, च० : साधन] ।

३—प्र० : ज्ञानपंथ । द्वि० : प्र० । [तृ० : ज्ञानपंथ] । च० : प्र० ।

४—प्र० : भजत । द्वि० : प्र० [(३) : भजन] । [तृ० : भगति] । च० : प्र० ।

५—[प्र० : पचई] । द्वि० : पचइ । [तृ०, च० : पचवै] ।

असि हरि भगति : सुगम सुखदाई । को अस मूढ़ न जाहि सुहाई ॥

दो०—सेवक सेव्य भाव बिनु भव न तरिअ उरगारि ।

भजहु राम पद पंकज अस सिद्धांत बिचारि ॥

जो चेतन कहँ जड़ करइ जड़हि करइ चैतन्य ।

अस समर्थ रघुनाथकहिं भजहिं जीव ते धन्य ॥११६॥

कहेउँ ज्ञान सिद्धांत बुझाई । सुनहु भगति मनि कै प्रमुताई ॥

राम भगति चिंतामनि सुंदर । बसइ गरुड़ जाके उर अंतर ॥

परम प्रकास रूप दिन राती । नहिं कछु चहिअ दिया घृत बाती ॥

मोह दरिद्र निकट नहिं आवा । लोभ बात नहिं ताहि बुझावा ॥

प्रबल अविद्या तम मिटि जाई । हारहिं सकल सलभ समुदाई ॥

खल कामादि निकट नहिं जाहीं । बसइ भगति जाके उर माहीं ॥

गरल सुधा सम अरि हित होई । तेहि मनि बिनु सुख पाव न कोई ॥

व्यापहिं मानस रोग न भारी । जिन्हके बस सब जीव दुखारी ॥

राम भगति मनि उर बस जाके । दुख लव लेस न सपनेहु ताके ॥

चतुर सिरोमनि तेइ जग माहीं । जे मनि लागि सुजतन कराहीं ॥

सो मनि जदपि प्रगट जग अहई । राम कृपा बिनु नहिं कोउ लहई ॥

सुगम उपाय पाइवे करे । नर हतभाग्य देहिं भटभरे ॥

पावन पर्वत बेद पुराना । राम कथा रुचिराकर नाना ॥

महीं सज्जन सुमति कुदारी । ज्ञान बिराग नयन उरगारी ॥

भाव सहित खोजइ जो प्रानी । पाव भगति मनि सब सुखखानी ॥

मोरे मन प्रभु अस बिस्वासा । रात तेँ अधिक राम कर दासा ॥

राम सिंधु धन सज्जन धीरा । चंदन तरु हरि संत समीरा ॥

सब कर फल हरि भगति सुहाई । सो बिनु संत न काहू पाई ॥

अस बिचारि जोइ^१ कर सतसंगा । राम भगति तेहि सुलभ बिहंगा ॥

दो०—ब्रह्म पयोनिधि मंदर ज्ञान संत सुर आहिं ॥
 कथा सुधा मथि काढ़हिं भगति मधुरता जाहिं ॥
 बिरति चर्म असि ज्ञान मद लोभ मोह रिपु मारि ।
 जय पाइअ सो हरि भगति देखु खगेस विचारि ॥१२०॥
 पुनि सप्रेम बोलेउ खगराऊ । जौ कृपाल मोहि ऊपर भाऊ ॥
 नाथ मोहिं निज सेवक जानी । सप्त प्रश्न मम कहहु बखानी ॥
 प्रथमहिं कहहु नाथ मतिवीरा । सब ते दुर्लभ कवन सरीरा ॥
 बड़ दुख कवन कवन सुख भारी । सोउ संछेपहि कहहु विचारी ॥
 संत असंत मरम तुम्ह जानहु । तिन्ह कर सहज सुभाव बखानहु ॥
 कवन पुन्य श्रुति विदित बिसाला । कहहु कवन अव परम कराला ॥
 मानस रोग कहहु समुझाई । तुम्ह सर्वज्ञ कृपा अधिकारि ॥
 तात सुनहु सादर अति प्रीती । मै संछेप कहौ यह नीती ॥
 नर तन सम नहिं कवनिउ देही । जीव चराचर जाचत जेही ॥
 नरक स्वर्ग अपवर्ग निसेनी । ज्ञान बिगग भगति सुभर देनी ॥
 सो तनु धरि हरि भजहिं न जे नर । होहिं विषयरत मंद मंदतर ॥
 काँचु किरिच बदले तेर लेही । कर तैं डारि परसमनि देही ॥
 नहिं दरिद्र सम दुख जग माहीं । संत मिलन सम सुख जग नहिं ॥
 पर उपकार बचन मन काया । संत सहज सुभाव खगराया ॥
 संत सहहिं दुख परहित लागी । पर दुख हेतु असंत अभागी ॥
 भूर्ज तरू सम संत कृपाला । परहित निति सहविपति बिसाला ॥
 सन इव खल पर बंधन करई ५ । खाल कड़ाइ विपति सहि मरई ॥
 खल बिनु स्वारथ पर अपकारी । अहि मूषक इव सुनु उरगारी ॥

१—प्र० : सुम । द्वि० : प्र० [(३) (४) : सुख] । [तृ०, च० : सुख] ।

२—[प्र० : बदले जे] । द्वि० : बदले ते [(५) अ : बदले जे] । तृ० : द्वि० । [(८) : गहि सो नर] ।

३—प्र० : जग । द्वि० : प्र० । [तृ०, च० : कछु] ।

४—प्र० : निति । द्वि० : प्र० [(३) : निज] । [तृ० : निज] । च० : प्र० ।

५—प्र० : सहई । द्वि० : प्र० । तृ० : करई] । च० : तृ० ।

पर संपदा बिनासि नसाहीं । जिमिससि हति हिम उपल बिलाहीं ॥
 दुष्ट उदय १ जग आरति २ हेतू । जथा प्रसिद्ध अधम ग्रह केतू ॥
 संत उदय संतत सुखकारी । विस्व सुखद जिमि इंदु तमारी ॥
 परम धरम श्रुति विदित अहिंसा । पर निंदा सम अध न गिरीसा ॥
 हरि गुरु निंदक दादुर होई । जनम सहस्र पाव तन सोई ॥
 द्विज निंदक बहु नरक भोग करि । जग जनमइ बायस सरीर धरि ॥
 सुर श्रुति निंदक जे अभिमानी । रौरव नरक परहिं ते प्रानी ॥
 होहिं उलूक संत निंदा रत । मोह निसा प्रिय ज्ञान भानु गत ॥
 सब कै निंदा जे जड़ करहीं । ते चमगादुर होइ अवतरहीं ॥
 सुनहु तात अब मानस रोगा । जिन्ह तें दुख पावहिं सब लोगा ॥
 मोह सकल व्याधिन्ह कर मूला । तिन्ह तें ३ पुनि उपजहिं बहु सूला ॥
 काम वात कफ लोभ अपारा । क्रोध पित्त नित छाती जारा ॥
 प्रीति करहिं जौं तीनिउ भाई । उपजइ सन्यपात दुखदाई ॥
 बिषय मनोरथ दुर्गम नाना । ते सब सूल नाम को जाना ॥
 ममता दादु कंडु इरषाई । हरष बिषाद गरह बहुताई ॥
 पर सुख देखि जरनि सोइ छई । कुष्ट दुष्टता मन कुटिलई ॥
 अहंकार अति दुखद डमरुआ ४ । दंभ कपट मद मान नहरुआ ॥
 तृस्ना उदरवृद्धि अति भारी । त्रिविधि ईषना तरुन तिजारी ॥
 जुग बिधि ज्वर मत्सर अबिवेका । कहँ लगि कहौं कुरोग अनेका ॥
 दो०—एक व्याधि बस नर मरहिं ये असाधि बहु व्याधि ।

पीड़हिं संतत जीव कहूँ सो किमि लहइ समाधि ॥

१—प्र० : उदय । द्वि० : प्र० [(४) : हृदय] । तु०, च० : प्र० ।

२—प्र० : आरति । द्वि० : प्र० [(५अ) : अनर्थ] । [तु० : अनर्थ] । [च० : आरति] ।

३—प्र० : तिन्ह तें । द्वि० : प्र० । [तु० : जाते] । [च० : जेहिने] ।

४—प्र० : डमरुआ । द्वि० : प्र० । [तु०, च० : डहरुआ] ।

नेम धर्म आचार तप जोग^१ जज्ञ जप दान ।

भेषज पुनि कोटिन्ह^२ नहीं रोग जाहिं हरिजान ॥१२१॥

येहि बिधि सकल जीव जग रोगी । सोक हरष भय प्रीति बियोगी ॥

मानस रोग कछुक मैं गाए^३ । हहिं^४ सब के लखि विरलेन्हि पाए ॥

जाने तैं छीजहि कछु पापी । नास न पावहिं जन परितापी ॥

विषय कुपथ्य पाइ अंकुरे । मुनिहु हृदयँ का नर बापुरे ॥

राम कृपा नासहिं सब रोगा । जौं इहि भौंति बनइ संजोगा ॥

सदगुर बैद वचन बिस्वासा । संजम यह न विषय कै आसा ॥

रघुपति भगति सजीवनि मूरी । अनूपान श्रद्धा मति पूरी^५ ॥

येहि बिधि भलेहि कुरोग^६ नसाहीं । नाहिं त जतन कोटि नहिं जाहीं ॥

जानिअ तब मन विरज गोसाईं । जब उर बल बिराग अधिकारी ॥

सुमति छुधा बाढ़इ नित नई । विषय आस दुर्बलता गई ॥

बिमल ज्ञान जल जब सो नहाई । तब रह राम भगति उर छाई ॥

सिव अज सुक सनकादिक नारद । जे मुनि ब्रह्म विचार विसारद ॥

सब कर मत खगनायक येहा । करिअ राम पद पंकज नेहा ॥

श्रुति पुरान सब ग्रंथ कहाहीं । रघुपति भगति बिना सुख नाहीं ॥

कमठ पीठि जामहिं बरु बारा । बंध्यासुत बरु काहुहि मारा ॥

फूलहिं नभ बरु बहु बिधि फूला । जीव न लह सुख हरि प्रतिकूला ॥

तृषा जाइ बरु मृगजल पाना । बरु जामहिं सस सीस विषाना ॥

अंधकार बरु रविहि नसावै । राम विमुख न जीव सुख पावै ॥

हिम तैं अनल प्रगट बरु होई । विमुख राम सुख पाव न कोई ॥

१—प्र० : ज्ञान । द्वि० : प्र० । तृ० : जोग । च० : तृ० ।

२—प्र० : कोटिन्ह । द्वि० : प्र० । [तृ० : कोटिन्ह] । च० : प्र० ।

३—प्र० : गाए, पाए । द्वि० : प्र० । [तृ० : गाई, पाई] । [च० : गावा, पावा] ।

४—प्र० : हहिं । द्वि० : प्र० । [तृ०, च० : हैं] ।

५—प्र० : मति पूरी । द्वि० : प्र० । [तृ०, च० : अति रूरी] ।

६—प्र० : भलेहि रोग । द्वि० : प्र० । [(अ) : भलेहि कुरोग] । तृ० : भलेहि कुरोग । च० : तृ० ।

दो०—बारि मथे घृत होइ बरु सिकता तैं बरु तेल ।

बिनु हरि भजन न भवतिरिअ यह सिद्धांत अपेल ॥

मसरहि करइ विरंचि प्रभु अजहि मसक ते हीन ।

अस बिचारि तजि संसय रामहि भजहिं प्रवीन ॥१२२॥

श्लो०—विनिश्चितं वदामि ते न अन्यथा वचांसि मे ।

हरिं नरा भजन्ति ये ऽतिदुस्तरं तरन्ति ते ॥

कहेउँ नाथ हरि चरित अनूपा । व्यास समास स्वमति अनुरूपा ॥

श्रुति सिद्धांत इहै उरगारी । राम भजिअ सब काम^१ बिसारी ॥

प्रभु रघुपति तजि सेइअ काही । मोहि से^२ सठ पर ममता जाही ॥

तुम्ह विज्ञान रूप नहिं मोहा । नाथ कीन्ह मोपर अति छोहा ॥

पूँछिहु राम कथा अति पावनि । सुक सनकादि संभु मन भावनि ॥

सतसंगति दुर्लभ संसारा । निमिषि दंड भरि एकौ वारा ॥

देखु गरुड़ निज हृदयँ विचारी । मैं रघुवीर भजन अधिकारी ॥

सकुनाधम सब भाँति अपावन । प्रभु मोहि कीन्ह बिदित जगपावन ॥

दो०—आजु धन्य मैं धन्य अति जद्यपि सब विधि हीन ।

निज जन जानि राम मोहि संत समागम दीन्ह ॥

नाथ जथामति भाषेउँ राखेउँ नहिं कछु गोइ ।

चरित सिंधु रघुनायक^३ थाह कि पावइ कोइ ॥१२३॥

सुमिरि राम के^४ गुन गन नाना । पुनि पुनि हरष सुसुंड़ि सुजाना ॥

महिमा निगम नेति करि गाई । अतुलित बल प्रताप प्रभुताई ॥

सिक्क अज पूज्य चरन रघुराई । मोपर कृपा परम मृदुलाई ॥

अस सुभाव कहूँ सुनौं न देखौं । केहि खगेस रघुपति सम लेखौं ॥

१—प्र० : काज । द्वि० : प्र० । तृ०, च० : काम ।

२—प्र० : से । द्वि० : प्र० । [तृ० : ते] । च० : प्र० ।

३—प्र० : रघुनायक । द्वि० : प्र० [(५अ) : रघुनाथ कर] । [तृ०, च० : रघुनाथ कर]

४—प्र० : के । द्वि० : प्र० । [तृ०, च० : कर] ।

साधक सिद्ध विमुक्त उदासी । कवि कोविद कृतज्ञ संन्यासी ॥
जोगी सूर सुतापस ज्ञानी । धर्म निरत पंडित विज्ञानी ॥
तरहिं न विनु सेए मम स्वामी । राम नमामि नमामि नमामी ॥
सरन गए मो से अवरासी । होहिं सुद्ध नमामि अविनासी ॥

दो०—जासु नाम भव भेषज हरन घोर त्रय सूल ।

सो कृपालु मोपर सदा रहहु राम^१ अनुकूल ॥

सुनि भुसुंढि के वचन सुभ देखि राम पद नेह ।

बोलेउ प्रेम सहित गिरा गरुड़ विगत संदेह ॥१२४॥

मैं कृतकृत्य भएँ तव बानी । सुनि रघुवीर भगति रस सानी ॥
राम चरन नूतन रति भई । माया जनित विपति सब गई ॥
मोह जलधि बोहित तुम्ह भए^२ । मो कहूँ नाथ विविध सुख दए^३ ॥
मो पहिं होइ न प्रति उपकार । बंदौ तव पद वार्हि वारा ॥
पूरनकाम राम अनुरागी । तुम्हसम तात न कोउ बड़ भागी ॥
संत बिटप सरिता गिरि धरनी । परहित हेतु सबन्ह कै करनी ॥
संत हृदय नवनीत समाना । कहा कबिन्ह पै^४ कहइ न जाना ॥
निज परिताप द्रवइ नवनीता । पर दुख द्रवहिं संत सुपुनीता^५ ॥
जीवन जन्म सुफल मम भएऊ । तव प्रसाद सब संसय गएऊ ॥
जानेहु सदा मोहि निज किंकर । पुनि पुनि उमा कहइ बिहंगवर ॥

दो०—तासु चरन सिरु नाइ करि प्रेम सहित मतिधीर ।

गएउ गरुड़ बैकुंठ तब हृदयँ राखि रघुवीर ॥

१—प्र० : मोर सदा रहहु राम । द्वि० : प्र० [(३) (१) (५) : मोहि तोहि पर सदा रहहु] ।

[तू : मोतो पर सदा रहै] । [च० : मम तुम पर सदा रहहु] ।

२—प्र० : भए, दए । द्वि० : प्र० । [तू०, च० : भएऊ] ।

३—प्र० : परि । द्वि० : प्र० [(३) (१) (५) : पै] । तू० : पै । च० : तू० ।

४—प्र० : संत सुपुनीता । द्वि० : प्र० [(३) (४) (५) : सुसंत पुनीता] । तू० : च० ।

[च० : सुसंत पुनीता] ।

गिरिजा संत समागम सम न लाभ कछु आन ।

बिनु हरि कृपा न होइ सो गावहिं बेद पुरान ॥१२५॥

कहेउँ परम पुनीत इतिहासा । सुनत सवन छूटहिं भवपासा ॥

प्रनत कल्पतरु करुना पुंजा । उपजइ प्रीति राम पद कंजा ॥

मन क्रम बचन जनित अघ जाई । सुनहिं जे कथा सवन मनु लाई ॥

तीर्थाटन साधन समुदाई । जोग विराग ज्ञान निपुनाई ॥

नाना कर्म धर्म व्रत दाना । संजम दम जप तप मख नाना ॥

भूत दया द्विज गुर सेवकाई । बिद्या विनय बिबेक बड़ाई ॥

जहँ लगि साधन बेद बखानी । सब कर फल हरि भगति भवानी ॥

सो रघुनाथ भगति श्रुति गाई । राम कृपाँ काहूँ एक पाई ॥

दो०—मुनि दुर्लभ हरि भगति नर पावहिं विनहिं प्रयास ।

जे यह कथा निरंतर सुनहिं मानि बिस्वास ॥१२६॥

सोइ सर्वज्ञ गुनी सोई ज्ञाता । सोइ महि मंडन^१ पंडित दाता ॥

धर्म परायन सोइ कुलव्राता । राम चरन जाकर मन राता ॥

नीति निपुन सोइ परम सयाना । श्रुति सिद्धांत नीक तेहिं जाना ॥

सोइ^२ कवि कोविद सोइ^२ रनधीरा । जो छल छाँड़ि भजइ रघुवीरा ॥

धन्य सो देस जहाँ^३ सुरसरी । धन्य नारि पतिव्रत अनुसारी ॥

धन्य सो भूप नीति जो करई । धन्य सो द्विज निज धर्म न टरई ॥

सो धन धन्य प्रथम गति जाकी । धन्य पुन्य रत मति सोइ पाकी ॥

धन्य घरी सोइ जत्र सतसंगा । धन्य जन्म द्विज भगति अभंगा ॥

दो०—सो कुल धन्य उमा सुनु जगत पूज्य सुपुनीत ।

श्री. रघुवीर परायन जेहि नर उपज विनीत ॥१२७॥

१—प्र० : मंडन । [द्वि०, वृ० : मंडित] । [च० : मंडल] ।

२—प्र० : सोइ, सोइ । [द्वि०, वृ० : सो, सो] । च० : प्र० ।

३—प्र० : देस सो जहँ । द्वि० : प्र० [(५अ) : सो देस जहाँ] । वृ०, च० : सो देस जहाँ ।

मति अनुरूप कथा मैं भाषी । जद्यपि प्रथम गुप्त करि राखी ॥
तव मन प्रीति देखि अधिकारी । तौ मैं रघुपति कथा सुनाई ॥
यह न कहिअ सठहीं हठसीलहिं । जो मन लाइ न सुन हरि लीलहिं ॥
कहिअ न लोभिहि क्रोधिहि कामिहि । जो न भजइ सचराचर स्वामिहि ॥
द्विजद्रोहिहि न सुनाइअ कबहूँ । सुरपति सरिस होइ नृप जवहूँ ॥
राम कथा के तेइ^१ अधिकारी । जिन्ह के सतसंगति अति प्यारी ॥
गुर पद प्रीति नीति रत जेई । द्विज सेवक अधिकारी तेई ॥
ता कहूँ यह बिसेषि सुखदाई । जाहि प्रान प्रिय श्रो रघुराई ॥
दो०—राम चरन रति जौ चहै^२ अथवा पद निर्वाण ।

भाव सहित सो येहि कथा करौ^३ सवन पुट पान ॥१२८॥
राम कथा गिरिजा मैं बरनी । कलिमल समनि^४ मनोमल हरनी ॥
संसृति रोग सजीवन मूरी । राम कथा गावहिं श्रुति सूरी ॥
येहि महुँ रुचिर सप्त सोपाना । रघुपति भगति केर पंथाना^५ ॥८॥
अति हरि कृपा जाहि पर होई । पाउँ देहि येहि मारग सोई ॥
मनकामना सिद्धि नर पावा^६ । जे येह कथा कपट तजि गावा^६ ॥
कहहिं सुनिहि अनुमोदन करहीं । ते गोपद इव भवनिधि तरहीं ॥
सुनि सब कथा हृदय अति भाई । गिरजा बोलो गिरा सुहाई ॥
नाथकृपा मम गत संदेहा । राम चरन उपजेउ नव नेहा ॥
दो०—मैं कृतकृत्य भइउँ अब तव प्रसाद बिस्वेस ।

उपजी राम भगति दृढ़ बीते सकल कलेस ॥१२९॥

१—प्र० : तेइ । द्वि० : प्र० [(३) : ते] । [तु० : ते] । [च० : तुम्ह] ।

२—प्र० : चहै । द्वि० : प्र० [(५अ) : चहै] । तु० : चहै । च० : तु० ।

३—प्र० : करौ । द्वि० : प्र० । तु० : करै । च० : तु० ।

४—प्र० : समनि । द्वि० : प्र० । [तु० : समन] । च० : प्र० ।

५—प्र० : पंथाना । द्वि० : प्र० । [तु०, च० : पथ नाना] ।

६—प्र० : पावा, गाव । द्वि० : प्र० । [तु०, च० : पावै, गावै] ।

यह सुभ संभु उमा संवादा । सुख संपादन समन विषादा ॥
 भव भंजन गंजन संदेहा । जन रंजन सज्जन प्रिय येहा ॥
 राम उपासक जे जग माहीं । येहि सम प्रिय तिन्हकें कछु नाहीं ॥
 रघुपति कृपाँ जथामति गावा । मैं यह पावन चरित सुहावा ॥
 येहि कलिकाल न साधन दूजा । जोग जज्ञ जप तप व्रत पूजा ॥
 रामहि मुमिरिअ गाइअ रामहि । संतत सुनिअ राम गुन आमहि ॥
 जासु पतितपावन बड़ बाना । गावहि कवि श्रुति संत पुराना ॥
 ताहि भजिअ^१ मन तजि कुटिलाई । राम भजे गति केहि नहिं पाई ॥
 छं०—पाई न केहि गति पतितपावन राम भजि सुनु सठ मना ।

गनिका अजामिल व्याध गीध गजादि खल तारे घना ॥
 आभीर जवन किरात खस स्वपचाति अति अधरूप जे ।
 कहि नाम बारक तेऽपि पावन होहि राम नमामि ते ॥
 रघुवंसभूषन चरित येह नर कहहि सुनहिं जे गावहीं ।
 कलमल मनोमल धोइ बिनु स्रम रामधाम सिधावहीं ॥
 सत पंच चौपाई मनोहर जानि जो नर उर धरे ।
 दारुन अविद्या पंच जनित बिकार श्री रघुपति^२ हरे ॥
 सुंदर सुजान कृपानिधान अनाथ पर कर प्रीति जो ।
 सो एक राम अकाम हित निर्बानप्रद सम आन को ॥
 जाकी कृपा लव लेस ते मतिमंद तुलसीदास हूँ ।
 पाएउ परम बिस्वामु राम समान प्रभु नाहीं कहूँ ॥
 दो०—मो सम दीन न दीनहित तुम्ह समान रघुबीर ।
 अस विचारि रघुवंसमनि हरहु विषम भवभीर ॥
 कामिहि नारि पिआरि जिमि लोभिहि प्रिय जिमि दाम ।
 तिमि रघुनाथ निरंतर प्रिय लागहु मोहि राम ॥ १३० ॥

१—प्र०, दि०, तृ० : भजिअ । [च० : भजहि] ।

२—प्र० : रघुवर । दि० : प्र० । तृ० : रघुपति । च० : तृ० ।

श्लो० —यत्पूर्वं प्रभुणा कृतं सुकविना श्रीशम्भुना दुर्गमं ।
 श्रीमद्रामपदाब्जभक्तिमनिशं प्राप्त्यै तु रामायणं ॥
 मत्वा तद्रघुनाथनामनिरतं स्वान्तस्तमःशान्तये ।
 भाषाबद्धमिदं चकार तुलसीदासस्तथा मानसं ॥
 पुण्य पापहर सदा शिवकरं विज्ञानभक्तिप्रदं ।
 मायामोहभवापहं^१ सुविमलं भाम्बुपूरं शुभम् ॥
 श्रीमद्रामचरित्रमानसमिदं भक्तयावगाहन्ति ये ।
 ते संसारपतङ्गधोरकिरौर्द्वहन्ति नो मानवाः ॥

इति श्रीरामचरितमानसे सकलकलिकलुषविध्वंसने अविरल हरि-
 भक्तिसम्पादनो नाम सप्तमः सोपानः समाप्तः ।

१—प्र० : भवापहं । दि० : प्र० । [तु० : मलापहं] । [च० में यह श्लोक नहीं है] ।